

Khuddakanikāye Vinayapiṭake

Pācittiyapāliyā ca Mahāvaggapāliyā ca

Samvaṇṇanābhūtā

Bhadantamahābuddhaghosattherena katā

Samantapāsādikā nāma

PĀCITYĀDI-AṬṬHAKATHĀ



Romanized from Myanmar version published in 1986

© Buddhasāsana Society

Aṭṭhakathā Series 03

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခုူ khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဠ င္ဂa	ဣ န္ဓa	ဥ သ္ဃa	ဦ ပာ	ဣ လာ
ကျ kya	ဣ င္ဂa	ဣ န္ဓa	ဣ န္ဓa	ဣ ဝ္ဃa	ဣ လာ
ကြ kri	ဣ ဣa	ဣ န္ဓa	ဣ န္ဓa	ဣ ဝ္ဃa	ဣ ဝ္ဃa
ကလ kla	ဣ ဣာ	ဣ တာ	ဣ န္ဓာ	ဣ ဝ္ဃာ	ဣ တာ
ကွ kva	ဣ ဣာ	ဣ တာ	ဣ န္ဓာ	ဣ မ္ဃာ	ဣ တာ
ချ khya	ဣ ဣာ	ဣ တာ	ဣ န္ဓာ	ဣ မ္ဃာ	ဣ တာ
ခွ khva	ဣ ဣာ	ဣ တာ	ဣ န္ဓာ	ဣ မ္ဃာ	ဣ တာ
ဂွ gga	ဣ ဣာ	ဣ တာ	ဣ န္ဓာ	ဣ မ္ဃာ	ဣ တာ
ဣွ ggha	ဣ ဣာ	ဣ တာ	ဣ န္ဓာ	ဣ မ္ဃာ	ဣ တာ
ဂျ gya	ဣ ဣာ	ဣ တာ	ဣ န္ဓာ	ဣ မ္ဃာ	ဣ တာ
ဂြ gra	ဣ တာ	ဣ သာ	ဣ ပာ	ဣ မ္ဃာ	ဣ တာ
ကံ ṅka	ဣ တာ	ဣ သာ	ဣ ပာ	ဣ မ္ဃာ	ဣ တာ
နံ ṅkha	ဣ တာ	ဣ သာ	ဣ ပာ	ဣ မ္ဃာ	ဣ တာ
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Pācityādi-aṭṭhakathā

Mātikā

Piṭṭhaṅka

5. Pācittiyakaṇḍa

1. Musāvādavagga

1. Musāvādasikkhāpadavaṇṇanā	1
2. Omasavādasikkhāpadavaṇṇanā	4
3. Pesuññasikkhāpadavaṇṇanā	6
4. Padasodhammasikkhāpadavaṇṇanā	7
5. Sahaseyyasikkhāpadavaṇṇanā	10
6. Dutiyasahaseyyasikkhāpadavaṇṇanā	16
7. Dhammadesanāsikkhāpadavaṇṇanā	16
8. Bhūtārocanasikkhāpadavaṇṇanā	17
9. Duṭṭhullārocanasikkhāpadavaṇṇanā	19
10. Pathavīkhaṇanasikkhāpadavaṇṇanā	20

2. Bhūtagānavagga

1. Bhūtagāmasikkhāpadavaṇṇanā	25
2. Aññavādakasikkhāpadavaṇṇanā	34
3. Ujjhāpanakasikkhāpadavaṇṇanā	36
4. Paṭhamasenāsanasikkhāpadavaṇṇanā	37
5. Dutiyasenāsanasikkhāpadavaṇṇanā	42
6. Anupakhajjasikkhāpadavaṇṇanā	45
7. Nikkaḍḍhanasikkhāpadavaṇṇanā	47
8. Vehāsakuṭṭhisikkhāpadavaṇṇanā	48
9. Mahallakavīhārasikkhāpadavaṇṇanā	49
10. Sappāṇakasikkhāpadavaṇṇanā	51

Mātikā

Piṭṭhaṅka

3. Ovādavagga

1. Ovādasikkhāpadavaṇṇanā	52
2. Atthaṅgatasikkhāpadavaṇṇanā	67
3. Bhikkhunupassayasikkhāpadavaṇṇanā	69
4. Āmisasikkhāpadavaṇṇanā	70
5. Cīvaradānasikkhāpadavaṇṇanā	70
6. Cīvarasibbanasikkhāpadavaṇṇanā	71
7. Saṃvidhānasikkhāpadavaṇṇanā	72
8. Nāvābhiruhanasikkhāpadavaṇṇanā	74
9. Paripācitasikkhāpadavaṇṇanā	75
10. Rahonisajjasikkhāpadavaṇṇanā	76

4. Bhojanavagga

1. Āvasathapiṇḍasikkhāpadavaṇṇanā	76
2. Gaṇabhojanasikkhāpadavaṇṇanā	78
3. Parampabhojanasikkhāpadavaṇṇanā	83
4. Kāṇamātāsikkhāpadavaṇṇanā	86
5. Paṭhamapavāraṇasikkhāpadavaṇṇanā	88
6. Dutiyapavāraṇasikkhāpadavaṇṇanā	97
7. Vikālabhojanasikkhāpadavaṇṇanā	98
8. Sannidhikāraṇasikkhāpadavaṇṇanā	104
9. Paṇītabhojanasikkhāpadavaṇṇanā	106
10. Dantaponasikkhāpadavaṇṇanā	108

5. Acelakavagga

1. Acelakasikkhāpadavaṇṇanā	121
2. Uyyojanasikkhāpadavaṇṇanā	121
3. Sabhojanasikkhāpadavaṇṇanā	122

Mātikā		Piṭṭhaṅka
6. Cārittāsikkhāpadavaṇṇanā	...	123
7. Mahānāmasikkhāpadavaṇṇanā	...	124
8. Uyyuttasenāsikkhāpadavaṇṇanā	...	125
9. Senāvāsāsikkhāpadavaṇṇanā	...	126
10. Uyyodhikasikkhāpadavaṇṇanā	...	126

6. Surāpānavagga

1. Surāpānasikkhāpadavaṇṇanā	...	126
2. Aṅgulipatodakasikkhāpadavaṇṇanā	...	128
3. Hasadhammasikkhāpadavaṇṇanā	...	128
4. Anādariyasikkhāpadavaṇṇanā	...	129
5. Bhimsāpanasikkhāpadavaṇṇanā	...	129
6. Jotisikkhāpadavaṇṇanā	...	130
7. Nahānasikkhāpadavaṇṇanā	...	130
8. Dubbaṇṇakaraṇāsikkhāpadavaṇṇanā	...	131
9. Vikappanasikkhāpadavaṇṇanā	...	131
10. Cīvarāpanidhānasikkhāpadavaṇṇanā	...	132

7. Sappāṇakavagga

1. Sañciccaṇāsikkhāpadavaṇṇanā	...	132
2. Sappāṇakasikkhāpadavaṇṇanā	...	133
3. Ukkoṭanasikkhāpadavaṇṇanā	...	134
4. Duṭṭhullāsikkhāpadavaṇṇanā	...	134
5. Ūnavīsativassāsikkhāpadavaṇṇanā	...	135
6. Theyyasatthāsikkhāpadavaṇṇanā	...	137
7. Saṁvidhānasikkhāpadavaṇṇanā	...	137
8. Ariṭṭhāsikkhāpadavaṇṇanā	...	138
9. Ukkhittasambhogāsikkhāpadavaṇṇanā	...	139
10. Kaṇṭakasikkhāpadavaṇṇanā	...	140

Mātikā

Piṭṭhaṅka

8. Sahadhammikavagga

1. Sahadhammikasikkhāpadavaṇṇanā	140
2. Vilekhanasikkhāpadavaṇṇanā	141
3. Mohanasikkhāpadavaṇṇanā	146
4. Pahārasikkhāpadavaṇṇanā	147
5. Talasattikasikkhāpadavaṇṇanā	148
6. Amūlakasikkhāpadavaṇṇanā	148
7. Sañcicasikkhāpadavaṇṇanā	148
8. Upassutisikkhāpadavaṇṇanā	149
9. Kammaṭṭibāhanasikkhāpadavaṇṇanā	149
10. Chandamadatvāgamanasikkhāpadavaṇṇanā	150
11. Dubbalasikkhāpadavaṇṇanā	150
12. Pariṇāmanasikkhāpadavaṇṇanā	150

9. Ratanavagga

1. Antepurasikkhāpadavaṇṇanā	151
2. Ratanasikkhāpadavaṇṇanā	152
3. Vikālagāmappavisanasikkhāpadavaṇṇanā	153
4. Sūciḡharasikkhāpadavaṇṇanā	154
5. Mañcasikkhāpadavaṇṇanā	155
6. Tūlonaddhasikkhāpadavaṇṇanā	155
7. Nisīdanasikkhāpadavaṇṇanā	155
8. Kaṇḍupaṭicchādisikkhāpadavaṇṇanā	156
9. Vassikasāṭikasikkhāpadavaṇṇanā	156
10. Nandattherasikkhāpadavaṇṇanā	156

6. Pāṭidesanīyakaṇḍa 157

7. Sekhiyakaṇḍa 161

8. Satthādhikaraṇasamatha 172

Pācityādi-aṭṭhakathāya Mahāvibhaṅge mātikā niṭṭhitā.

Mātikā

Piṭṭhaṅka

Bhikkhunīvibhaṅgavaṇṇanā

	1. Pārājikakaṇḍa	173
	2. Saṅghādisesakaṇḍa	180
	3. Nissaggiyakaṇḍa	190
	4. Pācittiyakaṇḍa	195
1. Lasuṇavagga		195
2. Andhakāravagga		202
3. Naggavagga		205
4. Tuvaṭṭavagga		209
5. Cittāgāravagga		212
6. Ārāmaṅgavagga		215
7. Gabbhinivagga		219
8. Kumāribhūtavagga		222
9. Chattupāhanavagga		226
	5. Pāṭidesanīyakaṇḍa	230

Pācityādi-aṭṭhakathāya ubhatovibhaṅge mātikā niṭṭhitā.

Mahāvagga-aṭṭhakathā

Mātikā

Piṭṭhanka

1. Mahākhandhaka

Bodhikathā	233
Ajapālakathā	238
Mucalindakathā	239
Rājāyatanakathā	240
Brahmayācanakathā	242
Pañcavaggiyakathā	245
Pabbajjākathā	247
Dutiyamārakathā	252
Bhaddavaggiyakathā	252
Uruvelapāṭihāriyakathā	252
Bimbisārasamāgamakathā	253
Sāriputtamoggallānapabbajjākathā	255
Upajjhāyavattakathā	257
Saddhivihārikavattakathā	263
Nasammāvattanādikathā	263
Rādhabrahmaṇavatthukathā	264
Ācariyavattakathā	265
Paṇāmanākhamanākathā	266
Nissayapaṭippassaddhikathā	267
Upasampādetabbapañcakakathā	270
Upasampādetabbachakkakathā	272
Aññatitthiyapubbavatthukathā	272
Pañcābādhavatthukathā	277
Rājabhaṭavattukathā	278
Coravatthukathā	278
Īṇāyikavatthukathā	280

Mātikā			Piṭṭhaṅka
Dāsavatthukathā	282
Kammārabhaṇḍuvatthādikathā	284
Rāhulavatthukathā	286
Sikkhāpadadaṇḍakammavatthukathā	294
Anāpucchāvaraṇavatthu-ādikathā	295
Paṇḍakavatthukathā	297
Theyyasaṁvāsakavatthukathā	298
Titthiyapakkantakathā	302
Tiracchānagatavatthukathā	303
Mātughātakādivatthukathā	304
Ubhatobyañjanakatthukathā	306
Anupajjhāyakādivatthukathā	307
Apattakādivatthukathā	307
Hatthacchinnādivatthukathā	308
Alajjīnissayavatthukathā	313
Gamikādinissayavatthukathā	314
Upasampadāvidhikathā	315
Cattāronissayādikathā	316

2. Uposathakkhandhaka

Sannipātānujānanādikathā	317
Sīmānujānanakathā	318
Uposathāgārādikathā	330
Avippavāsasīmānujānanakathā	331
Gāmasīmādikathā	333
Uposathabhedādikathā	337
Pātimokkhuḍdesakathā	338
Adhammakammaṭṭhikkosanādikathā	340
Pakkhagaṇanādi-uggahaṇanānujānanakathā	341
Disaṅgamikādivatthukathā	342
Pārisuddhidānakathā	343

Mātikā	Piṭṭhaṅka
Chandadānakathā	344
Samghuposathādikathā	344
Āpattipaṭikammavidhikathā	345
Anāpattipannarasakādikathā	346
Sīmokkantikaṭṭhā	346
Liṅgādidassanakathā	347
Nagantabbagantabbavāarakathā	347
Vajjanīyapuggalasandassanakathā	348

3. Vassūpanāyikakkhandhaka

Vassūpanāyikānujānanakathā	349
Vassānecārikāpaṭikkhepādikathā	349
Sattāhakarāṇīyānujānanakathā	350
Pañcannamappahitepi-anujānanakathā	350
Pahiteyeva-anujānanakathā	351
Antarāye-anāpattivassacchedakathā	352
Samghabhede-anāpattivassacchedakathā	353
Vajādisuvassūpagamanakathā	353
Adhammikakatikādikathā	354
4. Pavāraṇākkhandhaka	356
5. Cammakkhanda	364
6. Bhesajjakkhandhaka	372
7. Kathinakkhandhaka	387
8. Cīvarakkhandhaka	396
9. Campeyyakkhandhaka	427
10. Kosambakakkhandhaka	431

Vinayasamvaṇṇanāyaṃ Mahāvagga-aṭṭhakathāya mātikā niṭṭhitā.

Vinayaṭṭaka

Pācityādi-aṭṭhakathā

Namo tassa Bhagavato Arahato Sammāsambuddhassa.

5. Pācittiyakaṇḍa

1. Musāvādavagga

1. Musāvādasikkhāpadavaṇṇanā

Yesam navahi vaggehi, saṅgaho suppatiṭṭhito.
Khuddakānaṃ ayaṃ dāni, tesam bhavati vaṇṇanā.

1. Tattha musāvādavaggassa tāva paṭṭhamasikkhāpade **Haṭṭhakoti** tassa therassa nāmaṃ. Sakyānaṃ puttoti **Sakyaputto**. Buddhakāle kira Sakyakulato asīti purisasahassāni pabbajīmsu, tesam so aññataroti. **Vādakkhittoti** “vādaṃ karissāmi”ti evaṃ parivitakkiteṇa vādena paravādisantikam khitto pakkhitto, pahito pesitoti attho. Vādamhi vā sakena cittena khitto, yatra yatra vādo, tatra tatveva sandissatīpi vādakkhitto. **Avajānitvā paṭijānāti**ti attano vāde kañci dosam sallakkhento “nāyam mama vādo”ti avajānitvā puna kathento kathento niddosataṃ sallakkhetvā “mameva ayaṃ vādo”ti paṭijānāti. **Paṭijānitvā avajānāti**ti kismiñciveva vacane ānisaṃsaṃ sallakkhento “ayaṃ mama vādo”ti paṭijānitvā puna kathento kathento tattha dosam

sallakkhetvā “nāyaṃ mama vādo”ti avajānāti. **Aññenaññaṃ paṭicaratīti** aññena kāraṇena aññaṃ kāraṇaṃ paṭicarati paṭicchādeti ajjhottharati. “Rūpaṃ aniccaṃ jānitabbato”ti vatvā puna “jātidhammato”ti-ādīni vadati. Kurundiyaṃ pana “etassa¹ paṭicchādanahetuṃ aññaṃ bahuṃ kathetī”ti vuttaṃ. Tatrāyaṃ adhippāyo, yaṃ taṃ paṭijānanañca avajānanañca, tassa paṭicchādanatthaṃ “ko āha, kiṃ āha, kismiṃ āhā”ti evamādiṃ bahuṃ bhāsatīti. Puna Mahā-aṭṭhakathāyaṃ “avajānitvā paṭijānanto paṭijānitvā avajānanto eva ca aññenaññaṃ paṭicarati”ti vuttaṃ. **Sampajānamusā bhāsatīti** jānanto musā bhāsatī. **Sanṅketam katvā visamvādetīti** purebhattādīsu “asukasmiṃ nāma kāle asukasmiṃ nāma padese vādo hotū”ti sanṅketam katvā sanṅketato pure vā pacchā vā gantvā “passatha bho, titthiyā na āgatā parājitā”ti pakkamati.

2. **Sampajānamusāvādeti** jānitvā jānantassa ca musā bhaṇane.

3. **Visamvādanapurekkhārassāti** visamvādanacittaṃ purato katvā vadantassa. **Vācāti** micchāvācāpariyāpannavacanasamuṭṭhāpikā cetanā. **Girāti** tāya cetanāya samuṭṭhāpitasaddaṃ dasseti. **Byappathoti** vacanapatho, vācāyeva hi aññesampi diṭṭhānugatimāpajjantānaṃ pathabhūtaṃ “byappatho”ti vuccati. **Vacībhedoti** vacīsaññitāya vācāya bhedo, pabhedagatā vācā eva evaṃ vuccati. Vācasikā viññattīti **vacīviññatti**. Evaṃ paṭhamapadena suddhacetanā, majjhe tīhi taṃsamuṭṭhāpitasaddasahitā cetanā, ante ekena viññattisahitā cetanā kathitāti veditabbā. **Anariyavohārāti** anariyānaṃ bālaputhujjanānaṃ vohārā.

Evaṃ sampajānamusāvādaṃ dassetvā idāni ante vuttānaṃ sampajānamusāvādasanṅkhātānaṃ anariyavohārānaṃ lakkhaṇaṃ dassento **adiṭṭham diṭṭham meti**-ādimāha. Tattha “adiṭṭham diṭṭham me”ti evaṃ vadato vacanaṃ taṃsamuṭṭhāpikā vā cetanā eko anariyavohārōti iminā nayena attho veditabbo. Apicettha cakkhavasena aggahitārammaṇaṃ adiṭṭham. Sotavasena aggahitaṃ asutaṃ. Ghānādivasena munitvā² tīhi indriyehi ekābaddhaṃ viya katvā patvā aggahitaṃ amutaṃ. Aññaṭṭha pañcahi indriyehi

1. Ekassa (Sī)

2. Mutvā (Sī, Ka)

suddhena viññāṇeneva aggahitaṃ aviññātanti veditabbaṃ. Pāliyaṃ pana **adiṭṭhaṃ nāma na cakkhunā diṭṭhanti** evaṃ oḷārikeneva nayena desanā katāti. Diṭṭhādīsu ca attanāpi parenapi diṭṭhaṃ diṭṭhameva. Evaṃ sutamutaviññātānīti ayameko pariyāyo. Aparo nayo¹ yaṃ attanā diṭṭhaṃ, diṭṭhameva taṃ. Esa nayo sutādīsu. Yaṃ pana parena diṭṭhaṃ, taṃ attanā sutatṭhāne tiṭṭhati. Evaṃ mutādīnīpi.

4. Idāni tesāṃ anariyavohārānaṃ vasena āpattiṃ āropetvā dassento **tīhākārehīti**-ādimāha. Tassattho “tīhi ākārehi paṭhamāṃ jhānaṃ samāpajjin”ti sampajānamusā bhaṇantassa āpatti pārājikassāti evamādicatutthapārājikapāḷivaṇṇanāyaṃ vuttanayeneva veditabbo. Kevalaṅhi tattha paṭhamāṃ jhānaṃ samāpajjinti, idha adiṭṭhaṃ diṭṭhaṃ meti, tattha ca āpatti pārājikassāti, idha āpatti pācittiyassāti evaṃ vatthumatte āpattimatte ca viseso, sesāṃ ekalakkhaṇamevāti.

9. **Tīhākārehi diṭṭhe vematikoti**-ādīnāmpi attho “diṭṭhassa hoti pārājikaṃ dhammaṃ ajjhāpajjanto diṭṭhe vematiko”ti evamādiduṭṭhadosaḷivaṇṇanāyaṃ vuttanayeneva veditabbo. Pāḷimattameva hi ettha viseso, atthe pana satheravāde kiñci nānākaraṇaṃ natthi.

11. **Sahasā bhaṇatīti** avīmaṃsitvā anupadhāretvā vā vegena diṭṭhampi “adiṭṭhaṃ me”ti bhaṇati. **Aññaṃ bhaṇissāmīti aññaṃ bhaṇatīti** mandattā jaḷattā pakkhalanto “cīvaran”ti vattabbe “cīran”ti-ādīṃ bhaṇati. Yo pana sāmaṇerena “api bhante mayhaṃ upajjhāyaṃ passitthā”ti vutto keḷiṃ kurumāno “tava upajjhāyo dārusakaṭaṃ yojetvā gato bhavissatī”ti vā siṅgālasaddaṃ sutvā “kassāyaṃ bhante saddo”ti vutto “mātuyā te yānena gacchantiyā kaddame laggacakkaṃ uddharantānaṃ² ayaṃ saddo”ti vā evaṃ neva davā na ravā aññaṃ bhaṇati, so āpattiṃ āpajjatiyeva. Aññā pūraṇakathā nāma hoti, eko gāme thokaṃ telāṃ labhitvā vihāraṃ āgato sāmaṇeraṃ bhaṇati “tvaṃ ajja kuhiṃ gato, gāmo ekatelo ahoṣī”ti vā pacchikāya ṭhapitaṃ pūvakhaṇḍaṃ

1. Aparo pana (Syā, Ka)

2. Uddhārentānaṃ (Sī)

labhitvā “ajja gāme pacchikāhi pūve cāresun”¹ti vā, ayaṃ musāvādova hoti. Sesaṃ uttānamevāti.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Musāvādasikkhāpadaṃ paṭhamāṃ.

2. Omasavādasikkhāpadavaṇṇanā

12. Dutiyasikkhāpade **omasantīti** ovijjhanti. **Khum̐sentīti** akkosanti. **Vambhentīti** padhaṃsenti.

13. **Bhūtapubbanti** idaṃ vatthum̐ Bhagavā omasavādagarahaṇatthaṃ āhari. **Nandivisālo nāmāti** Nandīti tassa balībaddassa² nāmaṃ, visāṇāni panassa visālāni, tasmā **Nandivisāloti** vuccati. Bodhisatto tena samayena Nandivisālo nāma hoti³, brāhmaṇo taṃ yāgubhattādīhi ativiya posesi. Atha so brāhmaṇaṃ anukampamāno **gaccha tvanti**-ādimāha. **Tattheva aṭṭhāsīti** ahetaḥkapaṭṭisandhikālepi parakhum̐sanāṃ amanāpatoyeva pacesi, tasmā brāhmaṇassa dosaṃ dassetukāmo aṭṭhāsī. **Sakaṭasataṃ atibaddhaṃ pavatṭesīti** paṭipāṭiyā ṭhapetvā heṭṭhārukkhe datvā ekābaddhaṃ katvā muggamāsavālukādīhi puṇṇaṃ sakaṭasataṃ pavatṭento kiñcāpi pubbe paṭiṭṭhitārappadesaṃ puna are patte pavatṭitaṃ hoti, bodhisatto pana purimasakaṭena paṭiṭṭhitaṭṭhāne pacchimasakaṭaṃ paṭiṭṭhāpetum̐ sakaṭasatappamāṇaṃ padesaṃ pavatṭesi. Bodhisattānaṃ hi sithilakaraṇaṃ nāma natthi. **Tena cattamano ahūti** tena brāhmaṇassa dhanalābhena attano kammena ca so Nandivisālo attamano ahosi.

1. Vāresunti (Sī), hariṃsūti (Syā)

2. Balīvaddassa (Sī, Syā)

3. Tena samayena hoti (Sī, Syā, Sāratthadīpanīṭikāyaṃ ca)

15. **Akkosenapīti** ettha pana yasmā parato “dve akkosā hīno ca akkoso, ukkaṭṭho cā”ti vibhajitukāmo, tasmā yathā pubbe “hīnenapi akkosena khumsenti”ti vuttam, evam avatvā “akkosena” iccevamāha. **Venajātīti**¹ tacchakajāti, veṇukārajātītipi vadanti. **Nesādajātīti** migaluddakādijāti².

Rathakārajātīti cammakārajāti. **Pukkusajātīti** pupphachaddakajāti. **Avakaṇṇakādi** dāsānam nāman hoti, tasmā hīnam. **Oññātanti** avaññātām. Uññātantipi paṭhanti. **Avaññātanti** vambhetvā ñātām. **Hīlitanti** jigucchitam. **Paribhūtanti** “kimetenā”ti paribhavakataṃ. **Acittikatanti** na garukataṃ.

Koṭṭhakakammanti tacchakakammaṃ. **Muddāti** hatthamuddāgaṇanā. **Gaṇanāti** acchiddakādi-avasesagaṇanā. **Lekhāti** akkharalekhā. Madhumehābādho vedanāya abhāvato “ukkaṭṭho”ti vutto. **Pāṭikaṅkhāti** icchitabbā. **Yakārena vā bhakārena vāti** yakārabhakāre yojetvā yo akkoso. **Kāṭakoṭacikāya vāti kāṭanti** purisanimittam. **Koṭacikāti** itthinimittam. Etehi vā yo akkoso, eso hīno nāma akkosoti.

16. Idāni tesam jāti-ādīnam pabhedavasena āpattim ropetvā dassento **upasampanno upasampannanti-ādīmāha**. Tattha **khurusetukāmo vambhetukāmo maṅkukattukāmoti** akkositukāmo padhamisitukāmo garahitukāmo, nittejam kattukāmoti attho. **Hīnena hīnanti** hīnena jātivacanena hīnajātikam³. Etena upāyena sabbapadesu attho veditabbo.

Ettha ca hīnena hīnam vadanto kiñcāpi saccam vadati, omasitukāmatāya panassa vācāya vācāya pācittiyam. Ukkaṭṭhena hīnam vadanto ca kiñcāpi alīkam bhaṇati, omasitukāmatāya pana imināva sikkhāpadena pācittiyam āpajjati, na purimena. Yopi “aticañḍālosi, atibrāhmaṇosi, duṭṭhacañḍālosi, duṭṭhabrāhmaṇosi”ti-ādīni vadati, sopi āpattiyā kāretabbo.

1. Venajātīti (Sī, Syā, Ka)

2. Migaluddakajāti (Ka)

3. Hīnajātiyā (Syā, Ka)

26. **Santi idhekacce**ti vāre pana pariharitvā vuttabhāvena dukkaṭaṃ. Eseva nayo **ye nūna -pa- na mayanti** vāresupi. Anupasampanne pana catūsipi pāresu dukkaṭameva. “Corosi, gaṇṭhibhedakosī”ti-ādivacanehi pana upasampannepi anupasampannepi sabbavāresu dukkaṭameva. Davakamyatāya pana upasampannepi anupasampannepi sabbavāresu dubbhāsitaṃ. Davakamyatā nāma keḷihasādhippāyatā¹. Imasmim ca sikkhāpade ṭhapetvā bhikkhuṃ bhikkhunī-ādayo sabbasattā anupasampannaṭṭhāne ṭhitāti veditabbā.

35. **Atthapurekkhārassāti**-ādīsu Pāliya atthaṃ vaṇṇayanto **atthapurekkhāro**. Pāliṃ vācento **dhammapurekkhāro**. Anusiṭṭhiyaṃ ṭhatvā “idānipi caṇḍālosi, pāpaṃ mā akāsi, mā tamo tamaparāyaṇo² ahoṣī”ti-ādinaṃ nayena kathento **anusāsanīpurekkhāro** nāmāti veditabbo. Sesam uttānameva.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyam, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti. **Dubbhāsītāpatti** panettha vācācittato samuṭṭhāti, kiriyam, saññāvimokkhaṃ, sacittakaṃ, akusalacittaṃ, dvivedanaṃ sukhā ca majjhata cāti.

Omasavādasikkhāpadaṃ dutiyaṃ.

3. Pesuññasikkhāpadavaṇṇanā

36. Tatiyasikkhāpade **bhaṇḍana-jātānanti** sañjātabhaṇḍanaṃ. **Bhaṇḍananti** kalahassa pubbhāgo, “iminā ca iminā ca idaṃ kataṃ, evaṃ vutte evaṃ vakkhāmā”ti-ādikaṃ sakasakapakkhe sammantaṃ³. **Kalahoti** āpattigāmiko kāyavācāvītikkamo. **Vivādoti** viggāhikakathā. Tam vivādaṃ āpanānaṃ **vivādāpanānaṃ**. **Pesuññanti** piṣuṇavācaṃ⁴, piyabhāvassa suññakaraṇavācanti vuttaṃ hoti.

1. Keḷihasādhippāyatā (Si)

3. Samantaṃ (Ka)

2. Mā tamosi, mā tamaparāyano (Syā, Ka)

4. Piṣuṇabhāvaṃ (Ka)

37. **Bhikkhupesuññeti** bhikkhūnaṃ pesuññe, bhikkhuto sutvā bhikkhunā bhikkhussa upasaṃhaṭapesuññeti attho.

38. **Dvīhākārehīti** dvīhi kāraṇehi. **Piyakamyassa vāti** “evaṃ ahaṃ etassa piyo bhavissāmi”ti attano piyabhāvaṃ patthayamānassa vā. **Bhedādhippāyassa vāti** “evamayāṃ etena saddhiṃ bhijjissatī”ti parassa parena bhedaṃ icchantassa vā. **Jātitopīti**-ādi sabbaṃ purimasikkhāpade vuttanayameva. Idhāpi bhikkhunim ādim katvā sabbe anupasampannā nāma.

Na piyakamyassa na bhedādhippāyassāti ekaṃ akkosantaṃ ekañca khamantaṃ disvā “aho nillajjo, īdisampi nāma bhavantaṃ puna vattabbaṃ maññissatī”ti evaṃ kevalaṃ pāpagrahitāya bhaṇantaṃ anāpatti. Sesāṃ uttānatthameva. Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Pesuññasikkhāpadaṃ tatiyaṃ.

4. Padasodhammasikkhāpadavaṇṇanā

44. Catutthasikkhāpade **appatissāti** appatissavā, upāsakāti vutta¹ vacanampi na sotukāmā, anādarāti attho. Appatissayā vā, anīcavuttinoti attho. **Asabhāgavuttikāti** visabhāgajīvikā, yathā bhikkhūsu vattitabbaṃ, evaṃ appavattavuttinoti attho.

45. **Padaso dhammaṃ vāceyyāti** ekato padaṃ padaṃ dhammaṃ vāceyya, koṭṭhāsaṃ koṭṭhāsaṃ vāceyyāti attho. Yasmā pana taṃ koṭṭhāsanāmakāṃ padaṃ catubbidhaṃ hoti, tasmā taṃ dassetuṃ “padaṃ anupadaṃ anvakkharaṃ anubyañjanaṃ”ti padabhājanaṃ vuttaṃ. Tattha **padanti** eko gāthāpādo adhippeto. **Anupadanti** dutiyapādo. **Anvakkharanti** ekekamakkharaṃ. **Anubyañjananti** purimabyañjanaṃ sadisaṃ pacchābyañjanaṃ. Yaṃkiñci vā ekamakkharaṃ anvakkharaṃ, akkharasamūho anubyañjanaṃ, akkharānubyañjanasamūho padaṃ. Paṭhamapadaṃ padameva, dutiyaṃ anupadanti evamettha nānākaraṇaṃ veditabbaṃ.

1. Vutte (Sī, Syā)

Idāni **padarṃ nāma ekato paṭṭhapetvā ekato osāpentīti** gāthābandham dhammarṃ vācento “manopubbaṅgamā dhammā”ti ekamekarṃ padarṃ sāmaṇerena saddhim ekato ārabhitvā ekato yeva niṭṭhāpeti. Evam vācentassa padagaṇanāya pācittiyā veditabbā. **Anupadarṃ nāma pāṭekkarṃ paṭṭhapetvā ekato osāpentīti** therena “manopubbaṅgamā dhammā”ti vutte sāmaṇero taṃ padarṃ apāpuṇitvā “manoseṭṭhā manomayā”ti dutiyapadarṃ ekato bhaṇati, ime pāṭekkarṃ paṭṭhapetvā ekato osāpenti nāma. Evam vācentassāpi anupadagaṇanāya pācittiyā. **Anvakkhararṃ nāma “rūparṃ aniccan”ti vuccamāno “rū”ti opātetīti** “rūparṃ aniccanti bhaṇa sāmaṇerā”ti vuccamāno rūkāramattameva ekato vatvā tiṭṭhati. Evam vācentassāpi anvakkharagaṇanāya pācittiyā. Gāthābandhepi ca esa nayo labbhatiyeva. **Anubyañjanarṃ nāma “rūparṃ aniccan”ti vuccamāno “vedanā aniccā”ti saddarṃ nicchāretīti** rūparṃ bhikkhave aniccarṃ vedanā aniccāti imarṃ suttarṃ vācayamāno therena rūparṃ aniccanti vuccamāno sāmaṇero sīghapaññatāya vedanā aniccāti imarṃ aniccapadarṃ therassa rūparṃ aniccanti etena aniccapadena saddhim ekato bhaṇanto vācarṃ nicchāreti. Evam vācentassāpi anubyañjanagaṇanāya pācittiyā. Ayaṃ panettha saṅkhepo, imesu padādīsu yaṃ yaṃ ekato bhaṇati, tena tena āpattim āpajjatīti.

Buddhabhāsīti sakalarṃ Vinayapiṭakarṃ, Abhidhammapiṭakarṃ, Dhammapadarṃ, Cariyāpiṭakarṃ, Udānarṃ, Itivuttakarṃ, Jātakarṃ, Suttanipāto, Vimānavatthu, Petavatthu, Brahmajālādīni ca suttāni. **Sāvakabhāsīti** catuparisapariyāpannehi sāvakehi bhāsīto Anaṅgaṇasammādiṭṭhi-anumānasuttacūḷavedallamahāvedallādiko. **Isibhāsīti** bāhiraparibbājakehi bhāsīto sakalo paribbājakavaggo, Bāvariyaṃ antevāsikānarṃ soḷasannarṃ brāhmaṇānarṃ pucchāti evamādi. **Devatābhāsīti** devatāhi bhāsīto, so Devatāsaṃyuttadevaputtasaṃyuttamārasaṃyuttabrahmasaṃyuttasakkasaṃyuttādivasena veditabbo.

Atthūpasāñhitoti Aṭṭhakathānissīto. **Dhammūpasāñhitoti** Pālinissīto, ubhayenāpi vivaṭṭūpanissītameva vadati. Kiñcāpi vivaṭṭūpanissītarṃ vadati, tisso saṅgītiyo āruḷhadhammaṃyeva pana padaso vācentassa

āpatti. Vivaṭṭūpanissitepi nānābhāsāvasena gāthāsilokabandhādīhi abhisankhate anāpatti. Tisso saṅgītiyo anāruḷhepi Kulumbasuttam, Rājovādasuttam, tikkhindriyam, Catuparivaṭṭam, Nandopanandanti īdise āpattiyeva. Apalāladamanampi vuttam, Mahāpaccariyampana paṭisiddham. Meṇḍakamilindapañhesu therassa sakapaṭibhāne anāpatti, yaṃ rañño saññāpanattham āharitvā vuttam, tattha āpatti. Vaṇṇapiṭaka-aṅgulimālapītakaraṭṭhapālagajjita-āḷavakagajjitaḷhamagga¹ ḷhavessantaraguḷhavinayavedallapiṭakāni pana abuddhavacanāniyevāti vuttam. Sīlūpadeso nāma Dhammasenāpatinā vuttoti vadanti, tasmim āpattiyeva. Aññānīpi maggakathā-ārammaṇakathābuddhikadaṇḍaka²ññāvatthu-asubhakathādīni atthi, tesu sattatimsa bodhipakkhiyadhammā vibhattā, dhutaṅgapañhe paṭipadā vibhattā, tasmā tesu āpattīti vuttam. Mahāpaccariyādīsu pana saṅgītim anāruḷhesu Rājovādatikkhindriyacatuparivaṭṭanandopanandakulumbasuttasuyeva āpattīti vatvā avasesesu yaṃ Buddhavacanato āharitvā vuttam, tadeva āpattivatthu hoti, na itaranti ayamatto pariggahito.

48. **Ekato uddisāpentoti** anupasampanna saddhim ekato uddesaṃ gaṇhantopi³ ekato vadati anāpattīti attho.

Tatrāyam vinicchayo—upasampanno ca anupasampanno ca nisīditvā uddisāpenti. Ācariyo nisinnānam bhaṇāmīti tehi saddhim ekato vadati, ācariyassa āpatti. Anupasampanna saddhim gaṇhantassa anāpatti. Dvepi ṭhitā gaṇhanti, eseva nayo. Daharabhikkhu nisinno, sāmaṇero ṭhito, nisinnassa bhaṇāmīti bhaṇato anāpatti. Sace daharo tiṭṭhati, itaro nisīdati, ṭhitassa bhaṇāmīti bhaṇatopi anāpatti. Sace bahūnam bhikkhūnam antare eko sāmaṇero nisinno hoti, tasmim nisinne padaso dhammam vācentassa ācariyassa acittakāpatti. Sace sāmaṇero upacāram muñcitvā ṭhito vā nisinno vā hoti, yesam vāceti, tesu apariyāpannattā ekena disābhāgena palāyanakagantham nāma gaṇhātīti saṅkhyam gacchati, tasmā anāpatti. Ekato sajjhāyam karontopi anupasampanna saddhim upasampanno ekato sajjhāyam

1. Gūḷha-ummagga (Sī)

2. Buddhikadaṇḍaka (Sī, Syā)

3. Bhaṇantopi (Ka)

karonto tena saddhiṃyeva bhaṇati, anāpatti. Anupasampannassa santike uddesaṃ gaṇhantassapī tena saddhiṃ ekato bhaṇantassa anāpatti. Ayampi hi ekato sajjhāyaṃ karoticceva saṅkhyāṃ gacchati.

Yebhuyyena paṇaṇaṃ ganthaṃ bhaṇantaṃ opātetīti sace ekagāthāya eko pādo na āgacchati, sesaṃ āgacchati, ayaṃ yebhuyyena paṇaṇagantho nāma. Etena nayena suttepi veditabbo. Taṃ opātentassa evaṃ bhaṇāhīti ekatopi bhaṇantassa anāpatti. **Osārentaṃ opātetīti** suttaṃ uccārentaṃ parisamajjhe parisāṅkamānaṃ evaṃ vadehīti tena saddhiṃ ekatopi vadantassa anāpatti. Yaṃ pana Mahāpaccariyādīsu “mayā saddhiṃ mā vadāti vutto yadi vadati, anāpatti”ti vuttaṃ, taṃ Mahā-aṭṭhakathāyaṃ natthi, natthibhāvoyeva cassa yutto. Kasmā? Kiriyaṣamuṭṭhānattā. Itarathā hi kiriyākiriyaṃ bhavyeya. Sesaṃ uttānatthameva.

Padasodhammasamuṭṭhānaṃ vācato ca vācācittato ca samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjaṃ, vacīkammaṃ, ticittaṃ, tivedananti.

Padasodhammasikkhāpadaṃ catutthaṃ.

5. Sahaseyyasikkhāpadavaṇṇanā

49. Pañcamasikkhāpade **muṭṭhassatī asampajānāti** pubbabhāge satisampajāññassa akaraṇavasenetāṃ vuttaṃ, bhavaṅgotiṇṇakāle pana kuto satisampajāññanti. **Vikūjamānāti** vippalapamānā. **Kākacchamānāti** nāsāya kākāsaddaṃ viya niratthakasaddaṃ muñcamānā. **Upāsakāti** paṭhamataraṃ utṭhita-upāsakā.

50. **Etadavocunti** Bhagavatā āvuso Rāhula sikkhāpadaṃ paññattanti bhikkhū sikkhāpadagāraveneva etaṃ avocum. Pakatiyā pana te Bhagavati ca gāravena āyasmato ca Rāhulassa sikkhākāmatāya tassa āyasmato vasaṇaṭṭhānaṃ āgatassa cūḷamañcakaṃ vā apassenāṃ vā yaṃ atthi, taṃ paññāpetvā cīvaraṃ vā uttarāsaṅgaṃ vā ussīsakaraṇatthāya

dentī. Tatridaṃ tassāyasmato sikkhākāmatāya—bhikkhū kira taṃ dūratova āgacchantāṃ disvā muṭṭhisammuñjaniṅca kacavarachaḍḍanakaṅca bahi khipanti. Athaññehi “āvuso kenidaṃ pātitaṃ”ti vutte aññe evaṃ vadanti “bhante Rāhulo imasmim̄ padese sañcari, tena nu kho pātitaṃ”ti. So panāyasmā “na mayhaṃ bhante idaṃ kamman”ti ekadivasampi avatvā taṃ paṭisāmetvā bhikkhū khamāpetvā gacchati. **Vaccakuṭiyā seyyaṃ kappesīti** taṃyeva sikkhākāmataṃ anubrūhanto Dhammasenāpatimahāmoggallāna-ānandattherādīnaṃ santikaṃ agantvā Bhagavato vaḷaṅjanakavaccakuṭiyāṃ seyyaṃ kappesi. Sā kira kuṭi kavāṭabaddhā gandhaparibhaṇḍakatā samosaritapupphadāmā cetiyaṭṭhānamiva tiṭṭhati, aparibhogā aññesaṃ.

51. **Uttaridirattatirattanti** Bhagavā sāmaṇerānaṃ saṅgahakaraṇatthāya tirattaṃ parihāraṃ adāsi. Na hi yuttaṃ kuladārake pabbajetvā nānuggahetunti. **Sahaseyyanti** ekato seyyaṃ. **Seyyāti** kāyappasāraṇasaṅkhātāṃ sayanampi vuccati, yasmim̄ senāsane sayanti, tampi. Tattha senāsanaṃ tāva dassetuṃ **seyyā nāma sabbacchannāti**-ādi vuttaṃ. Kāyappasāraṇaṃ dassetuṃ **anupasampanne nipanne bhikkhu nipajjatīti**-ādi vuttaṃ. Tasmā ayamettha attho “senāsanaṃsaṅkhātāṃ seyyaṃ pavisitvā kāyappasāraṇasaṅkhātāṃ seyyaṃ kappeyya vidaheyya sampādeyyā”ti. **Sabbacchannāti**-ādinā pana tassā senāsanaṃsaṅkhātāya seyyāya lakkhaṇaṃ vuttaṃ. Tasmā yaṃ senāsanaṃ upari pañcahi chadanehi aññena vā kenaci sabbameva paṭicchannaṃ, yaṃ sabbacchannā nāma seyyā. Aṭṭhakathāsu pana pākāṭavohāraṃ gahetvā vācuggatavasena “sabbacchannā nāma pañcahi chadanehi channā”ti vuttaṃ. Kiñcāpi vuttaṃ, atha kho dussakuṭiyāṃ sayantassāpi¹ na sakkā anāpatti kātuṃ, tasmā yaṃkiñci paṭicchādanasamatthaṃ idha chadanaṅca paricchannaṅca veditabbaṃ, pañcavidhacchadaneyeva hi gayhamāne padaracchannepi sahaseyyā na bhaveyya. Yaṃ pana senāsanaṃ bhūmito paṭṭhāya yāva chadanaṃ āhacca pākārena vā aññena vā kenaci antamaso vatthenāpi parikkhittaṃ, yaṃ sabbapariicchannā nāma seyyā. Chadanaṃ anāhacca sabbantimena pariyāyena diyaḍḍhahatthubbedhena pākārādinā parikkhittāpi sabbapariicchannāyevāti Kurundaṭṭhakathāyaṃ vuttaṃ. Yassā pana upari bahutaraṃ ṭhānaṃ channaṃ appaṃ acchannaṃ,

1. Vasantassapi (Sī, Syā)

samantato vā bahutaraṃ parikkhitaṃ appaṃ aparikkhitaṃ, ayaṃ **yebhuyyena channā yebhuyyena paricchannā** nāma. Iminā hi lakkhaṇena samannāgato sacepi sattabhūmako pāsādo ekūpacāro hoti, satagabbhaṃ vā catussālaṃ vā, ekaseyyā-icceva saṅkhyāṃ gacchati. Taṃ sandhāya vuttaṃ **catutthe divase atthaṅgate sūriye anupasampanne nipanne bhikkhu nipajjati, āpatti pācittiyassāti-ādi.**

Tattha ca nipajjanamatteneva pācittiyāṃ. Sace pana sambahulā sāmaṇerā eko bhikkhu, sāmaṇeragaṇanāya pācittiyā. Te ce uṭṭhāyuṭṭhāya nipajjanti, tesāṃ payoge payoge bhikkhussa āpatti. Bhikkhussa uṭṭhāyuṭṭhāya nipajjane pana bhikkhusseva payogena bhikkhussa āpatti. Sace pana sambahulā bhikkhū, eko sāmaṇero, sabbesaṃ āpattiṃ karoti, tassa uṭṭhāyuṭṭhāya nipajjanenapi bhikkhūnaṃ āpattiyeva. Ubhayesaṃ sambahulabhāvepi e seva nayo.

Apicettha ekāvāsādikampi catukkaṃ veditabbaṃ, yo hi ekasmiṃ āvāse ekeneva anupasampanna saddhiṃ tirattaṃ sahasseyyaṃ kappeti, tassa catutthadivasato paṭṭhāya devasikā āpatti. Yopi ekasmiṃyeva āvāse nānā-anupasampannehi saddhiṃ tirattaṃ sahasseyyaṃ kappeti, tassapi. Yopi nānā-āvāsesu ekeneva anupasampanna saddhiṃ tirattaṃ sahasseyyaṃ kappeti, tassapi. Yopi nānā-āvāsesu nānā-anupasampannehi saddhiṃ yojanasatampi gantvā sahasseyyaṃ kappeti, tassapi catutthadivasato paṭṭhāya devasikā āpatti.

Ayañca sahasseyyāpatti nāma “bhikkhuṃ ṭhapetvā avaseso anupasampanno nāmā”ti vacanato tiracchānagatenapi saddhiṃ hoti, tatra tiracchānagatassa paricchedo methunadhammāpattiyā vuttanayeneva veditabbo. Tasmā sacepi godhābiḷālamaṅgusādīsū koci pavisitvā bhikkhuno vasanasenāsane ekūpacāraṭṭhāne sayati, sahasseyyāva hoti.

Yadi pana thambhānaṃ upari katapāsādassa uparimatalena saddhiṃ asambaddhabhittikassa bhittiyā upari ṭhitasusiratulāsīsassa susirena pavisitvā tulāya abbhantare sayitvā teneva susirena nikkhamitvā gacchati,

heṭṭhāpāsāde sayitabhikkhussa anāpatti. Sace chadane chiddam hoti, tena pavisitvā antochadane vasitvā teneva pakkamati, nānūpacāre uparimatale chadanabbhantare sayitassa āpatti, heṭṭhimatale sayitassa anāpatti. Sace antopāsādeneva ārohitvā sabbatalāni paribhuñjanti, ekūpacārāni honti, tesu yattha katthaci sayitassa āpatti.

Sabhāsaṅkhepena kate aḍḍhakuṭṭakasenāsane sayitassa vālasaṅghāḍḍisu kapotādayo pavisitvā sayanti, āpattiyeva. Parikkhepassa bahigate nibbakosabbhantare¹ sayanti, anāpatti. Parimaṇḍalam vā caturassam vā ekacchadanāya gabbhamālāya satagabbham cepi senāsanam hoti, tatra ce ekena sādharāṇadvārena pavisitvā visum pākārena aparicchinnagabbhūpacāre sabbagabbhe pavisanti, ekagabbhepi anupasampanne nipanne sabbagabbhesu nipannānam āpatti, sace sapamukhā gabbhā honti, pamukhassa upari acchannam uccavatthukam cepi hoti, pamukhe sayito gabbhe sayitānam āpattim na karoti, sace pana gabbhacchadaneneva saddhim sambaddhacchadanam hoti, tatra sayito sabbesam āpattim karoti. Kasmā? Sabbacchannattā sabbaparicchannattā ca, gabbhaparikkhepoyeva hissa parikkhepoti. Eteneva hi nayena Aṭṭhakathāsu lohāpāsādaparikkhepassa catūsu dvārakoṭṭhakesu āpatti vuttā.

Yam pana Andhakaṭṭhakathāyam “aparikkhitte pamukhe anāpattīti bhūmiyam vinā jagatiyā pamukham sandhāya kathitan”ti vuttam, tam Andhakaṭṭhe pāṭekkasannivesā ekacchadanā gabbhapāḷiyo sandhāya vuttam. Yañca tattha “bhūmiyam vinā jagatiyā”ti vuttam, tam neva Aṭṭhakathāsu atthi, na Pāḷiyā sameti. Dasahatthubbedhāpi hi jagati parikkhepasāṅkhyam na gacchati, tasmā yampi tattha dutiyasikkhāpade jagatiyā pamāṇam vatvā “etam ekūpacāram paricchannam nāma hoti”ti vuttam, tam na gahetabbam. Yepi ekasāla dvisāla tisālacatussālasannivesā mahāpāsādā ekasmim okāse pāde dhovitvā pavitṭhena sakkā honti sabbattha anuparigantum, tesupi sahaseyyāpattiyā na muccati. Sace tasmim tasmim ṭhāne upacāram paricchinditvā katā honti, ekūpacāraṭṭhāneyeva āpatti.

1. Nimbakosabbhantare (Si)

Dvīhi dvārehi yuttassa sudhāchadanamaṇḍapassa majjhe pākāraṃ karonti. Ekena dvārena pavasitvā ekasmiṃ paricchede anupasampanno sayati, ekasmiṃ bhikkhu, anāpatti. Pākāre godhādīnaṃ pavisanamattampi chiddaṃ hoti, ekasmiṃca paricchede godhā sayanti, anāpattiyeva. Na hi chiddena gehaṃ ekūpacāraṃ nāma hoti. Sace pākāramajjhe chinditvā dvāraṃ yojenti, ekūpacāratāya āpatti. Taṃ dvāraṃ kavāṭena pidahitvā sayanti, āpattiyeva. Na hi dvārapidahanena gehaṃ nānūpacāraṃ nāma hoti, dvāraṃ vā advāraṃ. Kavāṭaṃ hi saṃvaraṇavivaraṇehi yathāsukhaṃ vaḷaṅjanatthāya kataṃ, na vaḷaṅjanūpacchedanatthāya. Sace pana taṃ dvāraṃ puna iṭṭhakāhi pidahanti, advāraṃ hoti, purime nānūpacārabhāveveva tiṭṭhati. Dīghapamukhaṃ cetiyagharaṃ hoti. Ekaṃ kavāṭaṃ anto ekaṃ bahi, dvinnaṃ kavāṭānaṃ antare anupasampanno antocetiyaghare sayantassa āpattiṃ karoti, ekūpacārattā.

Tatra yassa “siyā ayaṃ ekūpacāranānūpacāratā nāma Udositasikkhāpade vuttā, idha pana ‘seyyā nāma sabbacchannā sabbapariicchannā yebhuyyena channā yebhuyyena pariicchannā’ti ettakameva vuttaṃ, pihitadvāro ca gabbho sabbapariicchinnova hoti. Tasmā tattha anto sayiteneva saddhiṃ āpatti, bahi sayitena anāpatti”ti. So evaṃ vattabbo “apihitadvāre pana kasmā bahi sayitena āpatti”ti. Pamukhassa gabbhena saddhiṃ sabbacchannattā. “Kiṃ pana gabbhe pihite chadanaṃ viddhastāṃ hoti”ti. Na viddhastāṃ, gabbhena saddhiṃ pamukhassa sabbapariicchannatā¹ na hoti. “Kiṃ parikkhepo viddhasto”ti. Addhā vakkhati “na viddhasto, kavāṭena upacāro pariicchanno”ti, evaṃ dūrampi gantvā puna ekūpacāranānūpacāratāmyeva paccāgamissati.

Apica yadi byaṅjanamatteyeva attho suviññeyyo siyā, sabbacchannāti vacanato pañcannaṃ aññatarena chadanaena channā eva seyyā siyā, na aññena. Evañca sati padaracchannādīsu anāpatti siyā. Tato yadatthaṃ sikkhāpadaṃ paññattaṃ, sveva attho parihāyeyya. Parihāyatu vā mā vā, kathaṃ avuttaṃ gahetabbanti. Ko vā vadati “avuttaṃ gahetabban”ti. Vuttañhetāṃ aniyatesu “paṭicchannaṃ nāma āsanaṃ kuṭṭena vā kavāṭena vā

1. Sabbapariicchannattā (Syā)

kilañjēna vā sāṇipākāreṇa vā rukkhēna vā thambhēna vā koṭṭhalikāya¹ vā yēna kenaci paṭicchannaṃ hotī”ti. Tasmā yathā tattha yēna kenaci paṭicchannaṃ paṭicchannaṃeva, evamidhāpi² gahetabbaṃ. Tasmā senāsaṇaṃ khuddakaṃ vā hotu mahantaṃ vā, aññēna saddhiṃ sambaddhaṃ vā asambaddhaṃ vā, dīghaṃ vā vaṭṭaṃ vā caturassaṃ vā, ekabhūmaṃ vā anekabhūmaṃ vā yaṃ yaṃ ekūpacāraṃ, sabbattha yēna kenaci paṭicchādanēna sabbacchāne, sabbaparicchāne, yebhuyyēna vā chāne yebhuyyēna paricchāne sahasēyyāpatti hotīti.

53. **Upaḍḍhacchāne upaḍḍhaparicchāne āpatti dukkaṭassāti** ettha sabbacchāne upaḍḍhaparicchāneti evamādīsūpi Mahāpaccariyaṃ dukkaṭamevāti vuttaṃ. Mahā-aṭṭhakathāyaṃ paṇa “sabbacchāne yebhuyyēnaparicchāne pācittiyaṃ, sabbacchāne upaḍḍhaparicchāne pācittiyaṃ, yebhuyyēnācchāne upaḍḍhaparicchāne pācittiyaṃ, sabbaparicchāne yebhuyyēnācchāne pācittiyaṃ, sabbaparicchāne upaḍḍhacchāne pācittiyaṃ, yebhuyyēnaparicchāne upaḍḍhacchāne pācittiyaṃ, Pāliyaṃ vuttapācittiyēna saddhiṃ satta pācittiyāni”ti vuttaṃ. “Sabbacchāne cūlakaparicchāne dukkaṭaṃ, yebhuyyēnācchāne cūlakaparicchāne dukkaṭaṃ, sabbaparicchāne cūlakacchāne dukkaṭaṃ, yebhuyyēnaparicchāne cūlakacchāne dukkaṭaṃ, Pāliyaṃ dukkaṭēna saha pañca dukkaṭāni”ti vuttaṃ.

Upaḍḍhacchāne cūlakaparicchāne anāpatti, upaḍḍhaparicchāne cūlakacchāne anāpatti, cūlakacchāne cūlakaparicchāne anāpatti. Sabbacchāne sabba-āparicchāneti ca ettha senambamaṇḍapavaṇṇaṃ hotīti vuttaṃ. Imināpetāṃ veditabbaṃ yathā jagati parikkhepasāṅkhyāṃ na gacchatīti. Sesāṃ uttānatthameva.

Elakalomasamuṭṭhānaṃ kāyato ca kāyacittato ca samuṭṭhāti, kiriyāṃ, nosaññāvīmokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Sahasēyyasikkhāpadaṃ pañcamāṃ.

1. Kotthalikāya (Sī), kotthaliyā (Vi 1. 287 piṭṭhe)

2. Evamidhāpi taṃ (Syā), evamidhāpīti (Ka)

6. Dutiyasahaseyyasikkhāpadavaṇṇanā

55. Dutiyasahaseyyasikkhāpade **āvasathāgāranti** āgantukānaṃ vasanāgāraṃ. **Paññattarṃ hotīti** puññakāmatāya katvā ṭhapitaṃ hoti. **Yena sā itthī tenupasaṅkamīti** asukasmim nāma ṭhāne āvasathāgāraṃ paññattarṃ atthīti manussānaṃ sutvā upasaṅkami. **Gandhagandhinīti** agarukuṅkumādīnaṃ gandhānaṃ gandho gandhagandho, so assā atthīti gandhagandhinī. **Sātakam nikkhipitvāti** “appeva nāmassa imampi vipākāraṃ passantassa rāgo uppajjeyyā”ti cintetvā evamakāsi. **Okkhipitvāti** adho khipitvā. **Accayoti** aparādho. **Maṃ accagamāti** maṃ atikkamma abhibhavitvā pavatto. Sesāṃ paṭhamasikkhāpade vuttanayeneva veditabbaṃ. Ayameva hi viseso paṭhamasikkhāpade catutthadivase āpatti, idha paṭhamadivasepi. Yakkhīpetīhi dissamānakarūpāhi tiracchānagatitthiyā ca methunadhammavattubhūtāya eva dukkaṭaṃ, sesāhi anāpatti. Samuṭṭhānādīni paṭhamasadisānevāti.

Dutiyasahaseyyasikkhāpadaṃ chaṭṭham.

7. Dhammadesanāsikkhāpadavaṇṇanā

60. Sattamasikkhāpade **gharaṇīti** gharasāminī. **Nivesanadvāreti** nivesanassa mahādvāre. **Gharasūṇhāti** tasmim ghare suṇhā. **Āvasathadvāreti** ovarakadvāre. **Vissatṭhenāti** suniggatena saddena. **Vivaṭenāti** suṭṭhu pakāsenā asaṃvutena. **Dhammo desetabboti** ayaṃ saraṇasīlādibhedo dhammo kathetabbo. **Aññātunti** ājānitum. **Viññunā purisaviggahenāti** viññunā purisena, purisaviggahaṃ gahetvāpi ṭhitena na yakkhena na petena na tiracchānagatena.

66. **Anāpatti viññunā purisaviggahenāti** viññunā purisaviggahena saddhim ṭhitāya bahumpi dhammaṃ desetassa anāpatti. **Chappañcavācāhīti** chahi pañcahi vācāhi yo deseti, tassapi anāpatti. Tattha eko gāthāpādo ekavācāti evaṃ sabbattha vācāpamāṇaṃ veditabbaṃ. Sace Aṭṭhakathaṃ Dhammapadaṃ Jātakādivatthum vā kathetukāmo hoti, chappañcapadamattameva

kathetuṃ vaṭṭati. Pāliyā saddhiṃ kathentena ekapadaṃ Pāḷito pañca Aṭṭhakathātoti evaṃ cha padāni anatikkāmetvāva kathetabbo. Padasodhamme vuttappabhedo hi idhāpi sabbo dhammoyeva. **Tasmim̐ desetīti** tasmim̐ khaṇe deseti. Sampadānatthe vā etaṃ bhummavacanaṃ. Tassā desetīti attho. **Aññissā mātugāmassāti** ekissā deshevā puna āgatāgatāya aññissāpi desetīti evaṃ ekāsane nisinno mātugāmasatasahassannampi desetīti attho. Mahāpaccariyaṭṭhakathāyaṃ vuttaṃ samaṃ nisinnānaṃ mātugāmānaṃ “tumhākaṃ ekekissā ekekaṃ gāthaṃ desessāmi, taṃ suṇāthāti deseti, anāpatti. Paṭhamaṃ ekekissā ekekaṃ gāthaṃ kathessāmi ābhogaṃ katvā jānāpetvā kathetuṃ vaṭṭati, na pacchā”ti. **Pañhaṃ pucchati pañhaṃ puṭṭho kathetīti** mātugāmo “Dīghanikāyo nāma bhante kimatthaṃ dīpetī”ti vucchati, evaṃ pañhaṃ puṭṭho bhikkhu sabbaṃ cepi Dīghanikāyaṃ katheti, anāpatti. Sesametta uttānatthameva.

Padasodhammasamuṭṭhānaṃ vācato ca vācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, vacīkammaṃ, ticittaṃ, tivedananti.

Dhammadesanāsikkhāpadaṃ sattamaṃ.

8. Bhūtārocanasikkhāpadavaṇṇanā

67. Aṭṭhamasikkhāpade vatthukathāya tāva yaṃ vattabbaṃ siyā, taṃ sabbaṃ catutthapārājikavaṇṇanāyaṃ vuttanayameva. Ayameva hi viseso, tattha abhūtaṃ ārocesuṃ, idha bhūtaṃ. Bhūtampi puthujjanā ārocesuṃ, na ariyā. Ariyānañhi payuttavācā nāma natthi, attano guṇe ārocayamāne pana aññe na paṭisedhesuṃ, tathā-uppanne ca paccaye sādiyimsu tathā-uppanabhāvaṃ ajānantā.

Atha kho te bhikkhū Bhagavato etamatthaṃ ārocesunti—ādimhi pana ye uttarimanussadhammassa vaṇṇaṃ bhāsimsu, te ārocesunti veditabbaṃ. **Kacci pana vo bhikkhave bhūtaṃ** pucchite pana sabbepi **bhūtaṃ Bhagavāti** paṭijānimsu. Ariyānampi hi abbhantare bhūto uttarimanussadhammoti. Atha

Bhagavā ariyamissakattā “moghapurisā”ti avatvā **kathañhi nāma tumhe bhikkhaveti** vatvā **udarassa kāraṇā**ti-ādimāha. Tattha yasmā ariyā aññesaṃ sutvā “ayyo kira bhante sotāpanno”ti-ādinā nayena pasannehi manussehi pucchiyamānā apaññatte sikkhāpade anādīnavadassino suddhacittatāya attano ca paresaṅca visesādhigamaṃ paṭijānimsu. Evaṃ paṭijānantehi ca tehi yaṃ aññe udarassa kāraṇā uttarimanussadhammassa vaṇṇaṃ bhāsivā piṇḍapātaraṃ uppādesuṃ, taṃ suddhacittatāya sādiyantehipi udarassa kāraṇā uttarimanussadhammassa vaṇṇo bhāsito viya hoti. Tasmā sabbasaṅgāhikeneva nayena “kathañhi nāma tumhe bhikkhave udarassa kāraṇā gihīnaṃ aññamaññaṃ uttarimanussadhammassa vaṇṇaṃ bhāsissathā”ti āha. Sesāṃ catutthapārājikavatthusadisameva. Sikkhāpadavibhaṅgapi kevalaṃ tattha pārājikañceva thullaccayaṅca, idha bhūtattā pācittiyañceva dukkaṭaṅca, ayaṃ viseso. Sesāṃ vuttanayameva.

77. **Upasampannassa bhūtaṃ āroce**tīti uttarimanussadhammeva sandhāya vuttaṃ. Parinibbānakāle hi antarā vā atikaḍḍhiyamānena upasampannassa bhūtaṃ āroce tuṃ vaṭṭati. Sutapariyattisīlaguṇaṃ pana anupasampannassāpi āroce tuṃ vaṭṭati. Ādikammikassa anāpatti. Ummattakassāti idaṃ pana idha na vuttaṃ. Kasmā? Diṭṭhisampannānaṃ ummādassa vā cittaḥkhepassa vā abhāvāti. Mahāpaccariyampi hi vicāritaṃ “jhānalābhī pana pariḥīne jhāne ummattako bhaveyya, tassapi bhūtārocanapaccayā anāpatti na vattabbā, bhūtasseva abhāvato”ti. Sesāṃ uttānameva.

Bhūtārocanaṃ nāmetaṃ pubbe avuttehi tīhi samuṭṭhānehi samuṭṭhāti kāyato vācato kāyavācato cāti, kiriyāṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, kusalābyākatacittēhi dvicittaṃ, sukhamajjhattavedanāhi dvivedananti.

Bhūtārocanasikkhāpadaṃ aṭṭhamaṃ.

9. Duṭṭhullārocanasikkhāpadavaṇṇanā

78. Navamasikkhāpade **duṭṭhullā nāma āpatti cattāri ca pārājikāni terasa ca saṅghādisesāti** imissā Pāḷiyā pārājikāni duṭṭhullasaddatthadassanattamaṃ vuttāni, saṅghādisesamaṃ pana idha adhippetanti Aṭṭhakathāsu vuttamaṃ. Tatrāyamaṃ vicāraṇā—sace pārājikaṃ ārocentassa pācittiyamaṃ na bhavēyya, yathā samānepi bhikkhubhikkhunīnaṃ upasampannasadda yattha bhikkhunī anadhippetā hoti, tattha bhikkhumaṃ ṭhapetvā avaseso anupasampannoti vuccati, evamidha samānepi pārājikasamghādisesānaṃ duṭṭhullasadda yadi pārājikaṃ anadhippetamaṃ, “duṭṭhullā nāma āpatti terasa saṅghādisesā”ti etadeva vattabbaṃ siyā. Tattha bhavēyya “yo pārājikaṃ āpanno, so bhikkhubhāvato cuto, tasmā tassa āpattimaṃ ārocento dukkaṭamaṃ āpajjati”ti. Evaṃ sati akkosantopi dukkaṭamaṃ āpajjēyya, pācittiyameva ca āpajjati. Vuttaṇhetamaṃ “asuddho hoti puggalo aññataramāṃ pārājikaṃ dhammaṃ ajjhāpanno, tañce asuddhadiṭṭhi samāno okāsaṃ kārapetvā akkosādhippāyo vadati, āpatti omasavādassā”ti¹. Evaṃ Pāḷiyā vicāriyamānāya pārājikaṃ ārocentassāpi pācittiyameva dissati, kiñcāpi dissati, atha kho sabba-aṭṭhakathāsu vuttattā **Aṭṭhakathācariyāva** ettha pamāṇamaṃ, na aññā vicāraṇā. Pubbepi ca avocumha “Buddhena dhammo vinayo ca vutto, yo tassa puttehi tatheva ñāto”ti-ādi². Aṭṭhakathācariyā hi Buddhassa adhippāyamaṃ jānanti.

Imināpi cetamaṃ pariyaēyena veditabbaṃ, aññatra bhikkhusammutiyāti hi vuttamaṃ, bhikkhusammutiyā ca ārocanamaṃ āyatimaṃ samvarattthāya puna tathārūpaṃ āpattimaṃ anāpajjanattthāya Bhagavatā anuññātaṃ, na tassa bhikkhuno avaṇṇamattappakāsanattthāya, sāsane cassa³ patiṭṭhānisedhanattthāya. Na ca pārājikaṃ āpannassa puna tathārūpāya āpattiyā anāpajjanena bhikkhubhāvo nāma atthi. Tasmā “pārājikāni duṭṭhullasaddatthadassanattamaṃ vuttāni, saṅghādisesamaṃ pana idhādhippetan”ti yamaṃ Aṭṭhakathāsu vuttamaṃ, tamaṃ suvuttameva.

1. Vi 1. 254 piṭṭhe.

2. Vi-Ṭṭha 1. 3 piṭṭhe.

3. Na sāsane vāssa (Sī), na sāsane tassa (Syā)

80. **Atthi bhikkhusammuti āpattipariyantā**ti-ādīsu pana yā ayaṃ bhikkhusammuti vuttā, sā na katthaci āgatā, idha vuttattāyeva pana abhiṇhāpattikaṃ bhikkhuṃ disvā “evamesa paresu hirottappenāpi āyatim saṃvaram āpajjissatī”ti tassa bhikkhuno hitesitāya tikkhattuṃ apaloketvā saṃghena kātabbāti veditabbāti.

82. **Aduṭṭhullaṃ āpattim āroceti, āpatti dukkaṭassāti** pañcapi āpattikkhandhe ārocentassa dukkaṭaṃ. Mahāpaccariyaṃ pana pārājikaṃ ārocentassapi dukkaṭameva vuttaṃ. **Anupasampannassa duṭṭhullaṃ vā aduṭṭhullaṃ vā ajjhācāranti** ettha ādito pañca sikkhāpadāni duṭṭhullo nāma ajjhācāro, sesāni aduṭṭhullo¹. Sukkavissatṭhikāyasaṃsaggaduṭṭhulla-attakāmā panassa ajjhācāro nāmāti vuttaṃ.

83. **Vatthuṃ ārocetīti** “ayaṃ sukkavissatṭhim āpanno, duṭṭhullaṃ āpanno, attakāmaṃ āpanno, kāyasaṃsaggaṃ āpanno”ti evaṃ vadantassa anāpatti. **Āpattim ārocetīti** ettha “ayaṃ pārājikaṃ āpanno, saṃghādisesaṃ, thullaccayaṃ, pācittiyaṃ, pāṭidesanīyaṃ, dukkaṭaṃ, dubbhāsitaṃ āpanno”ti vadati, anāpatti. “Ayaṃ asuciṃ mocetvā saṃghādisesaṃ āpanno”ti-ādinā pana nayena vatthunā saddhim āpattim ghaṭetvā ārocentasseva āpatti. Sesamettha uttānameva.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Duṭṭhullārocanasikkhāpadaṃ navamaṃ.

10. Pathavīkhaṇanasikkhāpadavaṇṇanā

86. Dasamasikkhāpade **jātā ca pathavī² ajātā ca pathavī²**ti imehi padehi jātapathaviñca ajātapathaviñca dasseti. **Appapāsāṇā**dīsu appā³ pāsāṇā etthāti appapāsāṇāti evamattho daṭṭhabbo. Tattha

1. Aduṭṭhullāni (Ka)

2. Paṭhavī (Sī, Syā)

3. Appam (Sī)

muṭṭhippamāṇato upari pāsāṇāti veditabbā, muṭṭhippamāṇā sakkharā. Kathalāti¹ kapālakhaṇḍāni. Marumbāti kaṭasakkharā. Vālikāti vālukāyeva. **Yebhuyyenapaṃsukā**ti tīsu koṭṭhāsesu dve koṭṭhāsā paṃsu, eko pāsāṇādīsu aññataro². **Adaḍḍhāpī**ti uddhanapattapacanakumbhakārāvāpādivasena tathā tathā adaḍḍhā. Sā pana visum natthi, suddhapaṃsu-ādīsu aññatarāva veditabbā. **Yebhuyyenasaṅkharā**ti bahutarā sakkharā³. Hatthikucchiyaṃ kira ekapacchipūraṃ āharāpetvā doṇiyaṃ dhovivā pathaviyā yebhuyyena sakkharabhāvaṃ ṇatvā sayam bhikkhū pokkharāṇim khaṇimsu. Yāni pana majjhe **appapaṃsu appamattikā**ti dve padāni, tāni yebhuyyenapāsāṇādipaṇcakameva pavisanti. Tesāmyeva hi dvinnam pabhedadassanametaṃ. **Sayaṃ khaṇati, āpatti pācittiyassā**ti ettha pahāre pahāre pācittiyam veditabbaṃ. **Sakim āṇatto bahukampi khaṇatī**ti sacepi sakaladivasam khaṇati, āṇāpakassa ekāmyeva pācittiyam. Sace pana kusito hoti, punappunam āṇāpetabbo. Tam āṇāpetvā khaṇāpentassa vācāya vācāya pācittiyam. Ayaṃ tāva Pāḷivaṇṇanā.

Ayaṃ pana Pāḷimuttakavinicchayo—“pokkharāṇim khaṇā”ti vadati, vaṭṭati. Khatāyeva hi pokkharāṇi nāma hoti, tasmā ayaṃ kappiyavohāro. Esa nayo “vāpim taḷākam āvātam khaṇā”ti-ādīsipi. “Imam okāsam khaṇa, imasmim okāse pokkharāṇim khaṇā”ti vattum pana na vaṭṭati. “Kandaṃ khaṇa, mūlaṃ khaṇā”ti aniyāmetvā vattum vaṭṭati. “Imam vallim khaṇa, imasmim okāse kandaṃ vā mūlaṃ vā khaṇā”ti vattum na vaṭṭati. Pokkharāṇim sodhenti yo kuṭṭhi ussiṇcituṃ sakkā hoti tanukakaddamo, tam apānetum vaṭṭati, bahalaṃ⁴ na vaṭṭati. Ātapena sukkhakaddamo phalati, tatra yo heṭṭhā pathaviyā asambaddho, tameva apānetum vaṭṭati. Udana gataṭṭhāne udakappaṭako nāma hoti, vātappahārena calati, tam apānetum vaṭṭati.

Pokkharāṇi-ādīnaṃ taṭam bhijjivā udakasāmantā patati. Sace omakacātumāsam ovaṭṭham, chinditum vā bhinditum vā vaṭṭati, cātumāsato uddham

1. Kathalāti (Sī)

3. Bahutarasakkharā (?)

2. Aññatarakoṭṭhāso (Ka)

4. Bahalo (Ka)

na vaṭṭati. Sace pana udayeva patati, deve atirekacātumāsāṃ ovaṭṭhepi udayeva udakassa patitattā vaṭṭati. Pāsāṇapitṭhiyaṃ soṇḍim khaṇanti, sace tattha paṭhamameva sukhumaraṃ patati, tañce devena ovaṭṭhaṃ hoti, cātumāsaccayena akappiyapathavīsankhyaṃ gacchati. Udaye pariyādiṇṇe soṇḍim sodhentehi taṃ vikopetuṃ na vaṭṭati. Sace paṭhamameva udakena pūrati, pacchā raṃ patati, taṃ vikopetuṃ vaṭṭati. Tattha hi deve vassantepe udayeva udakaṃ patatīti. Pitṭhipāsāṇe sukhumaraṃ hoti, deve phusāyante allīyati, tampi cātumāsaccayena vikopetuṃ na vaṭṭati. Sace pana akatapabbhāre vammiko uṭṭhito hoti, yathāsukhaṃ vikopetuṃ vaṭṭati. Sace abbhokāse uṭṭhahati, omakacātumāsāṃ ovaṭṭhoyeva vaṭṭati. Rukkhādīsū āruḷha-upacikā mattikāyapi eseva nayo.

Gaṇḍuppādagūthamūsikukkarā¹gokaṇṭakādīsūpi eseva nayo.

Gokaṇṭako nāma gāvīnaṃ khuracchinnakaddamo vuccati. Sace pana heṭṭhimatalena bhūmisambandho hoti, ekadivasampi na vaṭṭati. Kasitaṭṭhānēpi naṅgalacchinnamattikāpiṇḍaṃ gaṇhantassa eseva nayo. Purāṇasenāsanāṃ hoti acchadanāṃ vā vinaṭṭhacchadanāṃ vā, atirekacātumāsāṃ ovaṭṭhaṃ jātapathavīsankhyameva gacchati. Tato avasesāṃ chadaniṭṭhakaṃ vā gopānasī-ādikaṃ upakaraṇāṃ vā “iṭṭhakaṃ gaṇhāmi, gopanasim, bhittipādaṃ, padarattharaṇāṃ, pāsāṇatthambhaṃ gaṇhāmī”ti saññāya gaṇhituṃ vaṭṭati. Tena saddhim mattikā patati, anāpatti. Bhittimattikaṃ gaṇhantassa pana āpatti. Sace yā yā atintā, taṃ taṃ gaṇhāti, anāpatti.

Antogehe mattikāpuṅjo hoti, tasmim ekadivasāṃ ovaṭṭhe gehaṃ chādenti, sace sabbo tinto, cātumāsaccayena jātapathavīyeva. Athassa uparibhāgoyeva tinto, anto atinto. Yattakaṃ tintaṃ, taṃ kappiyakārahehi kappiyavohārena apanāmetvā sesāṃ yathāsukhaṃ vaḷaṅgetuṃ vaṭṭati. Udayeva temetvā ekābaddhāyeva hi jātapathavī hoti, na itarāti.

1. ...mūsikakukkarā (Sī, Syā, Ka)

Abbhokāse mattikāpākāro hoti, atirekacātumāsam ce ovaṭṭho, jātapathavīsankhyaṃ gacchati. Tattha laggapaṃsum pana allahatthena chupitvā gahetum vaṭṭati. Sace iṭṭhakaṇṭhāro hoti, yebhuyyenakathalaṭṭhāne tiṭṭhati, yathāsukhaṃ vikopetum vaṭṭati. Abbhokāse ṭhitamaṇḍapatthambhaṃ ito cito ca sañcāletvā pathaviṃ vikopentena gahetum na vaṭṭati, ujukameva uddharitum vaṭṭati. Aññampi sukkharukkhaṃ vā sukkhakhāṇukaṃ vā gaṇhantassa eseva nayo. Navakammattamaṃ pāsāṇaṃ vā¹ rukkhaṃ vā daṇḍakehi uccāletvā pavaṭṭentā gacchanti, tattha pathavī bhijjati. Sace suddhacittā pavaṭṭenti, anāpatti. Atha pana tena apadesena pathaviṃ bhinditukāmāyeva honti, āpatti. Sākhādīni kaḍḍhantānampi pathaviyaṃ dārūni phālentānampi eseva nayo.

Pathaviyaṃ aṭṭhisūcikaṇṭhakādīsipi yaṃkiñci ākoṭetum vā pavasetum vā na vaṭṭati. Passāvadhārāya vegena pathaviṃ bhindissāmīti evaṃ passāvampi kātum na vaṭṭati. Karontassa bhijjati, āpatti. Visamabhūmiṃ samaṃ karissāmīti sammuñjaniyā ghaṃsitumpi na vaṭṭati, vattasīseneva hi sammajjitabbaṃ. Keci kattarayaṭṭhiyā bhūmiṃ koṭṭenti, pādaṅguṭṭhakena vilikhanti, “caṅkamitaṭṭhānaṃ dassessāmā”ti punappunaṃ bhūmiṃ bhindantā caṅkamanti, sabbaṃ na vaṭṭati. Vīriyasampaggahatthaṃ pana samaṇadhammaṃ karontena suddhacittena caṅkमितum vaṭṭati, “hatthaṃ dhovissāmā”ti pathaviyaṃ ghaṃsanti, na vaṭṭati. Aghaṃsantena pana allahatthaṃ pathaviyaṃ ṭhapetvā rajaṃ gahetum vaṭṭati. Keci kaṇḍukacchū-āḍīhi ābādhikā chinnataṭṭhāni aṅgapaccaṅgāni ghaṃsanti, na vaṭṭati.

87. **Khaṇati vā khaṇāpeti vā**ti antamaso pādaṅguṭṭhakenapi sammajjanīsalākāyapi sayam vā khaṇati, aññena vā khaṇāpeti. **Bhindati vā bhedāpeti vā**ti antamaso udakampi chaḍḍento sayam vā bhindati, aññena vā bhindāpeti. **Dahati vā dahāpeti vā**ti antamaso pattampi pacanto sayam vā dahati, aññena vā dahāpeti. Yattakesu ṭhānesu aggim deti vā dāpeti vā, tattakāni pācittiyāni. Pattam pacantenapi hi pubbe pakkaṭṭhāneyeva pacitabbo, adaḍḍhāya pathaviyā aggim ṭhapetum na vaṭṭati. Pattapacanakapālassa pana upari aggim ṭhapetum vaṭṭati. Dārūnaṃ upari

1. Thambhaṃ vā pāsāṇaṃ vā (Sī)

ṭhapeti, so aggi tāni dahanto gantvā pathaviṃ dahati, na vaṭṭati.
Iṭṭhakakapālādīsupi¹ eseva nayo.

Tatrāpi hi iṭṭhakādīnaṃyeva upari ṭhapetuṃ vaṭṭati. Kasmā? Tesāṃ anupādānattā. na hi tāni aggiṣṣa upādānasaṅkhyāṃ gacchanti. Sukkhakhāṇusukkhārakkhādīsupi aggiṃ dātuṃ na vaṭṭati. Sace pana pathaviṃ appattameva nibbāpetvā gamissāmīti deti, vaṭṭati. Pacchā nibbāpetuṃ na sakkoti, avisayattā anāpatti. Tiṇukkāṃ gahetvā gacchanto hatthe ḍayhamāne bhūmiyaṃ pātehi, anāpatti. Patitaṭṭhāneyeva upādānaṃ datvā aggiṃ kātuṃ vaṭṭatīti Mahāpaccariyaṃ vuttaṃ. Daḍḍhapathaviyā ca yattakāṃ ṭhānaṃ usumāya anugataṃ, sabbaṃ vikopetuṃ vaṭṭatīti tattheva vuttaṃ. Yo pana ajānanako bhikkhu araṇīsahitena aggiṃ nibbattetvā hatthena ukkhipitvā “kiṃ karomī”ti vadati. “Jālehī”ti vattabbo. “Hattho ḍayhati”ti vadati. “Yathā na ḍayhati, tathā karohī”ti vattabbo, “bhūmiyaṃ pātehi”ti pana na vattabbo. Sace hatthe ḍayhamāne pātehi, “pathaviṃ dahissāmī”ti apātittā anāpatti. Patitaṭṭhāne pana aggiṃ kātuṃ vaṭṭatīti kurundiyaṃ vuttaṃ.

88. **Anāpatti imāṃ jānāti**-ādīsū imassa thambhassa āvāṭaṃ jāna, mahāmattikāṃ jāna, thusamattikāṃ jāna, mahāmattikāṃ dehi, thusamattikāṃ dehi, mattikāṃ āhara, paṃsuṃ āhara, mattikāya attho, paṃsunā attho, imassa thambhassa āvāṭaṃ kappiyaṃ karohi, imāṃ mattikāṃ kappiyaṃ karohi, imāṃ paṃsuṃ kappiyaṃ karohīti evamattho vedittabbo.

Asañciccāti pāsānarukkhādīni vā pavaṭṭentassa kattaradaṇḍena vā āhacca āhacca gacchantassa pathavī bhijjati, sā “tena bhindissāmī”ti evaṃ sañcicca abhinnattā asañcicca bhinnā nāma hoti, iti asañcicca bhindantassa anāpatti. **Asatiyāti** aññavihito kenaci saddhiṃ kiñci kathento pādaṅguṭṭhakena vā kattarayattṭhiyā vā pathaviṃ vilikhanto tiṭṭhati, evaṃ asatiyā vilikhantassa vā bhindantassa vā anāpatti. **Ajānantassāti** antogehe ovaṭṭhaṃ channaṃ pathaviṃ “akappiyapathavī”ti na jānāti, “kappaṃyapathavī”ti saññāya vikopeti, “khaṇāmi bhindāmi dahāmī”ti vā na

1. Iṭṭhakapāsānādīsūpi (Syā, Ka)

jānāti, kevalaṃ saṅgopanatthāya khaṇittādīni vā ṭhapeti, ḍayhamānahattho vā aggiṃ pātetī, evaṃ ajānantassa anāpatti. Sesāṃ uttānameva.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyāṃ, saññāvimokkhaṃ, sacittakaṃ, paṇṇattivaḷḷaṃ, kāyakammaṃ vacīkammaṃ, ticittaṃ, tivedananti.

Pathavīkhaṇanasikkhāpadaṃ dasamaṃ.

Samatto vaṇṇanākkamena musāvādavaggo paṭhamo.

2. Bhūtagāmaṃvagga

1. Bhūtagāmasikkhāpadavaṇṇanā

89. Senāsanavaggaṃ paṭhamasikkhāpade **anādiyantoti** tassā vacanaṃ agaṇhanto, **dāraḷḷaṃ bāhuṃ ākoṭesīti** ukkhittaṃ pharaṃsuṃ niggahetuṃ asakkonto manussānaṃ cakkhuvisayāṭṭe mahārājasantikā laddhe rukkhaṭṭhakadibbavimāne nipannassa dāraḷḷaṃ bāhuṃ thanamūleyeva chindi. **Na kho metaṃ patirūpanti**-ādimhi ayaṃ saṅkhepaṃvaṇṇanā— Himavante kira pakkhadivasesu devatāsannipāto hoti, tattha rukkhadhammaṃ pucchanti “tvaṃ rukkhadhamme ṭhitā, na ṭhitā”ti. Rukkhadhammo nāma rukkhe chijjamāne rukkhaddevatāya manopadosassa akaraṇaṃ. Tattha yā devatā rukkhadhamme aṭṭhitā hoti, sā devatāsannipātaṃ pavisitum na labhati. Iti sā devatā imaṅca rukkhadhamme aṭṭhānapaccayaṃ ādīnavaṃ addasa, Bhagavato ca sammukhā sutapubbaddhammadesanānusārena Tathāgatassa Chaddantādikāle pubbacaritaṃ anussari, tenassā etadahosi “na kho metaṃ patirūpaṃ -pavoroṇṇaṃ”ti. **Yannūnāhaṃ Bhagavato etamatthaṃ āroceyyanti** idaṃ panassā “ayaṃ bhikkhu sapitiko putto, addhā Bhagavā imaṃ imassa aḷḷhācāraṃ sutvā mariyādaṃ bandhissati, sikkhāpadaṃ paññāpessati”ti paṭisaṅcikkhantiyā ahoṃ. **Sacajja tvaṃ devateti** sace aḷḷa tvaṃ devate. **Paṣaveyyāsīti** janeyyāsī uppādeyyāsī. Evaṅca pana vatvā Bhagavā taṃ devataṃ saññāpento—

“Yo ve uppatitaṃ kodhaṃ, rathaṃ bhantaṃva vāraye.
Tamahaṃ sārathim brūmi, rasmiggāho itaro jano”¹—

Imaṃ gāthamabhāsi. Gāthāpariyosāne sā devatā sotāpattiphale
patiṭṭhāsi. Puna Bhagavā sampattaparisāya dhammaṃ desento—

“Yo uppatitaṃ vineti kodhaṃ, visaṭaṃ sappavisāṃva osadhehi.
So bhikkhu jahāti orapāraṃ, urago jiṇṇamivattacaṃ purāṇaṃ”²—

Imaṃ gāthamabhāsi. Tatra paṭhamagāthā Dhammapade saṅgahaṃ
āruḥhā, dutiyā Suttanipāte, vatthu pana vinayeti. Atha Bhagavā dhammaṃ
desentoyeva tassā devatāya vasanaṭṭhānaṃ āvajjanto patirūpaṃ ṭhānaṃ
disvā “gaccha devate asukasmim okāse rukkho vivitto, tasmim upagacchā”³ti
āha. So kira rukkho na Āḷaviraṭṭhe, Jetavanassa antoparikkhepe, yassa
devaputtassa pariggaho ahosi, so cuto, tasmā “vivitto”³ti vutto. Tato paṭṭhāya
ca pana sā devatā Sammāsambuddhato laddhaparihārā Buddhupaṭṭhāyikā
ahosi. Yadā devatāsamāgamo hoti, tadā mahesakkhadevatāsu āgacchantīsu
aṅṅā appesakkhā devatā yāva mahāsamuddacakkavāḷapabbatā, tāva
paṭikkamanti. Ayaṃ pana attano vasanaṭṭhāne nisīditvāva dhammaṃ suṇāti.
Yampi paṭhamayāme bhikkhū pañhaṃ pucchanti, majjhimayāme devatā,
taṃ sabbaṃ tattheva nisīditvā suṇāti. Cattāro mahārājānopi Bhagavato
upaṭṭhānaṃ āgantvā gacchantā taṃ devataṃ disvāva gacchanti.

90. **Bhūtagāmapātabyatāyāti** ettha bhavanti ahuvuñcāti³ **bhūtā**, jāyanti
vaḍḍhanti jātā vaḍḍhitā cāti attho. **Gāmoti** rāsi. Bhūtānaṃ gāmoti
bhūtagāmo, bhūtā eva vā gāmo **bhūtagāmo**.
Patiṭṭhitaharitaṇarukkhādīnametaṃ adhivacanaṃ. Pātabyassa bhāvo
pātabyatā, chedanabhedanādīhi yathārucci paribhuñjītabbatāti attho. Tassā
bhūtagāmapātabyatāya, nimittatthe bhumavacanaṃ,
bhūtagāmapātabyatāhetu bhūtagāmassa chedanādipaccayā pācittiyanti attho.

1. Khu 1. 46 Dhammapade.

2. Khu 1. 279 piṭṭhe.

3. Ahuvanti cāti (sabbattha), ahuvatthuñcāti (Yojanā)

91. Idāni taṃ bhūtagāmaṃ vibhajitvā dassento **bhūtagāmo nāma pañca bijajātānī**-ādimāha. Tattha “bhūtagāmo nāmā”ti bhūtagāmaṃ uddharitvā yasmim̄ sati bhūtagāmo hoti, taṃ dassetuṃ “pañca bijajātānī”ti āhāti Aṭṭhakathāsu vuttaṃ. Evaṃ santepi “yāni vā panaññānīpi atthi mūle jāyanti”ti-ādīni na samentī. Na hi mūlabījādīni mūlādīsu jāyanti, mūlādīsu jāyamānāni pana tāni bījakatānī¹ tasmā evamettha vaṇṇanā veditabbā— **bhūtagāmo nāmāti** vibhajitabbapadam̄. **Pañcāti** tassa vibhāgaparicchedo. **Bijajātānī**ti paricchinnadhammanidassanaṃ. Tassattho, bījehi jātāni bījajātāni, rukkhādīnametaṃ adhivacanaṃ. Aparo nayo, bījāni ca tāni vijātāni ca pasūtāni nibbattaṇṇamūlānīti bijajātāni. Etena allavālikādīsu ṭhapitānaṃ nibbattaṇṇamūlānaṃ siṅgiverādīnaṃ saṅgaho kato hoti.

Idāni yehi bījehi jātattā rukkhādīni bījajātānīti vuttāni, tāni dassento **mūlabījanti**-ādimāha. Tesam̄ uddeso pākaṭo eva. Niddese **yāni vā panaññānīpi atthi mūle jāyanti mūle sañjāyanti**ti ettha bījato nibbattena bījaṃ dassitaṃ, tasmā evamettha attho daṭṭhabbo, yāni vā panaññānīpi atthi āluva kaseru kamaluppala puṇḍarīka kuvalayakanda² pāṭalimūlādibhede mūle gacchavallirukkhādīni jāyanti sañjāyanti, tāni yamhi mūle jāyanti ceva sañjāyanti ca, tañca, Pāliyaṃ vuttaṃ haliddādi ca, sabbampi etaṃ mūlabījaṃ nāma. Eseva nayo khandhabījādīsu. Yevāpanakakhandhabījesu panettha ambāṭaka indasāla nuhī pāḷibhaddakaṇikārādīni khandhabījāni, amūlavalli³ caturassavalli kaṇavīrādīni phaḷubījāni, makaci sumanajayasumanādīni aggabījāni, ambajambūpanasaṭṭhi-ādīni bījabījānīti daṭṭhabbāni.

92. Idāni yaṃ vuttaṃ “bhūtagāmapātabyatāya pācittiyān”ti, tattha saññāvasena āpattānāpattibhedam̄ pātabyatābhedañca dassento **bīje bījasaññī**ti-ādimāha. Tattha yathā “sālīnaṃ cepi odanaṃ bhuñjati”ti-ādīsu⁴ sālitaṇḍulānaṃ odano “sālīnaṃ odano”ti vuccati, evaṃ bījato sambhūto bhūtagāmo “bījan”ti vuttoti veditabbo.

1. Bījāni (Sī, Syā)

3. Ambilavalli (Syā, Ka)

2. Kunda (Ka)

4. Ma 1. 46 piṭṭhe.

yaṃ pana “bījagāmbhūtagāmasamārambhā paṭivirato”¹ ti-ādīsu¹ vuttaṃ bhūtagāmaparimocanaṃ katvā ṭhapitaṃ bījaṃ, taṃ dukkaṭavatthu. Atha vā yadetaṃ “bhūtagāmo nāma”² ti sikkhāpadavibhaṅgassa ādipadaṃ, tena saddhiṃ yojetvā “yaṃ bījaṃ bhūtagāmo nāma hoti, tasmim̐ bīje bījasaññī satthakādīni gahetvā sayam̐ vā chindati, aññena vā chedāpeti, pāsāṇādīni gahetvā sayam̐ vā bhindati, aññena vā bhedāpeti, aggim̐ upasamharitvā sayam̐ vā pacati, aññena vā pacāpeti, āpatti pācittiyassā”³ ti evamettha attho vedītabbo. Yathārutaṃ pana gahetvā bhūtagāmavinimuttassa bījassa chindanādibhedāya pātabyatāya pācittiyam̐ na vattabbaṃ.

Ayam̐ hettha vinicchayakathā—bhūtagāmaṃ vikopentassa pācittiyam̐, bhūtagāmaparimocitaṃ pañcavidhampi bījagāmaṃ vikopentassa dukkaṭam̐, bījagāmbhūtagāmo nāmesa atthi udakaṭṭho, atthi thalaṭṭho. Tattha udakaṭṭho sāsapamattikā tilabījakādibhedā sapaṇṇikā apaṇṇikā ca sabbā sevāljāti antamaso udakapappaṭakaṃ upādāya “bhūtagāmo”⁴ ti vedītabbo. Udakapappaṭako nāma upari thaddho pharusavaṇṇo, heṭṭhā mudu nīlavaṇṇo hoti. Tattha yassa sevālassa mūlaṃ oruhitvā pathaviyam̐ patiṭṭhitam̐, tassa pathavī ṭhānam̐. Yo udake sañcarati, tassa udakaṃ. Pathaviyam̐ patiṭṭhitam̐ yattha katthaci vikopentassa uddharitvā vā ṭhānantaram̐ saṅkāmentassa pācittiyam̐. Udake sañcarantaṃ vikopentasseva pācittiyam̐. Hatthehi pana ito cito ca viyūhitvā nhāyitum̐ vaṭṭati, sakalam̐ hi udakaṃ tassa ṭhānam̐. Tasmā na so ettāvataṃ ṭhānantaram̐ saṅkāmito hoti. Udakato pana udakena vinā sañcicca ukkhipitum̐ na vaṭṭati, udakena saddhiṃ ukkhipitvā puna udake pakkhipitum̐ vaṭṭati. Parissāvanantarena nikkhamati, kappiyam̐ kārapetvāva udakaṃ paribhuñjitabbaṃ. Uppalinīpaduminī-ādīni jalajavallitiṇāni udakato uddharantassa vā tattheva vikopentassa vā pācittiyam̐. Parehi uppāṭitāni vikopentassa dukkaṭam̐. Tāni hi bījagāme saṅgahaṃ gacchanti. Tilabījakasāsapamattakasevālopi udakato uddhato amilāto aggabījasaṅgahaṃ gacchati.

1. Dī 1. 5 piṭṭhādīsu.

Mahāpaccariyādīsu “anantakatilabījaka-udakapappatakādīni dukkaṭavattthukānī”¹ti vuttaṃ, tattha kāraṇaṃ na dissati.

Andhakaṭṭhakathāyaṃ “sambuṇṇabhūtagāmo na hoti, tasmā dukkaṭan”²ti vuttaṃ, tampi na sameti, bhūtagāme hi pācittiyaṃ, bījagāme dukkaṭaṃ vuttaṃ. Asambuṇṇabhūtagāmo nāma tatiyo koṭṭhāso neva Pāḷiyaṃ, na Aṭṭhakathāsu āgato. Atha etaṃ¹ bījagāmasaṅgahaṃ gacchissatīti, tampi na yuttaṃ, abhūtagāmamūlattā tādisassa bījagāmassatī. Apica garukalahukesu garuke ṭhātabbanti etaṃ vinayalakkhaṇaṃ.

Thalaṭṭhe chinnarukkhaṇaṃ avasiṭṭho haritakhāṇu nāma hoti. Tattha kakudhakaraṇṇajapiyaṅgupanasādīnaṃ khāṇu uddhaṃ vaḍḍhati, so bhūtagāmena saṅgahito. Tālanāḷikerādīnaṃ khāṇu uddhaṃ na vaḍḍhati, so bījagāmena saṅgahito. Kadaliyā pana aphalitāya khāṇu bhūtagāmena saṅgahito, phalitāya bījagāmena. Kadali pana phalitā yāva nīlapaṇṇā, tāva bhūtagāmeneva saṅgahitā, tathā phalito veḷu. Yadā pana aggato paṭṭhāya sussati, tadā bījagāmena saṅgahaṃ gacchati. Katarabījagāmena? Phaḷubījagāmena. Kim tato nibbattati? Na kiñci. Yadi hi nibbatteyya, bhūtagāmeneva saṅgahaṃ gaccheyya. Indasālādirukkhe chinditvā rāsīm karonti, kiñcāpi rāsikatadaṇḍakehi ratanappamāṇāpi sākha nikkhamanti, bījagāmeneva saṅgahaṃ gacchanti. Tattha maṇḍapaṭṭhāya vā vati-atthāya vā valli-āropanatthāya vā bhūmiyaṃ nikhaṇanti, mūlesu ceva paṇṇesu ca niggatesu puna bhūtagāmasaṅkhyāṃ gacchanti. Mūlamattesu pana paṇṇamattesu vā niggatesu bījagāmena saṅgahitā eva.

Yāni kānici bījāni pathaviyaṃ vā udakena siñcitvā ṭhapitāni, kapālādīsu vā allapaṃsum pakkhipitvā nikkhattāni honti, sabbāni mūlamatte paṇṇamate vā niggatepi bījāniyeva. Sacepi mūlāni ca upari aṅkuro ca niggacchati, yāva aṅkuro harito na hoti, tāva bījāniyeva. Muggādīnaṃ pana paṇṇesu uṭṭhitesu vīhi-ādīnaṃ vā aṅkure harite nīlapaṇṇavaṇṇe jāte bhūtagāmasaṅgahaṃ gacchanti. Tālaṭṭhīnaṃ paṭṭhamaṃ sūkaradāṭṭhā viya mūlaṃ niggacchati. Niggatepi yāva upari pattavaṭṭi na niggacchati, tāva bījagāmoyeva. Nāḷikerassa tacāṃ bhinditvā dantasūci viya aṅkuro

1. Apica taṃ (Sī), atha ca taṃ (Syā)

niggacchati, yāva migasiṅgasadisā nīlapattavaṭṭi na hoti, tāva bījagāmo yeva. Mūle aniggatepi tādisāya pattavaṭṭiyā jātāya amūlakabhūtagāme saṅgahaṃ gacchati.

Ambaṭṭhi-ādīni vīhi-ādīhi vinicchinitabbāni. Vandākā vā aññā vā yā kāci rukkhe jāyivā rukkhaṃ ottharati, rukkho vā tassā ṭhānaṃ, taṃ vikopentassa vā tato uddharantassa vā pācittiyā. Ekā amūlikā¹ latā hoti, aṅguliveṭhako viya vanappagumbadaṇḍake veṭheti, tassāpi ayameva vinicchayo. Gehamukhapākāra vedikā cetiyādīsū nīlavaṇṇo sevālo hoti, yāva dve tīṇi pattāni na sañjāyanti, tāva aggabījasaṅgahaṃ gacchati. Pattesu jātesu pācittiyavattu. Tasmā tādisesu ṭhānesu sudhālepampi dātuṃ na vaṭṭati, anupasampannaṃ littassa uparisnehalepo dātuṃ vaṭṭati. Sace nidāghasamaye sukkhasevālo tiṭṭhati, taṃ sammuñjanī-ādīhi ghaṃsitvā apanetuṃ vaṭṭati. Pāṇiyaghaṭṭādīnaṃ bahi sevālo dukkaṭavattu, anto abbohāriko. Dantakaṭṭhapūvādīsū kaṇṇakampi² abbohārikameva. Vuttañhetam “sace gerukaparikkammakatā bhitti kaṇṇakitā hoti, coḷakam temetvā piḷetvā pamajjitabbā”³ti.

Pāsāṇajātipāsāṇadaddusevā laseyyakādīni aharitavaṇṇāni apattakāni ca dukkaṭavattukāni. Ahicchattakam yāva maḷam hoti, tāva dukkaṭavattu. Pupphitakālato paṭṭhāya abbohārikam. Allarukkhatō pana ahicchattakam gaṇhanto rukkhattakam vikopeti, tasmā tattha pācittiyā. Rukkhapappaṭikāyapi⁴ ese va nayo. Yā pana indasālakakudhādīnaṃ pappāṭikā rukkhatō muccitvā tiṭṭhati, taṃ gaṇhantassa anāpatti. Niyyāsampi rukkhatō muccitvā ṭhitam sukkharukkhe vā laggam gaṇhituṃ vaṭṭati. Allarukkhatō na vaṭṭati. Lākhāyapi ese va nayo. Rukkham cāletvā paṇḍupalāsam vā pariṇatakaṇṇikārādipuppham vā pātentassa pācittiyameva. Hatthakukkuccena mudukesu indasālanuhikhandhādīsū vā tatthajātakatālapanṇādīsū vā akkharam chindantassāpi ese va nayo.

1. Amūlakā (Ka)

3. Vi 3. 60 piṭṭhe.

2. Kaṇṇikampi (Ka)

4. Rukkhapappaṭikāyapi (Sī)

Sāmaṇeraṇaṃ pupphaṃ ocinantānaṃ sākhaṃ onāmetvā dātuṃ vaṭṭati. Tehi pana pupphehi pānīyaṃ na vāsetabbaṃ. Pānīyavāsathhikena sāmaṇeraṃ ukkhipitvā ocināpetabbāni. Phalasākhaṃpi attanā khādītukāmena na onāmetabbā, sāmaṇeraṃ ukkhipitvā phalaṃ gāhāpetabbaṃ. Yaṃkiñci gacchaṃ vā lataṃ vā uppāṭentehi sāmaṇerehi saddhim gahetvā ākaḍḍhituṃ na vaṭṭati. Tesam pana ussāhajananatthaṃ anākaḍḍhantena kaḍḍhanākāraṃ dassentena viya agge gahetuṃ vaṭṭati. Yesam rukkhaṇaṃ sākha rūhati, tesam sākhaṃ makkhikābījanādīnaṃ atthāya kappiyaṃ akārāpetvā gahitaṃ tace vā patte vā antamaso nakhenapi vilikhantassa dukkaṭaṃ. Allasiṅgiverādīsipi eseva nayo. Sace pana kappiyaṃ kārāpetvā sītale padese ṭhapitassa mūlaṃ sañjāyati, uparibhāge chindituṃ vaṭṭati. Sace añkuro jāyabhi, heṭṭhābhāge chindituṃ vaṭṭati. Mūle ca nīlaṅkure ca jāte na vaṭṭati.

Chindati vā chedāpeti vāti antamaso sammūñjanīsālākāyapi tiṇāni chindissāmīti bhūmiṃ sammajjanto sayam vā chindati, añña vā chedāpeti. **Bhindati vā bhedāpeti vāti** antamaso caṅkamantopi chijjanakaṃ chijjatu, bhijjanakaṃ bhijjatu, caṅkamitaṭṭhānaṃ dassessāmīti sañcicca pādehi akkamanto tiṇavalli-ādīni sayam vā bhindati, añña vā bhedāpeti. Sacepi hi tiṇaṃ vā lataṃ vā gaṇṭhiṃ karontassa bhijjati, gaṇṭhipi na kātabbo¹. Tālarukkhaḍḍisu pana corānaṃ anāruhanatthāya dārumakkaṭakaṃ ākoṭenti, kaṇṭake bandhanti, bhikkhussa evaṃ kātuṃ na vaṭṭati. Sace dārumakkaṭako rukkhe allīnamattova hoti, rukkhaṃ na piḷeti, vaṭṭati. “Rukkhaṃ chinda, lataṃ chinda, kandaṃ vā mūlaṃ vā uppāṭehi”ti vattumpi vaṭṭati, aniyāmitattā. Niyāmetvā pana “imaṃ rukkhaṃ chindā”ti-ādi vattuṃ na vaṭṭati. Nāmaṃ gahetvāpi “ambarukkhaṃ caturassavallim ālūvakandaṃ muñjatiṇaṃ asukarukkacchallim chinda bhinda uppāṭehi”ti-ādivacanampi aniyāmitameva hoti. Imaṃ ambarukkanti-ādivacanameva hi niyāmitaṃ nāma, taṃ na vaṭṭati.

Pacati vā pacāpeti vāti antamaso pattampi pacitukāmo tiṇādīnaṃ upari sañcicca aggim karonto sayam vā pacati, añña vā

1. Gaṇṭhimpī kātuṃ na vaṭṭati (Sī, Syā)

pacāpetīti sabbam pathavīkhaṇanasikkhāpade vuttanayena veditabbam. Aniyāmetvā pana “mugge paca, māse pacā”ti-ādi vattum vaṭṭati. “Ime mugge paca, ime māse pacā”ti evam vattum na vaṭṭati.

Anāpatti imam jānāti-ādīsu imam mūlabhesajjam jāna, imam mūlam vā paṇṇam vā dehi, imam rukkham vā latam vā āhara, iminā pupphena vā phalena vā paṇṇena vā attho, imam rukkham vā latam vā phalam vā kappiyam karohīti evamattho daṭṭhabbo. Ettāvatā bhūtagāmaparimocanam kataṃ hoti. Paribhuñjantena pana bījagāmaparimocanatham puna kappiyam kāretabbam.

Kappiyakaraṇaṅcetha iminā suttānusārena veditabbam “anujānāmi bhikkhave pañcahi samaṇakappehi phalam paribhuñjitum, aggiparijitam¹ satthaparijitam nakhaparijitam abījam nibbaṭṭabījameva pañcaman”ti. Tattha aggiparijitanti agginā parijitam² adhibhūtam daḍḍham phuṭṭhanti attho. Satthaparijitanti satthena parijitam adhibhūtam chinnaṃ viddham vāti attho. Esa nayo nakhaparijite. Abījanibbaṭṭabījāni sayameva kappiyāni. Agginā kappiyam karontena kaṭṭhaggigomayaggi-ādīsu yena kenaci antamaso lohakhaṇḍenapi ādittena kappiyam kātabbam, tañca kho ekadese phusantena “kappiyan”ti vatvāva kātabbam. Satthena karontena yassa kassaci lohamayasatthassa antamaso sūcinakhacchedanānampi tuḍḍena vā dhārāya vā chedaṃ vā vedhaṃ vā dassentena “kappiyan”ti vatvāva kātabbam. Nakhena kappiyam karontena pūtinakhena na kātabbam. Manussānam pana sīhabyagghadīpimakkaṭādinam sakuntānañca nakhā tikhiṇā honti, tehi kātabbam. Assamahimsa sūkara miga gorūpādīnam khurā atikhiṇā, tehi na kātabbam, katampi akataṃ hoti. Hatthinakhā pana khurā na honti, tehi vaṭṭati. Yehi pana kātum vaṭṭati, tehi tatthajātakehipi uddharitvā gahitakehipi chedaṃ vā vedhaṃ vā dassentena “kappiyan”ti vatvāva kātabbam.

Tattha sacepi bījānam pabbatamatto rāsi rukkhasahassam vā chinditvā ekābaddham katvā ucchūnam vā mahābhāro bandhitvā ṭhapito hoti, ekasmiṃ bīje vā rukkhasākhāya vā ucchumhi vā kappiye kate sabbam kataṃ hoti. Uccū ca dārūni ca ekato baddhāni honti, ucchum kappiyam karissāmīti

1. Aggiparicitaṃ (Sī, Syā, Vi 4. 244, 245 piṭṭhesu ca)

2. Paricitaṃ (Sī, Syā)

dārum vijjhati, vaṭṭatiyeva. Sace pana yāya rajjuyā vā vallyā vā baddhāni, tam vijjhati, na vaṭṭati. Ucchukhaṇḍānaṃ pacchim̐ pūretvā āharanti, ekasmim̐ khaṇḍe kappiye kate sabbam̐ katameva hoti. Maricapakkādīhi missetvā bhattam̐ āharanti, “kappiyam̐ karohī”ti vutte sacepi bhattasitthe vijjhati, vaṭṭatiyeva. Tilataṇḍulādīsupi eseva nayo. Yāguyā pakkhittāni pana ekābaddhāni hutvā na santiṭṭhanti, tattha ekamekam̐ vijjhivā kappiyam̐ kātabbameva. Kapitthaphalādīnam̐ anto miñjam¹ kaṭāham̐ muñcitvā sañcarati², bhindāpetvā kappiyam̐ kārāpetabbam̐, ekābaddham̐ hoti, kaṭāhepi kātum̐ vaṭṭati.

Asañciccāti pāsānarukkhādīni vā pavaṭṭentassa sākham̐ vā kaḍḍhantassa kattaradaṇḍena vā bhūmim̐ paharivā gacchantassa tiṇāni chijjanti, tāni tena chindissāmīti evam̐ sañcicca acchinnattā asañcicca chinnāni nāma honti. Iti asañcicca chindantassa anāpatti.

Asatiyāti aññavihito kenaci saddhim̐ kiñci kathento pādaṅguṭṭhakena vā hatthena vā tiṇam̐ vā latam̐ vā chindanto tiṭṭhati, evam̐ asatiyā chindantassa anāpatti.

Ajānantassāti etthabbhantare bījagāmoti vā bhūtagāmoti vā na jānāti, chindāmītipi na jānāti, kevalam̐ vatiyā vā³ palālapuñje vā nikhādanam̐ vā khaṇittim̐ vā kudālam̐ vā⁴ saṅgopanattāya ṭhāpeti, ḍayhamānahattho vā aggim̐ pāpeti. Tatra ce tiṇāni chijjanti vā ḍayhanti vā, anāpatti. Manussaviggahapārājikavaṇṇanāyam̐ pana sabba-aṭṭhakathāsu “sace bhikkhu rukkkena vā ajjhotthaṭo hoti, opāte vā patito, sakkā ca hoti rukkham̐ chinditvā bhūmim̐ vā khaṇitvā nikkhamitum̐, jīvitahetupi attanā na kātabbam̐. Aññena pana bhikkhunā bhūmim̐ vā khaṇitvā rukkham̐ vā chinditvā allarukkhato vā daṇḍakam̐ chinditvā tam̐ rukkham̐ pavaṭṭetvā nikkhāmetum̐ vaṭṭati, anāpatti”ti vuttam̐. Tattha kāraṇam̐ na dissati. “Anujānāmi bhikkhave davadāhe ḍayhamāne paṭaggim̐ dātum̐ parittam̐ kātun”ti⁵ idam̐ pana ekameva suttam̐ dissati. Sace etassa anulomam̐, attano na vaṭṭati, aññassa

1. Bījāni (Ka)

2. Sañcaranti (Ka)

3. Tiṇe vā (Sī)

4. Kuddālam̐ vā (Sī, Syā)

5. Vi 4. 279 piṭṭhe.

vaṭṭatīti idaṃ nānākaraṇaṃ na sakkā laddhuṃ. Attano atthāya karonto attasinehena akusalacitteneva karoti, paro pana kāruṇṇena, tasmā anāpattīti ce. Etampi akāraṇaṃ. Kusalacittenāpi hi imaṃ āpattiṃ āpajjati. Sabba-aṭṭhakathāsu pana vuttattā na sakkā paṭisedhetuṃ. Gavesitabbā ettha yutti. Aṭṭhakathācariyānaṃ vā saddhāya gantabbanti. Sesāṃ uttānameva.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Bhūtagāmasikkhāpadaṃ paṭhamāṃ.

2. Aññāvadakasikkhāpadavaṇṇanā

94. Dutiyasikkhāpade **anācāraṃ ācaritvā**ti akātabbaṃ katvā, kāyavacīdvāresu āpattiṃ āpajjitvāti vuttaṃ hoti. **Aññenaññaṃ paṭicaratī**ti aññena vacanena aññaṃ vacanaṃ paṭicarati paṭicchādeti ajjhottharati. Idāni taṃ paṭicaraṇavidhiṃ dassento **ko āpannoti**-ādimāha. Tatrāyaṃ vacanasambandho—so kira kiñci vītikkamaṃ disvā “āvuso āpattiṃ āpannosī”ti saṃghamaṃjhe āpattiyā anuyuññiyamāno “ko āpanno”ti vadati. Tato “tvaṃ”ti vutte “ahaṃ kiṃ āpanno”ti vadati. Atha “pācittiyaṃ vā dukkaṭaṃ vā”ti vutte vatthuṃ pucchanto “ahaṃ kismiṃ āpanno”ti vadati. Tato “asukasmiṃ nāma vatthusmiṃ”ti vutte “ahaṃ kathaṃ āpanno kiṃ karonto āpannomhī”ti pucchati. Atha “idaṃ nāma karonto āpanno”ti vutte “kaṃ bhaṇathā”ti vadati. Tato “taṃ bhaṇāmā”ti vutte “kiṃ bhaṇathā”ti vadati.

Apicettha ayaṃ Pāḷimuttakopi aññenaññaṃ paṭicaraṇavidhi—bhikkhūhi “tava sipāṭikāya kahāpaṇo diṭṭho, kissevamasārappaṃ karosī”ti vutto “sudiṭṭhaṃ bhante, na paneso kahāpaṇo, tipumaṇḍalaṃ etan”ti bhaṇanto vā, “tvaṃ suraṃ pivanto diṭṭho, kissevaṃ¹ karosī”ti

1. Kissevamasārappaṃ (Sī)

vutto “sudiṭṭho bhante, na panesā surā, bhesajjatthāya sampāditaṃ ariṭṭhan”ti bhaṇanto vā, “tvaṃ paṭicchanne āsane mātugāmena saddhiṃ nisinno diṭṭho, kissevamasāruppaṃ karosī”ti vutto “yena diṭṭhaṃ, sudiṭṭhaṃ, viññū panettha dutiyo atthi, so kissa na diṭṭho”ti bhaṇanto vā, “īdisaṃ tayā kiñci diṭṭhan”ti puṭṭho “na suṇāmi”ti sotamupanento vā, sotadvāre pucchantānaṃ cakkhuṃ upanento vā aññenaññaṃ paṭicaratīti veditabbo.

Aññavādakaṃ ropetūti aññavādakaṃ āropetu, patiṭṭhāpetūti attho.

Vihesakaṃ ropetūti etasmimpi eseva nayo.

98. **Aññavādake vihesake pācittiyanti** ettha aññaṃ vadatīti aññavādakaṃ, aññenaññaṃ paṭicaraanassetāṃ nāmaṃ. Vihesetīti vihesakaṃ, tuṅhībhūtassetāṃ nāmaṃ. Tasmim **aññavādake vihesake. Pācittiyanti** vatthudvaye pācittiyadvayaṃ vuttaṃ.

100. **Aropite aññavādaketi** kammavācāya anāropite aññavādake. **Aropite vihesaketi** etasmimpi eseva nayo.

101. **Dhammakamme dhammakammasaññīti**-ādīsu yaṃ taṃ aññavādakavihesakaropanakkammaṃ kataṃ, tañce dhammakammaṃ hoti, so ca bhikkhu tasmim dhammakammasaññī aññavādakañca vihesakañca karoti, athassa tasmim aññavādake ca vihesake ca āpatti pācittiyassatī iminā nayena attho veditabbo.

102. **Ajānanto pucchati**ti āpattiṃ vā āpannabhāvaṃ ajānantoyeva “kiṃ tumhe bhaṇatha, ahaṃ na jānāmi”ti pucchati. **Gilāno vā na kathetīti** mukhe tādīso byādhi hoti, yena kathetuṃ na sakkoti. Saṃghassa **bhaṇḍanaṃ vāti**-ādīsu saṃghamajjhe kathite tappaccayā saṃghassa bhaṇḍanaṃ vā kalaho vā vivādo vā bhavissatī, so mā ahoṣīti maññaṃāno na kathetīti iminā nayena attho veditabbo. Sesāṃ uttānamevāti.

Tisamuṭṭhānaṃ kāyacittato vācācittato kāyavācācittato ca samuṭṭhāti, siyā kiriyaṃ, siyā akiriyaṃ, aññenaññaṃ paṭicarantassa hi

kiriyaṃ hoti, tuṅhībhāvena vihesantassa akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Aññāvādakasikkhāpadaṃ dutiyaṃ.

3. Ujjhāpanakasikkhāpadavaṇṇanā

103. Tatiyasikkhāpade **Dabbaṃ Mallaputtaṃ bhikkhū ujjhāpentīti** “chandāya Dabbo Mallaputto”ti-ādīni vadantā taṃ āyasmantaṃ tehi bhikkhūhi avajānāpenti¹, avaññāya olokāpenti, lāmakato vā cintāpenti attho. Lakkhaṇaṃ panettha saddasatthānusārena veditabbaṃ. Ojjhāpentītipi pāṭho, ayamevattho. **Chandāyāti** chandena pakkhapātena, attano sandiṭṭhasambhattānaṃ paṇīṭāni paññāpetīti adhippāyo. **Khiyyantīti** “chandāya Dabbo Mallaputto”ti-ādīni vadantā pakāsentī.

105. **Ujjhāpanake khiyyanake pācittiyanti** ettha yena vacanena ujjhāpenti, taṃ ujjhāpanakaṃ. Yena ca khiyyanti, taṃ khiyyanakaṃ. Tasmīṃ ujjhāpanake khiyyanake. **Pācittiyanti** vatthudvaye pācittiyadvayaṃ vuttaṃ.

106. **Ujjhāpanakaṃ nāma upasampannaṃ saṅghena sammataṃ senāsanapaññāpakaṃ vā -pa- appamattakavissajjanakaṃ vā**ti etesaṃ padānaṃ **maṅkukattukāmoti** iminā sambandho. **Avāṇṇaṃ kattukāmo ayasaṃ kattukāmoti** imesaṃ pana vasena **upasampannanti-ādīsu** “upasampannassā”ti evaṃ vibhattivipariṇāmo kātabbo. **Ujjhāpeti vā khiyyati vā āpatti pācittiyassāti** ettha pana yasmā “khiyyanakaṃ nāmā”ti evaṃ mātīkāpadaṃ uddharitvāpi “ujjhāpanakaṃ nāmā”ti imassa padassa vuttavibhaṅgoyeva vattabbo hoti, Aññāvādakasikkhāpade viya añño viseso natthi, tasmā taṃ visuṃ anuddharitvā avibhajitvā nigamanameva ekato katanti veditabbaṃ. **Dhammakamme dhammakammasaññīti-ādīsu** yaṃ tassa upasampannassa sammutikammaṃ kataṃ, tañce dhammakammaṃ hoti. So ca bhikkhu tasmīṃ dhammakammasaññī ujjhāpanakañca khiyyanakañca karoti, athassa tasmīṃ ujjhāpanake ca khiyyanake ca āpatti pācittiyassāti iminā nayena attho veditabbo.

1. Avajjhāpenti (?) Vi-Ṭṭha 1. 256 piṭṭhepi passitabbaṃ.

Anupasampannaṃ ujjhāpeti vā khiyyati vāti ettha upasampannaṃ saṅghena sammataṃ aññaṃ anupasampannaṃ ujjhāpeti avajānāpeti¹, tassa vā taṃ santike khiyyatīti attho. **Upasampannaṃ saṅghena asammatanti** kammavācāya asammataṃ, kevalaṃ “taveso bhāro”ti saṅghena āropitabhāraṃ, bhikkhūnaṃ vā phāsuvihāratthāya sayameva taṃ bhāraṃ vahantaṃ, yatra vā dve tayo bhikkhū viharanti, tatra vā tādisaṃ kammaṃ karontanti adhippāyo. **Anupasampannaṃ saṅghena sammataṃ vā asammataṃ vā**ti ettha pana kiñcāpi anupasampannassa terasa sammutiyo dātuṃ na vaṭṭanti², atha kho upasampannakāle laddhasammutiko pacchā anupasampannabhāve ṭhito, taṃ sandhāya “saṅghena sammataṃ vā”ti vuttaṃ. Yassa pana byattassa sāmaṇerassa kevalaṃ saṅghena vā sammataṃ vā bhikkhūnaṃ “tvaṃ idaṃ kammaṃ karohi”ti bhāro kato, tādisaṃ sandhāya “asammataṃ vā”ti vuttaṃ. Sesamettha uttānamevāti.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Ujjhāpanakasikkhāpadaṃ tatiyaṃ.

4. Paṭhamasenāsanāsikkhāpadavaṇṇanā

108. Catutthasikkhāpade **hemantike kāleti** hemantakāle himapātasamaye. **Kāyaṃ otāpentāti** mañcapīṭhādīsu nisinnā bālātapena kāyaṃ otāpentā. **Kāle ārociteti** yāgubhattādīsu yassa kassaci kāle ārocite. **Ovaṭṭhaṃ hotīti** himavassena ovaṭṭhaṃ tintaṃ hoti.

110. **Avassikasaṅketeti** vassikavassānamāsāti evaṃ apaññāte, cattāro hemantike cattāro ca gimhike aṭṭha māseti attho. **Maṇḍape vāti** sākhamāṇḍape vā padaramaṇḍape vā. **Rukkhāmūle**

1. Avajjhāpeti (?)

2. Na vaṭṭati (Sī, Syā)

vāti yassa kassaci rukkhasa heṭṭhā. **Yattha kākā vā kulalā vā na ūhadantīti** yattha dhuvanivāsenā kulāvake katvā vasamānā ete kākakulalā vā aññe vā sakuntā taṃ senāsanāṃ na ūhadanti, tādise rukkhamūle nikkhipitum anujānāmīti. Tasmā yattha gocarappasutā sakuntā vissamitvā gacchanti, tassa rukkhasa mūle nikkhipitum vaṭṭati. Yasmim̐ pana dhuvanivāsenā kulāvake katvā vasanti, tassa rukkhasa mūle na nikkhipitabbaṃ. “Aṭṭha māse”ti vacanato yesu janapadesu vassakāle na vassati, tesupi cattāro māse nikkhipitum na vaṭṭatiyeva. “Avassikasaṅkete”ti vacanato yattha hemante devo vassati, tattha hemantepi ajjhokāse nikkhipitum na vaṭṭati. Gimhe pana sabbattha vigatavalāhakaṃ visuddhaṃ nabhaṃ hoti, evarūpe kāle kenacideva karaṇīyena ajjhokāse mañcapīṭhaṃ nikkhipitum vaṭṭati.

Abbhokāsikenāpi vattaṃ jānitabbaṃ, tassa hi sace puggalikamañcako atthi, tattheva sayitabbaṃ. Saṃghikaṃ gaṇhantena vettena vā vākena vā vītamañcako gahetabbo. Tasmim̐ asati purāṇamañcako gahetabbo. Tasmim̐pi asati navavāyimo vā onaddhako vā gahetabbo. Gahetvā ca pana “ahaṃ ukkaṭṭharukkhamūliko ukkaṭṭha-abbhokāsiko”ti cīvarakuṭim̐pi akatvā asamaye ajjhokāse rukkhamūle vā paññapetvā nipajjitum na vaṭṭati. Sace pana catugguṇenapi cīvarena katakuṭi atementaṃ rakkhitum na sakkoti, sattāhavaddalikādīni bhavanti, bhikkhuno kāyānugatikkattā vaṭṭati.

Araññe paṇṇakuṭīsu vasantānaṃ sīlasampadāya pasannacittā manussā navaṃ mañcapīṭhaṃ denti “saṃghikaparibhogena paribhuñjathā”ti, vasitvā gacchantehi sāmantavihāre sabhāgabhikkhūnaṃ pesetvā gantabbaṃ, sabhāgānaṃ abhāve anovassake nikkhipitvā gantabbaṃ, anovassake asati rukkhe laggetvā gantabbaṃ. Cetiyaṅgaṇe sammajjanim̐ gahetvā bhojanasālaṅgaṇaṃ vā uposathāgāraṅgaṇaṃ vā pariveṇadivāṭṭhāna-aggisālādīsū vā aññatarāṃ sammajjitvā dhovitvā puna sammajjanim̐mālakeyeva ṭhapetabbā. Uposathāgārādīsū aññatarasmim̐ gahetvā avasesāni sammajjantassāpi eseva nayo.

Yo pana bhikkhācāramaggaṃ sammajjantova gantukāmo hoti, tena sammajjitvā sace antarāmagge sālā atthi, tattha ṭhapetabbā. Sace natthi, valāhakānaṃ anuṭṭhitabhāvaṃ sallakkhetvā “yāvāhaṃ gāmato nikkhamāmi, tāva na vassissatī”ti jānantena yattha katthaci nikkhipitvā puna paccāgacchantena pākatikaṭṭhāne ṭhapetabbā. Sace vassissatīti jānanto ajjhokāse ṭhapeti, dukkaṭanti Mahāpaccariyaṃ vuttaṃ. Sace pana tatra tatreva sammajjanatthāya sammajjanī nikkhittā hoti, taṃ taṃ ṭhānaṃ sammajjitvā tatra tatreva nikkhipitum vaṭṭati. Āsanasālaṃ sammajjantena vattaṃ jānitabbam. Tatridaṃ vattaṃ, majjhato paṭṭhāya pādaṭṭhānābhimukhā vālikā haritabbā. Kacavaraṃ hatthehi gahetvā bahi chaḍḍetabbam.

111. **Masārakoti** mañcapāde vijjhivā tattha aṭaniyo pavesetvā kato. **Bundikābaddhoti** aṭanihi mañcapāde ḍaṃsāpetvā pallaṅkasaṅkhepena kato. **Kuḷīrapādakoti** assameṇḍakādīnaṃ pādasadisehi pādehi kato. Yo vā pana koci vaṅkapādako, ayaṃ vuccati kuḷīrapādako. **Āhaccapādakoti** ayaṃ pana “āhaccapādako nāma mañco aṅge vijjhivā kato hotī”ti¹ evaṃ parato Pāḷiyaṃyeva vutto, tasmā aṭaniyo vijjhivā tattha pādasikhaṃ pavesetvā upari āṇiṃ datvā katamañco “āhaccapādako”ti veditabbo. Piṭṭhepi eseva nayo. **Anto saṃveṭhetvā baddhaṃ hotīti** heṭṭhā ca upari ca vitthataṃ, majjhe saṅkhittaṃ, paṇavasāṅṭhānaṃ katvā baddhaṃ hoti, taṃ kira majjhe sīhabyagghacammaaparikkhattampi² karonti. Akappiyacammaṃ nāmettha natthi. Senāsaṇaṃ hi sovaṇṇamayampi vaṭṭati, tasmā taṃ mahagghaṃ hoti. **Anupasampannaṃ santharāpeti, tassa palibodhoti** yena santharāpitaṃ, tassa palibodho. **Leḍḍupātaṃ atikkamantassa āpatti pācittiyassāti** thāmamajjhimassa purisassa leḍḍupātaṃ atikkamantassa pācittiyaṃ.

Ayaṃ panettha vinicchayo, therō bhojanasālāyaṃ bhattakiccaṃ katvā daharaṃ āṇāpeti “gaccha divāṭṭhāne mañcapīṭhaṃ pañṇapehī”ti. So tathā katvā nisinno. Thero yathārucci vicarivā tattha gantvā thavikaṃ vā uttarāsaṅgaṃ vā ṭhapeti, tato paṭṭhāya therassa palibodho. Nisīditvā

1. Ṭhito hoti (Vi 2. 67 piṭṭhe)

2. ...parikkhattampi (Sī)

sayam̐ gacchanto neva uddharati, na uddharāpeti, leḍḍupātātikkame pācittiyam̐. Sace pana thero tattha thavikam̐ vā uttarāsaṅgam̐ vā aṭṭhapetvā caṅkamantova daharam̐ “gaccha tvan”ti bhaṇati. Tena “idam̐ bhante mañcapīṭhan”ti ācikkhitabbam̐. Sace thero vattam̐ jānāti, “tvam̐ gaccha, aham̐ pākatikam̐ karissāmī”ti vattabbam̐. Sace bālo hoti anuggahitavatto, “gacchamā idha tiṭṭha, neva nisīditum̐ na nipajjitum̐ demī”ti¹ daharam̐ tajjetiyeva, daharena “bhante sukham̐ sayathā”ti kappam̐ labhitvā vanditvā gantabbam̐. Tasmim̐ gate therasseva palibodho. Purimanayeneva cassa āpatti veditabbā.

Atha pana āṇattikkhaṇeyeva daharo “mayham̐ bhante bhaṇḍakadhovanādi kiñci karaṇīyam̐ atthī”ti vadati, thero ca nam̐ “tvam̐ pañṇapetvā gacchahī”ti vatvā bhojanasālato nikkhamitvā aññattha gacchati, pāduddhārena kāretabbo. Sace tattheva gantvā nisīdati, purimanayeneva cassa leḍḍupātātikkame āpatti. Sace pana thero sāmaṇeram̐ āṇāpeti, sāmaṇere tattha mañcapīṭham̐ pañṇapetvā nisinnepi bhojanasālato aññattha gacchanto pāduddhārena kāretabbo. Gantvā nisinnō puna gamanakāle leḍḍupātātikkame āpattiyā kāretabbo. Sace pana āṇāpento “mañcapīṭham̐ pañṇapetvā tattheva nisīdā”ti āṇāpeti, yatricchati, tatra gantvā āgantum̐ labhati. Sayam̐ pana pākatikam̐ akatvā gacchantassa leḍḍupātātikkame pācittiyam̐. Antarasannipāte mañcapīṭhāni pañṇapetvā nisinnehi gamanakāle ārāmikānam̐ “imam̐ paṭisāmethā”ti vattabbam̐, avatvā gacchantānam̐ leḍḍupātātikkame āpatti.

Mahādhammasavanam̐ nāma hoti, tattha uposathāgāratopi bhojanasālatopi āharitvā mañcapīṭhāni pañṇapenti, āvāsikānam̐yeva palibodho. Sace āgantukā “idam̐ amhākam̐ upajjhāyassa, idam̐ ācariyassā”ti gaṇhanti. Tato paṭṭhāya tesam̐yeva palibodho, gamanakāle pākatikam̐ akatvā leḍḍupātām̐ atikkamantānam̐ āpatti. Mahāpaccariyam̐ pana vuttam̐ “yāva aññe na nisīdanti, tāva yehi pañṇattam̐, tesam̐ bhāro. Aññesu āgantvā nisinnesu nisinnakānam̐ bhāro. Sace te anuddharitvā vā anuddharāpetvā vā gacchanti, dukkaṭam̐. Kasmā? Anāṇattiyā pañṇapitattā”ti. Dhammāsane pañṇatte yāva ussārako

1. Dehīti (Sī)

vā dhammakathiko vā nāgacchati, tāva paññāpakānaṃ palibodho, tasmim̃ āgantvā nisinne tassa palibodho. Sakalaṃ ahorattaṃ dhammasavanaṃ hoti, añño ussārako vā dhammakathiko vā uṭṭhahati, añño nisīdati. Yo yo āgantvā nisīdati, tassa tassa bhāro. Uṭṭhahantena pana “idamāsanam̃ tumhākaṃ bhāro”ti vatvā gantabbaṃ. Sacepi itarasmiṃ anāgateyeva paṭhamam̃ nisinno uṭṭhāya gacchati, tasmim̃ca anto-upacāraṭṭheyeva itaro āgantvā nisīdati, uṭṭhāya gato āpattiyā na kāretabbo. Sace pana itarasmiṃ anāgateyeva paṭhamam̃ nisinno uṭṭhāyāsanā leḍḍupātaṃ atikkamati, āpattiyā kāretabbo. Sabbattha ca “leḍḍupātātikame paṭhamapāde dukkaṭam̃, dutiye pācittiyam̃”ti ayam̃ nayo Mahāpaccariyam̃ vutto.

112. **Cimilikam̃ vāti-ādīsu**¹ **cimilikā** nāma sudhādiriparikammakatāya bhūmiyā vaṇṇānurakkhaṇattham̃ katā hoti, tam̃ heṭṭhā pattharivā upari kaṭasāraṃ pattharanti. **Uttaratharaṇam̃** nāma mañcapīṭhānam̃ upari attharitabbam̃ paccattharaṇam̃. **Bhūmattharaṇam̃** nāma bhūmiyam̃ attharitabbā kaṭasārakādivikati. **Taṭṭikam̃** nāma tālapaṇṇehi vā vākehi vā katataṭṭikā. **Cammakhaṇḍo** nāma sīhabyagghadīpitaracchacammādīsipi yaṃkiñci cammam̃. Aṭṭhakathāsu hi senāsanaparibhoge paṭikkhittacammam̃ nāma na dissati, tasmā sīhacammādīnam̃ pariharaṇe vā paṭikkhepo veditabbo. **Pādapuñchanī** nāma rajjukehi vā pilotikāhi vā pādapuñchanattham̃ katā. **Phalakapīṭham̃** nāma phalakamayam̃ pīṭham̃. Atha vā phalakañceva dārumayapīṭhañca, etena sabbampi dārubhaṇḍādi saṅgahitam̃, Mahāpaccariyam̃ pana vitthāreneva vuttam̃ “ādhāraṃ pattapīṭhānam̃ pādakathalikam̃ tālavaṇṇam̃ bījanīpattakam̃ yaṃkiñci dārubhaṇḍam̃ antamaso pānīya-uḷuṅkam̃ pānīyasaṅkham̃ ajjhokāse nikkhipivā gacchantassa dukkaṭam̃”ti. Mahā-aṭṭhakathāyam̃ pana esa nayo dutiyasikkhāpade dassito. Ajjhokāse rajanam̃ pacitvā rajanabhājanam̃ rajana-uḷuṅko rajanadoṇikāti sabbam̃ aggisālāya paṭisāmetabbaṃ. Sace aggisālā natthi, anovassake pabbhāre nikkhipitabbaṃ. Tasmimpi asati yattha oloketā bhikkhū passanti, tādise ṭhāne ṭhapetvāpi gantum̃ vaṭṭati.

1. Cimilikam̃ vāti-ādīsu (Sī, evamuparipi)

Aññassa puggaliketi yasmim̐ vissāsaggāho na ruhati, tassa santake dukkaṭaṃ. Yasmim̐ pana vissāso ruhati, tassa santakaṃ attano puggalikamiva hotīti Mahāpaccariyādīsu vuttaṃ.

113. **Āpuccham̐ gacchatī**ti yo bhikkhu vā sāmaṇero vā ārāmiko vā lajjī hoti, attano palibodham̐ viya maññati, yo tathārūpaṃ āpucchitvā gacchati, tassa anāpatti. **Otāpento gacchatī**ti ātape otāpento āgantvā uddharissāmīti gacchati, evaṃ gacchato anāpatti. **Kenaci palibuddham̐ hotī**ti senāsanam̐ kenaci upaddutaṃ hotīti attho. Sacepi hi vuḍḍhataro bhikkhu uṭṭhāpetvā¹ gaṇhāti, sacepi yakkho vā peto vā āgantvā nisīdati, koci vā issaro āgantvā gaṇhāti, senāsanam̐ palibuddham̐ hoti. Sīhabyagghādīsu vā pana taṃ padesaṃ āgantvā ṭhitesupi senāsanam̐ palibuddham̐ hotiyeva. Evaṃ kenaci palibuddhe anuddharitvāpi gacchato anāpatti. **Āpadāsū**ti jīvitabrahmacariyantarāyesu. Sesam̐ uttānamevāti.

Kathinasamuṭṭhānam̐ kāyavācato kāyavācācittato ca samuṭṭhāti, kiriyākiriyaṃ, nosaññāvimokkham̐, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Paṭhamasenāsanasikkhāpadaṃ catuttham̐.

5. Dutiyasenāsanasikkhāpadavaṇṇanā

116. Dutiyasenāsanasikkhāpade **bhisī**ti mañcakabhisi vā pīṭhakabhisi vā, cimilikādīnipi purimasikkhāpade vuttappakārāniyeva. **Nisīdananti** sadasam̐ veditabbaṃ. **Paccattharaṇanti** pāvāro kojavoti ettakameva vuttaṃ. **Tiṇasanthāro**ti yesaṃ kesañci tiṇānam̐ santhāro. Esa nayo paṇṇasanthāre. **Parikkhepaṃ atikkamantassā**ti ettha paṭhamapādaṃ atikkāmentassa dukkaṭaṃ, dutiyātikkaṃ pācittiyaṃ. Aparikkhittassa upacāro nāma senāsanato dve leḍḍupātā.

1. Uṭṭhāpetvāva (Syā, Ka)

Anāpuccham vā gaccheyyāti ettha bhikkhumhi sati bhikkhu āpucchitabbo. Tasmim̄ asati sāmaṇero, tasmim̄ asati ārāmiko, tasmimpi asati yena vihāro kārīto, so vihārasāmiko, tassa vā kule yo koci āpucchitabbo. Tasmimpi asati catūsu pāsāṇesu mañcam̄ ṭhapetvā mañce avasesamañcapīṭhāni āropetvā upari bhisi-ādikaṃ dasavidhampi seyyam̄ rāsim̄ karitvā dārubhaṇḍam̄ mattikābhaṇḍam̄ paṭisāmetvā dvāravātapānāni pidahitvā gamiyavattam̄ pūretvā gantabbam̄. Sace pana senāsanam̄ ovassati, chadanatthañca tiṇam̄ vā iṭṭhakā vā ānītā honti. Sace ussahati, chādetabbam̄. No ce sakkoti, yo okāso anovassako, tattha mañcapīṭhādīni nikkhipitvā gantabbam̄. Sace sabbampi ovassati, ussahantena antogāme upāsakānam̄ ghare ṭhapetabbam̄. Sace tepi “saṃghikaṃ nāma bhante bhāriyam̄, aggidāhādīnam̄ bhāyāmā”ti na sampaṭicchanti, ajjhokāsepi pāsāṇānam̄ upari mañcam̄ ṭhapetvā sesam̄ pubbe vuttanayeneva nikkhipitvā tiṇehi ca paṇṇehi ca paṭicchādetvā gantum̄ vaṭṭati. Yam̄ hi tattha aṅgamattampi avasissati, tam̄ aññesam̄ tattha āgatānam̄ bhikkhūnam̄ upakāram̄ bhavissatīti.

117. **Vihārassa upacāreti**-ādīsu vihārassūpacāro nāma pariveṇam̄. **Upaṭṭhānasālā**ti pariveṇabhojanasālā. **Maṇḍapoti** pariveṇamaṇḍpo. **Rukkhamūlanti** pariveṇarukkhamūlam̄. Ayam̄ tāva nayo Kurundaṭṭhakathāyam̄ vutto. Kiñcāpi vutto, atha kho vihāroti antogabbho vā aññam̄ vā sabbaparicchannam̄ guttasenāsanam̄ veditabbam̄. **Vihārassa upacāreti** tassa bahi āsanne okāse. **Upaṭṭhānasālāyam̄ vā**ti bhojanasālāyam̄ vā. **Maṇḍape vā**ti aparicchanne paricchanne vāpi bahūnam̄ sannipātamaṇḍape. Rukkhamūle vattabbam̄ natthi. **Āpatti dukkaṭassāti** vuttappakāram̄ hi dasavidham̄ seyyam̄ antogabbhādīmi guttaṭṭhāne paññapetvā gacchantassa yasmā seyyāpi senāsanampi upacikāhi palujjati, vammikarāsiyeva hoti, tasmā pācittiyam̄ vuttam̄. Bahi pana upaṭṭhānasālādīsu paññapetvā gacchantassa seyyāmatteva nasseyya, ṭhānassa

aguttatāya, na senāsanam, tasmā ettha dukkaṭam vuttam. **Mañcam vā piṭham vāti** ettha yasmā na sakkā mañcapīṭham sahasā upacikāhi khāyitum, tasmā tam vihārepi santharivā gacchantassa dukkaṭam vuttam. Vihārūpacāre pana tam vihāracārikam āhiṇḍantāpi disvā paṭisāmessanti.

118. **Uddharivā gacchatīti** ettha uddharivā gacchantena mañcapīṭhakavāṭam sabbam apanetvā samharivā cīvaravamse laggetvā gantabbam. Pacchā āgantvā vasanakabhikkhunāpi puna mañcapīṭham vā paññāpetvā sayitvā gacchantena tatheva kātabbam. Antokuttato seyyam bahikutte paññāpetvā vasantena gamanakāle gahitaṭṭhāneyeva paṭisāmetabbam. Uparipāsādato oropetvā heṭṭhāpāsāde vasantassapi eseva nayo. Rattiṭṭhānadivāṭṭhānesu mañcapīṭham paññāpetvāpi gamanakāle puna gahitaṭṭhāneyeva ṭhapetabbam.

Āpuccham gacchatīti etthāyam āpucchitabbānapucchitabbavinicchayo, yā tāva bhūmiyam dīghasālā vā paññasālā vā hoti, yam vā rukkhatthambhesu katageham upacikānam utṭhānaṭṭhānam hoti, tato pakkamantena tāva āpucchitvāva pakkamitabbam. Tasmim hi katipayāni divasāni ajaggiyamāne vammikāva santiṭṭhanti. Yam pana pāsānapīṭṭhiyam vā pāsānatthambhesu vā katasenāsanam siluccayaleṇam vā sudhālittasenāsanam vā, yattha upacikāsaṅkā natthi, tato pakkamantassa āpucchitvāpi anāpucchitvāpi gantum vaṭṭati, āpucchanaṃ pana vattam. Sace tādisepi senāsane ekena passena upacikā ārohanti, āpucchitvāva gantabbam. Yo pana āgantuko bhikkhu saṅghikam senāsanam gahetvā vasantam bhikkhum anuvattanto attano senāsanam aggahetvā vasati, yāva so na gaṇhāti, tāva tam senāsanam purimabhikkhusseva palibodho. Yadā pana so senāsanam gahetvā attano issariyena vasati, tato paṭṭhāya āgantukasseva palibodho. Sace ubhopi vibhajitvā gaṇhanti, ubhinnampi palibodho. Mahāpaccariyam pana vuttam, sace dve tayo ekato hutvā paññāpentī, gamanakāle sabbehipi āpucchitabbam. Tesu ce paṭhamam gacchanto pacchimo jaggissatīti ābhogam katvā gacchati, vaṭṭati. Pacchimassa ābhogena mutti natthi. Bahū ekam pesetvā santharāpentī, gamanakāle sabbehi vā

āpucchitabbaṃ, ekaṃ vā pesetvā āpucchitabbaṃ. Aññato mañcapīṭhādīni ānetvā aññatra vasitvāpi gamanakāle tattheva netabbāni. Sace aññāvāsato ānetvā vasamānassa añño vuḍḍhataro āgacchati, na paṭibāhitabbo, “mayā bhante aññāvāsato ānītaṃ, pākatiṃ kareyyāthā”ti vattabbaṃ. Tena “evaṃ karissāmi”ti sampaṭicchite itarassa gantuṃ vaṭṭati. Evamaññattha haritvāpi saṃghikaparibhogena paribhuñjantassa naṭṭhaṃ vā jiṇṇaṃ vā corehi vā haṭaṃ gīvā na hoti, puggalikaparibhogena paribhuñjantassa pana gīvā hoti. Aññassa mañcapīṭhaṃ pana saṃghikaparibhogena vā puggalikaparibhogena vā paribhuñjantassa naṭṭhaṃ gīvāyeva.

Kenaci palibuddhaṃ hotīti vuḍḍhatarabhikkhu issariyayakkhasīhavālamigakaṇhasappādīsu yena kenaci senāsanāṃ palibuddhaṃ hoti. **Sāpekkho gantvā tattha ṭhito āpucchati, kenaci palibuddho hotīti** ajjeva āgantvā paṭijaggissāmīti evaṃ sāpekkho nadīpāraṃ vā gāmantaraṃ vā gantvā yatthassa gamanacittaṃ uppannaṃ, tattheva ṭhito kañci pesetvā āpucchati, nadīpūrarājacorādīsu vā kenaci palibuddho hoti upadduto, na sakkoti paccāgantūṃ, evambhūtassapi anāpatti. Sesam paṭhamasikkhāpade vuttanayameva saddhiṃ samuṭṭhānādīhīti.

Dutiya senāsanāsikkhāpadaṃ pañcamaṃ.

6. Anupakhajjasikkhāpadavaṇṇanā

119. Chaṭṭhasikkhāpade **palibundhentīti** paṭhamataraṃ gantvā pattacīvaraṃ atiharitvā¹ rumbhitvā tiṭṭhanti. **Therā bhikkhū**² **vuṭṭhāpentīti** amhākaṃ āvuso pāpuṇātīti vassaggena gahetvā vuṭṭhāpenti. **Anupakhajja seyyaṃ kappentīti** tumhākaṃ bhante mañcaṭṭhānaṃyeva pāpuṇāti. Na sabbo vihāro. Amhākaṃ dāni idaṃ ṭhānaṃ pāpuṇātīti anupavisitvā mañcapīṭhaṃ paññāpetvā nisīdanti pi nipajjanti pi sajjhāyampi karonti.

120. **Jānanti** “anuṭṭhāpanīyo ayan”ti jānanto. Tenevassa Vibhaṅge “vuḍḍhoti jānāti”ti-ādi vuttaṃ. Vuḍḍho hi attano vuḍḍhatāya

1. Abhiharitvā (Ka)

2. There bhikkhū (Sī, Syā)

anuṭṭhāpanīyo, gilāno gilānatāya, saṅgho pana bhaṇḍāgārikassa vā dhammakathikavinayadharādīnaṃ vā gaṇavācaka-ācariyassa vā bahūpakāratam gaṇavisiṭṭhatañca sallakkhento dhuvavāsathāya vihāram sammannitvā deti, tasmā yassa saṅghena dinno, sopi anuṭṭhāpanīyo. Kāmañcetta gilānassāpi saṅghoyeva anucchavikaṃ senāsanam deti, gilāno pana apaloketvā saṅghena adinnasenāsanopi¹ na pīḷetabbo anukampitabboti dassetuṃ visuṃ vutto.

121. **Upacāreti** ettha mañcapīṭhānaṃ tāva mahallake vihāre samantā diyaḍḍho hattho upacāro, khuddake yato pahoti tato diyaḍḍho hattho, pāde dhovitvā pavisantassa passāvattthāya nikkhamantassa ca yāva dvāre nikkhattapādadhovanapāsāṇato passāvattthānato ca mañcapīṭhaṃ, tāva diyaḍḍhahatthavittthāro maggo upacāro nāma. Tasmim mañcassa vā pīṭhassa vā upacāre ṭhitassa vā bhikkhuno pavisantassa vā nikkhamantassa vā upacāre yo anupakhajja seyyam kappetukāmo seyyam santharati vā santharāpeti vā, āpatti dukkaṭassa.

Abhinisīdati vā abhinipajjati vāti ettha abhinisīdanamattena abhinipajjanamatteneva vā pācittiyam. Sace pana dvepi karoti, dve pācittiyāni. Uṭṭhāyutṭhāya nisīdato vā nipajjato vā payoge payoge pācittiyam.

122. **Upacāram ṭhapetvā seyyam santharati vā santharāpeti vāti** imasmim, ito pare ca “vihārassa upacāre”ti-ādike dukkaṭavārepi yathā idha abhinisīdanamatte abhinipajjanamatte² ubhayakaraṇe payogabhede³ ca pācittiyappabhedo vutto, evam dukkaṭappabhedo veditabbo. Evarūpena hi visabhāgapuggalena ekavihāre vā ekapariveṇe vā vasantena attho natthi, tasmā sabbatthevassa nivāso vārito. **Aññassa puggalike**ti idhāpi vissāsikassa puggalikaṃ attano puggalikasadisameva, tattha anāpatti.

1. Adinnasenāsanepi (Ka)

2. Abhinisīdanamattena abhinipajjanamattena (Ka)

3. Payogabhedena (Ka)

123. **Āpadāsūti** sace bahi vasantassa jīvitabrahmacariyantarāyo hoti, evarūpāsu āpadāsu yo pavisati, tassāpi anāpatti. Sesam uttānamevāti. Paṭhamapārājikasamuṭṭhānam, kiriyam, saññāvimokkham, sacittakam, lokavajjam, kāyakammaṃ, akusalacittam, dukkhavedananti.

Anupakhajjasikkhāpadaṃ chaṭṭham.

7. Nikkaḍḍhanasikkhāpadavaṇṇanā

126. Sattamasikkhāpade **ekena payogena bahukepi dvāre atikkāmetīti** ye catubhūmakapañcabhūmakā pāsādā, chasattakoṭṭhakāni vā catussālāni, tādisesu senāsanesu hatthesu vā gīvāya vā gahetvā antarā aṭṭhapento ekena payogena atikkāmeti, ekameva pācittiyam. Ṭhapetvā ṭhapetvā nānāpayogehi atikkāmentassa dvāragaṇanāya pācittiyāni. Hatthena anāmasitvā “nikkhamā”ti vatvā vācāya nikkāḍḍhantassāpi eseva nayo.

Aññam āṇāpetīti ettha “imaṃ nikkāḍḍhā”ti āṇattimatte dukkaṭam. Sace so sakim āṇatto bahukepi dvāre atikkāmehi, ekaṃ pācittiyam. Sace pana “ettakāni dvārāni nikkāḍḍhāhi”ti vā “yāva mahādvāram, tāva nikkāḍḍhāhi”ti vā evam niyāmetvā āṇatto hoti, dvāragaṇanāya pācittiyāni.

Tassa parikkhāranti yaṃkiñci tassa santakam pattacīvaraparissāvanadhamakaraṇamañcapīṭha bhisi bimbohanādibhedam antamaso rajanachallimpi yo nikkāḍḍhati vā nikkāḍḍhāpeti vā, tassa vatthugaṇanāya dukkaṭāni. Gāḷham bandhitvā ṭhapitesu pana ekāva āpattīti Mahāpaccariyam vuttam.

127. **Aññassa puggaliketī** idhāpi vissāsikapuggalikam attano puggalikasadisameva. Yathā ca idha, evam sabbattha. Yatra pana viseso bhavissati, tatra vakkhāma.

128. **Alajjim nikkāḍḍhati vāti** -ādīsu bhaṇḍanakāraḥakalahakāraḥakameva sakalasaṃghārāmato nikkāḍḍhitum labhati, so hi pakkham labhitvā

saṅghampi bhindeyya. Alajjī-ādayo pana attano vasanaṭṭhānatoyeva nikkadḍhitabbā, sakalasaṅghārāmato nikkadḍhitum na vaṭṭati.

Ummattakassāti sayam ummattakassa anāpatti. Sesam uttānamevāti.

Tisamuṭṭhānam kāyacittato vācācittato kāyavācācittato ca samuṭṭhāti, kiriyaṃ, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedananti.

Nikkadḍhanasikkhāpadaṃ sattamaṃ.

8. Vehāsakuṭisikkhāpadavaṇṇā

129. Aṭṭhamasikkhāpade **uparivehāsakuṭiyāti** upari acchannatalāya dvibhūmikakuṭiyā vā tibhūmikādikuṭiyā vā. **Mañcam sahasā abhinisīdīti** mañcam sahasā abhibhavitvā ajjhottharivā nisīdi. Bhummatthe vā etaṃ upayogavacanam, mañce nisīdīti attho. **Abhīti** idam pana padasobhanattham upasaggamattameva. **Nippatitvāti** nipatitvā, nikkhamitvā vā. Tassa hi upari āṇipi¹ na dinnā, tasmā nikkhanto. **Vissaramakāsīti** virūpaṃ āturassaramakāsi.

131. **Vehāsakuṭi nāma majjhimassa purisassa asīsaghaṭṭāti** yā pamāṇamajjhimassa purisassa sabbaheṭṭhimāhi tulāhi sīsam na ghaṭṭeti, etena idha adhippetā vehāsakuṭi dassitā hoti, na vehāsakuṭilakkhaṇam. Yā hi kāci upari acchinnatalā dvibhūmikā kuṭi tibhūmikādikuṭi vā “vehāsakuṭi”ti vuccati. Idha pana asīsaghaṭṭā adhippetā. Abhinisīdanādīsu pubbe vuttanayeneva payogavasena āpattibhedo veditabbo.

133. **Avehāsakuṭiyāti** bhūmiyaṃ katapaṇṇasālādīsu anāpatti. Na hi sakkā tattha parassa pīlā kātum. **Sīsaghaṭṭāyāti** yāyam sīsaghaṭṭā hoti, tathāpi anāpatti. Na hi sakkā tattha heṭṭhāpāsāde anonaṭena vicaritum, tasmā asañcaraṇaṭṭhānattā parapīlā na

1. Āṇīhi (Ka)

bhavissati. **Heṭṭhā aparibhogam hotīti** yassā heṭṭhā dabbasambhārādīnam nikkhattatā aparibhogam hoti, tatthāpi anāpatti. **Padarasañcītam hotīti** yassā uparimatalam dāruphalakehi vā ghanasanthatam hoti sudhādiparikammakatam vā, tatthāpi anāpatti. **Paṭāṇi dinnā hotīti** mañcapīṭhānam pādasikhāsu āṇī dinnā hoti. Yattha nisīdantepi na nippatanti, tādise mañcapīṭhe nisīdatopi anāpatti. **Tasmim ṭhitoti** āhaccapādake mañce vā pīṭhe vā ṭhito upari nāgadantakādīsū laggitakam cīvaram vā kiñci vā gaṇhāti vā, aññam vā laggeti, tassāpi anāpatti. Sesam uttānameva. Eḷakalomasamuṭṭhānam kāyato ca kāyacittato ca samuṭṭhāti, kiriyaṃ, nosaññāvimokkham, acittakam, paṇṇattivajjam, kāyakammaṃ, ticittam, tivedananti.

Vehāsakuṭṭisikkhāpadam aṭṭhamam.

9. Mahallakavīhārasikkhāpadavaṇṇanā

135. Navamasikkhāpade **yāva dvāraḷakosāti** ettha dvāraḷakoso nāma piṭṭhasaṅghāṭassa samantā kavāṭavīṭṭhārappamāṇo okāso. Mahāpaccariyaṃ pana “dvārabāhato paṭṭhāya diyaḍḍho hattho”ti vuttam. Kurundiyaṃ pana “dvārassa ubhosu passesu kavāṭappamāṇan”ti. Mahā-aṭṭhakathāyaṃ “kavāṭam nāma diyaḍḍhahatthampi hoti dvihatthampi aḍḍhateyyahatthampī”ti vuttam, tam suvuttam. Tadeva hi sandhāya Bhagavatāpi “piṭṭhasaṅghāṭassa samantā hatthapāsā”ti ayaṃ ukkaṭṭhaniddeso kato. **Aggaḷaṭṭhapanāyāti** sakavāṭakadvārabandhaṭṭhapanāya, sakavāṭakassa dvārabandhassa niccalabhāvattahāyāti attho. Dvāraṭṭhapanāyāti idampi hi padabhājanam imamevattham sandhāya bhāsitam. Ayaṃ panettha adhippāyo, kavāṭam hi lahuparivaṭṭakam vivaraṇakāle bhittim āhanati, pidahanakāle dvārabandham, tena āhananena bhitti kampati, tato mattikā calati, calitvā sithilā vā hoti patati vā. Tenāha Bhagavā “yāva dvāraḷakosā aggaḷaṭṭhapanāyā”ti. Tattha kiñcāpi “idam nāma kattabban”ti neva mātīkāyaṃ na padabhājane vuttam, aṭṭhuppattiyaṃ pana “punappunam chādāpesi, punappunam lepāpesi”ti adhikārato yāva dvāraḷakosā aggaḷaṭṭhapanāya punappunam limpītabbo vā lepāpetabbo vāti evamattho daṭṭhabbo.

Yaṃ pana padabhājane “piṭṭhasaṅghātassa samantā hatthapāsā”ti vuttaṃ. Tattha yassa vemajjhe dvāraṃ hoti, uparibhāge uccā bhitti, tassa tīsu disāsu samantā hatthapāsā upacāro hoti, khuddakassa vihārassa dvīsu disāsu upacāro hoti. Tatrāpi yaṃ bhittim vivariyamānaṃ kavāṭaṃ āhanati, sā aparipūra-upacārāpi hoti. Ukkaṭṭhaparicchedena pana tīsu disāsu samantā hatthapāsā dvārassa niccalabhāvattāya lepo anuññāto. Sace panassa dvārassa adhobhāgepi lepokāso atthi, tampi limpituṃ vaṭṭati.

Ālokasandhiparikammāyāti ettha **ālokasandhī**ti vātapānakavāṭakā vuccanti. Tepi vivaraṇakāle vidatthimattampi atirekampi bhittippadesaṃ paharanti. Upacāro panettha sabbadisāsu labbhati, tasmā sabbadisāsu kavāṭavittihārappamāṇo okāso ālokasandhiparikammattāya limpitaḥḥo vā lepāpetabbo vāti ayamettha adhippāyo.

Setavaṇṇanti-ādikaṃ na mātikāya padabhājanaṃ. Iminā hi vihārassa bhārikattaṃ nāma natthīti padabhājaneyeva anuññātaṃ, tasmā sabbametaṃ yathāsukhaṃ kattabbaṃ.

Evam lepakamme yaṃ kattabbaṃ, taṃ dassetvā puna chadane kattabbaṃ dassetuṃ **dvatticchadanassāti**-ādi vuttaṃ. Tattha **dvatticchadanassa pariyāyanti** chadanassa dvattipariyāyaṃ, pariyāyo vuccati parikkhepo, parikkhepadvayaṃ vā parikkhepattayaṃ vā adhiṭṭhātabbanti attho. **Appaharite ṭhitenāti** aharite ṭhitena. **Haritanti** cettha sattadhaññabhedaṃ pubbaṇṇaṃ muggamāsatilakulattha-alābukumbhaṇḍādibhedaṇca aparāṇṇaṃ adhippetāṃ. Tenevāha “haritaṃ nāma pubbaṇṇaṃ aparāṇṇaṃ”ti.

Sace harite ṭhito adhiṭṭhāti, āpatti dukkaṭassāti ettha pana yasmimpi khette vuttaṃ bījaṃ na tāva sampajjati, vasse vā pana patite sampajjissati, tampi haritasāṅkhyameva gacchati. Tasmā evarūpe khettepi ṭhitena na adhiṭṭhātabbaṃ, ahariteyeva ṭhitena adhiṭṭhātabbaṃ. Tatrāpi ayaṃ paricchedo, piṭṭhivaṃsassa vā kūṭāgārakaṇṇikāya vā upari, thupikāya vā passe nisinno chadanamukhavaṭṭi-antena olokento yasmim bhūmibhāge ṭhitaṃ passati, yasmim ca bhūmibhāge ṭhito taṃ upari nisinnakaṃ passati,

tasmim̄ ṭhāne adhiṭṭhātabbam̄. Tassa anto aharitepi ṭhatvā adhiṭṭhātum̄ na labbhati. Kasmā? Vihārassa hi patantassa ayam̄ patanokāsoti.

136. **Maggena chādentassati** ettha maggena chādanam̄¹ nāma aparikkhipivā ujukameva chādanam̄, tam̄ iṭṭhakasilāsudhāhi labbhati. **Dve magge adhiṭṭhahitvā**ti dve maggā sace ducchannā honti, apanetvāpi punappunam̄ chādetum̄² labbhati, tasmā yathā icchati, tathā dve magge adhiṭṭhahitvā tatiyamaggam̄ “idāni evam̄ chādehī”ti āṇāpetvā pakkamitabbam̄. **Pariyāyenā**ti parikkhepena. Evam̄chadanam̄ pana tiṇapaṇṇehi labbhati. Tasmā idhāpi yathā icchati, tathā dve pariyāye adhiṭṭhahitvā tatiyam̄ pariyāyam̄ “idāni evam̄ chādehī”ti āṇāpetvā pakkamitabbam̄. Sace na pakkamati, tuṇhībhūtena ṭhātabbam̄. Sabbampi cetam̄ chadanam̄ chadanūpari veditabbam̄. Uparūparicchanno hi vihāro ciram̄ anovassako hotīti maññamānā evam̄ chādenti. **Tato ce uttarinti** tiṇṇam̄ maggānam̄ vā pariyāyānam̄ vā upari catutthe magge vā pariyāye vā.

137. **Karale karaleti** tiṇamuṭṭhiyam̄ tiṇamuṭṭhiyam̄. Sesamettha uttānamevāti. Chasamuṭṭhānam̄, kiriyam̄, nosaññāvimokkham̄, acittakam̄, paṇṇattivajjam̄, kāyakammaṃ vacīkammaṃ, ticittam̄, tivedananti.

Mahallakavihārasikkhāpadam̄ navamam̄.

10. Sappāṇakasikkhāpadavaṇṇanā

140. Dasamasikkhāpade **jānam̄ sappāṇakanti** sappāṇakam̄ etanti yathā tathā vā jānanto. **Siñceyya vā siñcāpeyya vā**ti tena udakena sayam̄ vā siñceyya, aññam̄ vā āṇāpetvā siñcāpeyya. Pāḷiyam̄ pana “siñceyyāti sayam̄ siñcati”ti īdisānam̄ vacanānam̄ attho pubbe vuttanayeneva veditabbo.

Tattha dhāram̄ avicchinditvā siñcantassa ekasmim̄ udakaghaṭe ekāva āpatti. Esa nayo sabbabhājanesu. Dhāram̄ vicchindantassa pana payoge payoge

1. Chāditam̄ (Ka)

2. Chādāpetum̄ (Sī, Syā)

āpatti. Mātikaṃ sammukhaṃ karoti, divasampi sandatu, ekāva āpatti. Sace tattha tattha bandhitvā aññato aññato neti, payoge payoge āpatti. Sakaṭabhāramattañcepi tiṇaṃ ekapayogena uduke pakkhipati, ekāva āpatti. Ekekaṃ tiṇaṃ vā paṇṇaṃ vā pakkhipantassa payoge payoge āpatti. Mattikāyapi aññesupi kaṭṭhagomayādīsu eseva nayo. Idaṃ pana mahā-udakaṃ sandhāya na vuttaṃ, yaṃ tiṇe vā mattikāya vā pakkhittāya pariyādānaṃ gacchati, āvilaraṃ vā hoti, yattha pāṇakā maranti, tādīsaṃ udakaṃ sandhāya vuttanti veditabbaṃ. Sesamettha uttānamevāti.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, paṇṇattivaṃ, kāyakammaṃ vacīkammaṃ, ticittaṃ, tivedananti.

Sappāṇakasikkhāpadaṃ dasamaṃ.

Samatto vaṇṇanākkamena senāsanavaggo¹ dutiyo.

3. Ovādavagga

1. Ovādasikkhāpadavaṇṇanā

144. Bhikkhuniyaggassa paṭhamasikkhāpade **lābhino hontī**ti ettha na tesāṃ bhikkhuniyo denti na dāpenti, mahākulehi pabbajitā pana kuladhītarō attano santikaṃ āgatānaṃ nātimaññānaṃ “kuto ayye ovādaṃ uddesaṃ paripucchāṃ labhathā”ti pucchantānaṃ “asuko ca asuko ca therō ovadati”ti asītimahāsāvake uddisitvā kathānusārena tesāṃ sīlasutācārājātīgottādibhedaṃ vijjānāguṇaṃ kathayanti. Evarūpā hi vijjānāguṇā kathetum vaṭṭanti. Tato pasannacittā manussā therānaṃ cīvarādibhedaṃ mahantaṃ lābhasakkāraṃ abhihariṃsu. Tena vuttaṃ “lābhino honti cīvara -pa- parikkhārānaṃ”ti.

1. Bhūtagānavaggo (Pāliyaṃ)

Bhikkhuniyo upasaṅkamitvāti tesam kira santike tāsū ekā bhikkhunīpi na āgacchati, lābhataṅhāya pana ākaḍḍhiyamānahadaya tāsam upassayaṃ agamaṃsu. Tam sandhāya vuttam “bhikkhuniyo upasaṅkamitvā”ti. Tāpi bhikkhuniyo calacittatāya tesam vacanaṃ akaṃsuyeva. Tena vuttam **atha kho tā bhikkhuniyo -pa- nisīdimṃsūti. Tiracchānakathanti**¹ saggamaggagamanepi tiracchānabhūtam rājakathādimanekavidham niratthakakatham. **Iddhoti** samiddho, sahitattho gambhīro bahuraso lakkhaṇapaṭivedhasaṃyuttoti adhippāyo.

145-147. **Anujānāmi bhikkhave**ti ettha yasmā te bhikkhū “mā tumhe bhikkhave bhikkhuniyo ovaditthā”ti vuccamānā adiṭṭhasaccattā Tathāgate āghātam bandhitvā apāyupagā bhaveyyum, tasmā nesam tam apāyupagataṃ pariharanto Bhagavā aññeneva upāyena te bhikkhunovādato paribāhire kattukāmo imam bhikkhunovādakasammutim anujānīti veditabbo. Evaṃ idha paribāhire kattukāmatāya anujānitvā parato karontova **anujānāmi bhikkhave aṭṭhahaṅgehi samannāgatanti-ādimāha**. Imāni hi aṭṭhaṅgāni chabbaḅgiyānam supinantenapi na bhūtapubbānīti.

Tattha sīlamassa atthīti **sīlavā**. Idāni yañca tam sīlam, yathā ca tam tassa atthi nāma hoti, tam dassento **pātimokkhasaṃvarasaṃvutoti-ādimāha**. Tattha pātimokkhova saṃvaro pātimokkhasaṃvaro. Pātimokkhasaṃvarena saṃvuto samannāgatoti **pātimokkhasaṃvarasaṃvuto**.

Viharatīti vattati. Vuttañhetam Vibhaṅge—

“Pātimokkhanti sīlam patiṭṭhā ādi caraṇam saṃyamo saṃvaro mokkham pamokkham kusalānam dhammānam samāpattiyā, saṃvaroti kāyiko avītikkamo vācasiko avītikkamo kāyikavācasiko avītikkamo. Saṃvutoti iminā pātimokkhasaṃvarena upeto hoti samupeto upagato samupagato upapanno samupapanno sampanno samannāgato, tena vuccati “pātimokkhasaṃvarasaṃvuto”ti. Viharatīti iriyati vattati pāleti yapeti yāpeti carati viharati, tena vuccati “viharatī”ti².

1. Tiracchānakathāya (Pāḷiyam)

2. Abhi 2. 254 piṭṭhe.

Ācāragocarassampannoti micchājīvapaṭisedhakena na veḷudānādinā ācārena, vesiyādi-agocaraṃ pahāya saddhāsampannakulādinā ca gocarena sampanno. **Aṇumattesu vajjesu bhayadassāvīti** appamattakesu vajjesu bhayadassāvī, tāni vajjāni bhayato dassanasīloti vuttaṃ hoti. **Samādāya sikkhati sikkhāpadesūti** adhisīlasikkhādibhāvena tidhā ṭhitesu sikkhāpadesu taṃ taṃ sikkhāpadaṃ samādāya sammā ādāya sādhukaṃ gahetvā avijahanto sikkhatīti attho. Ayamettha saṅkhepo, vitthāro¹ pana yo icchatī, tena Visuddhimaggato gahetabbo.

Bahu sutamassāti **bahussuto**. Sutaṃ dhāretīti **sutadharo**, yadassa taṃ bahu sutaṃ nāma, taṃ na sutamattameva, atha kho naṃ dhāretīti attho. Mañjūsāyaṃ viya ratanaṃ sutaṃ sannicitamasminti **sutasannicayo**. Etena yaṃ so sutaṃ dhāreti, tassa mañjūsāya gopetvā sannicitaratanasseva cirakālenāpi avināsanāṃ dasseti. Idāni taṃ sutaṃ sarūpato dassento **ye te dhammāti-ādimāha**, taṃ Verañjakaṇḍe vuttanayameva. Idaṃ panettha nigamaṇāṃ, tathārūpāssa dhammā bahussutā² honti, tasmā bahussuto. Dhātā³, tasmā sutadharo. Vacasā paricitā manasānupekkhitā, diṭṭhiyā suppaṭividdhā, tasmā sutasannicayo. Tattha **vacasā paricitāti** vācāya paguṇā katā. **Manasānupekkhitāti** manasā anupekkhitā, āvajjantassa dīpasahassena obhāsītā viya honti. **Diṭṭhiyā suppaṭividdhāti** atthato ca kāraṇato ca paññāya suṭṭhu paṭividdhā supaccakkhatā honti.

Ayaṃ pana bahussuto nāma tividho hoti nissayamuccanako parisupaṭṭhāpako bhikkhunovādakoti. Tattha **nissayamuccanakena** upasampadāya pañcavassena sabbantimena paricchadena dve mātikā paguṇā vācuggatā kātabbā⁴ pakkhadivasesu dhammasāvanatthāya⁵ suttantato cattāro bhāṇavārā, sampattānaṃ parikathanatthāya Andhakavindamahārāhulovāda-ambaṭṭhasadiso eko kathāmaggo, saṅghabhattamaṅgalāmaṅgalesu anumodanatthāya tisso anumodanā, uposathapavāraṇādijānanattham

1. Vitthāraṃ (Sī, Syā)

2. Bahū sutā (?)

3. Dhātā (Sī, Syā)

4. Katvā (Ka)

5. Dhammasāvanatthāya (Sī, Syā, Ka)

kammākammavinicchayo, samaṇadhammakaraṇatthaṃ samādhivasena vā vipassanāvasena vā arahattapariyosānamekaṃ kammaṭṭhānaṃ, ettakaṃ uggahetabbaṃ. Ettāvataṃ hi ayaṃ bahussuto hoti cātuddiso, yattha katthaci attano issariyena vasitum labhati.

Parisupaṭṭhāpakena upasampadāya dasavassena sabbantimena paricchadena parisam abhivinaye vinetum dve Vibhaṅgā paṇṇā vācuggaṭā kātabbā, asakkontena tīhi janehi saddhim parivattanakkhamā kātabbā, kammākammañca Khandhakavattañca uggahetabbaṃ. Parisāya pana abhidhamme vinayanatthaṃ sace majjhimabhāṇako hoti Mūlapaṇṇāsako uggahetabbo, dīghabhāṇakena Mahāvaggo, saṃyuttabhāṇakena heṭṭhimā vā tayo vaggā Mahāvaggo vā, aṅguttarabhāṇakena heṭṭhā vā upari vā upaḍḍhanikāyo uggahetabbo, asakkontena tikanipātato paṭṭhāya heṭṭhā uggahetumpi vaṭṭati. Mahāpaccariyaṃ pana ekaṃ uggaṇhantena catukkanipātaṃ vā pañcakanipātaṃ vā gahetum vaṭṭatīti vuttaṃ. Jātakabhāṇakena sātṭhakatham jātakam uggahetabbaṃ, tato oraṃ na vaṭṭati. Dhammapadampi saha vatthunā uggahetum vaṭṭatīti Mahāpaccariyaṃ vuttaṃ. Tato tato samuccayaṃ katvā Mūlapaṇṇāsakamattaṃ vaṭṭati na vaṭṭatīti. Na vaṭṭatīti Kurundaṭṭhakathāyaṃ paṭikkhattam, itarāsu vicāraṇāyeva natthi. Abhidhamme kiñci uggahetabbanti na vuttaṃ. Yassa pana sātṭhākathampi Vinayaṭṭhākaṃ Abhidhammaṭṭhākañca paṇṇam, suttante ca vuttappakāro gantho natthi, parisam upaṭṭhāpetum na labhati. Yena pana suttantato vinayato ca vuttappamāṇo gantho uggahito, ayaṃ parisupaṭṭhāpako bahussuto hoti disāpāmoḁkho yena kāmaṃgamo, parisam upaṭṭhāpetum labhati.

Bhikkhunovādakena pana sātṭhakathāni tīhi ṭṭhākaṃ uggahetabbāni, asakkontena catūsu nikāyesu ekassa Aṭṭhakathā paṇṇā kātabbā, ekanikāyena hi sesanikāyesupi pañham kathetum sakkhissati. Sattasu pakaraṇesu catuppakaraṇassa Aṭṭhakathā paṇṇā kātabbā, tattha laddhanayena hi sesapakaraṇesu pañham kathetum sakkhissati. Vinayaṭṭhākaṃ pana nānattham nānakāraṇam, tasmā taṃ saddhim Aṭṭhakathāya paṇṇam kātabbameva. Ettāvataṃ hi bhikkhunovādako bahussuto nāma hotīti.

Ubhayāni kho panassāti-ādi pana yasmā aññasmiṃ sakale navaṅgepi bāhussacce sati sātthakatham Vinayapiṭakam vinā na vaṭṭatiyeva, tasmā visum vuttam. Tattha **vitthārenāti** Ubhatovibhaṅgena saddhim. **Svāgatānīti** suṭṭhu āgatāni. Yathā āgatāni pana svāgatāni honti, tam dassetuṃ **suviḥattānīti**-ādi vuttam. Tattha **suviḥattānīti** suṭṭhu viḥattāni padapaccābhaṭṭhasaṅkaradosavirahitāni. **Suppavattīnīti** paguṇāni vācuggatāni. **Suvinicchitāni suttasoti** Khandhakaparivārato āharitabbasuttavasena suṭṭhu vinicchitāni. **Anubyañjanasoti** akkharapadapāripūriyā ca suvinicchitāni akhaṇḍāni aviparītakkharāni. Etena Aṭṭhakathā dīpitā, Aṭṭhakathāto hi esa vinicchayo hotīti.

Kalyāṇavācoti sithiladhanitādīnam yathāvidhānavacanena parimaṇḍalapadabyañjanāya poriyā vācāya samannāgato vissatthāya anelagaḷāya atthassa viññāpaniyā. **Kalyāṇavākkaraṇoti** madhurassaro, mātuḡāmo hi sarasampattirato, tasmā parimaṇḍalapadabyañjanampi vacanam sarasampattirahitam hīleti. **Yebhuyyena bhikkhunīnam piyo hoti manāpoti** sabbāsam piyo nāma dullabho, bahutarānam pana paṇḍitānam bhikkhunīnam silācārasampattiyā piyo hoti manavaḍḍhanako. **Paṭibalo hoti bhikkhuniyo ovaditunti** suttāñca¹ kāraṇāñca dassento vaṭṭabhayena tajjetvā bhikkhuniyo ovaditum tādisam² dhammam desetum samattho hoti. **Kāsāyavatthavasānāyāti** kāsāyavatthanivatthāya. **Garudhammanti** gihikāle bhikkhuniyā kāyasamsaggam vā sikkhamānāsāmaṇerīsu methunadhammam vā anajjhāpannapubbo hoti. Mātuḡāmo hi pubbe katamanussaranto samvare ṭhitassāpi dhammadesanāya gāravam na karoti, atha vā tasmimyeva asaddhamme cittam uppādeti. **Vīsativasso vāti** upasampadāya vīsativasso tato atirekavasso vā. Evarūpo hi visabhāgehi vatthūhi punappunam samāgacchantopi daharo viya sahasā silavināsam na pāpuṇāti, attano vayam paccavekkhitvā ayuttaṭṭhāne chandarāgam vinetum paṭibalo hoti. Tena vuttam “vīsativasso vā hoti atirekavīsativasso vā”ti.

1. Yuttañca (Sī)

2. Tāsam (Syā, Ka)

Ettha ca sīlavāti-ādi ekamaṅgaṃ, bahussuto hotīti-ādi dutiyaṃ, ubhayāni kho panassāti-ādi tatiyaṃ, kalyāṇavāco hoti kalyāṇavākkaraṇoti catutthaṃ, yebhuyyena bhikkhunīnaṃ piyo hoti manāpoti pañcamāṃ, paṭibalo hoti bhikkhuniyo ovaditunti chaṭṭhaṃ, na kho panetanti-ādi sattamaṃ, vīsativassoti-ādi aṭṭhamanti veditabbaṃ.

148. **Ñatticatutthenā**ti pubbe vatthusmiṃ vutteneva. **Garudhammehī**ti garukehi dhammehi, te hi gāraṃ katvā bhikkhunīhi sampaṭicchitabbattā “garudhammā”ti vuccanti. **Ekato-upasampannāyā**ti¹ ettha bhikkhunīnaṃ santike ekato-upasampannāya yo garudhammena ovadati, tassa dukkaṭaṃ. Bhikkhūnaṃ santike upasampannāya pana yathāvatthukameva.

149. **Pariveṇaṃ sammajjitvā**ti sace pāto asammaṭṭhaṃ, sammaṭṭhampi vā puna tiṇapaṇṇādīhi uklāpaṃ pādappahārehi² ca vikiṇṇavālikāṃ jātaṃ, sammajjitabbaṃ. Asammaṭṭhaṃ hi taṃ disvā “ayyo attano nissitake daharabhikkhūpi vattapaṭipattiyaṃ na yojeti, dhammaṃyeva kathetī”ti tā bhikkhuniyo asotukāmā viya bhaveyyuṃ. Tena vuttaṃ “pariveṇaṃ sammajjitvā”ti. Antogāmato pana bhikkhuniyo āgacchantiyo pipāsītā ca kilantā ca hontī, tā pānīyaṃca hatthapādamukhasītalakaraṇaṃca paccāsīsanti, tasmaṃca asati purimanayeneva agāraṃ janetvā asotukāmāpi hontī. Tena vuttaṃ **pānīyaṃ paribhojanīyaṃ upaṭṭhapetvā**ti.

Āsananti nīcapīṭhakaphalakataṭṭikakaṭasārakādibhedāṃ antamaso sākhaḅhaṅgampi “idaṃ tāsāṃ āsanaṃ bhavissatī”ti evaṃ āsanaṃ pañṇāpetvā. Dhammadesanāpattimocanattaṃ pana dutiyo icchitabbo. Tena vuttaṃ **dutiyaṃ gahetvā nisīditabbanti**. **Nisīditabbanti** na vihārapaccante, atha kho vihāramajjhe uposathāgārassa vā bhojanasālāya vā dvāre sabbasaṃ osaraṇaṭṭhāne nisīditabbaṃ. **Samaggāthā**ti sabbā³ āgatathāti attho. **Vattantī**ti āgacchanti, paṇṇā vācuggatāti attho. **Niyyādetabboti** appetaḅbo. **Osāretabboti** Pāḷi vattabbā. **Vassasatūpasampannāyā**ti-ādi vattabbapāḷidassanaṃ.

1. Ekato-upasampannanti (Pāḷiyaṃ)

2. Vātappahārehi (Ka)

3. Sammā (Ka)

Tattha **sāmīcikkammanti** maggasampadānabījanapānīyāpucchanādikaṃ anucchavikavattaṃ. Ettha ca bhikkhuniyā bhikkhussa abhivādanāṃ nāma antogāme vā bahigāme vā antovihāre vā bahivihāre vā antaraghare vā rathikāya vā antamaso rājussāraṇāyapi vattamānāya deve vassamāne sakaddamāya bhūmiyā chattapattahatthāyapi hatthi-assādīhi anubaddhāyapi kātabbameva. Ekābaddhāya Pāliya bhikkhācāraṃ pavisante disvā ekasmiṃ ṭhāne “vandāmi ayyā”ti vandituṃ vaṭṭati. Sace antarantarā dvādasahatthe muñcitvā gacchanti, visuṃ visuṃ vanditabbā. Mahāsannipāte nisinne ekasmiṃyeva ṭhāne vandituṃ vaṭṭati. Esa nayo añjalikammepi. Yattha katthaci nisinnāya pana paccuṭṭhānaṃ kātabbāṃ. Tassa tassa sāmīcikkamma anurūpe padese ca kāle ca taṃ taṃ kātabbāṃ.

Sakkatvāti yathā kato sukato hoti, evaṃ katvā. **Garuṃkatvāti** tattha gāravaṃ janetvā. **Mānetvāti** manena piyaṃ katvā. **Pūjetvāti** imesaṃyeva tiṇṇaṃ kiccānaṃ karaṇena pūjetvā. **Anatikkamanīyoti** na atikkamitabbo.

Abhikkhuke āvāseti ettha sace bhikkhunupassayato aḍḍhayaḥjanabbhantare ovādadāyakā bhikkhū na vasanti, ayaṃ abhikkhuko āvāso nāma, ettha vassaṃ na vasitabbāṃ. Vuttañhetāṃ “abhikkhuko nāma āvāso na sakkā hoti ovādāya vā saṃvāsāya vā gantun”ti¹. Na ca sakkā tato paraṃ pacchābhattaṃ gantvā dhammaṃ sutvā āgantun. Sace tattha vassaṃ vasituṃ anicchamānā bhikkhuniyo nātakā vā upaṭṭhākā vā evaṃ vadanti “vasatha ayye, mayaṃ bhikkhū ānessāmā”ti, vaṭṭati. Sace pana vuttappamāṇe padese vassaṃ upagantukāmā bhikkhū āgantvā sākhāmaṇḍapepi ekarattaṃ vutthā honti, na nimantitā hutvā gantukāmā. Ettāvatāpi sabhikkhuko āvāso hoti, ettha vassaṃ upagantuṃ vaṭṭati. Upagacchantīhi ca pakkhassa terasiyaṃyeva bhikkhū yācitabbā “mayaṃ ayyā tumhākaṃ ovādena vasissāmā”ti. Yato pana ujunā maggena aḍḍhayaḥjane bhikkhūnaṃ vasanaṭṭhānaṃ, tena pana maggena gacchantīnaṃ jīvitantarāyo vā brahmacariyantarāyo vā hoti, aññena maggena

1. Vi 2. 412 piṭṭhe.

gacchantīnaṃ atirekaḍḍhajojanaṃ hoti, ayaṃ abhikkhukāvāsaṭṭhāneyeva tiṭṭhati. Sace pana tato gāvutamatte añño bhikkhunupassayo khemaṭṭhāne hoti, tāhi bhikkhunīhi tā bhikkhuniyo yācitvā puna gantvā bhikkhū yācitabbā “ayyā amhākaṃ ujumagge antarāyo atthi, aññena maggena atirekaḍḍhajojanaṃ hoti. Antarāmagge pana amhākaṃ upassayato gāvutamatte añño bhikkhunupassayo atthi, ayyānaṃ santikā tattha āgata-ovādena vasissāmā”ti. Tehi bhikkhūhi sampaṭicchitabbā. Tato tāhi bhikkhunīhi taṃ bhikkhunupassayaṃ āgantvā uposatho kātabbo, tā vā bhikkhuniyo disvā attano upassayameva gantvā kātumpi vaṭṭati.

Sace pana vassaṃ upagantukāmā bhikkhū cātuddase vihāraṃ āgacchanti, bhikkhunīhi ca “idha ayyā vassaṃ vasissathā”ti pucchitā “āmā”ti vatvā puna tāhi “tenahi ayyā mayampi tumhākaṃ ovādaṃ anujīvantiyo vasissāmā”ti vuttā dutiyadivase gāme bhikkhācārasampadaṃ apassantā “na sakkā idha vasitun”ti pakkamanti. Atha tā bhikkhuniyo uposathadivase vihāraṃ gantvā bhikkhū na passanti, ettha kiṃ kātabbanti. Yattha bhikkhū vasanti, tattha gantvā pacchimikāya vassaṃ upagantabbā. Pacchimikāya vassaṃ upagantuṃ āgamissantīti vā ābhogaṃ katvā āgatānaṃ santike ovādena vasitabbā. Sace pana pacchimikāyapi na keci āgacchanti, antarāmagge ca rājabhayaṃ vā corabhayaṃ vā dubbhikkhaṃ vā hoti, abhikkhukāvāse vasantiyā āpatti, vassacchedaṃ katvā gacchantiyāpi āpatti, sā rakkhitabbā. Āpadāsu hi abhikkhuke āvāse vasantiyā anāpatti vuttā. Sace āgantvā vassaṃ upagatā bhikkhū puna kenaci kāraṇena pakkamanti, vasitabbameva. Vuttañhetā “anāpatti vassūpagatā bhikkhū pakkantā vā honti vibbantā vā kālaṅkatā vā pakkhasaṅkantā vā āpadāsu ummattikāya ādikammikāyā”ti¹. Pavārentiyā pana yattha bhikkhū atthi, tattha gantvā pavāretabbā.

Anvaddhamāsanti addhamāse addhamāse. **Dve dhammā paccāsīsittabbā**ti dve dhammā icchitabbā. **Uposathapucchakanti** uposathapucchanaṃ. Tattha pannarasike uposathe pakkhassa cātuddasiyaṃ, cātuddasike terasiyaṃ gantvā

1. Vi 2. 412 piṭṭhe.

uposatho pucchitabbo. Mahāpaccariyaṃ pana “pakkhassa terasiyaṃyeva gantvā ‘ayaṃ uposatho cātuddasiko pannarasiko’ti pucchitabban”ti vuttaṃ. Uposathadivase ovādatthāya upasaṅkamitabbaṃ. Pāṭipadadivasato pana paṭṭhāya dhammasavanatthāya gantabbaṃ. Iti Bhagavā aññassa kammaṃ okāsaṃ adatvā nirantaraṃ bhikkhunīnaṃ bhikkhūnaṃ santike gamanameva paññāpesi. Kasmā? Mandapaññattā mātuḡāmaṃ. Mandapañño hi mātuḡāmo, tasmā¹ niccaṃ dhammasavanaṃ bahūpakāraṃ. Evañca sati “yaṃ mayaṃ jānāma, tameva ayyā jānanti”ti mānaṃ akatvā bhikkhusaṅghaṃ payirūpāsamaṇā sātthikaṃ pabbajjaṃ karissanti, tasmā Bhagavā evamakāsi. Bhikkhuniyopi “yathānusiṭṭhaṃ paṭipajjissāma”ti sabbāyeva nirantaraṃ vihāraṃ upasaṅkamimsu. Vuttañhetā—

“Te na kho pana samayena sabbo bhikkhunisāṅgho ovādaṃ gacchati. Manussā ujjhāyanti khiyyanti vipācenti ‘jāyāyo imā imesaṃ, jāriyo imā imesaṃ, idānime imāhi saddhiṃ abhiramissantī’ti. Bhagavato etamatthaṃ ārocesuṃ. Na bhikkhave sabbena bhikkhunisāṅghena ovādo gantabbo, gaccheyya ce, āpatti dukkaṭassa. Anujānāmi bhikkhave catūhi pañcahi bhikkhunīhi ovādaṃ gantun”ti. Punapi tatheva ujjhāyimsu. Puna Bhagavā “anujānāmi bhikkhave dve tisso bhikkhuniyo ovādaṃ gantun”ti āha.

Tasmā bhikkhunisāṅghena dve tisso bhikkhuniyo yācitvā pesetabbā “ethayye bhikkhusaṅghaṃ ovādūpasaṅkamaṇaṃ yācatha, bhikkhunisāṅgho ayyā -pa- ovādūpasaṅkamaṇaṃ”ti². Tāhi bhikkhunīhi āraṃaṃ gantabbaṃ. Tato ovādapaṭiggāhakaṃ ekaṃ bhikkhuṃ upasaṅkamtivā vanditvā so bhikkhu ekāya bhikkhuniyā evamaṃ vacanīyo “bhikkhunisāṅgho ayya bhikkhusaṅghassa pāde vandati, ovādūpasaṅkamaṇaṃ yācati, labhatu kira ayya bhikkhunisāṅgho ovādūpasaṅkamaṇaṃ”ti. Tena bhikkhunā pātimokkhuddesako bhikkhu upasaṅkamtivā evamaṃ vacanīyo “bhikkhunisāṅgho bhante bhikkhusaṅghassa pāde vandati, ovādūpasaṅkamaṇaṃ yācati, labhatu kira bhante bhikkhunisāṅgho ovādūpasaṅkamaṇaṃ”ti. Pātimokkhuddesakena vattabbo “atthi koci bhikkhu bhikkhunovādako sammato”ti. Sace hoti koci

1. Tassā (St), tassa (Syā)

2. Vi 4. 455 piṭṭhe.

bhikkhu bhikkhunovādako sammato, pātimokkhuddesakena vattabbo
“itthannāmo bhikkhu bhikkhunovādako sammato, taṃ bhikkhunisaṃgho
upasaṅkamatū”ti.

Sace na hoti koci bhikkhu bhikkhunovādako sammato,
pātimokkhuddesakena vattabbo “ko āyasmā ussahati bhikkhuniyo
ovaditun”ti. Sace koci bhikkhu ussahati bhikkhuniyo ovaditun, so ca hoti
aṭṭhahaṅgehi samannāgato, sammannitvā vattabbo “itthannāmo bhikkhu
bhikkhunovādako sammato, taṃ bhikkhunisaṃgho upasaṅkamatū”ti.

Sace pana koci na ussahati bhikkhuniyo ovaditun,
pātimokkhuddesakena vattabbo “natthi koci bhikkhu bhikkhunovādako
sammato, pāsādikena bhikkhunisaṃgho sampādetū”ti. Ettāvataṃ hi sakalaṃ
sikkhattayaṅgahaṃ sāsanaṃārocitaṃ hoti. Tena bhikkhunā sādhuṃ
sampaṭicchitvā pāṭipade bhikkhunīnaṃ ārocetabbaṃ. Bhikkhunisaṃghenapi
tā bhikkhuniyo pesetabbā “gacchathayye pucchatha kiṃ ayya labhati
bhikkhunisaṃgho ovādūpasaṅkamaṇaṃ”ti. Tāhi “sādhu ayye”ti
sampaṭicchitvā ārāmaṃ gantvā taṃ bhikkhuṃ upasaṅkamtivā evaṃ
vattabbaṃ “kiṃ ayya labhati bhikkhunisaṃgho ovādūpasaṅkamaṇaṃ”ti.
Tena vattabbaṃ “natthi koci bhikkhu bhikkhunovādako sammato,
pāsādikena bhikkhunisaṃgho sampādetū”ti. Tāhi sādhu ayyāti
sampaṭicchitabbaṃ. Ekato āgatānaṃ vasena cetānaṃ vuttānaṃ, tāsū pana ekāya
bhikkhuniyā vattabbaṅca sampaṭicchitabbaṅca, itarā tassā saḥāyikā.

Sace pana bhikkhunisaṃgho vā bhikkhusaṃgho vā na pūrati,
ubhayatopi vā gaṇamattameva puggalamattaṃ vā hoti, ekā bhikkhunī vā
bahūhi bhikkhunupassayehi ovādatthāya pesitā hoti, tatrāyaṃ vacanakkamo.
Bhikkhuniyo ayya bhikkhusaṅghassa pāde vandanti, ovādūpasaṅkamaṇaṅca
yācanti, labhantu kira ayya bhikkhuniyo ovādūpasaṅkamaṇanti. Ahaṃ ayya
bhikkhusaṅghassa pāde vandāmi, ovādūpasaṅkamaṇaṅca yācāmi,
labhāmaḥaṃ ayya ovādūpasaṅkamaṇanti.

Bhikkhunisam̄gho ayya ayyānaṃ pāde vandati, ovādūpasaṅkamaṇaṅca yācati, labhatu kira ayya bhikkhunisam̄gho ovādūpasaṅkamananti. Bhikkhuniyo ayya ayyānaṃ pāde vandanti, ovādūpasaṅkamaṇaṅca yācanti, labhantu kira ayya bhikkhuniyo ovādūpasaṅkamananti. Ahaṃ ayya ayyānaṃ pāde vandāmi, ovādūpasaṅkamaṇaṅca yācāmi, labhāmahaṃ ayya ovādūpasaṅkamananti.

Bhikkhunisam̄gho ayya ayyassa pāde vandati, ovādūpasaṅkamaṇaṅca yācati, labhatu kira ayya bhikkhunisam̄gho ovādūpasaṅkamananti. Bhikkhuniyo ayya ayyassa pāde vandanti, ovādūpasaṅkamaṇaṅca yācanti, labhantu kira ayya bhikkhuniyo ovādūpasaṅkamananti. Ahaṃ ayya ayyassa pāde vandāmi, ovādūpasaṅkamaṇaṅca yācāmi, labhāmahaṃ ayya ovādūpasaṅkamananti.

Bhikkhunisam̄gho ca ayya bhikkhuniyo ca bhikkhunī ca bhikkhusam̄ghassa ayyānaṃ ayyassa pāde vandati vandanti vandati. Ovādūpasaṅkamaṇaṅca yācati yācanti yācati. Labhatu kira labhantu kira labhatu kira ayya bhikkhunisam̄gho ca bhikkhuniyo ca bhikkhunī ca ovādūpasaṅkamananti.

Tenapi bhikkhunā uposathakāle evaṃ vattabbaṃ—bhikkhuniyo bhante bhikkhusam̄ghassa pāde vandanti, ovādūpasaṅkamaṇaṅca yācanti, labhantu kira bhante bhikkhuniyo ovādūpasaṅkamananti. Bhikkhunī bhante bhikkhusam̄ghassa pāde vandati, ovādūpasaṅkamaṇaṅca yācati, labhatu kira bhante bhikkhunī ovādūpasaṅkamananti.

Bhikkhunisam̄gho bhante, bhikkhuniyo bhante, bhikkhunī bhante āyasmantānaṃ pāde vandati, ovādūpasaṅkamaṇaṅca yācati, labhatu kira bhante bhikkhunī ovādūpasaṅkamananti.

Bhikkhunisam̄gho ca bhante bhikkhuniyo ca bhikkhunī ca bhikkhusam̄ghassa āyasmantānaṃ pāde vandati vandanti vandati, ovādūpasaṅkamaṇaṅca yācati yācanti yācati, labhatu kira labhantu kira labhatu kira bhante bhikkhunisam̄gho ca bhikkhuniyo ca bhikkhunī ca ovādūpasaṅkamananti.

Pātimokkhuḍdesakenāpi sace sammato bhikkhu atthi, purimanayeneva “taṃ bhikkhuniyo, taṃ bhikkhunī, taṃ bhikkhunisam̄gho ca bhikkhuniyo ca bhikkhunī ca upasaṅkamantu upasaṅkamatu upasaṅkamatūti vattabbaṃ. Sace natthi,

pāsādikena bhikkhunisaṅgho ca bhikkhuniyo ca bhikkhunī ca sampādetu sampādentu sampādetūti vattabbaṃ.

Ovādapapaṭiggāhakena pāṭipade paccāharitvā tattheva vattabbaṃ. Ovādaṃ pana bālagilānagamike ṭhapetvā añño sacepi āraññako hoti, appaṭiggahetuṃ na labhati. Vuttañhetam Bhagavatā—

“Anujānāmi bhikkhave ṭhapetvā bālaṃ ṭhapetvā gilānaṃ ṭhapetvā gamikaṃ avasesehi ovādaṃ gahetuṃ”¹.

Tattha yo cātuddasikapannarasikesu vā uposathesu pāṭipade vā gantukāmo, so gamiko, dutiyapakkhadivase gacchantopi aggahetuṃ na labhati, “na bhikkhave ovādo na gahetabbo, yo na gaṇheyya āpatti dukkaṭassā”² vuttaṃ āpattiṃ āpajjatiyeva. Ovādaṃ gahetvā ca uposathagge anārocetuṃ vā pāṭipade bhikkhunīnaṃ apaccāharituṃ vā na vaṭṭati. Vuttañhetam—

“Na bhikkhave ovādo na ārocetabbo, yo na āroceyya āpatti dukkaṭassā”³.

Aparampi vuttaṃ—

“Na bhikkhave ovādo na paccāharitabbo, yo na paccāhareyya, āpatti dukkaṭassā”⁴.

Tattha āraññakena paccāharaṇatthaṃ saṅketo katabbo. Vuttañhetam “anujānāmi bhikkhave āraññakena bhikkhunā ovādaṃ gahetuṃ saṅketañca kātuṃ atra paṭiharissāmi”⁵. Tasmā āraññako bhikkhu sace bhikkhunīnaṃ vasanagāme bhikkham labhati, tattheva caritvā bhikkhuniyo disvā ārocetvā gantabbaṃ. No cassa tattha bhikkhā sulabhā hoti, sāmantaḡāme caritvā bhikkhunīnaṃ ḡamaṃ āḡamma tattheva katabbaṃ. Sace dūraṃ gantabbaṃ hoti, saṅketo katabbo “ahaṃ amukaṃ nāma tumhākaṃ ḡamadvāre sabhaṃ vā maṇḡapaṃ vā rukkhamaḡlaṃ vā upasaṅkamissāmi, tattha

1-2. Vi 4. 456 piṭṭhe.

3-4-5. Vi 4. 457 piṭṭhe.

āgaccheyyāthā”ti. Bhikkhunīhi tattha gantabbaṃ, agantuṃ na labbhati¹.
Vuttañhetam “na bhikkhave bhikkhuniyā saṅketam na gantabbaṃ, yā na
gaccheyya, āpatti dukkaṭassā”ti².

Ubhatosaṅghe tīhi ṭhānehi pavāretabbanti ettha bhikkhunīhi cātuddase
attanā pavāretvā uposathe bhikkhusaṅghe pavāretabbam. Vuttañhetam—

“Anujānāmi bhikkhave ajjatanāya pavāretvā aparajju
bhikkhusaṅgham pavāretun”ti³.

Bhikkhunikhandhake vuttanayeneva cettha vinicchayo veditabbo.
Vuttañhetam—

Tena kho pana samayena sabbo bhikkhunisaṅgho pavārento
kolāhalamakāsi. Bhagavato etamattham ārocesuṃ. Anujānāmi
bhikkhave ekam bhikkhunim byattam paṭibalam sammannitum
bhikkhunisaṅghassa atthāya bhikkhusaṅgham pavāretum. Evañca pana
bhikkhave sammannitabbā. Paṭhamam bhikkhunī yācitabbā. Yācitvā
byattāya bhikkhuniyā paṭibalāya saṅgho ñāpetabbo—

“Suṇātu me ayye saṅgho, yadi saṅghassa pattakallam, saṅgho
itthannāmaṃ bhikkhunim sammanneyya bhikkhunisaṅghassa atthāya
bhikkhusaṅgham pavāretum. Esā ñatti.

Suṇātu me ayye saṅgho, saṅgho itthannāmaṃ bhikkhunim
sammanneyya bhikkhunisaṅghassa atthāya bhikkhusaṅgham
pavāretum. Yassā ayyāya khamati itthannāmāya bhikkhuniyā sammuti
bhikkhunisaṅghassa atthāya bhikkhusaṅgham pavāretum, sā tuṅhassa,
yassā nakkhamati, sā bhāseyya.

Sammatā saṅghena itthannāmā bhikkhunī bhikkhunisaṅghassa
atthāya bhikkhusaṅgham pavāretum, khamati saṅghassa, tasmā tuṅhī,
evametam dhārayāmi”ti⁴.

1. Na labhati (Sī), na labhanti (Syā, Ka)

3. Vi 4. 468 piṭṭhe.

2. Vi 4. 457 piṭṭhe.

4. Vi 4. 468-9 piṭṭhesu.

Tāya sammatāya bhikkhuniyā bhikkhunisamgham ādāya bhikkhusamgham upasaṅkamtivā ekamsam uttarāsaṅgam karitvā añjalim paggahetvā evamassa vacanīyo “bhikkhunisamgho ayya bhikkhusamgham pavāreti diṭṭhena vā sutena vā parisaṅkāya vā, vadatayya bhikkhusamgho bhikkhunisamgham anukampaṃ upādāya, passanto paṭikarissati. Dutiyampi ayya. Tatiyampi ayya bhikkhunisamgho -pa- paṭikarissatī”ti.

Sace bhikkhunisamgho na pūrati, “bhikkhuniyo ayya bhikkhusamgham pavārenti diṭṭhena vā sutena vā parisaṅkāya vā, vadatayya bhikkhusamgho bhikkhuniyo anukampaṃ upādāya, passantiyo paṭikarissanti”ti ca, “aham ayya bhikkhusamgham pavāremi diṭṭhena vā sutena vā parisaṅkāya vā, vadatu maṃ ayya bhikkhusamgho anukampaṃ upādāya, passanti paṭikarissāmi”ti ca evaṃ tikkhattum vattabbaṃ.

Sace bhikkhusamgho na pūrati, “bhikkhunisamgho ayyā ayye pavāreti diṭṭhena vā sutena vā parisaṅkāya vā, vadantayyā bhikkhunisamgham anukampaṃ upādāya, passanto paṭikarissatī”ti ca, “bhikkhunisamgho ayya ayyaṃ pavāreti diṭṭhena vā sutena vā parisaṅkāya vā, vadatayyo bhikkhunisamgham anukampaṃ upādāya, passanto paṭikarissatī”ti ca evaṃ tikkhattum vattabbaṃ.

Ubhinnaṃ apāripūriyā “bhikkhuniyo ayyā ayye pavārenti diṭṭhena vā sutena vā parisaṅkāya vā, vadantayyā bhikkhuniyo anukampaṃ upādāya, passantiyo paṭikarissanti”ti ca, “bhikkhuniyo ayya ayyaṃ pavārenti diṭṭhena vā sutena vā parisaṅkāya vā, vadatayyo bhikkhuniyo anukampaṃ upādāya, passantiyo paṭikarissanti”ti ca, “aham ayyā ayye pavāremi diṭṭhena vā sutena vā parisaṅkāya vā, vadantu maṃ ayyā anukampaṃ upādāya, passanti paṭikarissāmi”ti ca, “aham ayya ayyaṃ pavāremi diṭṭhena vā sutena vā parisaṅkāya vā, vadatu maṃ ayyo anukampaṃ upādāya, passanti paṭikarissāmi”ti ca evaṃ tikkhattum vattabbaṃ.

Mānattacaraṇaṅca upasampadāpariyesanā ca yathāṭṭhāneyeva āvi bhavissati.

Na bhikkhuniyā kenaci pariyāyenāti dasahi vā akkosavatthūhi aññena vā kenaci pariyāyena bhikkhu neva akkositabbo, na paribhāsitaabbo, na bhayena tajjetabbo. **Ovaṭoti** pihito vārito paṭikkhitto. Vacanamyeva **vacanapatho**. **Anovaṭoti** apihito avārito appaṭikkhitto. Tasmā bhikkhuniyā ādhipaccaṭṭhāne jetṭhakaṭṭhāneṭhatvā “evaṃ abhikkama, evaṃ paṭikkama, evaṃ nivāsehi, evaṃ pārupāhī”ti kenaci pariyāyena neva bhikkhu ovaditabbo, na anusāsitaabbo. Dosaṃ pana disvā “pubbe mahātherā na evaṃ abhikkamanti, na paṭikkamanti, na nivāsenti, na pārupanti, īdisaṃ kāsāvampi na dhārenti, na evaṃ akkhīni añjenti”ti-ādinā nayena vijjamānadosaṃ dassetuṃ vaṭṭati. Bhikkhūhi pana “ayaṃ vuḍḍhasamaṇī evaṃ nivāseti, evaṃ pārupati, mā evaṃ nivāsehi, mā evaṃ pārupāhi, mā tilakammaṇṇakammādīni karohī”ti yathāsukhaṃ bhikkhuniṃ ovadituṃ anusāsituṃ vaṭṭati.

Samaggamahayyāti bhaṇantanti samaggā amha ayya iti bhaṇantaṃ bhikkhunisaṃghaṃ. **Aññaṃ dhammaṃ bhaṇatīti** aññaṃ suttantaṃ vā abhidhammaṃ vā. Samaggamahayyāti vacanena hi ovādaṃ paccāsīsanti, tasmā ṭhapetvā ovādaṃ aññaṃ dhammaṃ bhaṇantassa dukkaṭaṃ. **Ovādaṃ aniyādetvāti** eso bhaginiyo ovādoti avatvā.

150. **Adhammakammeti-ādīsu** bhikkhunovādakasammutikammaṃ kammanti veditabbaṃ. Tattha adhammakamme dvinnaṃ navakānaṃ vasena aṭṭhārasa pācittiyāni. Dhammakamme dutiyassa navakassa avasānapade anāpatti, sesesu sattarasa dukkaṭāni.

152. **Uddesaṃ dentoti** aṭṭhannaṃ garudhammānaṃ Pāḷim uddisanto. **Paripucchaṃ dentoti** tassāyeva paguṇāya garudhammapāḷiyā Aṭṭhakathaṃ kathentoti attho. **Osārehi ayyāti vuccamāno osāretīti** evaṃ vuccamāno aṭṭhagarudhammapāḷim osāretīti attho. Evaṃ uddesaṃ dento paripucchaṃ dento yo ca osārehīti vuccamāno aṭṭha garudhamme bhaṇati, tassa pācittiyena anāpatti. Aññaṃ dhammaṃ bhaṇantassa dukkaṭena anāpatti. **Pañhaṃ pucchati pañhaṃ puṭṭho kathetīti** bhikkhunī garudhammanissitaṃ vā khandhādinissitaṃ vā pañhaṃ pucchati, taṃ yo bhikkhu katheti,

tassāpi anāpatti. **Aññassatthāya bhaṇantanti** catuparisati dhammaṃ desentaṃ bhikkhuṃ upasaṅkamtivā bhikkhuniyo suṇanti, tatrāpi bhikkhussa anāpatti. **Sikkhamānāya sāmaṇeriyāti** etāsaṃ desentassāpi anāpatti. Sesam uttānameva.

Padasodhammasamuṭṭhānaṃ vācato ca vācācittato ca samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjaṃ, vacīkammaṃ, ticittaṃ, tivedananti.

Ovādasikkhāpadaṃ paṭhamam.

2. Atthaṅgatasikkhāpadavaṇṇanā

153. Dutiyaikkhāpade **pariyāyenāti** vārena, paṭipāṭiyāti attho. **Adhicitasoti** adhicitavato, sabbacittānaṃ adhikena arahattaphalacittena samannāgatassāti attho. **Appamajjatoti** nappamajjato, appamādena kusalānaṃ dhammānaṃ sātaccakiriyāya samannāgatassāti vuttaṃ hoti. **Muninoti** “yo munāti ubho loke, muni tena pavuccatī”¹ti evaṃ ubhaya lokamunanaena vā, monaṃ vuccati ñāṇaṃ, tena ñāṇena samannāgatattā vā khīṇāsavo muni nāma vuccati. Tassa munino. **Monapathesu sikkhatoti** arahattañāṇasaṅkhātassa monassa pathesu sattatimsabodhipakkhiyadhammesu tisu vā sikkhāsu sikkhato. Idañca pubbhāgapaṭipadaṃ gahetvā vuttaṃ, tasmā evaṃ pubbhāge sikkhato imāya sikkhāya munibhāvaṃ pattassa muninoti evamettha attho daṭṭhabbo. **Sokā na bhavanti tādinoti** tādisassa khīṇāsavamunino abbhantare iṭṭhaviyogādivatthukā sokā na santi. Atha vā **tādinoti** tādilakkhaṇasamannāgatassa evarūpassa munino sokā na bhavantīti ayamettha attho. **Upasantassāti** rāgādīnaṃ upasamena upasantassa. **Sadā satīmatoti** sativepullappattattā niccakālaṃ satiyā avirahitassa². **Ākāse antalikkheti** antalikkhasaṅkhāte ākāse, na kasiṇugghāṭime, na pana rūpaparicchede. **Caṅkamatipi tiṭṭhatipīti** tāsāṃ bhikkhunīnaṃ

1. Khu 1. 52 piṭṭhe.

2. Avijahitassa (Sī)

kathaṃ sutvā “imā bhikkhuniyo maṃ ‘ettakameva ayaṃ jānātī’ti avamaññanti, handa dāni etāsaṃ attano ānubhāvaṃ dassemi”ti dhammabahumānaṃ uppādetvā abhiññāpādakaṃ catutthajjhānaṃ samāpajjitvā vuṭṭhāya evarūpaṃ iddhipāṭihāriyaṃ dassesi—ākāse antalikkhe caṅkamatipi -pa- antaradhāyatipīti. Tattha **antaradhāyatipī**¹ antaradhāyatipi adassanampi gacchatīti attho. **Tañceva udānaṃ bhaṇati aññañca bahum** **Buddhavacananti** thero kira attano bhātutherassa santike—

Padumaṃ² yathā kokanudaṃ sugandhaṃ,
Pāto siyā phullamavītagandhaṃ.
Aṅgīrasaṃ passa virocamaṇaṃ,
Tapantamādiccamivantalikkheti³—

Imaṃ gāthaṃ uddisāpetvā cattāro māse sajjhāyi. Na ca paguṇaṃ kattumasakkhi. Tato naṃ thero “abhabbo tvaṃ imasmiṃ sāsane”ti viharā nikkaddhāpesi, so rodamaṇo dvārakoṭṭhake aṭṭhāsi. Atha Bhagavā Buddhacakkhunā veneyyasatte⁴ olovento taṃ disvā viharacārikaṃ caramāno viya tassa santikaṃ gantvā “Cūḷapanthaka kasmā rodasī”ti āha. So tamatthaṃ ārocesi. Athassa Bhagavā suddhaṃ pilotikakhaṇḍaṃ datvā “idaṃ ‘rajoharaṇaṃ rajoharaṇa’ti parimajjāhī”ti āha, so sādhuṭi sampaṭicchitvā attano nivāsaṭṭhāne nisīditvā tassa ekamantaṃ parimajji, parimajjitatṭhānaṃ kāḷakamahosi. So “evaṃ parisuddhampi nāma vatthaṃ imaṃ attabhāvaṃ nissāya kāḷakaṃ jātan”ti samvegaṃ paṭilabhitvā vipassanaṃ ārabhi. Athassa Bhagavā āraddhavīriyabhāvaṃ ñatvā adhicetasoti imaṃ obhāsagāthaṃ abhāsi, thero gāthāpariyosāne arahattaṃ pāpuṇi. Tasmā thero pakatiyāva imaṃ gāthaṃ mamāyati, so taṃ imissā gāthāya mamāyanabhāvaṃ jānāpetuṃ tamyeva bhaṇati aññañca antarantarā āharitvā bahum Buddhavacanaṃ. Tena vuttaṃ “tañceva udānaṃ bhaṇati, aññañca bahum Buddhavacanaṃ”ti.

1. Antarāpidhāyatipīti (Sī)

2. Padmaṃ (Ka)

3. Saṃ 1. 81 piṭṭhe.

4. Buddhavineyyasatte (Sī, Syā)

156. **Ekato-upasampannāyāti** bhikkhunisamghe upasampannāya, bhikkhusamghe pana upasampannaṃ ovdantassa pācittiyāṃ. Sesamettha uttānameva. Idampi ca padasodhammasamuṭṭhānameva.

Atthaṅgatasikkhāpadaṃ dutiyāṃ.

3. Bhikkhunupassayasikkhāpadavaṇṇanā

162. Tatiyasikkhāpade **aññatra samayā ovadati, āpatti pācittiyassāti-**ādīsu aṭṭhahi garudhammehi ovdantasseva pācittiyāṃ, aññena dhammena dukkaṭanti vedītabbāṃ. **Ekato-upasampannāyāti** bhikkhunisamghe upasampannāya, bhikkhusamghe upasampannāya pana ovdato pācittiyameva. Ito parampi yattha yattha “ekato-upasampannā”ti vuccati, sabbattha ayameva attho daṭṭhabbo. Sesāṃ uttānameva.

Kathinasamuṭṭhānaṃ kāyavācato kāyavācācittato ca samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Bhikkhunupassayasikkhāpadaṃ tatiyaṃ.

Idaṃ panettha Mahāpaccariyaṃ vuttaṃ pakiṇṇakaṃ—asammato ce bhikkhu atthaṅgate sūriye bhikkhunupassayaṃ upasaṅkamtivā aṭṭhahi garudhammehi ovdati, tīṇi pācittiyāni. Aññena dhammena ovdato dve dukkaṭāni, ekaṃ pācittiyāṃ. Kathaṃ? Asammataṃmūlakaṃ dukkaṭaṃ, upassayaṃ gantvā aññena dhammena ovdanamūlakaṃ dukkaṭaṃ, atthaṅgate sūriye ovdanamūlakaṃ pācittiyanti. Sammatassa atthaṅgate sūriye tattha gantvā aṭṭhahi garudhammehi ovdantassa ekā anāpatti, dve pācittiyāni. Kathaṃ? Sammatattā anāpatti, atthaṅgate sūriye ovdanamūlakaṃ ekaṃ, gantvā garudhammehi ovdanamūlakaṃ¹ ekanti dve pācittiyāni. Tasseva aññena dhammena ovdato ekā anāpatti, ekaṃ dukkaṭaṃ, ekaṃ pācittiyāṃ. Kathaṃ? Sammatattā anāpatti, gantvā aññena dhammena ovdanamūlakaṃ dukkaṭaṃ, atthaṅgate sūriye ovdanamūlakaṃ pācittiyanti.

1. Garudhammamūlakaṃ (Ka)

Divā pana gantvā ovadato sammatassa ca asammatassa ca rattim
ovadanamūlakam ekam pācittiyam apanetvā avasesā āpattānāpattiyo
veditabbāti.

Pakiṇṇakakathā niṭṭhitā.

4. Āmisasikkhāpadavaṇṇanā

164. Catutthasikkhāpade **na bahukatāti** na katabahumānā, na dhamme
bahumānam katvā ovidantīti adhippāyo. **Bhikkhunovādakam avaṇṇam**
kattukāmoti-ādīnam ujjhāpanake vuttanayenevattho veditabbo.

Upasampannam saṅghena asammatanti ettha asammato nāma
sammatenā vā saṅghena vā bhāram katvā ṭhapito veditabbo.
Anupasampannam sammataṃ vā asammataṃ vāti ettha pana bhikkhukāle
sammutim labhitvā sāmaṇerabhūmiyam ṭhito sammato, sammatenā vā
saṅghena vā ṭhapito bahussuto sāmaṇero asammatoti veditabbo. Sesam
vuttanayattā uttānameva.

Tisamuṭṭhānam kāyacittato vācācittato kāyavācācittato ca samuṭṭhāti,
kiriyaṃ, saññāvimokkham, sacittakam, lokavajjam, kāyakammaṃ
vacīkammaṃ, akusalacittam, dukkhavedananti¹.

Āmisasikkhāpadam catuttham.

5. Cīvaradānasikkhāpadavaṇṇanā

169. Pañcamasikkhāpade **visikhāyāti** rathikāya. **Piṇḍāya caratīti**
nibaddhacāravasena abhiṇham carati. **Sandiṭṭhāti** sandiṭṭhamittā ahesum.
Sesamettha padato uttānattham, vinicchayato Cīvarapaṭiggahaṇasikkhāpade
vuttanayeneva veditabham saddhim samuṭṭhānādīhi. Tatra hi bhikkhu
paṭiggāhako, idha bhikkhunī, ayam viseso. Sesam tādīsamevāti.

Cīvaradānasikkhāpadam pañcamam.

1. Tivedananti (Sī)

6. Cīvarasibbanasikkhāpadavaṇṇanā

175. Chaṭṭhasikkhāpade **udāyīti** Lāḷudāyī. **Paṭṭhoti**¹ paṭibalo, nipuṇo ceva samattho cāti vuttam hoti. **Aññatarā bhikkhunīti** tasseva purāṇadutiyaikā. **Paṭibhānacittanti** attano paṭibhānena katacittam, so kira cīvaram rajitvā tassa majjhe nānāvaṇṇehi vipakatamethunam itthipurisarūpamakāsi. Tena vuttam “majjhe paṭibhānacittam vuṭṭhāpetvā”ti. **Yathāsamhaṭanti** yathāsamharitameva.

176. **Cīvaranti** yaṁ nivāsituṁ vā pārupituṁ vā sakkā hoti, evaṁ hi Mahāpaccariyādīsu vuttam. **Sayaṁ sibbatīti** ettha sibbissāmīti vicārentassāpi chindantassāpi dukkaṭam, sibbantassa pana pācittiyam. **Ārāpathe ārāpatheti**² sūcim pavesetvā pavesetvā nīharaṇe. Sace pana sakalasūcim anīharanto dīghasuttappavesanattam satakkhattumpi vijjhivā nīharati, ekameva pācittiyam. **Sakim āṇattoti** sakim “cīvaram sibbā”ti vutto, **bahukampi sibbatīti** sacepi sabbam sūcikammaṁ pariyosāpetvā cīvaram niṭṭhāpeti, ekameva pācittiyam. Atha pana “imasmiṁ cīvare kattabbakammaṁ tava bhāro”ti vutto karoti, āṇattassa ārāpathe ārāpathe ekamekam pācittiyam, āṇāpakassa ekavācāya sambahulāniṇi. Punappunam āṇattiyam pana vattabbameva natthi.

Yepi sace ācariyupajjhāyesu attano ñātikānam cīvaram sibbantesu tesam nissitakā “ācariyupajjhāyavattam vā kathinavattam vā karomā”ti sibbanti, tesampi ārāpathagaṇanāya āpattiyo. Ācariyupajjhāyā attano ñātikānam cīvaram antevāsikehi sibbāpenti, ācariyupajjhāyānam dukkaṭam, antevāsikānam pācittiyam. Antevāsikā attano ñātikānam ācariyupajjhāyehi sibbāpenti, tatrāpi eseva nayo. Antevāsikānampi ācariyupajjhāyānampi ñātikāya cīvaram hoti, ācariyupajjhāyā pana antevāsike vañcetvā sibbāpenti, ubhinnampi dukkaṭam. Kasmā? Antevāsikānam aññātikasaññāya sibbitattā itaresam akappiye niyojitattā. Tasmā “idaṁ te mātu cīvaram, idaṁ bhaginiyā”ti ācikkhitvā sibbāpetabbanam.

1. Paṭūti (Sī)

2. Ārāpathe ārāpatheti (Sī)

179. **Aññaṃ parikkhāraṇti** yaṃkiñci upāhanatthavikādiṃ. Sesāṃ uttānameva. Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Cīvarasibbanasikkhāpadaṃ chaṭṭhaṃ.

7. Saṃvidhānasikkhāpadavaṇṇanā

181. Sattamasikkhāpade **pacchā gacchantīnaṃ corā acchindimsūti** pacchā gacchantīnaṃ pattacīvaraṃ corā harimsu. **Dūsesunti** tā bhikkhuniyo corā dūsayimsu, sīlavināsaṃ pāpayimsūti attho.

182-3. **Saṃvidhāyāti** saṃvidahitvā, gamanakāle saṅketāṃ katvāti attho. **Kukkuṭasampādeti** ettha yasmā gāmaṃ nikkhamitvā kukkuṭo padasāva aññaṃ gāmaṃ gacchati, ayaṃ kukkuṭasampādoti vuccati. Tatrāyaṃ vacanattho. Sampadanti etthāti **sampādo**. Ke sampadanti? Kukkuṭā. Kukkuṭānaṃ sampādo **kukkuṭasampādo**. Atha vā sampādoti gamanaṃ, kukkuṭānaṃ sampādo ettha atthītipi kukkuṭasampādo. Kukkuṭasampāte itipi pāṭho, tattha yassa gāmassa gehacchadanapiṭṭhito kukkuṭo uppatitvā aññassa gehacchadanapiṭṭhiyaṃ patati, ayaṃ “kukkuṭasampāto”ti vuccati. Vacanattho panettha vuttanayeneva veditabbo. Dvidhā vuttappakāropi cesa gāmo accāsanno hoti, upacāro na labbhati. Yasmim̐ pana gāme paccūse vassantassa kukkuṭassa saddo anantare gāme¹ suyati, tādisehi gāmehi sampuṇṇaraṭṭhe gāmantare gāmantare pācittiyanti Aṭṭhakathāyaṃ vuttaṃ. Kiñcāpi vuttaṃ, “gāmantare gāmantare āpatti pācittiyassā”ti vacanato pana sacepi ratanamattantaro gāmo hoti, yo tassa manussehi ṭhapita-upacāro, taṃ okkamantassa āpattiyeva.

Tatrāyaṃ āpattivinicchayo—saṃvidhānakāle hi sace ubhopi bhikkhunupassaye vā antarārāme vā āsanasālāya vā titthiyaseyyāya vā ṭhatvā saṃvidahanti, anāpatti, kappiyabhūmi kirāyaṃ. Tasmā ettha

1. Anantaragāme (Sī)

saṁvidahanapaccayā dukkaṭāpattiṁ na vadanti, gacchantassa yathāvattthukameva. Sace pana antogāme bhikkhunupassayadvāre rathikāya aññesu vā catukkasiṅghāṭakahaṭṭhisālādīsu saṁvidahanti, bhikkhuno āpatti dukkaṭassa. Evaṁ saṁvidahitvā gāmato nikkhamanti, nikkhamane anāpatti, anantaragāmassa upacārokkamane pana bhikkhuno pācittiyam. Tatrāpi paṭhamapāde dukkaṭam, dutiyapāde pācittiyanti Mahāpaccariyam vuttam. Gāmato nikkhamitvā pana yāva anantaragāmassa upacāram na okkamanti, etthantare saṁvidahitepi bhikkhuno dukkaṭam, anantaragāmassa upacārokkamane purimanayeneva āpatti. Sace dūram gantukāmā honti, gāmūpacāraṇanāya okkamane okkamane āpatti, tassa tassa pana gāmassa atikkamane anāpatti. Sace pana bhikkhunī asukam nāma gāmam gamissāmīti upassayato nikkhamati, bhikkhupi tameva gāmam sandhāya asukam nāma gāmam gamissāmīti vihārato nikkhamati. Atha dvepi gāmadvāre samāgantvā tumhe kuhiṁ gacchatha. Asukam nāma gāmam tumhe kuhinti. Mayampi tatthevāti vatvā ehi dāni gacchāmāti saṁvidhāya gacchanti, anāpatti. Kasmā? Pubbameva gamissāmīti nikkhantattāti mahāpaccariyam vuttam. Tam neva Pāḷiyā na sesa-aṭṭhakathāya sameti.

Addhayojane addhayojaneti ekamekam addhayojanam atikkamantassa idāni atikkamissatīti paṭhamapāde dukkaṭam, dutiyapāde pācittiyam. Imasmiṁ hi naye atikkamane āpatti, okkamane anāpatti.

184. **Bhikkhu saṁvidahatīti** nagaradvāre vā rathikāya vā bhikkhunim disvā asukagāmam nāma gatapubbathāti vadati. Nāmhi ayya gatapubbāti. Ehi gacchāmāti vā, sve aham gamissāmi, tvampi āgaccheyyāsīti vā vadati. **Bhikkhunī saṁvidahatīti** gāmantare cetiyavandanattham gāmato nikkhamantam bhikkhum disvā ayya kuhiṁ gacchathāti vadati. Asukam nāma gāmam cetiyavandanatthanti. Ahampi ayya āgacchāmīti evam¹ bhikkhunīeva saṁvidahati, na bhikkhu.

185. **Visaṅketenāti** ettha “purebhattam gacchissāmā”ti vatvā pacchābhattam gacchanti, “ajja vā gamissāmā”ti vatvā sve gacchanti. Evaṁ

1. Evampi (Syā, Ka)

kālavisaṅketeyeva anāpatti, dvāravisaṅkete pana maggavisaṅkete vā satipi āpattiyeva. **Āpadāsūti** raṭṭhabhede cakkasamāruḷhā janapadā pariyāyanti, evarūpāsu āpadāsu anāpatti. Sesam uttānamevāti.

Catusamuṭṭhānam kāyato kāyavācato kāyacittato kāyavācācittato ca samuṭṭhāti, kiriyam, nosaññāvimokkham, acittakam, paṇṇattivajjam, kāyakammaṃ vacīkammaṃ, ticittam, tivedananti.

Samvidhānasikkhāpadam sattamaṃ.

8. Nāvābhiruhasikkhāpadavaṇṇanā

188. Aṭṭhamasikkhāpade **samvidhāyāti** lokassādamittasanthavavasena kīḷāpurekkhārā samvidahitvā. **Uddhamgāmininti** uddham nadiyā paṭisotam gacchantim. Yasmā pana yo uddham javanato ujjavanikāya nāvāya kīḷati, so “uddhamgāminim abhiruhati”ti vuccati. Tenassa padabhājane atthameva dassetuṃ “ujjavanikāyā”ti vuttam. **Adhogāmininti** adho anusotam gacchantim. Yasmā pana yo adho javanato ojjavanikāya nāvāya kīḷati, so “adhogāminim abhiruhati”ti vuccati. Tenassāpi padabhājane atthameva dassetuṃ “ojjavanikāyā”ti vuttam. Tattha yam tittasampañjādanattham uddham vā adho vā haranti, ettha anāpatti. **Tiriyam taraṇāyāti** upayogathe nissakkavacanam.

189. **Gāmantare gāmantareti** ettha yassā nadiyā ekam tīram kukkuṭasampādagāmechi nirantaram, ekam agāmakam araṇṇam, tassā sagāmakatīrapassena gamanakāle gāmantaragaṇanāya pācittiyāni, agāmakatīrapassena gamanakāle addhayanagaṇanāya. Yā pana yojanavitthatā hoti, tassā majjhena gamanepi addhayanagaṇanāya pācittiyāni vedittabāni. **Anāpatti tiriyam taraṇāyāti** ettha na kevalam nadiyā, yopi Mahātitthapaṭṭanato Tāmalittim vā Suvanṇabhūmim vā gacchati, tassāpi anāpatti. Sabba-aṭṭhakathāsu hi nadiyamyeva āpatti vicāritā, na samudde.

191. **Visaṅketenā**ti idhāpi kālavisaṅketeneva anāpatti, titthavisaṅketena pana nāvāvisaṅketena vā gacchantassa āpattiyeva. Sesam̐ paṭhamasikkhāpadasadisameva saddhim̐ samuṭṭhānādīhīti.

Nāvābhiruhasikkhāpadam̐ aṭṭhamam̐.

9. Paripācitasikkhāpadavaṇṇanā

192. Navamasikkhāpade **mahānāge tiṭṭhamā**neti bhummatthe upayogavacanam̐, mahānāgesu tiṭṭhamānesūti attho. Atha vā mahānāge tiṭṭhamāne adisvāti ayamettha pāṭhaseso daṭṭhabbo. Itarathā hi attho na yujjati. **Antarākathā**ti avasānam̐ appatvā ārambhassa ca avasānassa ca vemajjhaṭṭhānam̐ pattakathā. **Vippakatā**ti kayiramānā hoti. **Saccam̐ mahānāgā kho tayā gahapatī**ti addhacchikena olokayamānā there pavisante disvā tehi sutabhāvam̐ ñatvā evamāha.

194. **Bhikkhuniparipācitantī** bhikkhuniyā paripācitam̐, guṇappakāsanena nipphāditaṃ laddhabbam̐ katanti attho. Padabhājane panassa bhikkhuniṅca tassā paripācanākāraṅca dassetuṃ “bhikkhunī nāma ubhatosaṅghe upasampannā, paripāceti nāma pubbe adātukāmānaṃ”ti-ādi vuttam̐. **Pubbe gihisamārambhā**ti ettha **pubbeti** paṭhamam̐. **Samārambhoti**¹ samāraddham̐ vuccati, paṭiyādītassetam̐ adhivacanam̐. Gihīnam̐ samārambho gihisamārambho. Bhikkhuniyā paripācanato paṭhamameva yaṃ gihīnam̐ paṭiyāditaṃ bhattam̐, tato aññatra tam̐ piṇḍapātam̐ ṭhapetvā aññam̐ bhuñjantassa āpatti, tam̐ pana bhuñjantassa anāpattīti vuttam̐ hoti. Padabhājane pana yasmā ñātakapavāritehi bhikkhussatthāya asamāraddhopi piṇḍapāto atthato samāraddhova hoti, yathāsukham̐ āharāpetabbato, tasmā byañjanam̐ anādiyitvā atthameva dassetuṃ “gihisamārambho nāma ñātakā vā hontī pavāritā vā”ti vuttam̐.

1. Samārambhāti (Syā, Ka)

195. **Pakatipaṭiyattanti** pakatiyā tasseva bhikkhuno atthāya paṭiyāditaṃ hoti “therassa dassāmā”ti. Mahāpaccariyaṃ pana “tassa, aññassā”ti avatvā “bhikkhūnaṃ dassāmāti paṭiyattaṃ hotī”ti avisesena vuttaṃ.

197. **Pañca bhojanāni ṭhapetvā sabbattha anāpattīti** yāgukhajakaphalāphale sabbattha bhikkhuniparipācitepi anāpatti. Sesāṃ uttānameva. Paṭhamapārājikasamuṭṭhānaṃ kāyacittato samuṭṭhāti, kiriyaṃ, saññāvīmokkhaṃ, sacittakaṃ, paṇṇattivajjaṃ, kāyakammaṃ, ticittaṃ, tivedananti.

Paripācitasikkhāpadaṃ navamaṃ.

10. Rahonisajjasikkhāpadavaṇṇanā

198. Dasamasikkhāpade sabbo Pāḷi-attho ca vinicchayo ca dutiya-aniyate vuttanayeneva veditabbo. Idañhi sikkhāpadaṃ dutiyāniyatena ca upari upanandhassa catutthasikkhāpadena ca saddhiṃ ekaparicchedaṃ, aṭṭhuppattivasena pana visuṃ paññattanti.

Rahonisajjasikkhāpadaṃ dasamaṃ.

Samatto vaṇṇanākkamena bhikkhunivaggo¹ tatiyo.

4. Bhojanavagga

1. Āvasathapiṇḍasikkhāpadavaṇṇanā

203. Bhojanavaggassa paṭhamasikkhāpade **āvasathapiṇḍo**ti āvasathe piṇḍo. Samantā parikkhittaṃ addhikagilānagabbhinipabbajitānaṃ yathānurūpaṃ paññattamañcapīṭhaṃ anekagabbhapamukhaparicchedaṃ āvasathaṃ katvā tattha puññakāmatāya piṇḍo paññatto hoti, yāgubhattabhesajjādi sabbāṃ tesāṃ tesāṃ dānatthāya ṭhapitaṃ hotīti attho. **Hiyyopīti** svepi.

1. Ovādavaggo (Pāḷiyaṃ)

apasakkantīti apagacchanti. **Manussā ujjhāyantī**ti titthiye apassantā “titthiyā kuhim gatā, ime passitvā pakkantā”ti sutvā ujjhāyanti. **Kukkuccāyantoti** kukkucam karonto, akappiyasaññaṃ uppādentoti attho.

206. **Sakkoti tamhā āvasathā pakkamitunti** addhayaḥjanam vā yojanam vā gantum sakkoti. **Na sakkotī**ti ettakameva na sakkoti. **Anodissāti** imesamyeva vā ettakānāmyeva vāti ekaṃ pāsaṇḍam anuddisitvā sabbesaṃ paññatto hoti. **Yāvadatthoti** bhojanampi ettakanti aparicchinditvā yāvadattho paññatto hoti. **Sakim bhuñjitabbanti** ekadivasaṃ bhuñjitabbaṃ, dutiyadivase paṭṭhāya paṭiggahaṇe dukkaṭaṃ, ajjhohāre ajjhohāre pācittiyam.

Ayam panettha vinicchayo—ekakulena vā nānākulehi vā ekato hutvā ekasmim ṭhāne vā nānāṭhānesu vā ajja ekasmim, sve ekasminti evaṃ aniyamitaṭṭhāne vā paññattaṃ ekasmim ṭhāne ekadivasaṃ bhuñjitvā dutiyadivase tasmim ṭhāne aññasmim vā bhuñjitum na vaṭṭati. Nānākulehi pana nānāṭhānesu paññattaṃ ekasmim ṭhāne ekadivasaṃ bhuñjitvā dutiyadivase aññattha bhuñjitum vaṭṭati. Paṭipāṭim pana khepetvā puna ādito paṭṭhāya bhuñjitum na vaṭṭatīti Mahāpaccariyam vuttaṃ. Ekapūganānāpūga-ekagāmanānāgāmesupi eseva nayo. Yopi ekakulassa vā nānākulānaṃ vā ekato paññatto taṇḍulādīnaṃ abhāvena antarantarā chijjati, sopi na bhuñjitabbo. Sace pana na sakkoma dātunti upacchinditvā puna kalyāṇacitte uppanne dātum ārabhanti, etaṃ puna ekadivasaṃ bhuñjitum vaṭṭatīti Mahāpaccariyam vuttaṃ.

208. **Anāpatti gilānassāti** gilānassa anuvasitvā bhuñjantassa anāpatti. **Gacchanto vā**ti yo gacchanto antarāmagge ekadivasaṃ gataṭṭhāne ca ekadivasaṃ bhuñjati, tassāpi anāpatti. Āgacchantepi eseva nayo. Gantvā paccāgacchantopi antarāmagge ekadivasaṃ āgataṭṭhāne ca ekadivasaṃ bhuñjitum labhati. Gacchissāmīti bhuñjitvā nikkhantassa nadī vā pūrati, corādibhayaṃ vā hoti, so nivattitvā khemabhāvaṃ ṇatvā gacchanto puna ekadivasaṃ bhuñjitum labhatīti sabbamidaṃ Mahāpaccariyādīsu

vuttaṃ. **Odissa paññatto hotīti** bhikkhūnaṃyeva atthāya uddisitvā paññatto hoti. **Na yāvadatthoti** yāvadatthaṃ paññatto na hoti, thokaṃ thokaṃ labbhati, tādisaṃ niccampi bhuñjitum vaṭṭati. **Pañca bhojanāni ṭhapetvā sabbatthāti** yāgukhajakaphalāphalādibhede sabbattha anāpatti. Yāgu-ādīni hi niccampi bhuñjitum vaṭṭati. Sesāṃ uttānameva. Eḷakalomasamuṭṭhānaṃ kāyato ca kāyacittato ca samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjāṃ, kāyakammaṃ, ticittaṃ, tivedananti.

Āvasathapiṇḍasikkhāpadaṃ paṭhamāṃ.

2. Gaṇabhojanasikkhāpadavaṇṇanā

209. Dutiyasikkhāpade **parihīnalābhasakkāro**ti so kira Ajātasattunā rājānaṃ mārāpetvāpi abhimāre yojetvāpi ruhiruppādaṃ katvāpi guḷhapaṭicchanno ahoṣi. Yadā pana divāyeva Dhanapālakaṃ payojesi, tadā pākaṭo jāto. “Kathaṃ Devadatto hatthiṃ payojesi”ti parikathāya¹ uppannāya “na kevalaṃ hatthiṃ payojesi, rājānampi mārāpesi, abhimārepi pesesi, silampi pavijjhi, pāpo Devadatto”ti pākaṭo ahoṣi. “Kena saddhiṃ imaṃ kammamakāsi”ti ca vutte “raññā Ajātasattunā”ti āhaṃsu. Tato nāgarā “kathaṃhi nāma rājā evarūpaṃ coraṃ sāsanakaṇṭakaṃ gahetvā vicarissati”ti uṭṭhahiṃsu. Rājā nagarasāṅkhobhaṃ ṇatvā Devadattaṃ nīhari. Tato paṭṭhāya cassa pañcathālipākasaṭāni upacchindi, upaṭṭhānampissa na agamāsi, aññepissa manussā na kiñci dātabbaṃ vā kātabbaṃ vā maññiṃsu. Tena vuttaṃ “parihīnalābhasakkāro”ti. **Kulesu viññāpetvā viññāpetvā bhuñjati**ti “mā me gaṇo bhijji”ti parisāṃ posento tvaṃ ekassa bhikkhuno bhattaṃ dehi, tvaṃ dvinnanti evaṃ viññāpetvā sapaṇṇaso kulesu bhuñjati.

211. **Cīvaraṃ parittaṃ uppajjati**ti bhattaṃ agaṇhantānaṃ cīvaraṃ na denti, tasmā parittaṃ uppajjati.

1. Kathāya (Sī)

212. **Cīvarakārake bhikkhū bhattena nimantenti**ti gāme piṇḍāya caritvā cirena cīvaraṃ niṭṭhāpente disvā “evaṃ lahuṃ niṭṭhāpetvā cīvaraṃ paribhuñjissanti”ti puññakāmatāya nimantenti.

215. **Nānāverajjaket**i nānāvidhehi aññarajjehi āgate. Nānāvirajjaketipi pāṭho, ayamevattho.

217-8. **Gaṇabhojaneti** gaṇassa bhojane. Idha ca gaṇo nāma cattāro bhikkhū ādim katvā tatuttari bhikkhū adhippetā, teneva sabbantimaṃ paricchedaṃ dassento āha “yattha cattāro bhikkhū -pa- etaṃ gaṇabhojanaṃ nāmā”ti. Taṃ panetaṃ gaṇabhojanaṃ dvīhākārehi pasavati nimantanato vā viññattito vā. Kathaṃ nimantanato pasavati? Cattāro bhikkhū upasaṅkamitvā “tumhe bhante odanena nimantemi, odanaṃ me gaṇhatha ākaṅkhatha oloketha adhivāsetha paṭimānethā”ti evaṃ yena kenaci vevacanaena vā bhāsantarena vā pañcannaṃ bhojanānaṃ nāmaṃ gahetvā nimanteti. Evaṃ ekato nimantitā paricchinnakālavasena ajjatanāya vā svātanāya vā ekato gacchanti, ekato gaṇhanti, ekato bhuñjanti, gaṇabhojanaṃ hoti, sabbesaṃ āpatti. Ekato nimantitā ekato vā nānato vā gacchanti, ekato gaṇhanti, nānato bhuñjanti, āpattiyeva. Paṭiggahaṇameva hi ettha pamāṇaṃ. Ekato nimantitā ekato vā nānato vā gacchanti, nānato gaṇhanti, ekato vā nānato vā bhuñjanti, anāpatti. Cattāri pariveṇāni vā vihāre vā gantvā nānato nimantitā ekaṭṭhāne ṭhitesuyeva vā eko puttana eko pitarāti evampi nānato nimantitā ekato vā nānato vā gacchantu, ekato vā nānato vā bhuñjantu, sace ekato gaṇhanti, gaṇabhojanaṃ hoti, sabbesaṃ āpatti. Evaṃ tāva nimantanato pasavati.

Kathaṃ viññattito? Cattāro bhikkhū ekato ṭhitā vā nisinnā vā upāsakaṃ disvā “amhākaṃ catunnampi bhattaṃ dehi”ti vā viññāpeyyuṃ, pāṭekkaṃ vā passitvā “mayhaṃ dehi, mayhaṃ dehi”ti, evaṃ ekato vā nānato vā viññāpetvā ekato vā gacchantu nānato vā, bhattaṃ gahetvāpi ekato vā bhuñjantu nānato vā, sace ekato gaṇhanti, gaṇabhojanaṃ hoti, sabbesaṃ āpatti. Evaṃ viññattito pasavati.

Pādāpi phalitāti¹ yathā mahācammassa parato maṁsaṁ dissati, evaṁ phālītā, vālikāya vā sakkharāya vā pahaṭamatte dukkhaṁ uppādentī, na sakkā hoti antogāme piṇḍāya caritum. Īdise gelaññe gilānasamayoti bhuñjitabbaṁ, na lesakappiyam² kātabbam.

Cīvare kayiramāneti yadā sātakañca suttañca labhitvā cīvaram karonti, tadā, visum hi cīvarakārasamayo nāma natthi. Tasmā yo tattha cīvare kattabbaṁ yaṁkiñci kammaṁ karoti, Mahāpaccariyam hi “antamaso sūcivedhanako”tipi vuttam, tena cīvarakārasamayoti bhuñjitabbaṁ. Kurundiyam pana vitthārenea vuttam. Yo cīvaram vicāreti chindati, moghasuttam ṭhapeti, āgantukapaṭṭam³ ṭhapeti, paccāgataṁ sibbati, āgantukapaṭṭam bandhati, anuvātam chindati ghaṭṭeti āropeti, tattha paccāgataṁ sibbati, suttam karoti valeti, pipphalikaṁ niseti, parivattanam karoti, sabbopi cīvaram karotiyevāti vuccati. Yo pana samīpe nisinno Jātakam vā Dhammapadam vā katheti, ayam na cīvarakārako. Etam ṭhapetvā sesānam gaṇabhojane anāpattīti.

Addhayojananti ettakampi addhānam gantukāmena. Yo pana dūram gantukāmo, tattha vattabbameva natthi. **Gacchantenāti** addhānam gacchantena addhayojanabbhantare gāvutepe bhuñjitum vaṭṭati. **Gatena bhuñjitabbanti** gatena ekadivasam bhuñjitabbaṁ. Nāvābhiruhanepi eseva nayo. Ayam pana viseso, abhiruḥhena icchitaṭṭhānam gantvāpi yāva na orohati, tāva bhuñjitabbanti Mahāpaccariyam vuttam. **Catutthe āgateti** ayam antimaparicchedo, catutthepe āgate yattha na yāpentī, so mahāsamayo. Yattha pana sataṁ vā sahasam vā sannipatanti, tattha vattabbameva natthi. Tasmā tādise kāle “mahāsamayo”ti adhiṭṭhahitvā bhuñjitabbaṁ. **Yo koci paribbājakasamāpannoti** sahadhammikesu vā titthiyesu vā aññataro, etesam hi yena kenaci kate bhatte “samaṇabhassamayo”ti bhuñjitabbaṁ.

220. **Anāpattisamayeti** sattasu samayesu aññatarasmim anāpatti. **Dve tayo ekatoti** yepi akappiyanimantanam sādiyitvā dve vā tayo vā ekato gahetvā bhuñjanti, tesampi anāpatti.

1. Phālītātī (Sī, Syā)

3. Āgantukapaṭṭam (Sī), āgantukapaṭam (Syā)

2. Na lesakappam (Sī)

Tattha animantitacatuttham¹ piṇḍapātikacatuttham
 anupasampannacatuttham pattacatuttham gilānacatutthanti pañcannaṃ
 catukkānaṃ vasena vinicchayo veditabbo. Katham? Idhekacco cattāro
 bhikkhū “bhattam gaṇhathā”ti nimanteti. Tesu tayo gatā, eko na gato.
 Upāsako “eko bhante thero kuhin”ti pucchati. Nāgato upāsakāti. So aññaṃ
 taṅkhaṇappattam kañci “ehi bhante”ti pavesetvā catunnampi bhattam deti,
 sabbesaṃ anāpatti. Kasmā? Gaṇapūrakassa animantitattā. Tayo eva hi tattha
 nimantitā gaṇhimsu, tehi gaṇo na pūrati, gaṇapūrako ca animantito, tena
 gaṇo bhijjati idam animantitacatuttham.

Piṇḍapātikacatutthe nimantanakāle eko piṇḍapātiko hoti, so nādhivāseti.
 Gamanavelāya pana “ehi bhante”ti vutte anadhivāsitatā anāgacchantampi
 “etha bhikkham lacchathā”ti gahetvā gacchanti, so tam gaṇam bhindati.
 Tasmā sabbesaṃ anāpatti.

Anupasampannacatutthe sāmaṇerena saddhim nimantitā honti, sopi
 gaṇam bhindati.

Pattacatutthe eko sayam agantvā pattam peseti, evampi gaṇo bhijjati.
 Tasmā sabbesaṃ anāpatti.

Gilānacatutthe gilānena saddhim nimantitā honti, tattha gilānasseva
 anāpatti, itaresam pana gaṇapūrako hoti. Na hi gilānena gaṇo bhijjati.
 Tasmā tesam āpattiyeva. Mahāpaccariyam pana avisesena vuttam.

Samayaladdhako sayameva muccati, sesānaṃ gaṇapūrakattā āpattikaro
 hoti. Tasmā cīvaradānasamayaladdhakādīnampi vasena catukkāni
 veditabbāni. Sace pana adhivāsetvā gatesupi catūsu janesu eko paṇḍito
 bhikkhu “aham tumhākaṃ gaṇam bhindissāmi, nimantanam sādīyathā”ti
 vatvā yāgukhajjakāvasāne bhattatthāya pattam gaṇhantānaṃ adatvā ime tāva
 bhikkhū bhojetvā vissajjetha, aham pacchā anumodanaṃ katvā gamissāmīti
 nisinno. Tesu bhutvā gatesu “detha bhante pattan”ti upāsakena pattam
 gahetvā bhatte dinne bhuñjivā

1. Animantitacatukkam (Ka) evamaññapadesupi.

anumodanaṃ katvā gacchati, sabbesaṃ anāpatti. Pañcannaṃ hi bhojanānaṃyeva vasena gaṇabhojane visaṅketam natthi. Odanaena nimantitā kummāsaṃ gaṇhantāpi āpattim āpajjanti. Tāni ca tehi ekato na gahitāni. Yāgu-ādīsu pana visaṅketam hoti, tāni tehi ekato gahitānīti. Evaṃ eko paṇḍito aññesampi anāpattim karoti.

Tasmā sace koci saṅghabhattam kattukāmena nimantanatthāya pesito vihāram āgamma “bhante sve amhākaṃ ghare bhikkham gaṇhathā”ti avatvā “bhattam gaṇhathā”ti vā “saṅghabhattam gaṇhathā”ti vā “saṅgho bhattam gaṇhātū”ti vā vadati, bhattuddesakena paṇḍitena bhavitabbam, nemantanikā gaṇabhojanato piṇḍapātikā ca dhutaṅgabhedato mocetabbā. Katham? Evaṃ tāva vattabbam “sve na sakkā upāsakā”ti. Punadivase bhanteti. Punadivasepi na sakkāti, evaṃ yāva addhamāsampi haritvā puna vattabbo “tvam kim avacā”ti. Sace punapi “saṅghabhattam gaṇhathā”ti vadati, tato “imaṃ tāva upāsaka puppham kappiyam karohi, imaṃ tiṇam”ti evaṃ vikkhepaṃ katvā puna “kim kathayitthā”ti pucchitabbo. Sace punapi tatheva vadati, “āvuso tvam piṇḍapātike vā mahāthere vā na lacchasi, sāmaṇere lacchasi”ti vattabbo. “Nanu bhante asukasmiṅca asukasmiṅca gāme bhadante bhojesum, aham kasmā na labhāmī”ti ca vutte te nimantetum jānanti, tvam na jānāsīti. Te katham nimantesum bhanteti. Evamāhamsu “amhākaṃ bhante bhikkham gaṇhathā”ti. Sace sopi tatheva vadati, vaṭṭati. Atha punapi “bhattam gaṇhathā”ti vadati, “na dāni tvam āvuso bahū bhikkhū lacchasi, tayo eva lacchasi”ti vattabbo. Nanu bhante asukasmiṅca asukasmiṅca gāme sakalam bhikkhusaṅgham bhojesum, aham kasmā na labhāmīti. Tvam nimantetum na jānāsīti. Te katham nimantesunti. Te “bhikkham gaṇhathā”ti āhamsūti. Sace sopi “bhikkham gaṇhathā”ti vadati, vaṭṭati. Atha punapi “bhattamevā”ti vadati, tato vattabbo “gaccha tvam, natthamhākaṃ tava bhattenattho, nibaddhagocaro esa amhākaṃ, mayamettha piṇḍāya carissāmā”ti. Tam “caratha bhante”ti vatvā āgataṃ pucchanti “kim bho laddhā bhikkhū”ti. “Kim etena, bahu ettha vattabbam, therā ‘sve piṇḍāya carissāmā’ti āhamsu, mā dāni tumhe pamajjitthā”ti. Dutiyadivase cetiyavattam katvā ṭhitā bhikkhū

saṅghattherena vattabbā “āvuso dhuragāme saṅghabhaddam,
apaṇḍitamanusso pana agamāsi, gacchāma dhuragāme piṇḍāya carissāmā”ti.
Bhikkhūhi therassa vacanam kātabbam, na dubbacehi bhavitabbam,
gāmadvāre aṭṭhatvāva piṇḍāya caritabbam. Tesu pattāni gahetvā nisīdāpetvā
bhojentesu bhujjittabbam. Sace āsanasālāya bhaddam ṭhapetvā rathikāsu
āhiṇḍantā ārocenti “āsanasālāya bhante bhaddam gaṇhathā”ti, na vaṭṭati.

Atha pana bhaddam ādāya tatha tatha gantvā “bhaddam gaṇhathā”ti
vadanti, paṭikaceva vā vihāram abhiharitvā patirūpe ṭhāne ṭhapetvā
āgatāgatānam denti, ayam abhihatabhikkhā nāma vaṭṭati. Sace pana
bhaddasālāya dānam sajjetvā tam tam pariveṇam pahinanti “bhaddasālāya
bhaddam gaṇhathā”ti, na vaṭṭati. Ye pana manussā piṇḍacārike bhikkhū disvā
āsanasālānam sammajjitvā tatha nisīdāpetvā bhojenti, na te paṭikkhipitabbā.
Ye pana gāme bhikkham alabhitvā gāmato nikkhamante bhikkhū disvā
“bhante bhaddam gaṇhathā”ti vadanti, te paṭikkhipitabbā, na vā
nivattitabbam. Sace “nivattatha bhante bhaddam gaṇhathā”ti vadanti,
“nivattathā”ti vuttapade nivattitum vaṭṭati. “Nivattatha bhante ghare bhaddam
katham, gāme bhaddam katham”ti vadanti, gehe ca gāme ca bhaddam nāma yassa
kassaci hotīti nivattitum vaṭṭati. “Nivattatha bhaddam gaṇhathā”ti
sambandham katvā vadanti, nivattitum na vaṭṭati. Āsanasālato piṇḍāya
caritum nikkhamante disvā “nisīdatha bhante bhaddam gaṇhathā”ti vuttepi
eseva nayo. Niccabhaddanti dhuvabhaddam vuccati. “Niccabhaddam
gaṇhathā”ti vadanti, bahūnampi ekato gahetum vaṭṭati. Salākabhaddādīsipi
eseva nayo. Sesametha uttānameva.

Elakalomasamuṭṭhānam, kiriyaṃ, nosaññāvimokkham, acittakam,
paṇṇattivajjam, kāyakammaṃ, ticittam, tivedananti.

Gaṇabhajanāsikkhāpadam dutiyam.

3. Paramparabhajanāsikkhāpadavaṇṇanā

221. Tatiyasikkhāpade na kho idam orakam bhavissati, yathayime
manussā sakkaccam bhaddam karontīti yena niyāmena ime manussā
sakkaccam

bhattam karonti, tena nāyati “idam sāsanaṃ idam vā Buddhappamukhe saṃghe dānaṃ na kho orakaṃ bhavissati, parittam lāmaṃ neva bhavissati”ti. **Kirapatikoti** ettha **kiroti** tassa kulaputtassa nāmaṃ, ādhipaccaṭṭhena pana “kirapatiko”ti vuccati. So kira issaro adhipati māsa-utusaṃvaccharaniyāmena vetanaṃ datvā kammakāraṃ kammaṃ kāreti. **Badarā paṭiyattāti** upacāravasena vadati. **Badaramissenāti** badarasālavena.

222. Ussūre¹ āhariyitthāti atidivā āhariyittha.

226. **Mayham bhattapaccāsaṃ itthannāmassa dammīti** ayaṃ bhattavikappanā nāma sammukhāpi parammukhāpi vaṭṭati. Sammukhā disvā “tuyham vikappemī”ti vatvā bhuñjitabbaṃ, adisvā pañcasu sahadhammikesu “itthannāmassa vikappemī”ti vatvā bhuñjitabbaṃ. Mahāpaccariyādīsu pana parammukhāvikappanāva vuttā. Sā cāyaṃ yasmā vinayakammaṃ saṅgahitā, tasmā Bhagavato vikappetuṃ na vaṭṭati. Bhagavati hi gandhakuṭiyam nisinnepi saṃghamajjhe nisinnepi saṃghena gaṇappahonake bhikkhū gahetvā taṃ taṃ kammaṃ kataṃ sukatameva hoti, Bhagavā neva kammaṃ kopeti na sampādeti. Na kopeti dhammissarattā, na sampādeti agaṇapūrakattā.

229. **Dve tayo nimantane ekato bhuñjatīti** dve tīṇi nimantanāni ekapatte pakkhipitvā missetvā ekaṃ katvā bhuñjatīti attho. Dve tīṇi kulāni nimantetvā ekasmiṃ ṭhāne nisīdāpetvā ito cito ca āharitvā bhattam ākiranti, sūpabyañjanaṃ ākiranti, ekamissakaṃ hoti, ettha anāpattīti Mahāpaccariyam vuttam. Sace pana mūlanimantanam heṭṭhā hoti, pacchimaṃ pacchimaṃ upari, taṃ uparito paṭṭhāya bhuñjantassa āpatti. Hattham pana anto pavesetvā paṭṭhamanimantanato ekampi kabaḷam uddharitvā bhuttakālato paṭṭhāya yathā tathā vā bhuñjantassa anāpatti. Sacepi tattha khīram vā rasam vā ākiranti, yena ajjhotthataṃ bhattam ekarasam hoti, koṭito paṭṭhāya bhuñjantassa anāpattīti Mahāpaccariyam vuttam. Mahā-aṭṭhakathāyam pana vuttam “khīrabhattam vā rasabhattam vā labhitvā nisinnassa tattheva aññepi khīrabhattam vā rasabhattam vā ākiranti, khīram vā rasam vā pivato anāpatti. Bhuñjantena pana paṭṭhamam laddhamamsakhaṇḍam vā

1. Ussūrena (Ka)

bhattapiṇḍaṃ vā mukhe pakkhipitvā koṭito paṭṭhāya bhuñjitum vaṭṭati.
Sappipāyāsepi eseva nayo”ti.

Mahā-upāsako bhikkhum nimanteti, tassa kulam upagatassa upāsakopi tassa puttadārabhātikabhagini-ādayopi attano attano koṭṭhāsam āharitvā patte pakkhipanti, upāsakena paṭṭhamam dinnam abhuñjitvā pacchā laddham bhuñjantassa anāpatti”ti Mahā-aṭṭhakathāyam vuttam. Kurundaṭṭhakathāyam pana vaṭṭatīti vuttam. Mahāpaccariyam “sace pāṭekkam pacanti, attano attano pakkabhattato āharitvā denti, tattha pacchā āhaṭam paṭṭhamam bhuñjantassa pācittiyam. Yadi pana sabbesam ekova pāko hoti, paramparabhojanam na hoti”ti vuttam. Mahā-upāsako nimantetvā nisīdāpeti, añño manusso pattam gaṇhāti, na dātabbam. Kim bhante na dethāti. Nanu upāsaka tayā nimantitamhāti. Hotu bhante laddham laddham bhuñjathāti vadati, bhuñjitum vaṭṭati. Aññena āharitvā bhatte dinne āpucchitvāpi bhuñjitum vaṭṭatīti kurundiyam vuttam.

Anumodanam katvā gacchantam dhammam sotukāmā “svepi bhante āgaccheyyāthā”ti sabbe nimantenti, punadivase āgantvā laddham laddham bhuñjitum vaṭṭati. Kasmā? Sabbehi nimantitattā. Eko bhikkhu piṇḍāya caranto bhattam labhati, tamañño upāsako nimantetvā ghare nisīdāpeti, na ca tāva bhattam sampajjati. Sace so bhikkhu piṇḍāya caritvā laddhabhattam bhuñjati, āpatti. Abhutvā nisinne “kim bhante na bhuñjasī”ti vutte “tayā nimantitattā”ti vatvā “laddham laddham bhuñjatha bhante”ti vutto bhuñjati, vaṭṭati.

Sakalena gāmenāti sakalena gāmena ekato hutvā nimantitasseva yattha katthaci bhuñjato anāpatti. Pūgepi eseva nayo. **Nimantiyamāno bhikkham gahessāmīti bhaṇatīti** “bhattam gaṇhā”ti nimantiyamāno “na mayham tava bhattenattho, bhikkham gaṇhissāmī”ti vadati. Ettha pana Mahāpadumatthero āha “evam vadanto imasmim sikkhāpade animantanam katum sakkoti, bhuñjanatthāya pana okāso kato hotīti neva gaṇabhojanato na cārittato mucatīti. Mahāsumatthero āha “yadaggena animantanam katum sakkoti, tadaggena neva gaṇabhojanam na cārittam hotī”ti. Sesam uttānameva.

Kathinasamuṭṭhānaṃ, kāyavācāto kāyavācācittato ca samuṭṭhāti,
kiriyaṅkiriyaṃ, ettha hi bhojanaṃ kiriyaṃ, avikappanaṃ akiriyaṃ,
nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ,
ticittaṃ, tivedananti.

Paramparabhojanasikkhāpadaṃ tatiyaṃ.

4. Kāṇamātāsikkhāpadavaṇṇanā

230. Catutthasikkhāpade **Kāṇamātā**ti Kāṇāya mātā. Sā kirassā dhītā
abhirūpā ahoṣi, ye ye taṃ passanti, te te rāgena kāṇā honti, rāgandhā hontīti
attho. Tasmā paresaṃ kāṇabhāvakarāṇato “Kāṇā”ti vissutā ahoṣi. Tassā
vasena mātāpissā “Kāṇamātā”ti pākaṭā jāta. **Āgata**nti āgamaṇaṃ. **Kismiṃ**
viyāti kīdisaṃ viya, lajjanakaṃ viya hotīti adhippāyo. **Rittahatthaṃ gant**untī
rittā hatthā asmiṃ gamane tadidaṃ **rittahatthaṃ**, taṃ rittahatthaṃ gamaṇaṃ
gantūṃ lajjanakaṃ viya hotīti vuttaṃ hoti. **Parikkhayaṃ agama**sīti upāsikā
ariyasāvika bhikkhū disvā santaṃ adātuṃ na sakkoti, tasmā tāva dāpesi,
yāva sabbaṃ parikkhayaṃ agamaṣi. **Dhammiyā kathā**yāti ettha Kāṇāpi mātu
atthāya desiyamānaṃ dhammaṃ suṇanti desanāpariyosāne sotāpannā ahoṣi.
Uṭṭhāyāsanā pakkāmīti āsanato uṭṭhahitvā gato. Sopi puriso “Satthā kira
Kāṇamātāya nivesanaṃ agamaṣi”ti sutvā Kāṇaṃ ānetvā pakatitṭhāneyeva
ṭhapesi.

231. Imasmiṃ pana vatthusmiṃ uppannamatte apaññattheyeva
sikkhāpade pātheyyavatthu udapādi, tasmā anantameva cetam dassetuṃ
tena kho pana samayaṇāti-ādi vuttaṃ. Sopi ca upāsako ariyasāvakaṭṭā
sabbameva dāpesi. Tena vuttaṃ “parikkhayaṃ agamaṣi”ti.

233. **Yaṃkiñci pahaṇakathā**yāti¹ paṇṇākāratthāya paṭiyattaṃ yaṃkiñci
atirasakamodakasakkhalikādi sabbaṃ idha pūvotveva saṅkhyāṃ gacchati.

1. Pahiṇakathāyāti (Ka)

yaṃkiñci pātheyyatthāyāti maggaṃ gacchantānaṃ antarāmaggatthāya paṭiyattaṃ yaṃkiñci baddhasattu-abaddhasattutilataṇḍulādi sabbaṃ idha manthotveva saṅkhyāṃ gacchati. **Tato ce uttarinti** sacepi tatiyaṃ pattam thūpīkataṃ gaṇhāti, pūvagaṇanāya pācittiyāṃ.

Dvattipattapūre paṭiggahetvāti mukhavaṭṭiyā heṭṭhimalekhāya samapūre patte gahetvā. **Amutra mayā dvattipattapūrāti** ettha sace dve gahitā “atra mayā dve pattapūrā paṭiggahitā, tvaṃ ekaṃ gaṇheyyāsī”ti vattabbaṃ. Tenāpi aññaṃ passivā “paṭhamāṃ āgatenā dve pattapūrā gahitā, mayā eko, mā tvaṃ gaṇhī”ti vattabbaṃ. Yena paṭhamāṃ eko gahito, tassāpi paramparārocane eseva nayo. Yena pana sayameva tayo gahitā, tena aññaṃ disvā “mā kho ettha paṭiggaṇhī”cceva vattabbaṃ. **Paṭikkamaṇaṃ nīharitvāti** āsanasālaṃ haritvā, āsanasālaṃ gacchantena ca chaḍḍitasālā na gantabbā. Yattha mahā bhikkhusaṅgho nisīdati, tattha gantabbaṃ. Mahāpaccariyaṃ pana vuttaṃ “yā laddhaṭṭhānato āsannā āsanasālā, tattha gantabbaṃ. ‘Attano sandiṭṭhānaṃ vā sambhattānaṃ vā ekanikāyikānaṃ vā dassāmī”ti aññattha gantuṃ na labbhati. Sace panassa nibaddhanisīdanaṭṭhānaṃ hoti, dūrampi gantuṃ vaṭṭatī”ti.

Saṃvibhajitabbanti sace tayo pattapūrā gahitā, ekaṃ attano ṭhapetvā dve bhikkhusaṅghassa dātabbā. Sace dve gahitā, ekaṃ attano ṭhapetvā eko saṅghassa dātabbo, yathāmittaṃ pana dātuṃ na labbhati. Yena eko gahito, na tena kiñci akāmā dātabbaṃ, yathāruci kātabbaṃ.

235. **Gamane paṭippassaddheti** antarāmagge upaddavaṃ vā disvā anathikatāya vā “mayāṃ idāni na pesissāma na gamissāmā”ti evaṃ gamane paṭippassaddhe upacchinne. **Ñātakānaṃ pavāritānanti** etesaṃ bahumpi dentānaṃ paṭiggaṇhantassa anāpatti. Aṭṭhakathāsu pana “tesampi pātheyyapahēnakatthāya paṭiyattato pamāṇameva vaṭṭatī”ti vuttaṃ. Sesaṃ uttānameva. Chasamuṭṭhānaṃ, kiriyāṃ, nosaññāvīmokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Kāṇamātāsikkhāpadaṃ catutthaṃ.

5. Paṭhamapavāraṇasikkhāpadavaṇṇanā

236. Pañcamasikkhāpade **bhikkhū bhuttāvī pavāritāti** brāhmaṇena “gaṇhatha bhante yāva icchathā”ti evaṃ yāvadatthapavāraṇāya, sayañca “alaṃ āvuso thokaṃ thokaṃ dehī”ti evaṃ paṭikkhepapavāraṇāya pavāritā. **Paṭivissaketi** sāmantaḡharavāsike.

237. **Kākoravasaddanti** kākānaṃ oravasaddaṃ sannipatitvā viravantānaṃ saddaṃ. **Alametaṃ sabbanti** ettha tikāraṃ avatvāva ‘alametaṃ sabbam’ ettakaṃ vattum vaṭṭati.

238-9. **Bhuttāvīti** bhuttavā. Tattha ca yasmā yena ekampi sitthaṃ saṅkhāditvā vā asaṅkhāditvā vā¹ ajjhoharitaṃ hoti, so “bhuttāvī”ti saṅkhyāṃ gacchati, tenassa padabhājane “bhuttāvī nāma pañcannaṃ bhojanānaṃ”ti-ādi vuttaṃ. **Pavāritoti** katapavāraṇo katapaṭikkhepo. Sopi ca yasmā na paṭikkhepamattena, atha kho pañcaṅgavasena, tenassa padabhājane “pavārito nāma asanaṃ paññāyatī”ti-ādi vuttaṃ. Tattha yasmā asanaṃ paññāyatīti iminā vipakatabhojano “pavārito”ti vutto, yo ca vipakatabhojano, tena kiñci bhuttaṃ kiñci abhuttaṃ, yañca bhuttaṃ, taṃ sandhāya “bhuttāvī”tipi saṅkhyāṃ gacchati, tasmā bhuttāvīvacanena viṣum kiñci atthasiddhiṃ na passāma. Dirattatirattaṃ, chappañcavācāhīti-ādīsu² pana dirattādivacanaṃ viya pavāritapadassa parivāraḡabhāvena byañjanasiliṭṭhatāya cetam vuttanti veditabbaṃ.

Asanaṃ paññāyatīti-ādīsu vipakatabhojanaṃ dissati, bhuñjamāno ceso puggalo hotīti attho. **Bhojanaṃ paññāyatīti** pavāraṇappahonakabhोजनाṃ dissati. Odanādīnaṃ ce aññataraṃ paṭikkhipitabbaṃ bhojanaṃ hotīti attho. **Hatthapāse ṭhitoti** pavāraṇappahonakaṃ bhojanaṃ gaṇhitvā dāyako aḡḡhateyyahatthappamāṇe okāse hotīti attho. **Abhiharatīti** so ce dāyako tassa taṃ bhuttaṃ kāyena abhiharatīti attho. **Paṭikkhepo paññāyatīti** paṭikkhepo dissati, tañce abhihaṭaṃ so bhikkhu kāyena vā vācāya vā paṭikkhipatīti attho. Evaṃ pañcannaṃ aṅgānaṃ vasena pavārito nāma hotīti. Vuttampi cetam—

1. Saṅkharitvā vā asaṅkharitvā vā (Ka)

2. Vi 2. 27, 33 piṭṭhesu.

“Pañcahi Upāli ākārehi pavāraṇā paññāyati, asanaṃ paññāyati, bhojanaṃ paññāyati, hatthapāse ṭhito, abhiharati, paṭikkhepo paññāyati”¹.

Tatrāyaṃ vinicchayo—asananti-ādīsu tāva yañca asnāti, yañca bhojanaṃ hatthapāse ṭhitena abhihaṭaṃ paṭikkhipati, taṃ odano kummāso sattu maccho maṃsanti imesaṃ aññatameva vedittabbaṃ. Tattha odano nāma sāli vīhi yavo godhumo kaṅgu varako kudrūsakoti sattannaṃ dhaññānaṃ taṇḍulehi nibbato. Tattha **sālīti** antamaso nīvāraṃ upādāya sabbāpi sālījāti. **Vīhīti** sabbāpi vīhijāti. **Yavagodhumesu** bhedo natthi. **Kaṅgūti** setarattakālabhedā sabbāpi kaṅgūjāti. **Varakoti** antamaso varakacorakaṃ upādāya sabbā setavaṇṇā varakajāti. **Kudrūsakoti** kāḷako dravo ceva sāmākādibhedā ca sabbāpi tiṇadhaññajāti.

Nīvāravarakacorakā cettha “dhaññānulomā”²ti vadanti. Dhaññāni vā hontu dhaññānulomāni vā, etesaṃ vuttappabhedānaṃ sattannaṃ dhaññānaṃ taṇḍule gahetvā “bhattaṃ pacissāmā”²ti vā “yāguṃ pacissāmā”²ti vā “ambilapāyāsādīsu aññataraṃ pacissāmā”²ti vā yaṃkiñci sandhāya pacantu, sace uṇhaṃ sītalānaṃ vā bhuñjantānaṃ bhojanakāle gahitagahitaṭṭhāne odhi paññāyati, odanaśaṅgahameva gacchati, pavāraṇaṃ janeti. Sace odhi na paññāyati, yāguśaṅgahaṃ gacchati, pavāraṇaṃ na janeti.

Yopi pāyāso vā paṇṇaphalakaḷīramissakā ambilayāgu vā uddhanato otāritamattā abbhūṇhā hoti, āvajjitvā² pivituṃ sakkā, hatthena gahitokāsepi odhiṃ na dasseti, pavāraṇaṃ na janeti. Sace pana usumāya vigatāya sītalībhūtā ghanabhāvaṃ gacchati, odhiṃ dasseti, puna pavāraṇaṃ janeti. Pubbe tanubhāvo na rakkhati. Sacepi dadhitakkādīni āropetvā bahupaṇṇaphalakaḷīre pakkhipitvā muṭṭhimattāpi taṇḍulā pakkhittā honti, bhojanakāle ce odhi paññāyati, pavāraṇaṃ janeti. Ayāguke nimantane “yāguṃ dassāmā”²ti bhatte udakakañjikakhīrādīni ākiritvā “yāguṃ gaṇhathā”²ti denti. Kiñcāpi tanukā honti, pavāraṇaṃ

1. Vi 5. 326 piṭṭhe.

2. Āvijhitvā (Syā, Ka)

janetiyeva. Sace pana pakkuthitesu udakādīsu pakkhipitvā pacitvā denti, yāgusaṅgahameva gacchati. Yāgusaṅgahaṃ gatepi tasmim̄ vā aññasmim̄ vā yattha macchamaṃsaṃ pakkhipanti, sace sāsapamattampi macchamaṃsakhaṇḍaṃ vā nhāru vā paññāyati, pavāraṇaṃ janeti.

Suddharasako pana rasakayāgu vā na janeti. Ṭhapetvā vuttadhaññānaṃ taṇḍule aññehi veṇutaṇḍulādīhi vā kandaṃulaphalehi vā yehi kehici kataṃ bhattampi pavāraṇaṃ na janeti, pageva ghanayāgu. Sace panettha macchamaṃsaṃ pakkhipanti, janeti. Mahāpaccariyaṃ “pupphi-atthāya¹ bhattampi pavāraṇaṃ janeti”ti vuttaṃ, pupphi-atthāya bhattaṃ nāma pupphikhajjakatthāya kuthitudake pakkhipitvā seditataṇḍulā vuccanti. Sace pana te taṇḍule sukkhāpetvā khādanti, vaṭṭati, neva sattusaṅkhyāṃ na bhattasaṅkhyāṃ gacchanti. Puna tehi katabhattaṃ pavāretiyeva. Te taṇḍule sappitelādīsu vā pacanti, pūvaṃ vā karonti, na pavārenti. Puthukā vā tāhi katasattubhattādīni vā na pavārenti.

Kummāso nāma yavehi katakummāso. Aññehi pana muggādīhi katakummāso pavāraṇaṃ na janeti. Sattu nāma sālivīhiyavehi katasattu. Kaṅguvarakakudrūsakasīsānīpi bhajjitvā īsakaṃ koṭṭetvā thuse palāpetvā puna dalhaṃ koṭṭetvā cuṇṇaṃ karonti. Sacepi taṃ allattā ekābaddhaṃ hoti, sattusaṅgahameva gacchati. Kharapākabhajjitānaṃ vīhīnaṃ taṇḍule koṭṭetvā denti, tampi cuṇṇaṃ sattusaṅgahameva gacchati. Samapākabhajjitānaṃ pana vīhīnaṃ vā vīhipalāsānaṃ vā taṇḍulā bhajjitataṇḍulā eva vā na pavārenti. Tesāṃ pana taṇḍulādīnaṃ cuṇṇaṃ pavāreti. Kharapākabhajjitānaṃ vīhīnaṃ kuṇḍakampi pavāreti. Samapākabhajjitānaṃ pana ātapasukkhānaṃ vā kuṇḍakaṃ na pavāreti. Lājā vā tehi katabhattasattu-ādīni vā na pavārenti. Bhajjitapiṭṭhaṃ vā yaṃkiñci suddhakhajjakaṃ vā na pavāreti. Macchamaṃsapūritakhajjakaṃ pana sattumodako vā pavāreti. Maccho maṃsaṅca pākaṭameva. Ayaṃ pana viseso, sacepi yāguṃ pivantassa yāgusitthamattāneva dve macchakhaṇḍāni vā maṃsakhaṇḍāni vā ekabhājane vā nānābhājane vā denti, tāni ce akhādanto aññaṃ yaṃkiñci pavāraṇappahonakaṃ

1. Khubbi-atthāya (Sī, Syā)

paṭikkhipati, na pavāreti. Tato ekaṃ khāditaṃ, ekaṃ hatthe vā patte vā hoti, so ce aññaṃ paṭikkhipati, pavāreti. Dvepi khāditaṃ honti, mukhe sāsapamattampi avasiṭṭhaṃ natthi, sacepi aññaṃ paṭikkhipati, na pavāreti.

Kappiyamaṃsaṃ khādanto kappiyamaṃsaṃ paṭikkhipati, pavāreti. Kappiyamaṃsaṃ khādanto akappiyamaṃsaṃ paṭikkhipati, na pavāreti. Kasmā? Avatthutāya. Yaṃ hi bhikkhuno khāditaṃ vaṭṭati, taṃyeva paṭikkhipato pavāraṇā hoti. Idaṃ pana jānanto akappiyattā paṭikkhipati, ajānantopi paṭikkhipitabbaṭṭhāne ṭhitameva paṭikkhipati nāma, tasmā na pavāreti. Sace pana akappiyamaṃsaṃ khādanto kappiyamaṃsaṃ paṭikkhipati, pavāreti. Kasmā? Vatthutāya. Yaṃ hi tena paṭikkhitaṃ, taṃ pavāraṇāya vatthu. Yaṃ pana khādati, taṃ kiñcāpi paṭikkhipitabbaṭṭhāne ṭhitaṃ, khādiyamānaṃ pana maṃsabhāvaṃ na jahati, tasmā pavāreti. Akappiyamaṃsaṃ khādanto akappiyamaṃsaṃ paṭikkhipati, purimanayeneva na pavāreti. Kappiyamaṃsaṃ vā akappiyamaṃsaṃ vā khādanto pañcanaṃ bhojanānaṃ yaṃkiñci kappiyabhojanaṃ paṭikkhipati, pavāreti. Kuladūsakavejjakamma-uttarimanussadhammārocanasāditarūpiyādīhi nibbattaṃ Buddhapāṭikuṭṭhaṃ anesanāya uppannaṃ akappiyabhojanaṃ paṭikkhipati, na pavāreti. Kappiyabhojanaṃ vā akappiyabhojanaṃ vā bhuñjantopi kappiyabhojanaṃ paṭikkhipati, pavāreti. Akappiyabhojanaṃ paṭikkhipati, na pavāretīti sabbattha vuttanayeneva kāraṇaṃ vedītabbaṃ.

Evamaṃ asananti-ādīsu yañca asnāti, yañca bhojanaṃ hatthapāse ṭhitena abhihaṭaṃ paṭikkhipanto pavāraṇaṃ āpajjati, taṃ ñatvā idāni yathā āpajjati, tassa jānanatthaṃ ayaṃ vinicchayo—asanāṃ bhojananti ettha tāva yena ekasitthampi ajjhoḥaṭaṃ hoti, so sace pattamukhahatthānaṃ yattha katthaci pañcasu bhojanesu ekasmimpi sati aññaṃ pañcasu bhojanesu ekampi paṭikkhipati, pavāreti. Katthaci bhojanaṃ natthi, āmisagandhamattaṃ paññāyati, na pavāreti. Mukhe ca hatthe ca bhojanaṃ natthi, patte atthi, tasmim̃ pana āsane na bhuñjitukāmo, vihāraṃ pavisitvā bhuñjitukāmo, aññaṃ vā dātukāmo, tasmim̃ ce antare bhojanaṃ paṭikkhipati, na pavāreti. Kasmā? Vippakatabhojanabhāvassa upacchinnattā. Yopi aññatra gantvā bhuñjitukāmo mukhe

bhattam̐ gilitvā sesam̐ ādāya gacchanto antarāmagge aññam̐ bhojanam̐ paṭikkhipati, tassāpi pavāraṇā na hotīti Mahāpaccariyam̐ vuttam̐. Yathā ca patte, evam̐ hatthepi. Mukhepi vā vijjamānabhojanam̐ sace anajjhoharitukāmo hoti, tasmīṅca khaṇe aññam̐ paṭikkhipati, na pavāreti. Ekasmim̐ hi pade vuttalakkaṇam̐ sabbattha veditabbam̐ hoti. Apica Kurundiyam̐ esa nayo dassitoyeva. Vuttam̐ hi tattha “mukhe bhattam̐ gilitam̐, hatthe bhattam̐ vighāsādassa dātukāmo, patte bhattam̐ bhikkhussa dātukāmo, sace tasmim̐ khaṇe paṭikkhipati, na pavāreti”ti. **Hatthapāse ṭhitoti** ettha pana sace bhikkhu nisinno hoti, āsanassa pacchimantato paṭṭhāya, sace ṭhito, paṇhi-antato paṭṭhāya, sace nipanno, yena passena nipanno, tassa pārimantato paṭṭhāya, dāyakassa nisinnassa vā ṭhitassa vā nipannassa vā ṭhapetvā pasāritahattham̐ yam̐ āsannataram̐ aṅgam̐, tassa orimantena paricchinditvā aḍḍhateyyahattho “hatthapāso”ti veditabbo. Tasmim̐ ṭhatvā abhihaṭam̐ paṭikkhipantasseva pavāraṇā hoti, na tato param̐.

Abhiharatīti hatthapāsabbhantare ṭhito gahaṇattham̐ upanāmeti. Sace pana anantarānisinnopi bhikkhu hatthe vā ūrūsu vā ādhārake vā ṭhitapattam̐ anabhiharitvāva “bhattam̐ gaṇhā”ti vadati, tam̐ paṭikkhipato pavāraṇā natthi. Bhattapacchim̐ ānetvā purato bhūmiyam̐ ṭhapetvā “gaṇhāhī”ti vuttepi eseva nayo. Īsakam̐ pana uddharitvā vā apanāmetvā vā “gaṇhathā”ti vutte paṭikkhipato pavāraṇā hoti. Therāsane nisinno thero dūre nisinnassa daharabhikkhussa pattam̐ pesetvā “ito odanam̐ gaṇhāhī”ti vadati, gaṇhitvā pana gato tuṇhī tiṭṭhati, daharo “alam̐ mayhan”ti paṭikkhipati, na pavāreti. Kasmā? Therassa dūrabhāvato dūtassa ca anabhiharaṇatoti. Sace pana gahetvā āgato bhikkhu “imam̐ bhattam̐ gaṇhā”ti vadati, tam̐ paṭikkhipato pavāraṇā hoti.

Parivesanāya eko ekena hatthena odanapacchim̐ ekena kaṭacchum̐ gahetvā bhikkhu parivisati, tatra ce añño āgantvā “aham̐ pacchim̐ dhāressāmi, tvam̐ odanam̐ dehī”ti vatvā gahitamattakameva karoti, parivesako eva pana tam̐ dhāreti, tasmā sā abhihaṭāva hoti. Tato dātukāmatāya gaṇhantam̐ paṭikkhipantassa pavāraṇā hoti.

Sace pana parivisakena phuṭṭhamattāva hoti, itarova naṃ dhāreti, tato dātukāmatāya gaṇhantaṃ paṭikkhipantassa pavāraṇā na hoti. Kaṭacchunā uddhaṭabhatte pana hoti. Kaṭacchu-abhihāroyeva hi tassa abhihāro. Dvinnam samabhārepi paṭikkhipanto pavāretiyevāti mahāpaccariyam vuttaṃ. Anantarassa bhikkhuno bhatte diyyamāne itaro pattaṃ hatthehi pidahati, pavāraṇā natthi. Kasmā? Aññassa abhihaṭe paṭikkhittattā.

Paṭikkhepo paññāyatīti ettha vācāya abhihaṭam paṭikkhipato pavāraṇā natthi. Kāyena abhihaṭam pana kāyena vā vācāya vā paṭikkhipantassa pavāraṇā hotīti veditabbo.

Tattha kāyena paṭikkhepo nāma aṅgulim vā hattham vā macchikabājanim vā cīvarakaṇṇam vā cāleti, bhamukāya vā ākāram karoti, kuddho vā oloketi. Vācāya paṭikkhepo nāma “alan”ti vā “na gaṇhāmī”ti vā “mā ākirā”ti vā “apagacchā”ti vā vadati, evaṃ yena kenaci ākārena kāyena vā vācāya vā paṭikkhitte pavāraṇā hoti.

Eko abhihaṭe bhatte pavāraṇāya bhīto hattham apanetvā punappunam patte odanam ākirantam “ākira ākira, koṭṭetvā pūrehī”ti vadati, ettha kathanti? Mahāsumatthero tāva “anākiraṇatthāya vuttattā pavāraṇā hotī”ti āha. Mahāpadumatthero pana “ākira pūrehīti vadantassa nāma kassaci pavāraṇā atthī”ti vatvā “na pavāretī”ti āha. Aparo bhattam abhiharantam bhikkhum sallakkhetvā “kim āvuso itopi kiñci gaṇhissasi, dammi te kiñci”ti āha, tatrāpi “evaṃ nāgamissatī”ti vuttattā “pavāraṇā hotī”ti Mahāsumatthero āha. Mahāpadumatthero pana “gaṇhissasīti vadantassa nāma kassaci pavāraṇā atthī”ti vatvā “na pavāretī”ti āha.

Eko samānsakam rasam abhiharitvā “rasam gaṇhathā”ti vadati, tam sutvā paṭikkhipato pavāraṇā natthi. “Maccharasam mānsarasan”ti vutte paṭikkhipato hoti, “idam gaṇhathā”ti vuttepi hotiyeva. Mānsam visum katvā “mānsarasam gaṇhathā”ti vadati, tattha ce sāsapamattampi mānsakhaṇḍam

atthi, taṃ paṭikkhipato pavāraṇā hoti. Sace pana parissāvito hoti, vaṭṭatīti Abhayatthero āha.

Maṃsarasena āpucchantaṃ mahāthero “muhuttaṃ āgamehī”ti vatvā “thālakam āvuso āharā”ti āha. Ettha kathanti? Mahāsumatthero tāva “abhihārakassa gamanam paṭhamam upacchinnaṃ, tasmā pavāreti”ti āha. Mahāpadumatthero pana “ayam kuhim gacchati, kīdisam etassa gamanam, gaṇhantassāpi nāma pavāraṇā atthī”ti vatvā “na pavāreti”ti āha. Kaḷīrapanasādīhi missetvā maṃsam pacanti. Tam gahetvā “kaḷīrasūpan gaṇhatha, panasabyañjanam gaṇhathā”ti vadanti, evampi na pavāreti. Kasmā? Apavāraṇārahassa nāmena vuttatā. Sace pana “macchasūpan maṃsasūpan”ti vā “imam gaṇhathā”ti vā vadanti, pavāreti. Maṃsakarambako nāma hoti, taṃ dātukāmopi “karambakam gaṇhathā”ti vadati, vaṭṭati, na pavāreti. “Maṃsakarambakan”ti vā “idan”ti vā vutte pana pavāreti. Eseva nayo sabbesu macchamaṃsamissakesu.

Yo pana nimantane bhuñjamāno maṃsam abhihaṭam uddissa katanti maññamāno paṭikkhipati, pavāritova hotīti Mahāpaccariyam vuttam. Missakakathā pana Kurundiyaṃ suṭṭhu vuttā. Evaṃ hi tattha vuttam— piṇḍapātacāriko bhikkhu bhattamissakam yāgum āharitvā “yāgum gaṇhathā”ti vadati, na pavāreti. “Bhattam gaṇhathā”ti vutte pavāreti. Kasmā? Yenāpucchito, tassa atthitāya. Ayamettha adhippāyo, “yāgumissakam gaṇhathā”ti vadati, tatra ce yāgu bahutarā vā hoti samasamā vā, na pavāreti. Yāgu mandā, bhattam bahutaram, pavāreti. Idañca sabba-aṭṭhakathāsu vuttatā na sakkā paṭikkhipitum, kāraṇam panettha duddasam. “Bhattamissakam gaṇhathā”ti vadati, bhattam bahukam vā samam vā appataram vā hoti, pavāretiyeva. Bhattam vā yāgum vā anāmasitvā “missakam gaṇhathā”ti vadati, tatra ce bhattam bahutaram vā samakam vā hoti, pavāreti. Appataram na pavāreti. Idañca karambakena na samānetabbaṃ. Harambako hi maṃsamissakopi hoti amaṃsamissakopi, tasmā “karambakan”ti vutte pavāraṇā natthi. Idam pana bhattamissakameva. Ettha vuttanayeneva pavāraṇā hoti. Bahurase bhatte rasam, bahukhīre khīram, bahusappimhi

ca pāyāse sappim̄ gaṇhathāti visum̄ katvā deti, tam̄ paṭikkhipato pavāraṇā natthi.

Yo pana gacchanto pavāreti, so gacchantova bhuñjituṃ labhati. Kaddamaṃ vā udakaṃ vā patvā ṭhitena atirittam̄ kāretabbaṃ. Sace antarā nadī pūrā hoti, nadītīre gumbaṃ anupariyāyanta bhuñjitabbaṃ. Atha nāvā vā setu vā atthi, tam̄ abhiruhitvāpi caṅkamanteneva bhuñjitabbaṃ, gamanaṃ na upacchinditabbaṃ. Yāne vā hatthi-assapiṭṭhe vā candamaṇḍale vā sūriyamaṇḍale vā nisīditvā pavāritena yāvamaṃjjhanhikaṃ, tāva tesu gacchantesupi nisinneneva bhuñjitabbaṃ. Yo ṭhito pavāreti, ṭhiteneva, yo nisinno pavāreti, nisinneneva bhuñjitabbaṃ. Tam̄ tam̄ iriyāpatham̄ kopentena atirittam̄ kāretabbaṃ. Yo ukkuṭiko nisīditvā pavāreti, tena ukkuṭikeneva bhuñjitabbaṃ. Tassa pana heṭṭhā palālapīṭṭham̄ vā kiñci vā nisīdanakaṃ dātabbaṃ. Pīṭṭhake nisīditvā pavāritena āsanaṃ acāletvāva catasso disā parivattantena bhuñjituṃ labbhati. Mañce nisīditvā pavāritena ito vā etto vā saṃsaritum̄ na labbhati. Sace pana naṃ saha mañcena ukkhipitvā aññatra nenti, vaṭṭati. Nipajjitvā pavāritena nipanneneva bhuñjitabbaṃ. Parivattantena yena passena nipanno, tassa ṭhānaṃ nātikkametabbaṃ.

Anatirittanti na atirittam̄, na adhikanti attho. Tam̄ pana yasmā kappiyakatādīhi sattahi vinayakammākārehi akataṃ vā gilānassa anadhikaṃ vā hoti, tasmā padabhājane “akappiyakatan”ti-ādi vuttam̄. Tattha **akappiyakatanti** yaṃ tattha phalaṃ vā kandaṃmūlādi vā pañcahi samaṇakappehi kappiyaṃ akataṃ, yañca akappiyamaṃsaṃ vā akappiyabhojanaṃ vā, etaṃ akappiyaṃ nāma. Tam̄ akappiyaṃ “alametaṃ sabban”ti evaṃ atirittam̄ katampi akappiyakatanti veditabbaṃ.

Appaṭiggahitakatanti bhikkhunā appaṭiggahitamyeva purimanayena atirittam̄ kataṃ. **Anuccāritakatanti** kappiyaṃ karāpetum̄ āgatena bhikkhunā īsakampi anukkhittam̄ vā anapanāmitam̄ vā kataṃ. **Ahatthapāse katanti** kappiyaṃ kārapetum̄ āgatassa hatthapāsato bahi ṭhitena kataṃ. **Abhuttāvinā katanti** yo “alametaṃ sabban”ti atirittam̄ karoti, tena pavāraṇappahonakaṃ bhojanaṃ abhuttena kataṃ. **Bhuttāvinā pavāritena āsanā vuttṭhitena katanti** idaṃ uttānameva. **Alametaṃ sabbanti avuttanti** vacībhedaṃ katvā evaṃ avuttam̄ hoti. Iti

imehi sattahi vinayakammākārehi yaṃ atirittam kappiyam akatam, yañca na gilānātirittam, tadubhayampi anatirittanti veditabbam.

Atirittam pana tasseva paṭipakkhanayena¹ veditabbam. Apicettha **bhuttāvinā katam hotīti** anantare nisinnassa sabhāgassa bhikkhuno pattato ekampi sittham vā maṃsahīram vā khāditvā katampi bhuttāvināva katam hotīti veditabbam. **Āsanā avuṭṭhitenāti** ettha pana asammohattham ayam vinicchayo—dve bhikkhū pātova bhuñjamānā pavāritā honti, ekena tattheva nisīditabbam. Itarena niccabhattam vā salākabhattam vā ānetvā upaḍḍham tassa bhikkhuno patte ākiritvā hattham dhovivā sesam tena bhikkhunā kappiyam kārapetvā bhuñjitabbam. Kasmā? Yam hi tassa hatthe laggam, tam akappiyam hoti. Sace pana paṭhamam nisinnō bhikkhu sayameva tassa pattato hatthena gaṇhāti, hatthadhovanakiccam natthi. Sace pana evam kappiyam kārapetvā bhuñjantassa puna kiñci byañjanam vā khādanīyam vā patte ākiranti, yena paṭhamam kappiyam katam, so puna kātum na labhati. Yena akatam, tena kātabbam. Yañca akatam, tam kātabbam. **Yena akatanti** aññena bhikkhunā yena paṭhamam na katam, tena kātabbam. **Yañca akatanti** yena paṭhamam kappiyam katam, tenāpi yam akatam, tam kātabbam. Paṭhamabhājane pana kātum na labbhati. Tattha hi kariyamānam paṭhamam katena saddhim katam hoti, tasmā aññasmim bhājane kātum vaṭṭatī adhippāyo. Evam katam pana tena bhikkhunā paṭhamam katena saddhim bhuñjitum vaṭṭati.

Kappiyam karontena ca na kevalam patteyeva, kuṇḍepi pacchiyampi yattha katthaci purato ṭhapetvā onāmitabhājane kātabbam. Tam sacepi bhikkhusatam pavāritam hoti, sabbesam bhuñjitum vaṭṭati, appavāritānampi vaṭṭati. Yena pana kappiyam katam, tassa na vaṭṭati. Sacepi pavāretvā piṇḍāya pavittam bhikkhum pattam gahetvā avassam bhuñjanake maṅgalanimantane nisīdāpenti, atirittam kāretvāva bhuñjitabbam. Sace tattha añño bhikkhu natthi, āsanasālam vā vihāram vā pattam pesetvā kāretabbam. Kappiyam karontena pana anupasampannassa hatthe ṭhitam na kātabbam. Sace āsanasālāyam abyatto bhikkhu hoti, sayam gantvā kappiyam kārapetvā ānetvā bhuñjitabbam.

1. Paṭikkhepena (Syā)

Gilānātirittanti ettha na kevalaṃ yaṃ gilānassa bhuttāvasesaṃ hoti, taṃ gilānātirittam, atha kho yaṃkiñci gilānaṃ uddissa ajja vā sve vā yadā vā icchati, tadā khādissatīti āhaṭaṃ, taṃ sabbaṃ “gilānātirittan”ti veditabbaṃ. Yaṃ yāmakālikādīsu ajjhohāre ajjhohāre dukkaṭaṃ, taṃ asaṃsaṭṭhavasena vuttaṃ. Sace pana āmisasaṃsaṭṭhāni honti, āhāratthāyapi anāhāratthāyapi paṭiggahetvā ajjhoharantassa pācittiyameva.

241. **Sati paccayeti** yāmakālikaṃ pipāsāya sati pipāsacchedanatthaṃ, sattāhakālikaṃ yāvajīvikañca tena tena upasametabbake ābādhe sati tassa upasamanatthaṃ paribhuñjato anāpatti. Sesamettha uttānameva.

Kathinasamuṭṭhānaṃ, kāyavācato kāyavācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Paṭhamapavāraṇasikkhāpadaṃ pañcamam.

6. Dutiyapavāraṇasikkhāpadavaṇṇanā

242. Chaṭṭhasikkhāpade **anācāraṃ ācaratīti** paṇṇattivītikkamaṃ karoti. **Upanandhīti** upanāhaṃ janento tasmim puggale attano kodhaṃ bandhi, punappunaṃ āghātaṃ janēsīti attho. **Upanaddho bhikkhūti** so janita-upanāho bhikkhu.

243. **Abhihaṭṭhum pavāreyyāti** abhiharitvā handa bhikkhu khāda vā bhuñja vāti evaṃ pavāreyya. Padabhājane pana “handa bhikkhū”ti-ādim anuddharitvā sādharmaṇameva abhihaṭṭhum-pavāraṇāya atthaṃ dassetuṃ “yāvatakaṃ icchasi, tāvatakaṃ gaṇhāhi”ti vuttaṃ. **Jānanti** pavāritabhāvaṃ jānanto. Taṃ panassa jānanaṃ yasmā tihākārehi hoti, tasmā “jānāti” nāma sāmaṃ vā jānātīti-ādinā nayena padabhājanaṃ vuttaṃ. **Āsādanāpekkhoti** āsādanaṃ codanaṃ maṅkukaraṇabhāvaṃ apekkhamāno.

Paṭiggaṇhāti āpatti dukkaṭassāti yassa abhihaṭam, tasmim paṭiggaṇhante abhihāarakassa bhikkhuno dukkaṭam. Itarassa pana sabbo āpattibhedo paṭhamasikkhāpade vutto, imasmim pana sikkhāpade sabbā āpattiyo abhihāarakasseva veditabbā. Sesam paṭhamasikkhāpade vuttanayattā pākaṭameva.

Tisamuṭṭhānam, kāyacittato vācācittato kāyavācācittato ca samuṭṭhāti, kiriyaṃ, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedananti.

Dutiyapavāraṇasikkhāpadam chaṭṭham.

7. Vikālabhojanasikkhāpadavaṇṇanā

247. Sattamasikkhāpade **giraggasamajjoti** girimhi aggasamajjo, girissa vā aggadese samajjo. So kira sattame divase bhavissatīti nagare ghosānā kariyati, nagarassa bahiddhā same bhūmibhāge pabbatacchāyāya mahājanakāyo sannipatati, anekappakārāni naṭanāṭakāni pavattanti, tesam dassanattam mañcātimañce bandhanti. Sattarasavaggiyā apaññatte sikkhāpade daharāva upasampannā, te “nāṭakāni āvuso passissāmā”ti tattha agamaṃsu. Atha nesam nāṭakā “amhākam ayyā āgatā”ti tuṭṭhacittā nhāpetvā vilimpetvā bhojetvā aññampi pūvakhādanīyādim hatthe adaṃsu. Te sandhāya vuttam **manussā sattarasavaggiye bhikkhū passitvāti**-ādi.

248-9. **Vikāleti** vigate kāle. Kāloti bhikkhūnam bhojanakālo adhippeto, so ca sabbantimena paricchedena majjhanhiko¹, tasmim vītivatteti adhippāyo. Tenevassa padabhājane “vikālo nāma majjhanhike vītivatte yāva aruṇuggamanā”ti vuttam, ṭhitamajjhanhikopi kālasaṅgaham gacchati. Tato paṭṭhāya pana khādītum vā bhuñjītum vā na sakkā, sahasā pīvitum sakkā bhavye. Kukkuccakena pana na kattabbam. Kālaparicchedajānanatthañca kālatthambho yojetabbo, kālantareva bhattakiccam kātabbam.

1. Majjhantiko (sabbattha)

Avasesaṃ khādanīyaṃ nāmāti ettha yaṃ tāva sakkhalimodakādipubbaṇṇāparaṇṇamayam, tattha vattabbameva natthi. Yampi vanamūlādippabhedam āmisagatikam hoti, seyyathidam, mūlakhādanīyam kandakhādanīyam muḷālakhādanīyam matthakakhādanīyam khandhakhādanīyam tacakhādanīyam pattakhādanīyam pupphakhādanīyam phalakhādanīyam aṭṭhikhādanīyam piṭṭhakhādanīyam niyyāsakhādanīyanti, idampi khādanīyasaṅkhyameva gacchati.

Tattha pana āmisagatikasallakkhaṇattham idaṃ mukhamattanidassanam—mūlakhādanīye tāva mūlakamūlam khārakamūlam¹ caccumūlam² tambakamūlam taṇḍuleyyakamūlam vatthuleyyakamūlam vajakalimūlam jajjharīmūlanti evamādīni sūpeyyapaṇṇamūlāni āmisagatikāni. Ettha ca vajakalimūle jaraṭṭham chinditvā chaḍḍenti, tam yāvajīvikam hoti. Aññampi evarūpaṃ eteneva nayena veditabbam. Mūlakakhārakajajjharīmūlānam pana jaraṭṭhānipi āmisagatikānevāti vuttam. Yāni pana Pāḷiyam—

“Anujānāmi bhikkhave mūlāni bhesajjāni haliddim siṅgiveram vacam vacattam ativisam kaṭukarohiṇim usīram bhaddamuttakam, yāni vā panaññānipi atthi mūlāni bhesajjāni neva khādanīye khādanīyattham pharanti, na bhojanīye bhojanīyattham pharanti”³—

Vuttāni, tāni yāvajīvikāni. Tesam cūḷapancamūlam mahāpañcamūlanti-ādinā nayena gaṇiyamānānam gaṇanāya anto natthi. Khādanīyattham bhojanīyatthañca pharaṇābhāvoyeva pana tesam lakkhaṇam. Tasmā yaṃkiñci mūlam tesu tesu janapadesu pakati-āhāravasena manussānam khādanīyattham bhojanīyatthañca pharati, tam yāvakālikam, itaram yāvajīvikanti veditabbam. Te subahum vatvāpi hi imasmiṃyeva lakkhaṇe ṭhātabbam. Nāmasaññāsu pana vuccamānāsu tam tam nāmam ajānantānam sammohoyeva hoti, tasmā nāmasaññāya ādaram akatvā lakkhaṇameva dassitam.

Yathā ca mūle, evam kandādīsupi yaṃ lakkhaṇam dassitam, tasseva vasena vinicchayo veditabbo. Yañca tam Pāḷiyam haliddādi aṭṭhavidham vuttam, tassa khandhatacapupphaphalampi sabbam yāvajīvikanti vuttam.

1. Vārakamūlam (Sī, Syā)

2. Caccumūlam (Sī), puccumūlam (Syā)

3. Vi 3. 292 piṭṭhe.

Kandakhādanīye duvidho kando dīgho ca rasso ca, bhisakimsukakandādi vaṭṭo¹ uppalakaserukakandādi, yaṃ “gaṇṭhi”tipi vadanti. Tattha sabbesaṃ kandānaṃ jīṇṇajaraṭṭhānaṃca challi ca sukhumamūlāni ca yāvajīvikāni. Taruṇo pana sukhakhādanīyo, sālakalyāṇīpotakakando kimsukapotakakando ambāṭakakando ketakakando māluvakando bhisasaṅkhāto padumapuṇḍarīkakando piṇḍālumasaḷu-ādayo ca khīravallikando² āluvakando siggukando tālakando nīluppalarattuppalakumudasogandhikānaṃ kandā kadalikando veḷukando kaserukakandoti evamādayo tesu tesu janapadesu pakati-āhārasena manussānaṃ khādanīyatthaṃca bhojanīyatthaṃca pharaṇakakandā yāvakālikā.

Khīravallikando adhoto yāvajīviko, dhoto yāvakāliko, khīrakākoliḷīvika-usabhakalasuṇādikandā pana yāvajīvikā. Te Pāḷiyāṃ “yāni vā panaññānīpi atthi mūlāni bhesajjānī”ti³ evaṃ mūlabhesajjasaṅgaheneva saṅgahitā.

Muḷālakhādanīye pana padumamuḷālaṃ puṇḍarīkamūlāsadisameva. Erakamūlaṃ kandulamūlanti evamādi tesu tesu janapadesu pakati-āhārasena manussānaṃ khādanīyatthaṃca bhojanīyatthaṃca pharaṇakamuḷālaṃ yāvakālikaṃ. Haliddisiṅgiveramakacaturassavalliketakatālahintālakuntālanāḷikerapūgaru kkhādīmuḷālaṃ pana yāvajīvikaṃ, taṃ sabbampi Pāḷiyāṃ “yāni vā panaññānīpi atthi mūlāni bhesajjānī”ti³ evaṃ mūlabhesajjasaṅgaheneva saṅgahitaṃ.

Matthakakhādanīye tālahintālakuntālaketakanāḷikerapūgarukkhakhajjūrīvetta-erakakadalīnaṃ kaḷīrasaṅkhātā matthakā, veṇukaḷīro naḷakaḷīro ucchukaḷīro mūlakakaḷīro sāsapakaḷīro satāvarikaḷīro sattannaṃ dhaññānaṃ kaḷīrāti evamādi tesu tesu janapadesu pakati-āhārasena manussānaṃ khādanīyatthaṃ bhojanīyatthaṃca pharaṇako rukkhavalli-ādīnaṃ matthako yāvakāliko. Haliddisiṅgiveravacamakacilasūṇānaṃ kaḷīrā, tālahintāla kuntāla nāḷikera kaḷīrānaṃca chinditvā pātito jaraṭṭhabundo yāvajīviko.

1. Vaṭṭo ca (Sī)

2. Vallikando (Sī, Syā)

3. Vi 3. 292 piṭṭhe.

Khandhakhādanīye antopathavīgato sālakalyāṇīkhandho ucchukhandho nīluppalarattuppalakumudasogandhikānaṃ khandhakāti evamādi tesu tesu janapadesu pakati-āhāravasena manussānaṃ khādanīyatthaṃ bhojanīyatthaṃca pharaṇako khandho yāvakāliko. Uppalajātīnaṃ paṇṇadaṇḍako padumajātīnaṃ sabbopi daṇḍako kāravindakadaṇḍādayo¹ ca avasesasabbakhandhā yāvajīvikā.

Tacakhādanīye ucchutacova eko yāvakāliko, sopi saraso. Seso sabbo yāvajīviko. Tesam pana matthakakhandhatacānaṃ tiṇṇaṃ Pāḷiyaṃ kasāvabhesajjena saṅgaho veditabbo. Vuttañhetam—

“Anujānāmi bhikkhave kasāvāni bhesajjāni nimbakasāvaṃ kuṭajakasāvaṃ paṭolakasāvaṃ phaggavakasāvaṃ nattamālakasāvaṃ, yāni vā panaññānīpi atthi kasāvāni bhesajjāni neva khādanīye khādanīyatthaṃ pharanti, na bhojanīye bhojanīyatthaṃ pharanti”².

Ettha hi etesampi saṅgaho sijjhati. Vuttakasāvāni ca sabbāni kappiyānīti veditabbāni.

Pattakhādanīye mūlakaṃ khāraṃ caccu tambako taṇḍuleyyako papunnāgo vatthuleyyako vajakali jajjharī sellu siggu kāsamaddako ummā cīnamuggo māso rājamāso ṭhapetvā mahānipphāvaṃ avasesanipphāvo aggimantho sunisannako setavaraṇo nāḷikā bhūmiyaṃ jātaloṇīti etesaṃ pattāni aññāni ca evarūpāni tesu tesu janapadesu pakati-āhāravasena manussānaṃ khādanīyatthaṃ bhojanīyatthaṃca pharaṇakāni pattāni ekaṃsena yāvakālikāni. Yā panaññā mahānakhapiṭṭhimattā paṇṇaloṇi rukkhe ca gacche ca ārohati, tassā pattam yāvajīvikam. Brahmīpattaṃca yāvakālikanti dīpavāsino vadanti. Ambapallavam yāvakālikam, asokapallavam pana yāvajīvikam.

Yāni vā panaññāni Pāḷiyaṃ—

“Anujānāmi bhikkhave paṇṇāni bhesajjāni nimbapaṇṇam kuṭajapaṇṇam paṭolapaṇṇam sulasipaṇṇam kappāsakapaṇṇam, yāni vā panaññānīpi

1. Aravindakadaṇḍādayo (Sī, Syā)

2. Vi 3. 292 piṭṭhe.

atthi paṇṇāni bhesajjāni neva khādanīye khādanīyattham pharanti, na bhojanīye bhojanīyattham pharanti”ti¹—

Vuttāni, tāni yāvajīvikāni. Na kevalañca paṇṇāniyeva, tesam pupphaphalādīnīpi yāvajīvikāni. Paṇṇānam phaggavapaṇṇam ajjukapaṇṇam phaṇijjakapaṇṇam paṭolapaṇṇam tambūlapaṇṇam paduminipaṇṇanti evam gaṇanavasena anto natthi.

Pupphakhādanīye mūlakapuppham khārapuppham caccupuppham tambakapuppham vajakalipuppham jajjharīpuppham cūlanipphāvapuppham mahānipphāvapuppham kaserukapuppham nāḷikeratālaketakānam taruṇapupphāni setavaraṇapuppham siggupuppham uppalapadumajātikānam pupphāni² kaṇṇikamattam agandhikapuppham kaḷīrapuppham jīvantīpupphanti evamādi tesu tesu janapadesu pakati-āhāravasena manussānam khādanīyattham bhojanīyatthañca pharaṇakapuppham yāvakālikam. Asoka bakula kuyyaka punnāga campakajāti kaṇavīra kaṇikāra kunda navamālika mallikādīnam pana puppham yāvajīvikam, tassa gaṇanāya anto natthi. Pāḷiyam panassa kasāvabhesajjeneva saṅgho veditabbo.

Phalakhādanīye panasa labuja tāla nāḷikera amba jambū ambāṭaka tintiṇika mātuluṅga kapittha lābu kumbhaṇḍa pussaphala timbarūsaka tipusa vātiṅgaṇa coca moca madhukādīnam phalāni yāni loke tesu tesu janapadesu pakati-āhāravasena manussānam khādanīyattham bhojanīyatthañca pharanti, sabbāni tāni yāvakālikāni. Nāmagaṇanavasena nesam na sakkā pariyantam dassetuṃ. Yāni pana Pāḷiyam—

“Anujānāmi bhikkhave phalāni bhesajjāni bilaṅgam pipphalim maricam harītakam vibhītakam āmalakam goṭṭhaphalam, yāni vā panaññānīpi atthi phalāni bhesajjāni neva khādanīye khādanīyattham pharanti, na bhojanīye bhojanīyattham pharanti”ti¹—

Vuttāni, tāni yāvajīvikāni. Tesampi aparipakkāni acchiva bimba varaṇa ketaka kāsmaṇī-ādīnam phalāni jātiphalam kaṭukaphalam eḷā takkolanti evam nāmavasena na sakkā pariyantam dassetuṃ.

1. Vi 3. 293 piṭṭhe.

2. Pupphānam (Sī)

Aṭṭhikhādanīye labujaṭṭhi panasatṭhi ambāṭakaṭṭhi sālaṭṭhi khajjūrī ketakatimbarūsakānam taruṇaphalaṭṭhi tintiṇikaṭṭhi bimbaphalaṭṭhi uppalapa dumajāṭinam pokkharatṭhīti evamādīni tesu tesu janapadesu manussānam pakati-āhārasena khādanīyattham bhojanīyatthañca pharaṇakāni aṭṭhīni yāvakālikāni. Madhukaṭṭhipunnagatṭhiharitakādīnam aṭṭhīni siddhatthakaṭṭhirājikaṭṭhīti evamādīni aṭṭhīni yāvajīvikāni. Tesam Pāliyam phalabhesajjeneva saṅgaho vedītabbo.

Piṭṭhakhādanīye sattannam tāva dhaññānam dhaññānulomānam aparaññānañca piṭṭham panasapiṭṭham labujapiṭṭham ambāṭakapiṭṭham sālapiṭṭham dhotakatālapīṭṭhañca khīravallipiṭṭhañcāti evamādīni tesu tesu janapadesu pakati-āhārasena manussānam khādanīyattham bhojanīyatthañca pharaṇakāni piṭṭhāni yāvakālikāni. Adhotakam tālapīṭṭham khīravallipiṭṭham assagandhādipiṭṭhāni ca yāvajīvikāni. Tesam Pāliyam kasāvehi ca mūlahalehi ca saṅgaho vedītabbo.

Niyyāsakhādanīye eko ucchuniyyāsova sattāhakāliko. Sesā “anujānāmi bhikkhave jatūni bhesajjāni hīngum hīngujatum hīngusipāṭikam takam takapattim takapaṇṇim sajjulasam, yāni vā panaññānīpi atthi jatūni bhesajjāni”¹ti evam Pāliyam vuttaniyyāsā yāvajīvikā. Tattha yevāpanakavasena saṅgahitānam ambaniyyāso kaṇikāriyyāsoti evam nāmavasena na sakkā pariyaṇṇam dassetum. Evam imesu mūlakhādanīyādīsu yaṁkiñci yāvakālikam, sabbampi imasmim atthe avasesam khādanīyam nāmāti saṅgahitam.

Bhojanīyam nāma pañca bhojanānīti-ādimhi yaṁ vattabham, tam vuttameva. **Khādissāmi bhuñjissāmīti paṭiggaṇhāti**ti yo bhikkhu vikāle etaṁ khādanīyam bhojanīyañca paṭiggaṇhāti, tassa paṭiggaṇṇe tāva āpatti dukkaṭassa. Sesamettha uttānameva.

Elakalomasamuṭṭhānam kāyato ca kāyacittato ca samuṭṭhāti, kiriyam, nosaññāvīmokkham, acittakam, paṇṇattivajjam, kāyakammaṁ, ticittam, tivedananti.

Vikālabhojanasikkhāpadam sattamaṁ.

1. Vi 3. 293 piṭṭhe.

8. Sannidhikāraṅkasikkhāpadavaṇṇanā

252. Aṭṭhamasikkhāpade **Belatṭhasīso**¹ nāma jaṭilasahassabbhantaro mahāthero. **Araññe viharatī**ti Jetavanassa avidūre padhānaghare ekasmiṃ āvāse vasati. **Sukkhakuranti** asūpabyañjanam odanam. So kira antogāme bhuñjitvā pacchā piṇḍāya caritvā tādīsam odanam āharati, tañca kho appicchatāya, na paccayagiddhatāya. Thero kira sattāham nirodhasamāpattiyā vītināmetvā samāpattito vuṭṭhāya taṃ piṇḍapātām udakena temetvā bhuñjati, tato puna sattāham samāpattiyā nisīdati. Evaṃ dvepi tīṇipi cattāripi sattāhāni vītināmetvā gāmaṃ piṇḍāya pavisati. Tena vuttam **cirena gāmaṃ piṇḍāya pavisatī**ti.

253. Kāro karaṇam kiriyāti atthato ekam, sannidhi kāro assāti sannidhikāram. Sannidhikārameva **sannidhikāraṅkam**. ()² paṭiggahetvā ekarattam vītināmitassetam adhivacanam. Tenevassa padabhājane vuttam “sannidhikāraṅkam nāma ajja paṭiggahitam aparajjū”ti.

Paṭiggaṇhāti, āpatti dukkaṭassāti evam sannidhikataṃ yaṃkiñci yāvakālikam vā yāmakālikam vā ajjhoharitukāmatāya gaṇhantassa paṭiggahaṇe tāva āpatti dukkaṭassa. Ajjhoharato pana ekamekasmiṃ ajjhohāre pācittiyam. Sacepi patto duddhoto hoti, yaṃ aṅguliya ghaṃsantassa lekhā paññāyati, gaṇṭhikapattassa vā gaṇṭhikantare sneho pavitṭho hoti, so uṇhe otāpentassa paggharati, uṇhayāguyā vā gahitāya sandissati, tādise pattepi punadivase bhuñjantassa pācittiyam. Tasmā pattam dhovivā puna tattha acchodakam vā āsīncitvā aṅguliya vā ghaṃsitvā nisnehabhāvo jānitabbo. Sace hi udake vā snehabhāvo patte vā aṅgulilekhā paññāyati, duddhoto hoti. Telavaṇṇapatte pana aṅgulilekhā paññāyati, sā abbohārikā. Yaṃ bhikkhū nirapekkhā sāmaṇeraṇam pariccajanti, tañce sāmaṇerā nidahitvā denti, sabbam vaṭṭati. Sayam paṭiggahetvā apariccattameva hi dutiyadivase na vaṭṭati. Tato hi ekasitthampi ajjhoharato pācittiyameva.

1. Belatṭhisīso (Sī)

2. (Sannidhikiriyanti attho) (Syā, Ka)

Akappiyamaṁsesu manussamaṁse thullaccayena saddhim pācittiyam, avasesesu dukkaṭena saddhim. Yāmakālikam sati paccaye ajjhoharato pācittiyam. Āhāratthāya ajjhoharato dukkaṭena saddhim pācittiyam. Sace pavārito hutvā anāpattiyaṁ ajjhoharati, pakati-āmise dve pācittiyāni, manussamaṁse thullaccayena saddhim dve, sesa-akappiyamaṁse dukkaṭena saddhim, yāmakālikam sati paccaye sāmisenā mukhena ajjhoharato dve, nirāmisena ekameva. Āhāratthāya ajjhoharato vikappadvayepi dukkaṭam vaḍḍhati. Sace vikāle ajjhoharati pakatibhojane sannidhipaccayā ca vikālabhojanapaccayā ca dve pācittiyāni, akappiyamaṁsesu thullaccayaṅca dukkaṭaṅca vaḍḍhati. Yāmakālikesu vikālapaccayā anāpatti, anāpattiyaṁ pana vikāle sabbavikappesu anāpatti.

255. **Sattāhakālikam yāvajīvikam āhāratthāyati** āhāratthāya paṭiggahaṇato paṭiggahaṇapaccayā tāva dukkaṭam, ajjhoharato pana sace nirāmisam hoti, ajjhohāre ajjhohāre dukkaṭam. Atha āmisasamattāham paṭiggahetvā ṭhapitam hoti, yathāvatthukam pācittiyameva.

256. **Anāpatti yāvakālikanti**-ādimhi Vikālabhojanasikkhāpade niddiṭṭham khādanīyabhojanīyam yāva majjhantikaṅkaṭhāto kālo, tāva bhūñjitabbato **yāvakālikam**. Saddhim anulomapānehi aṭṭhavidham pānam yāva rattiyā pacchimaṅkaṭhāto yāmo, tāva paribhūñjitabbato yāmo kālo assāti **yāmakālikam**. Sappi-ādi pañcavidham bhesajjam sattāham nidhetabbato sattāho kālo assāti **sattāhakālikam**. ṭhapetvā udakam avasesam sabbampi yāvajīvam pariharitvā sati paccaye paribhūñjitabbato **yāvajīvakanti** vuccati.

Tattha aruṇodayeva paṭiggahitam yāvakālikam satakkhattampi nidahitvā yāvakālo nātikkamati tāva, yāmakālikam ekam ahorattam, sattāhakālikam sattarattam, itaram sati paccaye yāvajīvampi paribhūñjantassa anāpatti. Sesametta uttānameva. Aṭṭhakathāsu pana imasmim ṭhāne pānakathā, kappiyānulomakathā, kappati nu kho yāvakālikena yāmakālikanti-ādikathā ca kappiyabhūmikathā ca vitthāritā, tam mayam āgataṭṭhāneyeva kathayissāma.

Elakalomasamuṭṭhānaṃ kāyato ca kāyacittato ca samuṭṭhāti, kiriyāṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Sannidhikāraśikkhāpadāṃ aṭṭhamāṃ.

9. Paṇītabhojanasikkhāpadavaṇṇanā

257. Navamasikkhāpade **paṇītabhojanānīti** uttamabhojanāni. **Kassa sampannaṃ na manāpanti** sampattiyuttaṃ kassa na piyaṃ. **Sādunti** surasaṃ.

259. **Yo pana bhikkhū evarūpāni paṇītabhojanāni agilāno attano atthāya viññāpetvā bhuñjeyyāti** ettha suddhāni sappi-ādīni viññāpetvā bhuñjanto pācittiyāṃ nāpajjati, sekhiyesu sūpodanaviññattidukkaṭṭhāṃ āpajjati, odanasāṃsaṭṭhāni pana viññāpetvā bhuñjanto pācittiyāṃ āpajjatīti veditabbo, ayaṃ kirettha adhippāyo. Teneva ca paṇītanīti avatvā paṇītabhojanānīti sutte vuttaṃ. Paṇītanīti hi vutte sappi-ādīnaṃyeva gahaṇaṃ hoti, paṇītabhojanānīti vutte pana paṇītasāṃsaṭṭhāni sattadhaññanibbattāni bhojanāni paṇītabhojanānīti ayamatto paññāyati.

Idāni **viññāpeti payoge dukkaṭṭanti**-ādīsu ayaṃ vinicchayo, sappinā bhattaṃ dehi, sappiṃ ākiritvā dehi, sappimissakaṃ katvā dehi, saha sappinā dehi, sappiṃca bhattaṃca dehīti viññāpentassa viññattiyā dukkaṭṭaṃ, paṭiggahaṇe dukkaṭṭaṃ, ajjhohāre pācittiyāṃ. Sappibhattaṃ dehīti vutte pana yasmā sālibhattaṃ viya sappibhattaṃ nāma natthi, tasmā sūpodanaviññattidukkaṭṭameva veditabbaṃ.

Sace pana sappinā bhattaṃ dehīti vutte bhattaṃ datvā sappiṃ katvā bhuñjāti navanītaṃ vā khīraṃ vā dadhiṃ vā deti, mūlaṃ vā pana deti “iminā sappiṃ gahetvā bhuñjā”ti, yathāvatthukameva. Gosappinā bhattaṃ dehīti vutte pana gosappinā vā detu, gosappimhi asati purimanayeneva gonavanītādīni vā gāvīmyeva vā detu “ito sappinā bhuñjā”ti, yathāvatthukameva.

Sace pana gosappinā yācito ajiyā sappi-ādīhi deti, visaṅketam. Evañhi sati aññam yācitenā aññam dinnam nāma hoti, tasmā anāpatti. Esa nayo ajiyā sappinā dehīti-ādīsūpi.

Kappiyasappinā dehīti vutte akappiyasappinā deti, visaṅketameva. Akappiyasappināti vutte akappiyasappinā deti, paṭiggahaṇepi paribhogepi dukkaṭameva. Akappiyasappimhi asati purimanayeneva akappiyanavanītādīni deti “sappim katvā bhuñjā”ti, akappiyasappināva dinnam hoti. Akappiyasappināti vutte kappiyena deti, visaṅketam. Sappināti vutte sesesu navanītādīsū aññatarena deti, visaṅketameva. Esa nayo navanītena dehīti-ādīsūpi. Yena yena hi viññatti hoti, tasmim vā tassa mūle vā laddhe tam tam laddhameva hoti.

Sace pana aññam Pāḷiyā āgataṃ vā anāgataṃ vā denti, visaṅketam. Pāḷiyam āgatanavanītādīni ṭhapetvā aññehi navanītādīhi viññāpentassa dukkaṭam. Yathā ca “sappibhattam dehīti vutte sālibhattassa viya sappibhattassa abhāvā sūpodanaviññattidukkaṭameva hoti”ti vuttam, evam navanītabhattam dehīti-ādīsūpi. Paṭipāṭiyā ekamekam vitthāretvā vuccamānepi hi ayamevattho vattabbo siyā, so ca saṅkhepenapi sakkā ñātum, kim tattha vitthārena. Tena vuttam “esa nayo navanītena dehīti-ādīsūpi”ti.

Sace pana sabbehipi sappi-ādīhi ekaṭṭhāne vā nānāṭṭhāne vā viññāpetvā paṭiladdham ekabhājane ākiritvā ekarasam katvā tato kusaggenāpi jivhagge bindum ṭhapetvā ajjhoharati, nava pācittiyāni āpajjati. Vuttampi cetam parivāre—

“Kāyikāni na vācasikāni,
Sabbāni nānavatthukāni.
Apubbam acarimam āpajjeyya ekato,
Pañhāmesā kusalehi cintitā”ti¹.

261. **Agilāno gilānasaññīti** ettha sace gilānasaññīpi hutvā bhesajjathāya pañca bhesajjāni viññāpeti, Mahānāmasikkhāpadena

1. Vi 5. 337 piṭṭhe.

kāretabbo. Nava paṇītabhojanāni viññāpento pana iminā sikkhāpadena kāretabbo. Bhikkhunīnaṃ pana etāni pāṭidesaniyavatthūni honti, sūpodanaviññattiyam ubhayesampi sekkhapaṇṇattidukkaṭameva. Sesamettha uttānameva.

Catusamuṭṭhānam kāyato kāyavācato kāyacittato kāyavācācittato ca samuṭṭhāti, kiriyaṃ, nosaññāvimokkham, acittakam, paṇṇattivajjam, kāyakammaṃ vacīkammaṃ, ticittam, tivedananti.

Paṇītabhojanasikkhāpadaṃ navamaṃ.

10. Dantaponasikkhāpadavaṇṇanā

263. Dasamasikkhāpade catūsu paccayesu antamaso dantakaṭṭhampi sabbaṃ paṃsukūlameva assāti **sabbapaṃsukūliko**. So kira susāne chaṭṭitabhājanameva pattam katvā tattha chaṭṭitacolaḷakeheva cīvaraṃ katvā tattha chaṭṭitamañcapīṭhakāniyeva gahetvā paribhuñjati. **Ayyavosāṭitakānīti** ettha **ayyā** vuccanti kālaṅkatā pitipitāmahā. **Vosāṭitakāni** vuccanti tesam atthāya susānādīsu chaṭṭitakāni khādanīyabhojanīyāni, manussā kira kālaṅkate ñātake uddissa yaṃ tesam sajjivakāle piyaṃ hoti, taṃ etesu susānādīsu piṇḍam piṇḍam katvā ñātakā no paribhuñjantūti ṭhapenti. So bhikkhu taṃ gahetvā bhuñjati, aññaṃ paṇītam pi diyyamaṇam na icchati. Tena vuttam “susānepi rukkhamaṇepi ummārepi ayyavosāṭitakāni sāmam gahetvā paribhuñjati”ti. **Theroti** thiro ghanabaddho. **Vaṭharoti** thūlo, thūlo ca ghanasarīro cāyam bhikkhūti vuttam hoti. **Manussamaṃsam maññīe khādatīti** manussamaṃsam khādatīti naṃ sallakkhema, manussamaṃsam khādatā hi īdisā bhavantīti ayaṃ tesam adhippāyo.

264. **Udakadantapone kukkucāyantīti** ettha te bhikkhū “adinnaṃ mukhadvāraṃ āhāraṃ āhareyyā”ti padassa sammā attham asallakkhetvā kukkucāyimsu, Bhagavā pana yathā-uppanassa vatthussa vasena pitā viya dārake te bhikkhū saññāpento anupaññattim ṭhapesi.

265. **Adinnanti** kāyena vā kāyapaṭibaddhena vā gaṇhantassa kāyakāyapaṭibaddhanissaggiyānaṃ aññataravasena na dinnam. Etadeva hi sandhāya padabhājane “adinnam nāma appaṭiggahitakam vuccatī”ti vuttam. Dutiyapārājike pana “adinnam nāma parapariggahitakam vuccatī”ti vuttam. **Dinnanti** idam pana tasseva adinnassa paṭipakkhavasena lakkhaṇadassanattham uddhaṭam. Niddese cassa **kāyena vā kāyapaṭibaddhena vā nissaggiyena vā denteti** evam aññasmim dadamāne. **Hatthapāse ṭhito kāyena vā kāyapaṭibaddhena vā paṭiggaṇhātī**ti tam evam diyyamānam antamaso rathareṇumpi sace pubbe vuttalakkhaṇe hatthapāse ṭhito kāyena vā kāyapaṭibaddhena vā paṭiggaṇhātī, etaṃ evam paṭiggahitam dinnam nāma vuccati. Na “idam gaṇha, idam tava hotū”ti-ādivacanena nissatṭham.

Tattha **kāyenāti** hatthādīsu yena kenaci sarīrāvayavena antamaso pādaṅguliyaṃ diyyamānam kāyena dinnam nāma hoti, paṭiggahaṇepi eseva nayo. Yena kenaci hi sarīrāvayavena gahitam kāyena gahitameva hoti. Sacepi natthukaraṇiyā diyyamānam nāsāpuṭena, akallako vā mukhena paṭiggaṇhātī. Ābhogamattameva hi ettha pamāṇanti ayam nayo Mahāpaccariyam vutto. **Kāyapaṭibaddhenāti** kaṭacchu-ādīsu yena kenaci upakaraṇena dinnam kāyapaṭibaddhena dinnam nāma hoti. Paṭiggahaṇepi eseva nayo. Yena kenaci sarīrapaṭibaddhena pattathālakādīnā gahitam kāyapaṭibaddhena gahitameva hoti. **Nissaggiyenāti** kāyato ca kāyapaṭibaddhato ca mocetvā hatthapāse ṭhitassa kāyena vā kāyapaṭibaddhena vā¹ pātiyamānampi nissaggiyena payogena dinnam nāma hoti. Ayam tāva Pāḷivaṇṇanā.

Ayam panettha **Pālimuttakavinicchayo**—pañcahaṅgehi paṭiggahaṇam ruhati thāmamajjhimassa purisassa uccāraṇamattam² hoti, hatthapāso paññāyati, abhihāro paññāyati, devo vā manusso vā tiracchānagato vā kāyena vā kāyapaṭibaddhena vā nissaggiyena vā deti, tañce bhikkhu kāyena vā kāyapaṭibaddhena vā paṭiggaṇhātī. Evam pañcahaṅgehi paṭiggahaṇam ruhati.

Tattha ṭhitanisinnanipannānam Pavāraṇasikkhāpade vuttanayeneva hatthapāso veditabbo. Sace pana dāyakapaṭiggāhakesu eko ākāse hoti,

1. Kāye vā kāyapaṭibaddhe vā (Ka)

2. Ussaraṇamattam (Sī)

eko bhūmiyaṃ, bhūmaṭṭhassa ca sīsena, ākāsaṭṭhassa ca ṭhapetvā dātum vā gahetum vā pasāritahatthaṃ yaṃ āsannataram aṅgaṃ, tassa orimantena hatthapāsappamāṇaṃ paricchinditabbaṃ. Sacepi eko kūpe hoti, eko kūpataṭe. Eko vā pana rukkhe, eko pathaviyaṃ, vuttanayeneva hatthapāsappamāṇaṃ paricchinditabbaṃ. Evarūpe hatthapāse ṭhatvā sacepi pakkhī mukhatuṇḍakena vā hatthī vā soṇḍāya gahetvā pupphaṃ vā phalaṃ vā deti, paṭiggahaṇaṃ ruhati. Sace pana addhaṭṭhamaratanassāpi hatthino khandhe nisinno, tena soṇḍāya diyyamānaṃ gaṇhāti, vaṭṭatiyeva.

Eko bahūni bhattabyañjanabhājanāni sīse katvā bhikkhussa santikaṃ āgantvā ṭhitakova gaṇhathāti vadati, na tāva abhihāro paññāyati, tasmā na gahetabbaṃ. Sace pana īsakampi onamati, bhikkhunā hatthaṃ pasāretvā heṭṭhimabhājanaṃ ekadesenāpi sampaṭicchitabbaṃ. Ettāvataṃ sabbabhājanāni paṭiggahitāni honti, tato paṭṭhāya oropetvā vā ugghāṭetvā vā yaṃ icchati, taṃ gahetvā bhuñjatum vaṭṭati. Sabhattapacchi-ādimhi pana ekabhājane vattabbameva natthi, kājena bhattaṃ harantopi sace kājaṃ onāmetvā deti, vaṭṭati. Timsahattho veṇu hoti, ekasmiṃ ante guḷakumbho baddho, ekasmiṃ sappikumbho, tañce paṭiggahaṇhāti, sabbaṃ paṭiggahitameva. Ucchuyantadoṇito paggharantameva rasaṃ gaṇhathāti vadati, abhihāro na paññāyatīti na gahetabbo. Sace pana kasaṭaṃ chaḍḍetvā hatthena ussiñcitvā ussiñcitvā deti, vaṭṭati.

Bahū pattā mañce vā piṭhe vā kaṭasārake vā doṇiyaṃ vā phalake vā ṭhapitā honti, yattha ṭhitassa dāyako hatthapāse hoti, tattha ṭhatvā paṭiggahaṇasaññāya mañcādīni aṅgulyāpi phusitvā ṭhitena vā nisinnena vā nipannena vā yaṃ tesu pattesu diyyati, taṃ sabbaṃ paṭiggahitaṃ hoti. Sacepi paṭiggahessāmīti mañcādīni āruhitvā nisīdati, vaṭṭatiyeva. Sace pana mañcādīni hatthena gahetvā mañce nisīdati, vattabbameva natthi.

Pathaviyaṃ pana sacepi kucchiyā kucchim āhacca ṭhitā honti, yaṃ yaṃ aṅgulyā vā sūciyā vā phusitvā nisinno hoti, tattha tattha diyyamānameva paṭiggahitaṃ hoti. “Yattha katthaci mahākaṭasārahathattharaṇādisu ṭhapitapatte paṭiggahaṇaṃ na ruhati”ti vuttam, taṃ hatthapāsātikkamaṃ

sandhāya vuttanti veditabbaṃ. Hatthapāse pana sati yattha katthaci vaṭṭati aññatra tathajātakā.

Tathajātake pana paduminipaṇṇe vā kimsukapaṇṇādīmhi vā na vaṭṭati. Na hi taṃ kāyapaṭibaddhasaṅkhyāṃ gacchati. Yathā ca tathajātake, evaṃ khāṇuke bandhitvā ṭhapitamañcādīmhi asaṃhārime phalake vā pāsāṇe vā na ruhatiyeva, tepi hi tathajātakasaṅkhepupagā honti. Bhūmiyāṃ atthatesu sukhumesu tintiṇikādipaṇṇesupi paṭiggahaṇaṃ na ruhati, na hi tāni sandhāretum samatthānīti. Mahantesu pana paduminipaṇṇādīsu ruhati. Sace hatthapāsaṃ atikkamma ṭhito dīghadaṇḍakena uḷuṅkena deti, āgantvā dehīti vattabbo. Vacanaṃ asutvā vā anādiyitvā vā patte ākiratiyeva, puna paṭiggahetabbaṃ. Dūre ṭhatvā bhattapiṇḍaṃ khipantepi eseva nayo.

Sace pattatthavikato nīhariyamāne patte rajanacuṇṇāni honti, sati uduke dhovitabbo, asati rajanacuṇṇaṃ puñchitvā paṭiggahetvā vā piṇḍāya caritabbaṃ. Sace piṇḍāya carantassa rajaṃ patati, paṭiggahetvā bhikkhā gaṇhitabbā. Appaṭiggahetvā gaṇhato vinayadukkaṭaṃ. Taṃ pana puna paṭiggahetvā bhuñjato anāpatti. Sace pana “paṭiggahetvā dethā”ti vutte vacanaṃ asutvā vā anādiyitvā vā bhikkhaṃ dentiyeva, vinayadukkaṭaṃ natthi, puna paṭiggahetvā aññā bhikkhā gahetabbā.

Sace mahāvāto tato tato rajaṃ pātetī, na sakkā hoti bhikkhaṃ gahetum, “anupasampannassa dassāmi”ti suddhacittena ābhogaṃ katvā gaṇhitum vaṭṭati. Evaṃ piṇḍāya caritvā vihāraṃ vā āsanasālaṃ vā gantvā taṃ anupasampannassa datvā puna tena dinnāṃ vā tassa vissāseṇa vā paṭiggahetvā bhuñjitum vaṭṭati.

Sace bhikkhācāre sarajaṃ pattāṃ bhikkhussa deti, so vattabbo “imaṃ paṭiggahetvā bhikkhaṃ vā gaṇheyāsi, paribhuñjeyyāsi vā”ti, tena tathā kātabbaṃ. Sace rajaṃ upari uppilavati¹, kañjikaṃ pavāhetvā sesaṃ bhuñjitabbaṃ. Sace anto pavittāṃ hoti, paṭiggahetabbaṃ. Anupasampanne asati hatthato amocentena yattha anupasampanno atthi, tatha netvā

1. Uplavati (Ka)

paṭiggahetabbaṃ. Sukkhabhatte patitarajaṃ apanetvā bhuñjituṃ vaṭṭati. Sace atisukhumaṃ hoti, uparibhattena saddhiṃ apanetabbaṃ, paṭiggahetvā vā bhuñjitabbaṃ. Yāguṃ vā sūpaṃ vā purato ṭhapetvā ālulentānaṃ bhājanato phusitāni uggantvā patte patanti, patto paṭiggahetabbo.

Uḷūkenā āharitvā dentānaṃ paṭhamataraṃ uḷūkato thevā patte patanti, supatitā, abhihaṭṭā doso natthi. Sacepi carukena bhatte ākiriyaṃ carukato masi vā chārikā vā patati, abhihaṭṭā nevatthi doso. Anantarassa bhikkhuno diyyamānaṃ pattato uppatitvā itarassa patte patati, supatitaṃ. Paṭiggahitameva hi taṃ hoti.

Sace jajjharisākhādiṃ phāletvā ekassa bhikkhuno dentānaṃ sākhatto phusitāni aññassa patte patanti, patto paṭiggahetabbo. Yassa pattassa upari phāleti, tassa patte patitesu dātukāmatāya abhihaṭṭā doso natthi. Pāyāsassa pūretvā pattaṃ denti, uṇhattā heṭṭhā gahetuṃ na sakkoti, mukhavaṭṭiyāpi gahetuṃ vaṭṭati. Sace tathāpi na sakkoti, ādhārakena gaṇhitabbo.

Āsanasālāya pattaṃ gahetvā nisinno bhikkhu niddaṃ okkanto hoti, neva āhariyamānaṃ, na diyyamānaṃ jānāti, appaṭiggahitaṃ hoti. Sace pana ābhogaṃ katvā nisinno hoti, vaṭṭati. Sacepi so hatthena ādhāraṃ muñcitvā pādena pelletvā niddāyati, vaṭṭatiyeva. Pādena ādhāraṃ akkamitvā paṭiggahaṇṭassa pana jāgarantassapi anādarapaṭiggahaṇaṃ hoti, tasmā na kattabbaṃ. Keci evaṃ ādhāraṃ paṭiggahaṇaṃ kāyapaṭibaddhapaṭibaddhena paṭiggahaṇaṃ nāma hoti, tasmā na vaṭṭatīti vadanti. Taṃ tesāṃ vacanamattameva. Atthato pana sabbampetaṃ kāyapaṭibaddhameva hoti. Kāyasaṃsaggepi cesa nayo dassitova. Yampi bhikkhussa diyyamānaṃ patati, tampi sāmaṃ gahetvā paribhuñjituṃ vaṭṭati. Tatridaṃ suttaṃ—

“Anujānāmi bhikkhave yaṃ diyyamānaṃ patati, taṃ sāmaṃ gahetvā paribhuñjituṃ, ()¹ pariccattaṃ taṃ bhikkhave dāyakehī”².

1. (Taṃ kissa hetu) (sabbattha) Pāliyaṃ natthi.

2. Vi 4. 273 piṭṭhe.

Idaṅca pana suttam̄ neyyattham̄. Tasmā evamettha adhippāyo veditabbo, yaṁ diyyamānam̄ dāyakassa hatthato parigaḷitvā suddhāya vā bhūmiyā paduminipaṇṇavatthakaṭasārakādīsū vā patati, taṁ sāmam̄ gahetvā paribhuñjitum̄ vaṭṭati. Yaṁ pana sarajāya bhūmiyā patati, taṁ rajam̄ puñchitvā vā dhovitvā vā paṭiggahetvā vā paribhuñjitabbam̄. Sace pana pavaṭṭantam̄ aññassa bhikkhuno santikam̄ gacchati, tena āharāpetumpi vaṭṭati. Sace taṁ bhikkhum̄ vadati “tvam̄yeva khādā”ti, tassāpi khādītum̄ vaṭṭati. Anāṇattena pana tena na gahetabbam̄. Anāṇattenāpi “itarassa dassāmī”ti gahetum̄ vaṭṭatīti Kurundiyaṁ vuttam̄. Kasmā panetaṁ itarassa bhikkhuno gahetum̄ na vaṭṭatīti, Bhagavatā ananuññātattā. Bhagavatā hi “sāmam̄ gahetvā paribhuñjitum̄”ti vadantena yasseva taṁ diyyamānam̄ patati, tassa appaṭiggahitakampi taṁ gahetvā paribhogo anuññāto. “Pariccattam̄ taṁ bhikkhave dāyakehi”ti vacanena panettha parasantakābhāvo dīpito. Tasmā aññassa sāmam̄ gahetvā paribhuñjitum̄ na vaṭṭati. Tassa pana āṇattiyā vaṭṭatīti ayam̄ kirettha adhippāyo.

Yasmā ca taṁ appaṭiggahitakattā anuññātam̄, tasmā yathāḥhitam̄yeva anāmasitvā kenaci pidahitvā ṭhapitam̄ dutiyadivasepi paribhuñjitum̄ vaṭṭati, sannidhipaccayā anāpatti. Paṭiggahetvā pana paribhuñjitabbam̄. Tam̄divasam̄yeva hi tassa sāmam̄ gahetvā paribhogo anuññāto, na tato paranti ayampi kirettha adhippāyo.

Idāni abbohārikanayo vuccati—bhuñjantānam̄ hi dantā khiyyanti, nakhā khiyyanti, pattassa vaṇṇo khiyyati, sabbam̄ abbohārikam̄. Yampi satthakena ucchu-ādīsū phālitesu malam̄ paññāyati, etaṁ navasamuṭṭhitam̄ nāma paṭiggahetvā paribhuñjitabbam̄. Satthakam̄ dhovitvā phālitesu malam̄ na paññāyati, lohagandhamattam̄ hoti, taṁ abbohārikam̄. Yampi satthakam̄ gahetvā pariharanti, tena phālitepi eseva nayo. Na hi taṁ paribhogatthāya pariharantīti. Mūlabhesajjādīni pisantānam̄ vā koṭṭentānam̄ vā nisada nisadapotaka udukkhala musalādīni khiyyanti, pariharaṇakavāsīm̄ tāpetvā bhesajjatthāya takke vā khīre vā pakkhipanti, tattha nīlikā paññāyati. Satthake vuttasadisova vinicchayo. Āmakatakkādīsū pana sayam̄ na pakkhipitabbā. Pakkhipati ce, sāmāpākato na muccati.

Deve vassante piṇḍāya carantassa sarīrato vā cīvarato vā kiliṭṭha-udakam patte patati, tam paṭiggahetabbam. Rukkhamūlādīsu bhuñjantassa patitepi eseva nayo. Sace pana sattāham vassante deve suddham udakam hoti, abbhokāsato vā patati, vaṭṭati. Sāmaṇerassa odanam dentena tassa pattagatam acchupanteneva dātabbo. Patto vāssa paṭiggahetabbo. Appaṭiggahite odanam chupitvā puna attano patte odanam gaṇhantassa uggahitako hoti.

Sace pana dātukāmo hutvā “āhara sāmaṇera pattam, odanam gaṇhā”ti vadati, itaro ca “alam mayhan”ti paṭikkhipati, puna “tavevetam mayā pariccattan”ti ca vuttepi “na mayham etenattho”ti vadati. Satakkhattumpi pariccejatu, yāva attano hatthagatam paṭiggahitameva hoti.

Sace pana ādhārake ṭhitam nirapekkho “gaṇhā”ti vadati, puna paṭiggahetabbam. Sāpekkho ādhārake pattam ṭhapetvā “etto pūvam vā bhattam vā gaṇhā”ti sāmaṇeram vadati, sāmaṇero hattham dhovitvā sacepi satakkhattum gahetvā attano pattagatam aphasantova attano patte pakkhipati, puna paṭiggahaṇakiccam natthi. Yadi pana attano pattagatam phusitvā tato gaṇhāti, sāmaṇerasantakena saṃsaṭṭham hoti, puna paṭiggahetabbam. Keci pana “sacepi gayhamānam chijjivā tattha patati, puna paṭiggahetabban”ti vadanti. Tam “ekam bhattapiṇḍam gaṇha, ekam pūvam gaṇha, imassa guḷapiṇḍassa ettakam padesam gaṇhā”ti evam paricchinditvā vutte veditabbam. Idha pana paricchedo natthi. Tasmā yaṃ sāmaṇerassa patte patati, tadeva paṭiggahaṇam vijahati. Hatthagatam pana yāva sāmaṇero vā “alan”ti na oramati, bhikkhu vā na vāreti, tāva bhikkhusseva santakam, tasmā paṭiggahaṇam na vijahati.

Sace attano vā bhikkhūnam vā yāgupacanakabhājane kesañci atthāya odanam pakkhipati, “sāmaṇera bhājanassa upari hattham karohi”ti vatvā tassa hatthe pakkhipitabbam, tassa hatthato bhājane patitam hi dutiyadivase bhājanassa akappiyabhāvam na karoti, pariccattatā. Sace evam akatvā pakkhipati, pattamiva bhājanam nirāmisam katvā paribhuñjitabbam. Dāyakā yāgukutaṃ ṭhapetvā gatā, tam daharasāmaṇero paṭiggahaṇāpetum na sakkoti, bhikkhu pattam upanāmeti, sāmaṇero kuṭassa gīvam pattassa

mukhavatṭiyam ṭhapetvā āvajjeti, pattagatā yāgu paṭiggahitāva hoti. Atha vā bhikkhu bhūmiyam hattham ṭhabeti, sāmaṇero pavaṭṭetvā tattha āropeti, vaṭṭati. Pūvapakchibhattapacchi-ucchubhārādīsupi eseva nayo.

Sace paṭiggahaṇūpagaṃ bhāraṃ dve tayo sāmaṇerā denti, ekena vā balavatā ukkhittam dve tayo bhikkhū gaṇhanti, vaṭṭati. Mañcassa vā pīṭhassa vā pāde telaghaṭam vā phāṇitaghaṭam vā navanītaghaṭam vā laggenti, bhikkhussa mañcepi pīṭhepi nisīditum vaṭṭati. Uggahitakam nāma na hoti.

Nāgadantake vā ankusake vā dve telaghaṭā laggitā honti, upari paṭiggahitako heṭṭhā appaṭiggahitako, uparimam gahetum vaṭṭati. Heṭṭhā paṭiggahitako upari appaṭiggahitako, uparimam gahetvā itaram gaṇhato uparimo uggahitako hoti. Heṭṭhāmañce appaṭiggahitakam telathālakam hoti, tañce sammajjanto sammuñjanīyā ghaṭṭeti, uggahitakam na hoti. Paṭiggahitakam gaṇhissāmīti appaṭiggahitakam gahetvā ñatvā puna ṭhabeti, uggahitakam na hoti. Bahi nīharitvā sañjānāti, bahi aṭṭhapetvā haritvā tattheva ṭhabetabbam. Natthi doso. Sace pana pubbe vivaritvā ṭhapanam, na pidahitabbam, yathā pubbe ṭhitam, tattheva ṭhabetabbam. Sace bahi ṭhabeti, puna na chupitabbam.

Heṭṭhāpāsadam orohanto nisseṇimajjhe sañjānāti, anokāsattā uddham vā adho vā haritvā ṭhabetabbam. Paṭiggahitake telādimhi kaṇṇakam¹ uṭṭheti, siṅgiverādimhi ghanacuṇṇam, taṃsamuṭṭhānameva nāmetam, puna paṭiggahaṇakiccam natthi.

Tālam vā nāḷikeram vā āruḷho yottena phalapiṇḍim otāretvā upari ṭhitova gaṇhathāti vadati, na gahetabbam. Sace añño bhūmiyam ṭhito yottapāsake gahetvā ukkhipitvā deti, vaṭṭati. Saphalam mahāsākhām kappiyam kāretvā paṭiggaṇhāti, phalāni paṭiggahitāneva honti, yathāsukham paribhuñjitum vaṭṭati.

Antovatiyam ṭhatvā vatim chinditvā ucchum vā timbarūsakam vā denti, hatthapāse sati vaṭṭati. Vatidaṇḍakesu² appaharitvā niggatam gaṇhantassa vaṭṭati. Paharitvā niggate Aṭṭhakathāsu doso na dassito. Mayam pana

1. Kaṇikā (Sī, Syā), kaṇṇikam (Ka)

2. Daṇḍakesu (Sī)

yaṃ ṭhānaṃ paḥaṭaṃ, tato sayāmpatitamiva hotīti takkayāma. Tasmimpi¹ aṭṭhatvā gacchante yujjati, suṅkaghātato pavaṭṭetvā bahipatitabhaṇḍaṃ viya. Vatiṃ vā pākāraṃ vā laṅghāpetvā denti, sace pana na puthulo pākāro, antopākāre ca bahipākāre ca ṭhitassa hatthapāso pahoti, hatthasatampi uddhaṃ gantvā sampattaṃ gahetuṃ vaṭṭati.

Bhikkhu gilānaṃ sāmaṇeraṃ khandhena vahati, so phalāphalaṃ disvā gahetvā khandhe nisinnova deti, vaṭṭati. Aparo bhikkhuṃ vahanto khandhe nisinnassa bhikkhuno deti, vaṭṭatiyeva.

Bhikkhu phaliniṃ sākhaṃ chāyatthāya gahetvā gacchati, phalāni khādituṃ citte uppanne paṭiggahāpetvā khādituṃ vaṭṭati. Macchikavāraṇatthaṃ kappiyaṃ kāretvā paṭiggaṇhāti, khādītukāmo ce hoti, mūlapaṭiggahaṇameva vaṭṭati, khādantassa natthi doso.

Bhikkhu paṭiggahaṇārahaṃ bhaṇḍaṃ manussānaṃ yāne ṭhapetvā maggaṃ gacchati, yānaṃ kaddame laggati, daharo cakkaṃ gahetvā ukkhipati, vaṭṭati, uggahitakaṃ nāma na hoti. Nāvāya ṭhapetvā nāvānaṃ arittena vā pājeti, hatthena vā kaḍḍhati, vaṭṭati. Uḷumpepi eseva nayo. Cāṭiyaṃ kuṇḍake vā ṭhapetvāpi taṃ anupasampannena gāhāpetvā anupasampannaṃ bāhāyaṃ gahetvā tarituṃ vaṭṭati. Tasmimpi asati anupasampannaṃ gāhāpetvā taṃ bāhāyaṃ gahetvā tarituṃ vaṭṭati.

Upāsakā gamikabhikkhūnaṃ pātheyyataṇḍule denti. Sāmaṇerā bhikkhūnaṃ taṇḍule gahetvā attano taṇḍule gahetuṃ na sakkonti, bhikkhū tesāṃ taṇḍule gaṇhanti. Sāmaṇerā attanā gahitataṇḍulesu khīṇesu itarehi taṇḍulehi yāguṃ pacitvā sabbesaṃ pattāni paṭipāṭiyā ṭhapetvā yāguṃ ākiranti. Paṇḍito sāmaṇero attano pattaṃ gahetvā therassa deti, therassa pattaṃ anutherassāti evaṃ sabbāni parivatteti, sabbehi sāmaṇerassa santakaṃ bhuttaṃ hoti, vaṭṭati.

Sacepi sāmaṇero apaṇḍito hoti, attano patte yāguṃ sayameva pātum ārabhati, āvuso tuyhaṃ yāguṃ mayhaṃ dehīti evaṃ therehi paṭipāṭiyā yācitvāpi pivituṃ vaṭṭati, sabbehi sāmaṇerassa

santakameva bhuttaṃ hoti, neva uggahitapaccayā na sannidhipaccayā vajjaṃ phusanti. Ettha pana mātāpitūnaṃ telādīni chāyādīnaṃ atthāya sākḥādīni ca harantānaṃ imesaṅca viseso na dissati. Tasmā kāraṇaṃ upaparikkhitabbaṃ.

Sāmaṇero bhattaṃ pacitukāmo taṇḍule dhovitvā niccāletuṃ na sakkoti. Bhikkhunā taṇḍule ca bhājanaṅca paṭiggahetvā taṇḍule dhovitvā niccāletvā bhājanaṃ uddhanaṃ āropetabbaṃ, aggi na kātabbo, pakkakāle vivarivā pakkabhāvo jānitabbo. Sace duppakkaṃ hoti, pākatthāya pidahituṃ na vaṭṭati. Rajassa vā chārikāya vā apatanatthāya vaṭṭati, pakkakāle oropetumpi bhunṅjitumpi vaṭṭati, puna paṭiggahaṇakiccaṃ natthi.

Sāmaṇero paṭibalo pacituṃ, khaṇo panassa natthi, katthaci gantukāmo. Bhikkhunā sataṇḍulodakabhājanaṃ paṭiggahetvā uddhanaṃ āropetvā aggiṃ jāletvā gacchāhīti vattabbo. Tato paraṃ purimanayeneva sabbaṃ kātuṃ vaṭṭati.

Bhikkhu yāgu-atthāya suddhaṃ bhājanaṃ āropetvā udakaṃ tāpeti, vaṭṭati. Tatte udake sāmaṇero taṇḍule pakkhipati, tato paṭṭhāya bhikkhunā aggi na kātabbo. Pakkayāguṃ paṭiggahetvā pātuṃ vaṭṭati.

Sāmaṇero yāguṃ pacati. Hatthakukkuccako bhikkhu kīlanto bhājanaṃ āmasati, pidhānaṃ āmasati, uggataṃ pheṇaṃ chinditvā harati, tasseva pātuṃ na vaṭṭati, durupaciṇṇaṃ nāma hoti. Sace pana dabbirū vā ulūkaṃ vā gahetvā anukkipanto āluḷeti, sabbesaṃ na vaṭṭati, sāmāpākaṅceva hoti durupaciṇṇaṅca. Sace ukkipati, uggahitakampi hoti.

Bhikkhunā piṇḍāya caritvā ādhārake patto ṭhapito hoti, tatra ce añño lolabhikkhu kīlanto pattāṃ āmasati, pattapidhānaṃ āmasati, tasseva tato laddhaṃ bhattaṃ na vaṭṭati. Sace pana pattāṃ ukkipitvā ṭhapeti, sabbesaṃ na vaṭṭati. Tatthajātakaphalāni sākḥāya vā valliyā vā gahetvā cāleti, tasseva tato laddhaṃ phalaṃ na vaṭṭati, durupaciṇṇadukkaṭaṅca āpajjati. Phalarukkhaṃ pana apassayituṃ vā tattha kaṇḍake vā bandhituṃ vaṭṭati, durupaciṇṇaṃ na hotīti Mahāpaccariyaṃ vuttaṃ.

Araññe patitaṃ pana ambaphalādiṃ disvā sāmaṇerassa dassāmīti āharitvā dātum vaṭṭati. Sīhaviḡhāsādiṃ disvāpi sāmaṇerassa dassāmīti paṭiggahetvā vā appaṭiggahetvā vā āharitvā dātum vaṭṭati. Sace pana sakkoti vitakkaṃ sodhetum, tato laddhaṃ khāditumpi vaṭṭati, neva āmakamaṃsapaṭiggahaṇapaccayā, na uggahitakapaccayā vajjaṃ phusati.

Mātāpitūnaṃ atthāya telādīni gahetvā gacchato antarāmagge byādhi uppajjati, tato yaṃ icchati, taṃ paṭiggahetvā paribhuñjituṃ vaṭṭati. Sace pana mūlepi paṭiggahitaṃ hoti, puna paṭiggahaṇakiccaṃ natthi. Mātāpitūnaṃ taṇḍule āharitvā deti. Te tatoyeva yāgu-ādīni sampādetvā tassa denti, vaṭṭati, sannidhipaccayā vā uggahitakapaccayā vā doso natthi.

Bhikkhu pidahitvā udakaṃ tāpeti, yāva pariḡkhayā paribhuñjituṃ vaṭṭati. Sace panettha chārikā patati, paṭiggahetabbaṃ. Dīghasaṇḍāsena thālakaṃ gahetvā telam pacantassa chārikā patati. Hatthena amuñcanteneva pacitvā otāretvā paṭiggahetabbaṃ. Sace aṅgārāpi dārūni vā paṭiggahetvā ṭhapitāni, mūlapaṭiggahaṇameva vaṭṭati.

Bhikkhu ucchum khādati, sāmaṇero mayhampi dethāti vadati. Ito chinditvā gaṇhāti vutto gaṇhāti, avasese puna paṭiggahaṇakiccaṃ natthi. Guḷapiṇḍakaṃ khādantassāpi eseva nayo. Vuttokāsato chinditvā gahitāvasesaṃ hi ajahitapaṭiggahaṇameva hoti.

Bhikkhu guḷaṃ bhājento paṭiggahetvā koṭṭhāse karoti, bhikkhūpi sāmaṇerāpi āgantvā ekagahaṇeneva ekamekaṃ koṭṭhāsaṃ gaṇhanti, gahitāvasesaṃ paṭiggahitameva hoti. Sace lolasāmaṇero gaṇhitvā gaṇhitvā puna ṭhapeti, tassa gahitāvasesaṃ appaṭiggahitakaṃ hoti.

Bhikkhu dhūmavaṭṭim paṭiggahetvā dhūmaṃ pivati, mukhañca kaṇṭho ca manosilāya litto viya hoti, yāvakaḷikaṃ bhuñjituṃ vaṭṭati, yāvakaḷikena yāvajīvikasaṃsagge doso natthi.

Pattaṃ vā rajanaṃ vā pacantassa kaṇṇanāsamukhachiddehi dhūmo pavisati, byādhipaccayā pupphaṃ vā phalaṃ vā upasiṅghati, abbohārikattā vaṭṭati. Bhuttuggāro¹ tālum āhacca antoyeva pavisati, avisayattā vaṭṭati. Mukhaṃ pavitṭhaṃ pana² ajjhoharato vikāle āpatti. Dantantare laggassa āmisassa raso pavisati, āpattiyeva. Sace sukhumaṃ āmisam hoti, raso na paññāyati, abbohārikapakkaṃ bhajati.

Upakaṭṭhe kāle nirudakaṭṭhāne bhattaṃ bhuñjitvā kakkhāretvā dve tayo kheḷapiṇḍe pātetvā udakaṭṭhānaṃ gantvā mukhaṃ vikkhāletabbaṃ. Paṭiggahetvā ṭhapitasīṅgiverādīnaṃ aṅkurā nikkhamanti, puna paṭiggahaṇakiccaṃ natthi. Loṇe asati samuddodakena loṇakiccaṃ kātum vaṭṭati. Paṭiggahetvā ṭhapitaṃ loṇodakaṃ loṇaṃ hoti, loṇaṃ vā udakaṃ hoti, raso vā phāṇitaṃ hoti, phāṇitaṃ vā raso hoti, mūlapaṭiggahaṇameva vaṭṭati. Himakarakā udakagatikā eva. Pārihārikena katakaṭṭhiṇā udakaṃ pasādenti, taṃ abbohārikaṃ, āmisena saddhiṃ vaṭṭati. Āmisagatikehi kapitthaphalādīhi pasāditaṃ purebhattameva vaṭṭati.

Pokkharāṇī-ādīsu udakaṃ bahalaṃ hoti, vaṭṭati. Sace pana mukhe ca hatthe ca laggati, na vaṭṭati, paṭiggahetvā paribhuñjitabbaṃ. Khettesu kasitaṭṭhāne bahalaṃ udakaṃ hoti, paṭiggahetabbaṃ. Sace sanditvā kandarādīni pavisitvā nadiṃ pūreti, vaṭṭati. Kakudhasobbhādayo honti rukkhato patitehi pupphehi sañchannodakā, sace puppharaso na paññāyati, paṭiggahaṇakiccaṃ natthi. Parittaṃ udakaṃ hoti, raso paññāyati, paṭiggahetabbaṃ. Pabbatakandarādīsu kāḷavaṇṇapaṇṇasañchanna-udakepi eseva nayo.

Pānīyaghaṭe sareṇukāni vā savaṇṭakhīrāni vā pupphāni pakkhittāni honti, paṭiggahetabbaṃ. Pupphāni vā paṭiggahetvā pakkhipitabbāni. Pāḷalīcampakamallikā³ pakkhittā honti, vāsamattaṃ tiṭṭhati, taṃ abbohārikaṃ, dutiyadivasepi āmisena saddhiṃ vaṭṭati. Bhikkhunā ṭhapitapupphavāsitaḷapānīyato sāmaṇero pānīyaṃ gahetvā pītāvasesaṃ tattheva ākirati, paṭiggahetabbaṃ. Padumasarādīsu udakaṃ santharivā⁴ ṭhitaṃ pupphareṇum

1. Bhuttuggāro (Sī, Syā)

3. Pāḷalīkamallikā (Syā, Ka)

2. Puna (Sī, Syā)

4. Pattharivā (Sī)

ghaṭena vikkhambhetvā udakaṃ gahetuṃ vaṭṭati. Kappiyaṃ kārāpetvā paṭiggahetvā ṭhapitaṃ dantakaṭṭhaṃ hoti, sace tassa rasaṃ pivitukāmo, mūlapaṭiggahaṇameva vaṭṭati. Appaṭiggahetvā ṭhapitaṃ paṭiggahetabbāṃ. Ajānantassa rase pavitṭhepi āpattiyeva, acittakaṃ hi idaṃ sikkhāpadaṃ.

Mahābhūtesu kiṃ vaṭṭati, kiṃ na vaṭṭatīti? Khīraṃ tāva vaṭṭati, kappiyamaṃsakhīraṃ vā akappiyamaṃsakhīraṃ vā hotu, pivantassa anāpatti. Assu kheḷo siṅghāṇikā muttaṃ karīsaṃ semhaṃ dantamalaṃ akkhigūthako kaṇṇagūthako sarīre uṭṭhitaloṇanti idaṃ sabbāṃ vaṭṭati. Yaṃ panettha ṭhānato cavitvā patte vā hatthe vā patati, taṃ paṭiggahetabbāṃ. Aṅgalaggam paṭiggahitakameva. Uṇhapāyāsaṃ bhuñjantassa sedo aṅguli-anusārena ekābaddhova hutvā pāyāse santiṭṭhati, piṇḍāya vā carantassa hatthato pattassa mukhavaṭṭito vā pattatalaṃ orohati, ettha paṭiggahaṇakiccaṃ natthi. Jhāmamahābhūtesu idaṃ nāma na vaṭṭatīti natthi, dujjhāpitaṃ pana na vaṭṭati. Sujjhāpitaṃ manussaṭṭhimpi cuṇṇaṃ katvā lehe upanetuṃ vaṭṭati.

Cattāri mahāvikaṭāni asati kappiyakārake sāmampi gahetvā paribhuñjituṃ vaṭṭati. Ettha ca dubbacopi asamatthopi kappiyakārako asantapakkeyeva tiṭṭhati. Chārikāya asati sukkhadāruṃ jhāpetvā chārikā gahetabbā. Sukkhadāruṃhi asati alladāruṃ rukkhatto chinditvāpi kātuṃ vaṭṭati. Idaṃ pana catubbidhampi mahāvikaṭaṃ kālodissaṃ nāma, sappadaṭṭhakkhaṇeyeva vaṭṭati. Sesamettha uttānameva.

Eḷakalomasamuṭṭhānaṃ, kāyato ca kāyacittato ca samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ¹, ticittaṃ, tivedananti.

Dantaponasikkhāpadaṃ dasamaṃ.

Samatto vaṇṇanākkamena Bhojanavaggo catuttho.

1. Kāyakammaṃ vacīkammaṃ (Sī)

5. Acelakavagga

1. Acelakasikkhāpadavaṇṇanā

269. Acelakavaggassa paṭhamasikkhāpade **parivesananti** parivisanatṭhānaṃ. **Paribbājakasamāpannoti** pabbajjaṃ samāpanno. **Deti āpatti pācittiyassāti** samatittikaṃ yāgupattaṃ ekapayogena deti, ekaṃ pācittiyam. Avacchinditvā avacchinditvā deti, payoge payoge pācittiyam. Eseva nayo pūvabhaddādisu. **Titthiye atitthiyasaññīti** mātā vā pitā vā titthiyesu pabbajati, tesam mātāpitusaññāya dentassāpi pācittiyameva hoti. **Dāpetīti** anupasampanna dāpeti.

273. **Upanikkhipitvā detīti** tathārūpe bhājane ṭhapetvā taṃ bhājanaṃ tesam santike bhūmiyaṃ nikkhipitvā deti, tesam vā bhājanaṃ nikkhipāpetvā tattha deti, pattaṃ ādhārake vā bhūmiyaṃ vā ṭhapetvāpi “ito gaṇhathā”ti vattuṃ vaṭṭati. Sace titthiyo vadati “mayham nāma idaṃ santakaṃ, idha naṃ ākirathā”ti, ākiritabbaṃ. Tassa santakattā sahatthā dānaṃ nāma na hoti. Sesamettha uttānameva.

Elakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Acelakasikkhāpadaṃ paṭhamam.

2. Uyyojanasikkhāpadavaṇṇanā

274. Dutiyasikkhāpade **paṭikkamanepīti** āsanasālāyampi. **Bhattavissagganti** bhattakiccaṃ. **Na sambhāvesīti** na pāpuṇi.

276. **Anācāranti** vuttāvasesam kāyavacīdvāravītikkamaṃ. **Dassanūpacāraṃ vā savanūpacāraṃ vā vijahantassāti** ettha yadi ṭhito vā nisinna vā uyyojeti, yo uyyojito, so vijahati, tassa ca āpatti nāma natthi. Tasmim pana vijahantepi atthato itarena vijahitameva hoti. Tasmā yo uyyojeti, tassevāyaṃ āpatti. Tattha

sace upacārabbhantare eko pādo hoti, dukkaṭaṃ. Sīmātikkame pācittiyaṃ. Ettha ca dassanūpacārassa abbhokāse dvādasahatthappamāṇaṃ, tathā savanūpacārassa. Sace pana antarā kuṭṭadvārapākārādayo honti, tehi antaritabhāvo dassanūpacārātikkamo, tassa vasena āpatti veditabbā. **Na añño koci paccayo hotīti** ṭhapetvā vuttappakāramanācāraṃ aññaṃ kiñci kāraṇaṃ na hoti.

277. **Kalisāsaṇaṃ āropetīti kalīti** kodho, tassa sāsaṇaṃ āropeti, kodhassa āṇaṃ āropeti, kodhavasena ṭhānanisajjādīsū dosaṃ dassetvā “passatha bho imassa ṭhānaṃ nisajjaṃ ālokitaṃ vilokitaṃ, khāṇuko viya tiṭṭhati, sunakho viya nisīdati, makkato viya ito cito ca viloketī”ti evaṃ amanāpavacanaṃ vadati “appeva nāma imināpi ubbālho pakkameyyā”ti. Sesaṃ uttānameva.

Tisamuṭṭhānaṃ, kāyacittako vācācittato kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Uyyojanasikkhāpadaṃ dutiyaṃ.

3. Sabhojanasikkhāpadavaṇṇanā

279. Tatiyasikkhāpade **sayanighareti** sayaniyaghare. **Yato ayyassa bhikkhā dinnāti** yasmā bhikkhā dinnā, yaṃ āgatena laddhabbaṃ, taṃ vo laddhaṃ, gacchathāti adhippāyo. **Pariyuṭṭhitoti** rāgapariyuṭṭhito, methunādhippāyoti attho.

280. Saha ubhohi janehīti sabhojanaṃ. Tasmim **sabhojane**. Atha vā **sabhojaneti** sabhoge. Rāgapariyuṭṭhitassa hi purisassa itthī bhogo, itthiyā ca puriso. Tenevassa padabhājane “itthī ceva hoti puriso cā”ti-ādi vuttaṃ. **Mahallake ghareti** mahallake sayanighare. **Piṭṭhasaṅghāṭassa hatthapāsaṃ vijahitvāti** tassa sayanighare gabbhassa yo piṭṭhasaṅghāṭo, tassa hatthapāsaṃ vijahitvā, antosayanassa

āsanne ṭhāne nisīdatīti attho. Īdisañca sayanigharam mahācatussālādīsū hoti. **Piṭṭhivaṃsam atikkamivāti** iminā majjhātikkaṃsaṃ dasseti. Tasmā yathā vā tathā vā katassa khuddakassa sayanigharassa majjhātikkaṃsaṃ āpatti veditabbā. Sesamettha uttānameva.

Paṭhamapārājikasamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dvivedananti.

Sabhojanasikkhāpadaṃ tatiyaṃ.

384. Catutthapañcamasikkhāpadesu yaṃ vattabbaṃ siyā, taṃ sabbaṃ aniyatadvaye vuttanayameva. Yathā ca Sabhojanasikkhāpadaṃ, evametānipi paṭhamapārājikasamuṭṭhānānevāti.

Rahopaticchannasikkhāpadaṃ catutthaṃ,
Rahonisajjasikkhāpadaṃ pañcamaṃ.

6. Cārittasikkhāpadavaṇṇanā

294. Chaṭṭhasikkhāpade **dethāvuso bhattanti** ettha taṃ kira bhattaṃ abhihaṭṭaṃ ahoṣi, tasmā evamāhamsu. Anabhihaṭṭe pana evaṃ vattum na labbhati, payuttavācā hoti.

295. **Tena hi bhikkhave paṭiggahetvā nikkhipathāti** idaṃ pana Bhagavā kulassa saddhānurakkhaṇatthāya āha. Yadi “bhājetvā khādathā”ti vadeyya, manussānaṃ pasādaññathattaṃ siyā. **Ussāriyitthāti** paṭihariyittha, gharaṇyeva naṃ gahetvā agamaṃsūti vuttaṃ hoti.

298. **Santaṃ bhikkhanti** ettha kittāvatā santo hoti, kittāvatā asantoti? Antovihāre, yattha ṭhitassa kulāni payirupāsanacittaṃ uppannaṃ, tato paṭṭhāya yaṃ passe vā abhimukhe vā passati, yassa sakkā hoti pakativacanena ārocetum, ayaṃ santo nāma. Ito cito ca pariyesitvā ārocanakiccaṃ nāma natthi. Yo hi evaṃ pariyesitabbo, so asantoyeva. Apica anto-upacārasīmāya bhikkhum disvā āpucchissāmīti gantvā tattha yaṃ passati,

so āpucchitabbo. No ce passati, asantaṃ bhikkhuṃ anāpucchā pavittḥo nāma hoti.

302. **Antarārāmaṃ** antogāme vihāro hoti, taṃ gacchati. **Bhattiyagharanti** nimantitagharaṃ vā salākabhattādidāyakānaṃ vā gharaṃ. **Āpadāsūti** jīvitabrahmacariyantarāyesu sati gantuṃ vaṭṭati. Sesamettha uttānameva.

Kathinasamuṭṭhānaṃ, kāyavācato kāyavācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Cārittasikkhāpadaṃ chaṭṭhaṃ.

7. Mahānāmasikkhāpadavaṇṇanā

303. Sattamasikkhāpade **Mahānāmo** nāma Bhagavato cūḷapituputto māsamattena mahallakataro dvīsu phalesu patiṭṭhito ariyasāvako. **Bhesajjaṃ ussannaṃ hotīti** vajato āharitvā ṭhapisappi bahu hoti.

306. **Sādītābbā**ti tasmim̐ samaye rogo natthīti na paṭikkhipitabbā, roge sati viññāpessāmīti adhvīvāsetabbā. **Ettakehi bhesajjehi pavāremīti** nāmavasena sappitelādīsu dvīhi tīhi vā, parimāṇavasena patthena nāḷiyā āḷakenāti vā. **Aññaṃ bhesajjaṃ viññāpetīti** sappinā pavārito telam̐ viññāpeti, āḷhakena pavārito doṇam̐. **Na bhesajjena karaṇīyenāti**¹ missakabhattenapi ce yāpetuṃ sakkoti, na bhesajjakaraṇīyaṃ nāma hoti.

310. **Pavāritānanti** ye attano puggalikāya pavāraṇāya pavāritā, tesam̐ pavāritānurūpena piññattiyā anāpatti. Saṃghavasena pavāritesu pana pamāṇam̐ sallakkhetabbamevāti. Sesam̐ uttānameva.

1. Karaṇīyeti (Sī, Syā)

Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Mahānāmasikkhāpadaṃ sattamaṃ.

8. Uyyuttasenāsikkhāpadavaṇṇanā

311. Aṭṭhame **abbhuyyātoti** abhi-uyyāto, parasenaṃ abhimukho¹ gamissāmīti nagarato niggaṭoti attho. **Uyyuttanti** kata-uyyogaṃ, gāmato nikkhantanti attho.

314. **Dvādasapuriso hatthīti** cattāro ārohaḥkā, ekekapādarakkhakā dve dveti evaṃ dvādasapuriso hoti. **Tipuriso assoti** eko ārohako, dve pādarakkhakāti evaṃ tipuriso hoti. **Catupuriso rathoti** eko sārathi, eko yodho, dve āṇirakkhakāti evaṃ catupuriso hoti. **Cattāro purisā sarahatthāti** āvudhahatthā cattāro purisāti ayaṃ pacchimakoṭiyā caturaṅgasamannāgatā senā nāma. Īdisaṃ senaṃ dassanāya gacchato pade pade dukkaṭaṃ. **Dassanūpacāraṃ vijahitvāti** kenaci antaritā vā ninnāṃ oruḥhā vā na dissati, idha ṭhatvā na sakkā daṭṭhanti aññaṃ ṭhānaṃ gantvā passato payoge payoge pācittiyanti attho.

315. **Ekamekanti** hatthi-ādīsu catūsu aṅgesu ekamekaṃ antamaso ekapurisāruḥhakahatthimpi ekampi sarahatthaṃ purisaṃ. **Anuyyuttā** nāma rājā uyyānaṃ vā nadiṃ vā gacchati, evaṃ anuyyuttā hoti.

316. **Āpadāsūti** jīvitabrahmacariyantarāyesu sati ettha gato muccissāmīti gacchato anāpatti. Sesamettha uttānameva. Eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ, lokavajjaṃ, kāyakammaṃ, akusalacittaṃ, tivedananti.

Uyyuttasenāsikkhāpadaṃ aṭṭhamaṃ.

1. Abhimukhaṃ (Ka)

9. Senāvāsasikkhāpadavaṇṇanā

319. Navame **atthaṅgate sūriye senāya vasatīti** tiṭṭhatu vā nisīdatu vā sayatu vā sacepi ākāse iddhiyā kañci iriyāpathaṃ kappeti, pācittiyameva. **Senā vā paṭisenāya ruddhā hotīti** yathā sañcāro chijjati, evaṃ ruddhā hoti. **Palibuddhoti** verikena vā issarena vā ruddho. Sesam uttānameva. Elakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Senāvāsasikkhāpadaṃ navamaṃ.

10. Uyyodhikasikkhāpadavaṇṇanā

322. Dasame uggantvā uggantvā ettha yujjhantīti **uyyodhikaṃ**, sampahāraṭṭhānassetam adhivacanaṃ. Balassa aggaṃ jānanti etthāti **balaggaṃ**, balagaṇanaṭṭhānanti attho. Senāya viyūhaṃ **senābyūhaṃ**, senānivesassetam adhivacanaṃ. **Tayo hatthī pacchimaṃ hatthānikanti** yo pubbe vutto dvādasapuriso hatthīti tena hatthinā tayo hatthī. Sesesupi eseva nayo. Sesam Uyyuttasenāsikkhāpade vuttanayeneva veditabbaṃ saddhiṃ samuṭṭhānādihīti.

Uyyodhikasikkhāpadaṃ dasamaṃ.

Samatto vaṇṇanākkamena Acelakavaggo pañcamaṃ.

6. Surāpānavagga

1. Surāpānasikkhāpadavaṇṇanā

326. Surāpānavaggassa paṭhamasikkhāpade **Bhaddavatikāti** eko gāmo, so bhaddikāya vatiyā samannāgatattā etaṃ nāmaṃ labhi. **Pathāvinoti** addhikā. **Tejasā tejanti** attano tejasā ānubhāvena nāgassa tejaṃ. **Kāpotikāti** kapotapādasamavaṇṇarattobhāsā¹. **Pasannāti**

1. Kapotapādasamavaṇṇā rattobhāsā (?)

surāmaṇḍassetam adhivacanam. **Ananucchaviyam bhikkhave sāgatassāti** pañcābhiññassa sato majjapānam nāma na anucchaviyanti vuttam hoti.

328. **Pupphāsavo** nāma madhukapupphādīnam rasena kato. **Phalāsavo** nāma muddikaphalādīni madditvā tesam rasena kato. **Madhvāsavo** nāma muddikānam jātirasena kato, makkhikamadhunāpi kariyatīti vadanti. **Guḷāsavo** nāma ucchurasādīhi kariyati. **Surā** nāma piṭṭhakiṇṇapakkhittā, nālikerādīnampi rasena katā surātveva saṅkhyam gacchati, tassāyeva kiṇṇapakkhittāya maṇḍe gahite merayotveva saṅkhyam gacchatīti vadanti. **Antamaso kusaggenapi pivatīti** etam suram vā merayam vā bījato paṭṭhāya kusaggena pivatopi pācittiyanti attho. Ekena pana payogena bahumpi pivantassa ekā āpatti. Vicchinditvā vicchinditvā pivato payogagaṇanāya āpattiyo.

329. **Amajjañca hoti, majjavaṇṇam majjagandham majjarasanti** loṇasovīrakam vā suttam vā hoti. **Sūpasampāketi** vāsagāhāpanattham īsakam majjam pakkhipitvā sūpam pacanti, tasmim anāpatti. **Maṃsasampākepi** eseve nayo. Telam pana vātabhesajjattham majjena saddhim pacanti, tasmimpi anatikkhittamajjeyeva¹ anāpatti. Yam pana atikkhittamajjam² hoti, yattha majjassa vaṇṇagandharasā paññāyanti, tasmim āpattiyeva. **Amajjam ariṭṭhanti** yo ariṭṭho majjam na hoti, tasmim anāpatti. Āmalakādīnamyeva kira rasena ariṭṭham karonti, so majjavaṇṇagandharasoyeva hoti, na ca majjam, tam andhāyetam vuttam. Yo pana sambhārapakkhitto, so majjam hoti, bījato paṭṭhāya na vaṭṭati. Sesamettha uttānameva. Eḷakalomasamuṭṭhānam, kiriyaṃ, nosaññāvimokkham, acittakam, lokavajjam, kāyakammaṃ, akusalacittam, tivedananti. Vatthu-ajānanatāya cettha acittakatā veditabbā, akusaleneva pātabbatāya lokavajjatīti.

Surāpānasikkhāpadam paṭhamam.

1. Anatikhiṇamajjeyeva (Ka)

2. Atikhiṇamajjam (Ka)

2. Aṅgulipatodakasikkhāpadavaṇṇanā

330. Dutiye **aṅgulipatodakenā**ti aṅgulīhi upacchakādighaṭṭanaṃ vuccati. **Uttasantoti** atihāsenā kilamanto. **Anassāsakoti** upacchinna-assāsapassāsasañcāro hutvā. **Anupasampannaṃ kāyena kāyanti** ettha bhikkhunīpi anupasampannaṭṭhāne ṭhitā, tampi khiḍḍādhippāyena phusantassa dukkaṭaṃ. Sesamettha uttānameva.

Paṭhamapārājikasamuṭṭhānaṃ, kiriyāṃ, saññāvimokkhaṃ, sacittakaṃ, lokavajjāṃ, kāyakammaṃ, akusalacittaṃ, dvivedananti.

Aṅgulipatodakasikkhāpadaṃ dutiyaṃ.

3. Hasadhammasikkhāpadavaṇṇanā

335. Tatiye **appakataññunoti** yaṃ Bhagavato pakataṃ paññattaṃ, taṃ na jānantīti attho.

336. **Udake hasadhammeti**¹ udakakīlikā vuccati. **Uparigoppaketi** goppakānaṃ uparibhāgappamaṇe. **Hasādhippāyoti** kīlādhippāyo. **Nimujjati vāti**-ādīsu nimujjanatthāya orohantassa padavāre padavāre dukkaṭaṃ, nimujjanummujjanesu payoge payoge pācittiyāṃ. Nimujjitvā anto-udakeyeva gacchantassa hatthavārapadavāresu sabbattha pācittiyāṃ. **Palavatīti** tarati. Hatthehi tarantassa hatthavāre hatthavāre pācittiyāṃ. Pādesupi eseva nayo. Yena yena aṅgena tarati, tassa tassa payoge payoge pācittiyāṃ. Tīrato vā rukkhato vā udake patati, pācittiyameva. **Nāvāya kīlatīti** phiyārittādīhi nāvāṃ pājento vā tīre ussārento² vā nāvāya kīlati, dukkaṭaṃ.

Hatthena vāti-ādīsipi payoge payoge dukkaṭaṃ. Keci hatthena udake khittāya kathalāya patanuppattanavāresu dukkaṭaṃ vadanti, taṃ na gahetabbaṃ. Tattha hi ekapayogattā ekameva dukkaṭaṃ, apica uparigoppake vuttāni ummujjanādīni ṭhapetvā aññena yena kenaci ākārena udakaṃ otarivā vā anotarivā vā yattha katthaci ṭhitāṃ

1. Hassadhammeti (Sī, Syā)

2. Ussārento (Sī, Syā)

udakaṃ antamaso binduṃ gahevā khipanakīḷāyapi kīlantassa dukkaṭameva, atthajotakaṃ pana akkharaṃ likhitaṃ vaṭṭati, ayamettha vinicchayo. Sesamettha uttānameva.

Paṭhamapārājikasamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, tivedananti.

Hasadhammasikkhāpadaṃ tatiyaṃ.

4. Anādariyasikkhāpadavaṇṇanā

342. Catutthe **kathāyaṃ nasseyyāti** kathaṃ ayaṃ dhammo tanti pavenī nasseyya. **Taṃ vā na sikkhitukāmoti** yena paññattena vuccati, taṃ paññattaṃ na sikkhitukāmo. **Apaññattenāti** sutte vā abhidhamme vā āgatenā.

344. **Evaṃ amhākaṃ ācariyānaṃ uggahoti** ettha gārayho ācariyuggaho na gaheṭabbo, paveniyā āgato ācariyuggahova gaheṭabbo. Kurundiyaṃ pana “lokavajje ācariyuggaho na vaṭṭati, paṇṇattivajje pana vaṭṭatī”ti vuttaṃ. Mahāpaccariyaṃ “suttaṃ sutānulomaṇca uggahitakānaṃyeva ācariyānaṃ uggaho pamāṇaṃ, ajānantānaṃ kathā appamāṇaṃ”ti vuttaṃ. Taṃ sabbaṃ paveniyā āgatasamodhānaṃ gacchati. Sesam uttānamevāti.

Tisamuṭṭhānaṃ kāyacittato vācācittato kāyavācācittato ca samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, vacīkammaṃ, akusalacittaṃ, dukkhavedananti.

Anādariyasikkhāpadaṃ catutthaṃ.

5. Bhimsāpanasikkhāpadavaṇṇanā

345. Pañcame rūpūpahārādayo manussaviggaha vuttanayeneva veditabbā. Sesam uttānameva. Samuṭṭhānādīni anādariyasadisānevāti.

Bhimsāpanasikkhāpadaṃ pañcamaṃ.

6. Jotisikkhāpadavaṇṇanā

350. Chatṭhe **Bhaggā**ti janapadassa nāmaṃ. **Samsumāragiranti** nagarassa. **Bhesakaḷāvananti** tannissitavanassa. Taṃ pana migānaṃ phāsuvihāratthāya dinnattā **migadāyoti** vuccati. **Samādahitvāti** jāletvā. **Paripātesīti** anubandhi.

352. **Padīpepīti** padīpujjanepi. **Jotikepīti** pattapacanasedakammādīsu jotikaraṇe. **Tathārūpapaccayāti** padīpādipaccayā.

354-5. **Sayaṃ samādahatīti** ettha jotim samādahitukāmatāya araṇisaṅṭhapanato paṭṭhāya yāva jālā na uṭṭhahati, tāva sabbapayogesu dukkaṭaṃ. **Paṭilātaṃ ukkhipatīti** dayhamānaṃ alātaṃ patitaṃ ukkhipati, puna yathāṭhāne ṭhapetīti attho. Evaṃ avijjhātaṃ ukkhipitvā pakkhipantasseva dukkaṭaṃ, vijjhātaṃ puna jālāpentassa pācittiyameva.

356. **Tathārūpapaccayāti** ṭhapetvā padīpādīni aññenapi tathārūpena paccayena samādahantassa anāpatti. **Āpadāsūti** duṭṭhavālamiga-amanussehi upaddavo hoti, tattha samādahantassāpi anāpatti. Sesam uttānamevāti. Chasamuṭṭhānaṃ, kiriyam, nosaññāvimokkham, acittakam, paṇṇattivajjam, kāyakammaṃ vacīkammaṃ, ticittaṃ, tivedananti.

Jotisikkhāpadaṃ chaṭṭham.

7. Nahānasikkhāpadavaṇṇanā

364. Sattame **cuṇṇena vā mattikāya vāti** ettha cuṇṇamattikānaṃ abhisaṅkharāṇakālato paṭṭhāya sabbapayogesu dukkaṭaṃ.

366. **Pāram gacchanto nhāyatīti** ettha sukkhāya nadiyā vālikam ukkiritvā kata-āvāṭakesupi nhāyitum vaṭṭati. **Āpadāsūti** bhamarādīhi anubaddhassa udake nimujjitum vaṭṭatīti. Sesam ettha uttānameva. Eḷakalomasamuṭṭhānaṃ, kiriyam, nosaññāvimokkham, acittakam, paṇṇattivajjam, kāyakammaṃ, ticittaṃ, tivedananti.

Nahānasikkhāpadaṃ sattamaṃ.

8. Dubbaṇṇakaraṇasikkhāpadavaṇṇanā

368-9. Aṭṭhame **navam̐ pana bhikkhunā cīvaralābhenāti** ettha alabhīti labho, labhoyeva lābho. Kim̐ alabhi? Cīvaram̐, kīdisam̐? Navam̐, iti navacīvaralābhenāti vattabbe anunāsikalopam̐ akatvā navam̐cīvaralābhenāti vuttam̐, paṭiladdhanavacīvarenāti attho. Majjhe ṭhitapadadvaye **panāti** nipāto. **Bhikkhunāti** yena laddham̐ tassa nidassanam̐. Padabhājane pana byañjanam̐ anādiyivā yam̐ laddham̐, tam̐ dassetum̐ “cīvaram̐ nāma channam̐ cīvarānan”ti-ādi vuttam̐. **Cīvaranti** ettha yam̐ nivāsetum̐ vā pārupitum̐ vā sakkā hoti, tadeva veditabbam̐. Teneva “vikappanupagapacchiman”ti na vuttam̐. **Kamsanīlanti** cammakāranīlam̐. Mahāpaccariyam̐ pana “ayomalam̐ lohamalam̐, etam̐ kamsanīlam̐ nāmā”ti vuttam̐. **Palāsanīlanti** yo koci nīlavanno paṇṇaraso. **Dubbaṇṇakaraṇam̐ ādāttabbanti** etam̐ kappabindum̐ sandhāya vuttam̐, na nīlādīhi sakalacīvarassa dubbaṇṇakaraṇam̐. Tañca pana kappam̐ ādiyantena cīvaram̐ rajitvā catūsu vā koṇesu tīsu vā dvīsu vā ekasmim̐ vā koṇe morassa akkhimaṇḍalamattam̐ vā maṅgulapiṭṭhimattam̐¹ vā ādāttabbam̐. Mahāpaccariyam̐ “patte vā gaṇṭhiyam̐ vā na vaṭṭatī”ti vuttam̐. Mahā-aṭṭhakathāyam̐ pana “vaṭṭatiyevā”ti vuttam̐. Pālikappakaṇṇikakappādayo pana sabbattha paṭisiddhā, tasmā ṭhapetvā ekam̐ vaṭṭabindum̐ aññena kenacipi vikārena kappo na kātabbo.

371. **Aggaḷeti-ādīsu etāni aggaḷādīni** kappakatacīvare pacchā āropetvā kappakaraṇakiccam̐ natthi. Sesam̐ uttānameva. Eḷakalomasamuṭṭhānam̐, kiriyākiriyaṃ, nosaññāvimokkham̐, acittakam̐, paṇṇattivajjam̐, kāyakammam̐, ticittam̐, tivedananti.

Dubbaṇṇakaraṇasikkhāpadam̐ aṭṭhamam̐.

9. Vikappanasikkhāpadavaṇṇanā

374. Navame **tassa vā adinnanti** cīvarasāmikassa “paribhuñja vā vissajjehi vā yathāpaccayam̐ vā karohī”ti evam̐ vatvā adinnam̐. **Tassa vā avissasantoti** yena vinayakammam̐ katam̐, tassa avissāsena vā.

1. Maṅkuṇapiṭṭhimattam̐ (Sī)

tena pana dinnam¹ vā tassa vissāsenā vā paribhuñjantassa anāpatti.
 Sesamettha timsakavaṇṇanāyaṃ vuttanayattā uttānamevāti.
 Kathinasamuṭṭhānaṃ kāyavācato kāyavācācittato ca samuṭṭhāti,
 kiriyākiriyaṃ, nosaññāvimokkhaṃ, acittakaṃ, paṇṇattivajjaṃ,
 kāyakammaṃ vacīkammaṃ, ticittaṃ, tivedananti.

Vikappanasikkhāpadaṃ navamaṃ.

10. Cīvarāpanidhānasikkhāpadavaṇṇanā

377-81. Dasame **apanidhentī**ti apanetvā nidhenti. **Hasāpekkhoti**
 hasādhippāyo. **Aññaṃ parikkhārenti** Pāḷiyā anāgataṃ pattatthavikādīṃ.
Dhammiṃ kathaṃ katvāti samaṇena nāma anihitaparikkhārena bhavituṃ na
 vaṭṭatīti evaṃ dhammakathaṃ kathetvā dassāmīti nikkhipato anāpatti.
 Sesamettha uttānameva. Tisamuṭṭhānaṃ, kiriyaṃ, saññāvimokkhaṃ,
 sacittakaṃ, lokavajjaṃ, kāyakammaṃ vacīkammaṃ, akusalacittāṃ,
 tivedananti.

Cīvarāpanidhānasikkhāpadaṃ dasamaṃ.

Samatto vaṇṇanākkamena Surāpānavaggo chaṭṭho.

7. Sappānakavagga

1. Sañciccaṇasikkhāpadavaṇṇanā

382-5. Sappānakavaggassa paṭhamasikkhāpade **issāso hotīti** gihikāle
 dhanuggahācariyo hoti. **Jīvitā voropitāti** jīvitā viyojitā.

Sikkhāpadepe **voropeyyāti** viyojeyya. Yasmā pana
 vohāramattamevetāṃ, na hettha kiñci viyojite sīsālaṅkāre sīsāṃ viya jīvitā
 voropite paṇepi jīvitaṃ nāma visuṃ tiṭṭhati, aññadatthu

1. Dinne (Syā, Ka)

antaradhānameva gacchati. Tasmā tamatthaṃ dassetuṃ padabhājane “jīvitindriyaṃ upacchindatī”¹ti-ādi vuttaṃ. Imasmiṃca sikkhāpade tiracchānagatoyeva paṇoti vedītabbo, taṃ khuddakampi mahantampi mārentassa āpattinānākaraṇaṃ natthi. Mahante pana upakkamamahantattā akusalamahattaṃ hoti. **Pāṇe pāṇasaññī**ti antamaso mañcapīṭhaṃ sodhento maṅgulabījakepi pāṇasaññī nikkāruṇikatāya taṃ bhindanto apaneti, pācittiyāṃ. Tasmā evarūpesu ṭhānesu kāruṇīyaṃ upaṭṭhapetvā appamattena vattaṃ kātabbaṃ. Sesaṃ manussaviggahe vuttanayeneva vedītabbaṃ saddhiṃ samuṭṭhānādīhīti.

Sañciccaṇṇasikkhāpadaṃ paṭhamāṃ.

2. Sappāṇakasikkhāpadavaṇṇanā

387. Dutiye **sappāṇakanti** ye pāṇakā paribhogena maranti, tehi pāṇakehi sappāṇakāṃ. Tādisañhi jānaṃ paribhuñjato payoge payoge pācittiyāṃ. Pattapūrampi avicchinditvā ekapayogena pivato ekā āpatti. Tādisena udakena sāmisaṃ pattaṃ āviñchitvā¹ dhovatopi, tādisa udake uṇhayāgupattaṃ nibbāpayatopi, taṃ udakaṃ hatthena vā uḷūkenā vā gahetvā nhāyatopi payoge payoge pācittiyāṃ, udakasaṇḍim vā pokkharāṇim vā pavisitvā bahinikkhamanattāya vīcim uṭṭhāpayatopi. Saṇḍim vā pokkharāṇim vā sodhentehe tato gahita-udakaṃ udakeyeva āsiñcitabbaṃ. Samīpamhi udake asati kappiya-udakassa aṭṭha vā dasa vā ghaṭe udakasaṇṭhānakappadese āsiñcitvā tatha āsiñcitabbaṃ. “Pavaṭṭitvā udake patissatī”¹ti uṇhapāsāṇe udakaṃ nāsiñcitabbaṃ. Kappiya-udakena pana pāsāṇaṃ nibbāpetvā āsiñcituṃ vaṭṭati. Sesamettha uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti. Ettha ca paṭaṅgapāṇakānaṃ patanaṃ ñatvāpi suddhacittatāya dīpajālāne viya sappāṇakabhāvaṃ ñatvāpi udakasaññāya paribhuñjitabbato paṇṇattivajjātā vedītabbāti.

Sappāṇakasikkhāpadaṃ dutiyaṃ.

1. Āvijjhītvā (Syā), avicchinditvā (Ka)

3. Ukkoṭanasikkhāpadavaṇṇanā

392. Tatiyasikkhāpade **ukkoṭenti** tassa tassa bhikkhuno santikaṃ gantvā akataṃ kammanti-ādīni vadantā uccāleti, yathāpatiṭṭhitabhāvena patiṭṭhātum na denti.

393. **Yathādhammanti** yo yassa adhikaraṇassa vūpasamanāya dhammo vutto, teneva dhammenāti attho. **Nihatādhikaraṇanti** nihataṃ adhikaraṇaṃ, satthārā vuttadhammeneva vūpasamitaṃ adhikaraṇanti attho.

395. **Dhammakamme dhammakammasaññīti** yena kammaṃ taṃ adhikaraṇaṃ vūpasamitaṃ, tañce dhammakammaṃ hoti, tasmiṃ dhammakamme ayampi dhammakammasaññī hutvā yadi ukkoṭeti, pācittiyaṃ āpajjati attho. Etena nayena sesapadānipi veditabbāni. Ayamettha saṅkhepo, vitthāro pana imesaṃ catunnaṃ adhikaraṇānaṃ “kati ukkoṭanā”ti-ādīnā nayena parivāre vutto. Aṭṭhakathāsu taṃ sabbaṃ āharitvā tassevattho vaṇṇito. Mayam pana taṃ tattheva vaṇṇayissāma, idha āharitvā vaṇṇiyamāne hi suṭṭharaṃ sammoho bhavyeyāti na vaṇṇayimha. Sesamettha uttānameva. Tisamuṭṭhānaṃ, kiriyam, saññāvimokkham, sacittakaṃ, lokavajjam, kāyakammaṃ vacīkammaṃ, akusalacittam, dukkhavedananti.

Ukkoṭanasikkhāpadaṃ tatiyaṃ.

4. Duṭṭhullasikkhāpadavaṇṇanā

399. Catutthe **duṭṭhullā nāma āpattīti** ettha cattāri pārājikāni atthuddhāravasena dassitāni, saṅghādisesāpatti pana adhippetā, taṃ chādentassa pācittiyaṃ. **Dhuraṃ nikkhattamatteti** dhure nikkhattamatte. Sacepi dhuraṃ nikkhipitvā pacchā āroceti, na rakkhati, dhuraṃ nikkhattamattēyeva pācittiyanti vuttaṃ hoti. Sace pana evaṃ dhuraṃ nikkhipitvā paṭicchādanatthameva aññassa āroceti, sopi aññassāti etenupāyena samaṇasatampi samaṇasahassampi āpattiṃ āpajjatiyeva tāva, yāva koṭi na chijjati. Kadā pana koṭi chijjatīti. Mahāsumatthero tāva vadati “āpattiṃ āpanno

ekassa āroceti, so paṭinivattitvā tasseva āroceti, evaṃ koṭi chijjati”ti. Mahāpadumatthero panāha “ayaṃ hi vatthupuggaloyeva. Āpattiṃ āpanno pana ekassa bhikkhuno āroceti, ayaṃ aññassa āroceti, so paṭinivattitvā yenassa ārocitaṃ, tasseva āroceti. Evaṃ tatiyena puggalena dutiyassa ārocite koṭi chinnā hoti”ti.

400. **Aduṭṭhullaṃ āpattinti** avasese pañcāpattikkhandhe.

Anupasampannassa duṭṭhullaṃ vā aduṭṭhullaṃ vā ajjhācāranti ettha anupasampannassa sukkavissaṭṭhi ca kāyasamsaggo cāti ayaṃ duṭṭhulla-ajjhācāro nāma. Sesamettha uttānamevāti. Dhuranikkhepasamuṭṭhānaṃ, kāyavācācittato samuṭṭhāti, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Duṭṭhullasikkhāpadaṃ catutthaṃ.

5. Ūnavīsativassasikkhāpadavaṇṇanā

402. Pañcamasikkhāpade **aṅguliyo dukkhā bhavissantīti** akkharāni likhantassa aṅguliyo dukkhā bhavissantīti cintesum. **Urassa dukkhoti** gaṇanaṃ sikkhantena bahuṃ cintetabbaṃ hoti, tenassa uro dukkho bhavissantīti maññimsu. **Akkhīni dukkhā bhavissantīti** rūpasuttaṃ sikkhantena kahāpaṇā parivattetvā parivattetvā passitabbā honti, tenassa akkhīni dukkhāni bhavissantīti maññimsu. **Ḍaṃsādīsu ḍaṃsāti** piṅgalamakkhikāyo. **Dukkhānanti** dukkhamānaṃ. **Tibbānanti** bahalānaṃ. **Kharānanti** tikhiṇānaṃ. **Kaṭukānanti** pharusānaṃ, amanāpatāya vā kaṭukarasasadisānaṃ. **Asātānanti** amadhurānaṃ. **Pāṇaharānanti** jīvitarānaṃ.

404. **Sīmaṃ sammannatīti** navaṃ sīmaṃ bandhati. Kurundiyaṃ pana udakukkhepapariicchindanepi dukkaṭaṃ vuttaṃ. **Paripuṇṇavīsativassoti** paṭisandhiggahaṇato paṭṭhāya paripuṇṇavīsativasso, gabbhavīsopi hi paripuṇṇavīsativassotveva saṅkhyāṃ gacchati. Yathāha—

Tena kho pana samayena āyasmā Kumāarakassapo gabbhavīso upasampanno hoti. Atha kho āyasmato Kumāarakassapassa etadahosi “Bhagavatā paññattaṃ ‘na ūnavīsativasso puggalo upasampādetabbo’ti, ahañcamhi gabbhavīso upasampanno, upasampanno nukhomhi, na nukho upasampanno”ti. Bhagavato etamatthaṃ ārocesuṃ. Yaṃ bhikkhave mātukucchimhi paṭhamāṃ cittaṃ uppannāṃ, paṭhamāṃ viññāṇāṃ pātubhūtaṃ, tadupādāya sāvassa jāti. Anujānāmi bhikkhave gabbhavīsaṃ upasampādetunti¹.

Tattha yo dvādasamāse mātukucchismiṃ vasitvā mahāpavāraṇāya jāto, so tato paṭṭhāya yāva ekūnavīsatime vasse mahāpavāraṇā taṃ atikkamitvā pāṭipade upasampādetabbo, etenupāyena hāyanavaḍḍhanaṃ veditabbaṃ.

Porāṇakattherā pana ekūnavīsativassaṃ sāmaṇeraṃ nikkhamanīyapuṇṇamāsiṃ atikkamma pāṭipadadivase upasampādentī, taṃ kasmāti. Vuccate, ekasmiṃ vasse cha cātuddasika-uposathā hontī. Iti vīsatiyā vassesu cattāro māsā parihāyanti. Rājāno tatiye tatiye vasse vassaṃ ukkaḍḍhanti, iti aṭṭhārasasu vassesu cha māsā vaḍḍhanti, tato uposathavasena parihīne cattāro māse apanetvā dve māsā avasesā hontī, te dve māse gahetvā vīsativassani paripuṇṇāni hontīti nikkāṅkhā hutvā nikkhamanīyapuṇṇamasīṃ atikkamma pāṭipade upasampādentī. Ettha pana yo pavāretvā vīsativasso bhavissati, taṃ sandhāya “ekūnavīsativassan”ti vuttaṃ. Tasmā yo mātukucchismiṃ dvādasamāse vasi, so ekavīsativasso hoti. Yo sattamāse vasi, so sattamāsādhikavīsativasso. Chamāsajāto pana na jīvati.

406. **Anāpatti ūnavīsativassaṃ paripuṇṇavīsativassasaññīti** ettha kiñcāpi upasampādentassa anāpatti, puggalo pana anupasampannova hoti. Sace pana so dasavassaccayena aññaṃ upasampādeti, tañce muñcitvā gaṇo pūrati, sūpasampanno. Sopi ca yāva na jānāti, tāvassa neva

1. Vi 3. 129 piṭṭhe.

saggantarāyo na mokkhantarāyo, ñatvā pana puna upasampajjitabbaṃ.
Sesaṃ uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, paṇṇattivajjaṃ,
kāyakammaṃ vacīkammaṃ, ticittaṃ, tivedananti.

Ūnavāsativassasikkhāpadaṃ pañcamam.

6. Theyyasatthasikkhāpadavaṇṇanā

407. Chaṭṭhe **paṭiyālokanti** sūriyālokassa paṭimukhaṃ, pacchimadisanti
attho. **Kammiyāti**¹ sunkaṭṭhāne kammikā.

409. **Rājānaṃ vā theyyaṃ gacchantīti** rājānaṃ vā thenetvā vañcetvā
rañño santakaṃ kiñci gahetvā idāni na tassa dassāmāti gacchanti.

411. **Visaṅketenāti** kālavisaṅketena divasavisaṅketena ca gacchato
anāpatti. Maggavisaṅketena pana aṭavivisaṅketena vā āpattiyeva. Sesamettha
bhikkhunivagge vuttanayattā uttānatthameva. Theyyasatthasamuṭṭhānaṃ,
kāyacittato kāyavācācittato ca samuṭṭhāti, kiriyaṃ, saññāvimokkhaṃ,
sacittakaṃ, paṇṇattivajjaṃ, kāyakammaṃ vacīkammaṃ, ticittaṃ,
tivedananti.

Theyyasatthasikkhāpadaṃ chaṭṭhaṃ.

7. Saṃvidhānasikkhāpadavaṇṇanā

412. Sattame **padhūpento nisīdīti** pajjhāyanto attānaṃyeva paribhāsanto
nisīdi. **Nāyyo so bhikkhu maṃ nippātesīti** ayyo ayaṃ bhikkhu maṃ na
nikkhāmesi, na maṃ gahetvā agamāsīti attho. Sesamettha bhikkhuniyā
saddhiṃ saṃvidhānasikkhāpade vuttanayeneva veditabbaṃ saddhiṃ
samuṭṭhānādihīti.

Saṃvidhānasikkhāpadaṃ sattamaṃ.

1. Kammikāti (Sī, Syā)

8. Aritṭhasikkhāpadavaṇṇanā

417. Aṭṭhame gaddhe bādhayimsūti gaddhabādhino, gaddhabādhino pubbapurisā assāti **gaddhabādhipubbo**, tassa gaddhabādhipubbassa, gijjhaghātakakulappasutassāti attho.

Saggamokkhānam antarāyam karontīti **antarāyikā**. Te kammakilesavipāka-upavāda-āṇāvītikkamavasena pañcavidhā. Tattha pañcānantariyakammā kammantarāyikā nāma. Tathā bhikkhunīdūsakakammaṃ, taṃ pana mokkhasseva antarāyam karoti, na saggassa. Niyatamicchādiṭṭhidhammā kilesantarāyikā nāma. Paṇḍakatiracchānagata-ubhatobyañjanakānam¹ paṭisandhidhammā vipākantarāyikā nāma. Ariyūpavādā upavādantarāyikā nāma, te pana yāva ariye na khamāpentī, tāvadeva, na tato param. Sañcicca āpannā āpattiyo āṇāvītikkamantarāyikā nāma, tāpi yāva bhikkhubhāvaṃ vā paṭijānāti na vuṭṭhāti vā na deseti vā, tāvadeva, na tato param.

Tatrāyam bhikkhu bahussuto dhammakathiko sesantarāyike jānāti, vinaye pana akovidattā paṇṇattivītikkamantarāyike na jānāti, tasmā rahogato evaṃ cintesi “ime āgārikā pañca kāmagaṇe paribhuñjantā sotāpannāpi sakadāgāminopi anāgāminopi honti, bhikkhūpi manāpikāni cakkhuviññeyyāni rūpāni passanti -pa- kāyaviññeyye phoṭṭhabbe phusanti, mudukāni attharaṇapāvuraṇādāni paribhuñjanti, etaṃ sabbaṃ vaṭṭanti. Kasmā itthirūpā -pa- itthiphoṭṭhabbā eva na vaṭṭanti, etepi vaṭṭanti”ti. Evaṃ rasena rasam saṃsanditvā sacchandarāgaparibhogañca nicchandarāgaparibhogañca ekam katvā thūlavākehi saddhim atisukhumasuttam ghaṭento viya sāsapena saddhim Sinerum upasamharanto viya pāpakaṃ diṭṭhigataṃ uppādetvā “kim Bhagavatā mahāsamuddam bandhantena viya mahatā ussāhena paṭhamapārājikam paññattam, natthi ettha doso”ti sabbaññutaññāṇena saddhim paṭivirujjhanto bhabbapuggalānam āsam chindanto Jinassa āṇācackke pahāramadāsi. Tenāha “tathāham Bhagavatā dhammam desitam ājānamī”ti-ādi.

1. Ubhatobyañjanakādīnam (Sī)

Aṭṭhikaṅkalūpamāti-ādimhi **aṭṭhikaṅkalūpamā** appassādaṭṭhena. **Maṇṣapesūpamā** bahusādhāraṇaṭṭhena. **Tiṇukkūpamā** anudhanaṭṭhena. **Āṅgārakāsūpamā** mahābhitāpanaṭṭhena. **Supinakūpamā** ittarapaccupaṭṭhānaṭṭhena. **Yācitakūpamā** tāvakālikaṭṭhena. **Rukkhaphalūpamā** sabbaṅgapaccāṅgapalibhañjanaṭṭhena. **Asisūnūpamā** adhikuṭṭanaṭṭhena. **Sattisūlūpamā** vinivijjhaṇaṭṭhena. **Sappasirūpamā** sāsaṅkasappaṭibhayaṭṭhenaṅti ayamettha saṅkhepo. Vitthāro pana Papañcasūdaniyaṃ Majjhimaṭṭhakathāyaṃ¹ gaheṭṭabbo. **Evam byākhoti** evaṃ viya kho. Sesamettha pubbe vuttanayattā uttānameva.

Samanubhāsanasamuṭṭhānaṃ, kāyavācācittato samuṭṭhāti, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Ariṭṭhasikkhāpadaṃ aṭṭhamāṃ.

9. Ukkhittasambhogasikkhāpadavaṇṇanā

424-5. Navame **akaṭṭānudhammenā**ti anudhammo vuccati āpattiyā adassane vā appaṭīkamme vā pāpikāya diṭṭhiyā appaṭīnissagge vā dhammena vinayena Satthusāsanena ukkhittakassa anulomavattaṃ disvā katā osāraṇā, so osāraṇasaṅkhāto anudhammo yassa na kato, ayaṃ akaṭṭānudhammo nāma, tādīsena saddhinti attho. Tenevassa padabhājane “akaṭṭānudhammo nāma ukkhitto anosārito”ti vuttaṃ.

Deṭi vā paṭiggaṇhāti vāti ekapayogena bahumpi dadato vā gaṇhato vā ekaṃ pācittiyaṃ. Vicchinditvā vicchinditvā dentassa ca gaṇhantassa ca payogagaṇanāya pācittiyāni. Sesamettha uttānameva. Tisamuṭṭhānaṃ, kīriyaṃ, saññāvimokkhaṃ, sacittakaṃ, paṇṇattivaajjaṃ, kāyakammaṃ vacīkammaṃ, ticittaṃ, tivedananti.

Ukkhittasambhogasikkhāpadaṃ navamaṃ.

1. Ma 1. 182 piṭṭhe Alagaddūpamasuttavaṇṇanāyaṃ;

Ma 2. 27 piṭṭhe Potalisuttavaṇṇanāyaṃ.

10. Kaṇṭakasikkhāpadavaṇṇanā

428. Dasame **ditṭhigataṃ uppananti** Ariṭṭhassa viya etassāpi ayoniso ummujjantassa uppannaṃ. **Nāsetūti** ettha tividhā nāsanā saṃvāsanāsanā liṅganāsanā daṇḍakammanāsanāti. Tattha āpattiyā adassanādīsu ukkhepanā saṃvāsanāsanā nāma. “Dūsako nāsetabbo¹ Mettiyaṃ bhikkhuniṃ nāsethā”²ti² ayaṃ liṅganāsanā nāma. “Ajjatagge te āvuso samaṇuddesa na ceva so Bhagavā satthā apadisitabbo”³ti ayaṃ daṇḍakammanāsanā nāma. Ayaṃ idha adhippetā. Tenāha “evañca pana bhikkhave nāsetabbo -pa-vinassā”³ti. Tattha **carāti** gaccha. **Pireti**³ para amāma. **Vinassāti** nassa, yattha te na passāma, tattha gacchāti.

429. **Upalāpeyyāti** saṅgaṇheyya. **Upaṭṭhāpeyyāti** tena attano upaṭṭhānaṃ kārapēyya. Sesam Ariṭṭhasikkhāpade vuttanayeneva veditabbaṃ saddhiṃ samuṭṭhānādīhīti.

Kaṇṭakasikkhāpadaṃ dasamaṃ.

Samatto vaṇṇanākkamena Sappāṇakavaggo sattamo.

8. Sahadhammikavagga

1. Sahadhammikasikkhāpadavaṇṇanā

434. Sahadhammikavaggassa paṭhamasikkhāpade **etasmim sikkhāpadeti** etasmim sikkhāpade yaṃ vuttaṃ, taṃ na tāva sikkhissāmi. **Āpatti pācittiyassāti** ettha pana vācāya vācāya āpatti veditabbā. **Sikkhamānena bhikkhave bhikkhunāti** ovādaṃ sirasā sampaṭicchitvā sikkhitukāmeneva hutvā ājānitabbañceva pucchitabbañca upaparikkhitabbañca. Sesamettha dubbacasikkhāpade vuttanayeneva padatthato veditabbaṃ. Vinicchayato uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Sahadhammikasikkhāpadaṃ paṭhamaṃ.

1. Vi 1. 41 piṭṭhe.

2. Vi 1. 249 piṭṭhe.

3. Pāreṭi (Sī)

2. Vilekhanasikkhāpadavaṇṇanā

438. Dutiye **vinayakatham kathetīti** vinayakathā nāma kappiyākappiya-āpattānāpattisaṃvarapahānapaṭisaṃyuttakathā, taṃ katheti. **Vinayassa vaṇṇam bhāsati**ti vinayassa vaṇṇo nāma pañcannampi sattannampi āpattikkhandhānam vasena mātikaṃ nikkhipitvā padabhājanena vaṇṇanā, taṃ bhāsati. **Vinayapariyattiyā vaṇṇam bhāsati**ti vinayam pariyaṇṇantānam vinayapariyattimūlakam vaṇṇam guṇam ānisaṃsam bhāsati. vinayadharo hi vinayapariyattimūlake pañcānisamse chānisamse sattānisamse aṭṭhānisamse navānisamse dasānisamse ekādasānisamse ca labhati, te sabbe bhāsati attho. Katame pañcānisamse labhati. Attano sīlakkhandhasugutti-ādike. Vuttañhetam—

“Pañcime bhikkhave ānisaṃsā vinayadhare puggale, attano sīlakkhandho sugutto hoti surakkhito, kukkucapakatānam paṭisaraṇam hoti, visārado saṃghamajjhe voharati, paccatthike sahadhammena suniggahitam niggaṇhāti, saddhammatṭhitiyā paṭipanno hoti”¹.

Kathamassa **attano sīlakkhandho sugutto hoti surakkhito?** Idhekacco bhikkhu āpattim āpajjanto **chahākārehi āpajjati** alajjitā aññānatā kukkucapakatā akappiye kappiyasaññitā kappiye akappiyasaññitā satisammosāti.

Katham **alajjitāya** āpattim āpajjati. Akappiyabhāvam jānantoyeva madditvā vītikkamaṃ karoti, vuttampi cetam—

“Sañcicca āpattim āpajjati, āpattim parigūhati.

Agatigamañca gacchati, ediso vuccati alajjipuggalo”².

Katham **aññānatāya** āpajjati. Aññānapuggalo hi mando momūho kattabbākattabbam ajānanto akattabbam karoti, kattabbam virādheti. Evaṃ aññānatāya āpajjati.

1. Vi 5. 236 piṭṭhe.

2. Vi 5. 279 piṭṭhe.

Kathaṃ **kukkucapakatatāya** āpajjati. Kappiyākappiyaṃ nissāya kukkucce uppanne vinayadharaṃ pucchitvā kappiyañce, kattabbaṃ siyā, akappiyañce, na kattabbaṃ, ayaṃ pana “vaṭṭati”ti madditvā vītikkamatiyeva. Evaṃ kukkucapakatatāya āpajjati.

Kathaṃ **akappiye kappiyasaññitāya** āpajjati. Acchamaṃsaṃ sūkaramaṃsanti khādanti, dīpimaṃsaṃ migamaṃsanti khādanti, akappiyabhojanaṃ kappiyabhojananti bhuñjati, vikāle kālasaññāya bhuñjati, akappiyapānakaṃ kappiyapānakanti pivati. Evaṃ akappiye kappiyasaññitāya āpajjati.

Kathaṃ **kappiye akappiyasaññitāya** āpajjati. Sūkaramaṃsaṃ acchamaṃsanti khādanti, migamaṃsaṃ dīpimaṃsanti khādanti, kappiyabhojanaṃ akappiyabhojananti bhuñjati, kāle vikālasaññāya bhuñjati, kappiyapānakaṃ akappiyapānakanti pivati. Evaṃ kappiye akappiyasaññitāya āpajjati.

Kathaṃ **satisammosāya** āpajjati. Sahaseyya cīvara vippavāsa bhesajjacīvarakālātikkananapaccayā āpattiñca satisammosāya āpajjati. Evamidhekacco bhikkhu imehi **chahākārehi āpattiṃ** āpajjati.

Vinayadharo pana imehi **chahākārehi āpattiṃ nāpajjati**. Kathaṃ **lajjitāya** nāpajjati. So hi “passatha bho, ayaṃ kappiyākappiyaṃ jānantoyeva paṇṇattivītikkamaṃ karoti”ti imaṃ parūpavādaṃ rakkhantopi nāpajjati. Evaṃ lajjitāya nāpajjati. Sahasā āpannampi desanāgāminim desetvā vuṭṭhānagāminiyā vuṭṭhahitvā suddhante¹ patiṭṭhāti. Tato—

Sañcicca āpattiṃ na āpajjati, āpattiṃ² na parigūhati.

Agatigamañca na gacchati, ediso vuccati lajjipuggaloti³—

Imasmim lajjibhāve patiṭṭhitova hoti.

Kathaṃ **ñāṇatāya** nāpajjati. So hi kappiyākappiyaṃ jānāti, tasmā kappiyameva karoti, akappiyaṃ na karoti. Evaṃ ñāṇatāya nāpajjati.

Kathaṃ **akukkucapakatatāya** nāpajjati. So hi kappiyākappiyaṃ nissāya kukkucce uppanne vatthuraṃ oloketvā mātikaṃ padabhājanam

1. Suddhatte (Sī)

2. Āpannam (Sī)

3. Vi 5. 279 piṭṭhe.

antarāpattim āpattim anāpattiṅca oloketvā kappiyañce hoti, karoti, akappiyañce, na karoti. Evaṃ akukkucapakatatāya nāpajjati.

Katham **akappiyādisaññitāya** nāpajjati. So hi kappiyākappiyam jānāti, tasmā akappiye kappiyasaññi na hoti, kappiye akappiyasaññi na hoti, suppatiṭṭhitā¹ cassa sati hoti, adhiṭṭhātabbam adhiṭṭheti, vikappetabbam vikappeti. Iti imehi chahākārehi āpattim nāpajjati. Āpattim anāpajjanto akhaṇḍasīlo hoti parisuddhasīlo. Evamassa attano sīlakkhandho sugutto hoti surakkhito.

Katham **kukkucapakatānam paṭisaraṇam hoti**. Tiroraṭṭhesu tirojanapadesu ca uppannakukkucā bhikkhū “asukasmiṃ kira vihāre vinayadharo vasatī”ti dūratopi tassa santikaṃ āgantvā kukkucam pucchanti, so tehi katassa kammassa vatthum oloketvā āpattānāpattigarukalahukādibhedam sallakkhetvā desanāgāminim desāpetvā vuṭṭhānagāminiyā vuṭṭhāpetvā suddhante patiṭṭhāpeti. Evaṃ kukkucapakatānam paṭisaraṇam hoti.

Visārado saṃghamajjhe voharatīti avinayadharassa hi saṃghamajjhe kathentassa bhayam sārjam okkamati, vinayadharassa tam na hoti. Kasmā? “Evaṃ kathentassa doso hoti, evam na doso”ti ñatvā kathanato.

Paccatthike sahadhammena suniggahitam niggaṇhātīti ettha dvidhā paccatthikā nāma attapaccatthikā ca sāsanapaccatthikā ca. Tattha Metthiyabhummajakā ca bhikkhū vaḍḍho ca Licchavī amūlakena antimavatthunā codesum, ime attapaccatthikā nāma. Ye vā panaññepi dussīlā pāpadhammā, sabbe te attapaccatthikā. Viparītadassanā pana Ariṭṭhabhikkhukaṇṭakasāmaṇeravesālikavajjiputtakā parūpahāra-aññāṇakaṅkhāparavitarāṇādivādā Mahāsaṃghikādayo ca abuddhasāsanam “Buddhasāsanam”ti vatvā katapaggahā sāsanapaccatthikā nāma. Te sabbepi sahadhammena sakāraṇena vacanena yathā tam asaddhammam patiṭṭhāpetum na sakkonti, evam suniggahitam katvā niggaṇhāti.

1. Sūpaṭṭhitā (?)

Saddhammaṭṭhitiyā paṭipanno hotīti ettha pana tividho saddhammo pariyattipaṭipatti-adhigamavasena. Tattha Tepiṭakam Buddhavacanam **pariyattisaddhammo** nāma. Terasa dhutaṅgaguṇā cuddasa khandhakavattāni dve-asīti mahāvattānīti ayam **paṭipattisaddhammo** nāma. Cattāro maggā ca phalāni cāti ayam **adhigamasaddhammo** nāma.

Tattha keci therā “yo vo Ānanda mayā dhammo ca vinayo ca desito pañṇatto, so vo mamaccayena satthā”¹ti iminā suttena “**sāsanassa pariyattimūlan**”ti vadanti. Keci thero “ime ca Subhadda bhikkhū sammā vihareyyum, asuñño loko arahantehi assā”²ti iminā suttena “**sāsanassa paṭipatti mūlan**”ti vatvā “yāva pañca bhikkhū sammā paṭipannā samvijjanti, tāva sāsanam ṭhitam hotī”ti āhaṃsu. Itare pana therā “pariyattiyā antarahitāya suppaṭipannassapi dhammābhisamayo natthī”ti āhaṃsu. Sace pañca bhikkhū cattāri pārājikāni rakkhaṇakā honti, te saddhe kulaputte pabbājetvā paccantime janapade upasampādetvā dasavaggaṃ gaṇam pūretvā majjhime janapadepi upasampadam karissanti, etenupāyena vīsativaggagaṇam saṅgham pūretvā attanopi abbhānakammaṃ katvā sāsanam vuḍḍhim virūḷhim vepullaṃ gamayissanti. Evamayaṃ vinayadharo tividhassāpi saddhammassa ciraṭṭhitiyā paṭipanno hotīti evamayaṃ vinayadharo ime tāva pañcānisaṃse paṭilabhatīti veditabbo.

Katame cha ānisaṃse labhatīti. Tassādheyyo uposatho, pavāraṇā, saṅghakammaṃ, pabbajjā, upasampadā, nissayaṃ deti sāmaṇeraṃ upaṭṭhāpeti.

Ye ime cātuddasiko, pannarasiko, sāmaggi-uposatho, saṅghe uposatho, gaṇe, puggale uposatho, suttuddeso, pārīsuddhi, adhiṭṭhāna-uposatho nava uposathā, sabbe te vinayadharāyattā.

Yāpi ca imā cātuddasikā, pannarasikā, sāmaggipavāraṇā, saṅghe pavāraṇā, gaṇe, puggale pavāraṇā, tevācikā, dvevācikā, samānavassikā pavāraṇāti nava pavāraṇāyo, tāpi vinayadharāyattā eva, tassa santakā, so tāsam sāmi.

1. Dī 2. 126-7 piṭṭhe.

2. Dī 2. 125 piṭṭhe.

Yānipi imāni apalokanakammaṃ ñattikammaṃ ñattidutiyakammaṃ ñatticatutthakammanti cattāri saṃghakammāni, tāni vinayadharāyattāni.

Yāpi cāyaṃ upajjhāyena hutvā kulaputtānaṃ pabbajjā ca upasampadā ca kātabbā, ayampi vinayadharāyattāva. Na hi añño dvipiṭakadharopi etaṃ kātuṃ labhati. So eva nissayaṃ deti, sāmaṇeraṃ upaṭṭhāpeti. Añño neva nissayaṃ dātuṃ labhati, na sāmaṇeraṃ upaṭṭhāpetuṃ. Sāmaṇerūpaṭṭhānaṃ paccāsīsanto pana vinayadharassa santike upajjhaṃ gāhāpetvā vattapaṭivattim¹ sādituṃ labhati. Ettha ca nissayadānañceva sāmaṇerūpaṭṭhānañca ekamaṅgaṃ.

Iti imesu chasu ānisaṃsesu ekena saddhiṃ purimā pañca cha honti, dvīhi saddhiṃ satta, tīhi saddhiṃ aṭṭha, catūhi saddhiṃ nava, pañcahi saddhiṃ dasa, sabbehipetehi saddhiṃ ekādasāti evaṃ vinayadharo puggalo pañca cha satta aṭṭha nava dasa ekādasa ca ānisaṃse labhatīti veditabbo. Evaṃ Bhagavā ime ānisaṃse dassento vinayapariyattiyā vaṇṇaṃ bhāsātīti veditabbo.

Ādissa ādissāti punappunaṃ vavatthapetvā visuṃ visuṃ katvā.
Āyasmato Upālissa vaṇṇaṃ bhāsātīti vinayapariyattim nissāya Upālithherassa guṇaṃ bhāsati thometi pasaṃsati. Kasmā? Appeva nāma mama vaṇṇanaṃ sutvāpi bhikkhū Upālissa santike vinayaṃ uggahetabbaṃ pariyāpuṇitabbaṃ maññeyyūṃ, evamidaṃ sāsanaṃ addhaniyaṃ bhavissati, pañcavassasahassāni pavattissatīti.

Tedha bahū bhikkhūti te imaṃ Bhagavato vaṇṇanaṃ sutvā “ime kirānisaṃse neva suttantikā, na ābhidhammikā labhantī”ti yathāparikittitānisaṃsādhigame ussāhajātā bahū bhikkhū therā ca navā ca majjhimā ca āyasmato Upālissa santike vinayaṃ pariyāpuṇantīti ayamettha attho. **Idhāti** nipātamattameva.

439-40. **Uddissamāneti** ācariyena antevāsikassa uddissamāne, so pana yasmā ācariye attano ruciyā uddisante vā ācariyaṃ

1. Vattappaṭivattam (Sī)

yācivā antevāsikena¹ uddisāpente vā yo naṃ dhāreti, tasmim sajjhāyaṃ karonte vā uddissamāno nāma hoti, tasmā “uddisante vā uddisāpente vā sajjhāyaṃ vā karonte”ti padabhājanam vuttam. **Khuddānukhuddakehī** khuddakehi ca anukhuddakehi ca. **Yāvadevā**ti tesam saṃvattanamarīyādaparichedavacanam. Idam vuttam hoti, etāni hi ye uddisanti uddisāpenti sajjhāyanti vā, tesam tāva saṃvattanti, yāva “kappati nu kho, na kappati nu kho”ti kukkuccasaṅkhāto vippaṭisāro, vihesā, vicikicchasaṅkhāto manovilekko ca uppajjatiyeva. Atha vā **yāvadevā**ti atisayavavatthāpanam, tassa saṃvattantīti iminā sambandho, kukkuccāya vihesāya vilekhāya ativiya saṃvattantiyevāti vuttam hoti. **Upasampannassa vinayam vivaṇṇetī**ti upasampannassa santike tassa tasmim vimatim uppādetukāmo vinayam vivaṇṇeti nindati garahati. Sesametta uttānameva.

Tisamuṭṭhānam, kiriyam, saññāvimokkham, sacittakam, lokavajjam, kāyakammam vacīkammam, akusalacittam, dukkhavedananti.

Vilekhanasikkhāpadam dutiyam.

3. Mohanasikkhāpadavaṇṇanā

444. Tatiye **anvaddhamāsanti** anupaṭipāṭiyā addhamāse addhamāse, yasmā pana so uposathadivase uddisiyati, tasmā “anuposathikan”ti padabhājane vuttam. **Uddissamāneti** uddisiyamāne. Yasmā pana so pātimokkhuddesake uddisante² uddisiyamāno nāma hoti, tasmā “uddisante”ti padabhājane vuttam. **Yañca tattha āpattim āpannoti** tasmim anācāre ciṅṅe yaṃ āpattim āpanno. **Yathā dhammo kāretabboti aññāṇena āpannatā** tassā āpattiyā mokkho natthi, yathā pana dhammo ca vinayo ca ṭhito, tathā kāretabbo. Desanāgāminiñce āpanno hoti, desāpetabbo, vuṭṭhānagāminiñce, vuṭṭhāpetabboti attho. **Sādhukanti suṭṭhu. Aṭṭhim katvā**ti atthikabhāvam katvā, atthiko hutvāti vuttam hoti.

1. Antevāsike (Sī, Syā)

2. Pātimokkhuddesakena (Ka)

447. **Dhammakammeti**-ādīsu mohāropanakammaṃ adhippetam. Sesamettha uttānameva. Tisamuṭṭhānaṃ, kiriyaṃ, saññāvimokkham, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Mohanasikkhāpadaṃ tatiyaṃ.

4. Pahārasikkhāpadavaṇṇanā

449. Catutthe **pahāraṃ detīti** āvuso pīṭhakaṃ paññapetha, pādadhovanaṃ āharathāti-ādīni vatvā tathā akarontānaṃ pahāraṃ denti.

451. **Pahāraṃ deti**, āpatti pācittiyassāti ettha paharitukāmatāya pahāre dīne sacepi marati, pācittiyameva. Pahārena hattho vā pādo vā bhijjati, sīsaṃ vā bhinnaṃ¹ hoti, pācittiyameva. Yathāyaṃ saṃghamajjhe na viroceti, tathā naṃ karomīti evaṃ virūpakaraṇādhippāyena kaṇṇaṃ vā nāsaṃ vā chindati, dukkaṭaṃ.

452. **Anupasampannassāti** gahaṭṭhassa vā pabbajitassa vā itthiyā vā purisassa vā antamaso tiracchānagatassāpi pahāraṃ deti, dukkaṭaṃ. Sace pana rattacitto itthiṃ paharati, saṃghādiseso.

453. **Kenaci viheṭṭhiyamānoti** manussena vā tiracchānagatena vā viheṭṭhiyamāno. **Mokkhādhippāyoti** tato attano mokkhaṃ patthayamāno. **Pahāraṃ detīti** kāyakāyapaṭibaddhanissaggiyānaṃ aññatarena pahāraṃ deti, anāpatti. Sacepi antarāmage coraṃ vā paccatthikaṃ vā viheṭṭhetukāmaṃ disvā “upāsaka ettheva tiṭṭha, mā āgamī”²ti² vatvā vacanaṃ anādiyitvā āgacchantaṃ “gaccha re”²ti muggarena vā satthakena vā paharivā yāti, so ce tena pahārena marati anāpattiyeva. Vāḷamigesupi eseva nayo. Sesamettha uttānameva. Samuṭṭhānādīni panassa paṭhamapārājikasadisāni, idaṃ pana dukkhavedananti.

Pahārasikkhāpadaṃ catutthaṃ.

1. Chiddaṃ (Sī, Ka)

2. Mā āgamāti (Sī), mā āgamitthāti (Ka)

5. Talasattikasikkhāpadavaṇṇanā

454. Pañcame **talasattikaṃ uggirantī**ti pahāradānākāraṃ dassetvā kāyampi kāyapaṭibaddhampi uccārenti. **Te pahārasamuccitā rodantī**ti te pahāraparicitā pubbepi laddhapahārattā idāni ca pahāraṃ dassantīti maññamānā rodantīti attho. Pahārassa muccitātipi sajjhāyanti, tattha pahārassa bhītāti attho.

457. **Uggirati āpatti pācittiyassā**ti ettha sace uggiritvā viraddho pahāraṃ deti, avassaṃ dhāretuṃ asakkontassa pahāro sahasā patati, na paharitukāmatāya dinnattā dukkaṭaṃ. Tena pahārena hatthādīsu yaṃkiñci bhijjati, dukkaṭameva.

458. **Mokkhādhippāyo talasattikaṃ uggiratī**ti ettha pubbe vuttesu vatthūsu purimanayeneva talasattikaṃ uggirantassa anāpatti. Sacepi virajjhivā pahāraṃ deti, anāpattiyeva. Sesāṃ purimasadisameva saddhim samuṭṭhānādīhīti.

Talasattikasikkhāpadam pañcamam.

6. Amūlakasikkhāpadavaṇṇanā

459. Chaṭṭhe **anuddhaṃsentī**ti te kira sayam ākiñṇadosattā “evam bhikkhū amhe neva codessanti na sāressanti”ti attaparittāṇaṃ karontā paṭikacceva bhikkhū amūlakena saṃghādisesena codenti. Sesamettha terasakamhi amūlakasikkhāpade vuttanayattā uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Amūlakasikkhāpadam chaṭṭham.

7. Sañciccaṃsikkhāpadavaṇṇanā

464. Sattame **upadahantī**ti uppādentī. **Kukkuccaṃ upadahati, āpatti pācittiyassā**ti vācāya vācāya āpatti. **Anupasampannassā**ti

sāmaṇerassa. Mātugāmena saddhiṃ raho maññe tayā nisinnaṃ nipannaṃ bhuttaṃ pītaṃ, saṃghamaññe idaṅcidaṅca katanti-ādinā nayena kukkuccaṃ upadahati, vācāya vācāya dukkaṭaṃ. Sesamettha uttānameva. Samuṭṭhānādīnipi amūlakasadisānevāti.

Sañciccāsikkhāpadaṃ sattamaṃ.

8. Upassutisikkhāpadavaṇṇanā

471. Aṭṭhame **adhikaraṇajātānanti** etehi bhaṇḍanādīhi uppannavivādādhikaraṇānaṃ. **Upassutinti** sutisamīpaṃ, yattha ṭhatvā sakkā hoti tesāṃ vacanaṃ sotuṃ, tatthāti attho. **Gacchati, āpatti dukkaṭassāti** ettha padavāre padavāre dukkaṭaṃ. **Mantentanti** aññena saddhiṃ aññasmiṃ mantayamāne, mantenteti vā pāṭho, ayamevattho.

473. **Vūpasamissāmīti** upasamaṃ gamissāmi kalahaṃ na karissāmi. **Attānaṃ parimocessāmīti** mama akāraḥabhāvaṃ kathetvā attānaṃ mocessāmi. Sesamettha uttānameva.

Theyyasatthasamuṭṭhānaṃ kāyacittato kāyavācācittato ca samuṭṭhāti, siyā kiriyaṃ sotukāmatāya gamanavasena, siyā akiriyaṃ ṭhitaṭṭhānaṃ āgantvā mantayamānānaṃ ajānāpanavasena, rūpiyaṃ aññavādakaṃ upassutīti imāni hi tīni sikkhāpadāni ekaparicchedāni. Saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Upassutisikkhāpadaṃ aṭṭhamaṃ.

9. Kammaṭṭhānaṃ sikkhāpadavaṇṇanā

474. Navame **sace ca mayaṃ jāneyyāmāti** sace mayaṃ jāneyyāma. Cakāro pana nipātamattameva. **Dhammikānanti** dhammena vinayena Satthusāsanena katattā dhammo etesu atthīti dhammikāni, tesāṃ dhammikānaṃ catunnaṃ saṃghakammaṇānaṃ. **Khiyyati, āpatti pācittiyassāti** ettha vācāya vācāya

pācittiyam. Sesam uttānameva. Tisamuṭṭhānam, kiriyaṃ, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedananti.

Kammaṇḍibāhanasikkhāpadaṃ navamaṃ.

10. Chandaṃ adatvā gamanasikkhāpadavaṇṇanā

481. Dasame **vatthu vā ārocitanti** codakena ca cuditakena ca attano kathā kathitā, anuvijjako sammato, ettāvatāpi vatthumeva ārocitam hoti. Sesamettha uttānameva.

Dhuranikkhepasamuṭṭhānam kāyavācācittato samuṭṭhāti, kiriyākiriyaṃ, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedananti.

Chandaṃ adatvā gamanasikkhāpadaṃ dasamaṃ.

11. Dubbalasikkhāpadavaṇṇanā

486. Ekādasame **yathāmittatāti** yathāmittatāya, yo yo mitto, tassa tassa detīti vuttam hoti. Esa nayo sabbapadesu. Sesam ujjhāpanakādīsū vuttanayattā uttānatthameva.

Tisamuṭṭhānam, kiriyaṃ, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedananti.

Dubbalasikkhāpadaṃ ekādasamaṃ.

12. Pariṇāmanasikkhāpadavaṇṇanā

489. Dvādasame yaṃ vattabbaṃ siyā, taṃ sabbam timsake Pariṇāmanasikkhāpade vuttanayameva. Ayameva hi viseso—tattha attano pariṇāmitattā nissaggiyaṃ pācittiyam, idha puggalassa pariṇāmitattā suddhikapācittiyanti.

Tisamuṭṭhānaṃ, kiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Pariṇāmanasikkhāpadaṃ dvādasamaṃ.

Samatto vaṇṇanākkamena Sahadhammikavaggo aṭṭhamo.

9. Ratanavagga

1. Antepurasikkhāpadavaṇṇanā

494. Rājavaggassa paṭhamasikkhāpade **orakoti** parittako. **Uparipāsādavaragatoti** pāsādavarassa uparigato. **Ayyānaṃ vāhasāti** ayyānaṃ kāraṇā, tehi jānāpitattā jānāmīti vuttaṃ hoti.

497. **Pitaraṃ patthetīti** antaraṃ passivā ghātetuṃ icchati. **Rājantepuraṃ hatthisammaddanti**-ādīsu hatthīhi sammaddo etthāti **hatthisammaddaṃ**, hatthisambādanti attho. **Assarathasammaddapadepi** eseva nayo. Sammatanti¹ keci paṭhanti, taṃ na gahetabbaṃ. Rañño antepure hatthisammaddantipi pāṭho, tattha hatthīnaṃ sammaddaṃ hatthisammaddanti attho, rañño antepure hatthisammaddo atthīti vuttaṃ hoti. Esa nayo sesapadesupi. **Rajanīyānīti** tasmīṃ antepure edisāni rūpādīni.

498. **Muddhāvasittassāti** muddhani avasittassa. Anikkhanto rājā itoti anikkhantarājakaṃ. Tasmīṃ **anikkhantarājake**, sayanighareti attho. Ranaṃ vuccati mahesī, niggatanti² nikkhantaṃ, aniggataṃ³ ratanaṃ itoti aniggataratanaṃ, tasmīṃ **aniggataratanaṃ**⁴, sayanighareti attho. Sesamettha uttānameva.

Kathinasamuṭṭhānaṃ kāyavācato kāyavācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Antepurasikkhāpadaṃ paṭhamaṃ.

1. Sammatanti (Sī, Syā), samatthanti (Ka)
3. Anībhataṃ (Sī, Syā)

2. Nībhatanti (Sī, Syā)
4. Anībhataratanaṃ (Sī, Syā)

2. Ratanasikkhāpadavaṇṇanā

502-3. Dutiye **vissarivā**ti pamussitvā¹. **Puṇṇapattam** nāma satato pañca kahāpaṇā. **Kyāham karissāmī**ti kim aham karissāmi. **Ābharaṇam omuñcivā**ti Mahālatam nāma navakoṭi-agghanakam alaṅkāram apanetvā.

504. **Antevāsī**ti paricārako.

506. **Aparikkhittassa upacā**roti ettha upacāro nāma ārāmassa dve leḍḍupātā, āvasathassa pana suppapāto vā musalapāto vāti Mahāpaccariyam vuttam. **Uggaṇhāti, āpatti pācittiyassā**ti ettha jātarūparajataṃ attano atthāya uggaṇhantassa vā uggaṇhāpentassa vā nissaggiyam pācittiyam, saṃhagaṇapuggalacetiyanaṅgammānam atthāya dukkaṭam, avasesam muttādiratanam attano vā saṃghādīnam vā atthāya uggaṇhantassa vā uggaṇhāpentassa vā dukkaṭam. Kappiyavattu vā akappiyavattu vā hotu, antamaso mātu kaṇṇapiḷandhanatālapaṇṇampi gihisantakam bhaṇḍāgārikasīsenā paṭisāmetassa pācittiyameva.

Sace pana mātāpitūnam santakam avassam paṭisāmetabbam kappiyabhaṇḍam hoti, attano atthāya gahetvā paṭisāmetabbam. Idam paṭisāmetvā dehīti vutte pana na vaṭṭatīti paṭikkhipitabbam. Sace paṭisāmeḥīti pātetvā gacchanti, palibodho nāma hoti, paṭisāmetum vaṭṭati. Vihāre kammam karontā vaḍḍhakī-ādayo vā rājavallabhā vā attano upakaraṇabhaṇḍam vā sayanabhaṇḍam vā paṭisāmetvā dethāti vadanti, chandenapi bhayenapi na kātabbameva, gutthaṭhānam pana dassetum vaṭṭati. Balakkārena pātetvā gatesu ca paṭisāmetum vaṭṭati.

Ajjhārāme vā ajjhāvasathe vāti ettha sace mahāvihārasadiso mahārāmo hoti, tattha pākāraparikkhite pariveṇe yattha bhikkhūhi vā sāmaṇerehi vā gahitam bhavissatīti saṅkā uppajjati, tādise eva ṭhāne uggaṇhitvā vā uggaṇhāpetvā vā ṭhapetabbam. Mahābodhidvārakoṭṭhaka-ambaṅgaṇasadisesu² pana mahājanasaṅcaraṇaṭṭhānesu na gahetabbam, palibodho na hoti. Kurundiyam pana vuttam “eko maggam gacchanto nimanussaṭṭhāne kiñci bhaṇḍam passati, ākiṇṇamanussepi jāte manussā

1. Sammussitvā (Sī)

2. Mahābodhidvāraka-ambaṅgaṇasadisesu (Sī)

tameva bhikkhum āsaṅkanti, tasmā maggā okkamma nisīditabbaṃ. Sāmikesu āgatesu taṃ ācikkhitabbaṃ. Sace sāmike na passati, patirūpaṃ karissatī”ti.

Rūpena vā nimittena vā saññānaṃ katvāti ettha rūpaṃ nāma antobhaṇḍikāya bhaṇḍaṃ, tasmā bhaṇḍikaṃ muñcitvā gaṇetvā ettakā kahāpaṇā vā jātarūparajataṃ vāti sallakkhetabbaṃ. **Nimittanti** lañchanādi, tasmā lañchitāya bhaṇḍikāya mattikālañchananti vā lākhālañchananti vā nīlapilotikāya bhaṇḍikā katāti vā, setapilotikāya katāti vā evamādi sabbaṃ sallakkhetabbaṃ.

Bhikkhū patirūpāti lajjino kukkuccakā. Lolajātikānaṃ hi hatthe ṭhapetuṃ na labhati. Yo pana neva tamhā āvāsā pakkamati, na sāmike passati, tenāpi attano cīvarādimūlaṃ na kātabbaṃ, thāvaram paṇa senāsaṇaṃ vā cetiyaṃ vā pokkharāṇī vā kāretabbā. Sace dīghassa addhuno accayena sāmiko āgacchati, “upāsaka tava santakena idaṃ nāma kataṃ, anumodāhi”ti vattabbo. Sace anumodati, iccetaṃ kusalaṃ. No ce anumodati, “mama dhanam dethā”ti codetiyeva, aññaṃ samādapetvā dātabbaṃ.

507. **Ratanasammataṃ vissāsaṃ gaṇhātī**-ādīsu amāsameva sandhāya vuttaṃ, anāmāsaṃ na vaṭṭatiyeva. Sesamettha uttānameva. Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Ratanasikkhāpadaṃ dutiyaṃ.

3. Vikālagāmappavisanasikkhāpadavaṇṇanā

508. Tatiye **tiracchānakathanti** ariyamaggassa tiracchānabhūtaṃ kathaṃ. **Rājakathanti** rājapaṭisaṃyuttaṃ kathaṃ. **Corakathā**disupi eseva nayo.

512. **Santaṃ bhikkhunti** ettha yaṃ vattabbaṃ, taṃ Cārittāsikkhāpade vuttameva. Sace sambahulā kenaci kammaṃ gāmaṃ pavisanti, “vikāle gāmappavesanaṃ

āpucchāmi”ti sabbehi aññamaññaṃ āpucchitabbaṃ. Tasmim̐ gāme taṃ kammaṃ na sampajjatīti aññaṃ gāmaṃ gacchanti, gāmasatampi hotu, puna āpucchana-kiccaṃ natthi. Sace pana ussāhaṃ paṭippassambhetvā vihāraṃ gacchantā antarā aññaṃ gāmaṃ pavisitukāmā honti, puna āpucchitabbameva.

Kulaghare vā āsanasālāya vā bhattakiccaṃ katvā telabhikkhāya vā sappibhikkhāya vā caritukāmo hoti, sace passe bhikkhu atthi, āpucchitvā gantabbaṃ. Asante natthīti gantabbaṃ. Vīthim̐ otarivā bhikkhum̐ passati, āpucchana-kiccaṃ natthi, anāpucchitvāpi caritabbameva. Gāmamajjhena maggo hoti, tena gacchantassa telādibhikkhāya carissāmīti citte uppanne sace passe bhikkhu atthi, āpucchitvā caritabbaṃ. Maggā anokkamma bhikkhāya carantassa pana āpucchana-kiccaṃ natthi, aparikkhittassa gāmassa upacāro adinnādāne vuttanayeneva veditabbo.

515. **Antarārāmanti**-ādīsu na kevalaṃ anāpucchā, kāyabandhanaṃ abandhitvā saṅghāṭim̐ apārupitvā gacchantassapi anāpatti. **Āpadāsūti** siho vā byaggho vā āgacchati, megho vā uṭṭheti, añño vā koci upaddavo uppajjati, anāpatti. Evarūpāsu āpadāsu bahigāmato antogāmaṃ pavisitum̐ vaṭṭati. Sesamettha uttānameva.

Kathinasamuṭṭhānaṃ kāyavācato kāyavācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Vikālagāmappavisanasikkhāpadaṃ tatiyaṃ.

4. Sūciḡharasikkhāpadavaṇṇanā

517-20. Catutthe bhedanameva bhedanakaṃ, taṃ assa atthīti bhedanakameva. **Araṇiketi** araṇidhanuke. **Vidheti** vedhake¹. Sesamettha uttānameva. Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Sūciḡharasikkhāpadaṃ catutthaṃ.

1. Vīṭheti vīṭhake (Sī), vītheti vīthake (Syā)

5. Mañcasikkhāpadavaṇṇanā

522. Pañcame **chedanakam** vuttanayameva.

525. **Chanditvā paribhuñjati** ettha sace na chinditukāmo hoti, bhūmiyaṃ nikaṇṭitvā pamāṇaṃ upari dasseti, uttānaṃ vā katvā paribhuñjati, ukkhipitvā vā tulāsaṅghāṭe ṭhapetvā aṭṭaṃ katvā paribhuñjati, sabbaṃ vaṭṭati. Sesamettha uttānameva. Chasamuṭṭhānaṃ.

Mañcasikkhāpadaṃ pañcamaṃ.

6. Tūlonaddhasikkhāpadavaṇṇanā

526. Chaṭṭhe tūlaṃ onaddhametthāti **tūlonaddham**, tūlaṃ pakkhipitvā upari cimilikāya onaddhanti vuttaṃ hoti. Sesamettha uttānameva. Chasamuṭṭhānaṃ.

Tūlonaddhasikkhāpadaṃ chaṭṭhaṃ.

7. Nisīdanasikkhāpadavaṇṇanā

531-4. Sattame **nisīdanaṃ anuññātaṃ hotīti** kattha anuññātaṃ? Cīvarakkhandhake Paṇītabhojanavatthusmiṃ. Vuttaṃ hi tattha “anujānāmi bhikkhave kāyaguttiyā cīvaraguttiyā senāsanaguttiyā nisīdanaṃ”¹. **Seyyathāpi purāṇāsikoṭṭho**ti yathā nāma purāṇacammakāroti attho. Yathā hi cammakāro cammaṃ vitthataṃ karissāmīti ito cito ca samañchati, kaḍḍhati. Evaṃ sopi taṃ nisīdanaṃ. Tena taṃ Bhagavā evamāha. **Nisīdanaṃ nāma sadasaṃ vuccatīti** santhatasadisāṃ santharitvā ekasmiṃ ante sugatavidatthiyā vidatthimatte padese dvīsu ṭhānesu phāletvā tisso dasā kariyanti, tāhi dasāhi sadasaṃ nāma vuccati, sesamettha uttānameva. Chasamuṭṭhānaṃ.

Nisīdanasikkhāpadaṃ sattamaṃ.

1. Vi 3. 410 piṭṭhe.

8. Kaṇḍupaṭicchādisikkhāpadavaṇṇanā

537. Aṭṭhame **kaṇḍupaṭicchādi anuññātā hotīti** kattha anuññātā? Cīvarakkhandhake Belaṭṭhasīsavatthusmiṃ. Vuttaṃ hi tattha “anujānāmi bhikkhave yassa kaṇḍu vā piḷakā vā assāvo vā thullakacchu vā ābādho, tassa kaṇḍupaṭicchādin”¹.

539. **Yassa adhonābhi ubbhajāṇumaṇḍalanti** yassa bhikkhuno nābhiyā heṭṭhā jāṇumaṇḍalānaṃ upari. **Kaṇḍūti** kacchu. **Piḷakāti** lohitatuṇḍikā sukhumapiḷakā. **Assāvoti** arisabhagandaramadhumeḥādīnaṃ² vasena asucipaggharaṇakaṃ. **Thullakacchu vā ābādhoti** mahāpiḷakābādho vuccati. Sesamettha uttānameva. Chasamuṭṭhānaṃ.

Kaṇḍupaṭicchādisikkhāpadaṃ aṭṭhamaṃ.

9. Vassikasāṭikasikkhāpadavaṇṇanā

542. Navame **vassikasāṭikā anuññātā hotīti** kattha anuññātā? Cīvarakkhandhake Visākhavatthusmiṃ. Vuttaṃ hi tattha “anujānāmi bhikkhave vassikasāṭikan”³. Sesamettha uttānameva. Chasamuṭṭhānaṃ.

Vassikasāṭikasikkhāpadaṃ navamaṃ.

10. Nandasikkhāpadavaṇṇanā

547. Dasame **caturaṅgulomakoti** catūhi aṅgulehi ūnakappamaṇo, sesaṃ uttānameva. Chasamuṭṭhānaṃ.

Nandasikkhāpadaṃ dasamaṃ.

Samatto vaṇṇanākkamena Ratanavaggo navamo.

Uddiṭṭhā khoti-ādi vuttanayamevāti.

Samantapāsādikāya Vinayasamvaṇṇanāya

Khuddakavaṇṇanā samattā.

Pācittiyakaṇḍaṃ niṭṭhitam.

1. Vi 3. 410 piṭṭhe.

2. Bhagandarapameḥādīnaṃ (Sī)

3. Vi 3. 408 piṭṭhe.

6. Pāṭidesanīyakaṇḍa

1. Paṭhamapāṭidesanīyasikkhāpadavaṇṇanā

Pāṭidesanīyā dhammā, khuddakānaṃ anantarā.

Ṭhapitā ye ayaṃ dāni, tesam bhavati vaṇṇanā.

552. Paṭhamapāṭidesanīye tāva **paṭikkamanakāleti** piṇḍāya caritvā paṭi-
āgamanakāle. **Sabbeva aggahesīti** sabbameva aggahesi. **Pavedhentīti**
kampamānā. **Apehīti** apagaccha.

553-5. **Gārayhaṃ āvusoti-**ādi paṭidesetabbākāradassanaṃ. **Rathikāti**
racchā. **Byūhanti** anibbijhitvā ṭhitā gatapaccāgataracchā. **Singhātakanti**
catukkoṇaṃ vā tikoṇaṃ vā maggasamodhānaṭṭhānaṃ. **Gharanti** kulagharaṃ.
Etesu yattha katthaci ṭhatvā gaṇhantassa gahaṇe dukkaṭaṃ ajjhohāre
ajjhohāragaṇanāya pāṭidesanīyaṃ. Hatthisālādīsu gaṇhantassāpi eseva nayo.
Bhikkhunī rathikāya ṭhatvā deti, bhikkhusacepi antarārāmādīsu ṭhatvā
gaṇhāti, āpattiyeva. “Antaragharaṃ pavīṭṭhāyā”ti hi vacanato bhikkhuniyā
antaraghare ṭhatvā dadamānāya vasenettha āpatti veditabbā, bhikkhussa
ṭhitaṭṭhānaṃ pana appamāṇaṃ. Tasmā sacepi vīthi-ādīsu ṭhito bhikkhu
antarārāmādīsu ṭhatvā dadamānāya bhikkhuniyā gaṇhāti, anāpattiyeva.

Yāmakālikaṃ sattāhakālikaṃ yāvajjivikaṃ āhāratthāya paṭiggaṇhāti,
āpatti dukkaṭassa. Ajjhohāre ajjhohāre **āpatti dukkaṭassāti** idaṃ āmisena
asambhinnaṃ sandhāya vuttaṃ, sambhinne pana ekarase pāṭidesanīyameva.
Ekato upasampannāyāti bhikkhunīnaṃ santike upasampannāya.
Bhikkhūnaṃ santike upasampannāya pana yathāvatthukameva.

556. **Dāpeti na detīti** aññātikā aññena kenaci dāpeti, taṃ gaṇhantassa
anāpatti. **Upanikkhipitvā detīti** bhūmiyaṃ ṭhapetvā “idaṃ ayya tumhākaṃ
dammī”ti deti, evaṃ dinnāṃ “sādhu bhaginī”ti sampatiçchitvā tāya eva vā
bhikkhuniyā aññena vā kenaci paṭiggahāpetvā bhuñjitum vaṭṭati.

Sikkhamānāya sāmāneriyāti etāsaṃ dadamānānaṃ gaṇhantassa anāpatti.
Sesamettha uttānameva.

Elakalomasamuṭṭhānaṃ, kiriyaṃ, nosaññāvimokkhaṃ, acittakaṃ,
paṇṇattivajjaṃ, kāyakammaṃ, ticittaṃ, tivedananti.

Paṭhamapāṭidesanīyaṃ.

2. Dutiyapāṭidesanīyasikkhāpadavaṇṇanā

558. Dutīye **apasakka tāva bhaginīti**-ādi apasādetabbākāradassanaṃ.

561. **Attano bhattaṃ dāpeti na detīti** ettha sacepi attano bhattaṃ deti,
iminā sikkhāpadena anāpattiyeva, purimasikkhāpadena āpatti. **Aññesaṃ
bhattaṃ deti na dāpetīti** ettha sacepi dāpeyya, iminā sikkhāpadena āpatti
bhavyeva. Dentiyā pana neva iminā na purimena āpatti. Sesamettha
uttānameva. Kathinasamuṭṭhānaṃ, kiriyākiriyaṃ, nosaññāvimokkhaṃ,
acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dutiyapāṭidesanīyaṃ.

3. Tatiyapāṭidesanīyasikkhāpadavaṇṇanā

562. Tatiye **ubhatopasannanti** dvīhi pasannaṃ upāsakenapi upāsikāyapi.
Tasmiṃ kira kule ubhopi te sotāpannāyeva. **Bhogena hāyatīti** edisaṃ hi
kulaṃ sacepi asītikoṭidhanaṃ hoti, bhogehi hāyatīyeva. Kasmā? Yasmā
tattha neva upāsikā, na upāsako bhoge rakkhati.

569. **Gharato nīharitvā dentīti** āsanasālaṃ vā vihāraṃ vā ānetvā denti.
Sacepi anāgate bhikkhumhi paṭhamāmyeva nīharitvā dvāre ṭhapetvā pacchā
sampattassa denti, vaṭṭati. Bhikkhumā pana disvā antogehato nīharitvā
diyyamānaṃ na vaṭṭatīti Mahāpaccariyaṃ vuttam. Sesamettha

uttānameva. Eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Tatīyapāṭidesanīyaṃ.

4. Catutthapāṭidesanīyasikkhāpadavaṇṇanā

570. Catutthe **avaruddhā** hontīti paṭiviruddhā honti.

573. **Pañcannaṃ paṭisaṃviditanti** pañcasu sahadhammikesu yaṃkiñci pesetvā khādanīyaṃ bhojanīyaṃ āharissāmāti paṭisaṃviditaṃ katampi appaṭisaṃviditamevāti attho. **Ārāmaṃ ārāmūpacāraṃ ṭhapetvāti** āraññakasenāsanārāmañca tassa upacārañca ṭhapetvā upacārato nikkhantaṃ antarāmagge bhikkhuṃ disvā vā gāmaṃ āgatassa vā paṭisaṃviditaṃ katampi appaṭisaṃviditameva hotīti veditabbaṃ. **Sace sāsāṅkaṃ hoti, sāsāṅkanti ācikkhitabbanti** kasmā ācikkhitabbaṃ? Ārāme core vasante amhākaṃ nārocentīti vacanapaṭimocanattamaṃ. **Corā vattabbā manussā idhūpacarantīti** kasmā vattabbaṃ? Attano upaṭṭhākehi amhe gaṇhāpentīti vacanapaṭimocanattamaṃ.

Yāguyā paṭisaṃvidite tassā parivāro āhariyyatīti yāguyā paṭisaṃviditaṃ katvā kiṃ suddhayāguyā dinnāya pūvabhaddādīnīpi etissā yāguyā parivāraṃ katvā dassāmāti evaṃ yaṃkiñci āharanti, sabbaṃ paṭisaṃviditameva hoti. **Bhattena paṭisaṃviditeti-ādīsipi** eseva nayo. Asukaṃ nāma kulaṃ paṭisaṃviditaṃ katvā khādanīyādīni gahetvā gacchatīti sutvā aññānīpi tena saddhiṃ attano deyyadhammaṃ āharanti, vaṭṭati. Yāguyā paṭisaṃviditaṃ katvā pūvaṃ vā bhattaṃ vā āharanti, etampi vaṭṭatīti kurundiyaṃ vuttaṃ.

575. **Gilānassāti** appaṭisaṃviditepi gilānassa anāpatti. **Paṭisaṃvidite vā gilānassa vā sesakanti** ekassatthāya paṭisaṃviditaṃ katvā āhaṭaṃ, tassa sesakaṃ aññassāpi bhuñjitum vaṭṭati. Catunnaṃ pañcannaṃ vā paṭisaṃviditaṃ katvā bahuṃ āhaṭaṃ hoti, aññesampi dātuṃ icchanti,

etampi paṭisaṃviditasakameva, sabbesampi¹ vaṭṭati. Atha adhikameva hoti, sannidhiṃ mocetvā ṭhapitaṃ dutiyadivasepi vaṭṭati. Gilānassa āhaṭāvasesepi eseva nayo. Yaṃ pana appaṭisaṃviditameva katvā ābhatam, taṃ bahi-ārāmaṃ pesetvā paṭisaṃviditaṃ kāretvā āharāpetabbaṃ, bhikkhūhi vā gantvā antarāmagge gahetabbaṃ. Yampi vihāramajjhena gacchantā vā vanacarakādayo vā vanato āharitvā denti, purimanayeneva paṭisaṃviditaṃ kāretabbaṃ. **Tatthajātakanti** ārāme jātakameva mūlakhādanīyādiṃ aññena kappiyaṃ katvā dinnam paribhuñjato anāpatti. Sace pana taṃ gāmaṃ haritvā pacitvā āharanti, na vaṭṭati. Paṭisaṃviditaṃ kāretabbaṃ. Sesamettha uttānameva.

Kathinasamuṭṭhānaṃ, kiriyaṅkiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Catutthapāṭidesanīyaṃ.

Samantapāsādikāya Vinayasamvaṇṇanāya

Pāṭidesanīyavaṇṇanā niṭṭhitā.

Pāṭidesanīyakaṇḍam niṭṭhitam.

7. Sekhiyakaṇḍa

1. Parimaṇḍalavaggavaṇṇanā

Yāni sikkhitasikkhena, **Sekhiyānīti** tādina.

Bhāsītāni ayaṃ dāni, tesampi vaṇṇanākkamo.

576. Tattha **parimaṇḍalanti** samantato maṇḍalam. **Nābhimaṇḍalam jāṇumaṇḍalanti** uddham nābhimaṇḍalam adho jāṇumaṇḍalam paṭicchādentena jāṇumaṇḍalassa heṭṭhā jaṅghaṭṭhikato paṭṭhāya aṭṭhaṅgulamattam nivāsanaṃ otāretvā nivāsetabbam, tato param otārentassa dukkaṭanti vuttam. Yathā nisinnassa jāṇumaṇḍalato heṭṭhā caturaṅgulamattam paṭicchannaṃ hotīti Mahāpaccariyaṃ vuttam, evaṃ nivāsentassa pana nivāsanaṃ pamāṇikaṃ vaṭṭati. Tatridam pamāṇam, dīghato muṭṭhipaṇcakaṃ tiriyaṃ aḍḍhateyyahattham. Tādisassa pana alābhe tiriyaṃ dvihatthapamāṇampi vaṭṭati jāṇumaṇḍalapaṭicchādanattham, nābhimaṇḍalam pana cīvarenāpi sakkā paṭicchādetunti. Tattha ekapaṭṭacīvaram evaṃ nivatthampi nivatthaṭṭhāne¹ na tiṭṭhati, dupaṭṭam pana tiṭṭhati.

Olambento nivāseti āpatti dukkaṭassāti ettha na kevalam purato ca pacchato ca olambetvā nivāsentasseva dukkaṭam, ye panaññe “tena kho pana samayena chabbaggiyā bhikkhū gihinivattham nivāseti hatthisoṇḍakam macchavālakam catukkaṇṇakam tāla vaṇṭakam satavalikam nivāseti”²ti-ādinā² nayena Khandhake nivāsanadosā vuttā, tathā nivāsentassāpi dukkaṭameva. Te sabbe vuttanayena parimaṇḍalam nivāsentassa na honti. Ayamettha saṅkhepo. Vitthārato pana tattheva āvi bhavissati.

Asañciccāti purato vā pacchato vā olambetvā nivāsessāmīti evaṃ asaṅcicca, atha kho parimaṇḍalamyeva nivāsessāmīti virajjhivā aparimaṇḍalam nivāsentassa anāpatti. **Assatiyāti** aññavihitassāpi tathā nivāsentassa anāpatti. **Ajānantassāti** ettha nivāsanavattam ajānantassa makkho natthi. Nivāsanavattam hi sādhuṅgam uggahetabbam, tassa anuggahaṇamevassa anādariyaṃ. Tam pana saṅcicca anuggaṇhantassa³ yujjati, tasmā uggahitavattopi yo aruḷhabhāvaṃ vā oruḷhabhāvaṃ vā na jānāti,

1. Ṭhāne (Sī, Syā)

2. Vi 4. 277 piṭṭhe.

3. Anuggaṇhantasseva (Sī, Syā)

tassa anāpatti. Kurundiyaṃ pana parimaṇḍalaṃ nivāsetuṃ ajānantassa anāpattīti vuttaṃ. Yo pana sukkhajaṅgho vā mahāpiṇḍikamaṃso vā hoti, tassa sārūppatthāya jāṇumaṇḍalato aṭṭhaṅgulādhikampi otāretvā nivāsetuṃ vaṭṭati.

Gilānassāti jaṅghāya vā pāde vā vaṇo hoti, ukkhipitvā vā otāretvā vā nivāsetuṃ vaṭṭati. **Āpadāsūti** vālamigā vā corā vā anubandhanti, evarūpāsu āpadāsu anāpatti. Sesamettha uttānameva.

Paṭhamapārājikasamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dukkhavedananti. Phussadevatthero acittakaṃ, paṇṇattivajjaṃ, tivedananti āha. Upatissatthero pana anādariyaṃ paṭiccāti vuttattā lokavajjaṃ, akusalacittaṃ, dukkhavedananti āha.

577. **Parimaṇḍalaṃ pārūpitabbanti** tena kho pana samayena chabbaggiyā bhikkhū gihipārutaṃ pārūpantīti¹ evaṃ vuttaṃ anekappakāraṃ gihipārūpanaṃ apārūpitvā idha vuttanayeneva ubho kaṇṇe samaṃ katvā pārūpanavattaṃ pūrentena parimaṇḍalaṃ pārūpitabbaṃ. Imāni ca dve sikkhāpadāni avisesena vuttāni. Tasmā vihārepi antaragharepi parimaṇḍalameva nivāsetabbañca pārūpitabbañcāti. Samuṭṭhānādīni paṭhamasikkhāpade vuttanayeneva veditabbāni saddhiṃ theravādena.

578. **Kāyaṃ vivarivāti** jattumpi² urampi vivarivā. **Suppaṭicchannenāti** na sasīsaṃ pārutena, atha kho gaṇṭhikaṃ paṭimuñcitvā anuvātantena gīvaṃ paṭicchādetvā ubho kaṇṇe samaṃ katvā paṭisaṃharitvā yāva maṇibandhaṃ paṭicchādetvā antaraghare gantabbaṃ. Dutiyasikkhāpade galavāṭakato paṭṭhāya sīsaṃ, maṇibandhato paṭṭhāya hatthe, piṇḍimaṃsato ca paṭṭhāya pāde vivarivā nisīditabbaṃ.

579. **Vāsūpagatassāti** vāsathāya upagatassa rattibhāge vā divasabhāge vā kāyaṃ vivarivāpi nisīdato anāpatti.

580. **Susaṃvutoti** hatthaṃ vā pādaṃ vā akīlāpento, suvinītoti attho.

1. Vi 4. 278 piṭṭhe.

2. Jāṇumpi (Syā, Ka)

582. **Okkhittacakkhūti** heṭṭhā khittacakkhu hutvā. **Yugamattaṃ pekkhamānoti** yugayuttako hi danto ājāneyyo yugamattaṃ pekkhati purato catuhatthappamāṇaṃ bhūmibhāgaṃ, imināpi ettakaṃ pekkhantena gantabbaṃ. **Yo anādariyaṃ paṭicca tahaṃ tahaṃ oloketoti** yo taṃtaṃdisābhāgaṃ pāsādaṃ kūṭāgāraṃ vīthiṃ oloketto gacchati, āpatti dukkaṭassa. Ekasmiṃ pana ṭhāne ṭhatvā hatthi-assādi-parissayābhāvaṃ oloketuṃ vaṭṭati. Nisīdantenāpi okkhittacakkhunāva nisīditabbaṃ.

584. **Ukkhittakāyāti** ukkhepena, itthambhūtalakkhaṇe karaṇavacanaṃ ekato vā ubhato vā ukkhittacīvaro hutvāti attho. Anto-indakhīlato paṭṭhāya na evaṃ gantabbaṃ. Nisinnakāle pana dhamakaraṇaṃ nīharantenāpi cīvaraṃ anukkhīpitvāva nīharitabbanti.

Paṭhamo vaggo.

2. Ujjagghikavaggavaṇṇanā

586. **Ujjagghikāyāti** mahāhasitaṃ hasanto. Vuttanayenevettha karaṇavacanaṃ.

588. **Appasaddo antaraghareti** ettha kittāvatā appasaddo hoti? Dvādasahatthe gehe ādimhi saṃghatthero, majjhe dutiyatthero, ante tatiyattheroti evaṃ nisinnesu saṃghatthero dutiyena saddhiṃ manteti, dutiyatthero tassa saddaṅceva suṇāti, kathaṅca vavatthapeti. Tatiyatthero pana saddameva suṇāti, kathaṃ na vavatthapeti. Etthāvatā appasaddo hoti. Sace pana tatiyatthero kathaṃ vavatthapeti, mahāsaddo nāma hoti.

590. **Kāyaṃ paggahetvāti** niccalaṃ katvā ujukena kāyena samena iriyāpathena gantabbaṅceva nisīditabbaṅca.

592. **Bāhuṃ paggahetvāti** niccalaṃ katvā.

594. **Sīsaṃ paggahetvāti** niccalaṃ ujum ṭhapayitvā.

Dutiyo vaggo.

3. Khambhakatavaggavaṇṇanā

596-8. **Khambhakato** nāma kaṭiyam hattham ṭhapetvā katakhambho. **Oguṇṭhitoti** sasāsam pāruto.

600. **Ukkuṭikāyāti** ettha ukkuṭikā vuccati paṇhiyo ukkhipitvā aggapādehi vā, aggapāde vā ukkhipitvā paṇhīhi yeva vā bhūmim phusantassa gamanam. Karaṇavacanam panettha vuttalakkhaṇameva.

601. **Dussapallatthikāyāti** ettha āyogapallatthikāpi dussapallatthikā-eva.

602. **Sakkaccanti** satim upaṭṭhapetvā.

603. **Ākirantepīti** piṇḍapātam dentepi. **Pattasaññīti** patte saññam katvā.

604. **Samasūpako** nāma yattha bhattassa catutthabhāgappamāṇo sūpo hoti. **Muggasūpo māsasūpoti** ettha kulatthādīhi katasūpāpi saṅgaham gacchantiyevāti Mahāpaccariyam vuttam. **Rasaraseti** ettha ṭhapetvā dve sūpe avasesāni oloṇi sāka sūpeyya maccharasa māmsarasādīni rasarasāti veditabbāni. Tam rasarasam bahumpi gaṇhantassa anāpatti.

605. **Samatittikanti** samapuṇṇam samabharitam. **Thūpīkatam piṇḍapātam paṭiggaṇhāti, āpatti dukkaṭassāti** ettha thūpīkato nāma pattassa antomukhavaṭṭilekham atikkamitvā kato, patte pakkhitto racito pūritoti attho, evam katam agahetvā antomukhavaṭṭilekhāsamappamāṇo gahetabbo.

Tattha thūpīkatam nāma pañcahi bhojanehi katanti Abhayatthero āha. Tipiṭakacūlanāgatthero pana “piṇḍapāto nāma yāgupi bhattampi khādanīyampi cuṇṇapiṇḍopi dantakaṭṭhampi Dasikasuttampī”ti idam suttam vatvā Dasikasuttampi thūpīkatam na vaṭṭatīti āha. Tesam vādam sutvā bhikkhū rohaṇam gantvā Cūlasumanattheram pucchimsu “bhante thūpīkatapiṇḍapāto kena paricchinnō”ti, tesaṅca therānam vādam ārocesum. Thero sutvā

āha “aho Cūlanāgo sāsano bhaṭṭho, ahaṃ etassa sattakkhattuṃ vinayaṃ vācento na kadāci evaṃ avacaṃ, ayaṃ kuto labhitvā evaṃ vadasī”ti.

Bhikkhū therāṃ yāciṃsu “kathetha dāni bhante kena paricchinnō”ti.

“Yāvakālikenāvuso”ti thero āha. Tasmā yaṃkiñci yāgubhattaṃ vā phalāphalaṃ vā āmisajātikaṃ samatittikameva gahetabbari. Tañca kho adhiṭṭhānupagena pattena, itarena pana thūpīkatampi vaṭṭati.

Yāmakālikasattāhakālikayāvajīvikāni pana adhiṭṭhānupagapattepi thūpīkatāni vaṭṭanti. Dvīsu pattesu bhattaṃ gahetvā ekasmiṃ pūretvā vihāraṃ pesetuṃ vaṭṭatīti Mahāpaccariyaṃ vuttaṃ. Yaṃ patte pakkhipiyamānaṃ¹ pūva-

ucchukhaṇḍaphalāphalādi heṭṭhā orohati, taṃ thūpīkataṃ nāma na hoti. Pūvavaṭṭaṃsakāṃ ṭhapetvā piṇḍapātaṃ denti, thūpīkatameva hoti.

Pupphavaṭṭaṃsakatakkolakaṭukaphalādivaṭṭaṃsake² pana ṭhapetvā dinnāṃ thūpīkataṃ na hoti. Bhattassa upari thālakaṃ vā pattāṃ vā ṭhapetvā pūretvā gaṇhāti, thūpīkataṃ nāma na hoti. Kurundiyaṃpi vuttaṃ “thālake vā paṇṇe vā pakkhipitvā taṃ pattamatthake ṭhapetvā denti, pāṭekkabhājanaṃ vaṭṭatī”ti.

Idha anāpattiyaṃ gilāno na āgato, tasmā gilānassapi thūpīkataṃ na vaṭṭati. Sabbattha pana paṭiggahetumeva na vaṭṭati, paṭiggahitaṃ pana supaṭiggahitameva hoti, paribhuñjituṃ vaṭṭatīti.

Tatiyo vaggo.

4. Sakkaccavaggavaṇṇanā

606. **Sakkaccanti** etthāpi asakkaccaṃ paṭiggahaṇeyeva āpatti, paṭiggahitaṃ pana supaṭiggahitameva. Sakkaccanti ca pattasaññīti cāti ubhayaṃ vuttanayameva.

608. **Sapadānanti** tattha tattha odhiṃ akatvā anupaṭipāṭiyā. **Samasūpake** vattabbari vuttameva.

610. **Thūpakatoti** matthakato, vemajjhatoti attho.

1. Pakkhipamānaṃ (Sī)

2. ...kamukaphalādivaṭṭaṃsake (Sī) ...kaṭukaphalādivaṭṭaṃsakaṃ (Syā)

611. **Paṭicchādetvā dentīti** māghātasamayādīsū paṭicchannaṃ byañjanaṃ katvā denti. Viññattiyāṃ vattabbaṃ natthi.

614. **Ujjhānasaññīsikkhāpadepi** gilāno na muccati.

615. **Nātimahanto kabaḷoti** mayūraṇḍaṃ atimahantaṃ, kukkuṭaṇḍaṃ atikhuddakaṃ, tesāṃ vemajjhappamaṇo. **Khajjaketī** ettha mūlakhādaniyādi sabbaṃ gahetabbaṃ.

Catuttho vaggo.

5. Kabaḷavaggavaṇṇanā

617. **Anāhaṭeti** anāharite, mukhadvāraṃ asampāpiteti attho.

618. **Sabbaṃ hatthanti** sakalahatthaṃ.

619. **Sakabaḷenāti** ettha dhammaṃ kathento harītakāṃ vā laṭṭhimadhukaṃ vā mukhe pakkipitvā katheti. Yattakena vacanaṃ aparipuṇṇaṃ na hoti, tattake mukhamhi sante kathetum vaṭṭati.

620. **Piṇḍukkhepakanti** piṇḍaṃ ukkipitvā ukkipitvā.

621. **Kabaḷāvacchedakanti** kabaḷaṃ avacchinditvā avacchinditvā.

622. **Avagaṇḍakārakanti** makkaṭo viya gaṇḍe katvā katvā.

623. **Hatthaniddhunakanti** hatthaṃ niddhunitvā niddhunitvā.

624. **Sitthāvakārakanti** sitthāni avakiritvā avakiritvā.

625. **Jivhānicchārakanti** jivhaṃ nicchāretvā nicchāretvā.

626. **Capucapukārakanti** capu capūti evaṃ saddaṃ katvā katvā.

Pañcama vaggo.

6. Surusuruvaggavaṇṇanā

627. **Surusurukārakanti** surusurūti evaṃ saddaṃ katvā katvā. **Davoti** pariḥāsavacanaṃ, taṃ yena kenaci pariyāyena “kiṃ Buddho silakabuddho paṭibuddho, kiṃ dhammo godhammo ajadhammo, kiṃ saṅgho migasaṅgho pasusaṅgho”ti-ādinā nayena tīṇi ratanāni ārabba na kātabbanti attho.

628. **Hatthanillehakanti** hatthaṃ nillehitvā nillehitvā. Bhuñjantena hi aṅgulimattampi nillehituṃ na vaṭṭati. Ghanayāguphāṇitapāyāsādike pana aṅgulīhi gahetvā aṅguliyo mukhe pavesetvā bhuñjituṃ vaṭṭati. **Pattanillehaka-oṭṭhanillehakesupi** eseva nayo. Tasmā ekaṅguliyāpi patto na nillehitabbo, eka-oṭṭhopi jivhāya na nillehitabbo, oṭṭhamamsehi eva pana gahetvā anto pavesetuṃ vaṭṭati.

631. **Kokanadeti** evaṃnāmake. **Kokanadanti** padumaṃ vuccati, so ca pāsādo padumasaṅṭhāno, tenassa kokanadotveva nāmaṃ akaṃsu. **Na sāmisenā hatthena pānīyathālakanti** etaṃ paṭikkūlavasena paṭikkhittaṃ, tasmā saṅghikampi puggalikampi gihisantakampi attano santakampi saṅkhampi sarāvampi thālakampi na gahetabbameva, gaṇhantassa dukkaṭaṃ. Sace pana hatthassa ekadeso āmisamakkhito na hoti, tena padesena gahetuṃ vaṭṭati.

632. **Uddharitvā vāti** sitthāni udakato uddharitvā ekasmiṃ ṭhāne rāsim katvā udakaṃ chaḍḍeti. **Bhinditvā vāti** sitthāni bhinditvā udakagatikāni katvā chaḍḍeti. **Paṭiggahe vāti** paṭiggahena paṭicchanto naṃ paṭiggahe chaḍḍeti. **Nīharitvāti** bahi nīharitvā chaḍḍeti, evaṃ chaḍḍentassa anāpatti.

634. **Setacchattanti** vatthapaliguṇṭhitaṃ paṇḍaracchattaṃ. **Kilañjacchattanti** vilīvacchattaṃ. **Paṇṇacchattanti** tālapaṇṇādīhi yehi kehici kataṃ. **Maṇḍalabaddhaṃ salākabaddhanti** idaṃ pana tiṇṇampi chattaṇaṃ pañjaradassanattaṃ vuttaṃ. Tāni hi maṇḍalabaddhāni ceva honti salākabaddhāni ca. Yampi tatthajātakadaṇḍakena kataṃ ekapaṇṇacchattaṃ hoti, tampi chattaṃ. Etesu yaṃkiñci chattaṃ

pāṇimhi assāti **chattapāṇi**. So taṃ chattaṃ dhārayamāno vā aṃse vā katvā ūrumhi vā ṭhapetvā yāva hatthena na muccati, tāvassa dhammaṃ desetum na vaṭṭati, desetassa vuttanayena dukkaṭaṃ. Sace panassa añño chattaṃ dhāreti, chattapādukāya¹ vā ṭhitaṃ hoti, hatthato apagatamatte chattapāṇi nāma na hoti. Tassa dhammaṃ desetum vaṭṭati. Dhammaparicchedo panettha padasodhamme vuttanayeneva veditabbo.

635. **Daṇḍapāṇissāti** ettha daṇḍo nāma majjhimassa purisassa catuhatthappamāṇo, daṇḍapāṇibhāvo panassa chattapāṇimhi vuttanayeneva veditabbo.

636. **Satthapāṇimhipi** eseva nayo. Asim̐ sannahitvā ṭhitopi hi satthapāṇisaṅkhyam̐ na gacchati.

637. **Āvuponissāti** ettha kiñcāpi vuttaṃ “āvudham̐ nāma cāpo kodaṇḍo”ti, atha kho sabbāpi dhanuvikati saddhim̐ saravikatiyā āvudhanti veditabban̐. Tasmā saddhim̐ vā sarena dhanum̐ gahetvā suddhadhanum̐ vā suddhasaram̐ vā sajjiyadhanum̐ vā nijjiyadhanum̐ vā gahetvā ṭhitassa vā nisinnassa vā dhammo desetum na vaṭṭati. Sace panassa dhanum̐ kaṇṭhepi paṭimukkaṃ hoti, yāva hatthena na gaṇhāti, tāva dhammaṃ desetum vaṭṭatiyevāti.

Chaṭṭho vaggo.

7. Pādukavaggavaṇṇanā

638. **Akkantassāti** chattaḍaṇḍake aṅgulantaram̐ appavesetvā kevalam̐ pādukam̐ akkamitvā ṭhitassa. **Paṭimukkassāti** paṭimuñcitvā ṭhitassa. Upāhanāyapi eseva nayo. **Omukkoti** panetthe paṇhikabaddham̐ omuñcitvā ṭhito vuccati.

640. **Yānagatassāti** ettha sacepi dvīhi janehi hatthasaṅghātena gahito, sātake vā ṭhapetvā vaṃsena vayhati, ayutte vā vayhādike

1. Chattaṃ pādukāya (Si)

yāne, visaṅkharitvā vā ṭhapite cakkamattepi nisinno yānagatotveva saṅkhyam̄ gacchati. Sace pana dvepi ekayāne nisinnā honti, vaṭṭati. Visum̄ nisinnesupi ucce yāne nisinnena nīce nisinnassa desetuṃ vaṭṭati, samappamāṇepi vaṭṭati. Purime yāne nisinnena pacchime nisinnassa vaṭṭati. Pacchime pana uccatarepi nisinnena desetuṃ na vaṭṭati.

641. **Sayanagatassāti** antamaso kaṭasārakepi pakatibhūmiyampi nipannassa uccepi mañcapīṭhe vā bhūmipadese vā ṭhitena nisinnena vā desetuṃ na vaṭṭati. Sayanagatena pana sayanagatassa uccatare vā samappamāṇe vā nipannena desetuṃ vaṭṭati. Nipannena va ṭhitassa vā nisinnassa vā desetuṃ vaṭṭati, nisinnenāpi ṭhitassa vā nisinnassa vā vaṭṭati. Ṭhitena ṭhitasseva vaṭṭati.

642. **Pallatthikāyāti** āyogapallatthikāya vā hatthapallatthikāya vā dussapallatthikāya vā yāya kāyaci pallatthikāya nisinnassa agilānassa desetuṃ na vaṭṭati.

643. **Veṭṭitasāsassāti** dussaveṭṭhanena vā moḷi-ādīhi vā yathā kesanto na dissati, evam̄ veṭṭitasāsassa.

644. **Oguṇṭhitasāsassāti** sasīsam̄ pārutassa.

645. **Chamāyam̄ nisinnenāti** bhūmiyam̄ nisinnena. **Āsane nisinnassāti** antamaso vatthampi tiṇānīpi santharitvā nisinnassa.

647. **Chapakassāti** caṇḍālassa. **Chapakīti** caṇḍālī. **Nilīnoti** paṭicchanno hutvā. **Yatra hi nāmāti** yo hi nāma. **Sabbamidam̄ carimam̄ katanti tattheva paripatīti** “sabbo ayam̄ loko saṅkaram̄ gato nimmariyādo”ti imam̄ vacanam̄ vatvā tattheva tesam̄ dvinnampi antarā rukkhatō patito. Patitvā ca pana ubhinnam̄ purato ṭhatvā imam̄ gātham̄ abhāsi—

Ubho attham̄ na jānanti -pa- asmā kumbhamivābhidāti.

Tattha **ubho attham̄ na jānanti** dvepi janā Pāḷiyā attham̄ na jānanti. **Dhammam̄ na passareti** Pāḷim̄ na passanti. Katame te ubhoti? **Yo cāyam̄**

mantarṃ vāceti, yo cādhammenadhīyatīti, evaṃ brāhmaṇaṅca rājānaṅca ubhopi adhammikabhāve ṭhapesi.

Tato brāhmaṇo **sālīnanti** gāthamāha. Tassattho—jānāmahaṃ bho ayaṃ adhammoti¹, api ca kho mayā dīgharattam saputtadāraparijanena rañño santako sālīnaṃ odano bhutto. **Sucimaṃsūpasecanoti** nānappakāravikatisampāditaṃ sucimaṃsūpasecanaṃ missīkaraṇamassāti **sucimaṃsūpasecano**. **Tasmā dhamme na vattāmīti** yasmā evaṃ mayā rañño odano bhutto, aññe ca bahū lābhā laddhā, tasmā dhamme ahaṃ na vattāmi udare baddho² hutvā, na dhammaṃ ajānanto. Ayaṃ hi dhammo ariyehi vaṇṇito pasattho thomitoti jānāmi.

Atha naṃ chapako **dhiratthūti**-ādinā gāthādvayena ajjhabhāsi. Tassattho—yo tayā dhanalābho ca yasalābho ca laddho, dhiratthu taṃ dhanalābhaṃ yasalābhaṅca brāhmaṇa. Kasmā? Yasmā ayaṃ tayā laddho lābho āyatim apāyesu vinipātanahetunā sampati ca adhammacaraṇena vutti nāma hoti, evarūpā yā vutti āyatim vinipātena idha adhammacaraṇena vā nippajjati, kiṃ tāya vuttiyā. Tena vuttam—

Dhiratthu taṃ dhanalābhaṃ, yasalābhaṅca brāhmaṇa.
Yā vutti vinipātena, adhammacaraṇena vāti.

Paribbaja mahābrahmeti mahābrāhmaṇa ito disā³ sīghaṃ palāyassu. **Pacantaññepi paṇinoti** aññepi sattā pacanti ceva bhuñjanti ca, na kevalaṃ tvañceva rājā ca. **Mā tvaṃ adhammo ācarito, asmā kumbhamivābhidāti** sace hi tvaṃ ito aparibbajitvā imaṃ adhammaṃ ācarissasi, tato tvaṃ so adhammo evaṃ ācarito yathā udakakumbhaṃ pāsāṇo bhindeyya, evaṃ bhecchati⁴, tena mayaṃ taṃ vadāma—

Paribbaja mahābrahme, pamantaññepi paṇino.
Mā tvaṃ adhammo ācarito, asmā kumbhamivābhidāti.

Ucce āsaneti antamaso bhūmippadesepi unnataṭṭhāne nisinnassa desetum na vaṭṭati.

1. Dhammoti (Sī)

3. Desā (Sī, Syā)

2. Udarekabaddho (Ka)

4. Evaṃ mā bhijja (Sī), evaṃ bhijjati (Syā, Ka)

648. **Na ʒhito nisinnassāti** sacepi therupaṭṭhānaṃ gantvā ʒhitam daharabhikkhum āsane nisinno mahāthero pañham pucchati, na kathetabbam. Gāravena pana theram uṭṭhahitvā pucchathāti vattum na sakkā, passe ʒhitabhikkhussa kathamīti kathetum vaṭṭati.

649. **Na pacchato gacchantenāti** ettha sace purato gacchanto pacchato gacchantam pañham pucchati, na kathetabbam. Pacchimassa bhikkhuno kathamīti kathetum vaṭṭati. Saddhim uggahitadhammam pana sajjhāyitum vaṭṭati. Samadhurena gacchantassa kathetum vaṭṭati.

650. **Na uppathenāti** etthāpi sace dvepi sakaṭapathe ekekacakkapathena vā uppathena vā samadhuraṃ gacchanti, vaṭṭati.

651. **Asañciccāti** paṭicchannaṭṭhānaṃ gacchantassa sahasā uccāro vā passāvo vā nikkhamati, asaṅcicca kato nāma anāpatti.

652. **Na hariteti** ettha yampi jīvarukkhassa mūlam pathaviyam dissamānaṃ gacchati, sākhā vā bhūmilaggā gacchati, sabbam haritasankhātameva. Khandhe nisīditvā appaharitaṭṭhāne pātetum vaṭṭati. Appaharitaṭṭhānaṃ oloketasseva sahasā nikkhamati, gilānaṭṭhāne ʒhito hoti, vaṭṭati. **Appaharite katoti** appaharitam alabhantena tiṇaṇḍupakam vā palālaṇḍupakam vā ʒhapetvā katopi pacchā haritam ottharati, vaṭṭatiyeva. Kheḷena cettha siṅghāṅikāpi saṅgahitāti Mahāpaccariyam vuttam.

653. **Na udaketi** etam paribhoga-udakameva sandhāya vuttam, vaccakuṭṭisamuddādi-udakesu pana aparibhogesu anāpatti. Deve vassante samantato udakogho hoti, anudakaṭṭhānaṃ oloketasseva nikkhamati, vaṭṭati. Mahāpaccariyam vuttam “etādise kāle anudakaṭṭhānaṃ alabhantena kātum vaṭṭatī”ti. Sesam sabbasikkhāpadesu uttānatthameva.

Sattamo vaggo.

Samuṭṭhānādidīpanatthāya panettha idam pakiṇṇakam—ujjagghika-uccāsaddapaṭisaṃyuttāni cattāri, sakabaḷena mukhena byāharaṇam ekam, chamānicāsanaṭṭhānapacchatogamana-uppathagamanapaṭisaṃyuttāni pañcāti imāni dasa sikkhāpadāni samanubhāsanasamuṭṭhānāni kāyavācācittato samuṭṭhahanti, kiriyāni,

saññāvimokkhāni, sacittakāni, lokavajjāni, kāyakammavacīkammāni, akusalacittāni, dukkhavedanānīti.

Sūpodanaviññattisikkhāpadam̐ theyyasatthasamuṭṭhānam̐ kāyacittato kāyavācācittato ca samuṭṭhāti, kiriyaṃ, saññāvimokkham̐, sacittakaṃ, lokavajjam̐, kāyakammaṃ vacīkammaṃ, akusalacittaṃ, dukkhavedananti.

Chattapāṇidaṇḍapāṇisatthapāṇi-āvudhapāṇipāduka-upāhanayānasayanapallatthikaveṭṭhita-ogunṭṭhitanāmakāni ekādasā sikkhāpadāni dhammadesanasamuṭṭhānāni vācācittato samuṭṭhahanti, kiriyākiriyaṇi, saññāvimokkhāni, sacittakāni, lokavajjāni, vacīkammāni, akusalacittāni, dukkhavedanānīti.

Avasesāni tepaṇṇāsa sikkhāpadāni paṭhamapārājikasamuṭṭhānānīti.

Sabbasekhiyesu ābādhapaccayā anāpatti, thūpīkatapiṇḍapāte, sūpabyañjanena paṭicchādane, ujjhānasaññimhīti tīsu sikkhāpadesu gilāno natthīti.

Sekhiyavaṇṇanā niṭṭhitā.

Sekhiyakaṇḍam̐ niṭṭhitam̐.

8. Sattādhikaraṇasamatha

655. Adhikaraṇasamathesu **sattā**ti tesam̐ dhammānam̐ saṅkhyāparicchedo. Catubbidham̐ adhikaraṇam̐ samenti vūpasamentīti **adhikaraṇasamathā**. Tesam̐ vitthāro Khandhake ca Parivāre ca vutto, tassattham̐ tattheva vaṇṇayissāma. Sesam̐ sabbattha uttānamevāti.

Samantapāsādikāya Vinayasam̐vaṇṇanāya

Bhikkhuvibhaṅgavaṇṇanā niṭṭhitā.

Anantarāyena yathā, niṭṭhitā vaṇṇanā ayaṃ.

Anantarāyena tathā, santim̐ pappontu pāṇino.

Ciram̐ tiṭṭhatu saddhammo, kāle vassam̐ ciram̐ pajam̐.

Tappetu devo dhammena, rājā rakkhatu medaninti.

Mahāvibhaṅgo niṭṭhito.

Bhikkhunīvibhaṅgavaṇṇanā

Namo tassa Bhagavato Arahato Sammāsambuddhassa.

1. Pārājikakaṇḍa

Yo bhikkhūnaṃ Vibhaṅgassa, saṅgahito anantaraṃ.

Bhikkhunīnaṃ Vibhaṅgassa, tassa saṃvaṇṇanākkamo.

Patto yato tato tassa, apubbapadavaṇṇanaṃ.

Kātuṃ pārājike tāva, hoti saṃvaṇṇanā ayam.

1. Paṭhamapārājikasikkhāpadavaṇṇanā

656. Tena samayena **Buddho Bhagavā Sāvattiyam viharati -pa- Sālho Migāranattā**ti ettha **Sālho** tassa nāmaṃ, Migāramātuyā pana nattā hoti. Tena vuttaṃ “Migāranattā”ti. **Navakammikanti** navakammādhittāyakaṃ. **Paṇḍitāti** paṇḍiccena samannāgatā. **Byattāti** veyyattikena¹ samannāgatā. **Medhāvinīti** Pāḷiggahaṇe satipubbaṅgamāya paññāya, atthaggaṇe paññāpubbaṅgamāya satiyā samannāgatā. **Dakkhāti** chekā, avirajjhivā sīghaṃ kattabbakārinīti attho. **Analasāti** ālasiyavirahitā. **Tatrupāyāyāti** tesu tesu kammesu upāyabhūtāya. **Vīmaṃsāyāti** kattabbakammupaparikkhāya. **Samannāgatāti** sampayuttā. **Alaṃ kātunti** samatthā taṃ taṃ kammaṃ kātum. **Alaṃ saṃvidhātunti** evaṅca evaṅca idaṃ hotūti evaṃ saṃvidahitumpi samatthā. **Katākataṃ jānitunti** kataṅca akataṅca jānitum. **Teti** te ubho, sā ca Sundarīnandā so ca Sālho attho. **Bhattaggeti** parivesanaṭṭhāne. **Nikūṭeti** koṇasadisam katvā dassite gambhīre. **Vissaro me bhavissatīti** virūpo me

1. Veyyattiyena (Sī, Syā)

saro bhavissati, vippakārasaddo bhavissatīti attho. **Patimānentīti** apekkhamānā. **Kyāhanti** kiṃ ahaṃ. **Jarādubbalāti** jarāya dubbalā. **Caranagilānāti** pādarogena samannāgatā.

657-8. **Avassutāti** kāyasamsaggarāgena avassutā, tintā kilinnāti attho. Padabhājane panassa tameva rāgaṃ gahetvā “sārattā”ti-ādi vuttaṃ. Tattha **sārattāti** vatthaṃ viya raṅgajātena kāyasamsaggarāgena suṭṭhu rattā. **Apekkhavatīti** tasseva rāgassa vasena tasmim purise pavattāya apekkhāya samannāgatā. **Paṭibaddhacittāti** tena rāgena tasmim purise bandhitvā ṭhapitacittā viya. Esa nayo dutiyapadavibhaṅgepi. **Purispuggalassāti** purisasaṅkhātassa puggalassa. **Adhakkhanti** akkhakānaṃ adho. **Ubbhajāṇumaṅḍalanti** jāṇumaṅḍalānaṃ upari. Padabhājane pana padapaṭipāṭiyā eva “hetṭhakkhakaṃ uparijāṇumaṅḍalan”ti vuttaṃ. Ettha ca ubbhakapparampi ubbhajāṇumaṅḍaleneva saṅgahitaṃ. Sesā Mahāvibhaṅge vuttanayeneva veditabbaṃ. **Purimāyo upādāyāti** sādharmaṇapārājikehi pārājikāyo catasso upādāyāti attho. **Ubbhajāṇumaṅḍalikāti** idaṃ pana imissā pārājikāya nāmamattaṃ, tasmā padabhājane na vicāritaṃ.

659. Evaṃ uddiṭṭhasikkhāpadaṃ padānukkamena vibhajitvā idāni avassutādibhedena āpattibhedam dassetum **ubhato-avassuteti**-ādimāha. **Tattha ubhato-avassuteti** ubhato-avassave, bhikkhuniyā ceva purisassa ca kāyasamsaggarāgena avassutabhāve satīti attho. **Kāyena kāyam āmasatīti** bhikkhunī yathāparicchinna kāyena purisassa yaṃkiñci kāyam, puriso vā yena kenaci kāyena bhikkhuniyā yathāparicchinnaṃ kāyam āmasati, ubhayathāpi bhikkhuniyā pārājikaṃ. **Kāyena kāyapaṭibaddhanti** vuttappakārenea attano kāyena purisassa kāyapaṭibaddhaṃ. **Āmasatīti** ettha sayam vā āmasatu, tassa vā āmasanaṃ sādiyatu, thullaccayameva. **Kāyapaṭibaddhena kāyanti** attano vuttappakārakāyapaṭibaddhena purisassa kāyam. **Āmasatīti** idhāpi sayam vā āmasatu, tassa vā āmasanaṃ sādiyatu, thullaccayameva. Avasesapadesupi imināva nayena vinicchayo veditabbo.

Sace pana bhikkhu ceva bhikkhunī ca hoti, tatra ce bhikkhunī āmasati, bhikkhu niccalo hutvā cittena sādīyati, bhikkhu āpattiyā na kāretabbo. Sace bhikkhu āmasati, bhikkhunī niccalā hutvā citteneva adhvāseti, kāyaṅgaṃ acopayamānāpi pārājikkakke pārajikena, thullaccayakkhette thullaccayena, dukkaṭakkhette dukkaṭena kāretabbā. Kasmā? “Kāyasamsaggaṃ sādīyeyyā”ti vuttatā. Ayam Aṭṭhakathāsu vinicchayo. Evaṃ pana sati kiriyāsamuṭṭhānatā na dissati, tasmā tabbahulanayena sā vuttāti veditabbā.

660. **Ubbhakkhakanti** akkhakānaṃ upari. **Adhojāṇumaṇḍalanti** jāṇumaṇḍalānaṃ heṭṭhā. Ettha ca adhokapparampi adhojāṇumaṇḍaleneva saṅgahitaṃ.

662. **Ekato-avassuteti** ettha kiñcāpi ekatoti avisesena vuttaṃ, tathāpi bhikkhuniyā eva avassute sati ayam āpattibhedo vuttoti veditabbo.

Tatrāyam ādito paṭṭhāya vinicchayo—bhikkhunī kāyasamsaggarāgena avassutā, purisopi tatheva. Adhakkhake ubbhajāṇumaṇḍale kāyappadesse kāyasamsaggaṃ sādīyane sati bhikkhuniyā pārājikaṃ. Bhikkhuniyā kāyasamsaggarāgo, purisassa methunarāgo vā gehassitapemaṃ vā suddhacittaṃ vā hotu, thullaccayameva. Bhikkhuniyā methunarāgo, purisassa kāyasamsaggarāgo vā methunarāgo vā gehassitapemaṃ vā suddhacittaṃ vā hotu, dukkaṭaṃ. Bhikkhuniyā gehassitapemaṃ, purisassa vuttesu catūsu yaṃ vā taṃ vā hotu, dukkaṭameva. Bhikkhuniyā suddhacittaṃ, purisassa vuttesu catūsu yaṃ vā taṃ vā hotu, anāpatti.

Sace pana bhikkhu ceva hoti bhikkhunī ca, ubhinnaṃ kāyasamsaggarāgo, bhikkhussa saṃghādiseso, bhikkhuniyā pārājikaṃ. Bhikkhuniyā kāyasamsaggarāgo, bhikkhussa methunarāgo vā gehassitapemaṃ vā, bhikkhuniyā thullaccayam, bhikkhussa dukkaṭaṃ. Ubhinnaṃ methunarāgo vā gehassitapemaṃ vā, ubhinnaṃpi dukkaṭameva. Yassa yattha suddhacittaṃ, tassa tattha anāpatti. Ubhinnaṃpi suddhacittaṃ, ubhinnaṃpi anāpatti.

663. **Anāpatti asañciccā**ti-ādīsu virajjhivā vā āmasantiyā, aññavihitāya vā, “ayaṃ puriso vā itthī vā”ti ajānantiyā vā, tena phuṭṭhāyapi taṃ phassaṃ asādiyantiyā vā āmasanepi sati anāpatti. Sesam sabbattha uttānameva.

Paṭhamapārājikasamuṭṭhānaṃ, kiriyāṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dvivedananti.

Paṭhamapārājikaṃ.

2. Dutiyapārājikasikkhāpadavaṇṇanā

664. Dutīye pārājike **kacci no sāti** kacci nu sā. **Avañṇoti** aguṇo. **Akittīti** nindā. **Ayasoti** parivāravipatti, parammukhagarahā vā.

665. **Vajjapaṭicchādikā**ti idampi imissā pārājikāya nāmamattameva, tasmā padabhājane na vicāritaṃ. Sesamettha uttānameva.

666. **Sā vā ārocetīti** yā pārājikaṃ āpannā, sā sayāṃ ārocetī. **Aṭṭhannaṃ pārājikānaṃ aññataranti** bhikkhūhi sādharmaṇānaṃ catunnaṃ asādharmaṇānaṃ ca catunnameva aññatarāṃ. Idañca pārājikaṃ pacchā paññattaṃ, tasmā “aṭṭhannaṃ”ti Vibhaṅge vuttaṃ. Purimena pana saddhīṃ yugaḷattā imasmīṃ okāse ṭhapitanti veditabbaṃ. **Dhuraṃ nikkhattamatteti** dhure nikkhattamatte. Vitthārakathā panettha Sappāṇakavaggamhi Duṭṭhullasikkhāpade vuttanayeneva veditabbā. Tatra hi pācittiyāṃ, idha pārājikanti ayameva viseso. Sesam tādīsameva.

Dhuranikkhepasamuṭṭhānaṃ kāyavācācittato samuṭṭhāti, akiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Dutiyapārājikaṃ.

3. Tatiyapārājikasikkhāpadavaṇṇanā

669-70. Tatiye **dhammenā**ti bhūtena vatthunā. **Vinayenā**ti codetvā sāretvā. Padabhājanam panassa “yena dhammena yena vinayena ukkhitto su-ukkhitto hoti”ti imam adhippāyamattam dassetum vuttam.

Satthusāsanenāti nāttisampadāya ceva anusāvanasampadāya ca. Padabhājane panassa “Jinasāsanena Buddhasāsanenā”ti vevacanamattameva vuttam.

Samgham vā gaṇam vāti-ādīsu yena samghena kammam kataṃ, tam samgham vā, tattha sambahulapuggalasaṅkhātāṃ gaṇam vā, ekapuggalaṃ vā, tam vā kammam na ādiyati na anuvattati, na tattha ādaram janetīti attho.

Samānasamvāsakā bhikkhū vuccanti sahāyā, so tehi saddhim natthīti ettha ekakammam ekuddeso samasikkhatīti ayam tāva samvāso, samāno samvāso etesanti **samānasamvāsakā**. Evarūpā bhikkhū bhikkhussa tasmim samvāse saha ayanabhāvena **sahāyā**ti vuccanti. Idāni yena samvāsena te samānasamvāsakāti vuttā, so samvāso tassa ukkhittakassa tehi saddhim natthi. Yehi ca saddhim tassa so samvāso natthi, na tena te bhikkhū attano sahāyā katā honti. Tasmā vuttam “samānasamvāsakā bhikkhū vuccanti sahāyā, so tehi saddhim natthi, tena vuccati ‘akatasahāyo’ti”. Sesam Samghabhedasikkhāpadādīsu vuttanayattā uttānameva.

Samanubhāsanasamuṭṭhānam kāyavācācittato samuṭṭhāti, akiriyaṃ, saññāvimokkham, sacittakam, lokavajjam, kāyakammam vacīkammam, akusalacittam, dukkhavedananti.

Tatiyapārājikam.

4. Catutthapārājikasikkhāpadavaṇṇanā

675. Catutthe **avassutā**ti lokassādamittasanthavavasena kāyasamsaggarāgena avassutā. Dutiyapadepe eseve nayo. **Purisapuggalassa hatthaggaṇam vā**ti-ādīsu pana yam purisapuggalena hatthe gahaṇam kataṃ, tam purisapuggalassa hatthaggaṇanti vuttam. Eseve nayo **saṅghā**ti **kaṇṇaggaṇepi**. **Hatthaggaṇanti** ettha ca hatthaggaṇaṇca añṇampi apārājikakkhette

gahaṇaṅca ekajjhaṃ katvā hatthaggaḥaṇanti vuttanti veditabbaṃ. Tenevassa padabhājane “hatthaggaḥaṇaṃ vā sādiyeyyāti hattho nāma kapparaṃ upādāya yāva agganakhā, etassa asaddhammassa paṭisevanatthāya ubbhakkhakaṃ adhojāṇumaṇḍalaṃ gahaṇaṃ sādiyati, āpatti thullaccayassā”ti vuttaṃ. Ettha ca **asaddhammoti** kāyasaṃsaggo veditabbo, na methunadhammo. Na hi methunassa sāmantaṃ thullaccayaṃ hoti. “Viññū paṭibalo kāyasaṃsaggaṃ samāpajjitun”ti vacanampi cettha sādhaḥkaṃ.

Tissitthiyo methunaṃ taṃ na seve,
Tayo purise tayo ca anariyapaṇḍake.
Na cācare methunaṃ byañjanaṃsmiṃ,
Chejjā siyā methunadhammapaccayā.
Pañhā mesā kusalehi cintitāti¹—

Imāya parivāre vuttāya sedamocakagāthāya virujjhatīti ce. Na, methunadhammassa pubbhāgattā. Parivāreyeva hi “methunadhammassa pubbhāgo jānitaḥḥoti vaṇṇāvaṇṇo kāyasaṃsaggo duṭṭhullavācā attakāmapāricariyāgamanuppādanan”ti evaṃ sukkavissatṭhi-ādāni pañca sikkhāpadāni methunadhammassa pubbhāgoti vuttāni. Tasmā kāyasaṃsaggo methunadhammassa pubbhāgattā paccayo hoti. Iti **chejjā siyā methunadhammapaccayāti** ettha iminā pariyāyena attho veditabbo. Etenupāyena sabbapadesu vinicchayo veditabbo. Apica saṅketaṃ vā gaccheyyāti etassa padabhājane **itthannāmaṃ āgacchāti** evaṃnāmakāṃ ṭhānaṃ āgacchāti attho.

676. **Aṭṭhamaṃ vatthum paripūrentī assamaṇī hotīti** anulomato vā paṭilomato vā ekantarikāya vā yena tena nayena aṭṭhamaṃ vatthum paripūrentīyeva assamaṇī hoti. Yā pana ekaṃ vā vatthum satta vā vatthūni satakkhattumpi pūreti, neva assamaṇī hoti. Āpannā āpattiyo desetvā muccati. Apicettha gaṇanūpikā āpatti veditabbā. Vuttañhetam “atthāpatti desetā gaṇanūpikā, atthāpatti desetā na gaṇanūpikā”ti. Tatrāyaṃ vinicchayo—idāni nāpajjissāmīti dhuranikkhepaṃ katvā desetā gaṇanūpikā, desetagaṇanaṃ upeti, pārājikassa aṅgaṃ

1. Vi 5. 378 piṭṭhe.

na hoti. Tasmā yā ekaṃ āpannā dhuranikkhepaṃ katvā desetvā puna kilesavasena āpajjati, puna deseti, evaṃ aṭṭha vatthūni pūrentīpi pārājikā na hoti. Yā pana āpajjitvā punapi aññaṃ vatthum āpajjissāmīti sa-ussāhāva deseti, tassā sā āpatti nagaṇanūpikā, desitāpi adesitā hoti, desitagaṇanam na gacchati, pārājikasveva aṅgam hoti. Aṭṭhame vatthumhi paripuṇṇamatte pārājikā hoti. Sesam uttānamevāti.

Dhuranikkhepasamuṭṭhānaṃ kāyavācācittato samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dvivedananti.

Catutthapārājikaṃ.

Uddiṭṭhā kho ayyāyo aṭṭha pārājikā dhammāti bhikkhū ārabha paññattā sādharmaṇā cattāro ime ca cattāroti evaṃ pātimokkhuddesamaggena uddiṭṭhā kho ayyāyo aṭṭha pārājikā dhammāti evamettha attho daṭṭhabbo. Sesam Mahāvibhaṅge vuttanayamevāti.

Samantapāsādikāya Vinayasaṃvaṇṇanāya Bhikkhunīvibhaṅge

Pārājikakaṇḍavaṇṇanā niṭṭhitā.

Pārājikakaṇḍam niṭṭhitam.

2. Saṃghādisesakaṇḍa

1. Paṭhamasaṃghādisesasikkhāpadavaṇṇanā

Pārājikānantarassa, ayaṃ dāni bhavissati.

Saṃghādisesakaṇḍassa, anuttānatthavaṇṇanā.

678. Udositanti¹ bhaṇḍasālā. **Māyyo evaṃ avacāti** ayyo mā evaṃ avaca. **Apināyyāti** apinu ayyā. **Accāvadathāti** atikkamitvā vadatha, akkosathāti vuttam hoti.

679. **Ussayavādikāti** mānussayavasena kodhussayavasena vivadamānā. Yasmā pana sā atthato aḍḍakārikā hoti, tasmā “ussayavādikā nāma aḍḍakārikā vuccatī”ti padabhājane vuttam. Ettha ca **aḍḍoti** vohārikavinicchayo vuccati, yaṃ pabbajitā “adhikaraṇaṃ”tipi vadanti. **Dutiyam vā pariyesatīti** sakkhim vā sahāyam vā pariyesati, dukkaṭam. **Gacchati vāti** upassayo vā hotu bhikkhācāramaggo vā, yattha ṭhitāya aḍḍam karissāmīti cittaṃ uppajjati, tato vohārikānaṃ santikaṃ gacchantiyā padavāre padavāre dukkaṭam. **Ekassa ārocetīti** dvīsu janesu yassa kassaci ekassa katham yo koci vohārikānaṃ āroceti. **Dutiyassa ārocetīti** etthāpi eseva nayo.

Ayam panettha asammohatthāya vitthārakathā, yattha katthaci antamaso bhikkhunupassayaṃ āgatepi vohārike disvā bhikkhunī attano katham āroceti, bhikkhuniyā dukkaṭam. Upāsako attano katham āroceti, bhikkhuniyā thullaccayaṃ. Paṭhamam upāsako attano katham āroceti, bhikkhuniyā dukkaṭam. Atha sā attano katham āroceti, thullaccayaṃ. Bhikkhunī upāsakaṃ vadati “mama ca tava ca katham tvaṃyeva ārocehī”ti, so attano vā katham paṭhamam ārocetu, bhikkhuniyā vā, paṭhamārocane dukkaṭam, dutiyārocane thullaccayaṃ. Upāsako bhikkhunim vadati “mama ca tava ca katham tvaṃyeva ārocehī”ti. Etthāpi eseva nayo.

1. Uddositanti (Sī, Syā)

Bhikkhunī kappiyakārakena kathāpeti, tattha kappiyakāraḷo vā bhikkhuniyā katham̄ paṭhamam̄ ārocetu, itaro vā attano katham̄, kappiyakāraḷo vā ubhinnaṃpi katham̄, itaro vā ubhinnaṃpi katham̄ ārocetu, yathā vā tathā vā ārociyamāne paṭhame ārocane bhikkhuniyā dukkaṭam̄, dutiye thullaccayam̄. Yathā vā tathā vā ārocitam̄ pana ubhinnaṃpi katham̄ sutvā vohārikehi vinicchaye kate aḍḍapariyosānam̄ nāma yoti, tasmim̄ aḍḍapariyosāne bhikkhuniyā jayepi parājayepi saṃghādiseso. Sace pana gatigatam̄ adhikaraṇam̄ hoti, sutapubbam̄ vohārikehi. Atha te bhikkhuniṅca aḍḍakāraḷaṅca disvāva “tumahākam̄ kathanakiccaṃ natthi, jānāma mayam̄ ettha pavattin”¹ti sayameva vinicchinitvā denti, evarūpe aḍḍapariyosānepi bhikkhuniyā anāpatti.

Paṭhamam̄ āpatti etassāti paṭhamāpattiko, vītikkamakkaṇeyeva āpajjitabboti attho, tam̄ **paṭhamāpattikaṃ**. Padabhājane pana adhippāyamattam̄ dassetuṃ “saha vatthujjhācārā āpajjati asamanubhāsanāyā”²ti vuttam̄. Ayam̄ hettha attho, saha vatthujjhācārā yam̄ bhikkhunī āpajjati, na tatiyāya samanubhāsanāya, ayam̄ paṭhamameva saha vatthujjhācārena āpajjitabbattā paṭhamāpattikoti. Bhikkhunisaṃghato nissāretīti nissāraṇīyo, tam̄ **nissāraṇīyam̄**. Padabhājane pana adhippāyamattam̄ dassetuṃ “saṃghamhā nissārīyati”³ti vuttam̄. Tattha yam̄ āpannā bhikkhunī saṃghato nissārīyati, so nissāraṇīyoti evamattho daṭṭhabbo. Na hi so eva dhammo saṃghamhā kenaci nissārīyati. Tena pana dhammena bhikkhunī nissārīyati, tasmā so nissāretīti nissāraṇīyo.

Ākaḍḍhiyamānā gacchatīti aḍḍakārakamanussehi sayam̄ vā āgantvā dūtam̄ vā pesetvā ehīti vuccamānā vohārikānam̄ santikaṃ gacchati, tato aḍḍakāraḷo attano vā katham̄ paṭhamam̄ ārocetu bhikkhuniyā vā, neva paṭhamārocane dukkaṭam̄, na dutiyārocane thullaccayam̄. Amaccehi vinicchinitvā kate aḍḍapariyosānepi anāpattiyeva. Sacepi aḍḍakāraḷo bhikkhunim̄ vadati “mama ca tava ca katham̄ tvameva kathehi”⁴ti, kathentiyāpi katham̄ sutvā kate aḍḍapariyosānepi anāpattiyeva.

1. Etamatthanti (Sī, Syā)

Rakkham yācatīti dhammikam rakkham yācati, anāpatti. Idāni yathāyācitā rakkhā dhammikā hoti, tam dassetuṃ **anodissa ācikkhatī** āha. Tattha atītam ārabba atthi odissa-ācikkhanā, atthi anodissa-ācikkhanā, anāgataṃ ārabbhāpi atthi odissa-ācikkhanā, atthi anodissa-ācikkhanā.

Katham atītam ārabba odissa-ācikkhanā hoti? Bhikkhunupassaye gāmadārakā dhuttādayo vā ye keci anācāram vā ācaranti, rukkham vā chindanti, phalāphalam vā haranti, parikkhāre vā acchindanti. Bhikkhunī vohārike upasaṅkamitvā “amhākam upassaye idaṃ nāma katan”ti vadati. Kenāti vutte asukena ca asukena cāti ācikkhati. Evaṃ atītam ārabba odissa-ācikkhanā hoti, sā na vaṭṭati. Tañce sutvā te vohārikā tesam daṇḍam karonti, sabbam bhikkhuniyā gīvā hoti. Daṇḍam gaṇhissantīti adhippāyepi sati gīvāyeva hoti. Sace pana tassa daṇḍam gaṇhathāti vadati, pañcamāsakamatte gahite pārājikam hoti.

Kenāti vutte pana “asukenāti vattum amhākam na vaṭṭati, tumheyeva jānissatha. Kevalam hi mayam rakkham yācāma, tam no detha, avahaṭabhaṇḍaṅca āharāpethā”ti vattabbam. Evaṃ anodissa-ācikkhanā hoti, sā vaṭṭati. Evaṃ vutte sacepi te vohārikā kārake gavesitvā tesam daṇḍam karonti, sabbam sāpateyyampi gahitam bhikkhuniyā neva gīvā na āpatti.

Parikkhāram harante disvā tesam anattakāmatāya coro coroti vattumpi na vaṭṭati. Evaṃ vuttepi hi yaṃ tesam daṇḍam karonti, sabbampi bhikkhuniyā gīvā hoti. Attano vacanakaram pana “iminā me parikkhāro gahito, tam āharāpehi, mā cassa daṇḍam karohī”ti vattum vaṭṭati. Dāsadāsīvāpi-ādīnam atthāya aḍḍam karonti, ayam akappiya-aḍḍo nāma, na vaṭṭati.

Katham anāgataṃ ārabba odissa-ācikkhanā hoti? Vuttanayeneva parehi anācārādīsu katesu bhikkhunī vohārike evam vadati “amhākam upassaye idaṅcīdaṅca karonti, rakkham no detha āyatim akaraṇatthāyā”ti. Kena evam katanti vutte ca asukena asukena

cāti ācikkhati. Evaṃ anāgataṃ ārabha odissa-ācikkhanā hoti, sāpi na vaṭṭati. Tesāṃ hi daṇḍe kate purimanayeneva sabbaṃ bhikkhuniyā gīvā. Sesāṃ purimasadisameva.

Sace pana vohārikā “bhikkhunupassaye evarūpaṃ anācāraṃ karontānaṃ imaṃ nāma daṇḍaṃ karomā”ti bheriṃ carāpetvā āṇāya atiṭṭhamāne pariyesitvā daṇḍaṃ karonti, bhikkhuniyā neva gīvā na āpatti.

Yo cāyaṃ bhikkhunīnaṃ vutto, bhikkhūnampi eseva nayo. Bhikkhunopi hi odissa-ācikkhanā na vaṭṭati. Yaṃ tathā ācikkhite daṇḍaṃ karonti, sabbaṃ gīvā hoti. Vuttanayeneva daṇḍaṃ gaṇhāpentassa pārājikaṃ. Yo pana “daṇḍaṃ karissanti”ti jānanti anodissa katheti, te ca pariyesitvā daṇḍaṃ karontiyeva, na doso. Vihārasīmāya rukkhādīni chindantānaṃ vāsipharasu-ādīni gahetvā pāsāṇehi koṭṭenti, na vaṭṭati. Sace dhārā bhijjati, kārapetvā dātabbā. Upadhāvitvā tesāṃ parikkhāre gaṇhanti, tampi na kātabbaṃ, lahuparivattaṃ hi cittaṃ, theyyacetanāya uppannāya mūlacchejjampi gaccheyya. Sesāṃ uttānameva.

Kathinasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Sattarasake paṭṭhamasikkhāpadaṃ.

2. Dutiyaṃghādisesāsikkhāpadavaṇṇanā

682. Dutiye **varabhaṇḍanti** muttāmaṇiveḷuriyādi mahagghabhaṇḍaṃ.

683. **Anapaloketvā**ti anāpucchitvā. **Gaṇaṃ vā**ti mallagaṇabhaṭṭiputtagaṇādikaṃ¹. **Pūganti** dhammagāṇaṃ. **Seṇinti** gandhikaseṇidussikaseṇi-ādikaṃ. Yattha yattha hi rājāno gaṇādīnaṃ gāmanigame niyyāteṇti “tumheva ettha anusāsathā”ti, tattha tattha te eva issarā honti. Tasmā te sandhāya idaṃ vuttaṃ. Ettha ca rājānaṃ vā gaṇādike vā āpucchitvāpi bhikkhunisaṃgho āpucchitabbova. **Ṭhapetvā kappanti** titthiyesu

1. ...bhattaputtagaṇādikaṃ (Si), ...bhaddiputtagaṇādikaṃ (Syā)

vā aññabhikkhunīsu vā pabbajitapubbaṃ kappagatikāṃ ṭhapetvāti. Sesāṃ uttānameva.

Corīvuṭṭhāpanasamuṭṭhānaṃ, kenaci karaṇīyena pakkantāsu bhikkhunīsu agantvā khaṇḍasīmaṃ yathānisinnaṭṭhāneyeva attano nissitakaparisāya saddhiṃ vuṭṭhāpentiyā vācācittato samuṭṭhāti, khaṇḍasīmaṃ vā nadiṃ vā gantvā vuṭṭhāpentiyā kāyavācācittato samuṭṭhāti, anāpucchā vuṭṭhāpanavasena kiriyākiriyaṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dutiyasikkhāpadam.

3. Tatiyasamghādisesasikkhāpadavaṇṇanā

692. Tatiye **parikkhepaṃ atikkāmentiyāti** ettha ekaṃ pādaṃ atikkāmentiyā thullaccayaṃ, dutiyena atikkantamatte samghādiseso. **Aparikkhittassa gāmassa upacāranti** ettha parikkhepārahaṭṭhānaṃ ekena pādena atikkamati, thullaccayaṃ, dutiyena atikkantamatte samghādiseso. Apicettha sakagāmato nikkhamantiyā gāmantarapaccayā anāpatti, nikkhamitvā pana gāmantaraṃ gacchantiyā padavāre padavāre dukkaṭaṃ, ekena pādena itarassa gāmassa parikkhepe vā upacāre vā atikkantamatte thullaccayaṃ, dutiyena atikkantamatte samghādiseso. Tato nikkhamitvā puna sakagāmaṃ pavisantiyāpi eseva nayo. Sace pana khaṇḍapākārena vā vatichiddena vā bhikkhunivihārabhūmiyeva sakkā hoti pavisitum, evaṃ pavisamānāya kappiyabhūmi nāma pavitṭhā hoti, tasmā vaṭṭati. Sacepi hatthipiṭṭhi-ādīhi vā iddhiyā vā pavisati, vaṭṭati yeva. Padasā gamanameva hi idhādhippetam. Teneva “paṭṭhamaṃ pādaṃ atikkāmentiyā”ti-ādīmāha.

Dve gāmā bhikkhunivihārena sambaddhvatikā honti, yasmim gāme bhikkhunivihāro, tattha piṇḍāya caritvā puna vihāraṃ pavisitvā sace vihāramajjhena itarassa gāmassa maggo atthi, gantum vaṭṭati. Tato pana gāmato teneva maggena paccāgantabbaṃ. Sace gāmadvārena nikkhamitvā āgacchati, purimanayeneva āpattibhedo veditabbo. Sakagāmato

kenaci karaṇīyena bhikkhunīhi saddhim nikkhantāya puna pavisanakāle hatthi vā muccati, ussāraṇā vā hoti, itarā bhikkhuniyo sahasā gāmaṃ pavisanti, yāva aññā bhikkhunī āgacchati, tāva bahigāmadvāre ṭhātabbaṃ. Sace na āgacchati, dutiyikā bhikkhunī pakkantā nāma hoti, pavisitum vaṭṭati.

Pubbe mahāgāmo hoti, majjhe bhikkhunivihāro. Pacchā taṃ gāmaṃ cattāro janā labhitvā visum visum vatiparikkhepaṃ katvā vibhajivā bhuñjanti, vihārato ekaṃ gāmaṃ gantum vaṭṭati. Tato aparaṃ gāmaṃ dvārena vā vatichiddena vā pavisitum na vaṭṭati, puna vihārameva paccāgantum vaṭṭati. Kasmā? Vihārassa catugāmasādhāraṇattā.

Antaravāsako temiyatīti yattha yathā timaṇḍalapaṭicchādanam hoti, evam nivatthāya bhikkhuniyā vassakāle titthena vā atitthena vā otarivā yattha katthaci uttarantiyā ekadvaṅgulamattampi antaravāsako temiyati. Sesam nadīlakkhaṇam nadīnimittakathāyaṃ āvi bhavissati. Evarūpaṃ nadim titthena vā atitthena vā otarivā uttaraṇakāle paṭhamaṃ pādaṃ uddharitvā tīre ṭhapentiyā thullaccayaṃ, dutiyapāduddhāre saṃghādiseso. Setunā gacchati, anāpatti. Padasā otarivā uttaraṇakāle setum ārohitvā uttarantiyāpi anāpatti. Setunā pana gantvā uttaraṇakāle padasā gacchantiyā āpattiyeva. Yānanāvā-ākāsagamanādīsupi eseva nayo. Orimatīrato pana paratīrameva akkamantiyā anāpatti. Rajanakammatthaṃ gantvā dārusaṅkaḍḍhanādikiccena dve tisso ubhayatīresu vicaranti, vaṭṭati. Sace panettha kāci kalahaṃ katvā itaraṃ tīraṃ gacchati, āpatti. Dve ekato uttaranti, ekā majjhe nadiyā kalahaṃ katvā nivattitvā orimatīrameva āgacchati, āpatti. Itarissā pana ayaṃ pakkantaṭṭhāne ṭhitā hoti, tasmā paratīraṃ gacchantiyāpi anāpatti. Nhāyitum vā pātum vā otiṇṇā tameva tīraṃ paccuttarati, anāpatti.

Saha aruṇuggamanāti ettha sace sajjhāyaṃ vā padhānaṃ vā aññaṃ vā kiñci kammaṃ kurumānā pure-aruṇeyeva dutiyikāya santikaṃ gamissāmīti ābhogaṃ karoti, ajānantiyā eva cassā aruṇo uggacchati, anāpatti. Atha pana “yāva aruṇuggamanā idheva bhavissāmī”ti vā anābhogena vā vihārassa ekadese acchati, dutiyikāya hatthapāsam

na otarati, aruṇuggamane saṃghādiseso. Hatthapāsoyeva hi idha pamāṇaṃ, hatthapāsātikkame ekagabbhopi na rakkhati.

Agāmake araṇṇeti ettha “nikkhamitvā bahi indakhilā sabbametaṃ araṇṇaṃ”ti evaṃ vuttalakkhaṇameva araṇṇaṃ. Taṃ panetaṃ kevalaṃ gāmābhāvena “agāmakaṃ”ti vuttaṃ, na viñjhāṭavisadisatāya. Tādise araṇṇe okkante dassanūpacāre vijahite sacepi savanūpacāro atthi, āpatti. Teneva vuttaṃ Aṭṭhakathāyaṃ “sace bhikkhunīsu mahābodhi-aṅgaṇaṃ pavisaṅtīsu ekā bahi tiṭṭhati, tassāpi āpatti. Lohapāsādaṃ pavisaṅtīsupi pariveṇaṃ pavisaṅtīsupi eseva nayo. Mahācetiyaṃ vandamānāsu ekā uttaradvārena nikkhamitvā gacchati, tassāpi āpatti. Thūpārāmaṃ pavisaṅtīsu ekā bahi tiṭṭhati, tassāpi āpatti”ti. Ettha ca dassanūpacāro nāma yattha ṭhitaṃ dutiyikā passati. Sace pana sāṇipākārantarikāpi hoti, dassanūpacāraṃ vijahati nāma. Savanūpacāro nāma yattha ṭhitā maggamūlhasaddena viya dhammasavanārocanasaddena viya ca “ayye”ti saddāyantiyā saddaṃ suṇāti. Ajjhokāse dūrepi dassanūpacāro nāma hoti. So evarūpe savanūpacāre vijahite na rakkhati, vijahitamatteva āpatti saṃghādisesassa.

Ekā maggaṃ gacchantī ohīyati. Sa-ussāhā ce hutvā idāni pāpuṇissāmīti anubandhati, anāpatti. Sace purimāyo aññaṃ maggena gacchanti, pakkantā nāma honti, anāpattiyeva. Dvinnaṃ gacchantīnaṃ ekā anubandhituṃ asakkontī “gacchatu ayan”ti ohīyati, itarāpi “ohīyatu ayan”ti gacchati, dvinnampi āpatti. Sace pana gacchantīsu purimāpi aññaṃ maggaṃ gaṇhāti, pacchimāpi aññaṃ, ekā ekissā pakkantaṭṭhāne tiṭṭhati, dvinnampi anāpatti.

693. **Pakkhasaṅkantā vāti** titthāyatanaṃ saṅkantā, sesaṃ uttānameva. Paṭhamapārājikasamuṭṭhānaṃ, kiriyāṃ, saññāvimokkhaṃ, sacittakaṃ, paṇṇattivajjaṃ, kāyakammaṃ, ticittaṃ, tivedananti.

Tatīyasikkhāpadaṃ.

4. Catutthasaṃghādisesasikkhāpadavaṇṇanā

694-8. Catutthe **pādapiṭṭham** nāma dhotapādaṭṭhapanakam. **Pādakaṭṭhalikā** nāma adhotapādaṭṭhapanakam. **Anaññāya gaṇassa chandanti** tasseva kārakagaṇassa chandam ajānitvā. **Vatte vattantinti** tecattālīsappabhede netthāravatte vattamānam. Sesam uttānameva.

Dhuranikkhepasamuṭṭhānam kāyavācācittato samuṭṭhāti, kiriyākiriyaṃ, saññāvimokkham, sacittakam, lokavajjam, kāyakammaṃ vacīkammaṃ, akusalacittam, dukkhavedananti.

Catutthasikkhāpadam.

5. Pañcamasaṃghādisesasikkhāpadavaṇṇanā

701. Pañcame **ekato-avassuteti** ettha bhikkhuniyā avassutabhāvo daṭṭhabboti Mahāpaccariyaṃ vuttam. Mahā-aṭṭhakathāyaṃ panetaṃ na vuttam, tam Pāliyaṃ sameti. Sesam uttānameva.

Paṭhamapārājikasamuṭṭhānam, kiriyaṃ, saññāvimokkham, sacittakam, lokavajjam, kāyakammaṃ, akusalacittam, dvivedananti.

Pañcamasikkhāpadam.

6. Chaṭṭhasaṃghādisesasikkhāpadavaṇṇanā

705-6. Chaṭṭhe **yato tvanti** yasmā tvam. **Uyyojeti āpatti dukkaṭassāti-** ādikā saṃghādisesapariyosānā āpattiyo kassā hontīti, uyyojikāya. Vuttam cetam Parivārepi—

“Na deti na paṭiggaṇhāti, paṭiggaho tena na vijjati.
 Āpajjati garukam na lahukam, tañca paribhogapaccayā.
 Pañhā mesā kusalehi cintitā”ti¹.

1. Vi 5. 379 piṭṭhe.

Ayaṃ hi gāthā imaṃ uyyojikaṃ sandhāya vuttā. Itarissā pana āpattibhedo paṭhamasikkhāpade vibhattoti. Sesaṃ uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Chaṭṭhasikkhāpadaṃ.

7. Sattamasamghādisesasikkhāpadavaṇṇanā

709. Sattame **yāvataṭṭhaka**padattho Mahāvibhaṅge vuttanayeneva veditabbo. Sesaṃ uttānamevāti.

Samanubhāsanamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Sattamasikkhāpadaṃ.

8. Aṭṭhamasamghādisesasikkhāpadavaṇṇanā

715. Aṭṭhame **kismiñciveva adhikaraṇeti** catunnaṃ aññatarasmiṃ. Padabhājane pana kevalaṃ adhikaraṇavibhāgaṃ dassetuṃ “adhikaraṇaṃ nāma cattāri adhikaraṇāni”ti-ādi vuttam. Sesaṃ uttānameva saddhiṃ samuṭṭhānādihīti.

Aṭṭhamasikkhāpadaṃ.

9. Navamasamghādisesasikkhāpadavaṇṇanā

723. Navame **saṃsaṭṭhāti** missībhūtā. **Ananulomikenāti** pabbajitānaṃ ananulomena kāyikavācasikena. **Saṃsaṭṭhāti** gihīnaṃ koṭṭanapacanagandhapisanamālāganthanādinā kāyikena sāsanaṭṭhāsānaṭṭhāraṇasañcarittādinā vācasikena ca saṃsaṭṭhā. Pāpo kittisaddo etāsanti

pāpasaddā. Pāpo ājīvasaṅkhāto siloko etāsanti **pāpasilokā.** Sesam uttānameva saddhim samuṭṭhānādīhīti.

Navamasikkhāpadam.

10. Dasamasamghādisesasikkhāpadavaṇṇanā

727. Dasame **evācārāti** evamācārā, yādiso tumhākaṃ ācāro, tādisā ācārāti¹ attho. Esa nayo sabbattha. **Uññāyāti** avaññāya nīcam katvā jānanāya. **Paribhavenāti** kim imā karissantīti evam paribhavitvā jānanena. **Akkhantiyāti** asahanatāya, kodhenāti² attho. **Vebhassiyāti**³ balavabhassabhāvena attano balappakāsanena, samutrāsanenāti⁴ attho. **Dubbalyāti** tumhākaṃ dubbalabhāvena. Sabbattha uññāya ca paribhavana cāti evam samuccayattho daṭṭhabbo. **Viviccathāti** vinā hotha. Sesam uttānameva saddhim samuṭṭhānādīhīti.

Dasamasikkhāpadam.

Uddiṭṭhā kho ayyāyo sattarasa samghādisesāti ettha channam paṭhamāpattikānam anantarā sañcarittam, dve duṭṭhadosāti imāni tīni sikkhāpadāni Mahāvibhaṅgato pakkhipitvā **nava paṭhamāpattikā,** catunnam yāvatiyakānam anantarā Mahāvibhaṅgatopi cattāro yāvatiyake pakkhipitvā **aṭṭha yāvatiyakā** veditabbā. Evam sabbepi pātimokkhuḍdesamaggena uddiṭṭhā kho ayyāyo sattarasa samghādisesā dhammāti evamettha attho daṭṭhabbo. Sesam uttānameva aññatra pakkhamānattā. Tam pana Khandhake vitthārena vaṇṇayissāmāti.

Samantapāsādikāya Vinayasamvaṇṇanāya Bhikkhunīvibhaṅge

Sattarasakavaṇṇanā niṭṭhitā.

Samghādisesakaṇḍam niṭṭhitam.

1. Tādiso ācāroti (Syā), tādisa-ācārāti (?)

3. Vebhassāti (Sī, Syā)

2. Kopenāti (Sī, Syā)

4. Balappakāsanasamutrāsanenāti (Syā)

3. Nissaggiyakaṇḍa

Paṭhamanissaggiyapācittiyasikkhāpadavaṇṇanā

Tiṃsa nissaggiyā dhammā, bhikkhunīnaṃ pakāsitā.

Ye tesam dāni bhavati, ayaṃ samvaṇṇanākkamo.

733. **Āmattikāpaṇanti** amattāni vuccanti bhājanāni, tāni ye vikkiṇanti, te vuccanti āmattikā, tesam āpaṇo **āmattikāpaṇo**, tam vā pasāressantīti attho.

734. **Pattasannicayaṃ kareyyāti** pattasannidhiṃ kareyya, ekāhaṃ anadhittahativā vā avikappetvā vā pattaṃ ṭhapeyyāti attho. Sesam Mahāvibhaṅge vuttanayeneva veditabbaṃ. Ayameva hi viseso, tattha dasāhaṃ parihāro, idha ekāhampi natthi. Sesam tādisameva.

Idampi kathinasamuṭṭhānaṃ kāyavācato kāyavācācittato ca samuṭṭhāti. Akiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Paṭhamasikkhāpadaṃ.

Dutiyanissaggiyapācittiyasikkhāpadavaṇṇanā

738. Dutiye **duccoḷāti** virūpacolā, jiṇṇacoḷāti attho. **Apayyāhīti** api ayyāhi.

740. **Ādissa dinnanti** sampattā bhājentūti vatvāpi idaṃ gaṇassa, idaṃ tumhākaṃ dammīti vatvā vā dātukamyatāya pādamūle ṭhpetvā vā dinnampi ādissa dinnam nāma hoti. Etaṃ sabbampi akālacīvaraṃ. **Ayyāya dammīti** evaṃ paṭiladdhaṃ pana yathādāneyeva upanetabbaṃ. Sesam uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Dutiyasikkhāpadaṃ.

Tatyanissaggiyapācittiyasikkhāpadavaṇṇanā

743-5. Tatiye **handāti** gaṇha. **Sayaṃ acchindatīti** ekaṃ datvā ekaṃ acchindantiyā ekaṃ nissaggiyaṃ, bahūsu bahūni. Sace saṃharitvā ṭhapitāni ekato acchindati, vatthugaṇanāya āpattiyo. Bandhitvā ṭhapitesu pana ekāva āpatti. Sesāṃ uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Tatayasikkhāpadaṃ.

Catutthanissaggiyapācittiyasikkhāpadavaṇṇanā

748. Catutthe **kayenāti** mūlena. **Na me āvuso sappinā attho, telena me atthoti** idaṃ kira sā āhaṭasappiṃ datvā telampi āharissatīti maññamānā āha. **Viññāpetvāti** jānāpetvā, idaṃ nāma āharāti yācitvā vā.

752. **Taññeva viññāpetīti** yaṃ paṭhamāṃ viññattaṃ, taṃ thokaṃ nappahoti, tasmā puna taññeva viññāpetīti attho. **Aññañca viññāpetīti** sace paṭhamāṃ sappi viññattaṃ, yamakāṃ pacitabbanti ca vejjena vuttattā telena attho hoti, tato telenāpi me atthoti evaṃ aññañca viññāpeti. **Ānisaṃsaṃ dassetvāti** sace kahāpaṇassa sappi ābhattaṃ hoti, iminā mūlena diguṇaṃ telaṃ labbhati, tenāpi ca idaṃ kiccaṃ nipphajjati, tasmā telaṃ āharāti evaṃ ānisaṃsaṃ dassetvā viññāpetīti. Sesāṃ uttānameva.

Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Catutthasikkhāpadaṃ.

Pañcamanissaggiyapācittiyasikkhāpadavaṇṇanā

753. Pañcame **na me sikkhamāneti** idaṃ kira sā kuladhītā “ayaṃ addhā evaṃ vuttā idaṃ telam ṭhapetvā sappimpi me attano kulagharā āharissatī”ti maññamānā āha. **Cetāpetvāti** jānāpetvā icceva attho. Sesam sabbattha catutthasadisamevāti.

Pañcamasikkhāpadam.

Chaṭṭhanissaggiyapācittiyasikkhāpadavaṇṇanā

758. Chaṭṭhe **chandakanti** idaṃ nāma dhammakiccaṃ karissāma, yaṃ sakkotha, taṃ dethāti evaṃ paresam chandañca ruciñca uppādetvā gahitaparikkhārassetam adhivacanam. **Aññadatthikenāti** aññassatthāya dinnena. **Aññuddisikenāti** aññam uddisitvā dinnena. **Samghikenāti** samghassa pariccattena.

762. **Sesakam upanetīti** yadatthāya dinno, taṃ cetāpetvā avasesam aññassatthāya upaneti. **Sāmike apaloketvāti** “tumhehi cīvaratthāya dinno, amhākañca cīvaram atthi, telādīhi pana attho”ti evaṃ āpucchitvā upaneti. **Āpadāsūti** tathārūpesu upaddavesu bhikkhuniyo vihāram chaḍḍetvā pakkamanti, evarūpāsu āpadāsu yaṃ vā taṃ vā cetāpetum vaṭṭati. Sesam uttānameva.

Chasamuṭṭhānam, kiriyākiriyaṃ, nosaññāvimokkham, acittakam, paṇṇattivajjam, kāyakammaṃ vacīkammaṃ, ticittam, tivedananti.

Chaṭṭhasikkhāpadam.

Sattamanissaggiyapācittiyasikkhāpadavaṇṇanā

764. Sattame **saññācikenāti** sayam yācitakena. Etadevettha nānākaraṇam, sesam chaṭṭhasadisamevāti.

Sattamasikkhāpadam.

Aṭṭhamanissaggiyapācittiyasikkhāpadavaṇṇanā

769. Aṭṭhame **mahājanikenā**ti gaṇassa pariccattena. Etadevettha nānākaraṇaṃ.

Aṭṭhamasikkhāpadaṃ.

Navamanissaggiyapācittiyasikkhāpadavaṇṇanā

774. Navamasikkhāpade **saññācikenā**ti idaṃ padaṃ ito adhikatarāṃ.

Navamasikkhāpadaṃ.

Dasamanissaggiyapācittiyasikkhāpadavaṇṇanā

788. Dasame **pariveṇaṃ undriyatī**¹ pariveṇaṃ vinassati, paripatatīti attho. Idañca padaṃ **puggalikenā saññācikenā**ti idañca ettakameva nānākaraṇaṃ. Sesāṃ pubbasadisamevāti.

Dasamasikkhāpadaṃ.

Ekādasamanissaggiyapācittiyasikkhāpadavaṇṇanā

784. Ekādasame **garupāvuraṇanti** sītakāle pāvuraṇaṃ. **Catukkaṃsaparamanti** ettha kaṃso nāma catukkahāpaṇiko hoti. Tasmā padabhājane “soḷasakahāpaṇagghanakan”ti vuttaṃ.

Ekādasamasikkhāpadaṃ.

Dvādasamanissaggiyapācittiyasikkhāpadavaṇṇanā

789. Dvādasame **lahupāvuraṇanti** uṇhakāle pāvuraṇaṃ. Sesāṃ sikkhāpadadvayepi uttānameva.

1. Udriyatīti (Sī), uddariyatīti (Syā)

Chasamuṭṭhānaṃ, kiriyaṃ, nosaññāvimokkhaṃ, acittakaṃ,
paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dvādasamasikkhāpadaṃ.

Uddiṭṭhā kho ayyāyo tiṃsa nissaggiyā pācittiyā dhammāti ettha
Mahāvibhaṅge cīvaravaggato dhovanañca paṭiggahaṇaṅcāti dve
sikkhāpadāni apanetvā akālacīvaraṃ kālacīvaranti adhiṭṭhahitvā
bhājitāsikkhāpadena ca parivattetvā acchinnacīvarena ca paṭhamavaggo
pūretabbo. Puna eḷakalomavaggassa ādito satta sikkhāpadāni apanetvā satta
aññadatthikāni pakkhipitvā dutiyavaggo pūretabbo. Tatiyavaggato
Paṭhamapattāṃ Vassikasāṭikaṃ Āraññakasikkhapadanti imāni tīṇi apanetvā
Pattasannicayagarupāvuraṇalahupāvuraṇasikkhāpadehi tatiyavaggo
pūretabbo. Iti bhikkhunīnaṃ dvādasa sikkhāpadāni ekatopaññattāni,
aṭṭhārasa ubhatopaññattānīti evaṃ sabbepi pātimokkhuddesamaggena
uddiṭṭhā kho ayyāyo tiṃsa nissaggiyā pācittiyā dhammāti evamettha attho
daṭṭhabbo. Sesāṃ vuttanayamevāti.

Samantapāsādikāya Vinayasaṃvaṇṇanāya Bhikkhunīvibhaṅge

Tiṃsakavaṇṇanā niṭṭhitā.

Nissaggiyakaṇḍaṃ niṭṭhitam.

4. Pācittiyakaṇḍa

1. Lasuṇavagga

1. Paṭhamalasūnasikkhāpadavaṇṇanā

Timsakānantaram dhammā, chasaṭṭhisatasasaṅgahā.

Saṅgītā ye ayam dāni, hoti tesampi vaṇṇanā.

793. Tattha Lasuṇavaggassa tāva paṭhamasikkhāpade **dve tayo bhaṇḍiketi**¹ dve vā tayo vā poṭṭalike². Sampuṇṇamiñjānametaṃ adhvacaṇaṃ. **Na mattaṃ jānitvāti** pamāṇaṃ ajānitvā khettaṭṭhapaṭṭhassa vārentassa bahum lasuṇaṃ harāpesi.

Aññataram haṃsayoninti suvaṇṇahaṃsayonim. **So tāsam ekekanti** so haṃso jātissaro ahosi, atha pubbasinehena āgantvā tāsam ekekaṃ pattaṃ deti, taṃ tāpanatālanacchedanakkhamaṃ suvaṇṇameva hoti.

795. **Māgadhakanti** Magadhesu jātam. Magadharatṭhe jātalasuṇameva hi idha lasuṇanti adhippetam, tampi bhaṇḍikalasuṇameva³, na ekadvitimiñjakaṃ. Kurundiyaṃ pana jātadesaṃ avatvā “māgadhakaṃ nāma bhaṇḍikalasuṇaṃ”ti vuttaṃ. **Ajjhohāre ajjhohāreti** ettha sace dve tayo bhaṇḍike ekatoyeva saṅkhāditvā ajjhoharati, ekaṃ pācittiyam. Bhinditvā ekekaṃ miñjaṃ khādantiyā pana payogagaṇanāya pācittiyānīti.

797. **Palaṇḍukā**dīnaṃ vaṇṇena vā miñjāya vā nānattaṃ veditabbaṃ—vaṇṇena tāva palaṇḍuko paṇḍuvaṇṇo hoti. Bhañjanako lohitavaṇṇo. Haritako haritapaṇṇavaṇṇo. Miñjāya pana palaṇḍukassa ekā miñjā hoti, bhañjanakassa dve, haritakassa tisso, cāpalasuṇo⁴ amiñjako, aṅkuramattameva hi tassa hoti. Mahāpaccariyādīsū pana “palaṇḍukassa tīṇi miñjāni, bhañjanakassa dve, haritakassa ekaṃ”ti

1. Gaṇṭhiketi (Ka)

3. Gaṇṭhikalasuṇameva (Ka)

2. Phoṭṭalake (Ka)

4. Cāvalasuṇo (Sī)

vuttaṃ. Ete palaṇḍukādayo sabhāveneva vaṭṭanti. Sūpasampākādīsu pana Māgadhakampi vaṭṭati. Taṃ hi paccamānesu muggasūpādīsu vā macchamaṃsavikatiyā vā telādīsu vā badarasāḷavādīsu vā ambilasākādīsu vā uttaribhaṅgesu vā yattha katthaci antamaso yāgubhattepi pakkhipitum vaṭṭati. Sesamettha uttānameva.

Elakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ¹, ticittaṃ tivedananti.

Lasuṇasikkhāpadaṃ paṭhamāṃ.

2. Dutiyasikkhāpadavaṇṇanā

799. Dutiye **sambādheti** paṭicchannokāse. Tassa vibhāgadassanattamaṃ pana “ubho upakacchakā muttakaraṇaṃ”ti vuttaṃ. **Ekampi lomanti** kattariyā vā saṇḍāsakena vā khurena vā yena kenaci ekapayogena vā nānāpayogena vā ekaṃ vā bahūni vā saṃharāpentiyā payogagaṇanāya pācittiyāni, na lomagaṇanāya.

801. **Ābādhapaccayāti** kaṇḍukacchu-ādi-ābādhapaccayā saṃharāpentiyā anāpatti. Sesam uttānameva. Catusamuṭṭhānaṃ kāyato kāyavācato kāyacittato kāyavācācittato ca samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dutiyasikkhāpadaṃ.

3. Tatiyasikkhāpadavaṇṇanā

803-4. Tatiye **talaghātaketi** muttakaraṇatalaghātane. **Antamaso uppalapattenāpīti** ettha pattam tāva mahantaṃ, kesarenāpi pahāraṃ dentiyā āpattiyeva.

1. Kāyakammaṃ vacīkammaṃ (Sī, Syā)

805. **Ābādhapaccayā**ti gaṇḍaṃ vā vaṇaṃ vā paharituṃ vaṭṭati. Sesāṃ uttānameva. Paṭṭhamapārājikasamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, tivedananti¹.

Tatīyasikkhāpadaṃ.

4. Catutthasikkhāpadavaṇṇanā

806. Catutthe **purāṇarājorodhā**ti² purāṇe gihibhāve rañño orodhā³. **Cirāciraṃ gacchatī**ti cirena cirena gacchati. **Dhārethā**ti sakkotha. **Kassidaṃ kammanti** vutte anārocitepi eṭā mayi āsaṅkaṃ karissanti māññaṃ evamāha “mayhidaṃ kamman”ti.

807. **Jatumaṭṭhake**ti⁴ jatunā kate maṭṭhadaṇḍake⁵. Vatthuvasevetāṃ vuttaṃ, yaṃkiñci pana daṇḍakaṃ pavesentiya āpattiyeva. Tenāha “antamaso uppalapattampi muttakaraṇaṃ pavesetī”ti. Etampi ca atimahantaṃ, kesaramattampi pana pavesentiya āpatti eva. Sesāṃ uttānameva. Samuṭṭhānādīni talaghātake vuttasadisānevāti.

Catutthasikkhāpadaṃ.

5. Pañcamasikkhāpadavaṇṇanā

810. Pañcame **atigambhīraṃ udakasuddhikaṃ ādiyanti**ti ati-anto pavesetvā udakena dhovanaṃ kurumānā.

812. **Kesaggamattampi atikkāmetī**ti vitthārato tatīyaṃ vā catutthaṃ vā aṅgulaṃ, gambhīrato dvinnaṃ pabbānaṃ upari kesaggamattampi pavesentiya pācittiyanti attho. Vuttañhetāṃ Mahāpaccariyaṃ “ekissā aṅguliya tīṇi pabbāni ādātuṃ na labhati, tiṇṇaṃ vā catunnaṃ vā ekekampi pabbāni ādātuṃ

1. Dvivedananti (Sī, Syā)

2. Purāṇarājorodhoti (Sī, Syā)

3. Orodho (Sī, Syā)

4. Jatumaṭṭhake (Sī)

5. Maṭṭhadaṇḍake (Sī)

na labhatī''ti. Sesam uttānameva. Samuṭṭhānādīnīpi talaghātake vuttasadisānevāti.

Pañcamasikkhāpadaṃ.

6. Chaṭṭhasikkhāpadavaṇṇanā

815. Chaṭṭhe **bhattavissagganti** bhattakiccaṃ. **Pānīyena ca vidhūpanena ca upatiṭṭhitvā**ti ekena hatthena pānīyathālakaṃ ekena bījanīm gahetvā bījamānā samīpe ṭhatvāti attho. **Accāvadatī**ti pubbepi tumhe evaṃ bhuñjatha, ahaṃ evaṃ upaṭṭhānaṃ karomīti pabbajitacārittaṃ atikkamitvā gehassitakathaṃ kathetīti attho.

817. **Yamkiñci pānīyanti** suddha-udakaṃ vā hotu, takkadadhimatthurasakhīrādīnaṃ vā aññataraṃ. **Yā kāci bījanī**ti antamaso cīvarakaṇṇopi. **Hatthapāse tiṭṭhati, āpatti pācittiyassā**ti idha ṭhānapaccayāva pācittiyam vuttaṃ. Pahārapaccayā pana Khandhake dukkaṭaṃ paññattaṃ.

819. **Deti dāpetī**ti pānīyam vā sūpādim vā imaṃ pivatha, iminā bhuñjathāti deti, tālavaṇṭaṃ iminā bījantā bhuñjathāti deti, aññena vā ubhayampi dāpeti, anāpatti. **Anupasampannaṃ āṇāpetī**ti upatiṭṭhanatthaṃ sāmaṇerim¹ āṇāpeti, anāpatti. Sesam uttānameva.

Elakalomasamuṭṭhānaṃ, kiriyam, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Chaṭṭhasikkhāpadaṃ.

7. Sattamasikkhāpadavaṇṇanā

822. Sattame **bhuñjissāmīti paṭiggaṇhati, āpatti dukkaṭassā**ti idaṃ payogadukkaṭaṃ nāma, tasmā na kevalaṃ paṭiggahaṇeyeva hoti,

1. Sāmaṇerādim (Ka)

paṭiggaṇhitvā pana araṇṇato¹ āharaṇepi sukkhāpanepi vaddalidivase bhajjanatthāya uddhanasajjanepi kapallasajjanepi dabbisajjanepi dārūni ādāya aggikaraṇepi kapallamhi dhañṇapakkhipanepi dabbiyā saṅghaṭṭanesupi koṭṭanattham̐ udukkhalamusalādisajjanesupi koṭṭanapapphoṭanadhovanādisupi yāva mukhe ṭhapetvā ajjhoharaṇattham̐ dantehi saṅkhādanti, tāva sabbapayogesu dukkaṭāni, ajjhoharaṇakāle pana ajjhoharaṇagaṇanāya pācittiyāni. Ettha ca viññatti ceva bhojanaṅca pamāṇam̐. Tasmā sayam̐ viññāpetvā aññāya bhajjanakoṭṭanapacanāni kārāpetvā bhuñjantiyāpi āpatti. Aññāya viññāpetvā sayam̐ bhajjanādīni katvā bhuñjantiyāpi āpatti. Mahāpaccariyam̐ pana vuttam̐ “idaṃ āmakadhañṇam̐ nāma mātarampi viññāpetvā bhuñjantiyā pācittiyameva, aviññattiyā laddham̐ sayam̐ bhajjanādīni katvā vā kārāpetvā vā bhuñjantiyā dukkaṭam̐. Aññāya viññattiyā laddham̐ sayam̐ vā bhajjanādīni katvā tāya vā kārāpetvā aññāya vā kārāpetvā bhuñjantiyāpi dukkaṭamevā”ti. Punapi vuttam̐ “aññāya viññattiyā laddham̐ sayam̐ bhajjanādīni katvā bhuñjantiyā pācittiyameva. Bhajjanādīni kārāpetvā bhuñjantiyā pana dukkaṭan”ti. Tam̐ pubbāparaviruddham̐ hoti, na hi bhajjanādīnam̐ karaṇe vā kārāpane vā viseso atthi. Mahā-aṭṭhakathāyam̐ pana aññāya viññattam̐ bhuñjantiyā dukkaṭanti avisesena vuttam̐.

823. **Ābādhapaccayāti** sedakammādīnam̐ atthāya dhañṇaviññattiyā anāpatti. Aviññattiyā labbhamānam̐ pana navakammattāya sampācicchitum̐ vaṭṭatīti Mahāpaccariyam̐ vuttam̐. **Aparaṇṇam̐ viññāpetīti** ṭhapetvā satta dhañṇāni muggamāsādīm̐ vā lābukumbhaṇḍādīm̐ vā aññam̐ yamkiñci ñātakapavāritaṭṭhāne viññāpentiyā anāpatti. Āmakadhañṇam̐ pana ñātakapavāritaṭṭhānepi na vaṭṭati. Sesam̐ uttānameva.

Catusamuṭṭhānam̐ kāyato kāyavācato kāyacittato kāyavācācittato ca samuṭṭhāti, kiriyam̐, nosaññāvimokkham̐, acittakam̐, paṇṇattivajjam̐, kāyakammaṃ vacīkammaṃ, ticittam̐, tivedananti.

Sattamasikkhāpadam̐.

1. Aññato (Sī, Syā)

8. Aṭṭhamasikkhāpadavaṇṇanā

824. Aṭṭhame nibbiṭṭho rājabhaṭo rañño bhati keṇi etenāti **nibbiṭṭharājabhaṭo**, ekaṃ ṭhānantaraṃ keṇiyā gahetvā tato laddha-udayoti attho. **Taññeva bhaṭapathaṃ yācissāmīti** rañño keṇim datvā puna taṃyeva ṭhānantaraṃ yācissāmīti cintento. **Paribhāsīti** tā bhikkhuniyo mā puna evaṃ karitthāti santajjesi.

826. **Sayaṃ chaḍḍetīti** cattāripi vatthūni ekapayogena chaḍḍentiyā ekāva āpatti, pāṭekkaṃ chaḍḍentiyā vatthugaṇanāya āpattiyo. Āṇattiyampi eseva nayo. Dantakaṭṭhachaḍḍanepi bhikkhuniyā pācittiyameva. Bhikkhussa sabbattha dukkaṭaṃ. Sesam uttānameva.

Chasamuṭṭhānaṃ, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Aṭṭhamasikkhāpadaṃ.

9. Navamasikkhāpadavaṇṇanā

830-2. Navame **yaṃ manussānaṃ upabhogaparibhogaṃ ropimanti** khettaṃ vā hotu nāḷikerādi-ārāmo vā, yattha katthaci ropimaharitaṭṭhāne etāni vatthūni chaḍḍentiyā purimanayeneva āpattibhedo vdditabbo. Khetto vā ārāme vā nisīditvā bhuñjamānā, ucchu-ādīni vā khādantī gacchamānā ucchiṭṭhodakacalakādīni haritaṭṭhāne chaḍḍeti, antamaso udakaṃ pivitvā matthakacchinnanāḷikerampi chaḍḍeti, pācittiyameva. Bhikkhuno dukkaṭaṃ. Kasitaṭṭhāne pana nikkhattabīje yāva aṅkuraṃ na uṭṭhahati, tāva sabbesaṃ dukkaṭaṃ. Anikkhattabījesu khettakoṇādīsū vā asaṅjātaropimesu khettamariyādādīsū vā chaḍḍetum vaṭṭati. Manussānaṃ kacavarachaḍḍanaṭṭhānepi vaṭṭati. **Chaḍḍitakhetteti** manussesu sassaṃ uddharitvā gatesu chaḍḍitakhettaṃ nāma hoti, tattha vaṭṭati. Yattha pana lāyitampi pubbaṇṇādi puna uṭṭhahissatīti rakkhanti, tattha yathāvattthukameva. Sesam uttānameva. Chasamuṭṭhānaṃ, kiriyākiriyaṃ -pa- tivedananti.

Navamasikkhāpadaṃ.

10. Dasamasikkhāpadavaṇṇanā

835. Dasame **yamkiñci naccanti** naṭṭādayo vā naccantu, soṇḍā vā, antamaso morasuvamakkaṭṭādayopi, sabbampetaṃ naccameva. **Yamkiñci gītanti** yamkiñci naṭṭādīnaṃ vā gītaṃ hotu ariyānaṃ parinibbānakāle ratanattayaḅuṇūpasamhitaṃ sādhuḅiḷitagītaṃ vā asaṃyatabhikkhūnaṃ dhammabhāṇakagītaṃ vā, sabbampetaṃ gītameva. **Yamkiñci vādanti** tantibaddhādivādanīyabhaṇḍavāditaṃ vā hotu kuṭabherivāditaṃ vā antamaso udakabherivāditaṃ, sabbampetaṃ vāditeva.

836. **Dassanāya gacchati, āpatti dukkaṭṭassa**ti padavāragaṇanāya āpatti dukkaṭṭassa. **Yattha ṭhitā passati vā suṇāti vā**ti ekapayogena oloketī passati, tesamīyeva gītavāditaṃ suṇāti, ekameva pācittiyam. Sace pana ekaṃ disaṃ oloketvā naccam passati, puna aññato oloketvā gāyante passati aññato vādente, pāṭekkā āpattiyo. Bhikkhunī sayampi naccitum vā gāyitum vā vādītum vā na labhati, aññe nacca, gāya, vādehīti vattumpi na labhati. Cetiyaṃ upahāraṃ detha upāsakāti vattumpi, tumhākaṃ cetiyaṃ upaṭṭhānaṃ karomāti vutte sādhuṭi sampaṭicchitumpi na labhati. Sabbattha pācittiyanti sabba-aṭṭhakathāsu vuttam. Bhikkhuno dukkaṭṭam. “Tumhākaṃ cetiyaṃ upaṭṭhānaṃ karomā”ti vutte pana “upaṭṭhānakaraṇaṃ nāma sundaraṃ”ti vattum vaṭṭati.

837. **Ārāme ṭhitāti** ārāme ṭhatvā antarārāme vā bahi-ārāme vā naccādīni passati vā suṇāti vā, anāpatti. **Sati karaṇīyeti** salākabhattādīnaṃ vā atthāya aññena vā kenaci karaṇīyena gantvā gataṭṭhāne passati vā suṇāti vā, anāpatti. **Āpadāsūti** tādisena upaddavena upaddutā samajjaṭṭhānaṃ pavisati, evaṃ pavisitvā passantiyā vā suṇantiyā vā anāpatti. Sesam uttānameva.

Elakalomasamuṭṭhānaṃ, kiriyaṃ, nosaññāvimokkhaṃ, acittakaṃ, lokavajjaṃ, kāyakammaṃ, akusalacittaṃ, tivedananti.

Dasamasikkhāpadaṃ.

Lasuṇavaggo paṭṭhamo.

2. Andhakāravagga

1. Paṭhamasikkhāpadavaṇṇanā

839. Andhakāravaggassa paṭhamasikkhāpade **appadīpeti** padīpacandasūriya-aggīsu ekenāpi anobhāsīte. Tenevassa padabhājane “anāloke”ti vuttam. **Sallapeyya vāti** gehassitakatham katheyya.

841. **Arahopekkhā aññavihitāti** na raho-assādāpekkhā raho-assādato aññavihitāva hutvā ñātiṃ vā pucchati, dāne vā pūjāya vā manteti. Sesam uttānameva. Theyyasatthasamuṭṭhānam kāyacittato kāyavācācittato ca samuṭṭhāti, kiriyam, saññāvimokkham, sacittakam, lokavajjam, kāyakammam vacīkammam, akusalacittam, dvivedananti.

Paṭhamasikkhāpadam.

2. Dutiyasikkhāpadavaṇṇanā

842. Dutiye **paṭicchanne okāseti** idameva nānam, sesam sabbam purimasadisamevāti.

Dutiyasikkhāpadam.

3. Tatiyasikkhāpadavaṇṇanā

846. Tatiye **ajjhokāseti** nānam, sesam sabbam tādisamevāti.

Tatiyasikkhāpadam.

4. Catutthasikkhāpadavaṇṇanā

850-3. Catutthe **nikaṇṇikanti** kaṇṇamūlam vuccati, kaṇṇamūle jappeyyāti vuttam hoti. **Sati karaṇīyeti** salākabhattādīnam āharaṇatthāya vihāre vā dunnikkhittam paṭisāmanatthāya. Sesam uttānameva. Samuṭṭhānādīni purimasadisānevāti.

Catutthasikkhāpadam.

5. Pañcamasikkhāpadavaṇṇanā

854. Pañcame **gharam̐ sodhentā**ti tesam̐ kira etadahosi “theriyā koci kāyikavācasiko vītikkamo na dissati, gharampi tāva sodhemā”ti, tato gharam̐ sodhentā nam̐ addasaṃsu.

856. **Anovassakam̐ atikkāmentiyā**ti paṭhamam̐ pādam̐ atikkāmentiyā dukkaṭam̐, dutiyam̐ atikkāmentiyā pācittiyam̐, upacārātikkame eseva nayo.

858. **Gilānāyā**ti yā tādisena gelaññena āpucchitum̐ na sakkoti. **Āpadāsū**ti ghare aggi vā uṭṭhito hoti corā vā, evarūpe upaddave anāpucchā pakkamati, anāpatti. Sesamettha uttānameva.

Kathinasamuṭṭhānam̐ kāyavācato kāyavācācittato ca samuṭṭhāti, kiriyākiriyaṃ, nosaññāvimokkham̐, acittakam̐, paṇṇattivajjam̐, kāyakammaṃ vacīkammaṃ, ticittam̐, tivedananti.

Pañcamasikkhāpadam̐.

6. Chaṭṭhasikkhāpadavaṇṇanā

860. Chaṭṭhe **abhiniśideyyā**ti niśideyya. Niśiditvā gacchantiyā ekā āpatti, anisīditvā nipajjitvā gacchantiyā ekā, niśiditvā nipajjitvā gacchantiyā dve.

863. **Dhuvapaññatteti** bhikkhunīnam̐ atthāya niccapaññatte. Sesam̐ uttānameva. Kathinasamuṭṭhānam̐ -pa- tivedananti.

Chaṭṭhasikkhāpadam̐.

7. Sattamasikkhāpadavaṇṇanā

863. Sattamepi sabbam̐ chaṭṭhe vuttanayeneva veditabbam̐.

Sattamasikkhāpadam̐.

8. Aṭṭhamasikkhāpadavaṇṇanā

869. Aṭṭhame sabbaṃ uttānameva. Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Aṭṭhamasikkhāpadaṃ.

9. Navamasikkhāpadavaṇṇanā

875. Navame **abhisapeyyā**ti sapaṭhaṃ kareyya. **Nirayena abhisapati** nāma “niraye nibbattāmi, Avīcimhi nibbattāmi, niraye nibbattatu, Avīcimhi nibbattatū”ti evamādinā nayena akkosati. **Brahmacariyena abhisapati** nāma “gihinī homi, odātavattā homi, paribbājikā homi, itarā vā edisā hotū”ti evamādinā nayena akkosati, vācāya vācāya pācittiyaṃ. Ṭhapetvā pana nirayaṇca brahmacariyaṇca “sunakhī sūkarī kāṇā kuṇī”ti-ādinā nayena akkosantiyā vācāya vācāya dukkaṭaṃ.

878. **Attha purekkhārāyā**ti Aṭṭhakathaṃ kathentiyaṃ. **Dhammapurekkhārāyā**ti Pālīṃ vācentiyaṃ. **Anusāsanipurekkhārāyā**ti “idānipi tvaṃ edisā, sādhu vīramassu, no ce vīramasi, addhā puna evarūpāni kammāni katvā niraye uppajjissasi, tiracchānayaniyā uppajjissasī”ti evaṃ anusāsaniyaṃ ṭhatvā vadantiyā anāpatti. Sesāṃ uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Navamasikkhāpadaṃ.

10. Dasamasikkhāpadavaṇṇanā

879. Dasame sabbaṃ uttānameva. Dhuranikkhepasamuṭṭhānaṃ, kāyavācācittato samuṭṭhāti, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Dasamasikkhāpadaṃ.

Andhakāravaggo dutiyo.

3. Naggavagga

1. Paṭhamasikkhāpadavaṇṇanā

883-6. Naggavaggassa paṭhamasikkhāpade **brahmacariyaṃ ciṇṇenā**ti brahmacariyena ciṇṇena, atha vā brahmacariyassa caraṇenāti evaṃ karaṇatthe vā sāmi-atthe vā upayogavacanaṃ veditabbaṃ.

Acchinnacīvarikāyāti idaṃ udakasāṭhikaṃ sandhāya vuttaṃ, na aññaṃ cīvaraṃ. Tasmā udakasāṭhikāya acchinnāya vā naṭṭhāya vā naggāya nhāyantiyā anāpatti. Sacepi udakasāṭhikacīvaraṃ mahagghaṃ hoti, na sakkā nivāsetvā bahi gantum, evampi naggāya nhāyitum vaṭṭati. Sesamettha uttānameva.

Elakalomasamuṭṭhānaṃ, kiriyāṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Paṭhamasikkhāpadaṃ.

2. Dutiyasikkhāpadavaṇṇanā

887. Dutīye sabbāṃ uttānameva. Chasamuṭṭhānaṃ, kiriyāṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dutiyasikkhāpadaṃ.

3. Tatiyasikkhāpadavaṇṇanā

893-4. Tatiye **anantarāyikinī**ti dasasu antarāyesu ekenapi antarāyena anantarāyā. **Dhuraṃ nikkhattamatteti** dhuraṃ nikkhipitvā sacepi pacchā sabbati, āpattiyevāti attho. Sesāṃ uttānameva.

Dhuranikkhepasamuṭṭhānaṃ, akiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Tatiyasikkhāpadaṃ.

4. Catutthasikkhāpadavaṇṇanā

898-9. Catutthe pañca ahāni pañcāham, pañcāhameva **pañcāhikaṃ**. Saṅghāṭīnaṃ cāro **saṅghāṭicāro**, paribhogavasena vā otāpanavasena vā saṅghaṭitaṭṭhena saṅghāṭīti laddhanāmānaṃ pañcannaṃ cīvarānaṃ parivattananti attho. Tasmāyeva padabhājane “pañcamāṃ divasaṃ pañca cīvarāni”ti-ādimāha. **Āpatti pācittiyassāti** ettha ca ekasmiṃ cīvare ekā āpatti, pañcasu pañca.

901. **Āpadāsūti** mahagghaṃ cīvaraṃ, na sakkā hoti corabhayādīsu paribhuñjituṃ, evarūpe upaddave anāpatti. Sesāṃ uttānameva. Kathinasamuṭṭhānaṃ, akiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Catutthasikkhāpadaṃ.

5. Pañcamasikkhāpadavaṇṇanā

903. Pañcame **cīvarasaṅkamanīyanti** saṅkametabbaṃ cīvaraṃ, aññissā santakaṃ anāpucchā gahitaṃ puna paṭidātabbacīvaranti attho.

906. **Āpadāsūti** sace apārutaṃ vā anivatthaṃ vā corā haranti, evarūpāsu āpadāsu dhārentiyā anāpatti. Sesāṃ uttānameva. Kathinasamuṭṭhānaṃ, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Pañcamasikkhāpadaṃ.

6. Chaṭṭhasikkhāpadavaṇṇanā

909-10. Chaṭṭhe **aññaṃ parikkhāraṃ** yaṃ kiñci thālakādīnaṃ vā sappitelādīnaṃ vā aññataraṃ. **Ānisaṃsanti** kittakaṃ agghanakaṃ dātukāmatthāti pucchati, ettakaṃ nāmāti vadanti, āgametha tāva, idāni vatthaṃ mahagghaṃ, katipāhena kappāse āgate samagghaṃ bhavissatīti evaṃ vatvā nivārentiyā anāpatti. Sesāṃ uttānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, tivedananti.

Chaṭṭhasikkhāpadaṃ.

7. Sattamasikkhāpadavaṇṇanā

911. Sattame **pakkamimsūti**¹ aññāsampi āgamaṇaṃ āgamentaṃ addhā amhākampi āgamessatīti tattha tattha agamaṃsu. **Paṭibāheyyāti** paṭisedheyya.

915. **Ānisaṃsanti** ekissā ekaṃ sātakaṃ nappahoti, āgametha tāva, katipāhena uppajjissati, tato bhājessāmīti evaṃ ānisaṃsaṃ dassetvā paṭibāhantiyā anāpatti. Sesāṃ utānameva.

Tisamuṭṭhānaṃ, kiriyaṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Sattamasikkhāpadaṃ.

8. Aṭṭhamasikkhāpadavaṇṇanā

916-8. Aṭṭhame **naṭā** nāma ye nāṭakaṃ nāṭenti. **Naṭakā** nāma ye naccanti. **Laṅghakā** nāma ye vaṃsavarattādīsū laṅghanakammaṃ karonti. **Sokajjhāyikā**² nāma māyākārā. **Kumbhathūṇikā** nāma ghaṭakena kīḷanakā, bimbisakavādakātipi vadanti. **Deti āpatti pācittiyassāti** ettha cīvaragaṇanāya āpattiyo vedītabbā. Sesāṃ uttānameva.

Chasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Aṭṭhamasikkhāpadaṃ.

1. Vipakkamimsūti (Syā)

2. Sokasāyikā (Sī)

9. Navamasikkhāpadavaṇṇanā

921-4. Navame **dubbalacīvarapaccāsāyā**ti dubbalāya cīvarapaccāsāya. **Ānisaṃsanti** kiñcāpi na mayam ayye sakkomāti vadanti, idāni pana tesam kappāso āgamissati, saddho pasanno puriso āgamissati, addhā dassatīti evam ānisaṃsam dassetvā nivārentiyā anāpatti, sesam uttānameva.

Tisamuṭṭhānam, kiriyam, saññāvimokkham, sacittakam, lokavajjam, kāyakammaṃ vacīkammaṃ, akusalacittam, tivedananti.

Navamasikkhāpadam.

10. Dasamasikkhāpadavaṇṇanā

927. Dasame **kathinuddhāram** na **dassantīti** kīdiso kathinuddhāro dātabbo, kīdiso na dātabboti. Yassa atthāramūlako ānisaṃso mahā, ubbhāramūlako appo, evarūpo na dātabbo. Yassa pana atthāramūlako ānisaṃso appo, ubbhāramūlako mahā, evarūpo dātabbo. Samānisaṃsopi saddhāparipālanattham dātabbova.

931. **Ānisaṃsanti** bhikkhunisaṃgho jīṇṇacīvaro, kathinānisaṃsamūlako mahālābhoti evarūpam ānisaṃsam dassetvā paṭibāhantiyā anāpatti. Sesam uttānameva.

Tisamuṭṭhānam, kiriyam, saññāvimokkham, sacittakam, lokavajjam, kāyakammaṃ vacīkammaṃ, akusalacittam, tivedananti.

Dasamasikkhāpadam.

Naggavaggo tatiyo.

4. Tuvattavagga

1. Paṭhamasikkhāpadavaṇṇanā

933. Tuvattavaggassa paṭhamasikkhāpade **tuvaṭṭeyyunti** nipajjeyyūṃ. Sesāṃ uttānameva. Eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Paṭhamāṃ.

2. Dutiyasikkhāpadavaṇṇanā

937. Dutiye ekaṃ attharaṇaṅceva pāvuraṇaṅca etāsanti **ekattharaṇapāvuraṇā**, saṃhārimānaṃ¹ pāvārattharaṇakaṭasārakādīnaṃ ekaṃ antaṃ attharivā ekaṃ pārupitvā tuvattentīnametaṃ adhivacanaṃ.

940. **Vavatthānaṃ dassetvā**ti majjhe kāsāvaṃ vā kattarayaṭṭhiṃ vā antamaso kāyabandhanampi ṭhapetvā nipajjantīnaṃ anāpattīti attho. Sesāṃ uttānameva. Eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Dutiyaṃ.

3. Tatiyasikkhāpadavaṇṇanā

941. Tatiye **uḷārasambhāvitā**ti uḷarakulā pabbajittā guṇehi ca uḷarattā uḷarāti sambhāvitā. **Issāpakatā**ti issāya apakatā, abhibhūtāti attho. Saññatti bahulā etāsanti **saññattibahulā**, divasaṃ mahājanaṃ saññāpayamānāti attho. Viññatti bahulā etāsanti **viññattibahulā**. **Viññattī**ti hetūdāharaṇādīhi vividhehi nayehi ñāpanā veditabbā, na yācanā.

1. Saṃhāriyamānānaṃ (Sī)

943. Caṅkamane nivattanagaṇanāya āpattiyo veditabbā, **tiṭṭhati vāti-**ādīsu payogagaṇanāya, **uddisati vāti-**ādīsu padādigaṇanāya. Sesam uttānameva.

Tisamuṭṭhānaṃ, kiriyākiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Tatiyaṃ.

4. Catutthasikkhāpadavaṇṇanā

949. Catutthe **sati antarāyeti** dasavidhe antarāye sati. **Pariyesitvā na labhatī**ti aññaṃ upaṭṭhāyikaṃ na labhati. **Gilānāyāti** sayam gilānāya. **Āpadāsūti** tathārūpe upaddave sati anāpatti. Sesam uttānameva.

Dhuranikkhepasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Catuttham.

5. Pañcamasikkhāpadavaṇṇanā

952. Pañcame **aññaṃ āṇāpetīti** ettha sace nikkadḍhāti āṇattā ekapayogena bahūnipi dvārāni atikkāmeti, ekā āpatti. Atha imañcimañca dvāraṃ atikkāmeḥīti evaṃ āṇattā atikkāmeti, dvāragaṇanāya āpattiyo. Sesam uttānameva.

Tisamuṭṭhānaṃ, kiriyam, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Pañcamam.

6. Chaṭṭhasikkhāpadavaṇṇanā

955. Chaṭṭhe sabbaṃ uttānameva. Samanubhāsanasamuṭṭhānaṃ, akiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Chaṭṭhaṃ.

7-8-9. Sattama aṭṭhama navamasikkhāpadavaṇṇanā

961. Sattama aṭṭhama navamesu sabbaṃ uttānameva. Sabbāni eḷakalomasamuṭṭhānāni, kiriyāni, nosaññāvimokkhāni, acittakāni, paṇṇattivajjāni, kāyakammāni, ticittāni, tivedanānīti.

Sattama aṭṭhama navamasikkhāpadāni.

10. Dasamasikkhāpadavaṇṇanā

973. Dasame **āhunderikā**ti sambādā.

975. **Dhuraṃ nikkhattamatteti** sacepi dhuraṃ nikkhipitvā pacchā pakkamati, āpattiyevāti attho. Pavāretvā pañca yojanāni gacchantiyāpi anāpatti. Chasu vattabbameva natthi. Sace pana tīṇi gantvā teneva maggena paccāgacchati, na vaṭṭati. Aññena maggena āgantum vaṭṭati.

976. **Antarāyēti** dasavidhe antarāye. Paraṃ gacchissāmīti nikkhantā, nadīpūro pana āgato¹, corā vā magge honti, meggho vā uṭṭhāti, nivattitum vaṭṭati. Sesāṃ uttānameva. Paṭhamapārājikasamuṭṭhānaṃ, akiriyāṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dukkhavedananti.

Dasamasikkhāpadaṃ.

Tuvaṭṭavaggo catuttho.

1. Nadīpūrā puna āgatā (Ka)

5. Cittāgāravagga

1. Paṭhamasikkhāpadavaṇṇanā

978. Cittāgāravaggassa paṭhamasikkhāpade **rājāgāranti** rañño kīlanagharam. **Cittāgāranti** kīlanacittasālam. **Ārāmanti** kīlana-upavanam. **Uyyānanti** kīlanuyyānam. **Pokkharāṇīti** kīlanapokkharāṇim. Tasmāyeva padabhājane “yattha katthaci rañño kīlitun”ti-ādi vuttam. **Dassanāya gacchati āpatti dukkaṭassāti** ettha padavāragaṇanāya dukkaṭam. **Yattha ṭhitā passatīti** ettha pana sace ekasmiṃyeva ṭhāne ṭhitā padam anuddharamānā pañcapi passati, ekameva pācittiyam. Tam tam disābhāgam oloketvā passantiyā pana pāṭekkā āpattiyo. Bhikkhussa pana sabbattha dukkaṭam.

981. **Ārāme ṭhitāti** ajjhārāme rājāgārādīni karonti, tāni passantiyā anāpatti. **Gacchantī vā āgacchantī vāti** piṇḍapātādīnam atthāya gacchantiyā maggo hoti, tāni passati, anāpatti. **Sati karaṇīye gantvāti** rañño santikam kenaci karaṇīyena gantvā passati, anāpatti. **Āpadāsūti** kenaci upaddutā pavisitvā passati, anāpatti. Sesam uttānameva.

Elakalomasamuṭṭhānam, kiriyaṃ, nosaññāvimokkham, acittakam, lokavajjam, kāyakammaṃ, akusalacittam, tivedananti.

Paṭhamam.

2. Dutiyasikkhāpadavaṇṇanā

982. Dutiye abhinisīdanābhiniṇipajjanesu payogagaṇanāya āpattiyo veditabbā. Sesam uttānameva.

Elakalomasamuṭṭhānam, kiriyaṃ, nosaññāvimokkham, acittakam, paṇṇattivajjam, kāyakammaṃ, ticittam, tivedananti.

Dutiyaṃ.

3. Tatiyasikkhāpadavaṇṇanā

988. Tatiye **ujjavujjaveti** yattakaṃ hatthena añchitaṃ hoti, tasmim takkamhi¹ veṭṭhite ekā āpatti. Kantanato pana pubbe kappāsavicinanāṃ ādim katvā sabbapayogesu hatthavāraṇanāya dukkaṭaṃ.

989. **Kantitasuttanti** dasikasuttādim saṅghāṭetvā kantati, dukkantitaṃ vā paṭikantati. Sesāṃ uttānameva. Eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Tatiyaṃ.

4. Catutthasikkhāpadavaṇṇanā

992. Catutthe **yāguṃ vāti**-ādīsu taṇḍulakoṭṭanaṃ ādim katvā sabbesu pubbapayogesu² payogagaṇanāya dukkaṭaṃ. Yāgubhattesu bhājanagaṇanāya, khādanīyādīsu rūpagaṇanāya³ pācittiyāni.

993. **Yāgupāneti** manussehi saṅghassatthāya kariyamāne yāgupāne vā saṅghabhatte vā tesāṃ saḥāyikabhāvena⁴ yaṃkiñci pacantiyā anāpatti. Cetiyaṇṇajāya saḥāyikā hutvā gandhādīni pūjeti, vaṭṭati. **Attano veyyāvaccakarassāti** sacepi mātāpitaro āgacchanti, yaṃkiñci bījanim vā sammuṇjanidaṇḍakaṃ vā kārapetvā veyyāvaccakaraṭṭhāne ṭhapetvā yaṃkiñci pacituṃ vaṭṭati. Sesāṃ uttānameva. Samuṭṭhānādīni tatiyasadisānevāti.

Catutthaṃ.

5. Pañcamasikkhāpadavaṇṇanā

996. Pañcame **asati antarāyeti** dasavidhe antarāye asati. **Dhuraṃ nikkhipitvā** pacchā vinicchinantī āpattim āpajjitvā vinicchināti.

1. Tattakamhi (Sī, Syā)

2. Sabbapayogesu (Syā, Ka)

3. Pūvagaṇanāya (Kaṅkhāvitarāṇiyam)

4. Sabhāgabhāvena (Sī), saḥāyabhāvena (Syā)

998. **Pariyesitvā na labhatīti** saḥāyikā bhikkhuniyo na labhati. Sesam uttānameva. Dhuranikkhepasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkavedananti.

Pañcamaṃ.

6. Chaṭṭhasikkhāpadavaṇṇanā

999. Chaṭṭhe sabbaṃ Naggavagge Āgārikasikkhāpade vuttanayeneva veditabbaṃ. Ayaṃ pana viseso, taṃ chasamuṭṭhānaṃ. Idaṃ “sahatthā”ti vuttattā eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Chaṭṭhaṃ.

7. Sattamasikkhāpadavaṇṇanā

1007. Sattame **puna pariyaenāti** punavāre. **Āpadāsūti** mahagghacīvaraṃ sarīrato mocetvā supaṭisāmitampi corā haranti, evarūpāsu āpadāsu anissajjitvā nivāsentiyā anāpatti. Sesam uttānamevāti.

Kathinasamuṭṭhānaṃ, kāyavācato kāyavācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Sattamaṃ.

8. Aṭṭhamasikkhāpadavaṇṇanā

1008. Aṭṭhame **anissajjitvāti** rakkhaṇatthāya adatvā, imaṃ jaggeyyāsīti evaṃ anāpucchitvāti attho.

1002. **Pariyesitvā na labhatīti** paṭijaggikaṃ na labhati. **Gilānāyāti** vacībhedaṃ kātum asamatthāya. **Āpadāsūti** raṭṭhe bhijjante

āvāse chaḍḍetvā gacchanti, evarūpāsu āpadāsu anāpatti. Sesam uttānameva. Samuṭṭhānādīni anantarasikkhāpadasadisānevāti.

Aṭṭhamam.

9. Navamasikkhāpadavaṇṇanā

1015-6. Navame **bāhirakam anatthasamhitanti** hatthi-
assarathadhanutharusippa-
āthabbaṇakhīlanavasīkaraṇasosāpanamantāgadappayogādibhedam
parūpaghātakaram. **Parittanti** yakkhaparittanāgamaṇḍalādibhedam sabbampi
vaṭṭati. Sesam uttānameva.

Padasodhammasamuṭṭhānam vācato vācācittato ca samuṭṭhāti, kiriyaṃ,
nosaññāvimokkham, acittakam, paṇṇattivajjam, vacīkammaṃ, ticittam,
tivedananti.

Navamam.

10. Dasamasikkhāpadavaṇṇanā

1018. Dasame **vāceyyāti** padaṃ viseso, sesam navame vuttanayeneva
veditabbaram saddhim samuṭṭhānādīhīti.

Dasamasikkhāpadaṃ.

Cittāgāravaggo pañcamo.

6. Ārāmaṅga

1. Paṭhamasikkhāpadavaṇṇanā

1025. Ārāmaṅgassa paṭhamasikkhāpade **parikkhepaṃ atikkāmentiyā
upacāram okkamantiyāti** ettha paṭhamapāde dukkaṭam, dutiyapāde
pācittiyam.

1027. **Sīsānulokikā**ti paṭhamam pavisantīnam bhikkhunīnam sīsam
anulokentī pavisati, anāpatti. **Yattha bhikkhuniyoti** yattha bhikkhuniyo
paṭhamataram pavisitvā sajjhāyacetiyavandanādīni karonti, tattha

tāsaṃ santikaṃ gacchāmīti gantuṃ vaṭṭati. **Āpadāsūti** kenaci upaddutā hoti, evarūpāsu āpadāsu pavisituṃ vaṭṭati. Sesāṃ uttānameva.

Dhuranikkhepasamuṭṭhānaṃ, kiriyākiriyaṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Paṭhamāṃ.

2. Dutiyasikkhāpadavaṇṇanā

1028. Dutiye **āyasmā Kappitakoti** ayaṃ jaṭīlasahassabbhantaro thero. **Samharīti** saṅkāmesi. **Samhaṭoti** saṅkāmito. **Kāsavaṭoti** nhāpitā kāsavaṃ nivāsetvā kammaṃ karonti, taṃ sandhāyāhaṃsu. Sesāṃ uttānameva.

Tisamuṭṭhānaṃ, kiriyāṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Dutiyaṃ.

3. Tatiyasikkhāpadavaṇṇanā

1036. Tatiye **anusāsanipurekkhārāyāti** idānipi tvaṃ bālā abyattāti-ādinaṃ nayena anusāsanipakkhe ṭhatvā vadantiyā anāpatti. Sesāṃ uttānameva. Samuṭṭhānādīni anantarasikkhāpadasadisānevāti.

Tatiyaṃ.

4. Catutthasikkhāpadavaṇṇanā

1037. Catutthe sabbaṃ uttānameva. Catusamuṭṭhānaṃ kāyato kāyavācato kāyacittato kāyavācācittato ca samuṭṭhāti. Nimantitāya anāpucchā bhuñjantiyā āpattisambhavato siyā kiriyākiriyaṃ, pavāritāya kappiyaṃ kāretvāpi akāretvāpi bhuñjantiyā

āpattisambhavato siyā kiriyaṃ, nosaññāvimokkhaṃ, acittakaṃ,
paṇṇattivajjaṃ, kāyakammaṃ vacīkammaṃ, ticittaṃ, tivedananti.

Catutthaṃ.

5. Pañcamasikkhāpadavaṇṇanā

1043. Pañcame kule maccharo kulamaccharo, kulamaccharo etissā
atthīti **kulamaccharinī**. Kulaṃ vā maccharāyatīti **kulamaccharinī**. **Kulassa
avaṇṇanti** taṃ kulaṃ assaddhaṃ appasannanti. **Bhikkhunīnaṃ
avaṇṇanti** bhikkhuniyo dussilā pāpadhammāti.

1045. **Santaṃyeva ādīnavanti** kulassa vā bhikkhunīnaṃ vā santaṃ
aguṇaṃ. Sesāṃ uttānameva. Tisamuṭṭhānaṃ, kiriyaṃ, saññāvimokkhaṃ,
sacittakaṃ, lokavajjaṃ, kāyakammaṃ vacīkammaṃ, akusalacittaṃ,
dukkhavedananti.

Pañcamaṃ.

6. Chaṭṭhasikkhāpadavaṇṇanā

1048. Chaṭṭhe **ovādāyāti** garudhammatthāya. **Samvāsāyāti**
uposathapavāraṇāpucchanatthāya. Ayamettha saṅkhepo. Vitthāro pana
Bhikkhunovādakasikkhāpadavaṇṇanāyaṃ vuttoyeva.

Eḷakalomasamuṭṭhānaṃ, kiriyaṃ, nosaññāvimokkhaṃ, acittakaṃ,
paṇṇattivajjaṃ kāyakammaṃ, ticittaṃ, tivedananti.

Chaṭṭhaṃ.

7. Sattamasikkhāpadavaṇṇanā

1053. Sattame **pariyesitvā na labhatīti** bhikkhunim¹ na labhati sesāṃ
uttānameva. Imassāpi vitthāro Bhikkhunovādake vuttoyeva

1. Bhikkhunim (Ka)

Dhuranikkhepasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Sattamaṃ.

8. Aṭṭhamasikkhāpadavaṇṇanā

1056. Aṭṭhame **ekakammanti**-ādīhi uposathapapāraṇāyeva vuttā. Sesam uttānameva. Imassāpi vitthāro Bhikkhunovādake vuttoyeva.

Paṭhamapārājikasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dukkhavedananti.

Aṭṭhamaṃ.

9. Navamasikkhāpadavaṇṇanā

1058. Navame sabbaṃ uttānameva. Imassāpi vitthāro Bhikkhunovādake vuttoyeva.

Dhuranikkhepasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Navamaṃ.

10. Dasamasikkhāpadavaṇṇanā

1062. Dasame **pasākheti** adhokāye. Adhokāyo hi yasmā tato rukkhassa sākhā viya ubho ūrū pabhijjivā gatā, tasmā “pasākho”ti vuccati.

1065. **Bhindāti**-ādīsu sace bhinda, phālehīti sabbāni āṇāpeti, so ca tatheva karoti, cha āṇattidukkaṭṭhāni cha ca pācittiyāni āpajjati. Athāpi evaṃ āṇāpeti “upāsaka yaṃkiñci ettha kātappaṃ, taṃ sabbaṃ karohī”ti, so ca sabbānīpi bhedanādīni karoti, ekavācāya

cha dukkaṇāni cha pācittiyānīti dvādasa āpattiyo. Sace pana bhedanādīsupi ekamyeva vatvā “idaṃ karohī”ti āṇāpeti, so ca sabbāni karoti, yaṃ āṇattāṃ, tasseva karaṇe pācittiyāṃ, sesesu anāpatti. Sesāṃ uttānameva.

Kathinasamuṭṭhānaṃ, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dasamasikkhāpadaṃ.

Ārāmaṃvaggo chaṭṭho.

7. Gabbhinivagga

1. Paṭhamasikkhāpadavaṇṇanā

1069. Gabbhinivaggassa paṭhamasikkhāpade āpannasattāti kucchipaviṭṭhasattā¹.

Paṭhamāṃ.

2. Dutiyasikkhāpadavaṇṇanā

1073-4. Dutīye pāyantinti thaññaṃ pāyamānaṃ. Mātā vā hotīti yaṃ dāraṃ pāyati, tassa mātā vā hoti dhāti vā. Sesāṃ uttānameva. Ubhayampi tisamuṭṭhānaṃ, kiriyāṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Dutiyāṃ.

3. Tatiyasikkhāpadavaṇṇanā

1077. Tatiye sikkhāsammūtiṃ dātunti kasmā dāpesi? Mātugāmo nāma lolo hoti, dve vassāni chasu dhammesu asikkhitvā silāni pūrayamāno kilamati, sikkhitvā pana pacchā na kilamissati, nittharissatīti dāpesi.

1. Kucchirīṃ paviṭṭhasattā (Sī, Syā, Ka)

1079. **Pāṇātipātā veramaṇiṃ dve vassāni avītikkamma samādānaṃ samādiyāmīti** yaṃ taṃ pāṇātipātā veramaṇīti paññattaṃ sikkhāpadaṃ, taṃ pāṇātipātā veramaṇisikkhāpadaṃ¹ dve vassāni avītikkamitabbasamādānaṃ katvā samādiyāmīti attho. Esa nayo sabbattha. Imā cha sikkhāyo saṭṭhivassāyapi pabbajitāya dātabbāyeva, na etāsu asikkhitā upasampādetabbā.

Tatiyaṃ.

4. Catutthasikkhāpadavaṇṇanā

1084. Catutthe sabbaṃ uttānameva. Sace pana paṭhamam vuṭṭhānasammuti² na dinnā hoti, upasampadamāḷakepi dātabbāyeva. Imā dvepi mahāsikkhamānā nāma.

Catuttham.

5. Pañcamasikkhāpadavaṇṇanā

1090. Pañcame kiñcāpi ūnavādasavassaṃ paripuṇṇasaññāya vuṭṭhāpentiyā anāpatti, sā pana anupasampannāva hoti. Sesam uttānameva.

Pañcamaṃ.

6. Chaṭṭhasikkhāpadavaṇṇanā

1095. Chaṭṭhe dasavassāya gihigatāya sikkhāsammutiṃ datvā paripuṇṇadvādasavassaṃ upasampādetuṃ vaṭṭati.

Chaṭṭham.

1. Veramaṇisikkhāpadaṃ (Sī, Syā)

2. Sikkhāsammuti (Sī, Syā)

7. Sattamasikkhāpadavaṇṇanā

1101. Sattame sabbaṃ uttānameva. Samuṭṭhānādīnipi sabbesu dutiye vuttasadisāneva. Ayam̐ pana viseso, yattha sammuti atthi, tattha kiriyākiriyaṃ hotīti.

Sattamaṃ.

8. Aṭṭhamasikkhāpadavaṇṇanā

1108. Aṭṭhame **na anuggaṇhāpeyyāti** imissā ayye uddesādīni dehīti evaṃ uddesādīhi na anuggaṇhāpeyya.

1110. **Pariyesitvāti** aññaṃ pariyesitvā na labhati. Sayaṃ gilānā hoti, na sakkoti uddesādīni dātum̐, tassā anāpatti. Sesam̐ uttānameva. Dhuranikkhepasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Aṭṭhamaṃ.

9. Navamasikkhāpadavaṇṇanā

1113. Navame **na upaṭṭhaheyyāti** cuṇṇena mattikāya dantakaṭṭhena mukhodakenāti evaṃ tena tena karaṇīyena na upaṭṭhaheyya. Sesam̐ uttānameva. Paṭṭhamapārājikasamuṭṭhānaṃ, akiriyaṃ, saññāvimokkhaṃ, sacittakaṃ, lokavajjaṃ, kāyakammaṃ, akusalacittaṃ, dukkhavedananti.

Navamaṃ.

10. Dasamasikkhāpadavaṇṇanā

1116. Dasame **neva vūpakāseyyāti** na gahetvā gaccheyya. **Na vūpakāseyyāti** “imaṃ ayye gahetvā gacchā”ti aññaṃ na āṇapeyya. Sesamettha uttānameva. Dhuranikkhepasamuṭṭhānaṃ, akiriyaṃ,

saññāvimokkhaṃ, sacittakaṃ, lokavajjaṃ, kāyakammaṃ vacīkammaṃ, akusalacittaṃ, dukkhavedananti.

Dasamasikkhāpadaṃ.

Gabbhinivaggo sattamo.

8. Kumāribhūtavagga

1-2-3. Paṭhama dutiya tatiyasikkhāpadavaṇṇanā

1119. Kumāribhūtavaggassa paṭhamadutiyatatiyasikkhāpadāni tīṇi tīhi gihigatasikkhāpadehi sadisāni. Yā pana tā sabbapaṭhamā dve mahāsikkhamānā, tā atikkantavīsativassāti veditabbā. Tā gihigatā vā honu agihigatā vā, sikkhamānā icceva vattabbā, gihigatāti vā kumāribhūtāti vā na vattabbā. Gihigatāya dasavassakāle sikkhāsammutiṃ datvā dvādasavassakāle upasampadā kātābbā, ekādasavassakāle datvā terasavassakāle kātābbā, dvādasa, terasa, cuddasa, pannarasa, soḷasa, sattarasa, aṭṭhārasavassakāle sammutiṃ datvā vīsativassakāle upasampadā kātābbā. Aṭṭhārasavassakālato paṭṭhāya ca panāyaṃ gihigatātipi kumāribhūtātipi vattuṃ vaṭṭati, kumāribhūtā pana gihigatāti na vattabbā, kumāribhūtā icceva vattabbā. Mahāsikkhamānā pana gihigatātipi vattuṃ na vaṭṭati, kumāribhūtātipi vattuṃ na vaṭṭati, sikkhāsammutidānavasena pana tissopi sikkhamānāti vattuṃ vaṭṭati.

Paṭhamadutiyatatiyāni.

4-5-6. Catuttha pañcama chaṭṭhasikkhāpadavaṇṇanā

1136. Catutthapañcamachaṭṭhesu sabbāni uttānameva. Sabbāni tisamuṭṭhānāni, catutthaṃ kiriyāṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti. Pañcamaṃ kiriyākiriyaṃ, saññāvimokkhaṃ, sacittakaṃ,

paṇṇattivajjam, kāyakammaṃ vacīkammaṃ, ticittaṃ, tivedananti. Yañcetha “saṃghena paricchinditabbā”ti vuttaṃ, tassa upaparikkhitabbāti attho. Chaṭṭhaṃ kiriyam, saññāvimokkham, sacittakam, lokavajjam, kāyakammaṃ vacīkammaṃ, akusalacittaṃ, dukkhavedananti. Yam panettha “paricchinditvā”ti vuttaṃ, tassa upaparikkhitvāti attho.

Catutthapañcamachaṭṭhāni.

7. Sattamasikkhāpadavaṇṇanā

1150. Sattame sabbaṃ uttānameva. Dhuranikkhepasamuṭṭhānaṃ, kiriyam, saññāvimokkham, sacittakam, lokavajjam, kāyakammaṃ vacīkammaṃ, akusalacittaṃ, dukkhavedananti.

Sattamaṃ.

8. Aṭṭhamasikkhāpada

1154. Aṭṭhamepi sabbaṃ uttānameva. Samuṭṭhānādīnīpi anantarasadisānevāti.

Aṭṭhamaṃ.

9. Navamasikkhāpadavaṇṇanā

1158. Navame **sokāvāsanti**¹ saṅketam katvā agacchamānā² purisānaṃ anto sokaṃ pavesetīti sokāvāsā, tam sokāvāsaṃ. Tenevāha “sokāvāsā nāma paresam dukkham uppādetī”ti. Atha vā gharam viya gharasāmikā, ayampi purisasamāgamaṃ alabhamānā sokaṃ āvisati. Iti yam āvisati, svāssā āvāso hotīti sokāvāsā. Tenāha “sokaṃ āvisatī”ti. **Ajānantīti**

1. Sokavassanti (Sī)

2. Āgacchamānānaṃ (Sī, Ka)

edisā ayanti ajānamānā. Sesam uttānameva. Tisamuṭṭhānam, kiriyaṃ, saññāvimokkham, sacittakaṃ, paṇṇattivajjam, kāyakammaṃ vacīkammaṃ, ticittaṃ, tivedananti.

Navamaṃ.

10. Dasamasikkhāpadavaṇṇanā

1164. Dasame **anāpucchāti** anāpucchitvā. Bhikkhunīhi dvikkhattuṃ āpucchitabbaṃ pabbajjākāle ca upasampadākāle ca, bhikkhūnaṃ pana sakim āpucchitepi vaṭṭati.

1165. **Ajānantīti** mātādīnaṃ atthibhāvaṃ ajānantī. Sesam uttānameva. Idaṃ apubbasamuṭṭhānasīsam. Catusamuṭṭhānaṃ vācato kāyavācato vācācittato kāyavācācittato ca samuṭṭhāti. Kathaṃ? Abbhānakammādīsu kenacideva karaṇīyena khaṇḍasīmāyaṃ nisinnā “pakkosatha sikkhamānaṃ, idheva naṃ upasampādessāmā”ti upasampādeti, evaṃ vācato samuṭṭhāti. Upassayato paṭṭhāya upasampādessāmīti vatvā khaṇḍasīmaṃ gacchantiyā kāyavācato samuṭṭhāti. Dvīsupi ṭhānesu paṇṇattibhāvaṃ jānitvāva vītikkamaṃ karontiyā vācācittato kāyavācācittato ca samuṭṭhāti. Ananujānāpetvā upasampādanato kiriyākiriyaṃ, nosaññāvimokkham, acittakaṃ, paṇṇattivajjam, kāyakammaṃ vacīkammaṃ, ticittaṃ, tivedananti.

Dasamaṃ.

11. Ekādasamasikkhāpadavaṇṇanā

1167-8. Ekādasame **pārivāsikachandadānenāti** pārivāsīyena chandadānena. Tattha catubbidhaṃ pārivāsīyaṃ parisapārivāsīyaṃ rattipārivāsīyaṃ chandapārivāsīyaṃ ajjhāsayaṃ pārivāsīyanti. Tattha parisapārivāsīyaṃ nāma bhikkhū kenacideva karaṇīyena sannipatitā honti, atha megho vā uṭṭhāti, ussaraṇā vā kariyati, manussā vā ajjhottharantā āgacchanti,

bhikkhū “anokāsā¹ mayam, aññatra gacchāmā”ti chandaṃ avissajjetvāva uṭṭhahanti. Idaṃ parisapārivāsiyam. Kiñcāpi parisapārivāsiyam, chandassa pana avissaṭṭhattā kammaṃ kātuṃ vaṭṭati.

Puna bhikkhū uposathādīni karissāmāti rattim sannipatitvā “yāva sabbe sannipatanti, tāva dhammaṃ suṇissāmā”ti ekaṃ ajjhesanti, tasmim dhammakathaṃ kathenteyeva aruṇo uggacchati. Sace cātuddasikaṃ uposathaṃ karissāmāti nisinnā, pannarasoti kātuṃ vaṭṭati. Sace pannarasikaṃ kātuṃ nisinnā, pāṭipade anuposathe uposathaṃ kātuṃ na vaṭṭati, aññaṃ pana saṃghakiccaṃ kātuṃ vaṭṭati. Idaṃ rattipārivāsiyam nāma.

Puna bhikkhū kiñcīdeva abbhānādisaṃghakammaṃ karissāmāti nisinnā honti, tatreko nakkhattapāṭhako bhikkhu evaṃ vadati “ajja nakkhattaṃ dāruṇaṃ, mā imaṃ kammaṃ karoṭhā”ti. Te tassa vacanena chandaṃ vissajjetvā tattheva nisinnā honti. Athañño āgantvā “nakkhattaṃ paṭimānentaṃ, attho bālaṃ upaccagā”ti² vatvā “kiṃ nakkhattena karoṭhā”ti vadati. Idaṃ chandaṃ pārivāsiyañceva ajjhāsayaṃ pārivāsiyañca. Etasmim pārivāsiye puna chandaṃ pārisuddhim anānetvā kammaṃ kātuṃ na vaṭṭati.

Vuṭṭhitāya parisāyāti chandaṃ vissajjetvā kāyena vā vācāya vā chandaṃ avissajjanamatteneva vā uṭṭhitāya parisāya.

1169. **Anāpatti avuṭṭhitāya parisāyāti** chandaṃ avissajjetvā avuṭṭhitāya anāpatti. Sesam uttānameva. Tisamuṭṭhānaṃ, kiriyaṃ, saññāvimokkhaṃ, sacittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Ekādasamaṃ.

12. Dvādasamasikkhāpadavaṇṇanā

1170. Dvādasame **upassayo na sammatīti** vasanokāso nappahoti. Sesam uttānameva. Samuṭṭhānādīni anantarasadisānevāti.

Dvādasamaṃ.

1. Anokāso (Sī, Syā)

2. Khu 5. 12 Jātake.

13. Terasamasikkhāpadavaṇṇanā

1175. Terasame **ekam vassam dve**ti ekantarike ekasmiṃ saṃvacchare dve vuṭṭhāpeti. Sesam uttānameva. Samuṭṭhānādīnipi vuttasadisānevāti.

Terasamaṃ.

Kumāribhūtavaggo aṭṭhamo.

9. Chattupāhanavagga

1. Paṭhamasikkhāpadavaṇṇanā

1181. Chattavagassa paṭhamasikkhāpade **sakimpi dhāreti, āpatti pācittiyassāti** maggagamane ekapayogeneva divasampi dhāreti, ekāva āpatti. Sace kaddamādīni patvā upāhanā omuñcitvā chattameva dhārentī gacchati, dukkaṭam. Athāpi gacchādīni disvā chatam apanāmetvā upāhanāruḷhāva gacchati, dukkaṭameva. Sace chattampi apanāmetvā upāhanāpi omuñcitvā puna dhāreti, puna pācittiyam. Evaṃ payogagaṇanāya āpattiyo veditabbā. Sesam uttānameva. Eḷakalomasamuṭṭhānam, kiriyam, nosaññāvimokkham, acittakam, paṇṇattivajjam, kāyakammaṃ, ticittam, tivedananti.

Paṭhamasikkhāpadaṃ.

2. Dutiyasikkhāpadavaṇṇanā

1184. Dutiye **yānena yāyantīti** etthāpi orohitvā punappunam abhiruhantiyā payogagaṇanāya āpattiyo veditabbā. Sesam paṭhame vuttanayamevāti.

Dutiyam.

3. Tatiyasikkhāpadavaṇṇanā

1190. Tatiye **vippakiriya**sūti maṇayo vippakiṇṇā. Idhāpi omuñcitvā dhārentiyā payogagaṇanāya āpattiyo. Samuṭṭhānādīni vuttanayāneva. Kevalam idha akusalacittam hotīti.

Tatiyam.

4. Catutthasikkhāpadavaṇṇanā

1194. Catutthe sīsūpagādīsu yaṃ yaṃ dhārehi, tassa tassa vasena vatthugaṇanāya āpattiyo veditabbo. Sesam tatiye vuttanayamevāti.

Catuttham.

5. Pañcamasikkhāpadavaṇṇanā

1199. Pañcame **gandhavaṇṇakenā**ti gandhena ca vaṇṇakena ca. Sesam uttānameva. Samuṭṭhānādīni tatiyasadisānevāti.

Pañcamam.

6. Chaṭṭhasikkhāpadavaṇṇanā

1202. Chaṭṭhe sabbam pañcame vuttasadisamevāti.

Chaṭṭham.

7. Sattamasikkhāpadavaṇṇanā

1208-9. Sattame **ummaddāpeti**¹ āpatti **pācittiyassā**ti ettha hattham amocetvā ummaddane² ekāva āpatti, mocetvā mocetvā ummaddane²

1. Ubbāṭṭāpeti (Sī)

2. Ubbāṭṭane (Sī)

payogagaṇanāya āpattiyo. **Sambāhanepi** eseva nayo. **Gilānāyāti** antamaso maggagamanaparissamenāpi sābādihāya. **Āpadāsūti** corabhayādīhi sarīrakampanādīsu. Sesam uttānameva. Samuṭṭhānādīni tatiyasadisānevāti.

Sattamaṃ.

8-9-10. Aṭṭhama navama dasamasikkhāpadavaṇṇanā

1210. Aṭṭhamādīsu tīsu sikkhamānāya sāmaṇeriyā gihiniyāti idameva nānākaraṇaṃ, sesam sattame vuttasadisamevāti.

Aṭṭhamanavamadasamāni.

11. Ekādasamasikkhāpadavaṇṇanā

1214. Ekādasame **bhikkhussa puratoti** abhimukhamevāti attho. Idam pana upacāraṃ sandhāya kathitanti veditabbaṃ. Sesam uttānameva. Kathinasamuṭṭhānaṃ kāyavācato kāyavācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, kāyakammaṃ vacīkammaṃ, ticittaṃ, tivedananti.

Ekādasamaṃ.

12. Dvādasamasikkhāpadavaṇṇanā

1219-23. Dvādasame **anokāsakatanti** asukasmim nāma ṭhāne pucchāmīti evaṃ akata-okāsaṃ. Tenevāha “anokāsakatanti anāpucchā”ti. **Anodissāti** asukasmim nāma ṭhāne pucchāmīti evaṃ aniyamtvā kevalaṃ “pucchitabbaṃ atthi, pucchāmi ayyā”ti evaṃ vatvā. Sesam uttānameva. Padasodhammasamuṭṭhānaṃ vācato vācācittato ca samuṭṭhāti, kiriyākiriyaṃ, nosaññāvimokkhaṃ, acittakaṃ, paṇṇattivajjaṃ, vacīkammaṃ, ticittaṃ, tivedananti.

Dvādasamaṃ.

13. Terasamasikkhāpadavaṇṇanā

1226. Terasame **parikkhepaṃ atikkāmentiyāti** ekena pādena atikkante dukkaṭaṃ, dutiyena pācittiyāṃ. Upacārepi eseva nayo.

1227. **Acchinnacīvarikāyāti**-ādīsu saṅkaccikacīvareva cīvaranti veditabbaṃ. **Āpadāsūti** mahagghaṃ hoti saṅkaccikaṃ, pārupitvā gacchantiyāva upaddavo uppajjati, evarūpāsu āpadāsu anāpatti. Sesam uttānameva, eḷakalomasamuṭṭhānaṃ, kiriyaṃ, nosaññāvīmokkhaṃ, acittakaṃ, paṇṇattivajjaṃ, kāyakammaṃ, ticittaṃ, tivedananti.

Terasamasikkhāpadaṃ.

Chattupāhanavaggo navamo.

Uddiṭṭhā kho ayyāyo chasaṭṭhisataṃ pācittiyā dhammāti ettha sabbāneva bhikkhunīnaṃ khuddakesu channaṃvuti, bhikkhūnaṃ dvenavutṭi aṭṭhāsītisataṃ sikkhāpadāni, tato sakalaṃ bhikkhunīvaggaṃ, paramparabhojanaṃ, anarittabhojanaṃ, anarittena abhihaṭṭhuṃ pavāraṇaṃ, paṇṇitabhojanaviññatti, acelakasikkhāpadaṃ, duṭṭhullapaṭicchādanaṃ, unavīsativassūpasampādanaṃ, mātugāmena saddhiṃ saṃvidhāya addhānagamaṇaṃ, rājante purappavesanaṃ, santaṃ bhikkhuṃ anāpucchā vikāle gāmapavesanaṃ, nisīdanaṃ, vassikasāṭikanti imāni dvāvīsati sikkhāpadāni apanetvā sesāni satañca chasaṭṭhi ca sikkhāpadāni pātimokkhuddesamaggena uddiṭṭhāni hontīti veditabbāni. Tenāha “uddiṭṭhā kho ayyāyo chasaṭṭhisataṃ pācittiyā dhammā -pa-evametam dhārayāmi”ti.

Tatrāyaṃ saṅkhepato samuṭṭhānavinicchayo—giraggasamajjaṃ cittāgārasikkhāpadaṃ saṅghāṇi itthālaṅkāro gandhavaṇṇako vāsitaṅkapiññāko bhikkhunī-ādīhi ummaddanaparimaddanānīti imāni dasa sikkhāpadāni acittakāni lokavajjāni. Ayaṃ panettha adhippāyo, vināpi cittena āpajjitabbattā acittakāni, citte pana sati akusaleneva āpajjitabbattā lokavajjāni. Avasesāni acittakāni paṇṇattivajjāneva. Corivutṭhāpanaṃ gāmantaraṃ āramasikkhāpadaṃ gabbhinivagge ādito paṭṭhāya satta, kumārībhūtavagge ādito paṭṭhāya pañca, purisasaṃsaṭṭhaṃ pārivāsiyachandadānaṃ anuvassavutṭhāpanaṃ

ekantarikavuṭṭhāpananti imāni ekūnavīsati sikkhāpadāni sacittakāni
paṇṇattivajjāni, avasesāni sacittakāni lokavajjānevāti.

Samantapāsādikāya Vinayasamvaṇṇanāya Bhikkhunīvibhaṅge

Khuddakavaṇṇanā niṭṭhitā.

Pācittiyakaṇḍam niṭṭhitā.

5. Pāṭidesanīyakaṇḍa

Pāṭidesanīyasikkhāpadavaṇṇanā

Pāṭidesanīyā nāma, Khuddakānam anantarā.

Ye dhammā aṭṭha āruḥhā, saṅkhepeneva saṅgahaṃ.

Tesaṃ pavattate esā, saṅkhepeneva vaṇṇanā.

1228. Yāni hi ettha Pāḷiyam sappitelādīni niddiṭṭhāni, tāniyeva
viññāpetvā bhuñjantiyā pāṭidesanīyā. Pāḷivinimuttakesu pana sabbesu
dukkaṭam. Sesamettha uttānameva. Aṭṭhavidhampi panetaṃ pāṭidesanīyam
catusamuṭṭhānam kāyato kāyavācato kāyacittato kāyavācācittato ca
samuṭṭhāti, kiriyaṃ, nosaññāvimokkhaṃ, acittakaṃ, paṇṇattivajjaṃ,
kāyakammaṃ vacīkammaṃ, ticittaṃ, tivedananti.

Pāṭidesanīyavaṇṇanā niṭṭhitā.

Pāṭidesanīyakaṇḍam niṭṭhitam.

Sekhiyā pana uddiṭṭhā, ye dhammā pañcasattati.

Tesaṃ anantarāyeva, sattādhikaraṇavhayā.

Mahāvibhaṅge yo vutto, tesaṃ atthavinicchayo.

Bhikkhunīnam Vibhaṅgepi, tādisaṃyeva taṃ vidū.

Yasmā tasmā visuṃ tesaṃ, dhammānaṃ atthavaṇṇanā.

Na vuttā tattha yā vuttā, vuttāyeva hi sā idhāti.

Samantapāsādikāya Vinayasaṃvaṇṇanāya

Bhikkhunīvibhaṅgavaṇṇanā niṭṭhitā.

Sabbāsavapaṃ esā, niṭṭhitā vaṇṇanā yathā.

Sabbāsavapaṃ maggaṃ, patvā passantu nibbutinti.

Ubhatovibhaṅgaṭṭhakathā niṭṭhitā.

Vinayaṭṭakā

Mahāvagga-aṭṭhakathā

Namo tassa Bhagavato Arahato Sammāsambuddhassa.

1. Mahākhandhaka

Bodhikathā

Ubhinnam pātimokkhānam, saṅgītisamanantaram.
Saṅgāyimsu mahātherā, khandhakaṃ khandhakoḍḍhā.

Yam tassa dāni sampatto, yasmā saṃvaṇṇanākkamo.
Tasmā hoti ayaṃ tassa, anuttānatthavaṇṇanā.

Padabhājaniye atthā, yehi yesam pakāsītā.
Te ce puna vadeyyāma, pariyosānam kadā bhava.

Uttānā ceva ye atthā, tesam saṃvaṇṇanāya kim.
Adhippāyānusandhīhi, byañjanaena ca ye pana.

Anuttānā na te yasmā, sakkā nātum avaṇṇitā.
Tesaṃyeva ayaṃ tasmā, hoti saṃvaṇṇanāyoti.

1. Tena samayena Buddho Bhagavā Uruvelāyam viharati najjā
Nerañjarāya tīre Bodhirukkhāmūle paṭhamābhisambuddhoti ettha kiñcāpi
tena samayena Buddho Bhagavā Verañjāyanti-ādīsu viya karaṇavacane
visesakāraṇam natthi, vinayam patvā pana karaṇavacaneneva ayamabhilāpo
āropitoti ādito paṭṭhāya āruḥhābhilāpavasenevetam vuttanti veditabbam. Esa
nayo aññesupi ito paresu evarūpesu.

Kim panetassa vacane payojananti. Pabbajjādīnam vinayakammānam
ādito paṭṭhāya nidānadassanam. Yā hi Bhagavatā “anujānāmi bhikkhave
imehi

tīhi saraṇagamanehi pabbajjāṃ upasampadan”¹ti evaṃ pabbajjā ceva upasampadā ca anuññātā, yāni ca Rājagahādīsu upajjhāya upajjhāyavatta ācariya-ācariyavattādīni anuññātāni, tāni abhisambodhim patvā sattasattāhaṃ Bodhimaṇḍe² vītināmetvā Bārāṇasiyaṃ dhammacakkaṃ pavattetvā iminā anukkamena idañcidañca ṭhānaṃ patvā imasmiñca imasmiñca vatthusmiṃ paññattānīti evametesāṃ pabbajjādīnaṃ vinayakammānaṃ ādito paṭṭhāya nidānadassanaṃ etassa vacane payojananti veditabbam.

Tattha **Uruvelāyanti** mahāvelāyaṃ, mahante vālikarāsimhīti attho. Atha vā **urūti** vālikā vuccati, **velāti** mariyādā, velātikkamanahetu āhaṭā uru Uruvelāti evampettha attho daṭṭhabbo. Atīte kira anuppanne Buddhe dasasahassakulaputtā tāpasapabbajjāṃ pabbajitvā tasmīṃ padese viharantā ekadivasaṃ sannipatitvā katikavattaṃ akaṃsu “kāyakammavacīkammāni nāma paresampi pākaṭāni honti, manokammaṃ pana apākaṭāṃ. Tasmā yo kāmavitakkaṃ vā byāpādavitakkaṃ vā vihiṃsāvitaṅkaṃ vā vitakketi, tassa añño codako nāma natthi, so attanāva attānaṃ codetvā pattapuṭena vālikaṃ āharitvā imasmiṃ ṭhāne ākiratu, idamassa daṇḍakammaṃ”ti. Tato paṭṭhāya yo tādisaṃ vitakkaṃ vitakketi, so tattha pattapuṭena vālikaṃ ākirati. Evaṃ tattha anukkamena mahāvālikarāsi jāto, tato naṃ pacchimā janatā parikkhipitvā cetiyaṭṭhānamakāsi. Taṃ sandhāya vuttaṃ “uruvelāyanti mahāvelāyaṃ, mahante vālikarāsimhīti attho”ti. Tameva sandhāya vuttaṃ “atha vā urūti vālikā vuccati, velāti mariyādā, velātikkamanahetu āhaṭā uru Uruvelāti evampettha attho daṭṭhabbo”ti.

Bodhirukkhamūleti bodhi vuccati catūsu maggesu ñāṇaṃ, taṃ bodhim Bhagavā ettha pattoti rukkhopi “Bodhirukkho”tveva nāmaṃ labhi, tassa Bodhirukkhasa mūle Bodhirukkhamūle. **Paṭhamābhisambuddhoti** paṭhamaṃ abhisambuddho, abhisambuddho hutvā sabbapaṭhamaṃyevāti attho. **Ekapallaṅkenāti** sakimpī anuṭṭhahitvā yathā-ābhujitena ekeneva pallaṅkena. **Vimuttisukhapaṭisamvedīti** vimuttisukhaṃ phalasaṃpattisukhaṃ paṭisamvedayamāno.

1. Vi 3. 29 piṭṭhe.

2. Bodhimahāmaṇḍe (Ka)

Paṭiccasamuppādanti paccayākāraṃ. Paccayākāro hi aññaṃaññaṃ paṭicca saḥite dhamme uppādetīti “paṭiccasamuppādo”ti vuccati, ayamettha saṅkhepo, vitthāro pana sabbākārasampannaṃ vinicchayaṃ icchantena Visuddhimaggato⁺ gahetabbo. **Anulomapaṭilomanti** anulomañca paṭilomañca. Tattha avijjāpaccayā saṅkhārāti-ādinā nayena vutto avijjādiko paccayākāro attanā kattabbakiccakaraṇato “anulomo”ti vuccati. Avijjāya tveva asesavirāganirodhā saṅkhāranirodhoti-ādinā nayena vutto sveva anuppādanirodhena nirujjhamāno taṃ kiccaṃ na karotīti tassa akaraṇato “paṭilomo”ti vuccati. Purimanayena vā vutto pavattiyā anulomo, itaro tassā paṭilomoti evampettha attho datṭhabbo. Ādito pana paṭṭhāya yāva antaṃ, antato ca paṭṭhāya yāva ādiṃ pāpetvā avuttattā ito aññenatthena anulomapaṭilomatā na yujjati.

Manasākāsīti manasi akāsi. Tattha yathā anulomaṃ manasi akāsi, idaṃ tāva dassetuṃ **avijjāpaccayā saṅkhārāti**-ādi vuttaṃ. Tattha avijjā ca sā paccayo cāti avijjāpaccayo. Tasmā **avijjāpaccayā saṅkhārā sambhavanti**ti iminā nayena sabbapadesu attho veditabbo. Ayamettha saṅkhepo, vitthāro pana sabbākārasampannaṃ vinicchayaṃ icchantena Visuddhimaggatova gahetabbo.

Yathā pana paṭilomaṃ manasi akāsi, idaṃ dassetuṃ **avijjāya tveva asesavirāganirodhā saṅkhāranirodhoti**-ādi vuttaṃ. Tattha **avijjāya tvevāti** avijjāya tu eva¹. **Asesavirā ganirodhāti** virāgasāṅkhātena maggena asesanirodhā. **Saṅkhāranirodhoti** saṅkhārānaṃ anuppādanirodho hoti. Evaṃ niruddhānaṃ pana saṅkhārānaṃ nirodhā viññāṇaṃ niruddhaṃ, viññāṇādīnañca nirodhā nāmarūpādīni niruddhāniyeva hontīti dassetuṃ **saṅkhāranirodhā viññāṇanirodhoti**-ādīni vatvā **evametassa kevalassa dukkhakkhandhassa nirodho hotīti** vuttaṃ. Tattha **kevalassāti** sakalassa, suddhassa vā sattavirahitassāti attho. **Dukkhakkhandhassāti** dukkharāsissa. **Nirodho hotīti** anuppādo hoti.

⁺ Visuddhi 2. 148, 173 piṭṭhādīsu. 1. Avijjāya eva tu (Sī, Ka)

Etamattham viditvāti yvāyam “avijjādivasena saṅkhārādikassa dukkhakkhandhassa samudayo ca avijjānirodhādivasena ca nirodho hoti”ti vutto, sabbākārena etamattham viditvā. **Tāyam velāyanti** tāyam tassa atthassa viditavelāyam. **Imam udānam udānesīti** imam tasmim vidite atthe hetuno ca hetusamuppānadhāmmassa ca pajānanāya ānubhāvadīpakam **yadā have pātubhavantīti**-ādikaṃ somanassayuttañāṇasamuṭṭhānaṃ udānaṃ udānesī, attamanavācam nicchāresīti vuttam hoti.

Tassattho—**yadā haveti** yasmim have kāle. **Pātubhavantīti** uppajjanti. **Dhammāti** anulomappaccayākāra¹ paṭivedhasādhakā bodhipakkhiyadhammā. Atha vā **pātubhavantīti** pakāsanti, abhisamayavasena byattā pākāṭā honti. **Dhammāti** catu-ariyasaccadhammā. Ātāpo vuccati kilesasantāpanaṭṭhena vīriyam, **ātāpinoti** sammappadhānavīriyavato. **Jhāyatoti** ārammaṇūpanijjhānalakkhaṇena ca lakkhaṇūpanijjhānalakkhaṇena ca jhānena jhāyantassa. **Brāhmaṇassāti** bāhitapāpassa khīṇāsavassa. **Athassa kaṅkhā vapayantīti** athassa evam pātubhūdadhammassa kaṅkhā vapayanti. **Sabbāti** yā etā “ko nu kho bhante phusatīti, no kallo pañhoti Bhagavā avocā”ti-ādinā, tathā “katamaṃ nu kho bhante jarāmarāṇaṃ, kassa ca panidaṃ jarāmarāṇanti, no kallo pañhoti Bhagavā avocā”ti-ādinā ca nayena paccayākāre kaṅkhā vuttā, yā ca paccayākārasseva appaṭividdhattā “ahosiṃ nu kho aham atītamaddhānan”ti-ādikā soḷasa kaṅkhā āgatā, tā sabbā vapayanti apagacchanti nirujjhanti. Kasmā? **Yato pajānāti sahetudhammanti** yasmā avijjādikena hetunā sahetukaṃ imam saṅkhārādim kevalam dukkhakkhandhadhammaṃ pajānāti aññāti paṭivijjhatīti.

2. Dutiyavāre **imam udānam udānesīti** imam tasmim vidite atthe “avijjāya tveva asesavirāgaṇirodhā saṅkhāraṇirodho”ti evam pakāsitassa nibbānasaṅkhātassa paccayakkhayassa avabodhānubhāvadīpakam vuttappakāram udānaṃ udānesīti attho. Tatrāyam saṅkhepattho—yasmā paccayānaṃ khayasaṅkhātaṃ nibbānaṃ avedi aññasi paṭivijjhi, tasmā yadāssa ātāpino

1. Anulomapaṭilomappaccayākāra (Ka)

jhāyato brāhmaṇassa vuttappakārā dhammā pātubhavanti, athassa yā nibbānassa aviditattā uppajjeyyūṃ, tā sabbāpi kaṅkhā vapayantīti.

3. Tatiyavāre **imaṃ udānaṃ udānesīti** imaṃ yena maggena so dukkhakkhandhassa samudayanirodhasaṅkhāto attho kiccavasena ca ārammaṇakiriyāya ca vidito, tassa ariyamaggassa ānubhāvadīpakaṃ vuttappakāraṃ udānaṃ udānesīti attho. Tatrāpāyaṃ saṅkhepattho—**yadā have pātubhavanti dhammā ātāpino jhāyato brāhmaṇassa**, tadā so brāhmaṇo tehi vā uppannehi bodhipakkhiyadhammehi, yassa vā ariyamaggassa catusaccadhammā pātubhūtā, tena ariyamaggena **vidhūpayam tiṭṭhati mārasenaṃ**, “kāma te paṭhamā senā”ti-ādinā nayena vuttappakāraṃ mārasenaṃ vidhūpayanto vidhamento viddhamsento tiṭṭhati. Kathaṃ? **Sūriyova obhāsayaṃantalikkhaṃ**, yathā sūriyo abbhuggato attano pabhāya antalikkhaṃ obhāsantova andhakāraṃ vidhamento tiṭṭhati, evaṃ sopi brāhmaṇo tehi dhammehi tena vā maggena saccāni paṭivijjhantova mārasenaṃ vidhūpayanto tiṭṭhatīti.

Evamettha paṭhamam udānaṃ paccayākārapaccavekkhaṇavasena, dutiyam nibbānapaccavekkhaṇavasena, tatiyam maggapaccavekkhaṇavasena uppannanti veditabbaṃ. Udāne pana “rattiyā paṭhamam yāmaṃ paṭiccasamuppādam anulomaṃ, dutiyam yāmaṃ paṭilomaṃ, tatiyam yāmaṃ anulomapaṭilomaṃ”ti vuttam, tam sattāhassa accayena “sve āsanā vuṭṭhahissāmī”ti rattim uppāditamanasikāraṃ sandhāya vuttam. Tadā hi Bhagavā yassa paccayākārapajānanassa ca paccayakkhayādhigamassa ca ānubhāvadīpikā purimā dve udānagāthā, tassa vasena ekekameva koṭṭhāsaṃ paṭhamayāmaṇca majjhimayāmaṇca manasākāsi, idha pana paṭipadarattiyā evaṃ manasākāsi. Bhagavā hi visākhapuṇṇamāya rattiyā paṭhamayāme pubbenivāsaṃ anussari, majjhimayāme dibbacakkhum visodhesi, pacchimayāme paṭiccasamuppādam anulomapaṭilomaṃ manasikatvā “idāni aruṇo uggamissatī”ti sabbaññutam pāpuṇi.

Sabbaññutappattisamanantameva¹ ca aruṇo uggacchi, tato tam divasaṃ teneva pallaṅkena vītināmetvā sampattāya paṭipadarattiyā tisu yāmesu evaṃ manasi katvā imāni udānāni udānesi.

1. Sabbaññutam pattasamanantameva (Ka)

Iti pāṭipadarattiyā evaṃ manasi katvā taṃ “Bodhirukkhamūle sattāhaṃ ekapallaṅkena nisīdī”ti evaṃ vuttasattāhaṃ tattheva vītināmesi.

Ajapālakathā

4. **Atha kho Bhagavā sattāhassa accayena tamhā samādhimhā vuṭṭhahitvā Bodhirukkhamūlā yena Ajapālanigrodho tenupasaṅkamīti** ettha na Bhagavā tamhā samādhimhā vuṭṭhahitvā anantameva Bodhirukkhamūlā yena Ajapālanigrodho tenupasaṅkami, yathā pana “bhutvā sayatī”ti vutte na “hatthe adhovitvā mukhaṃ avikkhāletvā sayanasamīpaṃ agantvā aññaṃ kiñci ālāpasallāpaṃ akatvā sayatī”cceva vuttaṃ hoti, bhojanato pana pacchā sayati, na nasayatīti¹ idamevettha dīpitaṃ hoti. Evamidhāpi na “tamhā samādhimhā vuṭṭhahitvā anantameva pakkāmī”ti vuttaṃ hoti, vuṭṭhānato ca pana pacchā pakkāmi, na napakkāmīti² idamevettha dīpitaṃ hoti.

Anantaraṃ pana apakkamitvā Bhagavā kiṃ akāsīti. Aparānipi tīṇi sattāhāni bodhisamīpeyeva vītināmesi. Tatrāyaṃ anupubbikathā—Bhagavati kira Buddhattaṃ patvā sattāhaṃ ekapallaṅkena nisinne “na Bhagavā vuṭṭhāti, kiṃ nu kho aññepi Buddhattakarā dhammā atthi”ti ekaccānaṃ devatānaṃ kaṅkhā udapādi. Atha Bhagavā aṭṭhame divase samāpattito vuṭṭhāya devatānaṃ kaṅkhaṃ ñatvā kaṅkhāvidhamanattaraṃ ākāse uppatitvā Yamakapāṭihāriyaṃ dassetvā tāsāṃ kaṅkhaṃ vidhamitvā pallaṅkato īsakaṃ pācīnanissite uttaradisābhāge ṭhatvā cattāri asaṅkhyeyyāni kappasatasahassaṅca upacitānaṃ pāramīnaṃ balādhigamanaṭṭhānaṃ pallaṅkaṃ Bodhirukkhaṅca animisehi akkhīhi olokayamāno sattāhaṃ vītināmesi, taṃ ṭhānaṃ **Animisacetiyaṃ** nāma jātaṃ. Atha pallaṅkassa ca ṭhitatṭhānassa ca antarā puratthimato ca pacchimato ca āyate ratanacaṅkame caṅkamanto sattāhaṃ vītināmesi, taṃ ṭhānaṃ **Ratanacaṅkamacetiyaṃ** nāma jātaṃ. Tato pacchimidisābhāge devatā ratanagharaṃ māpayiṃsu, tattha pallaṅkena nisīditvā Abhidhammapiṭakaṃ visesato cettha anantanayaṃ

1. Na sayatīti (Ka)

2. Na pakkāmīti (Ka)

samantapaṭṭhānaṃ vicinanto sattāhaṃ vītināmesi, taṃ ṭhānaṃ
Ratanagharacetiyaṃ nāma jātaṃ.

Evam bodhisamīpeyeva cattāri sattāhāni vītināmetvā pañcame sattāhe Bodhirukkhamulā yena Ajapālanigrodho tenupasaṅkami. Tassa kira nigrodhassa chāyāya ajapālakā gantvā nisīdanti, tenassa “Ajapālanigrodho” tveva nāmaṃ udapādi. **Sattāhaṃ vimuttisukhapaṭisaṃvedīti** tatrāpi dhammaṃ vicinantoyeva vimuttisukhaṃ paṭisaṃvedento nisīdi. Bodhito puratthimadisābhāge esa rukkho hoti. Evam nisinne ca panettha Bhagavati eko brāhmaṇo gantvā pañhaṃ pucchi. Tena vuttaṃ **atha kho aññataroti**-ādi. Tattha **Huṃhuṃkajātiko**¹ so kira diṭṭhamaṅgaliko nāma mānavasena kodhavasena ca “huṃhun”ti karonto vicarati, tasmā “Huṃhuṃkajātiko”ti vuccati, Huhukkajātikotipi paṭhanti.

Etamatthaṃ viditvāti etaṃ² tena vuttassa vacanassa sikhāpattamatthaṃ viditvā tāyaṃ velāyaṃ imaṃ udānaṃ udānesi. Tassattho, yo bāhitapāpadhammatāya **brahmaṇo**, na diṭṭhamaṅgalikatāya huṃhuṃkārakasāvādipāpadhammayutto hutvā kevalaṃ jātimattakena brahmaññaṃ paṭijānāti, so brāhmaṇo bāhitapāpadhammatā huṃhuṃkārappahānena **nihuṃhuṃko**, rāgādikasāvābhāvena **nikkasāvo**, bhāvanānuyogayuttacittatāya **yatto**, sīlasaṃvarena vā saññatacittatāya **yatto**, catumaggañāṇasaṅkhātehi vedehi antaṃ, vedānaṃ vā antaṃ gatattā **vedantaḡū**, maggabrahmacariyassa vusitattā **vusitabrahmacariyo**. **Dhammena brahmavādaṃ vadeyya** “brāhmaṇo ahan”ti etaṃ vādaṃ dhammena vadeyya, yassa sakale lokasannivāse kuhiñci ekārammaṇepi rāgussado dosussado mohussado mānussado diṭṭhussadoti ime ussādā natthīti.

Mucalindakathā

5. **Akālamegho**ti asampatte vassakāle uppannamegho, ayaṃ pana gimhānaṃ pacchime māse udapādi. **Sattāhavaddalikā**ti tasmim uppanne sattāhaṃ avicchinnavuṭṭhikā aho. **Sītavātaduddinī**ti sā ca pana

1. Huhuṃkajātikoti (Sī)

2. Evam (Sī)

sattāhavaddalikā udakaphusitasammissena sītavātena samantā
 paribbhamantena dūsitadivasattā sītavātaduddinī nāma ahosi. **Atha kho Mucalindo nāgarājāti** tasseva Mucalindarukkhasa samīpe pokkharāṇiyā
 nibbatto mahānubhāvo nāgarājā. **Sattakkhattum bhogehi parikkhipitvāti**
 evaṃ bhogehi parikkhipitvā uparimuddhani mahantaṃ phaṇaṃ karitvāva
 ṭhite¹ tasmiṃ tassa parikkhepabbhantaraṃ lohapāsāde
 bhaṇḍāgāragabbhappamaṇaṃ ahosi, tasmā Bhagavā nivāte
 pihitadvāravātapāne kūṭāgāre nisinno viya jāto. **Mā Bhagavantaṃ sītanti-**ādi
 tassa tathā karitvā ṭhānakāraṇaparidīpanaṃ. So hi “mā Bhagavantaṃ sītaṃ
 bādhayittha, mā uṇhaṃ, mā ḍamsādisamphasso bādhayitthā”ti tathā karitvā
 aṭṭhāsi. Tattha kiñcāpisattāhavaddalikāya uṇhameva natthi, sace pana
 antarantarā megho vigaccheyya, uṇhaṃ bhaveyya, tampi naṃ mā
 bādhayitthāti evaṃ tassa cintetum yuttaṃ. **Viddhanti** ubbidham,
 meghavigamena dūrībhūtanti attho. **Vigatavalāhakanti** apagatameghaṃ.
Devanti ākāsaṃ. **Sakavaṇṇanti** attano rūpaṃ.

Sukho vivekoti nibbānasaṅkhāto upadhiviveko sukho. **Tuṭṭhassāti**
 catumaggañānasantosena santuṭṭhassa. **Sutadhammassāti**
 pakāsītadhammassa. **Passatoti** taṃ vivekaṃ, yaṃ vā kiñci passitabbaṃ
 nāma, taṃ sabbaṃ attano vīriyabalādhigatena ñāṇacakkhunā passantassa.
Abyāpajjanti² akuppanabhāvo, etena mettāpubbabhāgo dassito. **Pāṇabhūtesu**
saṃyamoti sattesu ca saṃyamo, avihimsanabhāvo sukhoti attho. Etena
 karuṇāpubbabhāgo dassito. **Sukhā virāgatā loketi** vītarāgatāpi sukhāti dīpeti.
Kāmānaṃ samatikkamoti yā “kāmānaṃ samatikkamo”ti vuccati, sā
 virāgatāpi sukhāti attho, etena anāgāmimaggo kathito. **Asmimānassa yo**
vinayoti iminā pana arahattaṃ kathitaṃ. Arahattaṃ hi asmimānassa
 “passaddhivinayo”ti vuccati. Ito parañca sukhaṃ nāma natthi, tenāha “etaṃ
 ve paramaṃ sukhaṃ”ti.

Rājāyatanakathā

6. **Mucalindamūlāti** mahābodhito pācīnaḥ
 ṭhitamucalindarukkhamūlā. **Rājāyatananti** dakkhiṇadisābhāge ṭhitaṃ
 rājāyatanarukkham

1. Ṭhito (Sī)

2. Abyāpajjhanti (Sī, Syā)

upasaṅkami. **Tena kho pana samayenā**ti katarena samayena? Bhagavato kira rājāyatanamūle sattāhaṃ ekapallaṅkena nisinnassa samādhito vuṭṭhānadivase aruṇuggamanavelāyameva “bhojanakiccena bhavitabban”ti ñatvā Sakko devarājā osadhaharītakaṃ upanesi. Bhagavā taṃ paribhuñji, paribhuttamattasseva sarīrakiccaṃ ahosi. Sakko mukhodakaṃ adāsi. Bhagavā mukhaṃ dhovivā tasmiṃyeva rukkhamūle nisīdi. Evaṃ uggate aruṇamhi nisinne Bhagavati.

Tena kho pana samayena Tapussabhallikā vāṇijāti Tapusso¹ ca Bhalliko cāti dve bhātaro vāṇijā. **Ukkalāti** Ukkalajanapadato. **Taṃ desanti** yasmim̐ dese Bhagavā viharati². Katarasmiṅca dese Bhagavā viharati³, Majjhimadese. Tasmā Majjhimadesaṃ gantuṃ addhānamaggappaṭipannā hontīti ayamettha attho. **Ñātisālohitā devatāti** tesaṃ ñātibhūtapubbā devatā. **Etadavocāti** sā kira nesaṃ sabbasakaṭāni appavattīni akāsi. Tato te kiṃ idanti maggadevatānaṃ baliṃ akaṃsu. Tesaṃ balikammakāle sā devatā dissamāneneva kāyena etaṃ avoca. **Manthena ca madhupiṇḍikāya cāti** abaddhasattunā ca sappimadhuphāṇitādīhi yojetvā baddhasattunā ca. **Patimānethāti** upaṭṭhahatha. **Taṃ voti** taṃ patimānanaṃ tumhākaṃ bhavissati dīgharattaṃ hitāya sukhāya. **Yaṃ amhākanti** yaṃ paṭiggaṇaṇaṃ amhākaṃ assa dīgharattaṃ hitāya sukhāya. **Bhagavato etadahosīti** yo kirassa padhānānuyogakāle patto ahosi, so Sujātāya pāyasaṃ dātuṃ āgacchantiyā eva antaradhāyi. Tenassa etadahosi “patto me natthi, purimakāpi ca na kho Tathāgatā hatthesu paṭiggaṇhanti, kimhi nu kho ahaṃ paṭiggaṇheyyaṃ manthaṅca madhupiṇḍikaṅcā”ti.

Parivitakkamaññāyāti ito pubbeva Bhagavato Sujātāya dinnabhojanaṃyeva ojaṇuppabandhanavasena aṭṭhāsi, ettakaṃ kālaṃ neva jighacchā na pipāsā na kāyadubbalyaṃ ahosi. Idāni panassa āhāraṃ paṭiggaṇhetukāmatāya **na kho Tathāgatāti**-ādinā nayena parivitakko

1. Tapassu (Sī)

2. Bhagavā (Sī)

3. Bhagavāti (Sī, Syā)

udapādi. Taṃ evaṃ uppannaṃ attano cetasā Bhagavato cetoparivittakkamaññāya. **Catuddisāti** catūhi disāhi. **Selamaye patteti** muggavaṇṇaselamaye patte. Idaṃ ye¹ Bhagavā paṭiggahesi, teyeva sandhāya vuttaṃ. Cattāro pana mahārājāno paṭhamaṃ indanīlamaṇimaye patte upanāmesuṃ, na te Bhagavā aggahesi. Tato ime cattāropi muggavaṇṇasilāmaye patte upanāmesuṃ, Bhagavā cattāropi patte aggahesi tesāṃ pasādānurakkhaṇatthāya, no mahicchatāya. Gahetvā ca pana cattāropi yathā ekova patto hoti, tathā adhiṭṭhahi, catunnampi ekasadiṣo puñṇavipāko ahoṣi. Evaṃ ekaṃ katvā adhiṭṭhite **paṭiggahesi Bhagavā paccagghe selamaye patte manthañca madhupiṇḍikañca**. **Paccaggheti** paccagghasmim, pāṭekkaṃ mahagghasminti attho. Atha vā **paccaggheti** abhinave abbhūṇhe, taṅkhaṇe nibbattasminti attho. Dve vācā etesaṃ ahesunti **dvevācikā**. Atha vā dvīhi vācāhi upāsakabhāvaṃ pattāti attho. Te evaṃ upāsakabhāvaṃ paṭivedetvā Bhagavantaṃ āhaṃsu “kassa dāni bhante amhehi ajja paṭṭhāya abhivādanapaccuṭṭhānaṃ kātabbā”ti. Atha Bhagavā sīsaṃ parāmasi, kesā hatthe laggiṃsu. Te tesāṃ adāsi “ime tumhe parihaarathā”ti. Te kesadhātuyo labhitvā amateneva abhisittā haṭṭhatuṭṭhā Bhagavantaṃ vanditvā pakkamiṃsu.

Brahmayācanakathā

7. Atha kho Bhagavā sattāhassa accayena tamhā samādhimhā vuṭṭhahitvā vuttappakārametaṃ sabbaṃ kiccaṃ niṭṭhāpetvā rājāyatanamūlā punapi yena Ajapālanigrodho tenupasaṅkami. **Parivittakko udapādīti** tasmim nisinnamattasseva sabbabuddhānaṃ āciṇṇasamāciṇṇo ayaṃ cetaso parivittakko udapādi. Kasmā panāyaṃ sabbabuddhānaṃ uppajjatīti. Dhammassa mahantabhāvaṃ garubhāvaṃ bhāriyabhāvaṃ paccavekkhaṇāya brahmunā yācite desetukāmatāya ca. Jānanti hi Buddhā “evaṃ parivittakite brahmā āgantvā dhammadesanaṃ yācissati, tato sattā dhamme gāraṃ uppādessanti, brahmagaruko hi lokasannivāso”ti. Iti imehi dvīhi kāraṇehi ayaṃ vittakko uppajjatīti.

1. Yeva (Syā, Ka)

Tattha **adhigato kho myāyanti** adhigato kho me ayam. **Ālayarāmāti** sattā pañca kāmaguṇe allīyanti, tasmā te “ālayā”ti vuccanti. Tehi ālayehi ramantīti **ālayarāmā**. Ālayesu ratāti **ālayaratā**. Ālayesu suṭṭhumuditāti **ālayasammuditā**. **Yadidanti** nipāto, tassa ṭhānaṃ sandhāya yaṃ idanti, paṭiccasamuppādaṃ sandhāya yo ayanti evamattho datṭhabbo. **Idappaccayatāpaṭiccasamuppādoti** imesaṃ paccayā idappaccayā, idappaccayāva **idappaccayatā**. Idappaccayatā ca sā paṭiccasamuppādo cāti **idappaccayatāpaṭiccasamuppādo**. **So mamassa kilamathoti** yā ajānantānaṃ desanā nāma, so mama kilamatho assa, sā mama vihesā assāti attho. **Bhagavantanti** Bhagavato. **Anacchariyāti** anu acchariyā. **Paṭibhānsūti** paṭibhānasaṅkhātassa ñāṇassa gocarā ahesuṃ, parivitakkayitabbabhāvaṃ pāpuṇiṃsu.

Halanti ettha hakāro nipātamatto, alanti attho. **Pakāsītunti** desetuṃ, alaṃ dāni me imaṃ kicchena adhigataṃ dhammaṃ desetunti vuttaṃ hoti. **Paṭisotagāminti** paṭisotaṃ vuccati nibbānaṃ, nibbānagāminti attho. **Rāgarattāti** kāmarāgabharāgadiṭṭhirāgena rattā. **Na dakkhantīti** na passanti¹. **Tamokhandhena āvuṭāti** avijjārāsinaṃ ajjhotthaṭā. **Appossukkatāyāti** nirussukkabhāvena, adesetukāmatāyāti attho.

8. **Yatra hi nāmāti** yasmim nāma loke. **Bhagavato purato pāturahosīti** dhammadesanāyācanatthaṃ dasasu cakkavāḷasahassesu mahābrahmāno gahetvā āgamma Bhagavato purato pāturahosi. **Apparajakkhajātikāti** paññāmaye akkhimhi appaṃ rāgadosamoharajaṃ etesaṃ, evaṃsabhāvāti **apparajakkhajātikā**. **Bhavissanti dhammassa aññātāroti** paṭivijjhitāro.

Pāturahosīti pātubhavi. **Samalehi cintitoti** rāgādīhi malehi samalehi chahi sathārehi cintito. **Apāpuretanti** vivara etaṃ. **Amatassa dvāranti** amatassa nibbānassa dvārabhūtaṃ ariyamaggaṃ. **Suṇantu dhammaṃ**

1. Na passanti (Syā, Ka)

vimalenānubuddhanti ime sattā rāgādimalānaṃ abhāvato vimalena
Sammāsambuddhena anubuddhaṃ catusaccadhammaṃ suṇantu.

Sele yathā pabbatamuddhaniṭṭhitoti selamaye ekagghane
pabbatamuddhani yathāṭhitova¹, yathā cakkhumā puriso samantato janataṃ
passeyya, tvampi sumedha sundarapañña sabbaññutaññaṇena
Samantacakkhu Bhagavā dhammamayaṃ paññāmayāṃ pāsādamāruyha
sayāṃ apetasoko sokāvatiṇṇaṃ jātijarābhibhūtañca janataṃ avekkhassu
upadhāraya.

Uṭṭhehīti Bhagavato dhammadesanatthaṃ cārikacaraṇaṃ yācanto
bhaṇati. **Vīrāti**-ādīsu Bhagavā vīriyavantatāya **vīro**.
Devaputtamaccukilesābhisāṅkhāramārānaṃ vijitattā **Vijitasāṅgāmo**.
Jātikantārādinittharaṇasamatthatāya **sattavāho**. Kāmacchanda-ṇassa
abhāvato **aṇaṇo**.

9. **Ajjhesananti** yācanaṃ. **Buddhacakkhunāti**
indriyaparopariyattaññaṇena² ca āsayānusayaññaṇena ca. Imesañhi dvinnāṃ
ñāṇānaṃ Buddhacakkhūti nāmaṃ. **Apparajakkhāti**
paññācakkhumhirāgādirajaṃ appaṃ yesaṃ, te **apparajakkhā**. Yesaṃ taṃ
mahantaṃ, te **mahārajakkhā**. Yesaṃ saddhādīni indriyāni tikkhāni, te
tikkhandriyā. Yesaṃ tāni mudūni, te **mudindriyā**. Yesaṃ teyeva saddhādayo
ākārā sundarā, te **svākārā**. Yesaṃ teyeva saddhādayo ākārā asundarā, te
dvākārā. Ye kathitakāraṇaṃ sallakkhenti, sukkena sakkā honti viññāpetuṃ,
te **suviññāpayā**. Ye paralokañca vajjañca bhayato passanti, te
paralokavajjabhayadassāvino. **Uppaliniyanti** uppalavane. Itaresupi eseva
nayo. **Antonimuggaposīnīti** yāni udakassa anto nimuggāneva posayanti.
Samodakaṃ ṭhitānīti udakena samaṃ ṭhitāni. **Udakaṃ accuggamma**
ṭhitānīti³ udakaṃ atikkamitvā ṭhitāni⁴.

Apārutāti vivaṭā. **Amatassa dvārāti** ariyamaggo. So hi amatasāṅkhātassa
nibbānassa dvāraṃ. **Pamuñcantu saddhanti** sabbe attano saddhaṃ
pamuñcantu. Pacchimapadadvaye ayamatto, ahañhi attano paguṇaṃ
suppavattimpī

1. Ṭhito, so ca (Syā, Ka) Ma-Ṭṭha 2 Pāsārāsīsuttavaṇṇanāyāṃ ca.

2. Indriyaparopariyattiññaṇena (Syā, Ka) 3. Ṭṭhitānīti (Syā) 4. Ṭṭhitanti (Syā, Ka)

imaṃ paṇītaṃ uttamaṃ dhammaṃ kāyavācākilamathasaññī hutvā manujesu devamanussesu na bhāsinti.

Pañcavaggiyakathā

10. **Paṇḍitoti** paṇḍiccena samannāgato. **Byattoti** veyyattiyena samannāgato. **Medhāvīti** ṭhānuppattiyā paññāya samannāgato. **Apparajakkhajātikoti** samāpattiyā vikkhambhitattā nikkilesajātiko visuddhasatto. **Ājānissatīti** sallakkhessati paṭivijjhissati. **Bhagavatopi kho ñāṇaṃ udapādīti** sabbaññutaññāṇaṃ uppajji “ito sattamadivasamatthake kālaṃkatvā Ākiñcaññāyatane nibbatto”ti. **Mahājāniyoti** sattadivasabbhantare pattabbamaggaphalato parihīnattā mahatī jāni¹ assāti **mahājāniyo**, akkhaṇe nibbattattā². **Abhidosa kālaṃkatoti** hiyyo kālaṃkato, sopi Nevasaññānāsaññāyatane nibbattoti addasa. **Bahukārāti** bahūpakārā. **Padhānapahitattaṃ upaṭṭhahiṃsūti** padhānatthāya pesitattabhāvaṃ mukhodakadānādinā upaṭṭhahiṃsu.

11. **Antarā ca Gayāṃ antarā ca bodhinti** Upako Bodhimaṇḍassa ca Gayāya ca antare Bhagavantaṃ addasa. **Addhānamaggappaṭipannanti** addhānamaggaṃ paṭipannaṃ.

Sabbābhībhūti sabbaṃ tebhūmakadhammaṃ abhibhavivā ṭhito. **Sabbavidūti** sabbaṃ catubhūmakadhammaṃ avediṃ aññāsīṃ. **Sabbesu dhammesu anūpalittoti** sabbesu tebhūmakadhammesu kilesalepena alitto. **Sabbañjahoti** sabbaṃ tebhūmakadhammaṃ jahitvā ṭhito. **Taṇhakkhaye vimuttoti** taṇhakkhaye nibbāne ārammaṇato vimutto. **Sayaṃ abhiññāyāti** sabbaṃ catubhūmakadhammaṃ attanāva jānitvā. **Kamuddiseyyanti** kaṃ aññāṃ “ayaṃ me ācariyo”ti uddiseyyaṃ.

Na me ācariyo atthīti lokuttaradhamme mayhaṃ ācariyo nāma natthi. **Natthi me paṭipuggaloti** mayhaṃ paṭibhāgapuggalo nāma natthi. **Sītibhūtoti** sabbakilesagginibbāpanena sītibhūto, kilesānaṃyeva nibbutattā **nibbuto**.

1. Mahājāni (Syā, Ka)

2. Nibbattattā ca (Syā)

Kāsinaṃ puranti Kāsiraṭṭhe nagaraṃ. **Āhañchaṃ**¹ amatadundubhinti dhammacakkappaṭilābhāya amatabheriṃ paharissāmīti gacchāmi.

Arahasi Anantajinoti Anantajino bhavitum yutto. **Hupeyyapāvusoti** āvuso evampi nāma bhaveyya. **Sīsaraṃ okampetvāti** sīsaraṃ cāletvā.

12. **Sanṭhapesunti** katikaṃ akaṃsu. **Bāhullikoti** cīvarabāhullādīnaṃ atthāya paṭipanno. **Padhānavibbhantoti** padhānato vibbhanto bhaṭṭho parihiṇo. **Āvatto bāhullāyāti** cīvarādibahulabhāvattāya āvatto. **Odahatha bhikkhave sotanti** upanetha bhikkhave sotaṃ, sotindriyaṃ dhammassavanatthaṃ abhimukhaṃ karoṭhāti attho. **Amatamadhigatanti** amataṃ nibbānaṃ mayā adhigatanti dasseti. **Iriyāyāti** dukkara-iriyāya². **Paṭipadāyāti** dukkarapaṭipadāya. **Abhijānātha me noti** abhijānātha nu me, samanupassatha. **Evarūpaṃ bhāsitametanti** etaṃ evarūpaṃ vākyaṃ bhāsitanti attho. **Asakki kho Bhagavā pañcavaggiye bhikkhū saññāpetunti** “ahaṃ Buddho”ti jānāpetum asakki.

13. **Cakkhukaraṇīti** paññācakkhumaṃ sandhāyāha. Ito paraṃ sabbamaṃ padatthato uttānameva. Adhippāyānusandhiyojanādibhedato pana Papañcasūdaniyā Majjhimaṭṭhakathāya³ vuttanayena veditabbaṃ. Ito paṭṭhāya hi ativitthārahīrukassa mahājanassa cittaṃ anurakkhantā suttantakathaṃ avaṇṇayitvā vinayakathameva vaṇṇayissāma.

18. **Sāva tassa āyasmato upasampadā ahoṣīti** āsālhiṇipunṇamāya aṭṭhārasahi devatākoṭhi saddhiṃ sotāpattiphale patiṭṭhitassa “ehi bhikkhū”ti Bhagavato vacanena abhinipphannā sāva tassa āyasmato **ehibhikkhūpasampadā** ahoṣi.

19. **Atha kho āyasmato ca Vappassāti** ādimhi Vappattherassa pāṭipadadivase dhammacakkhumaṃ udapādi, Bhaddiyattherassa dutiyadivase, Mahānāmattherassa tatiyadivase, Assajittherassa catutthiyanti. Imesañca

1. Āhaññim (Syā, Ka) 2. Dukkacarīyāya (Syā, Ka) 3. Ma-Ṭṭha 1. 108 piṭṭhādīsu.

pana bhikkhūnaṃ kammaṭṭhānesu uppannamalavisodhanatthaṃ Bhagavā antovihāreyeva ahosi, uppanne uppanne kammaṭṭhānamale ākāsenā gantvā malaṃ vinodesi. Pakkhassa pana pañcamiyaṃ sabbe te ekato sannipātetvā anattasuttena ovadi. Tena vuttaṃ **atha kho Bhagavā pañcavaggiyeti-ādi.**

24. **Tena kho pana samayena cha loke arahanto hontīti** pañcamiyā pakkhassa lokasmiṃ cha manussā arahanto hontīti attho.

Pabbajjākathā

31. **Pubbānupubbakānanti** paveṇivasena porāṇānuporāṇānanti attho. **Tena kho pana samayena ekasaṭṭhi loke arahanto hontīti** purimā cha ime ca pañcapanāñāsāti antovassamhiyeva ekasaṭṭhi manussā arahanto hontīti attho.

Tatra Yasa-ādīnaṃ kulaputtānaṃ ayaṃ pubbayogo—atīte kira pañcapanāñāpajanā sahāyakā vaggabandhena puññāni karontā anāthasarīrāni paṭijaggantā vicaranti, te ekadivasam gabbhinim¹ itthim kālaṅkataṃ disvā “jhāpessāmā”ti susānaṃ nīharimsu. Tesu pañca jane “tumhe jhāpethā”ti susāne ṭhapetvā sesā gāmaṃ pavitṭhā. Yaso dārako taṃ sarīraṃ vijjhivā parivattetvā ca jhāpayamāno asubhasaññaṃ paṭilabhi, so itaresampi catunnaṃ janānaṃ “passatha bho imaṃ asuciṃ paṭikūlan”ti dassesi, tepi tattha asubhasaññaṃ paṭilabhimsu. Te pañcapi janā gāmaṃ gantvā sesasahāyakānaṃ kathayimsu. Yaso pana dārako gehampi gantvā mātāpitūnañca bhariyāya ca kathesi. Te sabbepi asubham bhāvayimsu. Ayametesam pubbayogo. Tenāyasmato Yasassa nāṭakajanesu susānasaññāyeva uppajji, tāyeva ca upanissayasampattiyā sabbesam visesādhigamo nibbattīti.

Atha kho Bhagavā bhikkhū āmantesīti Bhagavā yāva pacchimakkattikapuṇṇamā, tāva Bārāṇasīyaṃ viharanto ekadivasam te khīṇāsava saṭṭhi bhikkhū āmantesi.

1. Sagabbham (Syā, Ka)

32. **Dibbā** nāma dibbesu visayesu lobhapāsā. **Mānusā** nāma mānusakesu visayesu lobhapāsā. **Mā ekena dveti** ekena maggena dve mā agamittha. **Assavanatāti** assavanatāya. **Parihāyantīti** anadhigataṃ nādhigacchantā visesādhigamato parihāyanti.

33. **Antakāti** lāmaka hīnasatta. **Antalikkhacaroti** rāgapāsāṃ sandhāyāha. Tam hi so “antalikkhacaroti”ti mantvā āha.

34. **Nānādisā nānājanapadāti** nānādisato ca nānājanapadato ca. **Anujānāmi bhikkhave tumheva dāni tāsū tāsū disāsū tesu tesu janapadesu pabbājethāti**—ādimhi pabbajjāpekkhaṃ kulaputtaṃ pabbājentena ye parato “na bhikkhave pañcahi ābādhehi phuṭṭho pabbājetabbo”ti—ādim katvā yāva “na andhamūgabaddhiro pabbājetabbo”ti evaṃ paṭikkhittā puggalā, te vajjetvā pabbajjādosavirahito puggalo pabbājetabbo, sopi ca mātāpitūhi anuññātoyeva. Tassa anujānanalakkhaṇaṃ “na bhikkhave ananuññāto mātāpitūhi putto pabbājetabbo, yo pabbājeyya, āpatti dukkaṭassā”ti etasmiṃ sutte vaṇṇayissāma.

Evaṃ pabbajjādosavirahitaṃ mātāpitūhi anuññātaṃ pabbājentenāpi ca sace acchinnakeso hoti, ekasīmāya ca aññepi bhikkhū atthi, kesacchedanattāya bhaṇḍukammaṃ āpucchitabbaṃ. Tassa āpucchanaṅkāraṃ “anujānāmi bhikkhave saṃghaṃ apaloketuṃ bhaṇḍukammāya”ti ettha vaṇṇayissāma. Sace okāso hoti, sayāṃ pabbājetabbo. Sace uddesaparipucchādīhi byāvaṇṇo hoti, okāsaṃ na labhati, eko daharabhikkhu vattabbo “etaṃ pabbājehi”ti. Avuttopi ce daharabhikkhu upajjhāyaṃ uddissa pabbājeti, vaṭṭati. Sace daharabhikkhu natthi, sāmaṇero pi vattabbo “etaṃ khaṇḍasīmaṃ netvā pabbājetvā kāsāyāni acchādetvā ehi”ti. Saraṇāni pana sayāṃ dātābbaṇi. Evaṃ bhikkhunāva pabbājito hoti. Purisaṃ hi bhikkhuto añño pabbājetuṃ na labhati, mātugāmaṃ bhikkhunito añño. Sāmaṇero pana samaṇerī vā āṇattiyā kāsāyāni dātuṃ labhati. Kesoropanaṃ yena kenaci kataṃ sukataṃ.

Sace pana bhabbarūpo hoti sahetuko ñāto yasassī kulaputto, okāsaṃ katvāpi sayameva pabbājetabbo. “Mattikāmuṭṭhiṃ gahetvā nhāyitvā kese temetvā āgacchāhi”ti ca pana na vissajjetabbo. Pabbajitukāmānaṃ hi paṭhamam balava-ussāho hoti, pacchā pana kāsāyāni ca kesaharaṇasatthakañca disvā utrasanti, ettoyeva palāyanti, tasmā sayameva nahānatittham netvā sace nātidaharo hoti, “nahāhi”ti vattabbo. Kesā panassa sayameva mattikaṃ gahetvā dhovittabbā. Daharakumārako pana sayam udakam otaritvā gomayamattikāhi ghaṃsitvā nahāpetabbo. Sacepissa kacchu vā piḷakā vā honti, yathā mātā puttam na jigucchati, evameva ajigucchantena sādhuḥkam hatthapādasīsāni ghaṃsitvā nahāpetabbo. Kasmā, ettakena hi upakārena kulaputtā ācariyupajjhāyesu ca sāsane ca balavasinehā tibbagāravā anivattidhammā honti, uppannam anabhiratiṃ vinodetvā therabhāvam pāpuṇanti, kataññū katavedino honti.

Evam nahāpanakāle pana kesamassum oropanakāle vā “tvam ñāto yasassī, idāni mayam tam nissāya paccayehi na kilamissāmā”ti na vattabbo, aññāpi aniyyanikakathā na kathetabbā. Atha khvassa “āvuso suṭṭhu upadhārehi, satim upaṭṭhāpehi”ti vatvā tacapañcakakammaṭṭhānam ācikkhitabbam. Ācikkhantena ca vaṇṇasaṅghānagandhāsavayokāsavasena asucijegucchapaṭikūlabhāvam nijjīvanissattabhāvam vā pākaṭam karontena ācikkhitabbam. Sace hi so pubbe madditasaṅkhāro hoti bhāvitabhāvano, kaṇṭakavedhāpekkho viya paripakkagaṇḍo sūriyuggamanāpekkham viya ca pariṇatapadumam, athassa āraddhamatte kammaṭṭhānamanasikāre indāsani viya pabbate kilesapabbate cuṇṇayamānamyeva ñāṇam pavattati, khuraggeyeva arahattam pāpuṇāti. Ye hi keci khuragge arahattam pattā, sabbe te evarūpam savanam labhitvā kalyāṇamittena ācariyena dinnanayam nissāya, no anissāya. Tasmāssa āditova evarūpī kathā kathetabbāti.

Kesesu pana oropitesu haliddicuṇṇena vā gandhacuṇṇena vā sīsañca sarīrañca ubbaṭṭetvā gihigandham apantevā kāsāyāni tikkhattum vā

dvikkhattum vā sakim vā paṭiggāhetabbo¹. Athāpissa hatthe adatvā ācariyo vā upajjhāyo vā sayameva acchādeti, vaṭṭati. Sacepi aññaṃ daharaṃ vā sāmaṇeraṃ vā upāsakaṃ vā āṇāpeti “āvuso etāni kāsāyāni gahetvā etaṃ acchādehī”ti, taṃyeva vā āṇāpeti “etāni gahetvā acchādehī”ti, sabbaṃ vaṭṭati. Sabbaṃ tena bhikkhunāva dinnam hoti.

Yaṃ pana nivāsanaṃ vā pārupanaṃ vā anāṇattiyā nivāseti vā pārupati vā, taṃ apanetvā puna dātabbaṃ. Bhikkhunā hi sahatthena vā āṇattiyā vā dinnameva kāsāvaṃ vaṭṭati, adinnam na vaṭṭati, sacepi tasseva santakaṃ hoti, ko pana vādo upajjhāyamūlake. Ayaṃ **paṭhamaṃ kesamassum ohāretvā kāsāyāni vatthāni acchādāpetvā ekamsaṃ uttarāsaṅgaṃ kārapetvāti** ettha vinicchayo.

Bhikkhūnaṃ pāde vandāpetvāti ye tattha sannipatitā bhikkhū, tesam pāde vandāpetvā atha saraṇaggahaṇattham ukkuṭikaṃ nisīdāpetvā añjalim paggaṇhāpetvā “evaṃ vadehī”ti vattabbo. “Yamahaṃ vadāmi, taṃ vadehī”ti vattabbo. Athassa upajjhāyena vā ācariyena vā Buddhaṃ saraṇaṃ gacchāmi-ti-ādinā nayena saraṇāni dātabbāni yathāvuttapaṭipāṭiyāva, na uppaṭipāṭiyā. Sace hi ekapadampi ekakkharampi uppaṭipāṭiyā deti, Buddhaṃ saraṇaṃyeva vā tikkhattum datvā puna itaresu ekekaṃ tikkhattum deti, adinnāni honti saraṇāni.

Imaṅca pana saraṇagamanūpasampadaṃ paṭikkhipitvā anuññāta-upasampadā ekato suddhiyā vaṭṭati. Sāmaṇerapabbajjā pana ubhatosuddhiyāva vaṭṭati, no ekato suddhiyā. Tasmā upasampadāya sace ācariyo ñattidosañceva kammavācādosañca vajjetvā kammaṃ karoti, sukataṃ hoti. Pabbajjāya pana imāni tīṇi saraṇāni bukāradhakārādīnaṃ byañjanānaṃ thānakaṇasampadaṃ ahāpenteneva ācariyenapi antevāsikenapi vattabbāni. Sace ācariyo vattum sakkoti, antevāsiko na sakkoti, antevāsiko vā sakkoti, ācariyo na sakkoti, ubhopi vā na sakkoti, na vaṭṭati. Sace pana ubhopi sakkoti, vaṭṭati.

1. Paṭiggāhāpetabbāni (Sī)

Imāni ca pana dadamānena “Buddhaṃ saraṇaṃ gacchāmi”ti evaṃ ekasambandhāni anunāsikantāni vā katvā dātabbāni, “Buddhaṃ saraṇaṃ gacchāmi”ti evaṃ vicchinditvā makārantāni vā katvā dātabbāni.

Andhakatṭhakathāyaṃ nāmaṃ sāvetvā “ahaṃ bhante Buddharakkhito yāvajīvaṃ Buddhaṃ saraṇaṃ gacchāmi”ti vuttaṃ, taṃ eka-aṭṭhakathāyampi natthi, Pāḷiyampi na vuttaṃ, tesarū rucimattameva, tasmā na gahetabbaṃ. Na hi tathā avadantassa saraṇaṃ kuppatīti.

Anujānāmi bhikkhave imehi tīhi saraṇagamanehi pabbajjāṃ upasampadanti imehi Buddhaṃ saraṇaṃ gacchāmīti-ādīhi evaṃ tikkhattuṃ ubhatosuddhiyā vuttehi tīhi saraṇagamanehi pabbajjañceva upasampadañca anujānāmīti attho. Tattha yasmā upasampadā parato paṭikkhattā, tasmā sā etarahi saraṇamatteneva na ruhati. Pabbajjā pana yasmā parato “anujānāmi bhikkhave imehi tīhi saraṇagamanehi sāmaṇerapabbajjan”ti anuññātā eva, tasmā sā etarahipi saraṇamatteneva ruhati. Ettāvataṃ hi sāmaṇerabhūmiyaṃ patiṭṭhito hoti.

Sace panaesa matimā¹ hoti paṇḍitajātiko, athassa tasmiṃyeva ṭhāne sikkhāpadāni uddisitabbāni. Kathaṃ, yathā Bhagavatā uddiṭṭhāni. Vuttañhetam—

“Anujānāmi bhikkhave sāmaṇerānaṃ dasa sikkhāpadāni, tesu ca sāmaṇerehi sikkhituṃ. Pāṇātipātā veramaṇī², adinnādānā veramaṇī, abrahmacariyā veramaṇī, musāvādā veramaṇī, surāmerayamajjapamādaṭṭhānā veramaṇī, vikālabhojanā veramaṇī, naccagītavāditavisūkadassanā veramaṇī, mālāgandhavilepanadhāraṇamaṇḍanavibhūsanatṭhānā veramaṇī, uccāsayanamahāsayanā veramaṇī, jātarūparajatapaṭiggahaṇā veramaṇī”ti³.

Andhakatṭhakathāyaṃ pana “ahaṃ bhante itthannāmo yāvajīvaṃ pāṇātipātā veramaṇisikkhāpadaṃ samādiyāmī”ti evaṃ saraṇadānaṃ viya sikkhāpadadānampi vuttaṃ, taṃ neva Pāḷiyaṃ, na Aṭṭhakathāsu atthi, tasmā yathāpāḷiyāva uddisitabbāni. Pabbajjā hi saraṇagamaneheva siddhā, sikkhāpadāni pana kevalaṃ

1. Gatimā (Ka)

2. Veramaṇiṃ (Ka)

3. Vi 3. 117 piṭṭhe.

sikkhāparipūraṇattham jānitabbāni. Tasmā tāni Pāliyaṃ āgatanayena uggahetuṃ asakkontassa yāya kāyaci bhāsāya atthavasenapi ācikkhituṃ vaṭṭati. Yāva pana attanā sikkhitabbasikkhāpadāni na jānāti, saṅghāṭipattacīvaradhāraṇaṭṭhānanisajjādīsu pānabhojanādividhimhi ca na kusalo hoti, tāva bhojanasālaṃ vā salākabhājanaṭṭhānaṃ vā aññaṃ vā tathārūpaṭṭhānaṃ na pesetabbo, santikāvacaroyeva kātabbo, bāladārako viya paṭijaggitabbo, sabbamassa kappiyākappiyaṃ ācikkhitabbaṃ, nivāsanapārūpanādīsu ābhisamācārikesu vinetabbo. Tenāpi “anujānāmi bhikkhave dasahaṅgehi samannāgataṃ sāmaṇeraṃ nāsetun”¹ti evaṃ parato vuttāni dasa nāsanaṅgāni ārakā parivajjetvā ābhisamācārikaṃ paripūrentena dasavidhe sīle sādhukaṃ sikkhitabbanti.

Pabbajjākathā niṭṭhitā.

Dutiyamārakathā

35. **Mayhaṃ kho bhikkhavi**ti mayā khoti attho. Atha vā yo mayhaṃ yoniso manasikāro, tena hetunāti attho. Puna **anuppattā**ti ettha vibhattim pariṇāmetvā mayāti vattabbaṃ.

Bhaddavaggiyakathā

36. **Bhaddavaggiyā**ti te kira rājakumārā rūpena ca cittena ca bhaddakā vaggabandhena ca vicaranti, tasmā “Bhaddavaggiyā”ti vuccanti. **Tena hi voti** ettha vokāro nipātamatto. **Dhammacakkhuṃ udapādī**ti kesañci sotāpattimaggo, kesañci sakadāgāmimaggo, kesañci anāgāmimaggo udapādi. Tayopi hi ete maggā “dhammacakkhū”ti vuccanti. Te kira Tuṅḍilajātake timsadhuttā ahesuṃ, atha tuṅḍilovādaṃ sutvā pañca sīlāni rakkhimsu, idaṃ nesaṃ pubbakammaṃ.

Urvelapāṭihāriyakathā

37. **Pamukhoti** pubbaṅgamo. **Pāmokkhoti** uttamo visuddhapañño.

1. Vi 3. 119 piṭṭhe.

38. **Anupahaccāti** avināsetvā. **Tejasā tejanti** attano tejena nāgassa tejaṃ. **Pariyādiyeyyanti** abhibhaveyyaṃ, vināseyyaṃ vā. **Makkhanti** kodhaṃ¹. **Natveva ca kho arahā yathā ahanti** attānaṃ “arahā ahan”ti maññamāno vadati.

39. **Nerañjarāyaṃ Bhagavāti**-ādikā gāthāyo pacchā pakkhittā.

44-9. **Vissajjeyyanti** sukkhāpanatthāya pasāretvā ṭhapeyyanti attho. Bhante āhara hatthanti evaṃ vadanto viya oṇatoti **āharahattho**. **Uyyojetvāti** vissajjetvā. **Mandāmukhiyoti** aggibhājanāni vuccanti.

51. **Cirapaṭikāti** cirakālato paṭṭhāya.

52. **Kesamissanti**-ādīsu kesā eva kesamissaṃ. Esa nayo sabbattha. **Khārikājanti** khāribhāro.

Bimbisārasamāgamakathā

55. **Laṭṭhivaneti** tāluyyāne. **Suppatiṭṭhe cetiyeti** aññatarasmim vaṭarukkhe, tassa kiretaṃ nāmaṃ. **Dvādasanahutehīti** ettha ekaṃ nahutaṃ dasasahassāni. **Ajjhābhāsīti** tesaṃ kaṅkhācchedanattaṃ abhāsi.

Kisakovadānoti tāpasacariyāya kisasarīrattā “Kisako”ti laddhanāmānaṃ tāpasānaṃ ovādako anusāsako samānoti attho. Atha vā sayāṃ kisako tāpaso samāno, vadāno ca aññe ovadanto anusāsantotipi attho. **Kathaṃ pahīnanti** kena kāraṇena pahīnaṃ. Idaṃ vuttaṃ hoti “tvaṃ Uruvelavāsi-aggiparicāraṇaṃ tāpasānaṃ sayāṃ ovādācariyo samāno kiṃ disvā pahāsi, pucchāmi taṃ etamatthaṃ kena kāraṇena tava aggihutaṃ pahīnaṃ”ti.

Dutiya-gāthāya ayamattho, ete rūpādike kāme itthiyo ca yaññā abhivadanti, svāhaṃ etaṃ sabbampi rūpādikaṃ kāmappabhedāṃ khandhupadhīsu malanti ñatvā yasmā ime yiṭṭhahutappabhedā yaññā malameva vadanti, tasmā na yiṭṭhe na hute arañjīm, yiṭṭhe vā hute vā nābhiraminti attho.

1. Kopaṃ (Sī)

Tatīyagāthāya **atha kocarahīti** atha kvacarahi. Sesam̄ uttānameva.

Catutthagāthāya **padanti** nibbānapadam̄. Santasabhāvatāya **santam̄**. Upadhīnam̄ abhāvena **anupadhikam̄**. Rāgakiñcanādīnam̄ abhāvena **akiñcanam̄**. Tīsu bhavesu alaggaṭāya yaṃ kāmabhavaṃ yaññā vadanti, tasmim̄pi kāmabhava asattaṃ. Jātijarāmarañānam̄ abhāvena **anaññathābhāvim̄**. Attanā bhāvitena maggeneva adhigantabbam̄, na aññena kenaci adhigametabbanti **anaññaneyyam̄**. Yasmā īdisam̄ padamaddasam̄, tasmā na yitṭhe na hute arañjīm̄. Tena kiṃ dasseti? Yo aham̄ devamanussalokasampattisādhake na yitṭhe na hute arañjīm̄, so kiṃ vakkhāmi “ettha nāma me devamanussaloke rato mano”ti.

56. Evaṃ sabbaloke anabhiratibhāvaṃ pakāsetvā atha kho āyasmā Uruvelakassapo “sāvako hamasmī”ti evaṃ Bhagavato sāvakabhāvaṃ pakāsesi. Tañca kho ākāse vividhāni pāṭihāriyāni dassetvā. **Dhammacakkhanti** sotāpattimaggañānam̄.

57. **Assāsakāti** āsīsanā, patthanāti attho. **Esāham̄ bhanteti** ettha pana kiñcāpi maggappaṭivedhenevassa siddham̄ saraṇagamanam̄, tattha pana nicchayagamanameva¹ gato, idāni vācāya attasanniyyātanam̄ karoti. Maggavasenevāyaṃ niyatasaraṇataṃ patto, taṃ paresam̄ vācāya pākaṭam̄ karonto paṇipātagamanañca gacchanto evaṃ vadati.

58. **Singīnikkhasavaṇṇoti** singīsuvavaṇṇanikkhena samānavaṇṇo. **Dasavāsoti** dasasu ariyavāsesu vutthavāso. **Dasadhammavidūti** dasakammavutthavidū, **dasabhi cupetoti** dasahi asekkhehi aṅgehi upeto. **Sabbadhiantoti** sabbesu danto, Bhagavato hi cakkhu-ādīsu kiñci adantaṃ nāma natthi.

59. **Bhagavantaṃ bhuttāvim̄ onītapattapāṇim̄ ekamantaṃ nisīdīti** Bhagavantaṃ bhuttavantaṃ pattato ca apanītapāṇim̄ sallakkhetvā ekasmim̄ padese

1. Vinicchayagamanameva (Ka)

nisīdīti attho. **Atthikānanti** Buddhābhivādanagamanena¹ ca dhammasavanena ca atthikānaṃ. **Abhikkamanīyanti** abhigantum² sakkuṇeyyaṃ. **Appākiṇṇanti** anākiṇṇaṃ. **Appasaddanti** vacanasaddena appasaddaṃ. **Appanigghosanti** nagaranigghosasaddena appanigghosaṃ. **Vijanavātanti** anusañcaraṇajanassa sarīravātena virahitaṃ. “Vijanavādan”tipi pāṭho, anto³ janavādena rahitanti attho. “Vijanapātan”tipi pāṭho, janasañcāravirahitanti attho. **Manussarāhasseyyakanti** manussānaṃ rahassakiriyaṭṭhāniyaṃ. **Paṭisallānasāruppanti** vivekānurūpaṃ.

Sāriputtamoggallānapabbajjākathā

60. Sāriputtamoggallānāti Sāriputto ca Moggallāno⁴ ca, **tehi katikā katā hoti** “yo paṭhamaṃ amataṃ adhigacchati, so ārocetū”ti te kira ubhopi gihikāle Upatisso Koluti evaṃ paññāyamānanāmā aḍḍhateyyasatamaṇavakaparivārā girāggasamajjaṃ agamaṃsu. Tatra nesaṃ mahājanaṃ disvā etadahosi “ayaṃ nāma evaṃ mahāsattakāyo⁵ appatte vassasate maraṇamukhe patissatī”ti. Atha ubhopi uṭṭhitāya parisāya aññamaññaṃ pucchitvā ekajjhāsaya paccupaṭṭhitamaraṇasaññā sammantayimṃsu⁶ “samma maraṇe sati amatenāpi bhavitabbaṃ, handa mayaṃ amataṃ pariyesāmā”ti amatapariyesanattaṃ Sañcayassa⁷ Channaparibbājakassa santike saporisā pabbajitvā katipāheneva tassa ñāṇavisaye pāraṃ gantvā amataṃ apassantā pucchimṃsu “kiṃ nu kho ācariya aññopettha sāro atthī”ti. “Natthāvuso ettakameva idan”ti ca sutvā “tuccham idam āvuso nissāraṃ, yo dāni amhesu paṭhamaṃ amataṃ adhigacchati, so itarassa ārocetū”ti katikaṃ akaṃsu. Tena vuttaṃ “tehi katikā katā hotī”ti-ādi.

Pāsādikena abhikkantenāti-ādīsu itthambhūtalakkhaṇe karaṇavacanāṃ veditabbaṃ. **Atthikehi upaññātaṃ magganti** etaṃ anubandhanassa karaṇavacanāṃ, idaṃ hi vuttaṃ hoti—yaṃnūnāhaṃ imaṃ bhikkhum piṭṭhito piṭṭhito anubandheyyaṃ,

1. Buddhābhigamanena (Syā)

4. Moggallāno (Ka)

6. Mantayimṃsu (Sī, Syā)

2. Abhikkantum (Ka) 3. Antopi (Syā, Ka)

5. Mahāsattakāyo (Sī), mahājanakāyo (Syā)

7. Sañjayassa (Syā)

kasmā? Yasmā idaṃ piṭṭhito piṭṭhito anubandhanam nāma atthikehi upaññātaṃ maggaṃ, ñāto ceva upagato ca maggoti attho. Atha vā atthikehi amhehi “maraṇe sati amatenāpi bhavitabban”ti evaṃ kevalaṃ atthīti upaññātaṃ nibbānaṃ nāma, taṃ magganto pariyesantoti evampettha attho daṭṭhabbo.

Piṇḍapātaṃ ādāya paṭikkamīti Sudinnakaṇḍe vuttappakāraṃ aññataraṃ kuṭṭamūlaṃ upasaṅkamtivā nisīdi. Sāriputtopi kho “akālo kho tāva pañhaṃ pucchitun”ti kālaṃ āgamayamāno ekamantaṃ ṭhatvā vattapaṭipatti¹pūraṇatthaṃ katabhattakiccassa therassa attano kamaṇḍaluto² udakaṃ datvā dhotahatthapādena therena saddhiṃ paṭisanthāraṃ katvā pañhaṃ pucchi. Tena vuttaṃ “atha kho Sāriputto paribbājako”ti-ādi. **Na tāhaṃ sakkomīti** na te ahaṃ sakkomi. Ettha ca paṭisambhidāppatto thero na ettakaṃ na sakkoti, atha kho imassa dhammagāravaṃ uppādessāmīti sabbākārena Buddhavisaye avisayabhāvaṃ gahetvā evamāha.

Ye dhammā hetuppabhavāti hetuppabhavā nāma pañcakkhandhā, tenassa dukkhasaccaṃ dasseti. **Tesaṃ hetuṃ Tathāgato āhāti** tesaṃ hetu nāma samudayasaccaṃ, tañca Tathāgato āhāti dasseti. **Tesañca yo nirodhoti** tesaṃ ubhinnampi saccānaṃ yo appavattinirodho, tañca Tathāgato āhāti attho. Tenassa nirodhasaccaṃ dasseti. Maggasaccaṃ panettha sarūpato adassitampi nayato dassitaṃ hoti, nirodhe hi vutte tassa sampāpako maggo vuttova hoti, atha vā **tesañca yo nirodhoti** ettha tesaṃ yo nirodho ca nirodhupāyo cāti evaṃ dvepi saccāni dassitāni hontīti. Idāni tamevatthaṃ paṭipādentō āha **evaṃvādī mahāsamaṇoti**.

Eseva dhammo yadi tāvadevāti sacepi ito uttari natthi, ettakameva idaṃ sotāpattiphalamattameva pattabbaṃ, tathāpi eso eva dhammoti attho. **Paccabyattha³ padamasokanti** yaṃ mayaṃ pariyesamānā vicarāma, taṃ padamasokaṃ paṭividdhāttha tumhe, pattaṃ taṃ tumhehīti attho. **Adiṭṭhaṃ abbhatītaṃ bahukehi kappanahutehīti** amhehi nāma idaṃ padaṃ

1. Vattapaṭivatta (Sī)

2. Kamaṇḍalunā (Sī)

3. Pabbabyathā (Sī, Syā)

bahukehi kappanahutehi adiṭṭhameva abbhatītaṃ, iti tassa padassa adiṭṭhabhāvena dīgharattaṃ attano mahājānibhāvaṃ dīpeti.

62. **Gambhīre nāṇavisayeti** gambhīre ceva gambhīrassa ca nāṇassa visayabhūte. **Anuttare upadhisāṅkhayeti** nibbāne. **Vimutteti** tadārammaṇāya vimuttiyā vimutte. **Byākāsīti** “etaṃ me sāvakaṃyugaṃ bhavissati aggaṃ bhaddayugaṃ”ti vadanto sāvakaṃpāramiññāṇe byākāsī. **Sāva tesam āyasmantānaṃ upasampadā ahoṣīti** sā ehibhikkhūpasampadāyeva tesam upasampadā ahoṣī. Evaṃ upasampannesu ca tesu Mahāmoggallānatthero sattahi divasehi arahatte patiṭṭhito, Sāriputtatthero aḍḍhamāseṇa.

Atīte kira Anomadassī nāma Buddho loke udapādi, tassa Sarado nāma tāpaso sake assame nānāpupphehi maṇḍapaṃ katvā pupphāsaneveva Bhagavantaṃ nisīdāpetvā bhikkhusaṃghassaṃpi tatheva maṇḍapaṃ katvā pupphāsānāni paññāpetvā aggasāvakaḥbhāvaṃ patthesi. Patthayitvā ca Sirīvaḍḍhassa nāma seṭṭhino pesesi “mayā aggasāvakaṭṭhānaṃ patthitaṃ, tvampi āgantvā ekaṃ ṭhānaṃ patthehi”ti. Seṭṭhi nīluppalamāṇḍapaṃ katvā Buddhappamukhaṃ bhikkhusaṃghaṃ tattha bhojetvā dutiyasāvakaḥbhāvaṃ patthesi. Tesu Saradatāpaso Sāriputtatthero jāto, Sirīvaḍḍho Mahāmoggallānattheroti idaṃ nesaṃ pubbakammaṃ.

63. **Aputtakatāyāti** ādisu yesaṃ puttā pabbajanti, tesam aputtakatāya. Yāsaṃ patī pabbajanti, tāsam **vedhabyāya** vidhavābhāvāya. Ubhayenāpi **kulupacchedāya**. **Sañcayānīti** sañcayassa antevāsikāni. **Magadhānaṃ giribbajanti** Magadhānaṃ janapadassa Giribbajaṃ nagaraṃ. **Mahāvīrāti** mahāvīriyavanto. **Nayamānānanti** nayamānesu. Bhummatthe sāmivacanaṃ, upayogatthe vā. **Kā usūyā vijānatanti** dhammena nayantīti evaṃ vijānantānaṃ kā issā.

Upajjhāyavattakathā

64-5. **Anupajjhāyakāti** vajjāvajjaṃ upanijjhāyakena garuṇā virahitā. **Anākappasampannāti** na ākappena sampannā, samaṇasārūppacāravirahitāti

attho. **Uparibhojaneti** bhojanassa upari. **Uttiṭṭhapattanti** piṇḍāya caraṇakapattaṃ. Tasmim hi manussā ucchiṭṭhasaññino, tasmā uttiṭṭhapattanti vuttaṃ. Atha vā uṭṭhahitvā pattaṃ upanāmentīti evampettha attho daṭṭhabbo. **Anujānāmi bhikkhave upajjhāyanti** upajjhāyaṃ gahetuṃ anujānāmīti attho. **Puttacittaṃ upaṭṭhapessatīti** putto me ayanti evaṃ gehassitapemavasena cittaṃ upaṭṭhapessati. Esa nayo dutiyapadepi. **Sagāravā sappatissāti** garubhāvañceva jeṭṭhakabhāvañca upaṭṭhapetvā. **Sabhāgavuttinoti** sabhāgajīvikā. **Sāhūti vāti**-ādīni pañca padāni upajjhāyabhāvasampañicchanavevacanāni. **Kāyena viññāpetīti** evaṃ saddhivihārikena “upajjhāyo me bhante hotī”ti tikkhattuṃ vutte sace upajjhāyo sāhūti-ādīsu pañcasu padesu yassa kassaci padassa vasena kāyena vā vācāya vā kāyavācāhi vā “gahito tayā upajjhāyo”ti upajjhāyaggahaṇaṃ viññāpeti, gahito hoti upajjhāyo. Idameva hi ettha upajjhāyaggahaṇaṃ, yadidaṃ upajjhāyassa imesu pañcasu padesu yassa kassaci padassa vācāya vā sāvanaṃ kāyena vā atthaviññāpananti. Keci pana sādhuṭi sampañicchanāṃ sandhāya¹ vadanti. Na taṃ pamāṇaṃ, āyācanadānamattena hi gahito hoti upajjhāyo, na ettha sampañicchanāṃ aṅgaṃ. Saddhivihārikenāpi na kevalaṃ “iminā me padena upajjhāyo gahito”ti ñātuṃ vaṭṭati. “Ajjatagge dāni thero mayhaṃ bhāro, ahampi therassa bhāro”ti idampi ñātuṃ vaṭṭati.

66. **Tatrāyaṃ sammāvattanāti** yaṃ vuttaṃ sammā vattisabbanti, tatra ayaṃ sammāvattanā. **Kālasseva uṭṭhāya upāhanā omuñcitvāti** sacassa² paccūsakāle caṅkamanatthāya vā dhotapādapariharaṇatthāya vā paṭimukkā upāhanā pādagaṭā honti, tā kālasseva uṭṭhāya apanetvā. **Dantakaṭṭhaṃ dātabbanti** mahantaṃ majjhimāṃ khuddakanti tīṇi dantakaṭṭhāni upanetvā tato yaṃ tīṇi divasāni gaṇhāti, catutthadivasato paṭṭhāya tādisameva dātabbāṃ. Saṃce aniyamaṃ katvā yaṃ vā taṃ vā gaṇhāti, atha yādisaṃ labhati, tādisaṃ dātabbāṃ.

Mukhodakaṃ dātabbanti sītañca uṇhañca udakaṃ upanetvā tato yaṃ tīṇi divasāni vaḷaṇjeti, catutthadivasato paṭṭhāya tādisameva

1. Sandhāyāti (Sī)

2. Yassa (Sī)

mukhadhovanodakaṃ dātabbaṃ. Sace aniyamaṃ katvā yaṃ vā taṃ vā gaṇhāti, atha yādisaṃ labhati, tādisaṃ dātabbaṃ. Sace duvidhampi vaḷañjeti, duvidhampi upanetabbaṃ. Udaḃkaṃ mukhadhovanatṭhāne ṭhapetvā vaccakuṭito paṭṭhāya sammajjitabbaṃ. There vaccakuṭim gate pariveṇaṃ¹ sammajjitabbaṃ, evaṃ pariveṇaṃ asuññaṃ hoti. There vaccakuṭito anikkhanteyeva āsanaṃ paññāpetabbaṃ. Sarīrakiccaṃ katvā āgantvā tasmim nisinnassa **sace yāgu hotīti**-ādinā nayena vuttavattaṃ kātabbaṃ. **Uklāpoti** kenaci kacavarena saṃkiṇṇo, sace pana añño kacavaro natthi, udakaphusitāneva honti, hatthenapi pamajjitabbo.

Sagaṇaṃ katvāti dve cīvarāni ekato katvā, tā ekato katā dvepi saṅghāṭiyo dātabbā. Sabbaṃ hi cīvaraṃ saṅghaṭitattā saṅghāṭīti vuccati. Tena vuttaṃ “saṅghāṭiyo dātabbā”ti. **Nātidūre gantabbaṃ nāccāsanneti** ettha sace upajjhāyaṃ nivattitvā olokaṃ ekena vā dvīhi vā padavītiḥārehi sampāpuṇāti, ettāvataṃ nātidūre nāccāsanne gato hotīti veditabbaṃ. **Pattapariyāpannaṃ paṭiggahetabbanti** sace upajjhāyena bhikkhācāre yāguyā vā bhatte vā laddhe patto uṇho vā bhāriko vā hoti, attano pattaṃ tassa datvā so patto gahetabboti attho. **Na upajjhāyassa bhaṇamānassa antarantarā kathā opātetabbāti** antaraghare vā aññatra vā bhaṇamānassa anitṭhite tassa vacane aññā kathā na samuṭṭhāpetabbā. Ito paṭṭhāya ca pana yattha yattha nakārena paṭisedho kariyati, sabbattha dukkaṭāpatti veditabbā. Ayaṃ hi khandhakadhammatā. **Āpattisāmantaṃ bhaṇamānoti** padasodhammaduṭṭhullādivasena āpattiyā āsannaṃ vācāṃ bhaṇamāno. **Nivāretabboti** kiṃ bhante īdisaṃ nāma vattum vaṭṭati, āpatti na hotīti evaṃ pucchantaṃ viya vāretabbo. Vāressāmīti pana katvā “mahallaka mā evaṃ bhaṇā”ti na vattabbo.

Paṭhamataraṃ āgantvāti sace āsanne vā gāmo hoti, vihāre vā gilāno bhikkhu hoti, gāmato paṭhamataraṃ āgantabbaṃ. Sace dūre gāmo hoti, upajjhāyena saddhiṃ āgacchantaṃ natthi, teneva saddhiṃ gāmato nikkhamitvā cīvarena pattaṃ veṭhetvā antarāmaggaṃ paṭhamataraṃ

1. Sabbaṃ (Sī)

āgantabbaṃ. Evaṃ nivattantena paṭhamataraṃ āgantvā āsanapaññāpanādi sabbaṃ kiccaṃ kātābbaṃ. **Sinnaṃ hotīti** tintaṃ sedaggahitaṃ.

Caturaṅgulaṃ kaṇṇaṃ ussāretvāti kaṇṇaṃ caturaṅgulappamaṇaṃ atirekaṃ katvā evaṃ cīvaraṃ saṃharitabbaṃ. Kiṃ kāraṇā? **Mā majjhe bhaṅgo aho**sīti. Samaṃ katvā saṃharitassa hi majjhe bhaṅgo hoti, tato niccaṃ bhijjamānaṃ dubbalaṃ hoti, taṃ nivāraṇatthametaṃ vuttaṃ. Tasmā yathā ajja bhaṅgaṭṭhāneyeva sve na bhijjati, tathā divase divase caturaṅgulaṃ ussāretvā saṃharitabbaṃ. **Obhoge kāyabandhanaṃ kātābanti** kāyabandhanaṃ saṃharitvā cīvarabhoge pakkhipitvā ṭhapetabbaṃ.

Sace piṇḍapāto hotīti ettha yo gāmeyeva vā antaraghare vā paṭikkamane vā bhuñjitvā āgacchati, piṇḍaṃ vā na labhati, tassa piṇḍapāto na hoti, gāme abhuttassa pana laddhabhikkhassa vā hoti, tasmā “sace piṇḍapāto hoti”ti-ādi vuttaṃ. Sacepi tassa na hoti, bhuñjitukāmo ca hoti, udakaṃ datvā attanā laddhatopi piṇḍapāto upanetaḃbo. **Pānīyena pucchitabboti** bhuñjamāno tikkhattum “pānīyaṃ bhante āhariyatū”ti pānīyena pucchitabbo. Sace kālo atthi, upajjhāye bhutte sayāṃ bhuñjitabbaṃ. Sace upakaṭṭho kālo, pānīyaṃ upajjhāyassa santike ṭhapetvā sayampi bhuñjitabbaṃ.

Anantarāhitāyāti taṭṭikacammakhaṇḍādīsu yena kenaci anattaṭṭāya paṃsusakkharamissāya bhūmiyā patto na ṭhapetabboti attho. Sace pana kāḷavaṇṇakatā vā sudhābaddhā vā hoti nirajamattikā, tathārūpāya bhūmiyā ṭhapetum vaṭṭati. Dhotavālikāyapi ṭhapetum vaṭṭati. Paṃsurajasakkharādīsu na vaṭṭati. Tatra pana paṇṇaṃ vā ādhāraṃ vā ṭhapetvā tatra nikkhipitabbo. **Pārato antaṃ orato bhoganti** idaṃ cīvaravaṃsādīnaṃ heṭṭhā hatthaṃ pavesetvā abhimukhena hatthena saṇikaṃ nikkhipanattaṃ vuttaṃ. Ante pana gahetvā bhogena cīvaravaṃsādīnaṃ upari nikkhipantassa bhittiyaṃ bhogo paṭihaññati, tasmā tathā na kātābbaṃ.

Cuṇṇaṃ sannetābanti nhānacūṇṇaṃ udakena temetvā piṇḍi¹ kātābbā. **Ekamantaṃ nikkhipitābanti** ekasmiṃ niddhūme ṭhāne ṭhapetabbaṃ. Jantāghare parikammaṃ

nāma aṅgāramattika-uṇhodakadānādikaṃ sabbaṃ kiccaṃ. **Udakepi parikammanti** aṅgapaccāṅgahaṃsanādikaṃ sabbaṃ kiccaṃ. **Pāṇiyena pucchitabboti** jantāghare uṇhasantāpena pipāsā hoti, tasmā pucchitabbo.

Sace ussahatīti sace pahoti, na kenaci gelaññena abhibhūto hoti, agilānena hi saddhivihārikena saṭṭhivassenāpi sabbaṃ upajjhāyavattaṃ kātappaṃ, anādarena akarontassa vattabhede dukkaṭaṃ. Nakārapaṭisaṃyuttesu pana padesu gilānassāpi paṭikkhittakiriyaṃ karontassa dukkaṭameva. **Appaṭighaṃsantenāti** bhūmiyaṃ appaṭighaṃsantena. **Kavāṭapiṭṭhanti** kavāṭaṅca piṭṭhasaṅghāṭaṅca acchupantena. **Santānakanti** yaṃkiñci kīṭakulāvakaṃkkaṭakasuttādi. **Ullokaṃ paṭhamāṃ ohāretabbanti** ullokato paṭhamāṃ ullokaṃ ādimkatvā avaharitabbanti attho. **Ālokasandhikaṇṇabhāgāti** ālokasandhibhāgā ca kaṇṇabhāgā ca, antarabāhiraṅvātapānakavāṭakāni ca gabbhassa ca cattāro koṇā pamajjitabbāti attho.

Yathāpaññattaṃ paññāpetabbanti yathā paṭhamāṃ paññattaṃ ahosi, tatheva paññāpetappaṃ. Etadatthameva hi “yathāpaññattaṃ sallakkhetvā nīharitvā ekamantaṃ nikkhipitabban”ti purimavattaṃ paññattaṃ. Sace pana paṭhamāṃ ajānantena kenaci paññattaṃ ahosi, samantato bhittim dvaṅgulamattena vā tivaṅgulamattena vā mocetvā paññāpetappaṃ. Idam hi paññāpanavattaṃ. Sace kaṭasārako hoti atimahanto ca, chinditvā koṭim nivattetvā bandhitvā paññāpetabbo. Sace koṭim nivattetvā bandhitum na jānāti, na chinditabbo. **Puratthimā vātapānā thaketabbāti** puratthimāya vātapānā thaketabbā. Evaṃ sesāpi vātapānā thaketabbā.

Vūpakāsetabboti aññattha netabbo. **Vūpakāsāpetabboti** añño bhikkhu vattabbo “theraṃ gahetvā aññattha gacchā”ti. **Vivecetabbanti** vissajjāpetappaṃ¹. **Vivecāpetabbanti** añño vattabbo “theraṃ diṭṭhigataṃ vissajjāpehi”ti. **Ussukkaṃ kātabbanti** parivāsādānattham so so bhikkhu² upasaṅkamitvā yācitabbo. Sace attanā paṭibalo hoti, attanāva dātabbo³. No ce paṭibalo hoti, aññena dāpetabbo⁴. **Kinti nu khoti** kena nu kho upāyena. Esa nayo sabbattha. **Lahukāya**

1. Vissajjetappaṃ (Sī)

3. Attanāva dātabbaṃ (Sī)

2. So bhikkhu (Sī), so bhikkhusaṅghaṃ (Syā)

4. Aññena dāpetappaṃ (Sī)

vā pariṇāmeyyāti ukkhepanīyaṃ akatvā tajjanīyaṃ vā niyassaṃ vā kareyyāti attho. Tena hi “upajjhāyassa ukkhepanīyakammaṃ kattukāmo saṃgho”ti ñatvā ekamekaṃ bhikkhuṃ upasaṅkamitvā “mā bhante amhākaṃ upajjhāyassa kammaṃ karitthā”ti yācitabbā. Sace karontiyeva, tajjanīyaṃ vā niyassaṃ vā karoṭhāti yācitabbā. Sace karontiyeva, atha upajjhāyo “sammā vattatha bhante”ti yācitabbo. Iti taṃ sammā vattāpetvā paṭippassambhetha bhante kammanti bhikkhū yācitabbā.

Samparivattakaṃ samparivattakanti samparivattetvā samparivattetvā. **Na ca acchinne theve pakkamitabbanti** yadi appamattakampi rajanaṃ gaḷati, na tāva pakkamitabbam. **Na upajjhāyaṃ anāpucchā ekaccassa patto dāttabboti**-ādi sabbam upajjhāyassa visabhāgapuggalavasena kathitaṃ. **Na upajjhāyaṃ anāpucchā gāmo pavisitabboti** piṇḍāya vā aññena vā karaṇīyena pavisitukāmena āpucchitvāva pavisitabbo. Sace upajjhāyo kālasseva vuṭṭhāya dūraṃ bhikkhācāraṃ gantukāmo hoti, daharā piṇḍāya pavisantūti vatvā gantabbam. Avatvā gate pariveṇaṃ gantvā upajjhāyaṃ apassantena gāmaṃ pavisitum vaṭṭati. Sace gāmaṃ pavisantopi passati, diṭṭhatṭhānato paṭṭhāya āpucchitumyeva vaṭṭati.

Na susānaṃ gantabbanti vāsathāya vā dassanathāya vā na gantabbam. **Na disā pakkamitabbā**ti ettha pakkamitukāmena kammaṃ ācikkhitvā yāvataiyam yācitabbo. Sace anujānāti, sādhu, no ce anujānāti, taṃ nissāya vasato cassa uddeso vā paripucchā vā kammaṭṭhānaṃ vā na sampajjati, upajjhāyo bālo hoti abyatto, kevalaṃ attano santike vasāpetukāmatāya eva gantum na deti, evarūpe nivārentepi gantum vaṭṭati. **Vuṭṭhānamassa āgametabbanti** gelaññato vuṭṭhānaṃ assa āgametabbam, na katthaci gantabbam. Sace añño bhikkhu upaṭṭhāko atthi, bhesajjam pariyesitvā tassa hatthe datvā “bhante ayaṃ upaṭṭhahissatī”ti vatvā gantabbam.

Upajjhāyavattakathā niṭṭhitā.

Saddhivihārikavattakathā

67. Upajjhāyena saddhivihārikamhi sammāvattanāyaṃ **saṅghetabbo anuggahetabboti** uddesādīhissa saṅgaho ca anuggaho ca kattabbo. Tattha uddesoti Pāḷivācanaṃ. **Paripucchāti** Pāḷiyā atthavaṇṇanā. **Ovādoti** anotiṇṇe vatthusmiṃ “idaṃ karohi, idaṃ mā karitthā”ti vacanaṃ. **Anusāsanīti** otiṇṇe vatthusmiṃ. Api ca otiṇṇe vā anotiṇṇe vā paṭhamaṃ vacanaṃ ovādo, punappunaṃ vacanaṃ anusāsanīti. **Sace upajjhāyassa patto hotīti** sace atirekapatto hoti. Esa nayo sabbattha. **Parikkhāroti** aññopi samaṇaparikkhāro. Idha ussukkaṃ nāma dhammikenā nayena uppajjamāna-upāyapariyesanaṃ. Ito paraṃ dantakaṭṭhadānaṃ ādim katvā ācamaṇakumbhiyā udakāsiṅcanapariyosānaṃ vattaṃ gilānasseva saddhivihārikassa kātabbaṃ. Anabhirativūpakāsanādi pana agilānassāpi kattabbameva. **Cīvaraṃ rajantenāti** “evaṃ rajeyyāsī”ti upajjhāyato upāyaṃ sutvā rajantena. Sesam vuttanayeneva veditabbaṃ.

Saddhivihārikavattakathā niṭṭhitā.

Nasammāvattanādikathā

68. **Na sammā vattantīti** yathāpaññattaṃ upajjhāyavattaṃ na pūrenti. **Yo na sammā vatteyyāti** yo yathāpaññattaṃ vattaṃ na pūreyya, so dukkaṭaṃ āpajjatīti attho. **Paṇāmetabboti** apasādetabbo. **Na adhimattaṃ pemaṃ hotīti** upajjhāyamhi adhimattaṃ gehassitapemaṃ na hoti. **Nādhimattā bhāvanā hotīti** adhimattā mettābhāvanā na hoti. Vuttapaṭipakkhanayena sukkapakkho veditabbo. **Alaṃ paṇāmetunti** yutto paṇāmetum.

Appaṇāmento upajjhāyo sātisāro hotīti sadoso hoti, āpattim āpajjati. Tasmā na sammā vattanto paṇāmetabbova. Na sammāvattanāya ca yāva cīvararajanaṃ, tāva vatte akariyamāne

upajjhāyassa parihāni hoti. Tasmā taṃ akarontassa nissayamuttakassāpi amuttakassāpi āpattiyeva. Ekaccassa pattadānato paṭṭhāya amuttakanissayasseva āpatti.

Saddhivihārikā sammā vattanti, upajjhāyo sammā na vattati, upajjhāyassa āpatti. Upajjhāyo sammā vattati, saddhivihārikā sammā na vattanti, tesam āpatti. Upajjhāye vattam sādīyante saddhivihārikā bahukāpi honti, sabbesam āpatti. Sace upajjhāyo “mayham upaṭṭhāko atthi, tumhe attano sajjhāyamanasikārādīsu yogam karothā”ti vadati, saddhivihārikānam anāpatti. Sace upajjhāyo sādīyanam vā asādīyanam vā na jānāti, bālo hoti, saddhivihārikā bahukā. Tesu eko vattasampanno bhikkhu “upajjhāyassa kiccaṃ aham karissāmi, tumhe appossukkā viharathā”ti evañce attano bhāram katvā itare vissajjeti, tassa bhārakaraṇato paṭṭhāya tesam anāpatti.

Nasammāvattanādīkathā niṭṭhitā.

Rādhabrāhmaṇavattukathā

69. Rādhabrāhmaṇavattusmim kiñcāpi āyasmā Sāriputto Bhagavatā Bārāṇasiyam tīhi saraṇagamanehi anuññātam pabbajjañceva upasampadañca jānāti, Bhagavā pana taṃ lahukam upasampadam paṭikkhipitvā ñatticatutthakammena garukam katvā upasampadam anuññātukāmo. Athassa thero ajjhāsayaṃ viditvā “kathāham bhante taṃ brāhmaṇam pabbājemi upasampādemī”ti āha. Buddhānam hi parisā ajjhāsayakusalā honti, ayañca Buddhaparisāya aggo.

Byattena bhikkhunā paṭibalenāti ettha byatto nāma yassa sātṭhakatham Vinayapiṭakam vācuggatam pavattati. Tasmim asati yassa antamaso idam ñatticatutthakammavācāmattampi suggahitam hoti, vācuggatam pavattati, ayampi imasmim atthe **byatto**. Yo pana kāsasosasemhādinā vā

gelaññena, oṭṭhadantajivhādīnaṃ vā asampattiyā, pariyattiyam vā akataparicayattā na sakkoti parimaṇḍalehi padabyañjanehi kammavācam sāvetuṃ, byañjanaṃ vā padaṃ vā hāpeti, aññathā vā vattabbaṃ aññathā vadati, yaṃ **appaṭibalo**. Tabbiparīto imasmim atthe “paṭibalo”ti veditabbo. **Samgho ñāpetabboti** samgho jānāpetabbo. Tato paraṃ yaṃ samgho jānāpetabbo, taṃ dassetuṃ “suṇātu me bhante”ti-ādimāha.

71. **Upasampannasamanantarā**ti upasampanno hutvā samanantarā. **Anācāraṃ ācaratī**ti paṇṇattivītikkamaṃ karoti. **Ullumpatu manti** uddharatu maṃ, akusalā vuṭṭhāpetvā kusale patiṭṭhapetu, sāmaṇerabhāvā vā uddharitvā bhikkhubhāve patiṭṭhapetūti. **Anukampaṃ upādāyā**ti anuddayaṃ paṭicca, mayi anukampaṃ katvāti attho.

73. **Aṭṭhitā**¹ hotīti niccappavattinī hoti. **Cattāro nissayeti** cattāro paccaye. Yasmā cattāro paccaye nissāya attabhāvo pavattati, tasmā te nissayāti vuccanti.

Rādhabrāhmaṇavattukathā niṭṭhitā.

Ācariyavattakathā

75. **Kintāyaṃ bhikkhu** hotīti kiṃ te yaṃ bhikkhu hoti. **Aññehi ovadiyo anusāsiyoti** aññehi ovaditabbo ceva anusāsītabbo ca. **Bāhullāya āvatto yadidaṃ gaṇabandhikanti** gaṇabandho etassa bāhullassa atthīti gaṇabandhikaṃ, bāhullaṃ. Yaṃ idaṃ gaṇabandhikaṃ nāma bāhullaṃ, tadatthāya atilahuṃ tvaṃ āpannoti vuttaṃ hoti.

76. **Abyattā**ti paññāveyyattiyena virahitā. **Aññataropi aññatitthiyapubboti** pasūro paribbājako. So kira “dhammaṃ

1. Adhiṭṭhitā (Ka)

thenessāmi”ti Udāyittherassa santike pabbajitvā tena sahadhammikaṃ vuccamāno tassa vādaṃ āropesi. **Anujānāmi bhikkhave byattena bhikkhunāti**-ādimhi byatto pubbe bhikkhunovādakavaṇṇanāyaṃ vuttalakkaṇoyeva. Yo pana antevāsino vā saddhivihārikassa vā gilānassa sakkoti upaṭṭhānādīni kātuṃ, yaṃ idha “paṭibalo”ti adhippeto, vuttampi cetam—

“Pañcahupāli aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Katamehi pañcahi, paṭibalo hoti antevāsīṃ vā saddhivihāriṃ vā gilānaṃ upaṭṭhātuṃ vā upaṭṭhāpetuṃ vā, anabhirataṃ vūpakāsetuṃ vā vūpakāsāpetuṃ vā, uppannaṃ kukkuccaṃ dhammato vinodetuṃ¹, abhidhamme vinetuṃ, abhivinaye vinetuṃ”ti².

77. **Pakkhasaṅkantesūti** titthiyapakkhasaṅkantesu. **Anujānāmi bhikkhave ācariyanti** ācārasamācārasikkhāpanaka ācariyaṃ anujānāmi. **Ācariyo bhikkhave antevāsikamhīti**-ādi sabbaṃ “upajjhāyo bhikkhave saddhivihārikamhī”ti-ādīnā nayena vuttavaseneva veditabbaṃ, nāmamattameva hi ettha nānaṃ.

Ācariyavattakathā niṭṭhitā.

Paṇāmanākhamaṇākathā

80. **Antevāsikā ācariyesu na sammā vattantīti** ettha pana yaṃ pubbe “nasammāvattanāya ca yāva cīvararajanaṃ, tāva vatte akariyamāne upajjhāyassa parihāni hoti, tasmā taṃ akarontassa nissayamuttakassāpi amuttakassāpi āpattiyevā”ti ca, “ekaccassa pattadānato paṭṭhāya amuttakanissayasseva āpattī”ti ca lakkhaṇaṃ vuttaṃ, na teneva lakkhaṇena nissayantevāsikassa āpatti veditabbā. Nissayantevāsikena hi yāva ācariyaṃ nissāya vasati, tāva sabbaṃ ācariyavattaṃ kātābbaṃ. Pabbājja-upasampadādhammantevāsikehi pana

1. Vinodetuṃ vā vinodāpetuṃ vā (Sabbattha)

2. Vi 5. 314 piṭṭhe.

nissayamuttakehipi ādito paṭṭhāya yāva cīvararajanam, tāva vattam
kātabbam, anāpucchitvā pattadānādimhi pana etesam anāpatti. Etesu ca
pabbajjantevāsiko ca upasampadantevāsiko ca ācariyassa yāvajīvam bhāro.
Nissayantevāsiko ca dhammantevāsiko ca yāva samīpe vasanti, tāvadeva.
Tasmā ācariyenāpi tesu sammā vattitabbam. Ācariyantevāsikesu hi yo yo na
sammā vattati, tassa tassa āpatti.

Paṇāmanākhamanākathā niṭṭhitā.

Nissayapaṭippassaddhikathā

83. Upajjhāyamhā nissayapaṭippassaddhīsu **upajjhāyo pakkanto vāti-**
ādisu ayaṃ vinicchayo—**pakkantoti** tamhā āvāsā vippavasitukāmo pakkanto
disam gato. Evaṃ gate ca pana tasmim sace vihāre nissayadāyako atthi,
yassa santike aññadāpi nissayo vā gahitapubbo hoti, yo vā
ekasambhogaparibhogo, tassa santike nissayo gahetabbo, ekadivasampi
parihāro natthi. Sace tādiso natthi, añño lajjī pesalo atthi, tassa
lajjīpesalabhāvaṃ¹ jānantena tadaheva nissayo yācitabbo. Sace deti, iccetam
kusalam. Atha pana “tumhākaṃ upajjhāyo lahuṃ āgamissatī”ti pucchati,
upajjhāyena ca tathā vuttam, “āma bhante”ti vattabbam. Sace vadati “tena hi
upajjhāyassa āgamanam āgamethā”ti, vaṭṭati. Atha panassa pakatiyā
pesalabhāvaṃ na jānāti, cattāri pañca divasāni tassa bhikkhuno sabhāgataṃ
oloketvā okāsam kāretvā nissayo gahetabbo.

Sace pana vihāre nissayadāyako natthi, upajjhāyo ca “aham katipāhena
āgamissāmi, mā ukkaṇṭhitthā”ti vatvā gato, yāva āgamanā parihāro labbhati.
Athāpi nam tattha manussā paricchinnakālato uttaripi pañca vā dasa vā
divasāni vāsentiyeva, tena vihāram pavatti pesetabbā “daharā mā
ukkaṇṭhantu, aham asukadivasam

1. Pesalabhāvaṃ (Ka)

nāma āgamiṣṣāmi”ti. Evampi parihāro labbhati. Atha āgacchato antarāmagge nadīpūrena vā corādīhi vā upaddavo hoti, thero udakosakkanam vā āgāmeti, sahāye vā pariyesati, tañce pavattiṃ daharā suṇanti, yāva āgamanā parihāro labbhati. Sace pana so “idhevāham vasissāmi”ti pahiṇati, parihāro natthi. Yattha nissayo labbhati, tattha gantabbaṃ.

Vibbhante pana kālaṅkate pakkhasaṅkante vā ekadivasampi parihāro natthi. Yattha nissayo labbhati, tattha gantabbaṃ. **Āṇattīti** pana nissayapaṇāmamā vuccati. Tasmā “paṇāmemi tan”ti vā “mā idha paṭikkami”ti vā “nīhara te pattacīvaran”ti vā “nāham tayā upaṭṭhātabbo”ti vāti iminā Pāḷinayena “mā mam gāmappavesanam āpucchi”ti-ādinā Pāḷimuttakanayena vā yo nissayapaṇāmanāya paṇāmito hoti, tena upajjhāyo khamāpetabbo.

Sace āditova na khamati, daṇḍakammaṃ āharitvā tikkhattuṃ tāva sayameva khamāpetabbo. No ce khamati, tasmim vihāre mahāthere gahetvā khamāpetabbo. No ce khamati, sāmantavihāre bhikkhū gahetvā khamāpetabbo. Sace evampi na khamati, aññattha gantvā upajjhāyassa sabhāgānam santike vasitabbaṃ “appeva nāma sabhāgānam me santike vasatīti ñatvāpi khomeyyā”ti. Sace evampi na khamati, tatveva vasitabbaṃ. Tatra ce dubbhikkhādidosena na sakkā hoti vasituṃ, tamyeva vihāram āgantvā aññassa santike nissayam gahetvā vasituṃ vaṭṭati. Ayamāṇattiyam vinicchayo.

Ācariyamhā nissayapaṭippassaddhīsu **ācariyo pakkanto vā hotīti** ettha koci ācariyo āpucchitvā pakkamati, koci anāpucchitvā. Antevāsikopi evameva. Tatra sace antevāsiko ācariyam āpucchati “asukam nāma bhante ṭhānam gantuṃ icchāmi kenacideva karaṇīyenā”ti, ācariyena ca “kadā gamissasī”ti vutto “sāyanhe vā rattim vā uṭṭhahitvā gamissāmi”ti vadati, ācariyopi “sādhū”ti sampaṭicchati, taṅkhaṇaññeva nissayo paṭippassambhati.

Sace pana “bhante asukaṃ nāma ṭhānaṃ gantukāmomhī”ti vutte ācariyo “asukasmim nāma gāme piṇḍāya caritvā pacchā jānissasi”ti vadati, so ca “sādhū”ti sampaṭicchati, tato ce gato, Sugato. Sace pana na gacchati, nissayo na paṭippassambhati. Athāpi “gacchāmi”ti vutte ācariyena “mā tāva gaccha, rattim mantevā jānissāmā”ti vutto mantevā gacchati, sugato. No ce gacchati, nissayo na paṭippassambhati. Ācariyaṃ anāpucchā pakkamantassa pana upacārasīmātikame nissayo paṭippassambhati. Anto-upacārasīmato paṭinivattantassa na paṭippassambhati.

Sace pana ācariyo antevāsikaṃ āpucchati “āvuso asukaṃ nāma ṭhānaṃ gamissāmi”ti, antevāsikena ca “kadā”ti vutte “sāyanhe vā rattibhāge vā”ti vadati, antevāsikopi sādhūti sampaṭicchati, taṅkhaṇaṇṇeva nissayo paṭippassambhati.

Sace pana ācariyo “sve piṇḍāya caritvā gamissāmi”ti vadati, itaro ca sādhūti sampaṭicchati, ekadivasaṃ tāva nissayo na paṭippassambhati, punadivase paṭippassaddho hoti. “Asukasmim nāma gāme piṇḍāya caritvā jānissāmi mama gamaṇaṃ vā agamaṇaṃ vā”ti vatvā sace na gacchati, nissayo na paṭippassambhati. Athāpi “gacchāmi”ti vutte antevāsikena “mā tāva gacchatha, rattim mantevā jānissathā”ti vutto mantevāpi na gacchati, nissayo na paṭippassambhati.

Sace ubhopi ācariyantevāsikā kenaci karaṇīyena bahisīmaṃ gacchanti, tato ce ācariyo gamiyacitte uppanne anāpucchāva gantvā dvinnaṃ leḍḍupātānaṃ antoyeva nivattati, nissayo na paṭippassambhati. Sace dve leḍḍupāte abhikkamitvā nivattati, paṭippassaddho hoti. Ācariyupajjhāyā dve leḍḍupāte atikkamma aññasim vihare vasanti, nissayo paṭippassambhati.

Ācariye vibbhante kālaṅkate pakkhasaṅkante ca taṅkhaṇaṇṇeva paṭippassambhati. Aṅattiyaṃ pana sacepi ācariyo muñcitukāmovā hutvā nissayaapaṇāmanāya paṇāmeti, antevāsiko ca “kiñcāpi maṃ ācariyo paṇāmeti, atha kho hadayena muduko”ti sālayova hoti, nissayo na paṭippassambhatiyeva. Sacepi ācariyo sālayo,

antevāsiko nirālayo, “na dāni imañ nissāya vasissāmī”ti dhurañ nikkhipati, evampi na paṭippassambhati. Ubhinnañ sālayabhāve pana na paṭippassambhatiyeva. Ubhinnañ dhuranikkhepena paṭippassambhati. Paṇāmitena daṇḍakammañ āharitvā tikkhattuñ khamāpetabbo. No ce khamati, upajjhāye vuttanayena paṭipajjitabbañ.

Upajjhāyena vā samodhānagatoti ettha dassanasavanavasena samodhānañ veditabbañ. Sace hi ācariyañ nissāya vasanto saddhivihāriko ekavihāre cetiyañ vā vandantañ ekagāme piṇḍāya vā carantañ upajjhāyañ passati, nissayo paṭippassambhati. Upajjhāyo passati, saddhivihāriko pana na passati, na paṭippassambhati. Maggappaṭipannañ vā ākāseṇa vā gacchantañ upajjhāyañ disvā dūrattā bhikkhūti jānāti, upajjhāyoti na jānāti, na paṭippassambhati. Sace jānāti, paṭippassambhati. Uparipāsāde upajjhāyo vasati, heṭṭhā saddhivihāriko. Tañ adisvāva yāguñ pivitvā pakkamati, āsanasālāya vā nisinnañ adisvāva ekamante bhuñjitvā pakkamati, dhammassavanamaṇḍape vā nisinnampi tañ adisvāva dhammañ sutvā pakkamati, nissayo na paṭippassambhati. Evañ tāva dassanasavanavasena samodhānañ veditabbañ.

Savanavasena pana sace upajjhāyassa vihāre vā antaraghare vā dhammañ kathentassa anumodanañ vā karontassa saddañ sutvā “upajjhāyassa me saddo”ti sañjānāti, nissayo paṭippassambhati. Asañjānantassa na paṭippassambhatīti yañ samodhāne vinicchayo.

Nissayapaṭippassaddhikathā niṭṭhitā.

Upasampādetabbapañcakakathā

84. Idāni yañ pubbe “anujānāmi bhikkhave byattena bhikkhunā paṭibalena dasavassena vā atirekadasavassena vā upasampādetuñ nissayañ dātun”ti sañkhepato upajjhāyācariyañ lakkhaṇañ vuttañ, tañ vitthārato dassetuñ **pañcahi bhikkhave aṅgehi samannāgatenāti**-ādimāha. Tattha **pañcahi aṅgehīti** pañcahi aḡaṇaṅgehi. So hi sīlakkhandhādīhi asamannāgatattāva aḡaṇaṅgehi samannāgato hoti. **Na upasampādetabbanti**

upajjhāyena hutvā na upasampādetabbaṃ. **Na nissayo dātabboti** ācariyena hutvā nissayo na dātabbo. Ettha ca na asekkhena sīlakkhandhenāti ca attanā na asekkhenāti ca assaddhoti ca ādīsu tīsu pañcakesu ayuttavasena paṭikkhepo kato, na āpatti-aṅgavasena. Yo hi asekkhehi sīlakkhandhādīhi asamannāgato pare ca tattha samādapetuṃ asakkonto assaddhiyādidosayuttova hutvā parisam pariharati, tassa parisā sīlādīhi parihāyatiyeva, na vaḍḍhati. Tasmā tena na upasampādetabbanti-ādi ayuttavasena vuttaṃ, na āpatti-aṅgavasena. Na hi khīṇāsavasessa upajjhāyācariyabhāvo Bhagavatā anuññāto. Yadi tasseva anuññāto abhaviṣsa, “sace upajjhāyassa anabhirati uppannā hotī”ti-ādiṃ na vadeyya. Yasmā pana khīṇāsavassa parisā sīlādīhi na parihāyati, tasmā “pañcahi bhikkhave aṅgehi samannāgatena bhikkhunā upasampādetabban”ti-ādi vuttaṃ.

Adhisīle sīlavipannoti-ādīsu pārājikañca saṃghādisesañca āpanno adhisīle sīlavipanno nāma. Itare pañcāpattikkhandhe āpanno **ajjhācāre ācāravipanno** nāma. Sammādiṭṭhiṃ pahāya antaggāhikāya diṭṭhiyā samannāgato **atidiṭṭhiyā diṭṭhivipanno** nāma. Yattakaṃ sutam parisam pariharantassa icchitabbaṃ, tena virahitattā **appassuto**. Yaṃ tena jānitabbaṃ āpattādi, tassa ajānanato **duppañño**. Imasmim pañcake purimāni tīṇi padāni ayuttavasena vuttāni, pacchimāni dve āpatti-aṅgavasena.

Āpattim na jānātīti idaṃ nāma mayā katanti vutte imaṃ nāma āpattim ayaṃ āpannoti na jānāti. **Vuṭṭhānam na jānātīti** vuṭṭhānagāminito vā desanāgāminito vā āpattito evaṃ nāma vuṭṭhānam hotīti na jānāti. Imasmim pañcake purimāni dve padāni ayuttavasena vuttāni, pacchimāni tīṇi āpatti-aṅgavasena.

Ābhisamācārikāya sikkhāyāti khandhakavatte vinetuṃ na paṭibalo hotīti attho. **Ādibrahmacariyakāyāti** sekkhapaṇṇattiyam vinetuṃ na paṭibaloti attho. **Abhidhammeti** nāmarūpaparicchede vinetuṃ na paṭibaloti attho. **Abhivinayeti** sakale Vinayapiṭake vinetuṃ na paṭibaloti attho. **Vinetuṃ na paṭibaloti** ca sabbattha sikkhāpetuṃ na

sakkotīti attho. **Dhammato vivecetunti** dhammena kāraṇena vissajjāpetum. Imasmim pañcake sabbapadesu āpatti. Āpattim na jānātīti ādipañcakasmimpi sabbapadesu āpatti. Ūnadasavassapariyosānapañcakepi eseva nayo. Iti ādito tayo pañcakā, catutthe tīṇi padāni, pañcame dve padānīti sabbepi cattāro pañcakā ayuttavasena vuttā. Catutthapañcake dve padāni, pañcame tīṇi, chaṭṭhasattama-aṭṭhamā tayo pañcakāti sabbepi cattāro pañcakā āpatti-aṅgavasena vuttā, sukkapakkhe aṭṭhasu anāpattiyevāti.

Upasampādetabbapañcakakathā niṭṭhitā.

Upasampādetabbachakkakathā

85. Chakkesu ūnadasavassapadam viseso, tam sabbattha āpattikaram. Sesam vuttanayeneva veditabbam. Tattha **ubhayāni kho panassa pātimokkhāni vitthārena na svāgatāni hontīti** Ubhatovibhaṅgavasena na svāgatāni¹. **Na suvibhattānīti** mātikāvibhaṅgavasena. **Na suppvattīnīti** vācuggatavasena. **Na suvinicchitāni suttaso anubyañjanasoti** mātikāto ca vibhaṅgato ca na suṭṭhu vinicchitāni.

Upasampādetabbachakkakathā niṭṭhitā.

Aññatitthiyapubbavatthukathā

86. Aññatitthiyapubbavatthusmim yo tāva ayam pasūro, so titthiyapakkantakattā na upasampādetabbo. Yo pana aññoopi nayidha pabbajitapubbo āgacchati, tasmim yam kattabbam, tam dassetum **yo so bhikkhave aññoṇipīti**-ādimāha. Tattha **tassa cattāro māse parivāso dātābboti** ayam titthiyaparivāso nāma, appaṭicchannaparivāsotipi vuccati, ayam pana naggaparibbājakasseva ājīvakassa

1. Vuttāni (Syā, Ka)

vā acelakassa vā dātabbo. Sace sopi sāṭakam vā vāḷakambalādīnam aññataram titthiyaddham vā nivāsetvā āgacchati, nāssa parivāso dātabbo, aññassa pana tāpasapaṇḍaraṅgādikassa na dātabbova.

Paṭhamam kesamassunti-ādinā tassa āditova sāmaṇerapabbajjam dasseti. Evam pabbājentehi pana tasmim saṅghamajjhe nisinneyeva “tvam pabbājehi, tvam ācariyo hohi, tvam upajjhāyo hohi”ti therā bhikkhū na vattabbā. Evam vuttā hi sace tassa ācariyupajjhāyabhāvena jigucchantā na sampaṭicchanti, atha so “nayime mayham saddahanti”ti kujjhivāpi gaccheyya. Tasmā tam ekamantam netvā tassa ācariyupajjhāyā pariyesitabbā.

87. **Evam kho bhikkhave aññatitthiyapubbo ārādhako hoti, evam anārādhako**ti ayamassa parivāsavattadassanattam mātikā. **Kathaṇca bhikkhaveti-**ādi tasseva vibhaṅgo. Tattha **atikālena gāmam pavisatī**ti bhikkhūnam vattakaraṇavelāyameva gāmam piṇḍāya pavisati. **Atidivā paṭikkamatī**ti kulagharesu itthipurisadārakadārikādīhi saddhim gehassitakatham kathento tattheva bhuñjitvā bhikkhūsu pattacīvaram paṭisāmetvā uddesaparipucchādīni vā karontesu paṭisallīnesu vā āgacchati, na upajjhāyavattam nācariyavattam karoti, aññadatthu vasanaṭṭhānam pavisitvā niddāyati. **Evampi bhikkhave aññatitthiyapubbo anārādhako hotī**ti evampi karonto parivāsavattassa sampādako pūrako na hoti.

Vesiyāgocaro vāti-ādīsu **vesiyāti** āmisakiñcikkhasampadānādinā¹ sulabhajjhācārā rūpupajjivikā itthiyo. **Vivoti** matapatikā vā pavutthapatikā vā itthiyo, tā yena kenaci saddhim mittabhāvam patthenti. **Thullakumārikā**ti yobbannappattā yobbannātītā vā kumāriyo, tā purisādhippāyāva vicaranti, yena kenaci saddhim mittabhāvam patthenti. **Paṇḍakā**ti ussannakilesā avūpasantapariḷāhā napumsakā, te pariḷāhavegābhībhūtā yena kenaci saddhim mittabhāvam patthenti. **Bhikkhuniyoti** samānapabbajjā itthiyo, tāhi saddhim khippameva viśāso hoti, tato silam bhijjati.

1. Āmisakiñjakkhasampadānādinā (Syā, Ka)

Tattha vesiyānaṃ kulesu kulupako hutvā piṇḍapātacariyādīhi vā apadisitvā sinehasanthavajātena hadayena abhiṇhadassanasallāpakāmatāya tāsāṃ santikaṃ upasaṅkamanto vesiyāgocaroti vuccati, so nacirasseva “asukavesiyā saddhiṃ gato”ti vattabbataṃ pāpuṇāti. Esa nayo sabbattha. Sace pana vesiyādayo salākabhattādīni denti, bhikkhūhi saddhiṃ gantvā saddhiṃyeva bhuñjitvā vā gahetvā vā āgantuṃ vaṭṭati. Gilānā bhikkhuniyo ovadituṃ vā dhammaṃ vā desetūṃ uddesaparipucchādīni vā dātuṃ gacchantehi bhikkhūhi saddhiṃ gantuṃ vaṭṭati. Yo pana tathā agantvā mittasanthavavasena gacchati, ayaṃ anārādhako hoti.

Uccāvacaṇi karaṇīyānī¹ mahantakhuddakāni kammāni. Tattha ghaṇṭim² paharivā samaggena saṃghena sannipatitvā kattabbāni cetiyamahāpāsādapāṭisaṅkharaṇādīni kammāni **uccāni** nāma. Cīvaradhovanarajanādīni khandhakapariyāpannāni ca aggisālavattādīni ābhisamācārikāni **avacāni** nāma. **Tattha na dakkho hotī**ti tesu kammesu cheko susikkhito na hoti. **Na analasoti** uṭṭhānavīriyasampano na hoti, “bhikkhusaṃghassa kammaṃ atthī”ti sutvā pageva bhattakiccaṃ katvā gabbhantaraṃ pavisitvā yāvadatthaṃ supitvā sāyaṃ nikkhamati. **Tatrupāyāyāti** tesu kammesu upāyabhūtāya. **Vīmaṃsāyāti** ṭhānuppattikavīmaṃsāya. “Idamevaṃ kattabbaṃ, idamevaṃ na kattabbaṃ”ti tasmīnyeva khaṇe uppannapaññāya samannāgato na hoti. **Na alaṃ kātuṃ na alaṃ saṃvidhātuntī** sahatthāpi kātuṃ samattho na hoti, “gaṇhatha bhante, gaṇha dahara, gaṇha sāmaṇera, sace tumhe vā na karissatha, amhe vā na karissāma, ko dāni imaṃ karissatī”ti evaṃ ussāhaṃ janetvā saṃvidhātuṃ aññamaññaṃ kāretumpi samattho na hoti. Bhikkhūhi “kammaṃ karissāmā”ti vutte kiñci rogaṃ apadisati, bhikkhūnaṃ kammaṃ karontānaṃ samīpeneva vicarati, sīsameva dasseti. Ayampi anārādhako hoti.

Na tibbacchando hotīti balavacchando na hoti. **Uddeseti** Pālipariyāpuṇane. **Paripucchāyāti** atthasavane. **Adhisīleti** pātimokkhasīle. **Adhicitteti** lokiyasamādhībhāvanāya. **Adhipaññāyāti** lokuttaramaggabhāvanāya.

1. Kimkaraṇīyānī (Sabbattha)

2. Gaṇḍim (Sī, Syā), ghaṇḍim (Ka)

Saṅkanto hotīti idhāgato hoti. **Tassa satthunoti** tassa titthāyatanasāmikassa. **Tassa ditthiyāti** tassa santakāya laddhiyā. Idāni sāyeva laddhi yasmā tassa titthakarassa khamati ceva ruccati ca, “idameva saccan”ti ca daḷhaggāhena gahitā, tasmā tassa khanti ruci ādāyoti vuccati. Tena vuttaṃ “tassa khantiyā tassa ruciyā tassa ādāyassā”ti. **Avaṇṇe bhaññamāneti** garahāya bhaññamānāya. **Anabhiraddhoti** aparipuṇṇasaṅkappo, no paggahitacitto. **Udaggoti** abbhunnatakāyacitto. **Idaṃ bhikkhave saṅghātanikaṃ¹ aññatitthiyapubbassa anārādhaniyasminti** bhikkhave yamidaṃ tassa Satthuno tasseva ca laddhiyā avaṇṇe bhaññamāne “kiṃ ime paraṃ garahanti”ti kāyavacīvikāranibbattaṃ anattamanattaṃ, Buddhādīnaṃca avaṇṇe bhaññamāne attamanattaṃ, yañca tasseva Satthuno tasseva ca laddhiyā vaṇṇe bhaññamāne attamanattaṃ, Buddhādīnaṃca vaṇṇabhaṇane anattamanattaṃ, idaṃ aññatitthiyapubbassa anārādhaniyasmim saṅghātanikaṃ, anārādhake parivāsavattaṃ apūrake kamme idaṃ liṅgaṃ idaṃ lakkhaṇaṃ idamacalappamāṇanti vuttaṃ hoti. **Evaṃ anārādhako kho bhikkhave aññatitthiyapubbo āgato na upasampādetabbo** ito ekenapi aṅgena samannāgato na upasampādetabbo. Sukkapakkhe sabbaṃ vuttavipallāsenā veditabbaṃ.

Evaṃ ārādhako kho bhikkhaveli evaṃ nātikālena gāmapavesanā nātidivā paṭikkamaṇaṃ, na vesiyādigocaratā, sabrahmacārīnaṃ kiccesu dakkhatādi, uddesādīsu tibbacchandatā, titthiyānaṃ avaṇṇabhaṇane attamanatā, Buddhādīnaṃ avaṇṇabhaṇane anattamanatā, titthiyānaṃ vaṇṇabhaṇane anattamanatā, Buddhādīnaṃ vaṇṇabhaṇane attamanatāti imesaṃ aṭṭhannaṃ titthiyavattānaṃ paripūraṇena ārādhako paritosako bhikkhūnaṃ aññatitthiyapubbo āgato upasampādetabbo.

Sace pana upasampadamālakepi ekaṃ vattaṃ bhindati, puna cattāro māse parivasitabbaṃ. Yathā pana bhinnasikkhāya sikkhamānāya puna sikkhāpadāni ca sikkhāsammuti ca diyyati, evaṃ nayimassa kiñci puna dātabbamatthi, pubbe dinnaparivāsoyeva hi tassa parivāso. Tasmā puna cattāro māse parivasitabbaṃ. Sace parivasanto antarā aṭṭha samāpattiyo nibbatteti,

1. Saṅghātanīyaṃ (Sī, Ka)

lokiyadhammo nāma kuppanasabhāvo, na upasampādetabbo, cattāro māse pūritavattova upasampādetabbo. Sace pana parivasanto cattāri mahābhūtāni pariggaṇhāti, upādārūpāni paricchindati, nāmarūpaṃ vavatthapeti, tilakkhaṇaṃ āropetvā vipassanaṃ ārabhati, lokiyadhammo nāma kuppanasabhāvo, neva upasampādetabbo. Sace pana vipassanaṃ vaḍḍhetvā sotāpattimaggaṃ paṭilabhati, paripuṇṇaṃyeva hoti vattaṃ. Samūhatāni sabbadiṭṭhigatāni, abbuḷhaṃ vicikicchāsallaṃ, taṃdivasameva upasampādetabbo. Sacepi titthiyaliṅge ṭhito sotāpanno hoti, parivāsakiccaṃ natthi, tadaheva pabbājetvā upasampādetabbo.

Upajjhāyamūlakaṃ cīvaraṃ pariye sitabbanti upajjhāyaṃ issaraṃ katvā tassa cīvaraṃ pariyesitabbaṃ. Pattampi tatheva. Tasmā yadi upajjhāyassa pattacīvaraṃ atthi, “imassa dehī”ti vattabbo. Atha natthi, aññe dātukāmā honti, tehipi upajjhāyasseva dātabbaṃ “idaṃ tumhōkaṃ katvā imassa dethā”ti. Kasmā? Titthiyā nāma vilomā honti, “saṃghena me pattacīvaraṃ dinnāṃ, kiṃ mayhaṃ tumhesu āyattan”ti vatvā ovādānusāsaniṃ na kareyyuṃ, upajjhāyena pana āyattajīvikattā tassa vacanakaro bhavissati. Tenassa “upajjhāyamūlakaṃ cīvaraṃ pariyesitabbaṃ”ti vuttaṃ. **Bhaṇḍukammāyāti** kesoropanatthaṃ. Bhaṇḍukammakathā parato āgamissati.

Aggikāti aggiparicaraṇakā. **Jaṭilakāti** tāpasā. **Ete bhikkhave kiriyavādinoti** ete kiriyāṃ na paṭibāhanti, “atthi kammaṃ, atthi kammavipāko”ti evaṃdiṭṭhikā. sabbabuddhā hi nekkhammapāramiṃ pūrayamānā etadeva pabbajjāṃ pabbajitvā pūresuṃ¹, mayāpi tatheva pūritā, na etesaṃ sāsane pabbajjā vilomā, tasmā upasampādetabbā, na tesāṃ parivāso dātabboti. **Imāhaṃ bhikkhave ñātīnaṃ āveṇikaṃ parihāraṃ dammīti** imaṃ ahaṃ tesāṃ pāṭekkaṃ odissakaṃ parihāraṃ dadāmi. Kasmā evamāha? Te hi titthāyatane pabbajitāpi sāsanaṃ avaṇṇakāmā na honti, “amhākaṃ ñātiseṭṭhassa sāsanaṃ”ti vaṇṇavādinova honti. Tasmā evamāhāti.

Aññatitthiyapubbavatthukathā niṭṭhitā.

1. Pāramiṃ pūresuṃ (Sī, Syā), pārami pūresuṃ (Ka)

Pañcābādhavatthukathā

88. **Magadhesu pañca āvādhā ussannā hontīti** Magadhanāmake janapade manussānañca amanussānañca pañca rogā ussannā vuḍḍhippattā phātippattā honti. Jīvakaomārabhaccakathā Cīvarakkhandhake āvi bhavissati. **Na bhikkhave pañcahi ābādhehi phuṭṭho pabbājetabboti** ye te kuṭṭhādayo pañca ābādhā ussannā, tehi phuṭṭho adhibhūto na pabbājetabbo.

Tattha **kuṭṭhanti** rattakuṭṭham vā hotu kāḷakuṭṭham vā, yaṃkiñci kiṭṭhadaddukacchu-ādippabhedampi sabbam kuṭṭhamevāti vuttam. Tañce nakhapiṭṭhippamāṇampi vaḍḍhanapakakkhe ṭhitam hoti, na pabbājetabbo. Sace pana nivāsanaṇṇapanehi pakatipaṭṭicchanne ṭhāne nakhapiṭṭhippamāṇam avadḍhanapakakkhe ṭhitam hoti, vaṭṭati. Mukhe pana hatthapādapiṭṭhesu vā sacepi avadḍhanapakakkhe ṭhitam nakhapiṭṭhito ca khuddakatarampi, na vaṭṭatiyevāti Kurundiyaṃ vuttam. Tikicchāpetvā pabbājentenāpi pakativaṇṇe jāteyeva pabbājetabbo. Godhāpiṭṭhisadisacunṇa-okiraṇakasārīrampi pabbājetum na vaṭṭati.

Gaṇḍoti medagaṇḍo vā hotu añño vā, yo koci kolaṭṭhimattakopi ce vaḍḍhanapakakkhe ṭhito gaṇḍo hoti, na pabbājetabbo. Paṭṭicchannaṭṭhāne pana kolaṭṭhimatte avadḍhanapakakkhe ṭhito vaṭṭati. Mukhādike appaṭṭicchannaṭṭhāne avadḍhanapakakkhe ṭhitopi na vaṭṭati. Tikicchāpetvā pabbājentenāpi sarīram sañchaviṃ kāretvāva pabbājetabbo. Uṇṇigaṇḍā nāma honti gothanā viya aṅgulikā viya ca tattha tattha lambanti, etepi gaṇḍāyeva. Tesu sati pabbājetum na vaṭṭati. Daharakāle khīraṇṇakā yobbannakāle ca mukhe kharapiṇṇakā nāma honti, mahallakakāle nassanti, na tā gaṇḍasaṅkhyam gacchanti, tāsū sati pabbājetum vaṭṭati. Aññe¹ pana sarīre kharapiṇṇakā nāma aparā padumakaṇṇikā nāma honti, aññā sāsapabijakā nāma sāsapamattā eva sakalasarīram pharanti, tā sabbā kuṭṭhajātikā eva, tāsū sati na pabbājetabbo.

1. Aññā (Sī, Syā)

Kilāsoti na bhijjanakam̃ na paggharaṇakam̃ padumapuṇḍarīkapattavaṇṇam̃ kuṭṭham̃, yena gunnam̃ viya sabalam̃ sarīram̃ hoti, tasmim̃ kuṭṭhe vuttanayeneva vinicchayo veditabbo. **Sosoti** sosabyādhi, tasmim̃ sati na pabbājetabbo. **Apamāroti** pittummāro vā yakkhummāro vā, tattha pubbaverikena amanussena gahito duttikiccho hoti, appamattakepi pana apamāre sati na pabbājetabbo.

Pañcābādhavatthukathā niṭṭhitā.

Rājabhaṭavattukathā

90. Rājabhaṭavattusmim̃ **paccantam̃ uccinathā**ti paccantam̃ vaḍḍhetha, core palāpetvā corabhayena vuṭṭhite gāme āvāsāpetvā ārakkham̃ datvā kasikkammādīni pavattāpethāti vuttam̃ hoti. Rājā pana Sotāpannattā “core ghātetha, hanathā”ti na āṇāpeti. **Upajjhāyassa deva sīsam̃ chinditabbanti**-ādi sabbam̃ pabbajjāya upajjhāyo setṭho, tato ācariyo, tato gaṇoti cintetvā idam̃ vohāre aḍḍavinicchaye āgatanti āhaṃsu. **Na bhikkhave rājabhaṭo pabbājetabboti** ettha amacco vā hotu mahāmatto vā sevako vā kiñci ṭhānantaram̃ patto vā appatto vā, yo koci rañño bhattavetanabhaṭo, sabbo rājabhaṭoti saṅkhyam̃ gacchati, so na pabbājetabbo. Tassa pana puttānattabhātukā¹ ye rājato bhattavetanam̃ na gaṇhanti, te pabbājetum̃ vaṭṭati. Yo pana rājato laddham̃ nibaddhabhogam̃ vā māsasam̃vaccharaparibbāyam̃ vā rañño yeva niyyātetī, puttābhātuke vā tam̃ ṭhānam̃ sampaṭicchāpetvā rājānam̃ “na dānāham̃ devassa bhaṭo”ti āpucchati, yena vā yaṃ kammakāraṇā vetanam̃ gahitam̃, tam̃ kammam̃ kataṃ hoti, yo vā “pabbajassū”ti raññā anuññāto hoti, tampi pabbājetum̃ vaṭṭati.

Coravattukathā

91. Coravattūsu **manussā passivā**ti yehi gihikāle diṭṭhapubbo, ye ca “ayam̃ so”ti aññesam̃ suṇanti, te passivā ubbijjantipi -pa-

1. Puttabhātukā (Sī), puttābhātunattādayo (Syā)

dvārampi thakenti. Ye pana na jānanti, tesam̄ gharesu bhikkham̄ labhati. **Na bhikkhaveti** Bhagavā sayam̄ dhammassāmī, tasmā āyatim̄ akaraṇatthāya bhikkhūnam̄ sikkhāpadam̄ paññapento evamāha. Tattha dhajam̄ bandhitvā viya vicaratīti **dhajabandho**, mūladevādayo viya loke pākaṭoti vuttam̄ hoti. Tasmā yo gāmaghātām̄ vā panthaduhanam̄ vā nagare sandhicchedādikammam̄ vā karonto vicarati, paññāyati ca “asuko nāma idam̄ idam̄ karoti”ti, so na pabbājetabbo. Yo pana rājaputto rajjam̄ patthento gāmaghātādīni karoti, so pabbājetabbo. Rājāno hi tasmim̄ pabbajite tussanti, sace pana na tussanti, na pabbājetabbo. Pubbe mahājane pākaṭo coro pacchā corakammam̄ pahāya pañcasīlādīni samādiyati, tañce manussā evam̄ jānanti, pabbājetabbo. Ye pana ambalabujādicorakā sandhicchedādicorā eva vā adissamānā theyyam̄ karonti, pacchāpi “iminā nāma idam̄ katan”ti na paññāyanti, tepi pabbājetum̄ vaṭṭati.

92. **Kāram̄ bhinditvā**ti aṭṭabandhanādīm̄ bhinditvā. **Abhayūvarā**ti ettha bhayena uparamantīti bhayūvarā, ete pana laddhābhayattā na bhayūvarāti **abhayūvarā**, pakārassa cettha vakāro katoti veditabbo. **Na bhikkhave kārabhedako pabbājetabboti** kāro vuccati bandhanāgāram̄, idha pana andubandhanam̄ vā¹ hotu sañkhalikabandhanam̄ vā rajjubandhanam̄ vā gāmagbandhanam̄ vā nigamabandhanam̄ vā nagarabandhanam̄ vā purisagutti vā janapadabandhanam̄ vā dīpabandhanam̄ vā, yo etesu yam̄kiñci bandhanam̄ bhinditvā vā chinditvā vā muñcitvā vā vivarivā vā passamānānam̄ vā apassamānānam̄ vā palāyati, so kārabhedakoti sañkhyam̄ gacchati. Tasmā īdiso kārabhedako coro dīpabandhanam̄ bhinditvā dīpantaram̄ gatopi na pabbājetabbo. Yo pana na coro, kevalam̄ hatthakammam̄ akaronto “evam̄ no apalāyanto karissati”ti rājayuttādīhi baddho, so kāram̄ bhinditvā palātopi pabbājetabbo. Yo pana gāmanigamapaṭṭanādīni keṇiyā gahetvā tam̄ asampādentō bandhanāgāram̄ pavesito hoti, so palāyitvā āgato na pabbājetabbo. Yopi kasikammādīhi dhanam̄ sampādetvā jīvanto “nidhānam̄ iminā laddhan”ti pesuññam̄ upasam̄haritvā kenaci bandhāpito hoti, tam̄ tattheva pabbājetum̄ na vaṭṭati, palāyitvā gatam̄ pana gataṭṭhāne pabbājetum̄ vaṭṭati.

1. Addubandhanam̄ vā (Ka)

93. **Na bhikkhave likhitakoti** ettha **likhitako** nāma na kevalam “yattha passati tattha hantabbo”ti, atha kho yo koci corikam vā aññam vā garum rājāparādham katvā palāto, rājā ca nam paṇṇe vā potthake vā “itthannāmo yattha dissati, tattha gahetvā māretabbo”ti vā, “hatthapādānissa chinnitabbānī”ti vā “ettakam nāma daṇḍam āharāpetabbo”ti vā likhāpeti, ayam **likhitako** nāma, so na pabbājetabbo.

94. **Kasāhato katadaṇḍakammoti** ettha yo vacanapesanādīni akaronto haññati, na so katadaṇḍakammo. Yo pana keṇiyā vā aññathā vā kiñci gahetvā khādītvā puna dātum asakkonto “ayameva te daṇḍo hotū”ti kasāhi haññati, ayam kasāhato katadaṇḍakammo. So ca kasāhi vā hato hotu addhadaṇḍakādīnam vā aññatarena, yāva allavaṇo hoti, tāva na pabbājetabbo. Vaṇe pana pākatike katvā pabbājetabbo. Sace pana jāṇūhi vā kapparehi vā nāḷikerapāsāṇādīhi vā ghātetvā mutto hoti, sarīre cassa gaṇṭhiyo paññāyanti, na pabbājetabbo. Phāsukam katvā eva gaṇṭhīsu sannisinnāsu pabbājetabbo.

95. **Lakkhaṇāhato katadaṇḍakammoti** ettha katadaṇḍakammabhāvo purimanayeneva veditabbo. Yassa pana nalāṭe vā ūru-ādīsu vā tattena lohena lakkhaṇam āhatam hoti, so sace bhujisso, yāva allavaṇo hoti, tāva na pabbājetabbo. Sacepissa vaṇā ruḷhā honti chaviyā samaparicchedā, lakkhaṇam na paññāyati, timaṇḍalavatthassa uttarāsaṅge kate paṭicchannokāse ce hoti, pabbājetum vaṭṭati, appaṭicchannokāse ce, na vaṭṭati.

Ṇāyikavatthukathā

96. **Na bhikkhave Ṇāyikoti** ettha **Ṇāyiko** nāma yassa pitipitāmahehi vā Ṇam gahitam hoti, sayam vā Ṇam gahitam hoti, yam vā āthapetvā¹ mātāpitūhi kiñci gahitam hoti, so

1. Āvāpetvā (Sī), āthapetvā (Syā, Ka)

taṃ iṇaṃ paresaṃ dhāretīti iṇāyiko. Yaṃ pana aññe nātakā āthapetvā kiñci gaṇhanti, so na iṇāyiko. Na hi te taṃ āthapetuṃ issarā, tasmā taṃ pabbājetuṃ vaṭṭati, itaraṃ na vaṭṭati. Sace panassa nātisālohita “mayāṃ dassāma, pabbājetha naṃ”ti iṇaṃ attano bhāraṃ karonti, añño vā koci tassa ācārasampattiṃ disvā “pabbājetha naṃ, ahaṃ iṇaṃ dassāmi”ti vadati, pabbājetuṃ vaṭṭati. Tesu asati bhikkhunā tathārūpassa upaṭṭhākassāpi ārocetabbaṃ “sahetuko satto iṇapalibodhena na pabbajati”ti. Sace so paṭipajjati, pabbājetabbo. Sacepi attano kappiyabhaṇḍaṃ atthi, etaṃ dassāmiṃti pabbājetabbo. Sace pana neva nātakādayo paṭipajjanti, na attano dhanāṃ atthi, “pabbājetvā bhikkhāya caritvā mocessāmi”ti pabbājetuṃ na vaṭṭati. Sace pabbājeti, dukkaṭaṃ. Palātopi ānetvā dātabbo. No ce deti, sabbaṃ iṇaṃ gīvā hoti. Ajānitvā pabbājayato anāpatti. Passantena pana ānetvā iṇasāmikānaṃ dassetabbo, apassantassa gīvā na hoti.

Sace iṇāyiko aññaṃ desaṃ gantvā pucchiyamānopi “nāhaṃ kassaci kiñci dhāremī”ti vatvā pabbajati, iṇasāmiko ca taṃ pariyesanto tattha gacchati, daharo taṃ disvā palāyati, so ca therāṃ upasaṅkamtivā “ayaṃ bhante kena pabbājito, mama ettakaṃ nāma dhanāṃ gahetvā palāto”ti vadati, therena vattabbaṃ “mayā upāsaka ‘aṇaṇo ahan’ti vadanto pabbājito, kiṃ dāni karomi, passa me pattacīvaramattan”ti. Ayaṃ tattha sāmīci. Palāte pana gīvā na hoti.

Sace pana naṃ therassa sammukhāva disvā “ayaṃ mama iṇāyiko”ti vadati, “tava iṇāyikaṃ tvameva jānāhi”ti vattabbo. Evampi gīvā na hoti. Sacepi so “pabbājito ayaṃ, idāni kuhiṃ gamissati”ti vadati, therena “tvamyeva jānāhi”ti vattabbo. Evampissa palāte gīvā na hoti. Sace pana thero “kuhiṃ dāni ayaṃ gamissati, idheva acchatū”ti vadati, so ce palāyati, gīvā hoti. Sace so sahetukasatto hoti vattasampanno, therena “īdiso ayan”ti vattabbaṃ. Iṇasāmiko ce sādhuṃti vissajjeti, iccetaṃ kusalaṃ. Sace pana “upaḍḍhupaḍḍhaṃ dethā”ti vadati, dātabbaṃ. Aparena samayena atī-ārādhako hoti, sabbaṃ

dethāti vuttepi dātabbameva. Sace pana uddesaparipucchādīsu kusalo hoti bahūpakāro bhikkhūnaṃ, bhikkhācāravattena pariyesitvāpi iṇaṃ dātabbamevāti.

Ṇāyikavatthukathā niṭṭhitā.

Dāsavatthukathā

97. Na bhikkhave dāsoti ettha cattāro dāsā antojāto, dhanakkīto, karamarānīto, sāmaṃ dāsabyaṃ upagatoti. Tattha antojāto nāma jātidāso¹ gharadāsīyā putto. Dhanakkīto nāma māṭāpitūnaṃ santikā putto vā sāmikānaṃ santikā dāso vā dhanam datvā dāsacārittaṃ āropetvā kīto. Ete dvepi na pabbājetabbā. Pabbājentena tattha tattha cārittavasena adāsāṃ katvā pabbājetabbā.

Karamarānīto nāma tiroraṭṭhaṃ vilopaṃ vā katvā upalāpetvā vā tiroraṭṭhato bhujissamānusakāni āharanti, antoraṭṭheyeva vā katāparādham kiñci gāmaṃ rājā “vilumpathā”ti āṇāpeti, tato mānusakānīpi āharanti. Tattha sabbe purisā dāsā, itthiyo dāsīyo. Evarūpo karamarānīto dāso yehi ānīto, tesāṃ santike vasanto vā bandhanāgāre baddho vā purisehi rakkhiyamāno vā na pabbājetabbo, palāyitvā pana gato gataṭṭhāne pabbājetabbo. Rañña tuṭṭhena “karamarānītake muñcathā”ti vatvā vā sabbasādhāraṇena vā nayena bandhana makkhe kate pabbājetabbova.

Sāmaṃ dāsabyaṃ upagato nāma jīvitahetu vā ārakkhahetu vā “ahaṃ te dāso”ti sayameva dāsabhāvaṃ upagato rājūnaṃ hatthi-assagomahimsagopakādayo viya, tādiso dāso na pabbājetabbo. Rañño vaṇṇadāsīnaṃ puttā honti amaccaputtasadisā, tepi na pabbājetabbā. Bhujissitthiyo asaṃyatā vaṇṇadāsīhi saddhiṃ vicaranti, tāsāṃ putte pabbājetum vaṭṭati. Sace sayameva

1. Jātiyā dāso (Syā)

paṇṇaṃ āropenti, na vaṭṭati, bhaṭṭiputtakagaṇādīnaṃ¹ dāsāpi tehi adinnā na pabbājetabbā. Vihāresu rājūhi ārāmikadāsā nāma dinnā honti, tepi pabbājetuṃ na vaṭṭati, bhujisse pana katvā pabbājetuṃ vaṭṭati.

Mahāpaccariyaṃ antojātadhanakkītake ānetvā Bhikkhusaṃghassa ārāmike demāti denti, takkaṃ sīse āsittakasadisāva honti, te pabbājetuṃ vaṭṭatīti vuttaṃ. Kurundiyaṃ pana ārāmiḃkaṃ demāti kappiyavohārena denti, yena kenaci vohārena dinno hotu, neva pabbājetabboti vuttaṃ. Duggatamanussā saṃghaṃ nissāya jīviṣṣāmāti vihāre kappiyakārakā honti, etepi pabbājetuṃ vaṭṭati. Yassa mātāpitaro dāsā, mātā eva vā dāsī, pitā adāso, taṃ pabbājetuṃ na vaṭṭati. Yassa pana mātā adāsī, pitā dāso, taṃ pabbājetuṃ vaṭṭati.

Bhikkhussa ñātakā vā upaṭṭhākā vā dāsaṃ denti “imaṃ pabbājetha, tumhākaṃ veyyāvaccāṃ karissatī”ti, attanovāssa dāso atthi, bhujisso katova pabbājetabbo. Sāmikā dāsaṃ denti “imaṃ pabbājetha, sace abhiraṃmissati, adāso, vibbhaṃmissati ce, amhākaṃ dāsova bhavissatī”ti, ayaṃ tāvakāliko nāma, taṃ pabbājetuṃ na vaṭṭatīti Kurundiyaṃ vuttaṃ. Nissāmikadāso hoti, sopi bhujisso katova pabbājetabbo. Ajānanto pabbājetvā vā upasampādetvā vā pacchā jānāti, bhujissaṃ kātumeva vaṭṭati.

Imassa ca atthassa pakāsanatthaṃ idaṃ vatthuṃ vadanti—ekā kira kuladāsī ekena saddhiṃ anurādhapurā palāyivā rohaṇe vasamānā puttāṃ paṭilabhi, so pabbajivā upasampannakāle lajjī kukkuccako ahoṣi. Athekadivasāṃ mātaraṃ pucchi “kiṃ upāsike tumhākaṃ bhātā vā bhagini vā natthi, na kañci ñātakāṃ passāmī”ti. Tāta ahaṃ anurādhapure kuladāsī, tava pitarā saddhiṃ palāyivā idha vasāmīti. Sīlavā bhikkhu “asuddhā kira me pabbajjā”ti saṃvegaṃ labhitvā mātaraṃ tassa kulassa nāmagottaṃ pucchitvā anurādhapuraṃ āgamma tassa kulassa gharadvāre aṭṭhāsi. “Aticchatha bhante”ti vuttepi nātikkami, te āgantvā “kiṃ bhante”ti pucchimṃsu. “Tumhākaṃ itthannāmā dāsī palātā atthī”ti. Atthi bhante. Ahaṃ tassā putto, sace maṃ tumhe anujānātha, pabbajjaṃ labhāmi, tumhe mayhaṃ

1. Bhaṭṭiputtagaṇādīnaṃ (Sī), bhaddiputtakagaṇādīnaṃ (Syā)

sāmikāti. Te haṭṭhatuṭṭhā hutvā “suddhā bhante tumhākaṃ pabbajjā”ti taṃ bhujissaṃ katvā mahāvihāre vasāpesuṃ catūhi paccayehi paṭijaggantā. Thero taṃ kulaṃ nissāya vasamanoyeva arahattaṃ pāpuṇīti.

Dāsavatthukathā niṭṭhitā.

Kammārabhaṇḍuvatthādīkathā

98-9. **Kammārabhaṇḍū**ti tulādhāramuṇḍako suvaṇṇakāraputto, pañcasikho taruṇadārakoti vuttaṃ hoti. **Samghaṃ apaloketuṃ bhaṇḍukammāyāti** samghaṃ bhaṇḍukammatthāya āpucchitum anujānāmīti attho. Tatrāyaṃ āpucchavidhi—sīmāpariyāpanne bhikkhū sannipātetvā pabbajjāpekkhaṃ tattha netvā “samghaṃ bhante imassa dārakassa bhaṇḍukammaṃ āpucchāmī”ti tikkhattum vā dvikkhattum vā sakim vā vattabbaṃ. Ettha ca imassa dārakassa bhaṇḍukammaṃ āpucchāmītipi imassa samaṇakaraṇaṃ āpucchāmītipi imassa pabbājanaṃ āpucchāmītipi ayaṃ samaṇo hotukāmotipi ayaṃ pabbajitukāmotipi vattum vaṭṭatiyeva.

Sace sabhāgaṭṭhānaṃ hoti, dasa vā vīsāṃ vā tiṃsaṃ vā bhikkhū vasantīti paricchedo paññāyati, tesāṃ ṭhitokāsaṃ vā nisinnokāsaṃ vā gantvāpi purimanayeneva āpucchitabbaṃ. Pabbajjāpekkhaṃ vināva daharabhikkhū vā sāmaṇere vā pesetvāpi “eko bhante pabbajjāpekkho atthi, tassa bhaṇḍukammaṃ āpucchāmā”ti-ādinā nayena āpucchāpetum vaṭṭati.

Sace keci bhikkhū senāsaṇaṃ vā gumbādīni vā pavisitvā niddāyanti vā samaṇadhammaṃ vā karonti, āpucchakā ca pariyesantāpi adisvā “sabbe āpucchitā amhehi”ti saññino honti, pabbajjā nāma lahukaṃ kammaṃ, tasmā pabbajito supabbajitova, pabbājentassāpi anāpatti.

Sace pana mahāvihāro hoti anekabhikkhusahassāvāso, sabbe bhikkhū sannipātetumpi dukkaraṃ, pageva paṭipāṭiyā āpucchitum, khaṇḍasīmāyaṃ vā ṭhatvā nadīsamuddādīni vā gantvā pabbājetabbo. Yo pana navamuṇḍo vā hoti vibbhantako vā nigaṇṭhādīsu aññataro vā

dvaṅgulakeso vā ūnadvāṅgulakeso vā, tassa kesacchedanakiccaṃ natthi. Tasmā bhaṅḍukammaṃ anāpucchitvāpi tādisaṃ pabbājetuṃ vaṭṭati. Dvaṅgulātirittakeso pana yo hoti antamaso ekasikhāmattadharopi, so bhaṅḍukammaṃ āpucchitvāva pabbājetabbo. **Upālivatthu** Mahāvibhaṅge vuttanayameva.

100. **Ahivātakarogenā**ti māribyādhinā¹. Yatra hi so rogo uppajjati, taṃ kulaṃ dvipadacatuppadaṃ sabbaṃ nassati, yo bhittim vā chadanaṃ vā bhinditvā palāyati, tirogāmādigato vā hoti, so muccati. Tathā cettha pitāputtā mucchimsu. Tena vuttaṃ “pitāputtakā sesā hontī”ti.

Kākuḍḍepakanti yo vāmahaṭṭhena leḍḍuṃ gahetvā nisinno sakkoti āgatāgate kāke uḍḍāpetvā purato nikkhattaṃ bhattaṃ bhuñjituṃ, ayaṃ kākuḍḍepako nāma, taṃ pabbājetuṃ vaṭṭati.

102. **Ittaroti** appamattako, katipāhameva vāso bhavissatīti attho.

103. **Ogaṇenā**ti parihīnagaṇena, appamattakena bhikkhusaṃghenāti attho. **Abyattena yāvajīvanti** ettha sacāyaṃ vuḍḍhataṃ ācariyaṃ na labhati, upasampadāya saṭṭhivasso vā sattativasso vā hotu, navakatarassāpi byattassa santike ukkuṭikaṃ nisīditvā añjaliṃ paggahetvā “ācariyo me āvuso hohi, āyasmato nissāya vacchāmī”ti evaṃ tikkhattuṃ vatvā nissayo gahetabbova. Gāmappavesanaṃ āpucchantaṃpi ukkuṭikaṃ nisīditvā añjaliṃ paggahetvā “gāmappavesanaṃ āpucchāmi ācariyā”ti vattabbaṃ. Esa nayo sabba-āpucchanesu. Pañcakachakkesu cettha yattakaṃ suttaṃ nissayamuttakassa icchitabbaṃ, taṃ bhikkhunovādakavaṇṇanāyaṃ vuttaṃ, tassa natthitāya ca **appassuto**, atthitāya ca **bahussutoti** veditabbo. Sesā vuttanayameva.

1. Māribyādhinā (Syā)

Rāhulavatthukathā

105. **Yena kapilavatthu tena cārikam pakkāmīti** ettha ayaṃ anupubbikathā—Suddhodanamahārājā kira bodhisattassa abhinikkhamanadivasato paṭṭhāya “mama putto Buddho bhavissāmīti nikkhanto, jāto nu kho Buddho”ti pavattisavanattham ohitasotova viharati. So Bhagavato padhānacariyañca sambodhiñca dhammacakkappavattanādīni ca suṇanto “idāni kira me putto Rājagaham upanissāya viharatī”ti sutvā ekaṃ amaccaṃ āṇāpesi “aham tāta vuḍḍho mahallako, sādhu me jīvantasseva puttaṃ dassēhī”ti. So “sādhu”ti paṭissuṇitvā purisasahassaparivāro Rājagaham gantvā Bhagavato pāde vanditvā nisīdi. Athassa Bhagavā dhammakatham kathesi, so pasīditvā pabbajjañceva upasampadañca yāci. Tato naṃ Bhagavā ehibhikkhūpasampadāya upasampādesi, so sapaṇiso arahattaṃ patvā tattheva phalasaṃpattisukhaṃ anubhavamāno vihāsi. Rājā teneva upāyena aparepi aṭṭha dūte paṇiṇi, tepi sabbe sapaṇisā tattheva arahattaṃ patvā tattheva viharimsu. “Iminā nāma kāraṇena te nāgacchantī”ti rañño koci pavattimattampi ārocento natthi.

Atha rājā bodhisattena saddhim ekadivasaṃjātam¹ Kāḷudāyim nāma amaccaṃ paṇiṇitukāmo purimanayeneva yāci, so “sace aham pabbajitum labhāmi, dassessāmī”ti āha. Tam rājā “pabbajitvāpi me puttaṃ dassēhī”ti paṇiṇi, sopi purisasahassaparivāro gantvā tattheva sapaṇivāro arahattaṃ pāpuṇi. So ekadivasaṃ sambhatesu sabbasassesu vissatṭhakammantesu janapadamanussesu pupphitesu thalajajalajapupphesu paṭipajjanakkhame magge Bhagavantaṃ vanditvā saṭṭhimattāhi gāthāhi gamanaṇṇaṃ vaṇṇesi. Bhagavā “kimetan”ti pucchi. Bhante tumhākaṃ pitā Suddhodanamahārājā “mahallakomhi, jīvantasseva me puttaṃ dassēhī”ti maṃ pesesi, sādhu bhante Bhagavā nātākānaṃ saṅghaṃ karotu, kālo cārikam pakkamitunti. Tena hi saṅghassa ārocehi, bhikkhū gamiyavattaṃ pūressantīti. “Sādhu bhante”ti thero tathā akāsi. Bhagavā aṅgamagadhavāsīnaṃ kulaputtānaṃ dasahi sahassehi Kapilavatthuvāsīnaṃ dasahīti sabbeheva

1. Ekadivase jātam (Sī, Syā)

vīsatisahashehi khīṇāsavehi parivuto Rājagahā nikkhamitvā Rājagahato saṭṭhiyojanikaṃ Kapilavatthum divase divase yojanaṃ gacchanto dvīhi māsehi pāpuṇissāmīti aturita-cārikaṃ pakkāmi. Tena vuttam “yena Kapilavatthu tena cārikaṃ pakkāmi”ti.

Evam pakkante ca Bhagavati Udāyitthero nikkhantadivasato paṭṭhāya Suddhodanamahārājassa gehe bhattakiccaṃ karoti. Rājā theram parivisitvā pattam gandhacuṇṇena ubbaṭṭetvā uttamabhojanassa pūretvā “Bhagavato dehi”ti therassa hatthe ṭhpeti. Theropi tatheva karoti. Iti Bhagavā antarāmagge rañṇoyeva piṇḍapātāṃ paribhuñji. Theropi ca bhattakiccavasāne divase divase rañṇo āroceti “ajja Bhagavā ettakaṃ āgato”ti, Buddhaguṇapaṭisaṃyuttāya ca kathāya sākiyaṇaṃ Bhagavati saddhaṃ uppādesi. Teneva naṃ Bhagavā “etadaggaṃ bhikkhave mama sāvakaṇaṃ bhikkhūnaṃ kulappasādakānaṃ yadidaṃ Kāḷudāyī”ti etadagge ṭhapesi.

Sākiyāpi kho anuppatte Bhagavati “amhākaṃ nātiseṭṭhaṃ passissāmā”ti sannipatitvā Bhagavato vasanaṭṭhānaṃ vīmaṃsamāno nigrodhasakkassa ārāmo ramaṇiyoti sallakkhetvā tattha pabbaṃ paṭijagganavidhiṃ kāretvā gandhapupphādihatthā paccuggamaṇaṃ karontā sabbalaṅkārapaṭimaṇḍite daharadahare nāgarikadārake ca dārikāyo ca paṭhamaṃ pahiniṃsu, tato rājakumāre ca rājakumārikāyo ca tesam anantarā sāmāṃ gantvā gandhapupphacuṇṇādīhi pūjayamānā Bhagavantaṃ gahetvā Nigrodhārāmameva agamaṃsu. Tatra Bhagavā vīsatisahasasakhīṇāsavaparivuto paññattavarabuddhāsane nisīdi. Sākiyā mānājātikā mānathaddhā, te “Siddhatthakumāro amhehi daharatarova, amhākaṃ kaniṭṭho, bhāgineyyo, putto, nattā”ti cintetvā daharadahare rājakumāre āhaṃsu “tumhe vandatha, mayaṃ tumhākaṃ piṭṭhito nisīdissāmā”ti.

Tesu evam nisinnesu Bhagavā tesam ajjhāsayaṃ oloketvā “na maṃ nātī vandanti, handa ne¹ vandāpayissāmi”ti abhiññāpādakaṃ catutthajjhānaṃ samāpajjitvā vuṭṭhāya iddhiyā ākāsaṃ abbhuggantvā tesam sīse pādapaṃsum

1. Handa dāni te (Sī, Syā)

okiramāno viya kaṇḍambamūle¹ Yamakapāṭihāriyasadisam pāṭihāriyamakāsi. Rājā tam acchariyam disvā āha—“Bhagavā tumhākaṁ maṅgaladivase brāhmaṇassa² vandanattham upanītānaṁ pāde vo parivattitvā brāhmaṇassa matthake patiṭṭhite disvāpi aham tumhe vandim, ayam me paṭhamavandanā. Vappamaṅgaladivase jambucchāyāya sirisayane nipannānaṁ vo jambucchāyāya aparivattanaṁ disvāpi pāde vandim, ayam me dutiyavandanā. Idāni imam adiṭṭhapubbaṁ pāṭihāriyam disvāpi tumhākaṁ pāde vandāmi, ayam me tatiyavandanā”ti.

Suddhodanamahārājena pana vandite Bhagavati avanditvā ṭhito nāma ekasākiyopi nāhosi, sabbeyeva vandimsu. Iti Bhagavā nātayo vandāpetvā ākāso oruyha paññatte āsane nisīdi. Nisinne Bhagavati sikhāppatto nātisamāgame ahoṣi, sabbe ekaggā sannipatimsu. Tato mahāmegho pokkharavassaṁ vassi, tambavaṇṇamudakaṁ heṭṭhā viravantaṁ gacchati. Kassaci sarīre ekabindumattampi na patati, tam disvā sabbe acchariyabbhutajātā ahesum. Bhagavā “na idāneva mayham nātisamāgame pokkharavassaṁ vassati, atītepi vassī”ti imissā aṭṭhuppattiyā Vessantarajātakaṁ kathesi. Dhammadesanaṁ sutvā sabbe uṭṭhāya vanditvā padakkhiṇaṁ katvā pakkamimsu. Ekopi rājā vā rājamahāmatto vā “sve amhākaṁ bhikkhaṁ gaṇḥathā”ti vatvā gato nāma natthi.

Bhagavā dutiyadivase vīsati bhikkhusahassaparivāro Kapilavatthum piṇḍāya pāvīsi, na koci paccuggantvā nimantesi vā pattaṁ vā aggahesi. Bhagavā indakhīle ṭhito āvajjesi “kathaṁ nu kho pubbe Buddhā kulanagare piṇḍāya carimsu, kiṁ uppaṭipāṭiyā issarajanānaṁ gharāni agamaṁsu, udāhu sapadānacārikaṁ carimsu”ti. Tato ekabuddhassapi uppaṭipāṭiyā gamanaṁ adisvā “mayāpi idāni ayameva vaṁso ayam paveṇī paggaḥetabbā, āyatiṅca me sāvakāpi mameva anusikkhantā piṇḍacāriyavattaṁ pūressanti”ti koṭiyam nivīṭṭhagehato paṭṭhāya sapadānaṁ piṇḍāya carati. “Ayyo kira Siddhatthakumāro piṇḍāya carati”ti catubhūmakādīsū pāsādesu sīhapañjaraṁ vivaritvā mahājano dassanabyāvaṭo ahoṣi. Rāhulamātāpi devī “ayyaputto kira imasmimyeva nagare mahatā

1. Gaṇḍambamūle (Sī), gaṇḍambarukkhamūle (Syā)

2. Brāhmaṇānaṁ (Ka)

rājānubhāvena suvaṇṇasivikādīhi vicarivā idāni kesamassuṃ ohāretvā kāsāyavatthavasano kapālahattho piṇḍāya carati, sobhati nu kho no vā”ti sīhapañjaraṃ vivarivā olokayamānā Bhagavantaṃ nānāviraḡasamujjalāya sarīrappabhāya nagaravīthiyo obhāsetvā Buddhasiriyā virocamaṇaṃ disvā uṇhīsato paṭṭhāya yāva pādatalā narasiḡagāthāhi nāma aṭṭhahi gāthāhi abhittḡavitvā rañño santikaṃ gantvā “tumhākaṃ putto piṇḍāya carati”ti rañño ārocesi. Rājā saṃviggahadayo hatthena sāṭakaṃ saṅṭhāpayamāno turitaturitaṃ nikkhamivā vegena gantvā Bhagavato purato ṭhatvā āha “kiṃ bhante amhe lajjāpetha, kimatthaṃ piṇḍāya caratha, kiṃ ettakānaṃ bhikkhūnaṃ na sakkā bhattaṃ laddhanti evaṃsaññino ahuvatthā”ti. Vaṃsacārittametaṃ mahārāja amhākanti. Nanu bhante amhākaṃ mahāsammatakhattiyavaṃso nāma vaṃso, tatha ca ekakhattiyopi bhikkhācāro nāma natthīti. Ayaṃ mahārāja vaṃso nāma tava vaṃso, amhākaṃ pana Buddhavaṃso vaṃso nāma, sabbabuddhā ca piṇḍacārikā ahesunti antaravīthiyaṃ ṭhitova—

“Uttitṭhe nappamajjeyya, dhammaṃ sucaritaṃ care.

Dhammacārī sukhaṃ seti, asmiṃ loke paramhi cā”ti—

Imaṃ gāthamāha. Gāthāpariyosāne rājā sotāpattiḡhalaṃ sacchākāsi.

“Dhammaṃ care sucaritaṃ, na naṃ duccharitaṃ care.

Dhammacārī sukhaṃ seti, asmiṃ loke paramhi cā”ti—

Imaṃ pana gāthaṃ sutvā sakadāḡāmiphale patiṭṭhāsi,
Dhammapālaḡatakaṃ sutvā anāḡāmiphale patiṭṭhāsi, maraṇasamaye
setacchattassa heṭṭhā sirisayane nipannoyeva arahattaṃ pāpuṇi.
Arañṇavāsena padhānānuयोगakiccaṃ rañño nāhosi.

Sotāpattiḡhalaṇca sacchikatvā eva pana Bhagavato pattamḡ gahetvā
sapaṛisaṃ Bhagavantaṃ mahāpāsādaṃ āropetvā paṇītena khādanīyena
bhojanīyena parivisi. Bhattakiccāvasāne sabbamḡ itthāḡāraṃ āgantvā
Bhagavantaṃ vandi ṭhapetvā Rāhulamātaṃ. Sā pana “gaccha ayyaputtaṃ
vandāhi”ti pariḡanena vuccamānāpi “sace mayhaṃ guṇo atthi, sayameva
ayyaputto

āgamissati, āgataṃ naṃ vandissāmi”ti vatvā na agamāsi. Atha Bhagavā rājānaṃ pattāṃ gāhāpetvā dvīhi aggasāvakehi saddhiṃ rājadhītāya sirigabbhaṃ gantvā “rājadhītā yathāruciyaṃ vandamānā na kiñci vattabbā”ti vatvā paññatte āsane nisīdi, sā vegena āgantvā gopphakesu gahetvā pādapiṭṭhiyaṃ sīsaṃ parivattetvā parivattetvā yathājjhāsayāṃ vandi.

Rājā rājadhītāya Bhagavati sinehabahumānādiguṇasampattiṃ kathesi. Bhagavā “anacchariyaṃ mahārāja yaṃ idāni paripakke ñāṇe tayā rakkhiyamānā rājadhītā attānaṃ rakkhi, sā pubbe anārakkhā pabbatapāde vicaramānā aparipakke ñāṇe attānaṃ rakkhi”ti vatvā Candakinnarijātakāṃ kathesi.

Taṃdivasameva ca Nandarājakumārassa kesavissajjanaṃ paṭṭabandho ghamaṅgalaṃ āvāhamaṅgalaṃ chattamaṅgalanti pañca mahāmaṅgalāni honti. Bhagavā Nandaṃ pattāṃ gāhāpetvā maṅgalaṃ vatvā uṭṭhāyāsanaṃ pakkāmi. Janapadakalyāṇī kumāraṃ gacchantāṃ disvā “tuvaṭaṃ kho ayyaputta āgaccheyyāsī”ti vatvā gīvaṃ pasāretvā olokesi. Sopi Bhagavantaṃ “pattāṃ gaṇhathā”ti vattum avisahamāno vihāraṃyeva agamāsi. Taṃ anicchamaṇāṃyeva Bhagavā pabbājesi. Iti Bhagavā Kapilapuraṃ āgantvā dutiyadivase Nandaṃ pabbājesi.

Sattame divase Rāhulamātā kumāraṃ alaṅkaritvā Bhagavato santikaṃ pesesi “passa tāta etaṃ vīsatisahassasamaṇaparivutaṃ suvaṇṇavaṇṇaṃ brahmarūpavaṇṇaṃ samaṇaṃ, ayaṃ te pitā, etassa mahantā nidhayo ahesuṃ, tyassa nikkhamaṇato paṭṭhāya na passāma, gaccha naṃ dāyajjaṃ yāca ‘ahaṃ tāta kumāro chattaṃ ussāpetvā cakkavattī bhavissāmi, dhanena me attho, dhanāṃ me dehi, sāmiko hi putto pitusantakassā’ti”.

Rāhulakumāro Bhagavato santikaṃ gantvāva pitusinehaṃ¹ paṭilabhitvā haṭṭhacitto “sukhā te samaṇa chāyā”ti vatvā aññampi bahuṃ attano anurūpaṃ vadanto aṭṭhāsi. Bhagavā katabhattakicco anumodanaṃ katvā uṭṭhāyāsanaṃ pakkāmi. Kumāropi “dāyajjaṃ me samaṇa dehi, dāyajjaṃ me samaṇa dehi”ti bhagavantaṃ anubandhi. Tena vuttaṃ “anupubbena cārikaṃ caramāno yena Kapilavatthu -pa- dāyajjaṃ me samaṇa dehi”ti.

1. Pitisinchaṃ (Ka)

Atha kho Bhagavā āyasmantaṃ Sāriputtaṃ āmantesīti Bhagavā kumāraṃ na nivattāpesi, parijanopi Bhagavatā saddhiṃ gacchantaṃ nivattetuṃ na visahati. Atha ārāmaṃ gantvā “yaṃ ayaṃ pitusantakaṃ dhanam icchati, taṃ vaṭṭānugataṃ savighātakam, handassa Bodhimaṇḍe paṭiladdhaṃ sattavidhaṃ ariyadhanaṃ demi, lokuttaradāyajjassa naṃ sāmikaṃ karomī”ti āyasmantaṃ Sāriputtaṃ āmantesi. Āmantetvā ca panāha “tena hi tvaṃ Sāriputta Rāhulakumāraṃ pabbājehī”ti. Yasmā ayaṃ dāyajjaṃ yācati, tasmā naṃ lokuttaradāyajjapaṭilābhāya pabbājehīti attho.

Idāni yā sā Bhagavatā Bārāṇasiyaṃ tīhi saraṇagamanehi pabbajjā ca upasampadā ca anuññātā, tato yasmā upasampadaṃ paṭikkhipitvā garubhāve ṭhapetvā ñatticatutthena kammaena upasampadā anuññātā, pabbajjā pana neva paṭikkhittā na puna anuññātā, tasmā anāgate bhikkhūnaṃ vimati uppajjissati “ayaṃ pabbajjā nāma pubbe upasampadasadisā, kiṃ nu kho idānipi upasampadā viya kammavācāya eva kattabbā, udāhu saraṇagamanehī”ti. Imañca panatthaṃ viditvā Bhagavā puna tīhi saraṇagamanehi sāmaṇerapabbajjaṃ anujānitukāmo, tasmā Dhammasenāpati taṃ Bhagavato ajjhāsayaṃ viditvā Bhagavantaṃ puna pabbajjaṃ anujānāpetukāmo āha **kathāhaṃ bhante Rāhulakumāraṃ pabbājemīti**.

Atha kho āyasmā Sāriputto Rāhulakumāraṃ pabbājesīti kumārassa Mahāmoggallānatthero kese chinditvā kasāyāni datvā saraṇāni adāsi, Mahākassapatthero ovādācariyo ahoṣi. Yasmā pana upajjhāyamūlakā pabbajjā ca upasampadā ca, upajjhāyova tattha issaro, na ācariyo, tasmā vuttaṃ “atha kho āyasmā Sāriputto Rāhulakumāraṃ pabbājesī”ti.

Evam “kumāro pabbajito”ti sutvā uppannasamvegena hadayena **atha kho Suddhodano Sakkoti** sabbam vattabbaṃ. Tattha yasmā uñchācariyāya jīvato pabbajitassa avisesena “varaṃ yācāmī”ti vutte yācassūti vacanaṃ appatirūpaṃ, na ca Buddhānaṃ āciṇṇaṃ, tasmā “atikkantavarā kho Gotama Tathāgatā”ti vuttaṃ. **Yañca bhante kappati, yañca anavajjanti** yaṃ tumhākañceva dātuṃ kappati, anavajjañca hoti, mama ca sampaṭicchanaṃ paccayā viññūhi na garahitabbaṃ, taṃ yācāmīti attho. **Tathā Nande adhimattaṃ**

Rāhuleti yatheva kira bodhisattaṃ, evaṃ Nandampi Rāhulampi maṅgaladivase nemittakā cakkavattī bhavissatīti byākarimsu. Atha rājā puttassa cakkavattisirim passissāmīti ussāhajāto Bhagavato pabbajjāya mahantaṃ icchāvighātaṃ pāpuṇi. Tato Nandassa cakkavattisirim passissāmīti ussāhaṃ janesi, tampi Bhagavā pabbājesi. Iti tampi dukkhaṃ adhivāsetvā idāni Rāhulassa cakkavattisirim passissāmīti ussāhaṃ janesi, tampi Bhagavā pabbājesi. Tenassa idāni kulavaṃsopi pacchinno, kuto cakkavattisiriti adhikataṃ dukkhaṃ uppajji. Tena vuttaṃ “tathā Nande adhimattaṃ Rāhule”ti. Rañño pana ito pacchā anāgāmiphalaṃ patti veditabbā.

Sādhu bhante ayyāti idaṃ kasmā āha, so kira cintesi “yatra hi nāma ahampi Buddhamāmakko dhammamāmakko saṅghamāmakko samāno attano piyataraputte pabbājijyamāne nātiviyogaḍukkhaṃ adhivāsetuṃ na sakkomi, aññe janā puttanaṭṭakesu pabbājitesu kathaṃ adhivāsessanti, tasmā aññesampi tāva evarūpaṃ dukkhaṃ mā ahoṣī”ti āha. Bhagavā “sāsane niyyānikakāraṇaṃ rājā vadati”ti dhammakathaṃ katvā **na bhikkhave ananuññāto mātāpitūhi putto pabbājetabboti** sikkhāpadaṃ paññapesi.

Tattha **mātāpitūhī**ti jananijanake sandhāya vuttaṃ. Sace dve atthi, dvepi āpucchitabbā. Sace pitā mato mātā vā, yo jīvati, so āpucchitabbo. Pabbajitāpi āpucchitabbāva. Āpucchantena sayāṃ vā gantvā āpucchitabbaṃ, aññe vā pesetabbo, so eva vā pesetabbo “gaccha mātāpitāro āpucchitvā ehi”ti. Sace “anuññātomhī”ti vadati, saddahantena pabbājetabbo. Pitā sayāṃ pabbajito puttampi pabbājetukāmo hoti, mātaraṃ āpucchitvāva pabbājetu. Mātā vā dhītaraṃ pabbājetukāmā, pitaraṃ āpucchitvāva pabbājetu. Pitā puttadārena anattiko palāyi, mātā “imaṃ pabbājethā”ti puttaṃ bhikkhūnaṃ deti, “pitāssa kuhin”ti vutte “cittakeḷiyāṃ kīlitaṃ palāto”ti vadati, taṃ pabbājetuṃ vaṭṭati. Mātā kenaci purisena saddhiṃ palātā hoti, pitā pana “pabbājethā”ti deti, etthāpi eseva nayo. Pitā vippavutto hoti, mātā puttaṃ “pabbājethā”ti anujānāti,

“pitā tassa kuhin”ti vutte “kim tumhākaṃ pitarā, ahaṃ jānissāmi”ti vadati, pabbājetuṃ vaṭṭatīti Kurundiyaṃ vuttaṃ.

Mātāpitaro matā, dārako cūlamātādīnaṃ santike saṃvaddho, tasmim pabbājiyamāne nātakā kalahaṃ vā karonti khiyyanti vā, tasmā vivādupacchedanatthaṃ āpucchitvāva pabbājetabbo, anāpucchā pabbājentassa pana āpatti natthi. Daharakāle gahetvā posanakā mātāpitaro nāma honti, tesupi eseva nayo. Putto attānaṃ nissāya jīvati, na mātāpitaro. Sacepi rājā hoti, āpucchitvāva pabbājetabbo. Mātāpitūhi anuññāto pabbajitvā puna vibbhamati, sacepi sattakkhattuṃ pabbajitvā vibbhamati, āgatāgatakāle punappunaṃ āpucchitvāva pabbājetabbo. Sace evaṃ vadanti “ayaṃ vibbhamitvā gehaṃ āgato amhākaṃ kammaṃ na karoti, pabbajitvā tumhākaṃ vattaṃ na pūreti, natthi imassāpucchanakiccaṃ, āgatāgataṃ pabbājeyyāthā”ti, evaṃ nissaṭṭhaṃ puna anāpucchāpi pabbājetuṃ vaṭṭati.

Yopi daharakāleyeva “ayaṃ tumhākaṃ dinno, yadā icchatha, tadā pabbājeyyāthā”ti evaṃ dinno hoti, sopi āgatāgato¹ puna anāpucchāva pabbājetabbo. Yaṃ pana daharakāleyeva “imaṃ bhante pabbājeyyāthā”ti anujānitvā pacchā vuḍḍhippattakāle nānujānanti, ayaṃ na anāpucchā pabbājetabbo. Eko mātāpitūhi saddhiṃ bhaṇḍitvā “pabbājetha maṃ”ti āgacchati, “āpucchitvā ehi”ti ca vutto “nāhaṃ gacchāmi, sace maṃ na pabbājetha, vihāraṃ vā jhāpemi, satthena vā tumhe paharāmi, tumhākaṃ nātaka-upaṭṭhākānaṃ vā ārāmacchedanādīhi anatthaṃ uppādemī, rukkhā vā patitvā marāmi, coramajjhaṃ vā pavisāmi², dasantaraṃ vā gacchāmi”ti vadati, taṃ jīvasseva rakkhaṇatthāya pabbājetuṃ vaṭṭati. Sace panassa mātāpitaro āgantvā “kasmā amhākaṃ puttaṃ pabbājayitthā”ti vadanti, tesam tamatthaṃ ārocetvā “rakkhaṇatthāya naṃ pabbājayimha, paññāyatha³ tumhe puttenā”ti vattabbā. “Rukkhā patissāmi”ti āruhitvā pana hatthapāde muñcantam pabbājetuṃ vaṭṭatiyeva.

1. Āgatāgate (Ka)

2. Pavisissāmi (Ka)

3. Maññatha (Ka)

Ekopi videsam gantvā pabbajjam yācati, āpucchitvā ce gato, pabbājetabbo. No ce, daharabhikkhum pesetvā āpucchāpetvā pabbājetabbo, atidūrañce hoti, pabbājetvāpi bhikkhūhi saddhim pesetvā dassetum vaṭṭati. Kurundiyaṃ pana vuttam “sace dūram hoti, maggo ca mahākantāro, ‘gantvā āpucchissāmā’ti pabbājetum vaṭṭati”ti. Sace pana mātāpitūnam bahū puttā honti, evañca vadanti “bhante etesam dārakānam yaṃ icchatha, taṃ pabbājeyyāthā”ti. Dārake vīmaṃsitvā yaṃ icchati, so pabbājetabbo. Sacepi sakalena kulena vā gāmena vā anuññātam hoti “bhante imasmim kule vā gāme vā yaṃ icchatha, taṃ pabbājeyyāthā”ti. Yaṃ icchati, so pabbājetabboti.

Yāvatake vā pana ussahatīti yattake sakkoti.

Rāhulavatthukathā niṭṭhitā.

Sikkhāpadadaṇḍakammavattukathā

106. Dasasu sikkhāpadesu purimānam pañcannaṃ atikkamo nāsanavatthu, pacchimānam atikkamo daṇḍakammavattu.

107. **Appatissāti** bhikkhū jeṭṭhakaṭṭhāne issariyaṭṭhāne na ṭhapenti. **Asabhāgavuttikāti** samānajīvikā na bhavanti, visabhāgajīvikāti attho. **Alābhāya parisakkatīti** yathā lābham na labhanti, evaṃ parakkamati. **Anatthāyāti** upaddavāya. **Avāsāyāti** kinti imasmim āvāse na vaseyyunti parakkamati. **Akkosati paribhāsati** akkosati ceva bhayadassanena ca tajjeti. **Bhedetīti** pesuññam upasamharitvā bhedeti. **Āvaraṇam kātunti** “mā idha pavisā”ti nivāraṇam kātum. **Yattha vā vasati, yattha vā paṭikkamatīti** yattha vasati vā pavisati vā, ubhayenāpi attano pariveṇaṇca vassaggena pattasenāsaṇca vuttam.

Mukhadvārikam āhāram āvaraṇam karontīti “ajja mā khāda mā bhuñjā”ti evaṃ nivārenti. Na bhikkhave mukhadvāriko āhāro āvaraṇam

kātabboti ettha “mā khāda mā bhuñjā”ti vadatopi “āhāraṃ nivāressāmi”ti pattacīvaraṃ anto nikkhipatopi sabbapayogesu dukkaṭaṃ. Anācārassa pana dubbacasāmaṇerassa daṇḍakammaṃ katvā yāguṃ vā bhattaṃ vā pattacīvaraṃ vā dassetvā “ettake nāma daṇḍakamme āhaṭe idaṃ lacchasi”ti vattuṃ vaṭṭati. Bhagavatā hi āvaraṇameva daṇḍakammaṃ vuttaṃ. Dhammasaṅgāhakattherehi pana aparādhānurūpaṃ udakadāruvālikādīnaṃ āharāpanampi kātabbanti vuttaṃ, tasmā tampi kātabbaṃ. Tañca kho “oramissati viramissati”ti anukampāya, na “nassissati vibbhamissati”ti-ādinayappavattena pāpajjhāsayena. “Daṇḍakammaṃ karomi”ti ca uṇhapāsāṇe vā nipajjāpetuṃ pāsāṇiṭṭhakādīni vā sīse nikkhipāpetuṃ udakaṃ vā pavesetuṃ na vaṭṭati.

Anāpucchāvaraṇavattu-ādikathā

108. **Na bhikkhave upajjhāyaṃ anāpucchāti** ettha “tumhākaṃ sāmaṇerassa ayaṃ nāma aparādhō, daṇḍakammamassa karoṭhā”ti tikkhattuṃ vutte sace upajjhāyo daṇḍakammaṃ na karoti, sayāṃ kātuṃ vaṭṭati. Sacepi āditova upajjhāyo vadati “mayhaṃ sāmaṇerānaṃ dose sati tumhe daṇḍakammaṃ karoṭhā”ti, kātuṃ vaṭṭatiyeva. Yathā ca sāmaṇerānaṃ, evaṃ saddhivihārikantevāsikānampi daṇḍakammaṃ kātuṃ vaṭṭati.

Apalāletūti “tumhākaṃ pattaṃ dassāma, cīvaraṃ dassāmā”ti attano upaṭṭhānakaraṇatthaṃ saṅgaṇhanti. **Na bhikkhave aññassa parisā apalāletabbāti** ettha sāmaṇerā vā hontu upasampannā vā, antamaso dussīlabhikkhussāpi parassa parisabhūte bhinditvā gaṇhituṃ na vaṭṭati, ādīnavāṃ pana vattuṃ vaṭṭati “tayā nhāyituṃ āgatena gūthamakkhanaṃ viya kataṃ dussīlaṃ nissāya viharantenā”ti. Sace so sayameva jānitvā upajjhaṃ vā nissayaṃ vā yācati, dātuṃ vaṭṭati.

Anujānāmi bhikkhave dasahaṅgehi samannāgataṃ sāmaṇeraṃ nāsetunti ettha Kaṇṭakasikkhāpadavaṇṇanāyaṃ vuttāsu tīsu nāsanāsu liṅganāsanāva adhippetā, tasmā yo pāṇātipātādīsu ekampi kammaṃ karoti, so liṅganāsanāya nāsetabbo. Yathā ca bhikkhūnaṃ pāṇātipātādīsu nānā-āpattiyo honti, na tathā sāmaṇerānaṃ. Sāmaṇero hi kunthakipillikampi māretvā maṅguraṇḍakampi bhinditvā

nāsetabbatāmyeva pāpuṇāti, tāvadevassa saraṇagamanāni ca upajjhāyaggahaṇaṇca senāsanaggāho ca paṭippassambhati, saṃghalābham na labhati, liṅgamattameva ekaṃ avasiṭṭham hoti. So sace ākiṇṇadosova hoti, āyatim saṃvare na tiṭṭhati, nikkadḍhitabbo. Atha sahasā virajjhivā “duṭṭhu¹ mayā katan”ti puna saṃvare ṭhātukāmo hoti, liṅganāsanakiccaṃ natthi. Yathānivatthapārutasseva saraṇāni dātabbāni, upajjhāyo dātabbo, sikkhāpadāni pana saraṇagamaneneva ijjhanti. Sāmaṇerānaṃ hi saraṇagamanam bhikkhūnam upasampadakammavācāsadisam, tasmā bhikkhūnam viya catupārisuddhisīlam imināpi dasa sīlāni samādinneva honti, evam santepi dalhikaraṇattham āyatim saṃvare patiṭṭhāpanattham puna dātabbāni. Sace purimikāya puna saraṇāni gahitāni, pacchimikāya vassāvāsikaṃ lacchati, sace pacchimikāya gahitāni, saṃghena apaloketvā lābho dātabbo.

Adinnādāne tiṇasalākamattenāpi vatthunā, abrahmacariye tīsu maggesu yattha katthaci vipaṭipattiyā, musāvāde hassādhippāyatāyapi musā bhaṇite assamaṇo hoti, nāsetabbatam āpajjati. Majjapāne pana bhikkhuno ajānitvāpi bijato paṭṭhāya majjam pivantassa pācittiyam, sāmaṇero jānitvā pivanto sīlabhedam āpajjati, na ajānitvā. Yāni panassa itarāni pañca sikkhāpadāni, tesu bhinnesu na nāsetabbo, daṇḍakammaṃ kātabbam. Sikkhāpade pana puna dinnepi adinnepi vaṭṭati. Daṇḍakammena pana piṭetvā āyatim saṃvare ṭhapanatthāya dātabbameva. Sāmaṇerānam majjapānam sacittakam pārājikavatthu, ayam viseso.

Avaṇṇabhāsane pana Araham Sammāsambuddhoti-ādīnam paṭipakkhavasena Buddhassa vā, svākkhātoti-ādīnam paṭipakkhavasena dhammassa vā, suppaṭipannoti-ādīnam paṭipakkhavasena saṃghassa vā avaṇṇam bhāsanto ratanattayam nindanto garahanto ācariyupajjhāyādīhi “mā evam avacā”ti avaṇṇabhāsane ādīnavam dassetvā nivāretabbo. Sace yāvataiyam vuccamāno na oramati, kaṇṭakanāsanāya nāsetabboti Kurundiyaṃ vuttam. Mahā-aṭṭhakathāyaṃ pana sace evam vuccamāno tam laddhim nissajjati, daṇḍakammaṃ kāretvā accayam desāpetabbo. Sace na nissajjati, tatheva ādāya

1. Duṭṭham (Syā), dukkaṭam (Ka)

paggayha tiṭṭhati, liṅganāsanāya nāsetabboti vuttaṃ, taṃ yuttaṃ. Ayameva hi nāsanā idha adhippetāti.

Micchādiṭṭhikepi eseva nayo. Sassatucchedānañhi aññataradiṭṭhiko sace ācariyādīhi ovadiyamāno nissajjati, daṇḍakammaṃ kāretvā accayaṃ desāpetabbo. Appaṇissajjantova nāsetabboti. Bhikkhunidūsako cettha kāmaṃ abrahmacāriggahaṇena gahitova, abrahmacāriṃ¹ pana āyatim saṃvare ṭhātukāmaṃ saraṇāni datvā upasampādetum vaṭṭati. Bhikkhunidūsako āyatim saṃvare ṭhātukāmopi pabbajjampi na labhati, pageva upasampadanti etamatthaṃ dassetuṃ “bhikkhunidūsako”ti idaṃ visum dasamaṃ aṅgaṃ vuttanti veditabbaṃ.

Paṇḍakavatthukathā

109. **Dahare dahareti** taruṇe taruṇe. **Moḷigalleti** thūlasarīre. **Hatthibhaṇḍe assabhaṇḍeti** hatthigopake ca assagopake ca.

Paṇḍako bhikkhaveti ettha āsittapaṇḍako usūyapaṇḍako opakkamikapaṇḍako pakkhapaṇḍako napuṃsakapaṇḍakoti pañcapaṇḍakā. Tattha yassa paresaṃ aṅgaṃjātaṃ mukhena gahetvā asucinā āsittassa pariḷāho vūpasammati, ayaṃ āsittapaṇḍako. Yassa paresaṃ ajjhācāraṃ passato usūyāya uppannāya pariḷāho vūpasammati, ayaṃ usūyapaṇḍako. Yassa upakkamena bījāni apanītāni, ayaṃ opakkamikapaṇḍako. Ekacco pana akusalavipākānubhāvena kāḷapakkhe paṇḍako hoti, juṇhapakkhe panassa pariḷāho vūpasammati, ayaṃ pakkhapaṇḍako. Yo pana paṭisandhiyaṃyeva abhāvako uppanno, ayaṃ napuṃsakapaṇḍakoti. Tesu āsittapaṇḍakassa ca usūyapaṇḍakassa ca pabbajjā na vāritā, itaresaṃ tiṇṇaṃ vāritā. Tesupi pakkhapaṇḍakassa yasmiṃ pakkhe paṇḍako hoti, tasmiṃyevassa pakkhe pabbajjā vāritāti Kurundiyaṃ vuttaṃ. Yassa cettha pabbajjā vāritā, taṃ sandhāya idaṃ vuttaṃ “anupasampanno na upasampādetabbo, upasampanno nāsetabbo”ti.

1. Abrahmacāraṃ (Ka)

Sopi liṅganāsaneneva nāsetabbo. Ito param “nāsetabbo”ti vuttessupi eseva nayo.

Theyyasaṁvāsakavatthukathā

110. **Purāṇakulaputtoti** purāṇassa anukkamena pārijuññaṃ pattassa kulassa putto. Mātipakkhapitipakkhato kolaññā khīṇā vinaṭṭhā matā assāti **khīṇakolañño**. **Anadhigatanti** appattaṃ. **Phātimkātunti** vaḍḍhetum. **Inghāti** uyyojanatthe nipāto. **Anuyuññijyamānoti** ekamantaṃ netvā kesamassu-
oropanakāsāyapaṭiggahaṇasaraṇagamana-
upajjhāyaggahaṇakammavācānissayadhamme pucchijyamāno. **Etamatthaṃ ārocesīti** etaṃ sayam pabbajitabhāvaṃ ādito paṭṭhāya ācikkhi.

Theyyasaṁvāsako bhikkhavi ettha tayo theyyasaṁvāsakā liṅgatthenako saṁvāsatthenako ubhayatthenakoti. Tattha yo sayam pabbajitvā vihāraṃ gantvā na bhikkhuvassāni gaṇeti, na yathāvuḍḍhaṃ vandanaṃ sādīyati, na āsanena paṭibāhati, na uposathapavāraṇādīsu sandissati, ayaṃ liṅgamattasseva thenitattā liṅgatthenako nāma.

Yo pana bhikkhūhi pabbājito sāmaṇero samānopi videsaṃ gantvā “ahaṃ dasavasso vā vīsativasso vā”ti musā vatvā bhikkhuvassāni gaṇeti, yathāvuḍḍhaṃ vandanaṃ sādīyati, āsanena paṭibāhati, uposathapavāraṇādīsu sandissati, ayaṃ saṁvāsamattasseva thenitattā saṁvāsatthenako nāma. Bhikkhuvassagaṇaṇādiko hi sabbopi kiriyabhedo imasmiṃ atthe “saṁvāso”ti vedītabbo. Sikkhaṃ paccakkhāya “na maṃ koci jānāti”ti evaṃ paṭipajjantepi eseva nayo.

Yo pana sayam pabbajitvā vihāraṃ gantvā bhikkhuvassāni gaṇeti, yathāvuḍḍhaṃ vandanaṃ sādīyati, āsanena paṭibāhati, uposathapavāraṇādīsu sandissati, ayaṃ liṅgassa ceva saṁvāsassa ca thenitattā ubhayatthenako nāma, ayaṃ tividhopi theyyasaṁvāsako anupasampanno na upasampādetabbo, upasampanno nāsetabbo, puna pabbajjaṃ yācantopi na pabbājetabbo.

Ettha ca asammoḥatthaṃ idaṃ paṇṇakaṃ veditaḥḥaṃ—

“Rājadubbhi kkhakantāra, rogaveribhayehi vā.
Cīvarāharaṇatthaṃ vā, liṅgaṃ ādiyatīdha yo.
Saṃvāsaṃ nādhivāseti, yāva so suddhamānaso.
Theyyasamvāsako nāma, tāva esa na vuccatī”ti.

Tatrāyaṃ vitthāranayo, idhekaccassa rājā kuddho hoti, so “evaṃ me sotthi bhavissatī”ti sayameva liṅgaṃ gahetvā palāyati. Taṃ disvā rañño ārocenti. Rājā “sace pabbajito, na taṃ labbhā kiñci kātun”ti tasmim̄ kodhaṃ paṭivineti. So “vūpasantaṃ me rājabhayan”ti saṃghamaḥḥaṃ anosarivāva gihiliṅgaṃ gahetvā āgato pabbājetabbo. Athāpi “sāsaṇaṃ nissāya mayā jīvitaṃ laddhaṃ, handa dāni ahaṃ pabbajāmī”ti uppanasaṃvego teneva liṅgena āgantvā āgantukavattaṃ na sādīyati, bhikkhūhi puṭṭho vā apuṭṭho vā yathābhūtamattānaṃ āvikatvā pabbajjaṃ yācati, liṅgaṃ apanetvā pabbājetabbo. Sace pana vattaṃ sādīyati, pabbajitālayaṃ dasseti, sabbaṃ pubbe vuttaṃ vassagaṇaṇādibhedaṃ vidhiṃ paṭipajjati, ayaṃ na pabbājetabbo.

Idha panekacco dubbhikkhe jīvituṃ asakkonto sayameva liṅgaṃ gahetvā sabbapāsaṇḍiyabhattāni¹ bhuñjanto dubbhikkhe vītivatte saṃghamaḥḥaṃ anosarivāva gihiliṅgaṃ gahetvā āgatoti sabbaṃ purimasadisameva.

Aparo mahākantāraṃ nittharitikāmo hoti, satthavāho ca pabbajite gahetvā gacchati. So “evaṃ maṃ satthavāho gahetvā gamissatī”ti sayameva liṅgaṃ gahetvā satthavāhena saddhiṃ kantāraṃ nittharivā khemantaṃ patvā saṃghamaḥḥaṃ anosarivāva gihiliṅgaṃ gahetvā āgatoti sabbaṃ purimasadisameva.

Aparo rogabhaye uppanne jīvituṃ asakkonto sayameva liṅgaṃ gahetvā sabbapāsaṇḍiyabhattāni bhuñjanto rogabhaye vūpasante saṃgha-

1. Sabbapāsaṇḍikabhattāni (Ka)

majjham anasaritvāva gihiliṅgam gahetvā āgatoti sabbam purimasadisameva.

Aparassa eko veriko kuddho hoti, ghātetukāmo nam vicarati. So “evam me sotthi bhavissati”ti sayameva liṅgam gahetvā palāyati. Veriko “kuhim so”ti pariyesanto “pabbajitvā palāto”ti sutvā “sace pabbajito, na tam labbhā kiñci kātun”ti tasmim kodham paṭivineti. So “vūpasantaṃ me veribhayan”ti saṃghamajjham anasaritvāva gihiliṅgam gahetvā āgatoti sabbam purimasadisameva.

Aparo nātikulam gantvā sikkham paccakkhāya gihi hutvā “imāni cīvarāni idha vinassissanti, sacepi imāni gahetvā vihāram gamissāmi, antarāmagge maṃ ‘coro’ti gahessanti, yaṃnūnāham kāyaparihāriyāni katvā gaccheyyan”ti cīvarāharaṇattham nivāsetvā ca pārupitvā ca vihāram gacchati. Tam dūratova āgacchantam disvā sāmaṇerā ca daharā ca abbhuggacchanti, vattam dassenti. So na sādiyati, yathābhūtamattānam āvikaroti. Sace bhikkhū “na dāni mayam tam muñcissāmā”ti balakkārena pabbājetukāmā honti, kāśāyāni apantvā puna pabbājetabbo. Sace pana “nayime mama hīnāyāvattabhāvaṃ jānanti”ti tamyeva bhikkhubhāvaṃ paṭijānitvā sabbam pubbe vuttam vassagaṇanādibhedam vidhim paṭipajjati, ayam na pabbājetabbo.

Aparo mahāsāmaṇero nātikulam gantvā uppabbajitvā kammantānuṭṭhānena ubbāḷho hutvā puna “dāni aham samaṇova bhavissāmi, theropi me uppabbajitabhāvaṃ na jānāti”ti tadeva pattacīvaram ādāya vihāram āgacchati, nāpi tamattham bhikkhūnam āroceti, sāmaṇerabhāvaṃ paṭijānāhi. Ayam theyyasamvāsakoyeva, pabbajjam na labhati. Sacepissa liṅgaggahaṇakāle evam hoti “nāham kassaci ārocessāmi”ti, vihāraṇca gato āroceti, gahaṇeneva theyyasamvāsako. Athāpissa “gahaṇakāle ācikkhissāmi”ti cittam uppannam hoti, vihāraṇca gantvā “kuhim tvaṃ āvuso gato”ti vutto “na dāni maṃ ime jānanti”ti vañcetvā nācikkhati, “nācikkhissāmi”ti saha dhuranikkhepena ayampi theyyasamvāsakova. Sace panassa gahaṇakālepi “ācikkhissāmi”ti cittam uppannam, vihāram gantvāpi ācikkhati, ayam puna pabbajjam labhati.

Aparo daharasāmaṇero mahanto vā pana abyatto, so purimanayeneva uppabbajitvā ghare vacchakarakkhaṇādīni¹ kammāni kātuṃ na icchati, tamenam̐ ñātakā tāniyeva kāsāyāni acchādetvā² thālakaṃ vā pattam̐ vā hatthe datvā “gaccha samaṇova hohī”ti gharā nīharanti. So vihāraṃ gacchati, neva nam̐ bhikkhū jānanti “ayaṃ uppabbajitvā puna sayameva pabbajito”ti, nāpi sayam̐ jānāti “yo evam̐ pabbajati, so theyyasaṃvāsako nāma hotī”ti. Sace taṃ paripuṇṇavassam̐ upasampādentī, sūpasampanno. Sace pana anupasampannakāleyeva vinayavinicchaye vattamāne suṇāti “yo evam̐ pabbajati, so theyyasaṃvāsako nāma hotī”ti. Tena “mayā evam̐ katan”ti bhikkhūnam̐ ācikkhitabbaṃ, evam̐ puna pabbajjam̐ labhati. Sace “na dāni mam̐ koci jānāti”ti nāroceti, dhuraṃ nikkhittamatte theyyasaṃvāsako.

Bhikkhu sikkham̐ paccakkhāya līgam̐ anapanetvā dussīlakammaṃ katvā vā akatvā vā puna sabbam̐ pubbe vuttam̐ vassagaṇanādibhedam̐ vidhiṃ paṭipajjati, theyyasaṃvāsako hoti. Sikkham̐ appaccakkhāya salīṅge ṭhito methunam̐ paṭisevitvā vassagaṇanādibhedam̐ vidhiṃ āpajjanto theyyasaṃvāsako na hoti, pabbajjāmattam̐ labhati. Andhakaṭṭhakathāyaṃ pana “eso theyyasaṃvāsako”ti vuttam̐, taṃ na gahetabbaṃ.

Eko bhikkhu kāsāye sa-ussāhova odātam̐ nivāsetvā methunam̐ paṭisevitvā puna kāsāyāni nivāsetvā vassagaṇanādibhedam̐ sabbam̐ vidhiṃ āpajjati, ayampi theyyasaṃvāsako na hoti, pabbajjāmattam̐ labhati. Sace pana kāsāye dhuraṃ nikkhipitvā odātam̐ nivāsetvā methunam̐ paṭisevitvā puna kāsāyāni nivāsetvā vassagaṇanādibhedam̐ sabbam̐ vidhiṃ āpajjati, theyyasaṃvāsako hoti.

Sāmaṇero salīṅge ṭhito methunādi-assamaṇakaraṇadhammam̐ āpajjitvāpi theyyasaṃvāsako na hoti. Sacepi kāsāye sa-ussāhova kāsāyāni anapanetvā methunam̐ paṭisevitvā puna kāsāyāni nivāseti, neva theyyasaṃvāsako hoti. Sace pana kāsāye dhuraṃ nikkhipitvā naggo vā odātanivattho vā methunasevanādīhi

1. Vacchavorakkhaṇādīni (Ka)

2. Acchādāpetvā (Sī)

assamaṇo hutvā kāsāyaṃ nivāseti, theyyasamvāsako hoti. Sacepi gihibhāvaṃ patthayamāno kāsāvaṃ ovaṭṭikaṃ vā katvā aññena vā ākārena gihinivāsanena nivāseti “sobhati nu kho me gihiliṅgaṃ na sobhatī”ti vīmaṃsanatthaṃ, rakkhati tāva. “Sobhatī”ti sampaṭicchitvā pana puna liṅgaṃ sādiyanto theyyasamvāsako hoti. Odātaṃ nivāsetvā vīmaṃsanasampaṭicchanesupi eseva nayo.

Sace pana nivatthakāsāyassa upari odātaṃ nivāsetvā vīmaṃsati vā sampaṭicchati vā, rakkhatiyeva. Bhikkhuniyāpi eseva nayo. Sāpi hi gihibhāvaṃ patthayamānā sace kāsāyaṃ gihinivāsaṃ nivāseti “sobhati nu kho me gihiliṅgaṃ na sobhatī”ti vīmaṃsanatthaṃ, rakkhati tāva. Sace “sobhatī”ti sampaṭicchati, na rakkhati. Odātaṃ nivāsetvā vīmaṃsanasampaṭicchanesupi eseva nayo. Nivatthakāsāyassa pana upari odātaṃ nivāsetvā vīmaṃsatu vā sampaṭicchatu vā, rakkhatiyeva.

Sace koci vuḍḍhapabbajito vassāni agaṇetvā Pāḷiyampi aṭṭhatvā ekapassenāgantvā mahāpeḷādīsu kaṭacchunā ukkhitte bhattapiṇḍe pattamā upanāmetvā seno viya maṃsapesiṃ gahetvā gacchati, theyyasamvāsako na hoti. Bhikkhuvassāni pana gaṇetvā gaṇhanto theyyasamvāsako hoti.

Sayaṃ sāmaṇero va sāmaṇerapaṭipāṭiyā kūṭavassāni gaṇetvā gaṇhanto theyyasamvāsako na hoti. Bhikkhu bhikkhupaṭipāṭiyā kūṭavassāni gaṇetvā gaṇhanto bhaṇḍagghena kāretabboti.

Theyyasamvāsakavatthukathā niṭṭhitā.

Titthiyapakkantakakathā

Titthiyapakkantako bhikkhaveti ettha pana titthiyesu pakkanto pavitṭhoti titthiyapakkantako. So na kevalaṃ na upasampādetabbo, atha kho na pabbājetabbopi. Tatrāyaṃ vinicchayo, upasampanno bhikkhu titthiyā bhavissāmīti salīgeneva tesāṃ upassayaṃ gacchati, padavāre padavāre dukkhaṃ. Tesāṃ liṅge ādinnaṃmatte titthiyapakkantako hoti.

Yopi sayameva “titthiyo bhavissāmī”ti kusacīrādīni nivāseti, titthiyapakkantako hotiyeva. Yo pana naggo nhāyanto attānaṃ oloketvā “sobhati me ājīvakabhāvo, ājīvako bhavissāmī”ti kāsāyāni anādāya naggova ājīvakānaṃ upassayaṃ gacchati, padavāre padavāre dukkaṭaṃ. Sace panassa antarāmagge hirottappaṃ uppajjati, dukkaṭāni desetvā muccati. Tesam upassayaṃ gantvāpi tehi vā ovaḍito attanā vā “imesaṃ pabbajjā atidukkhā”ti nivattantopi muccatiyeva.

Sace pana “kim tumhākaṃ pabbajjāya ukkaṭṭhan”ti pucchitvā “kesamassuluñcanādīni”ti vutto ekakesampi luñcāpeti, ukkuṭikappadhānādīni vā vattāni ādiyati, morapiñchādīni vā nivāseti, tesam liṅgaṃ gaṇhāti, “ayaṃ pabbajjā seṭṭhā”ti seṭṭhabhāvaṃ vā upagacchati, na muccati, titthiyapakkantako hoti. Sace pana “sobhati nu kho me titthiyapabbajjā, na nu kho sobhati”ti vīmaṃsanatthaṃ kusacīrādīni vā nivāseti, jaṭaṃ vā bandhati, khārikājaṃ vā ādiyati. Yāva na sampaṭicchati, tāva naṃ laddhi rakkhati, sampaṭicchitamatte titthiyapakkantako hoti. Acchinnacīvaro pana kusacīrādīni nivāseto rājabhayādīhi vā titthiyaliṅgaṃ gaṇhanto laddhiyā abhāvena neva titthiyapakkantako hoti.

Ayaṅca titthiyapakkantako nāma upasampannabhikkhunā kathito, tasmā sāmaṇero saliṅgena titthāyatanam gatopi puna pabbajjaṅca upasampadaṅca labhatīti Kurundiyaṃ vuttaṃ. Purimo pana theyyasaṃvāsako anupasampannena kathito, tasmā upasampanno kūṭavassaṃ gaṇentopi assamaṇo na hoti. Liṅge sa-ussāho pārājikaṃ āpajjitvā bhikkhuvassādīni gaṇentopi theyyasaṃvāsako na hotīti.

Titthiyapakkantakakathā niṭṭhitā.

Tiracchānagatavattukathā

111. Nāgayoniyā aṭṭiyatīti ettha kiñcāpi so pavattiyam kusalavipākena devasampattisadisam issariyasampattim anubhoti,

akusalavipākaṭṭhikassa pana tassa saṅgāyā methunapaṭisevane ca vissatṭhaniddokkamane¹ ca nāgasarīraṃ pātubhavati udakasañcārikam maṇḍūkabhakkham, tasmā so tāya nāgayoniyā aṭṭiyati. **Harāyatīti** lajjati. **Jigucchatīti** attabhāvaṃ jigucchati. **Tassa bhikkhuno nikkhanteti** tasmim bhikkhusmim nikkhante. Atha vā tassa bhikkhuno nikkhamaneti attho. **Vissatṭho niddam okkamīti** tasmim anikkhante vissarabhayena satim avissajjitvā kapimiddhavaseneva² niddāyanto nikkhante satim vissajjitvā vissatṭho nirāsaṅko mahāniddam paṭipajji. **Vissaramakāsīti** bhayavasena samaṇasaññaṃ pahāya virūpaṃ mahāsaddamakāsi.

Tumhe khotthāti tumhe kho attha, akārassa lopaṃ katvā vuttaṃ. Tumhe kho nāgā jhānavipassanāmaggaṭṭhānaṃ abhaddattā imasmim dhammavinaye avirūhidhammā attha, virūhidhammā na bhavathāti ayamettha saṅkhepattho. **Saṅgāyāti** nāgiyā eva. Yadā pana manussitthi-ādibhedāya aññajāyā paṭisevati, tadā devaputto viya hoti. Ettha ca pavattiyam abhiṇṇam sabhāvapātukammadassanavasena “dve paccayā”ti vuttaṃ, nāgassa pana pañcasu kālesu sabhāvapātukammaṃ hoti paṭisandhikāle, tacajahanakāle, saṅgāyā methunakāle, vissatṭhaniddokkamanakāle, cutikāleti.

Tiracchānagato bhikkhaveti ettha nāgo vā hotu supaṇṇamaṇavakādīnaṃ vā aññataro, antamaso Sakkaṃ devarājānaṃ upādāya yo koci amanussajātiyo, sabbova imasmim atthe “tiracchānagato”ti veditabbo. So neva upasampādetabbo, na pabbājetabbo, upasampannopi nāsetabboti.

Tiracchānagatavattukathā niṭṭhitā.

Mātughātakādivattukathā

112. Mātughātakādivattūsu **nikkhantim kareyyanti** nikkhamanaṃ niggamanaṃ apavāhanaṃ kareyyanti attho. **Mātughātako bhikkhaveti** ettha yena

1. Vissatṭhaniddokkamane (Sī)

2. Kapiniddāvaseneva (Sī)

manussitthibhūtā janikā mātā sayampi manussajātikeneva satā sañcicca jīvitā voropitā, ayam ānantariyena mātughātakakammena mātughātakō, etassa pabbajjā ca upasampadā ca paṭikkhittā. Yena pana manussitthibhūtāpi ajanikā posāvanikā mātā vā mahāmātā vā cūlamātā vā janikāpi vā na manussitthibhūtā mātā ghātītā, tassa pabbajjā na vāritā, na ca ānantariko hoti. Yena sayam tiracchānabhūtena manussitthibhūtā mātā ghātītā, sopi ānantariko na hoti, tiracchānagatatā panassa pabbajjā paṭikkhittā. Sesam uttānameva. Pitughātakepi eseva nayo. Sacepi hi vesiyā putto hoti, “ayam me pitā”ti na jānāti, yassa sambhavena nibbato, so ce anena ghātito, “pitughātakō”tveva saṅkhyam gacchati, ānantariyañca phusati.

114. Arahantaghātakopi manussa-arahantavaseneva veditabbo. Manussajātiyam hi antamaso apabbajitampi khīṇāsavam dārakam dārikam vā sañcicca jīvitā voropento arahantaghātakova hoti, ānantariyañca phusati, pabbajjā cassa vāritā. Amanussajātikam pana arahantam manussajātikam vā avasesam ariyapuggalam ghātetvā ānantariyo na hoti, pabbajjāpissa na vāritā, kammam pana balavam hoti. Tiracchāno manussa-arahantampi ghātetvā ānantariyo na hoti, kammam pana bhāriyanti ayamettha vinicchayo. **Te vadhāya onīyantīti** vadhatthāya onīyanti, māretum nīyantīti attho. Yam pana Pāliyam “**sacā ca mayan**”ti vuttam, tassa sace mayanti ayamevattho. “Sace”ti hi vattabbe ettha “sacā ca” iti ayam nipāto vutto, “sace ca” icceva vā pāṭho, tattha saceti sambhāvanatthe nipāto, “ca” iti padapūraṇamatte. “Sacajja mayan”tipi pāṭho, tassa sace ajja mayanti attho.

115. **Bhikkhunidūsako bhikkhaveti** ettha yo pakatattam bhikkhunim tiṇṇam maggānam aññatarasmim dūseti, ayam bhikkhunidūsako nāma. Etassa pabbajjā ca upasampadā ca vāritā. Yo pana kāyasamsaggena sīlavināsam pāpeti, tassa pabbajjā ca upasampadā ca na vāritā. Balakkārena odātavatthavasanaṃ katvā anicchamānamyeva dūsentopi bhikkhunidūsakoyeva, balakkārena pana odātavatthavasanaṃ katvā icchamānam dūsentō

bhikkhunīdūsako na hoti. Kasmā? Yasmā gihibhāve sampañcchitamatteyeva sā abhikkhunī hoti. Sakim sīlavipannaṃ pana pacchā dūsentō sikkhamānāsāmaṇerīsu ca vippañjanto neva bhikkhunīdūsako hoti, pabbajjampi upasampadampi labhati.

Samghabhedako bhikkhavi ettha yo Devadatto viya sāsanaṃ uddhammaṃ ubbinayaṃ katvā catunnaṃ kammānaṃ aññataravasena samghaṃ bhindati, ayaṃ samghabhedako nāma. Etassa pabbajjā ca upasampadā ca vāritā.

Lohituppādako bhikkhavi etthāpi yo Devadatto viya duṭṭhacittena vadhakacittena Tathāgatassa jīvamānakasarīre khuddakamakkhikāya pivanakamattampi lohitaṃ uppādeti, ayaṃ lohituppādako nāma. Etassa pabbajjā ca upasampadā ca vāritā. Yo pana rogavūpasamanatthaṃ jīvako viya satthena phāletvā pūtimaṃsaṅca lohitaṅca nīharitvā phāsuṃ karoti, bahū so puññaṃ pasavatīti.

Ubhatobyañjanakavattukathā

116. **Ubhatobyañjanako bhikkhavi** itthinimittuppādanakammato ca purisanimittuppādanakammato ca ubhato byañjanamassa atthīti **ubhatobyañjanako. Karotī**ti purisanimittena itthīsu methunavītikkamaṃ karoti. **Kārāpetī**ti paraṃ samādapetvā attano itthinimittē kārāpeti. So duvidho hoti itthi-ubhatobyañjanako purisa-ubhatobyañjanakoti.

Tattha itthi-ubhatobyañjanakassa itthinimittaṃ pākāṭaṃ hoti, purisanimittaṃ paṭicchannaṃ. Purisa-ubhatobyañjanakassa purisanimittaṃ pākāṭaṃ, itthinimittaṃ paṭicchannaṃ. Itthi-ubhatobyañjanakassa itthīsu purisattaṃ karontassa itthinimittaṃ paṭicchannaṃ hoti, purisanimittaṃ pākāṭaṃ hoti. Purisa-ubhatobyañjanakassa purisānaṃ itthibhāvaṃ upagacchantassa purisanimittaṃ paṭicchannaṃ hoti, itthinimittaṃ pākāṭaṃ hoti. Itthi-ubhatobyañjanako sayaṅca gabbhaṃ gaṇhāti, paraṅca gaṇhāpeti. Purisa-ubhatobyañjanako pana sayāṃ na gaṇhāti, paraṃ gaṇhāpetīti idametesāṃ nānākaraṇaṃ. Kurundiyaṃ pana vuttaṃ “yadi paṭisandhiyaṃ purisaliṅgaṃ pavatte itthiliṅgaṃ nibbattati. Yadi paṭisandhiyaṃ itthiliṅgaṃ pavatte purisaliṅgaṃ

nibbattatī”ti. Tattha vicāraṇakkamo vitthārato Aṭṭhasālīniyā Dhammasaṅgahaṭṭhakathāya veditabbo. Imassa pana duvidhassāpi ubhatobyañjanakassa neva pabbajjā atthi, na upasampadāti idamidha veditabban.

Anupajjhāyakādivatthukathā

117. **Tena kho pana samayenāti** yena samayena Bhagavatā sikkhāpadaṃ apaññattaṃ hoti, tena samayena. **Anupajjhāyakanti** upajjhaṃ agāhāpetvā sabbena sabbaṃ upajjhāyavirahitaṃ. Evaṃ upasampannā neva dhammato na āmisato saṅgahaṃ labhanti, te parihāyantiyeva, na vaḍḍhanti. **Na bhikkhave anupajjhāyakoti** upajjhaṃ agāhāpetvā nirupajjhāyako na upasampādetabbo. **Yo upasampādeyya āpatti dukkaṭassāti** sikkhāpadapaññattito paṭṭhāya evaṃ upasampādentassa āpatti hoti, kammaṃ pana na kuppati. Keci kuppatīti vadanti, taṃ na gahetabban. **Samghena upajjhāyenāti**-ādīsupi ubhatobyañjanakupajjhāyapariyosānesu eseva nayo.

Apattakādivatthukathā

118. **Hatthesu piṇḍāya carantīti** yo hatthesu piṇḍo labbhati, tadatthāya carantī. **Seyyathāpi titthiyāti** yathā ājīvakanāmakā titthiyā, sūpabyañjanehi missetvā hatthesu ṭhapitapiṇḍameva hi te bhuñjanti. **Āpatti dukkaṭassāti** evaṃ upasampādentasseva āpatti hoti, kammaṃ pana na kuppati. **Acīvarakādivatthūsupi** eseva nayo.

Yācītakenāti yāva upasampadaṃ karoma, tāva dethāti yācitvā gahitena, tāvakālikenaṭi attho. Īdisena hi pattena vā cīvarena vā pattacīvarena vā upasampādentasseva āpatti hoti, kammaṃ pana na kuppati. Tasmā paripuṇṇapattacīvarova upasampādetabbo. Sace tassa natthi, ācariyupajjhāyā cassa dātukāmā honti, aññe vā bhikkhū, nirapekkhehi nissajjitvā adhiṭṭhānupagaṃ pattacīvaraṃ dātabban. Pabbajjāpekkhaṃ pana paṇḍupalāsaṃ yācītakenāpi pattacīvarena pabbājetuṃ vaṭṭati, sabhāgaṭṭhāne vissāsenā gahetvāpi pabbājetuṃ vaṭṭati.

Sace pana apakkaṃ pattaṃ cīvarūpagāni ca vatthāni gahetvā āgato hoti, yāva patto paccati cīvarāni ca kariyanti, tāva vihāre

vasantassa anāmaṭṭhapinḍapātaṃ dātum vaṭṭati, thālake bhuñjitum vaṭṭati, purebhattaṃ sāmaṇerabhāgasamako āmisabhāgo dātum vaṭṭati. Senāsanaggāho pana salākabhatta-uddesabhattanimantanādīni ca na vaṭṭanti. Pacchābhattampi sāmaṇerabhāgasamo telamadhuphāṇitādibhesajjabhāgo vaṭṭati. Sace gilāno hoti, bhesajjamassa kātum vaṭṭati, sāmaṇerassa viya ca sabbaṃ paṭijagganakammanti.

Hatthacchinnādivatthukathā

119. Hatthacchinnādivatthūsu **hatthacchinnoti** yassa hatthatale vā maṇibandhe vā kappare vā yattha katthaci eko vā dve vā hatthā chinnā honti. **Pādacchinnoti** yassa aggapāde vā gopphakesu vā jaṅghāya vā yattha katthaci eko vā dve vā pādā chinnā honti. **Hatthapādacchinnoti** yassa vuttappakāreneva catūsu hatthapādesu dve vā tayo vā sabbe vā hatthapādā chinnā honti. **Kaṇṇacchinnoti** yassa kaṇṇamūle vā kaṇṇasakkhalikāya vā eko vā dve vā kaṇṇā chinnā honti. Yassa pana kaṇṇāviddhe¹ chijjanti, sakkā ca hoti saṅghāṭetum, so kaṇṇaṃ saṅghāṭetvā pabbājetabbo. **Nāsacchinnoti** yassa ajapadake vā agge vā ekapuṭe vā yattha katthaci nāsā chinnā hoti. Yassa pana nāsikā sakkā hoti sandhetum, so taṃ phāsukaṃ katvā pabbājetabbo. **Kaṇṇanāsacchinno** ubhayavasena veditabbo. **Āṅglicchinnoti** yassa nakhasesaṃ adassetvā ekā vā bahū vā āṅguliyo chinnā honti. Yassa pana suttatantumattampi nakhasesaṃ paññāyati, taṃ pabbājetum vaṭṭati. **Aḷacchinnoti** yassa catūsu āṅguṭṭhakesu āṅguliyaṃ vuttanayeneva eko vā bahū vā āṅguṭṭhakā chinnā honti. **Kaṇḍaracchinnoti** yassa kaṇḍaranāmakā mahānhārū purato vā pacchato vā chinnā honti, yesu ekassapi chinnattā aggapādena vā caṅkamati, mūlena vā caṅkamati, na vā pādaṃ paṭiṭṭhāpetum sakkoti.

Phaṇahatthakoti yassa vaggulipakkhakā viya āṅguliyo sambaddhā honti, etaṃ pabbājetukāmena āṅgulantarikāyo phāletvā sabbaṃ antaracammaṃ apanetvā phāsukaṃ katvā pabbājetabbo. Yassapi cha

1. Kaṇṇābaddhe (Ka), kaṇṇabundhe (Syā)

aṅguliyo honti, taṃ pabbājetukāmena adhika-aṅgulim chinditvā phāsukaṃ katvā pabbājetabbo.

Khujjoti yo urassa vā piṭṭhiyā vā passassa vā nikkhantattā khujjasarīro. Yassa pana kiñci kiñci aṅgapaccaṅgaṃ īsakaṃ vaṅkaṃ, taṃ pabbājetuṃ vaṭṭati. Mahāpuriso eva hi brahmujjigatto, avaseso satto akhujjo nāma natthi.

Vāmanoti jaṅghavāmano vā kaṭivāmano vā ubhayavāmano vā. Jaṅghavāmanassa kaṭito paṭṭhāya heṭṭhimakāyo rasso hoti, uparimakāyo paripuṇṇo. Kaṭivāmanassa kaṭito paṭṭhāya uparimakāyo rasso hoti, heṭṭhimakāyo paripuṇṇo. Ubhayavāmanassa ubhopi kāyā rassā honti, yesaṃ rassattā bhūtānaṃ viya parivaṭumo mahākucchighaṭasadiṣo attabhāvo hoti. Taṃ tividhampi pabbājetuṃ na vaṭṭati.

Galagaṇḍīti yassa kumbhaṇḍaṃ viya gale gaṇḍo hoti. Desanāmetameva cetāṃ, yasmiṃ kismiñci pana padese gaṇḍe sati na pabbājetabbo, tattha vinicchayo “na bhikkhave pañcahi ābādhehi phuṭṭho pabbājetabbo”ti ettha vuttanayeneva veditabbo.

Lakkhaṇāhatakasāhatalikhitakesu yaṃ vattabbaṃ, taṃ “na bhikkhave lakkhaṇāhato”ti-ādīsu vuttameva.

Sīpadīti bhārapādo vuccati. Yassa pādo thūlo hoti sañjātapīlako kharo, so na pabbājetabbo. Yassa pana na tāva kharabhāvaṃ gaṇhāti, sakkā hoti upanāhaṃ bandhitvā udaka-āvāṭe pavesetvā udakavālikāya pūretvā yathā sirā paññāyanti, jaṅghā ca telanālikā viya hoti, evaṃ milāpetuṃ sakkā, tassa pādaṃ īdisaṃ katvā taṃ pabbājetuṃ vaṭṭati. Sace puna vaḍḍhati, upasampādentenāpi tathā katvāva upasampādetabbo.

Pāparogīti arisabhagandarapittasemhakāsasosādīsu yena kenaci rogena niccāturo atekiccharogo jeguccho amanāpo. Ayaṃ na pabbājetabbo.

Parisadūsakoti yo attano virūpatāya parisāṃ dūseti, atidīgho vā hoti aññesaṃ sīsappamāṇanābhīppadeso,

atirasso vā ubhayavāmanabhūtarūpaṃ viya, atikālo vā jhāpitakhetto
 khāṇuko viya, accodāto vā dadhitakkādīhi pamajjitamaṭṭhatambalohavaṇṇo,
 atikiso vā mandamaṃsalohito aṭṭhisirācammasarīro viya, atithūlo vā
 bhāriyamaṃso, mahodaro vā mahābhūtasadiso, atimahantasīso vā pacchīm
 sīse katvā ṭhito viya, atikhuddakasīso vā sarīrassa ananurūpena
 atikhuddakena sīsenā samannāgato, kūṭakūṭasīso¹ vā tālaphalapiṇḍisadisena
 sīsenā samannāgato, sikharasīso vā uddham anupbattanukena sīsenā
 samannāgato, nālisīso vā mahāveḷupabbasadisena sīsenā samannāgato,
 kappasīso vā pabbhārasīso vā catūsu passesu yena kenaci passena oṇatena
 sīsenā samannāgato, vaṇasīso vā pūtisīso vā kaṇṇikakeso vā pāṇakehi
 khāyitakedāre sassasadisēhi tahiṃ tahiṃ uṭṭhitehi kesēhi samannāgato,
 nillomasīso vā thūlathaddhakeso vā tālahīrasadisēhi kesēhi samannāgato,
 jātipalitehi paṇḍarasīso vā pakatitambakeso vā ādittehi viya kesēhi
 samannāgato, āvaṭṭasīso vā² gunnaṃ sarīre āvaṭṭasadisēhi uddhaggehi
 kesāvaṭṭehi samannāgato, sīsālomēhi saddhīm ekābaddhabhamukalomo vā
 jālabaddhena viya nalāṭena samannāgato.

Sambaddhabhamuko vā nillomabhamuko vā makkaṭabhamuko vā
 atimahantakkhi vā atikhuddakakkhi vā mahimsacamme vāsikoṇena³
 paharivā katachiddasadisēhi akkhīhi samannāgato, visamakkhi vā ekena
 mahantena ekena khuddakena akkhinā samannāgato, visamacakkalo⁴ vā
 ekena uddham ekena adhoti evaṃ visamajātehi akkhicakkalehi⁵
 samannāgato, kekaro vā gambhīrakkhi vā, yassa gambhīre udapāne
 udakatārakā viya akkhitarākā paññāyanti, nikkhantakkhi vā, yassa
 kakkāṭakasseva akkhitarākā nikkhantā honti, hatthikaṇṇo vā mahatīhi
 kaṇṇasakkhalikāhi samannāgato. Mūsikakaṇṇo vā jaṭukakaṇṇo vā
 khuddikāhi kaṇṇasakkhalikāhi samannāgato, chiddamattakaṇṇo vā, yassa
 vinā

1. Kūṭasīso (Sī), kūṭakūṭakasīso (Syā, Ka)

3. Vāsikaṇṇena (Sī)

5. Akkhicakkhulehi (Sī), akkhicakkehi (Ka)

2. Āvattasīso vā (Sī)

4. Visamacakkhulo (Sī)

kaṇṇasakkhalikāhi kaṇṇachiddamattameva hoti, aviddhakaṇṇo vā, yonakajātiko pana parisadūsako na hoti, sabhāvoyeva hi so tassa. Kaṇṇabhagandariko vā niccapūtinā kaṇṇena samannāgato, gaṇḍakaṇṇo vā sadāpaggharitamattameva kaṇṇena samannāgato, ṭaṅkitakaṇṇo vā gobhattanālikāya aggasadisēhi kaṇṇehi samannāgato, atipiṅgalakkhi vā, madhupiṅgalam̐ pana pabbājetum̐ vaṭṭati. Nippakhumakkhi vā assupaggharaṇakkhi vā pupphitakkhi vā akkhipākena samannāgatakkhi vā.

Atimahantanāsiko vā atikhuddakanāsiko vā cipiṭanāsiko vā majjhe appatiṭṭhahitvā ekapasse ṭhitavaṅkanāsiko vā dīghanāsiko vā sukatuṇḍasadisāya jivhāya lehitum̐ sakkuṇeyyāya nāsikāya samannāgato, niccapaggharitasīṅghānikanāso vā.

Mahāmukho vā, yassa paṭaṅgamaṇḍūkasseva mukhanimittam̐yeva mahantaṃ hoti, mukham̐ pana lābusadisam̐ atikhuddakam̐. Bhinnamukho vā vaṅkamukho vā mahā-oṭṭho vā ukkhalimukhavatṭhisadisēhi oṭṭhehi samannāgato. Tanuka-oṭṭho vā bhericammasadisēhi dante pidahitum̐ asamatthehi oṭṭhehi samannāgato, mahādharoṭṭho vā tanuka-uttaroṭṭho vā tanuka-adharoṭṭho vā mahā-uttaroṭṭho vā oṭṭhachinnako vā eḷamukho vā uppakkamukho vā saṅkhatuṇḍako vā bahisetehe anto atirattehe oṭṭhehi samannāgato, duggandhakuṇapamukho vā.

Mahādanto vā aṭṭhakadantasadisēhi dantehe samannāgato, asuradanto vā heṭṭhā vā upari vā bahinikkhantadanto. Yassa pana sakkā hoti oṭṭhehi pidahitum̐, kathentasseva paññāyati, no akathentassa, tam̐ pabbājetum̐ vaṭṭati. Pūtidanto vā niddanto vā, yassa pana dantantare kalandakadanto viya sukhumadanto hoti, tam̐ pabbājetum̐ vaṭṭati.

Mahāhanuko vā gohanusadisena hanunā samannāgato, dīghananuko vā cipiṭahanuko vā antopaviṭṭhena viya atirassena hanukena samannāgato, bhinnahanuko vā vaṅkahanuko vā, nimmassudāṭṭhiko vā bhikkhunisadisamukho dīghagalo vā bakagalasadisena galena samannāgato, rassagalo vā antopaviṭṭhena viya galena samannāgato, bhinnagalo vā bhaṭṭha-aṃsakūṭo vā ahattho vā ekahattho vā

atirassahattho vā atidīghahattho vā bhinna-uro vā bhinnapiṭṭhi vā kacchugatto vā kaṇḍugatto vā daddugatto vā godhāgatto vā, yassa godhāya viya gattako cuṇṇāni patanti. Sabbañcetaṃ virūpakaraṇaṃ sandhāya vitthārikavasena vuttaṃ. Vinicchayo panettha “na bhikkhave pañcahi ābādhehi”ti ettha vuttanayeneva veditabbo.

Bhaṭṭhakaṭiko vā mahā-ānisado vā uddhanakūṭasadisehi ānisadamañsehi accuggatehi samannāgato, mahā-ūruko vā vātaṇḍiko vā mahājāṇuko vā saṅghaṭṭanajāṇuko vā dīghajaṅgho vā yaṭṭhisadisajaṅgho, vikaṭo va paṇho vā¹ ubbaddhapiṇḍiko² vā, so duvidho heṭṭhā oruḷhāhi vā upari āruḷhāhi vā mahatīhi jaṅghapiṇḍikāhi samannāgato, mahājaṅgho vā thūlajaṅghapiṇḍiko vā mahāpādo vā mahāpaṇhi vā piṭṭhikapādo vā pādavemajjhato utṭhitajaṅgho, vaṅkapādo vā, so duvidho anto vā bahi vā parivattapādo, gaṇṭhikaṅguli vā siṅgiveraphaṇasadisāhi aṅgulīhi samannāgato, andhanakho vā kāḷavaṇṇehi pūtinakhehi samannāgato, sabbopi esa parisadūsako. Evarūpo parisadūsako na pabbājetabbo.

Kāṇoti pasannandho vā hotu pupphādīhi³ vā upahatapasādo, yo dvīhi vā ekena vā akkhinā na passati, so na pabbājetabbo. Mahāpaccariyaṃ pana ekakkhikāṇo kāṇoti vutto, dvi-akkhikāṇo andhena saṅgahito. Mahā-aṭṭhakathāyaṃ jaccandho andhoti vutto. Tasmā ubhayampi pariyaēna yujjati. **Kuṇṭi** hatthakuṇi vā pādakuṇi vā aṅgulikuṇi vā, yassa etesu hatthādīsū yaṃkiñci vaṅkaṃ paññāyati, so kuṇi nāma. **Khañjoti** natajāṇuko vā bhinnajaṅgho vā, majjhe saṅkuṭitapādattā kuṇḍapādako vā, piṭṭhipādamajjhena caṅkamanto agge saṅkuṭitapādattā kuṇḍapādako vā, piṭṭhipādaggena caṅkamanto aggapādeneva caṅkamanakhañjo vā, paṇhikāya caṅkamanakhañjo vā, pādassa bāhirantena caṅkamanakhañjo vā, pādassa abhantarantena caṅkamanakhañjo vā, gopphakānaṃ upari bhaggattā sakalena piṭṭhipādena caṅkamanakhañjo vā, sabbopesa khañjo yeva, so na pabbājetabbo.

1. saṅghāto vā (Sī), saṇḍo vā (Syā) 2. Upaddhapiṇḍiko (Ka) 3. Pubbādīhi (Ka)

Pakkhahatoti yassa eko hattho vā pādo vā aḍḍhasarīraṃ vā sukhaṃ na vahati. **Chinniriyaṭṭhō** piṭhasappi vuccati. **Jarādubbaloti** jīṇṇabhāvena dubbalo attano cīvararajanādikammaṃ kātumpi asamattho. Yo pana mahallakopi balavā hoti attānaṃ paṭijjaggituṃ sakkoti, so pabbājetabbo. **Andhoti** jaccandho vuccati. **Mūgoti** yassa vacībhedo nappavattati, yassāpi pavattati, saraṇagamanamāṃ pana paripuṇṇamāṃ bhāsituṃ na sakkoti, tādisamāṃ mammanampi pabbājetuṃ na vaṭṭati. Yo pana saraṇagamanamattamāṃ paripuṇṇamāṃ bhāsituṃ sakkoti, tam pabbājetuṃ vaṭṭati.

Badhiroti yo sabbena sabbamāṃ na suṇāti. Yo pana mahāsaddamāṃ suṇāti, tam pabbājetuṃ vaṭṭati. **Andhamūgā**dayo ubhayadosavasena vuttā. Yesaṅca pabbajjā paṭikkhattā, upasampadāpi tesamāṃ paṭikkhattāva. Sace pana te saṃgho upasampādeti, sabbepi hatthacchinnādayo sūpasampannā, kārakasaṃgho pana ācariyupajjhāyā ca āpattito na muccanti. Vakkhati ca “atthi bhikkhave puggalo appatto osāraṇamāṃ, taṅce saṃgho osāreti, ekacco su-osārito ekacco du-osārito”ti, tassattho āgataṭṭhāneyeva āvi bhavissatīti.

Hatthacchinnādivatthukathā niṭṭhitā.

Alajjīnissayavatthukathā

120. **Alajjīnamāṃ nissāya vasantīti** upayogatthe sāmivacanamāṃ, alajjipuggale nissāya vasantīti attho. **Yāva bhikkhusabhāgataṃ jānāmīti** nissayadāyakassa bhikkhuno bhikkhūhi sabhāgataṃ lajjibhāvamāṃ yāva jānāmīti attho. Tasmā navamāṃ ṭhānamāṃ gatena “ehi bhikkhu, nissayamāṃ gaṇhāhi”ti vuccamānenāpi catūhapañcāhamāṃ nissayadāyakassa lajjibhāvamāṃ upaparikkhitvā nissayo gahetabbo.

Sace “thero lajji”ti bhikkhūnamāṃ santike sutvā āgatadivaseyeva gahetukāmo hoti, thero pana “āgamehi tāva, vasanto jānissasī”ti katipāhamāṃ ācāramāṃ upaparikkhitvā nissayamāṃ deti, vaṭṭati. Pakatīyā nissayaggahaṇaṭṭhānamāṃ gatena tadaheva gahetabbo, ekadivasampi

parihāro natthi. Sace paṭhamayāme ācariyassa okāso natthi, okāsaṃ alabhanto “paccūsasamaye gahessāmi”ti sayati, aruṇaṃ uggatampi na jānāti, anāpatti. Sace pana “gaṇhissāmi”ti ābhogaṃ akatvā sayati, aruṇuggamane dukkaṭaṃ. Agatapubbaṃ ṭhānaṃ gatena dve tīṇi divasāni vasitvā gantukāmena anissitena vasitabbaṃ. “Sattāhaṃ vasissāmi”ti ālayaṃ karontena pana nissayo gahetabbo. Sace thero “kiṃ sattāhaṃ vasantassa nissayenā”ti vadati, paṭikkhittakālato paṭṭhāya laddhaparihāro hoti.

Gamikādinissayavatthukathā

121. **Nissayakaraṇīyoti** karaṇīyanissayo, karaṇīyo mayā nissayo, gahetabboti attho. **Nissayaṃ alabhamānenāti** attanā saddhim addhānamaggappaṭipannesu nissayadāyake asati nissayaṃ na labhati nāma. Evaṃ alabhantena anissitena bahūnipi divasāni gantabbaṃ. Sace pubbepi nissayaṃ gahetvā vutthapubbaṃ kañci āvāsaṃ pavisati, ekarattaṃ vasantenāpi nissayo gahetabbo. Antarāmagge vissamanto vā satthaṃ pariyesanto vā katipāhaṃ vasati, anāpatti. Antovasse pana nibaddhavāsaṃ vasitabbaṃ, nissayo ca gahetabbo. Nāvāya gacchantassa pana vassāne āgatepi nissayaṃ alabhantassa anāpatti.

Yāciyamānenāti tena gilānena yāciyamānena anissitena vasitabbaṃ. Sace “yācāhi man”ti vuccamānopi gilāno mānena na yācati, gantabbaṃ.

Phāsu hotīti samathavipassanānaṃ paṭilābhavasena phāsu hoti. Imañhi parihāraṃ neva sotāpanno na sakadāgāmī anāgāmī arahanto labhanti, na thāmagatassa samādhino vā vipassanāya vā lābhī, vissaṭṭhakammaṭṭhāne pana bālaputhujjane kathāva natthi. Yassa kho pana samatho vā vipassanā vā taruṇā hoti, ayaṃ imaṃ parihāraṃ labhati, pavāraṇasaṅgahopi etasseva anuññāto. Tasmā iminā puggalena ācariye pavāretvā gatepi “yadā patirūpo nissayadāyako āgacchissati, tassa nissāya vasissāmi”ti ābhogaṃ katvā puna

yāva āsāḷhīpuṇṇamā, tāva anissitena vatthum vaṭṭati. Sace pana āsāḷhīmāse ācariyo nāgacchati, yattha nissayo labbhati, tattha gantabban.

122. **Gottenapi anussāvetunti** “Mahākassapassa upasampadāpekkho”ti evaṃ gottaṃ vatvā anussāvetuṃ anujānāmīti attho.

123. **Dve ekānussāvaneti** dve ekato anussāvane, ekena ekassa, aññena itarassāti evaṃ dvīhi vā ācariyehi ekena vā ekakkhaṇe kammavācam anussāventehi upasampādetuṃ anujānāmīti attho.

Dve tayo ekānussāvane kātuṃ, tañca kho ekena upajjhāyenāti dve vā tayo vā jane purimanayeneva ekato anussāvane kātuṃ anujānāmi, tañca kho anussāvanakiriyaṃ ekena upajjhāyena anujānāmīti attho. Tasmā ekena ācariyena dve vā tayo vā anussāvetabbo. Dvīhi vā tīhi vā ācariyehi visuṃ visuṃ ekena ekassāti evaṃ ekappahārenea dve tisso vā kammavācā kātabbā. Sace pana nānācariyā nānupajjhāyā honti, Tissatthero Sumanattherassa saddhivihārikaṃ, Sumanatthero Tissattherassa saddhivihārikaṃ anussāveti, aññamaññañca gaṇapūrakā honti, vaṭṭati. Sace pana nānā-upajjhāyā honti, eko ācariyo hoti, “natveva nānupajjhāyenā”ti paṭikkhittattā na vaṭṭati, idaṃ sandhāya hi esa paṭikkhepo.

Upasampadāvidhikathā

126. **Paṭhamam upajjham gāhāpetabboti** ettha vajjāvajjam upanijjhāyatīti upajjhā. Taṃ upajjham “upajjhāyo me bhante hohi”ti evaṃ vadāpetvā gāhāpetabbo. **Vitthāyantīti** vitthaddhagattā honti.¹ **Yaṃ jātanti** yaṃ tava sarīre jātam nibbattaṃ vijjamānaṃ, taṃ saṃghamajjhe pucchante santaṃ atthīti vattabbanti-ādi¹. **Ullumpatu manti** uddharatu maṃ.

1-1. Ayam Pāli Sī-Syā-pothakesu natthi.

Cattāronissayādikatha

128. **Tāvadevā**ti upasampannasamanantarameva. **Chāyā metabbā**ti ekaporisā vā dviporisā vāti chāyā metabbā. **Utuppamāṇaṃ ācikkhitabbanti** “vassāno hemanto gimho”ti evaṃ utuppamāṇaṃ ācikkhitabbaṃ. Ettha ca utuyeva utuppamāṇaṃ. Sace vassānādayo aparipuṇṇā honti, yattakehi divasehi yassa yo utu aparipuṇṇo, te divase sallakkhetvā so **divasabhāgo** ācikkhitabbo. Atha vā ayaṃ nāma utu, so ca kho paripuṇṇo vā aparipuṇṇo vāti evaṃ utuppamāṇaṃ ācikkhitabbaṃ. “Pubbaṇho vā sāyanho vā”ti evaṃ divasabhāgo ācikkhitabbo. **Saṅgītī**ti idameva sabbaṃ ekato katvā “tvaṃ kiṃ labhasi, kā te chāyā, kiṃ utuppamāṇaṃ, ko divasabhāgo”ti puṭṭho “idaṃ nāma labhāmi vassaṃ vā hemantaṃ vā gimhaṃ vā, ayaṃ me chāyā, idaṃ utuppamāṇaṃ, ayaṃ divasabhāgoti vadeyyāsī”ti evaṃ ācikkhitabbaṃ.

129. **Ohāyā**ti chaḍḍetvā. **Dutiyam dātunti** upasampadamālakato¹ pariveṇaṃ gacchantassa dutiyakaṃ dātum anujānāmi cattāri ca akaraṇīyāni ācikkhitunti attho. **Paṇḍupalāsoti** paṇḍuvaṇṇo patto. **Bandhanā pavuttoti** vaṇṇato patito. **Abhabbo haritatthāyā**ti puna harito bhavitum abhabbo. **Puthusilā**ti mahāsila.

130. **Alabbhamānāya sāmaggīyā anāpatti sambhoge samvāseti** yāva tassa ukkhepanīyakammakaraṇatthāya sāmaggī na labbhati, tāva tena saddhiṃ sambhoge ca uposathapavāraṇādikaraṇabhede samvāse ca anāpattīti. Sesam sabbattha Mahāvibhaṅge vuttānusārena suviññeyyattā pākaṭamevāti.

Samantapāsādikāya Vinayasamvaṇṇanāya

Dvāsattati-adhikavatthusatapaṭimaṇḍitassa Mahākhandhakassa

Atthavaṇṇanā niṭṭhitā.

Mahākhandhakavaṇṇanā niṭṭhitā.

1. Upasampadamālakato (Syā, Ka)

2. Uposathakkhandhaka

Sannipātānujānanādikathā

132. Uposathakkhandhake **aññatitthiyā**ti ettha tittham vuccati laddhi, aññam tittham aññatittham, aññatittham etesam atthīti **aññatitthiyā**, ito aññaladdhikāti vuttam hoti. **Dhammam bhāsantī**ti yam tesam kattabbākattabbam, tam kathenti. **Te labhantī**ti te manussā labhanti. **Mūgasūkarā**ti thūlasarīrasūkarā.

135. **Anajjhāpanno vā hoti āpajjitvā vā vuṭṭhitoti** ettha yam āpattim bhikkhu anajjhāpanno vā hoti, āpajjitvā vā vuṭṭhito, ayam asantī nāma āpattīti evamattho veditabbo. **Sampajānamusāvāde kim hotīti** yvāyam sampajānamusāvādo assa hotīti vutto, so āpattito kim hoti, katarā āpatti hotīti attho. **Dukkaṭam hotīti** dukkaṭāpatti hoti, sā ca kho na musāvādalakkhaṇena, Bhagavato pana vacanena vacīdvāre akiriyasamuṭṭhānā āpatti hotīti veditabbā. Vakkhati hi—

“Anālapanto manujena kenaci,
Vācāgiram no ca pare bhaṇeyya.
Āpajjeyya vācasikam na kāyikam,
Pañhā mesā kusalehi cintitā”¹.

Antarāyikoti antarāyakaro. **Kissa phāsu hotīti** kimatthāya phāsu hoti. **Paṭhamassa jhānassa adhigamāyāti** paṭhamassa jhānassa adhigamanatthāya tassa bhikkhuno phāsu hoti sukham hoti, esa nayo sabbattha. Iti Bhagavā uddesato ca niddesato ca paṭhamam pātimokkhuddesam dassesi.

136. **Devasikanti** divase divase. **Cātuddase vā pannarase vāti** ekassa utuno tatiye ca sattame ca pakkhe dvikkhattum cātuddase avasese chakkhattum pannarase, ayam tāva eko attho. Ayam pana

1. Vi 5. 374 piṭṭhe.

pakaticārittavasena vutto, “sakiṃ pakkhassa cātuddase vā pannarase vā”ti vacanato pana tathārūpe paccaye sati yasmiṃ tasmīṃ cātuddase vā pannarase vā uddisituṃ vaṭṭati, “āvāsikānaṃ bhikkhūnaṃ cātuddaso hoti, āgantukānaṃ pannaraso. Sace āvāsikā bahutarā honti, āgantukehi āvāsikānaṃ anuvattitabban”ti vacanatopi cetāṃ veditabbaṃ.

Sīmānujānanakathā

138. **Paṭhamam nimittā kittetabbā**ti vinayadharena pucchitabbaṃ “puratthimāya disāya kiṃ nimittan”ti. Pabbato bhanteti. Puna vinayadharena “eso pabbato nimittan”ti evaṃ nimittam kittetabbaṃ. “Etam pabbatam nimittam karoma, karissāma, nimittam kato, nimittam hotu, hoti, bhavissati”ti evaṃ pana kittetuṃ na vaṭṭati. Pāsāṇādīsupi eseva nayo. Puratthimāya anudisāya. Dakkhiṇāya disāya. Dakkhiṇāya anudisāya. Pacchimāya disāya. Pacchimāya anudisāya. Uttarāya disāya. Uttarāya anudisāya kiṃ nimittam? Udakam bhante. Etam udakam nimittanti, ettha pana aṭṭhatvā puna “puratthimāya disāya kiṃ nimittam? Pabbato bhante. Eso pabbato nimittan”ti evaṃ paṭhamam kittitanimittam kittetvāva ṭhapetabbaṃ. Evañhi nimittena nimittam ghaṭitam hoti. Evaṃ nimittāni kittetvā athānantaram vuttāya kammavācāya sīmā sammannitabbā. Kammavācāpariyosāne nimittānaṃ anto sīmā hoti, nimittāni sīmato bahi honti. Tattha nimittāni sakiṃ kittikānipi kittitāneva honti. Andhakaṭṭhakathāyaṃ pana “tikkhattum sīmamaṇḍalam sambandhantena nimittam kittetabban”ti vuttam. “Pabbato bhante”ti -pa- “udakam bhante”ti evaṃ pana upasampanno vā ācikkhatu anupasampanno vā, vaṭṭati yeva.

Idāni pabbatanimittādīsū evaṃ vinicchayo veditabbo—tividho pabbato suddhapaṃsupabbato suddhapāsāṇapabbato ubhayamissakoti. So tividhopi vaṭṭati, vālikarāsi pana na vaṭṭati, itaropi hatthippamāṇato omakatāro na vaṭṭati. Hatthippamāṇato pana paṭṭhāya sineruppamāṇopi vaṭṭati. Sace catūsū disāsū cattāro tīsū vā tayo pabbatā honti, catūhi vā tīhi vā pabbatanimittehi eva sammannitum vaṭṭati, dvīhi pana nimittehi

ekena vā sammannitum na vaṭṭati, ito paresu pāsāṇanimittādīsupi eseva nayo. Tasmā pabbatanimittam karontena pucchitabbam “ekābaddho? Na ekābaddho”ti. Sace ekābaddho hoti, na kātabbo. Tam hi catūsu vā aṭṭhasu vā disāsu kittentenāpi ekameva nimittam kittitam hoti, tasmā yo evam cakkasaṅṭhānena vihāram parikkhipitvā ṭhito pabbato, tam ekadisāya kittetvā aññāsu disāsu tam bahiddhā katvā anto aññāni nimittāni kittetabbāni.

Sace pabbatassa tatiyabhāgam vā upaḍḍham vā antosīmāya kattukāmā honti, pabbatam akittetvā yattakam padesam anto kattukāmā, tassa parato tasmim yeva pabbate jātarukkhavammikādīsu aññataram nimittam kittetabbam. Sace ekayo janadvijoyanappamāṇam sabbam pabbatam anto kattukāmā honti, pabbatassa parato bhūmiyam jātarukkhavammikādīni nimittāni kittetabbāni. (1)

Pāsāṇanimitte ayagūlopi pāsāṇasaṅkhyameva gacchati, tasmā yo koci pāsāṇo vaṭṭati. Pamāṇato pana hatthippamāṇo pabbatasaṅkhyam gato, tasmā so na vaṭṭati. Mahāgoṇamahāmahimsappamāṇo pana vaṭṭati. Heṭṭhimaparicchena dvattimsapalagūlapinḍaparimāṇo vaṭṭati, tato khuddakataro iṭṭhakā vā mahantīpi na vaṭṭati. Animittupagapāsāṇarāsipi na vaṭṭati, pag eva paṁsuvālikarāsi. Bhūmisamo khalamaṇḍalasadiso piṭṭhipāsāṇo vā bhūmito khāṇuko viya uṭṭhitapāsāṇo vā hoti, sopi pamāṇupago ce, vaṭṭati. Piṭṭhipāsāṇo atimahantopi pāsāṇasaṅkhyameva gacchati, tasmā sace mahato piṭṭhipāsāṇassa ekappadesam antosīmāya kattukāmā honti, tam akittetvā tassupari añño pāsāṇo kittetabbo. Sace piṭṭhipāsāṇupari vihāram karonti, vihāramajjhena vā piṭṭhipāsāṇo vinivijjhivā gacchati, evarūpo piṭṭhipāsāṇo na vaṭṭati. Sace hi tam kittenti, nimittassa upari vihāro hoti, nimittaṅca nāma bahisīmāya hoti, vihāropi bahisīmāyam āpajjati. Vihāram parikkhipitvā ṭhitapiṭṭhipāsāṇo ekattha kittetvā aññattha na kittetabbo. (2)

Vananimitte tiṇavanam vā tacasāratālanāḷikerādirukkhavanam vā na vaṭṭati. Antosārānam pana sākasālādīnam antosāramissakānam vā

rukkhānaṃ vanaṃ vaṭṭati, tañca kho heṭṭhimaparicchena catupañcarukkhamattampi, tato oraṃ na vaṭṭati, paraṃ yojanasatikampi vaṭṭati. Sace pana vanamajjhe vihāraṃ karonti, vanaṃ na kittetabbaṃ. Ekadesaṃ antosīmāya kattukāmehipi vanaṃ akittetvā tattha rukkhapāsāṇādayo kittetabbā. Vihāraṃ parikkhipitvā ṭhitavanaṃ ekattha kittetvā aññattha na kittetabbaṃ. (3)

Rukkhanimutte tacasāro tālanāḷikerādirukkho na vaṭṭati, antosāro jīvamānako antamaso ubbedhato aṭṭhaṅgulo pariṇāhato sūcidaṇḍakappamāṇopi vaṭṭati, tato oraṃ na vaṭṭati, paraṃ dvādasayojano suppatiṭṭhitaniḅrodhopi vaṭṭati. Vaṃsa-naḷaka-sarāvādisu bījaṃ ropetvā vadḍhāpito pamāṇupagopi na vaṭṭati. Tato apanetvā pana taṅkhaṇampi bhūmiyaṃ ropetvā koṭṭhakaṃ katvā udakaṃ āsiñcitvā kittetuṃ vaṭṭati, navamūlasākhāniggamanaṃ akāraṇaṃ. Khandhaṃ chinditvā ropite pana etaṃ yujjati. Kittentena ca “rukkho”tipi vattuṃ vaṭṭati, “sākarukkhotipi sālarukkho”tipi. Ekābaddhaṃ pana suppatiṭṭhita-niḅrodha-sadisāṃ ekattha kittetvā aññattha kittetuṃ na vaṭṭati. (4)

Magganimutte araññakhattanadīḷākamaggādayo na vaṭṭanti, jaṅghamaggo vā sakaṭamaggo vā vaṭṭati, yo nibbijjhivā dve tīṇi gāmantarāni gacchati. Yo pana jaṅghamaggo sakaṭamaggato okkamitvā¹ puna sakaṭamaggameva otarati, ye vā jaṅghamaggasakaṭamaggā avalāñjā, te na vaṭṭanti. Jaṅghasatthasakaṭasatthehi vaḷaṅḅijyamānā yeva vaṭṭanti. Sace dve maggā nikkhamitvā pacchā sakaṭadhuraṃmiva ekībhavanti, dvidhā bhinnaṭṭhāne vā sambandhaṭṭhāne vā sakiṃ kittetvā puna na kittetabbā, ekābaddhanimittaṃ hetam hoti.

Sace vihāraṃ parikkhipitvā cattāro maggā catūsu disāsu gacchanti, majjhe ekaṃ kittetvā aparaṃ kittetuṃ na vaṭṭati, ekābaddhanimittaṃ hetam hoti. Koṇaṃ nibbijjhivā gatamaggaṃ pana parabhāge kittetuṃ vaṭṭati. Vihāramajjhena nibbijjhivā gatamaggo pana na kittetabbo. Kittite nimittassa upari vihāro hoti. Sace sakaṭamaggassa antimacakkamaggaṃ nimittaṃ karonti, maggo bahisīmāya hoti. Sace bāhiracakkamaggaṃ nimittaṃ karonti, bāhiracakkamaggova bahisīmāya hoti, sesaṃ antosīmaṃ bhajati.

1. Ukkamitvā (Sī, Syā)

Maggaṃ kittentena “maggo pantho patho pajjo”ti dasasu yena kenaci nāmena kittetuṃ vaṭṭati. Parikhāsaṅṭhānena vihāraṃ parikkhipitvā gatamaggo ekattha kittetvā aññattha kittetuṃ na vaṭṭati. (5)

Vammikanimitte heṭṭhimaparicchedena taṃ divasaṃ jāto aṭṭhaṅgulubbedho govisāṇappamāṇopi vammiko vaṭṭati, tato oraṃ na vaṭṭati, paraṃ Himavantapabbatasadisopi vaṭṭati. Vihāraṃ parikkhipitvā ṭhitam pana ekābaddham ekattha kittetvā aññattha kittetuṃ na vaṭṭati. (6)

Nadīnimitte yassā dhammikānaṃ rājūnaṃ kāle anvaddhamāsaṃ anudasāhaṃ anupañcāhanti evaṃ anatikkamitvā deve vassante valāhakesu vigatamattesu sotaṃ pacchijjati, ayaṃ nadīsaṅkhyāṃ na gacchati. Yassa pana īdise suvuṭṭhikāle vassānassa cātumāse sotaṃ na pacchijjati, timaṇḍalaṃ paṭicchādetvā yattha katthaci uttarantiyā bhikkhuniyā antaravāsako temiyati, ayaṃ nadīsaṅkhyāṃ gacchati, sīmaṃ bandhantānaṃ nimittaṃ hoti, bhikkhuniyā nadīpāragamanepi uposathādisaṅghakammakaraṇepi nadīpārasīmasammannanepi ayameva nadī.

Yā pana maggo viya sakaṭadhurasāṅṭhānena vā parikhāsaṅṭhānena vā vihāraṃ parikkhipitvā gatā, taṃ ekattha kittetvā aññattha kittetuṃ na vaṭṭati. Vihārassa catūsu disāsu aññamaññaṃ vinibbijhitvā gate nadicatukkepi eseva nayo. Asammissa-nadiyo pana catassopi kittetuṃ vaṭṭati. Sace vatim karonto viya rukkhapāde nikhaṇitvā vallipalālādīhi nadisotaṃ rumbhanti¹, udakañca ajjhottharivā āvaraṇaṃ pavattati yeva, nimittaṃ kātuṃ vaṭṭati. Yathā pana udakaṃ na ppavattati, evaṃ setumhi kate appavattamānā nadī nimittaṃ kātuṃ na vaṭṭati. Pavattanaṭṭhāne nadinimittaṃ, appavattanaṭṭhāne udakanimittaṃ kātuṃ vaṭṭati.

Yā pana dubbuṭṭhikāle vā gimhe vā nirudakabhāvena na ppavattati, sā vaṭṭati. Mahānadito udakamātikaṃ nīharanti, sā kunnadisadisā hutvā tīṇi sassāni sampādentī niccaṃ pavattati, kiñcāpi pavattati, nimittaṃ kātuṃ na vaṭṭati. Yā pana mūle mahānadito niggatāpi kālantarena teneva

1. Rujjhanti (Ka)

niggatamaggena nadim̄ bhinditvā sayañca gacchati, gacchantī parato susumārādisamākiñṇā nāvādīhi sañcaritabbā nadī hoti, taṃ nimittam̄ kātum̄ vaṭṭati. (7)

Udakanimitte nirudake ṭhāne nāvāya vā cāṭi-ādīsu vā udakam̄ pūretvā udakanimittam̄ kittetum̄ na vaṭṭati, bhūmigatameva vaṭṭati. Tañca kho appavattana-udakam̄ āvāṭapokkharaniṭaḷākajātassaraloṇisamuddādīsu ṭhitam̄, aṭṭhitam̄ pana oghanadi-udakavāhakamātīkādisu udakam̄ na vaṭṭati. Andhakaṭṭhakathāyam̄ pana “gambhīresu āvāṭādīsu ukkhepimam̄ udakam̄ nimittam̄ na kātabban”ti vuttam̄, taṃ duvuttam̄ attanomatimattameva. Ṭhitam̄ pana antamaso sūkarakhatāyapi gāmadārakānam̄ kīlanavāpiyampi taṅkhaṇaññeva pathaviyam̄ āvāṭakam̄ katvā kuṭehi āharitvā pūrita-udakampi sace yāva kammavācāpariyosānā tiṭṭhati appam̄ vā hotu bahu vā, vaṭṭati. Tasmim̄ pana ṭhāne nimittasaññākaraṇattham̄ pāsāṇavālikāpamsu-ādirāsi vā pāsāṇatthambho vā dārutthambho vā kātabbo. Tam̄ kātuñca kāretuñca bhikkhussa vaṭṭati. Lābhasīmāyam̄ pana na vaṭṭati. Samānasam̄vāsakasīmā kassaci pīlanam̄ na karoti, kevalam̄ bhikkhūnam̄ vinayakammameva sādheti, tasmā ettha vaṭṭati. (8)

Imehi ca aṭṭhahi nimittehi asammisshehipi aññamaññam̄ sammissehipi sīmam̄ sammannitum̄ vaṭṭati yeva. Sā evam̄ sammannitvā bajjhamānā ekena dvīhi vā nimittehi abaddhā hoti, tīhi pana ādim̄ katvā vuttappakārānam̄ nimittānam̄ satenāpi baddhā hoti, sā tīhi siṅghāṭakasaṅṭhānā hoti, catūhi caturassā vā siṅghāṭaka-aḍḍhacandamudiṅgādisaṅṭhānā vā, tato adhikehi nānāsaṅṭhānā¹. Tam̄ bandhitukāmehi sāmantavihāresu bhikkhū tassa tassa vihārassa sīmāparicchedam̄ pucchitvā baddhasīmavihārānam̄ sīmāya sīmantarikam̄, abaddhasīmavihārānam̄ sīmāya upacāram̄ ṭhapetvā disācārikabhikkhūnam̄ nissañcārasamaye sace ekasmim̄ gāmakhette sīmam̄ bandhitukāmā, ye tatha baddhasīmavihārā, tesu bhikkhūnam̄ “mayam̄ ajja sīmam̄ bandhissāma, tumhe sakasīmāparicchedato mā nikkhamitthā”ti pesetabban̄. Ye abaddhasīmavihārā, tesu bhikkhū ekajjam̄ sannipātetabbā, chandārahānam̄ chando āharāpetabbo. Sace aññānipi gāmakhettāni

1. Nānāsaṅṭhānā vā (Syā, Ka)

antokātukāmā, tesu gāmesu ye bhikkhū vasanti, tehipi āgantabbaṃ.
 Anāgacchantānaṃ chando āharitabboti Mahāsumatthero āha.
 Mahāpadumatthero pana “nānāgāmakhettāni nāma pāṭekkaṃ
 baddhasīmāsadisāni, na tato chandapārisuddhi āgacchati. Antonimittagatehi
 pana bhikkhūhi āgantabbaṃ”ti vatvā puna āha
 “samānasaṃvāsakasīmāsammannanakāle āgamanampi anāgamanampi
 vaṭṭati. Avippavāsasīmāsammannanakāle pana antonimittagatehi
 āgantabbaṃ, anāgacchantānaṃ chando āharitabbo”ti.

Evam sannipatitesu pana bhikkhūsu chandārahānaṃ chande āhaṭe tesu
 tesu maggesu nadītittha-gāmadvārādīsu ca āgantukabhikkhūnaṃ sīghaṃ
 sīghaṃ¹ hatthapāsānayanatthañca bahisīmākaraṇatthañca ārāmike ceva
 samaṇuddese ca ṭhapetvā bherisaññaṃ vā saṅkhasaññaṃ vā katvā
 nimittakittanānantaraṃ vuttāya “suṇātu me bhante saṅgho”ti-ādikāya
 kammavācāya sīmā bandhitabbā. Kammavācāpariyosāne yeva nimittāni bahi
 katvā heṭṭhā pathavisandhārakaṃ udakaṃ pariyantaṃ katvā sīmā gatā hoti.

Imaṃ pana samānasaṃvāsakasīmaṃ sammannantehi
 pabbajjupasampadādīnaṃ saṅghakammānaṃ sukhakaraṇatthaṃ paṭhamaṃ
 khaṇḍasīmā bandhitabbā. Taṃ pana bandhantehi vattaṃ jānitabbaṃ. Sace hi
 bodhicetiyaḥhattasālādīni sabbavatthūni paṭiṭṭhāpetvā katavihāre bandhanti,
 vihāramajjhe bahūnaṃ samosaraṇaṭṭhāne abandhitvā vihārapaccante
 vivittokāse bandhitabbā. Akatavihāre bandhantehi bodhicetiyaḍīnaṃ
 sabbavatthūnaṃ ṭhānaṃ sallakkhetvā yathā paṭiṭṭhitesu vatthūsu
 vihārapaccante vivittokāse hoti, evaṃ bandhitabbā. Sā heṭṭhimaparicchidena
 sace ekavīsati bhikkhū gaṇhāti, vaṭṭati. Tato oraṃ na vaṭṭati. Paraṃ
 bhikkhusahassaṃ gaṇhantīpi vaṭṭati. Taṃ bandhantehi sīmāmālakassa
 samantā nimittupagā pāsāṇā ṭhapetabbā, na khaṇḍasīmāya ṭhitehi mahāsīmā
 bandhitabbā, na mahāsīmāya ṭhitehi khaṇḍasīmā, khaṇḍasīmāyameva pana
 ṭhatvā khaṇḍasīmā bandhitabbā, mahāsīmāyameva ṭhatvā mahāsīmā.

Tatrāyaṃ bandhanavidhi—samantā “eso pāsāṇo nimittan”ti evaṃ
 nimittāni kittetvā kammavācāya sīmā sammannitabbā. Atha tassā eva
 daḥhikammattamaṃ avippavāsakammavācā kātabbā. Evañhi “sīmaṃ
 samūhanissāmā”ti

1. Sīghasīghaṃ (Si)

āgatā samūhanituṃ na sakkhissanti. Sīmaṃ sammannitvā bahi sīmantarikapāsāṇā ṭhapetabbā. Sīmantarikā pacchimakoṭiyā ekaratanappamāṇā vaṭṭati. Vidatthippamāṇāpi vaṭṭatīti Kurundiyaṃ, caturaṅgulappamāṇāpi vaṭṭatīti Mahāpaccariyaṃ vuttaṃ. Sace pana vihāro mahā hoti, dvepi tissopi tatuttaripi khaṇḍasīmāyo bandhitabbā.

Evam khaṇḍasīmaṃ sammannitvā mahāsīmāsammutikāle khaṇḍasīmato nikkhamitvā mahāsīmāya ṭhatvā samantā anupariyāyantehi sīmantarikapāsāṇā kittetabbā. Tato avasesanimittāni kittetvā hatthapāsaṃ avijahantehi kammavācāya samānasaṃvāsakasīmaṃ sammannitvā tassā dalhīkammattam avippavāsakammavācāpi kātabbā. Evañhi “sīmaṃ samūhanissāmā”ti āgatā samūhanituṃ na sakkhissanti. Sace pana khaṇḍasīmāya nimittāni kittetvā tato sīmantarikāya nimittāni kittetvā mahāsīmāya nimittāni kittenti, evaṃ tisu ṭhānesu nimittāni kittetvā yaṃ sīmaṃ icchanti, taṃ paṭhamam bandhituṃ vaṭṭati. Evam santepe yathāvuttanayena khaṇḍasīmatova paṭṭhāya bandhitabbā. Evam baddhāsu pana sīmasu khaṇḍasīmāya ṭhitā bhikkhū mahāsīmāya kammaṃ karontānaṃ na kopenti, mahāsīmāya vā ṭhitā khaṇḍasīmāya kammaṃ karontānaṃ. Sīmantarikāya pana ṭhitā ubhinnampi na kopenti. Gāmakhette ṭhatvā kammaṃ karontānaṃ pana sīmantarikāya ṭhitā kopenti. Sīmantarikā hi gāmakhettam bhajati.

Sīmā ca nāmesā na kevalam pathavitale yeva baddhā baddhā nāma hoti, atha kho piṭṭhipāsāṇepi kuṭigehepi leṇepi pāsādepi pabbatamatthakepi baddhā baddhā yeva hoti. Tattha **piṭṭhipāsāṇe** bandhantehi pāsāṇapiṭṭhiyaṃ rājiṃ vā koṭṭetvā udukkhalaṃ vā khaṇitvā nimittam na kātabbam, nimittupagapāsāṇe ṭhapetvā nimittāni kittetabbāni. Kammavācāpariyosāne sīmā pathavisandhārakaṃ udakaṃ pariyantaṃ katvā otarati. Nimittapāsāṇā yathāṭhāne na tiṭṭhanti. Tasmā samantato rāji vā uṭṭhāpetabbā, catūsu vā koṇesu pāsāṇā vijjhatabbā, “ayaṃ sīmāparicchedo”ti vatvā akkharāni vā chinditabbāni. Keci usūyakā sīmaṃ jhāpessāmāti aggim denti, pāsāṇāva jhāyanti, na sīmā.

Kuṭigehēpi bandhantehi bhittim akittetvā ekavīsatiyā bhikkhūnaṃ okāsaṭṭhānaṃ anto karitvā pāsāṇanimittāni ṭhapetvā sīmā sammannitabbā, antokuṭṭameva sīmā hoti. Sace antokuṭṭe ekavīsatiyā bhikkhūnaṃ okāso natthi, pamukhe nimittapāsāṇe ṭhapetvā sammannitabbā. Sace evampi nappahoti, bahi nibbodaka¹patanaṭṭhānēpi nimittāni ṭhapetvā sammannitabbā. Evaṃ sammatāya pana sabbaṃ kuṭigehaṃ sīmaṭṭhameva hoti.

Catubhittiyaleṇēpi bandhantehi kuṭṭam akittetvā pāsāṇāva kittetabbā. Sace anto okāso natthi², pamukhepi nimittāni ṭhapetabbāni. Sace na ppahoti, bahi nibbodakapanaṭṭhānēpi nimittapāsāṇe ṭhapetvā nimittāni kittetvā sīmā sammannitabbā. Evaṃ leṇassa anto ca bahi ca sīmā hoti.

Uparipāsādepi bhittim akittetvā anto pāsāṇe ṭhapetvā sīmā sammannitabbā. Sace na ppahoti, pamukhepi pāsāṇe ṭhapetvā sammannitabbā. Evaṃ sammatā uparipāsāde yeva hoti, heṭṭhā na otarati. Sace pana bahūsu thambhesu tulānaṃ upari katapāsādassa heṭṭhimatale kuṭṭo yathā nimittānaṃ anto hoti, evaṃ uṭṭahitvā tulārukkhehi ekasambaddho ṭhito, heṭṭhāpi otarati. Ekathambhapāsādassa pana uparimatale baddhā sīmā sace thambhamatthake ekavīsatiyā bhikkhūnaṃ okāso hoti, heṭṭhā otarati. Sace pāsādabhittito niggatesu niyyūhakādīsū pāsāṇe ṭhapetvā sīmaṃ bandhanti, pāsādabhitti antosīmāyaṃ hoti. Heṭṭhā panassā otaraṇānotaraṇaṃ vuttanayeneva veditabbaṃ. Heṭṭhāpāsāde kittentehipi bhitti ca rukkathambhā ca na kittetabbā. Bhittilagge pana pāsāṇathambhe kittetum vaṭṭati. Evaṃ kittitā sīmā heṭṭhā pāsādassa pariyantathambhānaṃ anto yeva hoti. Sace pana heṭṭhāpāsādassa kuṭṭo uparimatalena sambaddho hoti, uparipāsādampi abhiruhati. Sace pāsādassa bahi nibbodakapanaṭṭhāne nimittāni karonti, sabbo pāsādo sīmaṭṭho hoti.

1. Nimbodaka (Sī)

2. Anto okāse asati (Sī, Syā)

Pabbatamatthake talaṃ hoti ekavīsatiyā bhikkhūnaṃ okāsārahaṃ, tattha piṭṭhipāsāṇe viya sīmaṃ bandhanti. Heṭṭhāpabbatepi teneva paricchedena sīmā otarati. Tālamūlakapabbatepi upari sīmā baddhā heṭṭhā otarateva. Yo pana vitānasaṅṭhāno hoti, upari ekavīsatiyā bhikkhūnaṃ okāso atthi, heṭṭhā natthi, tassa upari baddhā sīmā heṭṭhā na otarati. Evaṃ mudīngasaṅṭhāno vā hotu paṇavasasaṅṭhāno vā, yassa heṭṭhā vā majjhe vā sīmappamāṇaṃ natthi, tassupari baddhā sīmā heṭṭhā neva otarati. Yassa pana dve kūṭāni āsanne ṭhitāni, ekassapi upari sīmappamāṇaṃ na ppahoti, tassa kūṭantaraṃ cinitvā vā pūretvā vā ekābaddhaṃ katvā upari sīmā sammannitabbā.

Eko sappaphaṇasadiso pabbato, tassupari sīmappamāṇassa atthitāya sīmaṃ bandhanti. Tassa ce heṭṭhā ākāsapabbhāraṃ hoti, sīmā na otarati. Sace panassa vemajjhe sīmappamāṇo susīrapāsāṇo hoti, otarati. So ca pāsāṇo sīmaṭṭho yeva hoti. Athāpissa heṭṭhā leṇassa kuṭṭo aggakoṭṭim āhacca tiṭṭhati, otarati, heṭṭhā ca upari ca sīmā yeva hoti. Sace pana heṭṭhā uparimassa sīmāparicchedassa pārato anto leṇaṃ hoti, bahi sīmā na otarati. Athāpi uparimassa sīmāparicchedassa orato bahi leṇaṃ hoti, anto sīmā na otarati. Athāpi upari sīmāya paricchedo khuddako, heṭṭhā leṇaṃ mahantaṃ, sīmāparicchedamatikkamitvā ṭhitaṃ, sīmā upari yeva hoti, heṭṭhā na otarati. Yadi pana leṇaṃ khuddakaṃ sabbapacchimasīmāparimāṇaṃ, upari sīmā mahatī, taṃ ajjhottharivā ṭhitā, sīmā otarati. Atha leṇaṃ atikhuddakaṃ, sīmappamāṇaṃ na hoti, sīmā upariyeva hoti, heṭṭhā na otarati. Sace tato upaḍḍhaṃ bhijjitvā patati, sīmappamāṇaṃ cepi hoti, bahi patitaṃ asīmā. Apatitaṃ pana yadi sīmappamāṇaṃ, sīmā hoti yeva.

Khaṇḍasīmā nīcavatthukā hoti, taṃ pūretvā uccavatthukaṃ karonti, sīmāyeva. Sīmāya gehaṃ karonti, sīmaṭṭhakameva hoti. Sīmāya pokkharāṇiṃ khaṇanti, sīmā yeva. Oggho sīmāmaṇḍalaṃ ottharivā gacchati, sīmāmāḷake aṭṭaṃ bandhitvā kammaṃ kātuṃ vaṭṭati. Sīmāya heṭṭhā umaṅganadī hoti, iddhiṃ bhikkhu tattha nisīdati, sace sā nadī paṭṭhamāṃ gatā, sīmā pacchā

baddhā, kammaṃ na kopeti. Atha paṭhamam̐ sīmā baddhā, pacchā nadī gatā, kammaṃ kopeti. Heṭṭhāpathavitale ṭhito pana kopeti yeva.

Sīmāmāḷake vaṭarukkho hoti, tassa sākḥā vā tato niggaṭapāroho vā mahāsīmāya pathavitalam̐ vā tatthajātarukkhādīni vā āhacca tiṭṭhati, mahāsīmam̐ sodhetvā vā kammaṃ kātabbam̐, te vā sākḥāpārohā chinditvā bahiṭṭhakā kātabbā. Anāhacca ṭhitasākḥādīsu āruḷhabhikkhu hatthapāsam̐ ānetabbo. Evaṃ mahāsīmāya jātarukkhassa sākḥā vā pāroho vā vuttanayeneva sīmāmāḷake patiṭṭhāti, vuttanayeneva sīmam̐ sodhetvā vā kammaṃ kātabbam̐, te vā sākḥāpārohā chinditvā bahiṭṭhakā kātabbā.

Sace sīmāmāḷake kamme kariyamāne koci bhikkhu sīmāmāḷakassa anto pavisitvā vehāsaṭṭhitasākḥāya nisīdati, pādā vāssa bhūmigatā honti, nivāsanapārupanam̐ vā bhūmim̐ phusati, kammaṃ kātuṃ na vaṭṭati. Pāde pana nivāsanapārupanañca ukkhipāpetvā kātuṃ vaṭṭati. Idañca lakkhaṇam̐ purimanayepi veditabbam̐. Ayam̐ pana viseso—Tatra ukkhipāpetvā kātuṃ na vaṭṭati, hatthapāsameva ānetabbo. Sace antosīmato pabbato abbhuggacchati, tatraṭṭho bhikkhu hatthapāsam̐ ānetabbo. Iddhiyā antopabbatam̐ pavitṭhepi eseva nayo. Bajjhamānā eva hi sīmā pamāṇarahitam̐ padesaṃ na otarati. Baddhasīmāya jātam̐ yaṃkiñci yattha katthaci ekasambaddhena gatam̐ sīmāsaṅkhyameva gacchatīti.

140. **Tiyojanaparamanti** ettha tiyojanam̐ paramam̐ pamāṇametissāti tiyojanaparamā, tam̐ **tiyojanaparamam̐**. Sammānantena pana majjhe ṭhatvā yathā catūsupi disāsu diyaḍḍhadiyaḍḍhayojanam̐ hoti, evam̐ sammānitabbā. Sace pana majjhe ṭhatvā ekekadisato tiyojanam̐ karonti, chayojanam̐ hotīti na vaṭṭati. Caturassam̐ vā tikoṇam̐ vā sammānantena yathā koṇato koṇam̐ tiyojanam̐ hoti, evam̐ sammānitabbā. Sace hi yena kenaci pariyantena kesaggamattampi tiyojanam̐ atikkāmeti, āpattiñca āpajjati, sīmā ca asīmā hoti.

Nadīpāranti ettha pārayatīti pārā. Kim̐ pārayati? Nadim̐. Nadiyā pārā nadīpārā, tam̐ **nadīpāram̐**, nadim̐ ajjhottharamānanti attho. Ettha ca nadiyā

lakkhaṇaṃ nadīnimitte vuttanayameva. **Yatthassa dhuvanāvā vāti** yattha nadiyā sīmābandhanaṭṭhānagatesu titthesu niccasañcaraṇanāvā assa, yā sabbantimena paricchedena pājanapurisena saddhiṃ tayo jane vahati. Sace pana sā nāvā uddhaṃ vā adho vā kenacid eva karaṇīyena puna āgamanatthāya nītā, corehi vā¹ haṭā, avassaṃ labbhaneyyā, yā pana vātena vā chinnabandhanā vīcīhi nadimajjhaṃ nītā avassaṃ āharitabbā, dhuvanāvāva hoti. Uduke ogate thalaṃ ussāritā pi² sudhākasaṭṭādīhi³ pūretvā ṭhapitāpi dhuvanāvāva. Sace bhinnā vā visāṅkhatapadarā vā, na vaṭṭati. Mahāpadumatthero panāha—“sacepi tāvakālikaṃ nāvaṃ ānetvā sīmābandhanaṭṭhāne ṭhapetvā nimittāni kittenti, dhuvanāvāva hoti”ti. Tatra Mahāsumatthero āha—“nimittaṃ vā sīmā vā kammavācāya gacchati, na nāvāya. Bhagavatā ca dhuvanāvā anuññātā, tasmā nibaddhanāvā yeva vaṭṭati”ti.

Dhuvasetu vāti yattha rukkhasaṅghāṭamayo vā padarabaddho vā jaṅghasatthasetu vā hatthi-assādīnaṃ sañcaraṇayoggo mahāsetu vā atthi, antamaso taṅkhaṇaññeva rukkhaṃ chinditvā manussānaṃ sañcaraṇayoggo ekapadikasetupi dhuvasetutveva saṅkhyāṃ gacchati. Sace pana upari baddhāni vettalatādīni hatthena gahetvāpi na sakkā hoti tena sañcaritum, na vaṭṭati.

Evarūpaṃ nadīpārasīmaṃ sammannitunti yatthāyaṃ vuttappakārā dhuvanāvā vā dhuvasetu vā abhimukhatitthe yeva atthi, evarūpaṃ nadīpārasīmaṃ sammannitum anujānāmīti attho. Sace dhuvanāvā vā dhuvasetu vā abhimukhatitthe natthi, īsakaṃ uddhaṃ abhiruhitvā adho vā orohitvā atthi, evampi vaṭṭati. Karavīkatissatthero pana gāvutamattabbhantarepi vaṭṭatīti āha.

Imaṅca pana nadīpārasīmaṃ sammannantena ekasmim tīre ṭhatvā uparisote nadītīre nimittaṃ kittetvā tato paṭṭhāya attānaṃ parikkhipantena yattakaṃ paricchedaṃ icchati, tassa pariyoṣāne adhosotepi nadītīre nimittaṃ kittetvā paratīre sammukhaṭṭhāne nadītīre nimittaṃ kittetabbaṃ. Tato paṭṭhāya yattakaṃ paricchedaṃ icchati, tassa vasena yāva uparisote paṭṭhamakittitanimittassa sammukhā nadītīre nimittaṃ, tāva kittetvā paccāharitvā

1. Thenchi vā (Sī, Syā)

2. Ussādītāpi (Sī)

3. Sudhākasā vādīhi (Ka)

paṭhamakittitanimittena saddhiṃ ghaṭetabbaṃ. Atha sabbanimittānaṃ anto ṭhite bhikkhū hatthapāsagate katvā kammavācāya sīmā sammannitabbā. Nadiyaṃ ṭhitā anāgatāpi kammaṃ na kopenti. Sammutipariyosāne ṭhapetvā nadiṃ nimittānaṃ anto pārātīre ca orimatīre ca ekasīmā hoti, nadī pana baddhasīmāsaṅkhyāṃ na gacchati. Visuṃ nadisīmā eva hi sā.

Sace antonadiyaṃ dīpako hoti, taṃ antosīmāya kātukāmena purimanayeneva attanā¹ ṭhitatīre nimittāni kittetvā dīpakassa orimante ca pārimate ca nimittaṃ kittetabbaṃ. Atha paratīre nadiyā orimatīre nimittassa sammukhaṭṭhāne nimittaṃ kittetvā tato paṭṭhāya purimanayeneva yāva uparisote paṭhamakittitanimittassa sammukhā nimittaṃ, tāva kittetabbaṃ. Atha dīpakassa pārimate ca orimante ca nimittaṃ kittetvā paccāharitvā paṭhamakittitanimittena saddhiṃ ghaṭetabbaṃ. Atha dvīsu tīresu dīpake ca bhikkhū sabbeva hatthapāsagate katvā kammavācāya sīmā sammannitabbā. Nadiyaṃ ṭhitā anāgacchantāpi kammaṃ na kopenti. Sammutipariyosāne ṭhapetvā nadiṃ nimittānaṃ anto tīradvayaṅca dīpako ca ekasīmā hoti, nadī pana nadisīmā yeva.

Sace pana dīpako vihārasīmāparicchedato uddhaṃ vā adho vā adhikataro hoti, atha vihārasīmāparicchedanimittassa ujukameva sammukhibhūte dīpakassa orimante nimittaṃ kittetvā tato paṭṭhāya dīpakasikharaṃ parikkhipantena puna dīpakassa orimante nimittasammukhe pārimate nimittaṃ kittetabbaṃ. Tato paraṃ purimanayeneva pārātīre sammukhanimittamādimkatvā pārātīranimittāni ca dīpakassa pārimate-orimante-nimittāni ca kittetvā paṭhamakittitanimittena saddhiṃ ghaṭanā kātabbā. Evaṃ kittetvā sammatā sīmā pabbatasāṅṭhānā hoti.

Sace pana dīpako vihārasīmāparicchedato uddhampi adhopi adhikataro hoti, purimanayeneva dīpakassa ubhopi sikharaṇi parikkhipitvā nimittāni kittentena nimittaghaṭanā kātabbā. Evaṃ kittetvā sammatā sīmā mudiṅgasāṅṭhānā hoti.

1. Anto (Sī)

Sace dīpako vihārasīmāparicchedassa anto khuddako hoti sabbapaṭhamanayena dīpake nimittāni kittetabbāni. Evaṃ kittetvā sammatā sīmā paṇavasāṅṭhānā hoti.

Sīmānujānanakathā niṭṭhitā.

Uposathāgārādikathā

141. **Anupariveṇiyanti** ekasīmamahāvihāre tasmim tasmim pariveṇe. **Asaṅketenāti** saṅketam akatvā. **Ekam samūhanitvāti** kammavācāya samūhanitvā.

142. **Yato pātimokkham suṇātīti** yattha katthaci bhikkhūnam hatthapāse nisinnō yasmā pātimokkham suṇāti, katovassa uposatho attho. Idañca vatthuvassena vuttam, hatthapāse nisinnassa pana asuṇantassāpi katova hoti uposatho. **Nimittā kittetabbāti** uposathapamukhassa khuddakāni vā mahantāni vā pāsāṇa-iṭṭhakadārukhaṇḍadaṇḍakādīni yāni kānici nimittāni abbhokāse vā māḷakādīsu vā yattha katthaci saññam katvā kittetum vaṭṭati. Atha vā **nimittā kittetabbāti** nimittupagā vā animittupagā vā paricchedajānanattham kittetabbā.

Therehi bhikkhūhi paṭhamataram sannipatitūti ettha sace mahāthero paṭhamataram na āgacchati, dukkaṭam. **Sabbeheva ekajjham sannipatitvā uposatho kātabboti** ettha sace porāṇako āvāso majjhe vihārassa hoti, pahoti cetha bhikkhūnam nisajjaṭṭhānam, tattha sannipatitvā uposatho kātabbo. Sace porāṇako paridubbalo ceva sambādho ca, añño pacchā uṭṭhitāvāso asambādho, tattha uposatho kātabbo.

Yattha vā pana thero bhikkhu viharatīti etthāpi sace therassa vihāro sabbesam pahoti, phāsuko hoti, tattha uposatho kātabbo. Sace pana so paccante visamappadeso hoti, therassa vattabham “bhante tumhākam vihāro aphāsukadeso, natthi ettha sabbesam

okāso, asukasmim nāma āvāse okāso atthi, tattha gantum vaṭṭatī”ti. Sace thero nāgacchati, tassa chandapārisuddhim ānetvā sabbesaṃ pahonake phāsukaṭṭhāne uposatho kātabbo.

Avippavāsasīmānujānanakathā

143. **Andhakavindā**ti Rājagahato gāvutattaye Andhakavindaṃ nāma, taṃ upanissāya thero vasati, tato Rājagahaṃ uposathaṃ āgacchanto. Rājagahaṃ hi parikkhipitvā aṭṭhārasa mahāvihārā sabbe ekasīmā, Dhammasenāpatinā nesaṃ sīmā baddhā. Tasmā Veḷuvane saṃghassa sāmaggīdānattaṃ āgacchantoti attho. **Nadiṃ tarantoti** Sippiniyaṃ¹ nāma nadiṃ atikkamanto. **Manam vulho ahoṣī**ti īsakaṃ appattavulhabhāvo ahoṣi. Sā kira nadi Gijjhakūṭato otaritvā caṇḍena sotena vahati. Tattha vegena āgacchantaṃ udakaṃ amanasikaronto Thero manam vulho ahoṣi, na pana vulho, udakabbhāhatānissa cīvarāni allāni jātāni.

144. **Sammata sā sīmā saṃghena ticīvarena avippavāsā ṭhapetvā gāmañca gāmūpacārañcā**ti imissā kammavācāya uppannakā lato paṭṭhāya bhikkhūnaṃ purimakammavācā na vaṭṭati. Ayameva hi thāvaraṃ hoti. Bhikkhunīnaṃ pana ayaṃ na vaṭṭati, purimā yeva vaṭṭati. Kasmā? Bhikkhunisaṃgho hi antogāme vasati. Yadi evaṃ siyā, so etāya kammavācāya ticīvaraparihāraṃ na labheyya, atthi cassa parihāro. Tasmā purimā yeva vaṭṭati. Bhikkhunisaṃghassa hi dvepi sīmāyo labbhanti. Tattha bhikkhūnaṃ sīmaṃ ajjhottharivitvāpi tassā antopi bhikkhunīnaṃ sīmaṃ sammannitum vaṭṭati. Bhikkhūnampi bhikkhunisīmāya eseva nayo. Na hi te aññamaññassa kamme gaṇapūrakā honti, na kammavācaṃ vaggam karonti. Ettha ca nigamanagarānampi gāmeneva saṅgaho veditabbo.

Gāmūpacāroti parikkhittassa parikkhepo aparikkhittassa parikkhepokāso. Tesu adhiṭṭhitatecīvariko bhikkhu parihāraṃ na labhati.

1. Sappiniyaṃ (Sī)

Iti bhikkhūnaṃ avippavāsasīmā gāmañca gāmūpacārañca na ottharati, samānasaṃvāsakasīmāva ottharati. Samānasaṃvāsakasīmā cettha attano dhammatāya gacchati, avippavāsasīmā pana yattha samānasaṃvāsakasīmā, tattheva gacchati. Na hi tassā visuṃ nimittakittanaṃ atthi. Tattha sace avippavāsāya sammutikāle gāmo atthi, taṃ sā na ottharati. Sace pana sammatāya sīmāya pacchā gāmo nivisati, sopi sīmāsaṅkhyameva gacchati. Yathā ca pacchā nivīṭṭho, evaṃ paṭhamam nivīṭṭhassa pacchā vaḍḍhitappadesopi sīmāsaṅkhyameva gacchati. Sacepi sīmāsammutikāle gehāni katāni, “pavisissāmā”¹ti ālayopi atthi, manussā pana appaviṭṭhā, porāṇakagāmaṃ¹ vā sagehameva² chaḍḍetvā aññattha gatā, agāmo yeva esa, sīmā ottharati. Sace pana ekampi kulaṃ pavīṭṭham vā agataṃ vā atthi, gāmo yeva, sīmā na ottharati.

Evañca pana bhikkhave ticīvarena avippavāso samūhantabboti ettha samūhanantena bhikkhunā vattaṃ jānitabbaṃ. Tatridaṃ vattaṃ— Khaṇḍasīmāyaṃ ṭhatvā avippavāsasīmā na samūhantabbā, tathā avippavāsasīmāyaṃ ṭhatvā khaṇḍasīmāpi. Khaṇḍasīmāyaṃ pana ṭhitena khaṇḍasīmāva samūhanitabbā, tathā itarāya ṭhitena itarā. Sīmaṃ nāma dvīhi kāraṇehi samūhananti pakatiyā khuddakaṃ puna āvāsavaḍḍhanatthāya mahatiṃ vā kātuṃ, pakatiyā mahatiṃ puna aññesaṃ vihārokāsādānatthāya khuddakaṃ vā kātuṃ. Tattha sace khaṇḍasīmañca avippavāsasīmañca jānanti, samūhanituñceva bandhituñca sakkhissanti. Khaṇḍasīmaṃ pana jānantā avippavāsaṃ ajānantāpi samūhanituñceva bandhituñca sakkhissanti. Khaṇḍasīmaṃ ajānantā avippavāsaṃ yeva jānantā cetiyaṅgaṇabodhiyaṅgaṇa-uposathāgārādīsu nirāsaṅkaṭṭhānesu ṭhatvā appeva nāma samūhanituṃ sakkhissanti, paṭibandhītuṃ pana na sakkhissanteva. Sace bandheyyuṃ, sīmāsambhedaṃ katvā vihāraṃ avihāraṃ kareyyuṃ. Tasmā na samūhanitabbā. Ye pana ubhopi na jānanti, te neva samūhanituṃ, na bandhītuṃ sakkhissanti. Ayaṃ hi sīmā nāma kammavācāya vā asīmā hoti sāsanantaradhānena vā, na ca sakkā sīmaṃ ajānantehi kammavācā kātuṃ, tasmā na samūhanitabbā. Sādhukaṃ pana ñatvā yeva samūhanitabbā ca bandhitabbā cāti.

1. Porāṇakagāme (Sī)

2. Sace gehameva (Sī, Ka)

Gāmasīmādikathā

147. Evaṃ baddhasīmāvasena samānasamvāsaṅca ekūposathabhāvaṅca dassetvā idāni abaddhasīmesupi okāsesu taṃ dassento **Asammatāya bhikkhave sīmāya aṭṭhapitāyāti**-ādimāha. Tattha **aṭṭhapitāyāti** aparicchinnāya. Gāmaggaḥaṇena cettha nagarampi gahitameva hoti. Tattha yattake padese tassa gāmassa bhojakā balim labhanti, so padeso appo vā hotu mahanto vā **gāmasīmāt**veva saṅkhyam gacchati. **Nagaranigamasīmā**supi eseva nayo. Yampi ekasimim yeva gāmakhette ekaṃ padesaṃ “ayam visum gāmo hotū”ti paricchinditvā rājā kassaci deti, sopi visumgāmasīmā hoti yeva. Tasmā sā ca itarā ca pakatigāmanagaranigamasīmā baddhasīmāsadisāyeveva honti, kevalam pana ticīvaravippavāsaparihāram na labhanti.

Evaṃ gāmantavāsīnam sīmāparicchedam dassetvā idāni āraññakānam sīmāparicchedam dassento **agāmake ceti**-ādimāha. Tattha **agāmake ceti** gāma-nigama-nagara-sīmāhi aparicchinne aṭṭhappadesa. Atha vā **agāmake ceti** Viñjhāṭṭhavisadise araññe bhikkhu vasati, athassa ṭhitokāsato samantā sattabbhantarā samānasamvāsakasīmāti attho. Ayam sīmā ticīvaravippavāsaparihārampi labhati. Tattha ekaṃ abbhantaram aṭṭhavīsati hatthappamāṇam hoti, majjhe ṭhitassa samantā sattabbhantarā vinibbedhena cuddasa honti. Sace dve saṅghā visum vinayakammāni karonti, dvinnam sattabbhantarānam antare aññam ekaṃ sattabbhantaram upacāratthāya ṭhapetabban. Sesā sattabbhantarasīmākathā Mahāvibhaṅge Udositasikkhāpadavaṇṇanāyam vuttanayena gahetabbā.

Sabbā bhikkhave nadī asīmāti yā kāci nadīlakkhaṇappattā nadī nimittāni kittetvā “etaṃ baddhasīmam karomā”ti katāpi asīmāva hoti, sā pana attano sabhāveneva baddhasīmāsadisā, sabbamettha saṅghakammam kātuṃ vaṭṭati. **Samuddajātassaresupi** eseva nayo. Ettha ca jātassaro nāma yena kenaci khaṇitvā akato sayamjātasobbho¹ samantato āgatenā udakena pūrito tiṭṭhati.

1. Sayamjātasombho (Ka)

Evam nadī-samudda-jātassarānam baddhasīmābhāvaṃ paṭikkhipitvā puna tattha abaddhasīmāparicchedaṃ dassento **Nadiyā vā bhikkhavi-** ādimāha. Tattha **yaṃ majjhimassa purisassa samantā udakukkhepā**ti yaṃ ṭhānaṃ majjhimassa purisassa samantato udakukkhepena paricchinnāṃ. Kathaṃ pana udakaṃ ukkhipitabbaṃ? Yathā akkhadhuttā dāruḡaṃ khipanti, evaṃ udakaṃ vā vālikaṃ vā hatthena gahetvā thāmamajjhimena purisena sabbathāmena khipitabbaṃ. Yattha evaṃ khittaṃ udakaṃ vā vālikaṃ vā patati, ayameko **udakukkhepo**, tassa anto hatthapāsaṃ vijahitvā ṭhito kammaṃ kopeti. Yāva parisā vaḍḍhati, tāva sīmāpi vaḍḍhati, parisapariyantako udakukkhepo yeva pamāṇaṃ. Jātassarasamuddesupi eseva nayo.

Ettha ca sace nadī n’ātidīghā hoti, pabhavato paṭṭhāya yāva mukhadvārā¹ sabbattha saṃgho nisīdati, udakukkhepasīmākammaṃ natthi, sakalāpi nadī etesaṃ yeva bhikkhūnaṃ pahoti. Yaṃ pana Mahāsumattherena vuttaṃ—“yojanaṃ pavattamānā yeva nadī, tatrāpi upari addhoyojanaṃ pahāya heṭṭhā addhoyojane kammaṃ kātuṃ vaṭṭatī”ti, taṃ Mahāpadumatthereneva paṭikkhittaṃ. Bhagavatā hi “timaṇḍalaṃ paṭicchādetvā yattha katthaci uttarantiyā bhikkhuniyā antaravāsako temiyatī”ti idaṃ nadiyā pamāṇaṃ vuttaṃ, na yojanaṃ vā addhoyojanaṃ vā. Tasmā yā imassa Suttassa vasena pubbe vuttalakkhaṇā nadī, tassā pabhavato paṭṭhāya saṃghakammaṃ kātuṃ vaṭṭatīti. Sace panettha bahū bhikkhū visuṃ visuṃ kammaṃ karonti, sabbehi attano ca aññesaṅca udakukkheparicchedassa antarā añño udakukkhepo sīmantarikatthāya ṭhapetabbo. Tato adhikaṃ vaṭṭati yeva, ūnakaṃ pana na vaṭṭatīti vuttaṃ. Jātassarasamuddesupi eseva nayo.

Nadiyā pana kammaṃ karissāmāti gatehi sace nadī paripuṇṇā hoti samatittikā, udakasāṭikaṃ nivāsetvāpi antonadiyaṃ yeva kammaṃ kātabbaṃ. Sace na sakkonti, nāvāyapi ṭhatvā kātabbaṃ. Gacchantiyā pana nāvāya kātuṃ na vaṭṭati. Kasmā? Udakukkhepamattameva hi sīmā, taṃ nāvā sīghameva atikkāmeti. Evaṃ sati aññissā sīmāya ñatti, aññissā anusāvanā hoti, tasmā nāvaṃ arittena vā ṭhapetvā pāsāṇe vā

1. Yāva mukhadvāraṃ (Ka)

lambitvā¹ antonadiyaṃ jātarukkhe vā bandhitvā kammaṃ kātabbāṃ.
Antonadiyaṃ baddha-aṭṭakepi antonadiyaṃ jātarukkhepi ṭhitehi kātuṃ
vaṭṭati.

Sace pana rukkhassa sākāhā vā tato nikkhantapāroho vā bahinadīṭṭire
vihārasīmāya vā gāmasīmāya vā patiṭṭhito, sīmaṃ vā sodhetvā sākāhā vā
chinditvā kammaṃ kātabbāṃ. Bahinadīṭṭire jātarukkhassa antonadiyaṃ
paviṭṭhasākāhāya vā pārohe vā nāvaṃ bandhitvā kammaṃ kātuṃ na vaṭṭati.
Karontehi sīmā vā sodhetabbā, chinditvā vāssa bahi patiṭṭhitabhāvo
nāsetabbo. Nadīṭṭire pana khāṇukaṃ koṭṭetvā tattha baddhanāvāya na vaṭṭati
yeva.

Nadiyaṃ setuṃ karonti, sace antonadiyaṃ yeva setu vā setupādā vā,
setumhi ṭhitehi kammaṃ kātuṃ vaṭṭati. Sace pana setu vā setupādā vā
bahitīre patiṭṭhitā, kammaṃ kātuṃ na vaṭṭati, sīmaṃ sodhetvā kātabbāṃ.
Atha setupādā anto, setu pana ubhinnampi tīrānaṃ upari-ākāse ṭhito, vaṭṭati.
Antonadiyaṃ pāsāṇo vā dīpako vā hoti, tassa yattakaṃ padesaṃ pubbe
vuttapakāre pakativassakāle vassānassa catūsu māsesu udakaṃ ottharati, so
nadīsaṅkhyameva gacchati. Ativuṭṭhikāle pana oghena otthaṭokāso na
gahetabbo, so hi gāmasīmāsaṅkhyameva gacchati.

Nadito mātikaṃ nīharantā nadiyaṃ āvaraṇaṃ karonti, tañce ottharivā
vā vinibbijhitvā vā udakaṃ gacchati, sabbattha pavattanaṭṭhāne kammaṃ
kātuṃ vaṭṭati. Sace pana āvaraṇena vā koṭṭakabandhanena² vā sotaṃ
pacchijjati, udakaṃ na ppavattati, appavattanaṭṭhāne kammaṃ kātuṃ na
vaṭṭati. Āvaraṇamatthakepi kātuṃ na vaṭṭati. Sace koci āvaraṇappadeso
pubbe vuttapāsāṇadīpakappadeso viya udakena ajjhotthariyati, tattha vaṭṭati.
So hi nadīsaṅkhyameva gacchati. Nadiṃ vināsetvā taḷākāṃ karonti, heṭṭhā
pāḷi baddhā, udakaṃ āgantvā taḷākāṃ pūretvā tiṭṭhati, ettha kammaṃ kātuṃ
na vaṭṭati. Upari pavattanaṭṭhāne heṭṭhā ca chaḍḍitamodakaṃ nadiṃ
ottharivā sandanaṭṭhānato paṭṭhāya vaṭṭati. Deve avassante hemantagimhesu
vā sukkhanadiyāpi vaṭṭati, nadito nīhaṭamātikāya na vaṭṭati.

1. Laggetvā (Sī)

2. Koṭṭhakabandhanena (Sī, Syā)

Sace sā kālantarena bhijjitvā nadī hoti, vaṭṭati. Kāci nadī kālantarena uppativā gāmanigamasīmaṃ ottharivā pavattati, nadī yeva hoti. Kammaṃ kātuṃ vaṭṭati. Sace pana vihārasīmaṃ ottharati, vihārasīmātveva saṅkhyam gacchati.

Samuddepi kammaṃ karontehi yaṃ padesaṃ uddham vaḍḍhana-udakam vā pakativīci vā vegena āgantvā ottharati, tattha kātuṃ na vaṭṭati. Yasmiṃ pana padese pakativīciyo ottharivā saṅṭhahanti, so udakantato paṭṭhāya antosamuddo nāma, tattha ṭhitehi kammaṃ kātabbam. Sace ūmivego bādhati, nāvāya vā aṭṭake vā ṭhatvā kātabbam. Tesu vinicchayo nadiyam vuttanayeneva veditabbo. Samudde piṭṭhipāsāṇo hoti, tam kadāci ūmiyo āgantvā ottharanti, kadāci na ottharanti, tattha kammaṃ kātuṃ na vaṭṭati. So hi gāmasīmāsaṅkhyameva gacchati. Sace pana vīcīsu āgatāsupi anāgatāsupi pakati-udakeneva otthariyati, vaṭṭati. Dīpako vā pabbato vā hoti, so ce dūre hoti macchabandhānam agamanapathe, araṇṇāsīmāsaṅkhyameva gacchati. Tesam gamanapariyantassa orato pana gāmasīmāsaṅkhyam gacchati. Tattha gāmasīmaṃ asodhetvā kammaṃ kātuṃ na vaṭṭati. Samuddo gāmasīmaṃ vā nigamasīmaṃ vā ottharivā tiṭṭhati, samuddova hoti, tattha kammaṃ kātuṃ vaṭṭati. Sace pana vihārasīmaṃ ottharati, vihārasīmātveva saṅkhyam gacchati.

Jātassare kammaṃ karontehipi yattha pubbe vuttappakāre vassakāle vasse pacchinnamate pivitum vā¹ hatthapāde vā dhovitum udakam na hoti, sukkhati, ayam na jātassaro gāmakhattasaṅkhyameva gacchati, tattha kammaṃ na kātabbam. Yattha pana vuttappakāre vassakāle udakam santiṭṭhati, ayameva jātassaro. Tassa yattake padese vassānam cātumāse udakam tiṭṭhati, tattha kammaṃ kātuṃ vaṭṭati. Sace gambhīram udakam, aṭṭakam bandhitvā tattha ṭhitehipi jātassarassa anto jātarukkhhamhi baddha-aṭṭakepi kātuṃ vaṭṭati. Piṭṭhipāsāṇadīpakesu panettha nadiyam vuttasadisova vinicchayo. Samavassadevakāle pahonakajātassaro pana sacepi dubbuṭṭhikāle vā gimhahemantesu vā sukkhati, nirudako hoti, tattha saṅghakammaṃ kātuṃ vaṭṭati. Yam Andhakaṭṭhakathāyam vuttam “sabbo jātassaro sukkho

1. Pivitum vā nahāyitum vā (Syā)

anodako gāmakhettaṃ yeva bhajati”ti. Taṃ na gahetabbaṃ. Sace panettha udakatthāya āvāṭaṃ vā pokkharāṇī-ādīni vā khaṇanti, taṃ ṭhānaṃ ajātassaro hoti, gāmasīmāsankhyaṃ gacchati. Lābutipusakādivappe¹ katēpi eseva nayo.

Sace pana taṃ pūretvā thalaṃ vā karonti, ekasmiṃ disābhāge pāḷim bandhitvā sabbameva taṃ mahātaḷākāṃ vā karonti, sabbopi ajātassaro hoti, gāmasīmāsankhyameva gacchati. Loṇīpi jātassarasankhyameva gacchati. Vassike cattāro māse udakaṭṭhānokāse kammaṃ kātuṃ vaṭṭatīti.

148. **Sīmāya sīmaṃ sambhindanti**ti attano sīmāya paresaṃ baddhasīmaṃ sambhindanti. Sace hi porāṇakassa vihārassa puratthimāya disāya ambo ceva jambū cāti dve rukkhā aññamaññaṃ saṃsaṭṭhaviṭapā honti, tesu ambassa pacchimadisābhāge jambū, vihārasīmā ca jambuṃ anto katvā ambaṃ kittetvā baddhā hoti, atha pacchā tassa vihārassa puratthimāya disāya vihāraṃ katvā sīmaṃ bandhantā taṃ ambaṃ anto katvā jambuṃ kittetvā bandhanti, sīmāya sīmā sambhinnā hoti. Evaṃ chabbaggiyā akaṃsu, tenāha—“sīmāya sīmaṃ sambhindanti”ti.

Sīmāya sīmaṃ ajjhottharantiti attano sīmāya paresaṃ baddhasīmaṃ ajjhottharanti, paresaṃ baddhasīmaṃ sakalaṃ vā tassā padesaṃ vā anto katvā attano sīmaṃ bandhanti. **Sīmantarikaṃ ṭhapetvā sīmaṃ sammānitunti** ettha sace paṭhamataraṃ katassa vihārassa sīmā asammatā hoti, sīmāya upacāro ṭhapetabbo. Sace sammatā hoti, pacchimakotiyaṃ hatthamattā sīmantarikā ṭhapetabbā. Kurundiyāṃ vidatthimattampi, Mahāpaccariyaṃ caturaṅgulamattampi vaṭṭatīti vuttaṃ. Ekarukkhopi ca dvinnaṃ sīmānaṃ nimittaṃ hoti, so pana vaḍḍhanto sīmāsankaraṃ karoti, tasmā na kātabbo.

Uposathabhedādikathā

149. **Cātuddasiko ca pannarasiko cāti** ettha cātuddasikassa pubbakicce “ajjuposatho cātuddaso”ti vattabbaṃ.

1. Lābutimbarusakādivappe (Sī)

Adhammenavagganti-ādīsu sace ekasmim vihare catūsu bhikkhūsu vasantesu ekassa chandapārisuddhim āharitvā tayo pārisuddhi-uposatham karonti, tīsu vā vasantesu ekassa chandapārisuddhim āharitvā dve pātīmokkham uddisanti, **adhammena vaggam** uposathakammam hoti. Sace pana cattāropi sannipatitvā pārisuddhi-uposatham karonti, tayo vā dve vā pātīmokkham uddisanti, **adhammenasamaggam** nāma hoti. Sace catūsu janesu ekassa pārisuddhim āharitvā tayo pātīmokkham uddisanti, tīsu vā janesu ekassa pārisuddhim āharitvā dve pārisuddhi-uposatham karonti, **dhammenavaggam** nāma hoti. Sace pana cattāro ekattha vasantā sabbeva sannipatitvā pātīmokkham uddisanti, tayo pārisuddhi-uposatham karonti, dve aññamaññaṃ pārisuddhi-uposatham karonti, **dhammenasamaggam** nāma hotīti.

Pātīmokkhuddesakathā

150. **Nidānam uddisitvā avasesam sutena sāvetabbanti** “suṇātu me bhante saṅgho -pa- āvikatā hissa phāsu hotī”ti imam nidānam uddisitvā “uddiṭṭham kho āyasmanto nidānam, tatthāyasmante pucchāmi kaccittha parisuddhā, dutiyampi pucchāmi -pa- evametam dhārayāmī¹. Sutā kho panāyasmantehi cattāro pārājikā dhammā -pa- avivadamānehi sikkhitabban”ti evam avasesam sutena sāvetabbanam. Etena nayena sesāpi cattāro pātīmokkhuddesā veditabbā.

Savarabhayanti² aṭavimanussabhayam. **Rājantarāyoti**-ādīsu sace bhikkhūsu “uposatham karissāmā”ti nisennesu rājā āgacchati, ayam rājantarāyo. Corā āgacchati, ayam corantarāyo. Davadāho vā āgacchati, āvāse vā aggi uṭṭhahati, ayam aggantarāyo. Megho vā uṭṭheti, ogho vā āgacchati, ayam udakantarāyo. Bahū manussā āgacchati, ayam manussantarāyo. Bhikkhum yakkho gaṇhāti, ayam amanussantarāyo. Byagghādayo caṇḍamigā āgacchati, ayam vāḷantarāyo. Bhikkhum sappādayo ḍamsanti, ayam sarīsapantarāyo. Bhikkhu gilāno vā hoti, kālam vā karoti, verino vā tam māretukāmā gaṇhanti,

1. Dhārayāmīti vatvā (Syā)

2. Sañcarabhayanti (Syā)

ayaṃ jīvitantarāyo. Manussā ekaṃ vā bahū vā bhikkhū brahmacariyā cāvetukāmā gaṇhanti, ayaṃ brahmacariyantarāyo. Evarūpesu antarāyesu saṅkhittena pātimokkho uddisitabbo, paṭhamo vā uddeso uddisitabbo, ādimhi dve tayo cattāro vā. Ettha ca dutiyādīsu uddesesu yasmim̐ apariyosite antarāyo hoti, sopi suteneva sāvetabbo.

Anajjhīṭhāti anāṇattā, ayācitā vā. Ajjhesanā cettha saṅghena sammata dhammajjhesakāyattā vā saṅghattherāyattā vā, tasmim̐ dhammajjhesake asati Saṅghattheraṃ āpucchitvā vā tena yācito vā bhāsituṃ labhati. Saṅghattherenāpi sace vihāre bahū dhammakathikā honti, vārapaṭipāṭiyā vattabbā “tvaṃ dhammaṃ bhaṇa, dhammaṃ kathehi, dhammadānaṃ dehi”ti vā, vuttena tīhipi vidhīhi dhammo bhāsitaḥ. “Osārehi”ti vutto pana osāretumeva labhati. “Kathehi”ti vutto kathetumeva. “Sarabhaññaṃ bhaṇāhi”ti vutto sarabhaññaṃ eva. Saṅghattheropi ca uccatare āsane nisinno yācituṃ na labhati. Sace upajjhāyo ceva saddhivihāriko ca honti, upajjhāyo ca naṃ uccāsane nisinno “bhaṇāhi”ti vadati, sajjhāyaṃ adhiṭṭhahitvā bhaṇitabbaṃ. Sace panettha daharā bhikkhū honti, tesāṃ “bhaṇāmī”ti bhaṇitabbaṃ.

Sace vihāre saṅghatthero attanoyeva nissitake bhaṇāpeti, aññe madhurabhāṇakepi nājjesati, so aññehi vattabbo “bhante asukaṃ nāma bhaṇāpema”ti. Sace “bhaṇāpethā”ti vā vadati, tuṇhī vā hoti, bhaṇāpetuṃ vaṭṭati. Sace pana paṭibāhati, na bhaṇāpetabbaṃ. Yadi anāgateyeva saṅghatthere dhammasavanaṃ āraddhaṃ, puna āgate ṭhapetvā āpucchanaḥ natthi. Osāretvā pana kathentena āpucchitvā vā aṭṭhapetvā vā kathetabbaṃ, kathentassa puna āgatepi eseva nayo.

Upanisinnakathāyapi saṅghattherova sāmī, tasmā tena sayāṃ vā kathetabbaṃ, añño vā bhikkhu “kathehi”ti vattabbo, no ca kho uccatare āsane nisinnena. Manussānaṃ pana “bhaṇāhi”ti vattum vaṭṭati. Manussā attano jānanakabhikkhum̐ āpucchanti, tena therāṃ āpucchitvā kathetabbaṃ. Sace saṅghatthero “bhante ime pañhaṃ pucchanti”ti puṭṭho

“kathēhī”ti vā bhaṇati, tuṇhī vā hoti, kathetum vaṭṭati. Antaraghare anumodanādīsupi eseva nayo. Sace saṃghatthero vihāre vā antaraghare vā “maṃ anāpucchitvāpi katheyyāsi”ti anujānāti, laddhakappiyam hoti, sabbattha vattum vaṭṭati.

Sajjhāyam karontenāpi thero āpucchitabboeva. Ekaṃ āpucchitvā sajjhāyantassa aparō āgacchati, puna āpucchana-kiccaṃ natthi. Sace vissamissāmīti ṭhapitassa āgacchati, puna ārabhantēnāpi āpucchitabbaṃ. Saṃghatthere anāgateyeva āraddhaṃ sajjhāyantassāpi eseva nayo. Ekena saṃghattherena “maṃ anāpucchāpi yathāsukhaṃ sajjhāyāhī”ti anuññāte yathāsukhaṃ sajjhāyitum vaṭṭati. Aññasmim̐ pana āgate taṃ āpucchitvāva sajjhāyitabbaṃ.

151. **Attanā vā attānaṃ sammannitabbanti** attanā vā attā sammannitabbo. Pucchantena pana parisam̐ oloketvā sace attano upaddavo natthi vinayo pucchitabbo.

153. **Katepi okāse puggalaṃ tulayitvāti** “atthi nu kho me ito upaddavo, natthī”ti evaṃ upaparikkhitvā. **Puramhākanti** paṭhamam̐ amhākam̐. **Paṭikaccevāti** paṭhamatarameva. **Puggalaṃ tulayitvā okāsam̐ kātunti** “bhūtameva nu kho āpattim̐ vadati, abhūtan”ti evaṃ upaparikkhitvā okāsam̐ kātum̐ anujānāmīti attho.

Adhammakammaṭṭikkosānādīkathā

154. **Adhammakammaṃ** vuttanayameva. **Paṭikkositunti** vāretum̐. **Diṭṭhimpi āvikātunti** “adhammakammaṃ idaṃ na me khamatī”ti evaṃ aññassa santike attano diṭṭhim̐ pakāsetum̐. **Catūhi pañcahīti**-ādi tesam̐ anupaddavatthāya vuttam̐. **Sañcicca na sāventīti** yathā na suṇanti, evaṃ bhaṇissāmāti sañcicca saṇikam̐ uddisanti.

155. **Therādhikanti** therādhīnam̐, therāyattam̐ bhavitunti attho, therādheyyantipi pāṭho. Tasmā therena sayam̐ vā uddisitabbaṃ, añño vā ajjhesitabbo, ajjhesanavidhānañcetha dhammajjhesane vuttanayameva. **So**

na jānāti uposatham vāti-ādīsu cātuddasikapannarasikabhedena duvidham saṅgha-uposathādibhedena navavidhañca uposatham na jānāti, catubbidham uposathakammaṃ na jānāti, duvidham pātimokkham na jānāti, navavidham pātimokkhuddesaṃ na jānāti. **Yo tattha bhikkhu byatto paṭibalo**ti ettha kiñcāpi daharassāpi byattassa pātimokkho anuññāto, atha kho ettha ayamadhippāyo, sace therassa pañca vā cattāro vā tayo vā pātimokkhuddesā nāgacchanti, dve pana akhaṇḍā suvisadā vācuggatā honti, therāyattova pātimokkhā. Sace pana ettakampi visadam kātum na sakkoti, byattassa bhikkhuno āyatto hoti.

Sāmantā āvāsāti sāmantaṃ āvāsaṃ. **Sajjukanti** tadaheva āgamanatthāya. **Navam bhikkhum āṇāpetunti** ettha yo sakkoti uggahetum, evarūpo āṇāpetabbo, na bālo.

Pakkhagaṇanādi-uggahaṇānujānanakathā

156. **Katimī**¹ bhanteti ettha katinam pūraṇīti **katimī**¹. **Kālavatoti** kālasseva, pagevāti attho.

158. **Yam kālam saratī**ti ettha sāyampi “ajjuposatho samannāharathā”ti ārocetum vaṭṭati.

159. **Therena bhikkhunā navam bhikkhum āṇāpetunti** etthāpi kiñci kammaṃ karonto vā sadākārameva eko vā bhāranittharaṇako vā sarabhāṇakadhammakathikādīsu aññataro vā na uposathāgārasammajjanattham āṇāpetabbo, avasesā pana vārena āṇāpetabbā. Sace āṇatto sammuñjanim tāvakālikampi na labhati, sākhābhāṅgam kappiyam kāretvā sammajjitabbaṃ, tampi alabhantassa laddhakappiyam hoti.

160. **Āsanapaññāpanāṇattiyampi vuttanayeneva āṇāpetabbo.** Āṇattena ca sace uposathāgāre āsanāni natthi, saṅghikāvāsato pi āharitvā paññāpetvā puna āharitabbāni. Āsanesu asati kaṭasārakepi taṭṭikāyopi paññāpetum vaṭṭati, taṭṭikāsupi asati

1. Katamī (Sī, Syā)

sākhābhaṅgāni kappiyaṃ kāretvā paññāpetabbāni, kappiyakāraṃ alabhantassa laddhakappiyaṃ hoti.

161. Padīpakaraṇepi vuttanayeneva āṇāpetabbo. Āṇāpentena ca “asukasmim nāma okāse telam vā vaṭṭi vā kapallikā vā atthi, tam gahetvā karohī”ti vattabbo. Sace telādīni natthi, pariyesitabbāni. Pariyesitvā alabhantassa laddhakappiyaṃ hoti. Apica kapāle aggipi jāletabbo.

Disaṃgamikādivatthukathā

163. **Saṅgahetabboti** “sādhu bhante āgatāttha, idha bhikkhā sulabhā sūpabyañjanaṃ atthi, vasatha anukkaṇṭhamānā”ti evaṃ piyavacanena saṅgahetabbo. Punappunam tathākaraṇavasena **anuggahetabbo**. “Āma vasissāmi”ti paṭivacanadāpanena **upalāpetabbo**. Atha vā catūhi paccayehi saṅgahetabbo ceva anuggahetabbo ca. Piyavacanena upalāpetabbo, kaṇṇasukhaṃ ālapitabboti attho. Cuṇṇādīhi **upaṭṭhāpetabbo**. **Āpatti dukkaṭassāti** sace sakalopi saṃgho na karoti, sabbesaṃ dukkaṭaṃ. Idha neva therā na daharā muccanti, sabbehi vārena upaṭṭhāpetabbo. Attano vāre anupaṭṭhahantassa āpatti. Tena pana mahātherānaṃ pariveṇasammajjanadantakaṭṭhadānādīni na sādītāni, evampi sati mahātherehi sāyampātaṃ upaṭṭhānaṃ āgantabbaṃ. Tena pana tesāṃ āgamaṃ nātvā paṭhamataraṃ mahātherānaṃ upaṭṭhānaṃ gantabbaṃ. Sacassa saddhimcarā bhikkhu-upaṭṭhākā atthi, “mayhaṃ upaṭṭhākā atthi, tumhe appossukkā viharathā”ti vattabbaṃ. Athāpissa saddhimcarā natthi, tasmimyeva pana vihāre eko vā dve vā vattasampannā vadanti “mayhaṃ therassa kattabbaṃ karissāma, avasesā phāsu viharantū”ti, sabbesaṃ anāpatti.

So āvāso gantabboti uposathakaraṇatthāya anvaddhamāsaṃ gantabbo. So ca kho utuvasseyeva, vassāne pana yaṃ kattabbaṃ, tam dassetum **vassaṃ vasanti bālā abyattāti-ādimāha**. Tattha **na bhikkhave tehi bhikkhūhi tasmim āvāse vassaṃ vasitabbanti** purimikāya pātimokkhuddesakena vinā na vassaṃ upagantabbaṃ. Sace so vassūpagatānaṃ

pakkamati vā vibbhamati vā kālaṃ vā karoti, aññasmiṃ satiyeva pacchimikāya vasituṃ vaṭṭati, asati aññattha gantabbaṃ, agacchantānaṃ dukkaṭaṃ. Sace pana pacchimikāya pakkamati vā vibbhamati vā kālaṃ vā karoti, māsadvayaṃ vasitabbaṃ.

Pārisuddhidānakathā

164. **Kāyena viññāpeti**ti pārisuddhidānaṃ yena kenaci aṅgapaccaṅgena viññāpeti jānāpeti. Vācam¹ pana nicchāretuṃ sakkonto vācāya viññāpeti, ubhayathā sakkonto kāyavācāhi. **Samghena tattha gantvā uposatho kātabboti** sace bahū tādisā gilānā honti, samghena paṭipāṭiyā ṭhatvā sabbe hatthapāse kātabbā. Sace dūre dūre honti, samgho nappahoti, taṃ divasaṃ uposatho na kātabbo, natveva vaggena samghena uposatho kātabbo.

Tattheva pakkamatīti samghamajjhaṃ anāgantvā tatova katthaci gacchati. **Sāmaṇero paṭijānāti**ti “sāmaṇero ahan”ti evaṃ paṭijānāti, bhūtaṃyeva vā sāmaṇerabhāvaṃ āroceti, pacchā vā sāmaṇerabhūmiyaṃ tiṭṭhatīti attho. Esa nayo sabbattha.

Samghappatto pakkamatīti sabbantimena paricchena uposathatthāya sannipatitānaṃ catunnaṃ bhikkhūnaṃ hatthapāsaṃ patvā pakkamati. Esa nayo sabbattha. Ettha ca ekena bahūnampi āhaṭṭā pārisuddhi āhaṭṭāva hoti. Sace pana so antarāmagge aññaṃ bhikkhuṃ disvā yesaṃ anena pārisuddhi gahitā, tesaṃca attano ca pārisuddhiṃ deti, tasseva pārisuddhi āgacchati, itarā pana bilāḷasaṅkhalikapārisuddhi nāma hoti, sā na āgacchati.

Sutto na ārocetīti āgantvā supati, “asukena pārisuddhi dinnā”ti na āroceti. **Pārisuddhihāraḷakassa anāpattīti** ettha sace saṅcicca nāroceti, dukkaṭaṃ āpajjati, pārisuddhi pana āhaṭṭāva hoti. Asaṅcicca anārocitattā panassa anāpatti, ubhinnampi ca uposatho katoyeva hoti.

1. Paṭivācam (Ka)

Chandadānakathā

165. Chandadānepi pārisuddhidāne vuttasadisoyeva vinicchayo. **Pārisuddhiṃ dentena chandampi dātunti** ettha sace pārisuddhimeva deti, na chandaṃ, uposatho kato hoti. Yaṃ pana saṃgho aññaṃ kammaṃ karoti, taṃ akataṃ hoti. Chandameva deti, na pārisuddhiṃ, bhikkhusaṃghassa uposathopi kammampi katameva hoti, chandadāyakassa pana uposatho akato hoti. Sacepi koci bhikkhu nadiyā vā sīmāya vā uposathaṃ adhiṭṭhahitvā āgacchati, “kato mayā uposatho”ti acchitum na labhati, sāmaggī vā chando vā dātabbo.

167. **Saratipi uposathaṃ napi saratīti** ekadā sarati, ekadā na sarati. **Atthi neva saratīti** yo ekantaṃ neva sarati, tassa sammutidānakiccaṃ natthi. Anāgacchantopi kammaṃ na kopeti.

Samghuposathādikathā

168. **So deso sammajjitvāti** taṃ desaṃ sammajjitvā, upayogathe paccattaṃ. **Pānīyaṃ paribhojanīyanti**-ādi pana uttānatthameva. Kasmā panetaṃ vuttaṃ? Uposathassa pubbakaraṇādiddassanatthaṃ. Tenāhu Aṭṭhakathācariyā—

“Sammajjanī padīpo ca, udakaṃ āsanena ca.
Uposathassa etāni, ‘pubbakaraṇaṃ’ti vuccati”.

Iti imāni cattāri ‘pubbakaraṇaṃ’ti akkhātāni.

“Chandapārisuddhi-utukkhānaṃ, bhikkhugaṇaṇā ca ovādo.
Uposathassa etāni, ‘pubbakiccaṃ’ti vuccati”.

Iti imāni pañca pubbakaraṇato pacchā kattabbāni ‘pubbakiccaṃ’ti akkhātāni.

“Uposatho yāvatikā ca bhikkhū kammappattā,
Sabhāgāpattiyo ca na vijjanti.
Vajjanīyā ca puggalā tasmim na honti,
‘Pattakallan’ti vuccati”.

Iti imāni cattāri ‘pattakallan’ti akkhātānīti.

Tehi saddhinti tehi āgatehi saddhim etāni pubbakaraṇādīni katvā uposatho kātabbo. **Ajja me uposathoti** ettha sace pannaraso hoti, “ajja me uposatho pannaraso”tipi adhiṭṭhātum vaṭṭati. Cātuddasikepi eseva nayo.

Āpattiṭṭhikammavidhikathā

169. **Bhagavatā paññattam na sāpattikena uposatho kātabboti** idam “yassa siyā āpatti”ti-ādivacaneneva pārisuddhidānapaññāpanena ca pārisuddhi-uposathapaññāpanena ca paññattam hotīti veditabbam. **Itthannāmam āpattinti** thullaccayādīsu ekissā nāmam gahetvā “thullaccayam āpattim pācittiyam āpattin”ti evam vattabbam. **Tam paṭidesemī**ti idam “tam tumhamūle, tam tuyhamūle paṭidesemī”ti vuttepi suvuttameva hoti. **Passasī**ti idaṅca “passasi āvuso tam āpattim, passatha bhante tam āpattin”ti evam vattabbam. **Āma passāmī**ti idam pana “āma bhante passāmi, āma āvuso passāmī”ti evam vuttampi suvuttameva hoti. **Āyatim samvareyyāsī**ti ettha pana sace vuḍḍhataro, “āyatim samvareyyāthā”ti vattabbo. Evam vuttana pana “sādhu suṭṭhu samvarissāmī”ti vattabbameva.

Yadā nibbematikoti ettha sace panesa nibbematiko na hoti¹, vatthum kittetvāva desetum vaṭṭatīti Andhakaṭṭhakathāyam vuttam. Tatrāyam desanāvidhi, sace meghacchanne sūriye “kālo nu kho no”ti vematiko bhujjati, tena bhikkhunā “aham bhante vematiko bhujjim”, sace kālo atthi, “sambahulā dukkaṭā āpattiyo āpanomhi”, no ce atthi, “sambahulā pācittiyā āpanomhī”ti evam vatthum kittetvā “aham bhante yā tasmim vatthusmim sambahulā dukkaṭā vā pācittiyā vā āpattiyo āpanno, tā tumhamūle paṭidesemī”ti vattabbam², esa nayo sabbāpattīsu.

Na bhikkhave sabhāgā āpattīti ettha yam dvepi janā vikālabhojanādīnā sabhāgavatthunā āpattim āpajjanti, evarūpā vatthusabhāgā

1. Hoti (Ka)

2. Evam desetabbam. (Ka)

“sabhāgā”ti vuccati. Vikālabhojanapaccayā āpannaṃ pana anatirittabhojanapaccayā āpannassa santike desetum vaṭṭati. Yāpi cāyaṃ vatthusabhāgā, sāpi desitā sudesitāva. Aññaṃ pana desanapaccayā desako, paṭiggahaṇapaccayā paṭiggahako cāti ubhopi dukkaṭaṃ āpajjanti. Taṃ nānāvattukam hoti, tasmā aññaṃaññaṃ desetum vaṭṭati.

170. **Sāmanto bhikkhu evamassa vacanīyoti** ettha sabhāgoyeva vattabbo. Visabhāgassa hi vuccamāne bhaṇḍanakalahasamghabhedādīnīpi honti, tasmā tassa avatvā “ito vuṭṭahitvā paṭikarissāmī”ti ābhogaṃ katvā uposatho kātabboti Andhakaṭṭhakathāyaṃ vuttaṃ.

Anāpattipannarasakādīkathā

172. Anāpattipannarasake **te na jānimsūti** sīmaṃ okkantāti vā okkamantīti vāti na jānimsu. **Athaññe āvāsikā bhikkhū āgacchantīti** gāmaṃ vā araññaṃ vā kenaci karaṇīyena gantvā tesam nisinnaṭṭhānaṃ āgacchanti. **Vaggā samaggasaññīnoti** tesam sīmaṃ okkantattā vaggā sīmaṃ okkantabhāvassa ajānanato samaggasaññīno.

173. Vaggāvaggasaññīpannarasake **te jānantīti** pabbate vā thale vā ṭhitā sīmaṃ okkante vā okkamante vā passanti. Vematikapannarasakaṃ uttānameva.

175. Kukkucapakatapannarasake yathā icchāya abhibhūto “icchāpakato”ti vuccati, evaṃ pubbhāge sanniṭṭhānaṃ katvāpi karaṇakkhaṇe akappiye akappiyasaññītāsaṅkhātena kukkuccena abhibhūtā “kukkucapakatā”ti veditabbā.

176. Bhedapurekkhārapannarasake akusalabalavatāya thullaccayaṃ vuttaṃ.

Sīmokkantikaḥpeyyālakathā

177. Āvāsikena-āgantukaḥpeyyāle yathā purime āvāsikena-āvāsikaḥpeyyāle “te na jānanti, athaññe āvāsikā”ti-ādi vuttaṃ, evaṃ “te na jānanti, athaññe āgantukā”ti-ādinā

nayena sabbam veditabbam. Āgantukena-āvāsikaḥpeyyāle pana yathā purimaḥpeyyāle “āvāsikā bhikkhū sannipatanti”ti āgataṃ, evaṃ “āgantukā bhikkhū sannipatanti”ti ānetabbam. Āgantukena-āgantukaḥpeyyāle pana ubhayapadesu āgantukavasena yojetabboti.

178. **Āvāsikānaṃ bhikkhūnaṃ cātuddaso hoti, āgantukānaṃ pannarasoti** ettha yesaṃ pannaraso, te tiroraṭṭhato vā āgatā, atītaṃ vā uposathaṃ cātuddasikaṃ akāmsūti veditabbā. **Āvāsikānaṃ anuvattitabbanti** āvāsikehi “ajjuposatho cātuddaso”ti pubbakicce kariyamāne anuvattitabbam, na paṭikkositaḥbam. **Na akāmā dātabbāti** na anicchāya dātabbā.

Līṅgādidassanakathā

179. **Āvāsikākāraṇti** āvāsikānaṃ ākāraṃ. Esa nayo sabbattha. **Ākāro** nāma yena tesam “vattasampannā vā na vā”ti ācārasaṅṭhānaṃ gayhati. **Līṅgaṃ** nāma yaṃ te tattha tattha līne gamayati, adissamānepi jānāpetīti attho. **Nimittaṃ** nāma yaṃ disvā te atthīti nāyanti. **Uddeso nāma** yena te evarūpaparikkhārāti uddisanti, apadesaṃ labhanti attho. Sabbametaṃ supaññattamaṅcapīṭhādīnaṅceva padasaddādīnaṅca adhivacanaṃ, yathāyogaṃ pana yojetabbam. **Āgantukākārādisupi** eseva nayo. Tattha **aññātakanti** aññesaṃ santakaṃ. **Pādānaṃ dhotam udakanissekanti** pādānaṃ dhotānaṃ udakanissekaṃ. Bahuvacanassa ekavacanaṃ veditabbam. Pādānaṃ dhota-udakanissekanti vā pāṭho, pādānaṃ dhovana-udakanissekanti attho.

180. Nānāsamvāsakādivatthūsu **samānasamvāsakadiṭṭhinti** “samānasamvāsakā ete”ti diṭṭhiṃ. **Na pucchanti** tesam laddhiṃ na pucchanti, apucchitvāva vattapaṭipattiṃ katvā ekato uposathaṃ karonti. **Nābhivitaranti** nānāsamvāsakabhāvaṃ maddituṃ abhibhavituṃ na sakkonti, taṃ diṭṭhiṃ na nissajjāpentīti attho.

Nagantabbagantabbavārakathā

181. **Sabhikkhukā āvāsāti** yasmim āvāse uposathakārakā bhikkhū atthi, tamhā āvāsā yaṃ na sakkoti tadaheva

āgantum, so āvāso uposatham akatvā na gantabbo. **Aññatra saṅghenā**ti saṅghappahonakehi bhikkhūhi vinā. **Aññatra antarāyā**ti pubbe vuttam dasavidham antarāyam vinā. Sabbantimena pana paricchena attacattutthena¹ antarāye vā sati gantum vaṭṭati. **Anāvāsoti** navakammasālādiko yo koci padeso. Yathā ca āvāsādayo na gantabbā, evaṃ sace vihāre uposatham karonti, uposadhādhīṭṭhānattham sīmāpi nadīpi na gantabbā. Sace panettha koci bhikkhu hoti, tassa santikam gantum vaṭṭati. Vissatṭha-uposathāpi āvāsā gantum vaṭṭati, evaṃ gato adhiṭṭhātumpi labhati. Āraññakenāpi bhikkhunā uposathadivase gāme piṇḍāya caritvā attano vihārameva āgantabbam, sace aññam vihāram okkamati, tattha uposatham katvāva āgantabbam, akatvā na vaṭṭati.

182. **Yam jaññā sakkomi ajjeva gantuntiyam jāneyya** “ajjeva tattha gantum sakkomī”ti, evarūpo āvāso gantabbo. Tattha bhikkhūhi saddhim uposatham karontenāpi hi iminā neva uposathantarāyo kato bhavissatīti.

Vajjanīyapuggalasandassanakathā

183. **Bhikkhuniyā nisinnaparisāyā**ti-ādīsu hatthapāsūpagamanameva pamāṇam. **Aññatra avuṭṭhitāya parisāyā**ti idam hi pārivāsīyapārisuddhidānam nāma parisāya vuṭṭhitakālato paṭṭhāya na vaṭṭati, avuṭṭhitāya pana vaṭṭati. Tenāha “aññatra avuṭṭhitāya parisāyā”ti. Tassa lakkhaṇam Bhikkhunivibhaṅge pārivāsīyachandadānavāṇṇanato gahetabbam. **Anuposatheti** cātuddasiko ca pannarasiko cāti ime dve uposathe ṭhapetvā aññasmim divase. **Aññatra saṅghasāmaggiyā**ti yā Kosambakabhikkhūnam viya bhinne saṅghe puna saṅghasāmaggiyā kariyati, tathārūpim saṅghasāmaggiṃ ṭhapetvā. Tadā ca “suṇātu me bhante saṅgho ajjuposatho sāmaggi”ti vatvā kātabbo. Ye pana kismiñciveva appamattake uposatham ṭhapetvā puna samaggā honti, tehi uposatheveva kātabboti.

Uposathakkhandhakavaṇṇanā niṭṭhitā.

1. ...attacattutthena attapañcamena vā (Ka), attacattutthena vā attapañcamena vā (Syā)

3. Vassūpanāyikakkhandhaka

Vassūpanāyikānujānanakathā

184. Vassūpanāyikakkhandhake **apaññattoti** ananuññāto, asaṃvihito vā. **Te idha bhikkhūti** te bhikkhū, idhasaddo nipātamatto. **Saṅghātaṃ āpādentāti** vināsaṃ āpādentā. **Saṃkasāyissantīti** appossukkā nibaddhavāsaṃ vasissanti. **Sakuntakāti** sakuṇā. **Vassāne vassaṃ upagantunti** vassānanāmake temāse vassaṃ upagantabbanti attho. **Kati nu kho vassūpanāyikāti** kati nu kho vassūpagamanāni. **Aparajjugatāyāti** ettha aparajju gatāya assāti aparajjugatā, tassā aparajjugatāya, atikkantāya aparasmim divaseti attho. Dutīyanayepi māsō gatāya assāti **māsagatā**, tassā māsagatāya, atikkantāya māsē paripuṇṇeti attho. Tasmā āsālḥhipuṇṇamāya anantare pāṭipadadivase, āsālḥhipuṇṇamito vā aparāya puṇṇamāya anantare pāṭipadadivaseyeva vihāraṃ paṭijaggitvā pānīyaṃ paribhojanīyaṃ upaṭṭhapetvā sabbaṃ cetiyavandanādisāmīcikammaṃ niṭṭhāpetvā “imasim vihāre imam temāsaṃ vassaṃ upemī”ti sakim vā dvattikkhattum vā vācaṃ nicchāretvā vassaṃ upagantabbam.

Vassānecārikāpaṭikkhepādīkathā

185-6. **Yo pakkameyyāti** ettha anapekkhagamanena vā aññattha aruṇaṃ uṭṭhāpanena vā āpatti veditabbā. **Yo atikkameyyāti** ettha vihāragaṇanāya āpattiyo veditabbā. Sace hi taṃ divasaṃ vihārasatassa upacāraṃ okkamitvā atikkamati, sataṃ āpattiyo. Sace pana vihārūpacāraṃ atikkamitvā aññassa vihārasa upacāraṃ anokkamitvāva nivattati, ekā eva āpatti. Kenaci antarāyena purimikaṃ anupagatena pacchimikā upagantabbā.

Vassaṃ ukkaḍḍhitukāmoti vassanāmakam paṭhamamāsaṃ ukkaḍḍhitukāmo, sāvaṇamāsaṃ akatvā puna āsālḥhīmāsameva kattukāmoti attho. **Āgame juṇheti** āgame māseti attho. **Anujānāmi bhikkhave rājūnaṃ anuvattitunti** ettha vassukkaḍḍhane bhikkhūnaṃ kāci parihāni nāma natthīti

anuvattitum̄ anuññātaṃ, tasmā aññasmimpi dhammike kamme anuvattitabbaṃ. Adhammike pana na kassaci anuvattitabbaṃ.

Sattāhakaṇṭīyānujānanakathā

187-8. Sattāhakaṇṭīyesu **sattāhakaṇṭīyena gantuntī** sattāhabbhantare yaṃ kattabbaṃ, taṃ sattāhakaṇṭīyaṃ, tena sattāhakaṇṭīyena karaṇabhūtena gantum̄ anujānāmīti attho. **Pahite gantuntī** imehi sattahi bhikkhu-ādīhi dūte pahiteyeva gantum̄ anujānāmīti attho. **Sattāhaṃ sannivatto kātabboti** sattāheyeva sannivattitabbo, aṭṭhāmo aruṇo tattheva na uṭṭhāpetabboti attho.

Bhikkhunisaṃghaṃ uddissāti ito paṭṭhāya vaccakuṭi jantāgharaṃ jantāgharasālāti imāni tīṇi parihīnāni.

189. **Udositādīni** udositasikkhāpadādīsu vuttāneva. **Rasavatīti** bhattagehaṃ vuccati. **Vāreyyaṃ** Sañcarittasikkhāpade vuttameva. **Purāyaṃ suttanto palujjati**ti yāva ayaṃ suttanto na palujjati, yāva ayaṃ suttanto na vinassati. **Aññātaraṃ vā panassa kiccaṃ hoti karaṇīyaṃ vāti** etena paraṃkhatāṃ yaṃkiñci karaṇīyaṃ saṅgahitaṃ hoti. Sabbattha ca “icchāmi dānañca dātum̄ dhammañca sotum̄ bhikkhū ca passitum̄”ti imināva kappiyavacanena pesite gantabbaṃ, etesaṃ vā vevacanena. Peyyālakkaṃ pana evaṃ veditabbo, yathā “upāsakena saṃghaṃ uddissa vihārādayo kārāpitā honti, sambahule bhikkhū uddissa, ekaṃ bhikkhum̄ uddissa, bhikkhunisaṃghaṃ uddissa, sambahulā bhikkhuniyo, ekaṃ bhikkhunim̄, sambahulā sikkhamānāyo, ekaṃ sikkhamānaṃ, sambahule sāmaṇere, ekaṃ sāmaṇeraṃ, sambahulā sāmaṇeriyo, ekaṃ sāmaṇerim̄ uddissa attano atthāya nivesanaṃ kārāpitaṃ hoti”ti vuttaṃ, evameva “upāsikāya, bhikkhunā, bhikkhuniyā, sikkhamānāya, sāmaṇerena, sāmaṇeriyā saṃghaṃ uddissā”ti sabbaṃ vattabbaṃ. Etesu sattappakāresu karaṇīyesu pahite gantabbaṃ.

Pañcannaṃappahitepi-anujānanakathā

193. **Pañcannaṃ sattāhakaṇṭīyenāti** etesaṃ bhikkhu-ādīnaṃ sahadhammikānaṃ “gilānabhattaṃ vā gilānupaṭṭhākabhattaṃ vā bhesajjaṃ vā

pariyessāmi, pucchissāmi vā upaṭṭhahissāmi vā”ti evamādinā parato vitthāretvā dassitena kāraṇena appahitepi gantabbaṃ, ¹pageva pahite. Bhikkhu gilāno hoti, anabhirati uppannā hoti, kukkucchaṃ uppannaṃ hoti, diṭṭhigataṃ uppannaṃ hoti, garudhammaṃ ajjhāpanno hoti parivāsāraho, mūlāya paṭikassanāraho hoti, mānattāraho, abbhānāraho, saṃgho kammaṃ kattukāmo hoti, kataṃ vā saṃghena kammaṃ hotīti etehi dasahi kāraṇehi bhikkhussa santikaṃ gantabbaṃ. Bhikkhuniyā santikaṃ navahi kāraṇehi gantabbaṃ, sikkhamānāya santikaṃ chahi—dito catūhi, sikkhā kuppitā hoti, upasampajjitukāmo hotīti. Sāmaṇerassāpi chahi—ādito catūhi, vassam pucchitukāmo upasampajjitukāmo hotīti. Sāmaṇeriyā upasampadaṃ apantvā sikkhāpadaṃ dātukāmo hotīti iminā saddhim pañcahi¹. Parato māṭāpitūnaṃ anuññātaṭṭhānepi eseva nayo. Andhakaṭṭhakathāyaṃ pana “ye māṭāpitūnaṃ upaṭṭhakā ñātakā vā aññātakā vā, tesampi appahite gantuṃ vaṭṭati”ti vuttaṃ, taṃ neva Aṭṭhakathāyaṃ, na Pāḷiyā vuttaṃ, tasmā na gahetabbaṃ.

Pahiteyeva-anujānanakathā

199. **Bhikkhugatikoti** ekasmiṃ vihāre bhikkhūhi saddhim vasanakapuriso. **Undriyatīti** palujjati. **Bhaṇḍaṃ chedāpitanti** dabbasambhārabhaṇḍaṃ chedāpitaṃ. **Āvahāpeyyunti** āharāpeyyuṃ. **Dajjāhanti** dajje ahaṃ. **Saṃghakaraṇīyenāti** ettha yaṃkiñci uposathāgārādīsu senāsanesu cetiyachattavedikādīsu vā kattabbaṃ, antamaso bhikkhuno puggalikesanāsanampi, sabbaṃ saṃghakaraṇīyameva. Tasmā tassa nipphādanatthaṃ dabbasambhāradīni vā āharitūṃ vaḍḍhakāpabhutīnaṃ bhattavetanādīni vā dāpetuṃ gantabbaṃ.

Ayaṃ panettha Pāḷimuttakaratticchedavinicchayo— dhammasavanatthāya animantitena gantuṃ na vaṭṭati. Sace ekasmiṃ mahāvāse paṭhamāmyeva katikā katā hoti “asukadivasam nāma sannipatitabban”ti, nimantitoyeva nāma hoti, gantuṃ vaṭṭati. “Bhaṇḍakaṃ dhovissāmi”ti gantuṃ na vaṭṭati. Sace

1-1. Ettakā Pāḷi Sī-Syā-pothakesu natthi.

pana ācariyupajjhāyā pahīṇanti, vaṭṭati. Nātidūre vihāro hoti, tattha gantvā ajjeva āgamissāmīti sampāpuṇitum na sakkoti, vaṭṭati.

Uddesaparipucchādīnaṃ atthāyapi gantum na vaṭṭati. “Ācariyaṃ passissāmī”ti pana gantum labhati. Sace pana naṃ ācariyo “ajja mā gacchā”ti vadati, vaṭṭati. Upaṭṭhākakulamā vā ñātikulamā vā dassanāya gantum na labhatīti.

Antarāye anāpattivassacchedakathā

201. **Yena gāmo, tena gantunti**-ādīsu sace gāmo avidūraṃ gato¹ hoti. Tattha piṇḍāya caritvā vihārameva āgantvā vasitabbaṃ. Sace dūraṃ gato, sattāhavārena aruṇo uṭṭhāpetabbo. Na sakkā ce hoti, tatveva sabhāgaṭṭhāne vasitabbaṃ. Sace manussā yathāpavattāni salākabhattādīni denti, “na mayaṃ tasmim vihare vasimhā”ti vattabbā. “Mayaṃ viharassa vā pāsādassa vā na dema, tumhākaṃ dema, yattha katthaci vasitvā bhuñjathā”ti vutte pana yathāsukhaṃ bhuñjitabbaṃ, tesamyeva taṃ pāpuṇāti. “Tumhākaṃ vasanaṭṭhāne pāpuṇāpetvā bhuñjathā”ti vutte pana yattha vasanti, tattha netvā vassaggena pāpuṇāpetvā bhuñjitabbaṃ.

Sace pavāritakāle vassāvāsikaṃ denti, yadi sattāhavārena aruṇaṃ uṭṭhāpayimsu, ghetabbaṃ. Chinnavassehi pana “na mayaṃ tattha vasimha, chinnavassā mayan”ti vattabbaṃ. Yadi “yesaṃ amhākaṃ senāsaṇaṃ pāpitaṃ, te gaṇhantū”ti vadanti, ghetabbaṃ. Yaṃ pana vihare upanikkhattakaṃ mā vinassīti idha āhaṭaṃ cīvarādive bhaṅgiyabhaṇḍaṃ, taṃ tattheva gantvā apaloketvā bhājetabbaṃ. “Ito ayyānaṃ cattāro paccaye dethā”ti kappiyakārakānaṃ dinne khattavatthu-ādike tatrappādepi eseva nayo. Saṃghikaṃ hi vebhaṅgiyabhaṇḍaṃ antovihāre vā bahisīmāya vā hotu, bahisīmāya ṭhitānaṃ apaloketvā bhājetum na vaṭṭati. Ubhayattha ṭhitampi pana antosīmāya ṭhitānaṃ apaloketvā bhājetum vaṭṭatiyeva.

1. Avidūrato (Sī)

Saṃghabhede-anāpattivassacchedakathā

202. **Saṃgho bhinnoti** ettha bhinne saṃghe gantvā karaṇīyaṃ natthi, yo pana “bhijjissatī”ti āsaṅkito, taṃ sandhāya “bhinno”ti vuttaṃ. **Sambahulāhi bhikkhunīhi saṃgho bhinnoti** ettha na bhikkhunīhi saṃgho bhinnoti daṭṭhabbo, vuttaṅhetam “na kho Upāli bhikkhunī saṃgham bhindatī”ti. Etā pana nissāya anubalam katvā yaṃ saṃgham “bhikkhū bhindeyyun”ti āsaṅkā hoti, taṃ sandhāyetam vuttaṃ.

Vajādīsuvassūpagamanakathā

203. **Vajoti gopālakānaṃ nivāsaṭṭhānaṃ. Yena vajoti** ettha vajena saddhim gatassa vassacchede anāpatti.

Upakaṭṭhāyāti āsannāya. **Satthe vassam upagantuntī** ettha vassūpanāyikadivase tena bhikkhunā upāsakā vattabbā “kuṭikā laddhum vaṭṭatī”ti. Sace karitvā denti, tattha pavisitvā “idha vassam upemī”ti tikkhattum vattabham. No ce denti, sālāsaṅkhepena ṭhitasakaṭṭassa heṭṭhā upagantabham. Tampi alabhantena ālayo kātabbo, satthe pana vassam upagantum na vaṭṭati. Ālayo nāma “idha vassam vasissāmī”ti cittuppādamattam. Sace maggappaṭipanneyeva satthe pavāraṇadivaso hoti, tattheva pavāretabham. Atha sattho antovasseyeva bhikkhunā patthitaṭṭhānaṃ patvā atikkamati, patthitaṭṭhāne vasitvā tattha bhikkhūhi saddhim pavāretabham. Athāpi sattho antovasseyeva antarā ekasmiṃ gāme tiṭṭhati vā vippakirati vā, tasmīnyeva gāme bhikkhūhi saddhim vasitvā pavāretabham, apavāretvā tato param gantum na vaṭṭati.

Nāvāyaṃ vassam upagacchantenāpi kuṭiyānyeva upagantabham. Pariyesitvā alabhantena ālayo kātabbo. Sace antotemāsam nāvā samuddeyeva hoti, tattheva pavāretabham. Atha nāvā kūlam labhati, ayaṅca parato gantukāmo hoti, gantum na vaṭṭati. Nāvāya laddhagāmeyeva vasitvā bhikkhūhi saddhim pavāretabham. Sacepi nāvā anutīrameva aññattha gacchati, bhikkhu ca paṭhamam laddhagāmeyeva vasitukāmo, nāvā gacchatu, bhikkhunā tattheva vasitvā bhikkhūhi saddhim pavāretabham.

Iti vaje satthe nāvāyanti tīsu ṭhānesu natthi vassacchede āpatti, pavāretuñca labhati. Purimesu pana “vālehi ubbāḷhā hontī”ti-ādīsu saṃghabhedapariyantesu vatthūsu kevalam anāpatti hoti, pavāretum pana na labhati.

204. **Na bhikkhave rukkhasusireti** ettha suddhe rukkhasusireyeva na vaṭṭati, mahantassa pana rukkhasusirassa anto padaracchadanam kuṭikam katvā pavisanadvāram yojetvā upagantum vaṭṭati. Rūkkham chinditvā khāṇukamatthake padaracchadanam kuṭikam katvāpi vaṭṭatiyeva. **Rukkhaveṭṭābhīyāti** etthāpi suddhe viṭapamatte na vaṭṭati. Mahāviṭape pana aṭṭakam bandhitvā tatha padaracchadanam kuṭikam katvā upagantabbam. **Asenāsanikenāti** yassa pañcannam chadanānam aññatarena channam yojitadvārabandhanam senāsanam natthi, tena na upagantabbam. **Na bhikkhave chavakuṭikāyanti** chavakuṭikā nāma ṭaṅkitamañcādibhedā kuṭi, tatha upagantum na vaṭṭati. Susāne pana aññam kuṭikam katvā upagantum vaṭṭati. **Na bhikkhave chatteti** etthāpi catūsu thambhesu chatam ṭhapetvā āvaraṇam katvā dvāram yojetvā upagantum vaṭṭati, chattakuṭikā nāmesā hoti. **Cāṭiyāti** etthāpi mahantena kapallena chatte vuttanayena kuṭim katvā upagantum vaṭṭati.

Adhammikakatikādīkathā

205. **Evarūpā katikāti** ettha aññāpi yā īdisī adhammikā katikā hoti, sā na kātabbāti attho. Tassā lakkhaṇam Mahāvibhaṅge vuttam.

207-8. **Paṭissave ca āpatti dukkaṭassāti** ettha na kevalam “imam temāsam idha vassam vasathā”ti etasseva paṭissave āpatti, “imam temāsam bhikkham gaṇhatha, ubhopi mayam idha vassam vasissāma, ekato uddisāpessāmā”ti evamādināpi tassa tassa paṭissave dukkaṭam, tañca kho paṭhamam suddhacittassa pacchā visamvādanapaccayā, paṭhamampi asuddhacittassa pana paṭissave pācittiyam, visamvādane dukkaṭanti pācittiyena saddhim dukkaṭam yujjati.

So tadaheva akaraṇīyoti-ādīsu sace vassaṃ anupagantvā vā pakkamati, upagantvā vā sattāhaṃ bahiddhā vītināmeti, purimikā ca na paññāyati, paṭissave ca āpatti. Vassaṃ upagantvā pana aruṇaṃ anuṭṭhāpetvā tadaheva sattāhakarāṇīyena pakkamantassāpi antosattāhe nivattantassa anāpatti. Ko pana vādo dvīhatīhaṃ vasitvā antosattāhe nivattantassa. **Dvīhatīhaṃ vasitvā**ti etthāpi nirapekkheneva upacārātikame vassacchedo veditabbo. Sace idha vasissāmīti ālayo atthi, asatiyā pana vassaṃ na upeti, gahitasenāsaṇaṃ suggahitaṃ, chinnavasso na hoti, pavāretuṃ labhatiyeva.

Sattāhaṃ anāgatāya pavāraṇāyāti ettha navamito paṭṭhāya gantuṃ vaṭṭati, āgacchatu vā mā vā, anāpatti. Sesāṃ uttānamevāti.

Vassūpanāyikakkhandhakavaṇṇanā niṭṭhitā.

4. Pavāraṇākkhandhaka

Aphāsukavihārakathā

209. Pavāraṇākkhandhake **neva ālapeyyāma na sallapeyyāmāti** ettha **ālāpo** nāma paṭhamavacanaṃ. **Sallāpo** pacchimavacanaṃ. **Hatthavilaṅghakenāti** hatthukkhepakena. **Pasusaṃvāsanti** pasūnaṃ viya saṃvāsaṃ. Pasavopi hi attano uppannaṃ sukhadukkhāṃ aññaṃaññaṃsa na ārocenti, paṭisanthāraṃ na karonti, tathā etepi na akaṃsu. Tasmā nesam saṃvāso “pasusaṃvāso”ti vuccati. Esa nayo sabbattha. **Na bhikkhave mūgabbataṃ titthiyasamādānanti** imaṃ temāsaṃ na kathetabbanti evarūpaṃ vatasamādānaṃ na kātappaṃ, adhammakatikā hesā. **Aññaṃaññaṃnulomatāti** aññaṃaññaṃ vattuṃ anulomabhāvo. Vadantu maṃ āyasmantoti hi vadantaṃ sakkā hoti kiñci vattuṃ, na itaraṃ. **Āpattivuṭṭhānatā vinayapurekkhāratāti** āpattīhi vuṭṭhānabhāvo vinayaṃ purato katvā caraṇabhāvo. “Vadantu maṃ āyasmanto”ti hi evaṃ vadanto āpattīhi vuṭṭhahissati, vinayaṅca purakkhatvā viharissatī¹ vuccati.

210. **Suṇātu me bhante saṃgho, ajja pavāraṇā, yadi saṃghassa pattakallaṃ, saṃgho pavāreyyāti** ayaṃ sabbasaṅgāhikā nāma ñatti, evañhi vutte tevācikaṃ dhevācikaṃ ekavācikaṅca pavāretuṃ vaṭṭati, samānavassikaṃ na vaṭṭati. Tevācikaṃ pavāreyyāti vutte pana tevācikameva vaṭṭati, aññaṃ na vaṭṭati. Dhevācikaṃ pavāreyyāti vutte dhevācikaṅca tevācikaṅca vaṭṭati, ekavācikaṅca samānavassikaṅca na vaṭṭati. Ekavācikaṃ pavāreyyāti vutte pana ekavācikadhevācikatevācikaṇi vaṭṭanti, samānavassikameva na vaṭṭati. Samānavassikanti vutte sabbam vaṭṭati.

211. **Acchantīti** nisinnāva honti, na uṭṭhahanti. **Tadamantarāti** tadantarā, tāvatakaṃ² kālanti attho.

1. Viharatīti (Sī, Syā)

2. Tāvattakaṃ (Syā)

Pavāraṇābheda-kathā

212. **Cātuddasikā ca pannarasikā cāti** ettha cātuddasikāya ‘ajja pavāraṇā cātuddasī’ti evaṃ pubbakiccaṃ kātabbam, pannarasikāya “ajja pavāraṇā pannarasī”ti.

Pavāraṇakammesu sace ekasmiṃ vihāre pañcasu bhikkhūsu vasantesu ekassa pavāraṇam āharitvā cattāro gaṇaṇattim ṭhapetvā pavārenti, catūsu tīsu vā vasantesu ekassa pavāraṇam āharitvā tayo vā dve vā saṃghaṇattim ṭhapetvā pavārenti, sabbametam adhammenavaggaṃ pavāraṇakammaṃ.

Sace pana sabbepi pañca janā ekato sannipatitvā gaṇaṇattim ṭhapetvā pavārenti, cattāro tayo vā dve vā vasantā ekato sannipatitvā saṃghaṇattim ṭhapetvā pavārenti, sabbametam adhammenasamaggaṃ pavāraṇakammaṃ.

Sace pañcasu janesu ekassa pavāraṇam āharitvā cattāro saṃghaṇattim ṭhapetvā pavārenti, catūsu tīsu vā ekassa pavāraṇam āharitvā tayo vā dve vā gaṇaṇattim ṭhapetvā pavārenti, sabbametam dhammenavaggaṃ pavāraṇakammaṃ.

Sace pana sabbepi pañca janā ekato sannipatitvā saṃghaṇattim ṭhapetvā pavārenti, cattāro vā tayo vā ekato sannipatitvā gaṇaṇattim ṭhapetvā pavārenti, dve aññamaññaṃ pavārenti, ekako vasanto adhiṭṭhānapavāraṇam karoti, sabbametam dhammenasamaggaṃ nāma pavāraṇakammanti.

Pavāraṇādānānujānanakathā

213. **Dinnā hoti pavāraṇāti** ettha evaṃ dinnāya pavāraṇāya pavāraṇāhārakena saṃgham upasaṅkamitvā evaṃ pavāretabham “tisso bhante bhikkhu saṃgham pavāreti diṭṭhena vā sutena vā parisāṅkāya vā, vadatu tam bhante saṃgho anukampaṃ upādāya, passanto paṭikarissati. Dutiyampi. Tatiyampi bhante Tisso bhikkhu saṃgham pavāreti -pa-paṭikarissati”ti. Sace pana vuḍḍhataro hoti, “āyasmā bhante Tisso”ti vattabham, evaṃhi tena tassatthāya pavāritam hotīti.

Pavāraṇaṃ dentena chandampi dātunti ettha chandadānaṃ Uposathakkhandhake vuttanayeneva veditabbaṃ. Idhāpi ca chandadānaṃ avasesakammatthāya. Tasmā sace pavāraṇaṃ dento chandaṃ deti, vuttanayena āhaṭāya pavāraṇāya tena ca bhikkhunā saṃghena ca pavāritameva hoti. Atha pavāraṇameva deti, na chandaṃ, tassa ca pavāraṇāya ārocitāya saṃghena ca pavārite sabbesaṃ suppavāritaṃ hoti, aññaṃ pana kammaṃ kuppati. Sace chandameva deti, na pavāraṇaṃ, saṃghassa pavāraṇā ca sesakammāni ca na kuppanti, tena pana bhikkhunā appavāritaṃ hoti. Pavāraṇadivase pana bahisīmāyaṃ pavāraṇaṃ adhiṭṭhahitvā āgatenapi chando dātabbo, tena saṃghassa pavāraṇakammaṃ na kuppati.

218. **Ajja me pavāraṇā**ti ettha sace cātuddasikā hoti, “ājja me pavāraṇā cātuddasī”ti, sace pannarasikā, “ājja me pavāraṇā pannarasī”ti evaṃ adhiṭṭhātabbaṃ.

219. **Tadahupavāraṇāya āpattinti-ādi** vuttanayameva.

Anāpattipannarasakādikathā

222. **Puna pavāretabbanti** puna pubbakiccaṃ katvā ñattiṃ ṭhapetvā saṃghattherato paṭṭhāya pavāretabbaṃ. Sesāṃ Uposathakkhandhakavaṇṇanāyaṃ vuttanayeneva veditabbaṃ.

228. **Āgantukehi āvāsikānaṃ anuvattitabbanti** ajja pavāraṇā cātuddasīti etadeva pubbakiccaṃ kātabbaṃ. Pannarasikavārepi eseva nayo. **Āvāsikehi nissīmaṃ gantvā pavāretabbanti** assāvasāne ayaṃ Pāḷimuttakavinicchayo—sace purimikāya pañca bhikkhū vassaṃ upagatā, pacchimikāyapi pañca, purimehi ñattiṃ ṭhapetvā pavārite pacchimehi tesāṃ santike pārisuddhi-uposatho kātabbo, na ekasmim uposathagge dve ñattiyo ṭhapetabbā. Sacepi pacchimikāya upagatā cattāro tayo dve eko vā hoti, eseva nayo. Atha purimikāya cattāro pacchimikāyapi cattāro tayo dve eko vā, eseva nayo. Athāpi purimikāya tayo pacchimikāyapi tayo dve vā, eseva nayo. Idañhettha lakkhaṇaṃ “sace purimikāya upagatehi pacchimikāya upagatā

thokatarā ceva honti samasamā ca, saṅghapavāraṇāya gaṇaṃ pūrenti, saṅghapavāraṇāvasena ñatti ṭhapetabbā”ti.

Sace pana purimikāya tayo, pacchimikāya eko hoti, tena saddhiṃ te cattāro honti, catunnaṃ saṅghañattim ṭhapetvā pavāretum na vaṭṭati. Gaṇañattiyā pana so gaṇapūraṅko hoti. Tasmā gaṇavasena ñattim ṭhapetvā purimehi pavāretabbaṃ. Itarena tesam santike pārisuddhi-uposatho kātabbo. Sace purimikāya dve pacchimikāya dve vā eko vā hoti, eseva nayo. Sace purimikāya eko, pacchimikāyapi eko hoti, ekena ekassa santike pavāretabbaṃ, ekena pārisuddhi-uposatho kātabbo. Sace pana purimavassūpagatehi pacchimavassūpagatā ekenapi adhikatarā honti, paṭhamam pātimokkham uddisitvā pacchā thokatarehi tesam santike pavāretabbaṃ.

Kattikacātumāsiniyā pavāraṇāya pana sace paṭhamam vassūpagatehi mahāpavāraṇāya pavāritehi pacchā upagatā adhikatarā vā samasamā vā honti, pavāraṇāñattim ṭhapetvā pavāretabbaṃ. Tehi pavārite pacchā itarehi pārisuddhi-uposatho kātabbo. Atha mahāpavāraṇāya pavāritā bahū bhikkhū honti, pacchimavassūpagatā thokatarā vā eko vā, pātimokkhe uddiṭṭhe pacchā tesam santike tena pavāretabbaṃ.

233. Na ca bhikkhave appavāraṇāya pavāretabbaṃ aññatra saṅghasāmaggiyāti ettha kosambakasāmaggīsadisāva sāmaggī veditabbā, “ajja pavāraṇā sāmaggī”ti evañcetha pubbakiccaṃ kātabbaṃ. Ye pana kismiñciveva appamattake pavāraṇam ṭhapetvā samaggā honti, tehi pavāraṇāyameva pavāraṇā kātabbā. Sāmaggīpavāraṇam karontehi ca paṭhamapavāraṇam ṭhapetvā pāṭipadato paṭṭhāya yāva kattikacātumāsini punṇamā etthantare kātabbā, tato pacchā vā pure vā na vaṭṭati.

Dvevācīkāḍipavāraṇākathā

234. Dvevācīkam pavāretunti ettha ñattim ṭhapentenāpi “yadi saṅghassa pattakallam, saṅgho dvevācīkam pavāreyyā”ti vattabbaṃ, ekavācīke

“ekavācikaṃ pavāreyyā”ti, samānavassikepi “samānavassikaṃ pavāreyyā”ti vattabbaṃ, ettha ca bahūpi samānavassā ekato pavāretuṃ labhanti.

Pavāraṇāṭhapanakathā

236. **Bhāsītāya lapitāya ariyosītāyāti** ettha sabbasaṅgāhikaṅca puggalikaṅcāti duvidhaṃ pavāraṇāṭhapanam. Tattha sabbasaṅgāhike “suṇātu me bhante saṅgho -pa- saṅgho tevācikaṃ pavāre” iti sukārato yāva rekāro, tāva bhāsītā lapitā ariyosītāva hoti pavāraṇā. Etthantare ekapadepi ṭhapentena ṭhapitā hoti pavāraṇā, yyakāre pana patte ariyosītā hoti, tasmā tato paṭṭhāya ṭhapentena ṭhapitāpi aṭṭhapitā hoti. Puggalikaṭhapanena pana “saṅghaṃ bhante pavāremi -pa-. Tatiyampi bhante saṅghaṃ pavāremi dīṭṭhena vā -pa- passanto paṭī”ti saṅkārato yāva ayaṃ sabbapaccchimo ṭikāro, tāva bhāsītā lapitā ariyosītāva hoti pavāraṇā, etthantare ekapadepi ṭhapentena ṭhapitā hoti pavāraṇā, karissāmīti vutte pana ariyosītā hoti, tasmā karissāmīti etasmiṃ pade patte ṭhapitāpi aṭṭhapitā hoti. Esa nayo dhevācika-ekavācikasamānavassikāsūpi. Etāsūpi hi ṭikārāvasānaṃyeva ṭhapanakhettanti.

237. **Anuyuñjyamānoti** “kimhi naṃ ṭhapesī”ti parato vuttanayena pucchiyamāno. **Omadditvāti** etāni “alaṃ bhikkhu mā bhaṇḍanan”ti-ādīni vacanāni vatvā, vacanomaddanā hi idha omaddanāti adhippetā. **Anuddhaṃsitaṃ paṭijānāti** “amūlakena pārājikena anuddhaṃsito ayaṃ mayā”ti evaṃ paṭijānāti. **Yathādhammanti** saṅghādisesena anuddhaṃsane pācittiyaṃ, itarehi dukkaṭaṃ. **Nāsetvāti** liṅganāsanāya nāsetvā.

238. **Sāssa yathādhammaṃ paṭikatāti** ettakameva vatvā pavārethāti vattabbā, asukā nāma āpattīti idaṃ pana na vattabbaṃ, etaṃ hi kalahassa mukhaṃ hoti.

Vatthuṭhapanādikathā

239. **Idaṃ vatthu paññāyati na puggaloti** ettha corā kira araṇṇavihāre pokkharaṇito macche gahetvā pacitvā khāditvā agamaṃsu.

So taṃ vipakāraṃ disvā ārāme vā kiñci dhuttena kataṃ vipakāraṃ disvā “bhikkhussa iminā kamma bhavitabban”ti sallakkhetvā evamāha. **Vatthum ṭhapetvā saṅgho pavāreyyāti** yadā taṃ puggalaṃ jānissāma, tadā naṃ codessāma. Idāni pana saṅgho pavāretūti ayamettha attho. **Idāneva naṃ vadehīti** sace iminā vatthunā kañci puggalaṃ parisaṅkasi, idāneva naṃ apadisāhīti attho. Sace apadisati, taṃ puggalaṃ anuvijjivā pavāretabbaṃ. No ce apadisati, upaparikkhitvā jānissāmāti pavāretabbaṃ.

Ayaṃ puggalo paññāyati na vatthūti ettha eko bhikkhu mālāgandhavilepanehi cetiyaṃ vā pūjesi, ariṭṭhaṃ vā pivi, tassa tadanurūpo sarīragandho ahoṣi. So taṃ gandhaṃ sandhāya “imassa bhikkhuno evarūpo sarīragandho”ti vatthum pakāseṇo evamāha. **Puggalaṃ ṭhapetvā saṅgho pavāreyyāti** etaṃ puggalaṃ ṭhapetvā saṅgho pavāretu. **Idāneva naṃ vadehīti** ()¹ yaṃ tvaṃ puggalaṃ ṭhapesi, tassa puggalassa idāneva dosaṃ vada. Sace ayamassa dosoti vadati, taṃ puggalaṃ sodhetvā pavāretabbaṃ. Atha nāhaṃ jānāmīti vadati, upaparikkhitvā jānissāmāti pavāretabbaṃ.

Idaṃ vatthu ca puggalo ca paññāyatīti purimanayeneva corehi macche gahetvā pacitvā paribhuttaṭṭhānaṅca gandhādīhi nahānaṭṭhānaṅca disvā “pabbajitassa kamman”ti maññamāno so evamāha. **Idāneva naṃ vadehīti** idāneva tena vatthunā parisaṅkitaṃ puggalaṃ vadehi, idaṃ pana ubhayampi disvā diṭṭhakālato paṭṭhāya vinicchinitvāva pavāretabbaṃ. **Kallaṃ vacanāyāti** kallaṃ codanāya, codetum vaṭṭatīti attho. Kasmā? Pavāraṇato pubbe avinicchitattā pacchā ca disvā coditattāti. **Ukkoṭanakaraṃ pācittiyanti** idaṃ hi ubhayaṃ pubbe pavāraṇāya disvā vinicchinitvāva bhikkhū pavārenti, tasmā puna taṃ ukkoṭentassa āpatti.

Bhaṇḍanakāravatthukathā

240. **Dve tayo uposathe cātuddasike kātuntī** ettha catutthapañcamā dve, tatiyo pana pakatiyāpi cātuddasikoyevāti.

1. (Sace iminā vatthunā kañci puggalaṃ parisaṅkasi) (Sī)

Tasmā tatiyacatutthā vā tatiyacatutthapañcamā vā dve tayo cātuddasikā kātābbā. Atha catutthe kate suṇanti, pañcamo cātuddasiko kātābbo, evampi dve cātuddasikā honti. Evaṃ karontā bhaṇḍanakārakānaṃ terase vā cātuddase vā ime pannarasīpavāraṇaṃ pavāressanti. Evaṃ pavārentehi ca bahisīmāya sāmaṇere ṭhapetvā “te āgacchantī”ti sutvā lahuṃ lahuṃ sannipatitvā pavāretabbaṃ. Etamatthaṃ dassetuṃ “te ce bhikkhave -patathā karontū”ti vuttaṃ.

Asamvihitāti samvidahanarahitā, āgamanajānanatthāya akatasamvidahitā aviññātāva hutvāti attho. **Tesaṃ vikkhitvāti**¹ “kilantattha, muhuttaṃ vissamathā”ti-ādinā nayena sammohaṃ katvāti attho. **No ce labhethāti** no ce bahisīmaṃ gantuṃ labheyyuṃ, bhaṇḍanakārakānaṃ sāmaṇerehi ca daharabhikkhūhi ca nirantaraṃ anubaddhāva honti. **Āgame juṇheti** yaṃ sandhāya “āgame juṇhe pavāreyyāma”ti ñattim ṭhapesuṃ, tasmim āgame juṇhe komudiyā cātumāsiniyā akāmā pavāretabbaṃ, avassaṃ pavāretabbaṃ, na hi taṃ atikkamitvā pavāretuṃ labbhati. **Tehi ce bhikkhave bhikkhūhi pavāriyamāneti** evaṃ cātumāsiniyā pavāriyamāne.

Pavāraṇāsaṅgahakathā

241. **Aññataro phāsuvihāro**ti taruṇasamatho vā taruṇavipassanā vā. **Paribāhirā bhavissāmāti** anibaddharattiṭṭhānadivāṭṭhānādibhāvena bhāvanānuyogaṃ sampādetuṃ asakkontā bāhirā bhavissāma. **Sabbeha ekajjhaṃ sannipatitabbanti** iminā chandadānaṃ paṭikkhipati. Bhinnassa hi saṅghassa samaggakaraṇakāle tiṇavatthārakasamathe imasmiṅca pavāraṇāsaṅgaheti imesu tīsu ṭhānesu chandaṃ dātuṃ na vaṭṭati. Pavāraṇāsaṅgaho nāmāyaṃ vissaṭṭhakammaṭṭhānānaṃ thāmagatasamathavipassanānaṃ sotāpannādīnaṅca na dātābbo. Taruṇasamathavipassanālābhino pana sabbe vā hontu, upaḍḍhā vā ekapuggalo vā, ekassapi vasena dātābboyeva. Dinne

1. Vikkipāpetvāti (?)

pavāraṇāsaṅgahe antovasse parihārova hoti, āgantukā tesam senāsanam gahetum na labhanti. Tehipi chinnavassehi na bhavitabbam, pavāretvā pana antarāpi cārikam pakkamitum labhantīti dassanattham **tehi ce bhikkhavi-** ādimāha. Sesam sabbattha uttānamevāti.

Pavāraṇākkhandhakavaṇṇanā niṭṭhitā.

5. Cammakkhandhaka

Soṇakoḷivisavatthukathā

242. Cammakkhandhake issariyādhīpaccanti issarabhāvena ca adhipatibhāvena ca samannāgatam. **Rajjanti** rājabhāvaṃ, raññā kattabakiccaṃ vā. **Soṇo nāma koḷivisoti** ettha **Soṇoti** tassa nāmaṃ. **Koḷivisoti** gottam. **Pādatalesu lomānīti** rattesu pādatalesu sukhumāni añjanavaṇṇāni kammaccittikatāni lomāni jātāni honti. So kira pubbe asītisahassānaṃ purisānaṃ jeṭṭhapuriso hutvā tehi saddhiṃ Paccekabuddhassa vasanaṭṭhāne paṇṇasālaṃ katvā attano sassirikaṃ uṇṇapāvāraṇaṃ Paccekabuddhassa pādehi akkamaṇaṭṭhāne pādapuñchanikaṃ katvā ṭhapesi. Temāsaṃ pana sabbeva Paccekabuddhaṃ upaṭṭhahimsu, ayaṃ tassa ca tesaṃca asītiyā gāmikasahassānaṃ pubbayogo.

Asītigāmikasahassānīti tesu gāmesu vasantānaṃ kulaputtānaṃ asītisahassāni. **Kenacideva karaṇīyenaṭi** kenaci karaṇīyena viya, na panassa kiñci karaṇīyaṃ atthi aññatra tassa dassanā. Rājā kira tānipi asītikulaputtasahassāni sannipātāpento “evaṃ aparisaṅkanto Soṇo āgamissatī”ti sannipātāpesi. **Diṭṭhadhammike attheti** kasivaṇijjādīni dhammena kattabbāni, mātāpitaro dhammena positabbāti evamādinā nayena idhalokahite atthe anusāsivā. **So no Bhagavāti** so amhākaṃ Bhagavā tumhe samparāyike atthe anusāsissatīti attho.

Bhagavantam paṭivedemīti Bhagavantam jānāpemi. **Pāṭikāya nimujjivvāti** sopānassa heṭṭhā adḍhacandapāsāṇe nimujjivvā. **Yassa dāni bhante Bhagavā kalam maññatīti** yassa tesam hitakiriyatthassa Bhagavā kalam jānāti. **Vihārapacchāyāyanti** vihārapaccante chāyāyaṃ. **Samannāharantīti** pasādavasena punappunaṃ manasi karontī. **Bhiyyoso mattāyāti** bhiyyoso mattāya puna viṣiṭṭhataram dassēhīti attho. **Antaradhāyatīti** adassanaṃ hoti.

Soṇassa pabbajjākathā

243. **Lohitena puṭo hotīti** lohitena makkhito hoti. **Gavāghātananti** yattha gāvo haññanti, tādisoti attho. ¹ **Kusalo** nāma vīṇāya vādanakusalo. **Vīṇāya tantissareti** vīṇāya tantiyā sare¹. **Accāyatāti** ati-āyatā kharamucchitā. **Saravatīti** sarasampannā. **Kammaññāti** kammakkhamā. **Atisithilāti** mandamucchanā. **Same guṇe patitṭhitāti** majjhime sare ṭhapetvā mucchitā. **Vīriyasamataṃ adhiṭṭhahāti** vīriyasampayuttasamataṃ adhiṭṭhāhi, vīriyaṃ samathena yojehīti attho. **Indriyānañca samataṃ paṭivijjhāti** saddhādīnaṃ indriyānaṃ samataṃ samabhāvaṃ. Tattha saddhaṃ paññāya, paññāna saddhāya, vīriyaṃ samādhinā, samādhinā vīriyena yojayamāno indriyānaṃ samataṃ paṭivijjha. **Tattha ca nimittaṃ gaṇhāhīti** tasmiṃ samathe sati yena ādāse mukhabimbeneva nimittena uppajjitabbaṃ, taṃ samathanimittaṃ vipassanānimittaṃ magganimittaṃ phalanimittañca gaṇhāhi, nibbattehīti attho.

244. **Aññaṃ byākareyyanti** arahā ahanti jānāpeyyaṃ. **Chaṭṭhānānīti** cha kāraṇāni. **Adhimutto hotīti** paṭivijjhivā paccakkhaṃ katvā ṭhito hoti. **Nekkhammādhimuttoti**-ādi sabbāṃ arahattavasena vuttaṃ. Arahattañhi sabbakilesehi nikkhantattā **nekkhammaṃ**, teheva pavivittattā **paviveko**, byāpajjābhāvato **abyāpajjaṃ**, upādānassa khayante uppānattā **upādānakkhayo**, taṇhākkhayante uppānattā **taṇhākkhayo**, sammohābhāvato **asammohoti** ca vuccati.

Kevalaṃ saddhāmattakanti paṭivedharahitaṃ kevalaṃ paṭivedhapaññāya asammissaṃ saddhāmattakaṃ. **Paṭicayanti** punappunaṃ karaṇena vaḍḍhiṃ. **Vītarāgattāti** maggappaṭivedhena rāgassa vigatattāyeva nekkhammasaṅkhātaṃ arahattaṃ paṭivijjhivā ṭhito hoti. Phalasaṃpattivihāreṇeva² viharati, tanninnaṃ mānasoyeva hotīti attho. Sesapadesupi eseva nayo.

1-1. Vīṇāya tantissare kusalatā nāma vīṇāya vādanakusalatā (Am-Ṭṭha 1 Chakkanipāte Soṇasuttavaṇṇanāyaṃ)

2. Phalasaṃpattivihāreṇa (Syā)

Lābhabhakkārasilokanti catupaccayalābhañca tesamyeva sukatabhāvañca vaṇṇabhaṇaṇaṇca. **Nikāmayamānoti** icchamāno patthayamāno. **Pavivekādhimuttoti** viveke adhimutto ahanti evaṃ arahattaṃ byākarotīti attho.

Sīlabbataparāmāsanti sīlañca vatañca parāmasitvā gahitagahaṇamattaṃ. **Sārato paccāgacchantoti** sārabhāvena jānanto. **Abyāpajjādhimuttoti** abyāpajjaṃ arahattaṃ byākarotīti attho. Imināva nayena sabbavāresu attho veditabbo.

Bhusāti balavanto. **Nevassa cittaṃ pariyādiyantīti** etassa khīṇāsavassa cittaṃ gahetvā ṭhātuṃ na sakkonti. **Amisṣīkatanti** amissakataṃ. Kilesā hi ārammaṇena saddhiṃ cittaṃ missaṃ karonti, tesam abhāvā amissīkataṃ. **Ṭhitanti** patiṭṭhitaṃ. **Āneñjappattanti** acalanappattaṃ. **Vayañcassānupassatīti** tassa cittassa uppādampi vayampi passatī.

Nekkhammaṃ adhimuttassāti arahattaṃ paṭivijjhivā ṭhitassa. Sesapadehipi arahattameva kathitaṃ. **Upādānakkhayassāti** upayogathe sāmivacanaṃ. **Asammohañca cetasoti** cittassa ca asammohaṃ adhimuttassa. **Disvā āyatanuppādanti** āyatanānaṃ uppādañca vayañca disvā. **Sammā cittaṃ vimuccatīti** sammā hetunā nayena imāya vipassanāya paṭipattiyā phalasamāpattivaseṇa cittaṃ vimuccati, nibbānārammaṇe adhimuccati. **Santacittassāti** nibbutacittassa. **Tādinoti** itṭhāniṭṭhe anunayapaṭighehi akampiyattā¹ tādī, tassa tādino.

Diguṇādi-upāhanapaṭikkhepakathā

245. **Aññaṃ byākarontīti** arahattaṃ byākaronti. **Attho ca vuttoti** yena arahātī nāyati, so attho vutto. Suttattho pana suttavaṇṇanatoyeva gahetabbo. **Attā ca anupanītoti** ahaṃ arahātī evaṃ byañjanavasena attā na upanīto. **Atha ca panidhekacce moghapurisāti** aññe pana tucchapurisā hasamānā viya asantameva aññaṃ vacanamattena santaṃ katvā byākaronti. **Ekapalāsikanti**

1. Anappiyattā akampiyattā ca (Ka)

ekapaṭalam. **Asītisakaṭavāheti** ettha dve sakaṭabhārā eko vāhoti veditabbo. **Sattahatthikañca anīkanti** ettha cha hatthiniyo eko ca hatthīti idamekaṃ **anīkaṃ**. Īdisāni satta anīkāni sattahatthikaṃ anīkaṃ nāma. **Diguṇāti** dvipaṭalā. **Tiguṇāti** tipaṭalā. **Guṇaṅguṇūpāhanāti**¹ catupaṭalato paṭṭhāya vuccati.

Sabbanīlikādipaṭikkhepakathā

246. **Sabbanīlikāti** sabbāva nīlikā. Esa nayo **sabbapītikā**disupi. Tattha ca nīlikā umāpupphavaṇṇā² hoti, pītikā kaṇikārapupphavaṇṇā, lohitikā jayasumanapupphavaṇṇā, mañjīṭṭhikā mañjīṭṭhavaṇṇā³ eva, kaṇhā addāriṭṭhakavaṇṇā, mahāraṅgarattā satapadipiṭṭhivaṇṇā, mahānāmarattā sambhinnavaṇṇā hoti paṇḍupalāsavaṇṇā. Kurundiyam̐ pana “padumapupphavaṇṇā”ti vuttā. Etāsu yaṃkiñci labhitvā rajanam̐ coḷakena puñchitvā vaṇṇam̐ bhinditvā dhāretum̐ vaṭṭati. Appamattakepi⁴ bhinne vaṭṭatiyeva.

Nīlakavaddhikāti yāsam̐ vaddhāyeva nīlā. Esa nayo sabbattha. Etāpi vaṇṇabhedam̐ katvā dhāretabbā. **Khallakabaddhāti**⁵ paṇhipidhānattham̐ tale khallakam̐ bandhitvā katā. **Puṭabaddhāti** yonaka-upāhanā vuccati, yā yāvajaṅghato sabbapādam̐ paṭicchādeti. **Pāliguṇṭhimāti** paliguṇṭhitvā katā, yā upari pādamattameva paṭicchādeti, na jaṅgham̐. **Tūlapuṇṇikāti** tūlapicunā pūretvā katā. **Tittirapattikāti** tittirapattasadisā vicittabaddhā.

Meṇḍavisānavaddhikāti kaṇṇikaṭṭhāne meṇḍakasiṅgasaṅṭhāne vaddhe⁶ yojetvā katā. **Ajavisānavaddhikā**disupi eseva nayo. **Vicchikālikāpi** tattheva vicchikanaṅguṭṭhasaṅṭhāne vaddhe⁶ yojetvā katā. **Morapīṇchaparisisibbitāti** talesu vā vaddhesu vā morapīṇche hi suttakasadisēhi parisibbitā. **Citrāti** vicitrā, etāsu yaṃkiñci labhitvā sace tāni khallakādīni apanetvā sakkā honti vaḷaṅṅjītuṃ, vaḷaṅṅjetabbā, tesu pana sati vaḷaṅṅjantassa dukkaṭam̐.

Sīhacammaparikkhaṭā nāma pariyañtesu cīvare anuvātam̐ viya sīhacammam̐ yojetvā katā. **Luvakacammaparikkhaṭāti**

1. Gaṇaṅgaṇūpāhanāti (Ka)

2. Ummāpupphavaṇṇā (Sī, Ka) ummārapupphavaṇṇā (Syā, Ka)

3. Mañjīṭṭhikavaṇṇā (Sī), mañjīṭṭhakavaṇṇā (Syā)

4. Appamattakenapi (Ka)

5. Khallakabandhāti (Ka)

6. Baddhe (Ka)

pakkhibiḷālacammaparikkhaṭā. Etāsupi yā kāci labhitvā taṃ cammaṃ apanetvā dhāretabbā.

247. **Omukkanti** paṭimuñcitvā apanītaṃ. **Navāti** aparibhuttā.

Ajjhārāme upāhanapaṭikkhepakathā

248. **Abhijīvanikassāti** yena sippena abhijīvanti, jīvikam kappenti, tassa kāraṇāti attho. **Idha kho taṃ bhikkhaveli** ettha tanti nipātamattaṃ, idha kho bhikkhave sobheyyāthāti attho. **Yaṃ tumheti** ye tumhe. Atha vā yadi tumheti vuttaṃ hoti. Yadisaddassa hi atthe ayaṃ nipāto. **Ācariyesūti**-ādimhi pabbajjācariyo upasampadācariyo nissayācariyo uddesācariyoti ime cattāropi idha ācariyā eva. Avassikassa chabbasso ācariyamatto. So hi catuvassakāle taṃ nissāya vacchati, evaṃ ekavassassa sattavasso, duvassassa aṭṭhavasso, tivassassa navavasso, catuvassassa dasavasso. Imepi ācariyamattā eva. Upajjhāyassa sandiṭṭhasambhattā pana sahāyabhikkhū, ye vā pana keci dasahi vassehi mahantatarā, te sabbepi upajjhāyamattā nāma. Ettakesu bhikkhūsu anupāhanesu caṅkamantesu sa-upāhanassa caṅkamato āpatti.

249. **Pādakhīlābādho** nāma pādato khīlasadisam māmsam nikkhantaṃ hoti.

251. **Tiṇapādukāti** yena kenaci tiṇena katapādukā. **Hintālapādukāti** khajjūrīpattehi katapādukā, hintālapattehipi na vaṭṭatiyeva. **Kamalapādukāti** kamalatiṇaṃ nāma atthi, tena katapādukā. **Usīrapādukāti** vadanti. **Kambalapādukāti** uṇṇāhi katapādukā. **Asaṅkamanīyāti** bhūmiyaṃ suppatiṭṭhitā niccalā asaṃhāriyā.

252. **Aṅgajātaṃ chupantīti** aṅgajāteneva aṅgajātaṃ chupanti. **Ogāhetvā mārentīti** anto udake dalham gahetvā mārenti.

Yānādipaṭikkhepakathā

253. **Itthiyuttenā**ti dhenuyuttēna. **Purisantarenā**ti purisasārathinā. **Purisayuttenā**ti goṇayuttēna. **Itthantarenā**ti itthisārathinā. **Gaṅgāmahiyāyā**ti gaṅgāmahakīlikāya. **Purisayuttam hatthavaṭṭakanti** ettha purisayuttam itthisārathi vā hotu purisasārathi vā vaṭṭati. Hatthavaṭṭaka pana itthiyo vā vaṭṭentu purisā vā, vaṭṭatiyeva. **Yānuggahātenā**ti yānam abhiruhantassa sabbo kāyo calati, tappaccayā. **Sivikanti** pīṭhakasivika. **Pāṭānkinti** vaṃse laggetvā katam paṭapotalikam¹.

254. **Uccāsayanamahāsayanānī**ti ettha **uccāsayananti** pamāṇātikkantam mañcam. **Mahāsayananti** akappiyattharaṇam, āsandī-ādīsu **āsandī**ti pamāṇātikkantāsanam. **Pallaṅkoti** pādesu vāḷarūpāni ṭhapetvā kato. **Gonakoti** dīghalomako mahākojavo, caturāṅgulādhikāni kira tassa lomāni. **Cittakā**ti vānacitro uṇṇāmayattharaṇo², **paṭikā**ti uṇṇāmayo setattharaṇo. **Paṭalikā**ti ghanapupphako uṇṇamayalohitattharaṇo, yo āmalakapaṭṭotipi vuccati. **Tūlikā**ti pakatitūlikāyeva. **Vikatikā**ti sīhabyagghādirūpavicitro uṇṇāmayattharaṇo, **uddalomī**ti ekato uggatalomam uṇṇāmayattharaṇam. Uddhalomīti pāṭho. **Ekantalomī**ti ubhato uggatalomam uṇṇāmayattharaṇam. **Kaṭṭissanti** ratanaparisibbitam koseyyakaṭṭissamayam paccattharaṇa. **Koseyyanti** ratanaparisibbitam kosiyasuttamayam paccattharaṇam. Suddhakoseyyam pana vaṭṭati.

Kuttakanti soḷasannam nāṭakitthīnam ṭhatvā naccanayoggam uṇṇāmayattharaṇam. **Hatthatthara-assattharā** hatthi-assapiṭṭhīsu attharaṇaka-attharaṇā eva. **Rathattharepi** eseva nayo. **Ajinappaveṇī**ti ajinacammehi mañcappamāṇena sibbetvā katā paveṇī. **Kadalīmigapavarapaccattharaṇanti** kadalīmigacammam nāma atthi, tena katam pavarapaccattharaṇam, uttamapaccattharaṇanti attho. Tam kira setavatthassa upari kadalīmigacammam pattharivā sibbitvā karonti. **Sa-uttaracchadanti** saha uttaracchadanena, uparibaddhena rattavitānena saddhinti

1. Paṭapoṭṭalikam (Sī, Syā)

2. Vāḷavicitra-uṇṇāmayattharaṇo (Syā)

attho. Setavitānampi heṭṭhā akappiyapaccattharaṇe sati na vaṭṭati. Asati pana vaṭṭati. **Ubhatolohitakūpadhānanti** sīsūpadhānañca pādūpadhānañcāti mañcassa ubhatolohitakūpadhānaṃ, etaṃ na kappati. Yaṃ pana ekameva upadhānaṃ ubhosu passesu rattaṃ vā hoti padumavaṇṇaṃ vā citraṃ vā, sace pamāṇayuttaṃ, vaṭṭati. Mahā-upadhānaṃ pana paṭikkhittaṃ.

Sabbacammaṭṭikkhepādikathā

255. **Dīpicchāpoti** dīpipotako. **Ogumphiyantīti** bhittidaṇḍakādīsū veṭhetvā bandhanti.

256. **Abhinisīditunti** abhinissāya nisīdituṃ. Apassayaṃ katvā nisīditunti attho. **Gilānena bhikkhunā sa-upāhanenāti** ettha gilāno nāma yo na sakkoti anupāhano gāmaṃ pavisitūṃ.

257. **Kururaghareti**¹ evaṃnāmake nagare, etenassa gocaragāmo vutto. **Papatake pabbateti** papatanāmake pabbate, etenassa nivāsanaṭṭhānaṃ vuttaṃ. **Soṇoti** tassa nāmaṃ, koṭi-agghanakaṃ pana kaṇṇapiṇḍhanaṃ dhāreti, tasmā “kuṭikaṇṇo”ti vuccati, koṭikaṇṇoti attho. ()² **Pāsādikanti** pasādaṇṇakaṃ. **Pasādanīyanti** idaṃ tasseva atthavevacanaṃ. **Uttamadamathasamathanti** uttamaṃ damathañca samathañca paññañca samādhīñca, kāyūpasamañca cittūpasamañcātipi attho. **Dantanti** sabbesaṃ visūkāyikavipphanditānaṃ upacchinnattā dantaṃ, khīṇakilesanti attho. **Guttanti** saṃvaraguttiyā guttaṃ. **Santindriyanti** yatindriyaṃ. **Nāganti** āguvirahitaṃ. **Tiṇṇaṃ me vassānaṃ accayenāti** mama pabbajjādivasato paṭṭhāya tiṇṇaṃ vassānaṃ accayena. **Upasampadaṃ alatthanti** ahaṃ upasampadaṃ alabhiṃ. **Kaṇhuttarāti** kaṇhamattikuttarā, upari vaḍḍhitakaṇhamattikāti attho. **Gokaṇṭakahaṭāti** gunnaṃ khurehi akkantaḥhūmito samuṭṭhitehi gokaṇṭakehi upahatā. Te kira gokaṇṭake ekaṭṭalika upāhanā rakkhituṃ na sakkonti, evaṃ kharā honti. **Eragū moragū majjārū jantūti** imā catassopi tiṇṇajātiyo, etehi kaṭasārake ca taṭṭikāyo ca karonti. Ettha

1. Kururaghareti (Ka)

2. (Ekaseyyanti ekassa seyyaṃ. Kālayuttanti uposathakālayuttaṃ. Uposathakālantī attho.) (Ka)

eragūti erakatiṇaṃ, taṃ oḷārikaṃ. Moragūtiṇaṃ tambasīsaṃ mudukaṃ sukhasamphassaṃ, tena katataṭṭhikā nipajjitvā vuṭṭhitamatte puna uddhumātā hutvā tiṭṭhati. Majjārūnā sātākepi karonti. Jantussa maṇisadiso vaṇṇo hoti. **Senāsanam paññapesīti** bhisim vā kaṭasārakaṃ vā paññapesi, paññapetvā ca pana Soṇassa āroceti “āvuso Satthā tayā saddhim ekāvāse vasitukāmo, gandhakuṭiyāmyeva te senāsanam paññattan”ti.

258. **Ayam khvassa kāloti** ayam kho kālo bhaveyya. **Paridassīti** paridassesi, idañcidañca vadeyyāsīti yaṃ me upajjhāyo jānāpesi, tassa ayam kālo bhaveyya, handa dāni ārocemi taṃ sāsanti ayamettha adhippāyo.

259. **Vinayadharapañcamenāti** anussāvanācariyapañcamena. **Anujānāmi bhikkhave sabbapaccantimesu janapadesu guṇaṅguṇūpāhananti** ettha manussacammaṃ ṭhapetvā yena kenaci cammena upāhanā vaṭṭati. Upāhanakosakasatthakosakakuñcikakosakesupi eseva nayo. **Cammāni attharañānīti** ettha pana yaṃkiñci eḷakacammaṃ ajacammañca attharivā nipajjituṃ vā nisīdituṃ vā vaṭṭati, migacamme eṇimigo vātamigo pasadamigo kuraṅgamigo migamātuko rohitamigoti etesaṃyeva cammāni vaṭṭanti, aññesaṃ pana—

Makkaṭo kāḷasīho ca, sarabho kadalīmigo.

Ye ca vālamigā keci, tesam cammam na vaṭṭati.

Tattha **vālamigāti** sīhabyaggha-acchataracchā, na kevalaṅca etesaṃyeva, yesam pana cammam vaṭṭatīti vuttam, te ṭhapetvā avasesā antamaso gomahimsasasabilārādayopi sabbe imasmim atthe vālamigātveva veditabbā. Etesaṃhi sabbesaṃ cammam na vaṭṭati. **Na tāva taṃ gaṇanūpagaṃ yāva na hattham gacchatīti** yāva āharivā vā na dinnam, tumhākaṃ bhante cīvaram uppananti pahīṇitvā vā nārocitam, tāva gaṇanam na upeti. Sace anadhiṭṭhitam, vaṭṭati, adhiṭṭhitañca gaṇanam na upetīti attho. Yadā pana ānetvā vā dinnam hoti, uppananti vā sutam, tato paṭṭhāya dasāhameva parihāram labhatīti.

Cammakkhandhakavaṇṇanā niṭṭhitā.

6. Bhesajjakkhandhaka

Pañcabhesajjādīkathā

260. Bhesajjakkhandhake **sāradikena ābādhena**ti saradakāle uppanna pītābādhena, tasmim hi kāle vassodakenapi tementi, kaddamampi maddanti, antarantarā ātapopi kharo hoti, tena tesam pītam koṭṭhabbantaragatam hoti. **Āhāratthañca phareyyāti** āhārattham sādheyya.

261. **Nacchādentī**ti na jiranti, na vātarogaṃ paṭippassambhetum sakkonti. **Senesitānī**¹ti siniddhāni. **Bhattācchādakenā**ti bhattam arocikena².

262. **Acchavasanti**-ādīsū nissaggiyavaṇṇanāyaṃ vuttanayeneva vinicchayo veditabbo. **Kāle paṭiggahitanti**-ādīsū majjhanhike avītivatte paṭiggahetvā pacitvā parissāvetvā cāti attho. **Telaparibhogena paribhuñjitunti** sattāhakālikatelaparibhogena paribhuñjitum.

263. **Mūlabhesajjā**divinicchayopi khuddakavaṇṇanāyaṃ vuttoyeva. Tasmā idha yaṃ yaṃ pubbe avuttam, tam tadeva vaṇṇayissāma. **Vacattanti** setavacam. **Nisadam nisadapotakanti** pisanasilā ca pisanapoto ca. **Phaggavanti** latājāti. **Nattamālanti** karañjam. **Hiṅguhiṅgujatuhīṅgusipāṭikā** hiṅgujātiyoyeva. **Taka takapatti takapaṇṇiyo** lākhājātiyo.

Sāmuddanti samuddatīre vālukā viya santiṭṭhati. **Kāḷaloṇanti** pakatiloṇam. **Sindhavanti** setavaṇṇam pabbate uṭṭhahati. **Ubbhidanti** bhūmito ankuram uṭṭhahati. **Bilanti** dabbasambhārehi saddhim pacitam, tam rattavaṇṇam.

264-6. **Kāyo vā duggandhoti** kassaci assādīnam viya kāyagandho hoti, tassāpi sirīsakosumbādicuṇṇāni vā gandhacuṇṇāni vā sabbāni vaṭṭanti. **Chakaṇanti** gomayaṃ. **Rajananippakkanti** rajanakasaṭam, pākatikacuṇṇampi koṭṭetvā udakena temetvā nhāyitum vaṭṭati, etampi rajananippakkasaṅkhepameva gacchati.

1. Senesikānīti (Sī, Syā), senchikānīti (Yojanā)

2. Bhattassa anārocakena (Syā), bhattārocakena (Yojanā)

Āmakamaṃsañca khādi, āmakalohitañca pivīti na taṃ bhikkhu khādi na pivī, amanusso khāditvā ca pivītvā ca pakkanto, tena vuttaṃ “tassa so amanussikābādho paṭippassambhī”ti.

Añjananti sabbasaṅgāhikavacanametam. **Kāḷañjananti** ekā añjanajāti, **rasañjanam** nānāsambhārehi kataṃ. **Sotañjananti** nadīsotādīsu uppajjanakam añjanam, **geruko** nāma suvaṇṇageruko. **Kapallanti** dīpasikhato gahitamasi. **Añjanūpapisanehīti** añjanena saddhim ekato pisitabbehi, na hi kiñci añjanūpapisanam na vaṭṭati. **Candananti** lohitacandanādīkam yaṃkiñci. **Tagarādīni** pākaṭāni, aññānīpi nīluppalādīni vaṭṭantiyeva.

Aṭṭhimayanti manussaṭṭhim ṭhapetvā avasesa-aṭṭhimayam. **Dantamayanti** hatthidantādisabbadantamayam. **Visāṇamayepi** akappiyam nāma natthi, **naḷamayādayo** ekantakappiyāyeva. **Salākattṭhāniyanti**¹ yattha salākam odahanti, taṃ susiradaṇḍakam vā thavīkam vā anujānāmīti attho. **Aṃsabaddhakoti** añjanitthavīkāya aṃsabaddhako. **Yamakanatthukaraṇīnti** samasotāhi dvīhi panālikāhi ekam natthukaraṇim.

267. **Anujānāmi bhikkhave telapākanti** yaṃkiñci bhesajjapakkhittam² sabbam anuññātameva hoti. **Atipakkhittamajjānīti**³ ativiya khittamajjāni, bahum majjam pakkhipitvā yojitānīti attho.

Aṅgavātoti hatthapāde⁴ vāto. **Sambhārasedanti** nānāvīdhapaṇṇabhaṅgasedam. **Mahāsedanti** mahantam sedam, porisappamāṇam āvāṭam aṅgārānam pūretvā paṃsuvālikādīhi pidahitvā tattha nānāvīdhāni vātaharaṇapaṇṇāni santharītvā telamakkhitena gattena tattha nipajjitvā samparivattantena sarīram sedetum anujānāmīti attho. **Bhaṅgodakanti** nānāpaṇṇabhaṅgakuthitam udakam, tehi paṇṇehi ca udakena ca siñcitvā siñcitvā sedetabbo. **Udakakoṭṭhakanti** udakakoṭṭhe⁵ cāṭim vā doṇim vā uṇhodakassa pūretvā tattha pavisitvā sedakammakaraṇam anujānāmīti attho.

1. Salākodhāniyanti (Sī, Syā)

2. Bhesajjam pakkhipitum (Syā), bhesajjam pakkhipantam (Ka)

3. Atikkhittamajjānīti (Ka)

4. Aṅgamaṅgesu (Syā)

5. Udamakoṭṭhakanti udakakoṭṭhakam (Syā)

Pabbavāto hotīti pabbe pabbe vāto vijjhati. **Lohitaṃ mocetunti** satthakena lohitaṃ mocetuṃ. **Pajjaṃ abhisaṅkharitunti** yena phālitapādā pākātikā honti, taṃ nāḷikerādīsū nānābhesajjāni pakkhipitvā pajjaṃ abhisaṅkharituṃ, pādānaṃ sappāyabhesajjaṃ pacitunti attho. **Tilakakkena atthoti** piṭṭhehi tilehi attho. **Kabaḷikanti** vaṇamukhe sattupiṇḍaṃ pakkhipituṃ. **Sāsapakuttaṇṇāti** sāsapapiṭṭhena. **Vaḍḍhamāmsanti** adhikamāmsaṃ āṇi viya utṭhahati. **Loṇasakkharikāya chinditunti** khurena chindituṃ. **Vikāsikanti** telarundhanapilotikaṃ. **Sabbaṃ vaṇapaṭikammanti** yaṃkiñci vaṇaparikkammaṃ nāma atthi, sabbaṃ anujānāmīti attho.

268. **Sāmaṃ gahetvāti** idaṃ na kevalaṃ sappadaṭṭhasseva, aññasmimpi daṭṭhavise sati sāmaṃ gahetvā paribhuñjitabbaṃ, aññesu pana kāraṇesu paṭiggahitameva vaṭṭati. **Kato na puna¹ paṭiggahettabboti** sace bhūmippatto, paṭiggahettabbo, appattaṃ pana gahetuṃ vaṭṭati.

269. **Gharadinnakābādhoti** vasīkaraṇapānakasamuṭṭhitarogo. **Sītāloḷinti** naṅgalena kasantassa phāle laggamattikaṃ udakena āloḷetvā pāyetuṃ anujānāmīti attho.

Duṭṭhagahaṇikoti vipannagahaṇiko, kicchena uccāro nikkhamatīti attho. **Āmisakhāranti** sukkhodanaṃ jhāpetvā tāya chārikāya paggharitaṃ khārodakaṃ. **Muttaharītakanti** gomuttaparibhāvitaṃ harītakaṃ. **Abhisannakāyoti** ussannadosakāyo. **Acchakañjiyanti** taṇḍulodakamaṇḍo². **Akaṭayusanti** asiniddho muggapacitapanīyo. **Kaṭākaṭanti** sova dhotasiniddho³. **Paṭicchādanīyenāti** māmsarasena.

Gulādi-anujānanakathā

272. **Sace bhikkhave pakkāpi muggā jāyantīti** pakkā muggā sacepi jāyanti, yathāsukhaṃ paribhuñjitabbā. Pakkattā hi te kappiyā eva.

1. Kato pana (?)

2. Taṇḍulakamanda (Syā), taṇḍulodakamatto (Ka)

3. Thokaṃ siniddho (Syā)

274. **Antovutthanti** akappiyakuṭṭiyam vuttham. **Sāmarā pakkanti** ettha yamkiñci āmisam bhikkhuno pacitum na vaṭṭati. Sacepissa uṇhayāguyā sulasipaṇṇāni vā siṅgiveram vā loṇam vā pakkhipanti, tampi cāletum na vaṭṭati, “yāgum nibbāpemi”ti pana cāletum vaṭṭati. Uttanḍulabhattam labhitvāpi pidahitum na vaṭṭati, sace pana manussā pidahitvāva denti, vaṭṭati, “bhattam vā mā nibbāyatū”ti pidahitum vaṭṭati. Khīratakkaḍḍisu pana sakim kuthitesu aggim dātum vaṭṭati, punapākassa anuññātattā. **Ukkapiṇḍakāpi khādanti**ti bilālamūsikagodhāmaṅgusā khādanti. **Damakāti** vighāsādā.

276. **Tato nīhaṭanti** yattha nimantitā bhuñjanti, tato nīhaṭam.

278. **Vanaṭṭham pokkharatṭhanti** vane ceva paduminigacche ca jātam. **Abijanti** taruṇaphalam, yassa bījam na aṅkuram janeti. **Nibbatṭabijanti**¹ bījam nibbatṭetvā² apanetvā paribhuñjitabbakam ambapanasādi.

279. **Duropayo vaṇoti** dukkhena ruhati, dukkhena pākatiko hotīti attho. **Dupparihāram satthanti** sambādhe dukkhena sattham parihareyyam. **Satthakammaṃ vā vatthikammaṃ vā**ti yathāparicchinne okāse yena kenaci satthena vā sūciyā vā kaṇṭakena vā sattikāya vā pāsānasakkhalikāya vā nakhena vā chindanam vā phālanam vā vijjhanam vā lekhanam vā na kātabbam, sabbam hetam satthakammameva hoti. Yena kenaci pana cammena vā vatthena vā vatthipīlanam na kātabbam, sabbam hetam vatthikammameva hoti. Ettha ca **sambādhassa sāmantā dvaṅgulā**ti idam satthakammaṃyeva sandhāya vuttam, vatthikammaṃ pana sambādheyeva paṭikkhittam. Tattha pana khāram ādātum yena kenaci rajjukena vā bandhitum vaṭṭati. Yadi tena chijjati, succhinnam. Aṇḍavuḍḍhirogepi satthakammaṃ na vaṭṭati. Tasmā aṇḍam phāletvā bījāni uddharitvā “arogam karissāmi”ti na kattabbam. Aggitāpanabhesajjālimpanesu pana paṭikkhepo natthi. Vaccamagge bhesajjamakkhitā³ ādānavatṭi vā veḷunālikā vā vaṭṭati, yāya khārakammaṃ vā karonti, telam vā pavesenti.

1. Nibbatṭabijanti (Ka)

2. Nibbatṭetvā (Ka)

3. Bhesajjamakkhikā (Ka)

280. **Pavattamaṁsanti** matassa maṁsaṁ. **Māghātoti** taṁdivasaṁ na labbhā kenaci kiñci jīvitā voropetuṁ. **Potthanikanti** maṁsacchedanasatthakaṁ vuccati. **Kimpimāyāti** kimpī imāya. **Na Bhagavā ussahatīti** na Bhagavā sakkoti. **Yatra hi nāmāti** yasmā nāma. **Paṭivekkhīti** vīmaṁsi, paṭipucchīti vuttaṁ hoti. **Appaṭivekkhitvāti** appaṭipucchitvā. Sace pana “asukamaṁsaṁ”ti jānāti, paṭipucchanakiccaṁ natthi. Ajānantaṁ pana pucchitvāva khāditabbaṁ.

Hatthimaṁsādipaṭikkhepakathā

281. **Sunakhamāṁsanti** ettha araṇṇakokā nāma sunakhasadisā honti, tesaṁ maṁsaṁ vaṭṭati. Yo pana gāmasunakhiyā vā kokena kokasunakhiyā vā gāmasunakkena saṁyogā uppanno, tassa maṁsaṁ na vaṭṭati, so hi ubhayaṁ bhajātīti. **Ahimaṁsanti** kassaci apādakassa dīghajātikassa maṁsaṁ na vaṭṭati. **Sīhamaṁsādīni** pākaṭāneva.

Ettha ca manussamaṁsaṁ sajātītāya paṭikkhitaṁ, hatthi-assamaṁsaṁ rājaṅgatāya, sunakhamāṁsaṁca ahimaṁsaṁca paṭikūlatāya, sīhamaṁsādīni pañca attano anupaddavatthāyāti. Imesaṁ manussādīnaṁ dasannaṁ maṁsampi aṭṭhipi lohitaṁpi cammampi lomampi sabbaṁ na vaṭṭati, yaṁkiñci ṇatvā vā añatvā vā khādantassa āpattiyeva. Yadā jānāti, tadā desetabbā. “Apucchitvā khādissāmi”ti gaṇhato paṭiggahaṇe dukkaṭaṁ, “pucchitvā khādissāmi”ti gaṇhato anāpatti. Uddissa kataṁ pana jānitvā khādantasseva āpatti, pacchā jānanto āpattiyā na kāretabboti.

Yāgumadhugoḷakādīkathā

282. **Ekattakoti** ekako, natthi me dutiyoti attho. **Pahūtaṁ yāguñca madhugoḷakañca paṭiyādāpetvāti** so kira satahassaṁ vayaṁ katvā paṭiyādāpesi. Anumodaṅgāthāpariyosāne “patthayataṁ icchatan”ti padānaṁ “alameva dātun”ti iminā sambandho. Sace pana patthayatā icchatāti pāṭho atthi, soyeva gahetabbo.

283. **Bhojjayāgunti** yā pavāraṇaṁ janeti. **Yadaggenāti** yaṁ ādim katvā. **Saggā te āradhāti** sagganibbattakapuññaṁ upacitanti attho.

Yathādhammo kāretabboti paramparabhojanena kāretabbo. Bhojjayāguyā hi pavāraṇā hotīti.

284. **Nāhaṃ taṃ kaccānāti** tasmim kira avasiṭṭhaguḷe devatā sukhumojaṃ pakkhipimsu, sā aññesaṃ pariṇāmaṃ na gacchati, tasmā evamāha. **Gilānassa guḷanti** tathārūpena byādhinā gilānassa pacchābhattam guḷam anujānāmīti attho.

Pāṭaligāmaṅgalaṅkathā

285. **Sabbasantharinti** yathā sabbaṃ santhataṃ hoti, evaṃ.

286. **Sunidhavassakārāti** Sunidho ca Vassakāro ca dve brāhmaṇā Magadharaṇṇo mahāmatā mahāmaccā. **Vajjīnaṃ paṭibāhāyāti** vajjirājakulānaṃ āyamukhapacchindanattam. **Vatthūnīti** gharavatthūni. **Cittāni namanti nivesanāni māpetunti** tā kira devatā vatthuvijjāpāṭhakānaṃ sarīre adhimuccitvā evaṃ cittāni nāmenti, kasmā? Amhākaṃ yathānurūpaṃ sakkāraṃ karissantīti attho. **Tāvatiṃsehīti** loke kira Sakkaṃ devarājānaṃ Vissakammaṇca upādāya Tāvatiṃsā paṇḍitāti saddo abbhuggato, tenevāha Tāvatiṃsehīti, Tāvatiṃsehi saddhim mantetvā viya māpentīti attho. **Yāvata ariyaṃ āyatananti** yattakaṃ ariyamanussānaṃ osaraṇaṭṭhānaṃ nāma atthi. **Yāvata vaṇippathoti** yattakaṃ vāṇijānaṃ ābhatabhaṇḍassa rāsivaseneva kayavikkayaṭṭhānaṃ nāma atthi. **Idaṃ agganagaranti** tesam ariyāyatanavaṇippathānaṃ idaṃ agganagaraṃ bhavissati. **Puṭabhedananti** puṭabhedanaṭṭhānaṃ, mocanaṭṭhānanti vuttam hoti. **Aggito vāti-ādīsu** samuccayattho vāsaddo. Tatra hi ekassa koṭṭhāsassa aggito, ekassa udakato, ekassa abhantarato aññamaññabhedā antarāyo bhavissati. **Uḷumpanti** pāragamanatthāya āṇiyo ākoṭetvā kataṃ. **Kullanti** valli-ādīhi bandhitvā kataṃ.

Aṇṇavanti sabbantimena paricchena yojanamattaṃ gambhīrassa ca puthulassa ca udakaṭṭhānassetam adhivacanaṃ. **Saranti** idha nadī adhippetā. **Idaṃ vuttam** hoti—

ye gambhīraṃ vitthataṃ¹ taṇhāsaraṃ taranti, te ariyamaggasaṅkhātaṃ setuṃ katvāna visajja pallalāni anāmasitvāva udakabharitāni ninnaṭṭhānāni, ayaṃ pana idaṃ appamattakaṃ udakaṃ uttaritukāmapi kullaṃ hi parijano bandhati, Buddhā pana Buddhasāvaka ca vinā eva kullena tiṇṇā medhāvino janāti.

287. **Ananubodhāti** abujjhanena. **Sandhāvanti** bhavato bhavaṃ gamanavasena sandhāvitāṃ. **Saṃsaritanti** punappunaṃ gamanavasena saṃsaritaṃ. **Mamañceva tumhākañcāti** mayā ca tumhehi ca. Atha vā **sandhāvitāṃ saṃsaritanti** sandhāvanāṃ saṃsaraṇāṃ mamañceva tumhākañca ahoṣīti evamettha attho daṭṭhabbo. **Saṃsitanti** saṃsaritaṃ. **Bhavanetti samūhatāti** bhavato bhavagamanā sandhāvanā taṇhārajju suṭṭhu hatā chinnā appavattikatā.

289. **Nīlāti** idaṃ sabbasaṅgāhakaṃ. **Nīlavaṇṇāti**-ādi tasseva vibhāgadassanattaṃ. Tattha na tesāṃ pakativaṇṇā nīlā, nīlavilepanānaṃ vicittatāvaseṇetaṃ vuttaṃ. **Paṭivaṇṇesīti** pahāresi. **Sāhāraṃ dajjeyyāthāti** sajanapadaṃ dadeyyātha. **Aṅgulim phoṭesunti** aṅgulim cālesuṃ. **Ambakāyāti** itthikāya. **Olokethāti** passatha. **Apalokethāti** punappunaṃ passatha, **upasaṃharathāti** upanetha. Imaṃ Licchavipariṣaṃ tumhākaṃ cittaṇa Tāvatiṃsariṣaṃ haratha, Tāvatiṃsassa samakaṃ katvā passathāti attho.

Sihasenāpativatthu-ādikathā

290. **Dhammassa ca anudhammaṃ byākarontīti** Bhagavatā vuttakāraṇassa anukāraṇaṃ kathenti. **Sahadhammiko vādānuvādoti** aparehi vuttakāraṇena sakāraṇo hutvā tumhākaṃ vādo viññugarahitabbaṃ kāraṇaṃ koci appamattakopi kiṃ na āgacchati. Idaṃ vuttaṃ hoti “kiṃ sabbakārenāpi tumhākaṃ vāde gārayhakāraṇaṃ natthi”ti. **Anabbhakkhātukāmāti** abhibhavitvā na ācikkhitukāmā.

293. **Anuviccakāranti**² anuviditvā cintetvā tulayitvā kātabbaṃ karohīti vuttaṃ hoti. **Ñātamanussānanti** loke pākaṭānaṃ. **Sādhu**

1. Gambhīravittataṃ (Sī, Syā)

2. Anuvijjakāranti (Ka)

hotīti sundaram hoti. **Paṭākam parihareyyunti** paṭākam ukkhipitvā nagare ghosantā āhiṇḍeyyūm. Kasmā? “Evaṃ no amhākam mahantabhāvo bhavissatī”ti. **Opānabhūtanti** paṭiyatta-udapāno viya ṭhitam. **Kulanti** nivesanam. **Dātabbam maññeyyāsīti** mā imesam deyyadhammam upacchindittha, sampattānañhi dātabbamevāti ovadati. **Okāroti** avakāro lāmakabhāvo. **Sāmukkamsikāti** attanāyeva uddharitvā gahitā, asādhāraṇam aññesanti attho. **Uddissa katanti** uddisitvā katam.

294. **Paṭiccamanti** attānam paṭicca katanti attho. Atha vā **paṭiccamanti** nimittakammassetam adhivacanam, tam paṭiccammam ettha atthīti maṃsampi paṭiccamanti vuttam. Yo hi evarūpaṃ maṃsam paribhuñjati, sopi tassa kammassa dāyādo hoti, vadhakassa viya tassāpi pāṇaghātakammaṃ hotīti adhippāyo. **Jiridantīti** jiranti, abbhācikkhantā na jiranti, abbhakkhānassa antam na gacchantīti attho. **Tikoṭiparisuddhakathā** Saṃghabhedasikkhāpadavaṇṇanāyam vuttā.

Kappiyabhūmi-anujānanakathā

295. **Sakaṭaparivaṭṭanti** sakaṭehi parikkhepaṃ viya katvā acchanti. **Paccantimanti** abhilāpamattametam, “yam saṃgho ākaṅkhatī”ti vuttattā pana dhuravihāropi sammannitum vaṭṭati, kammavācam avatvā apalokanenāpi vaṭṭatiyeva. **Kākoravasaddanti** tattha tattha pavittānam āmisakhādanatthāya anuppageyeva sannipatitānam kākānam oravasaddam. **Yasojo** nāma Kapilasuttapariyosāne pabbajitānam pañcannaṃ satānam aggapuriso.

Ussāvanantikanti ādisu ussāvanantikā tāva evam kattabbā. Yo thambhānam vā upari bhittipāde vā nikhanitvā vihāro kariyati, tassa heṭṭhā thambhapaṭicchakā pāsāṇā bhūmigatikā eva. Paṭhamathambham pana paṭhamabhittipādam vā patiṭṭhāpentehi bahūhi samparivāretvā “kappiyakuṭim karoma, kappiyakuṭim karomā”ti vācam nicchārentehi manussesu ukkhipitvā patiṭṭhāpentesu āmasitvā vā sayam ukkhipitvā vā thambho vā bhittipādo vā patiṭṭhāpetabbo. Kurundimahāpaccarīsu pana “kappiyakuṭi kappiyakuṭi”ti vatvā patiṭṭhāpetabbanti vuttam. Andhakaṭṭhakathāyam “saṃghassa kappiyakuṭim adhiṭṭhāmī”ti vuttam. Tam pana avatvāpi Aṭṭhakathāsu vuttanayena

vutte doso natthi. Idam panettha sādharāṇalakkhaṇam, thambhapatiṭṭhānaṅca vacanapariyosānaṅca samakālam vaṭṭati. Sace hi anīṭṭhite vacane thambho patiṭṭhāti, appatiṭṭhite vā tasmim vacanam niṭṭhāti, akatā hoti kappiyakuṭi. Teneva Mahāpaccariyam vuttam “bahūti samparivāretvā vattabbam, avassam hi ettha ekassapi vacananiṭṭhānaṅca thambhapatiṭṭhānaṅca ekato bhavissatī”ti.

Itṭhakasilāmatṭikākuṭṭikāsu pana kuṭṭisu heṭṭhā cayaṁ bandhitvā vā abandhitvā vā karontu, yato paṭṭhāya bhittim uṭṭhāpetukāmā honti, tam sabbapaṭṭhamam itṭhakam vā silam vā mattikāpiṇḍam vā gahetvā vuttanayeneva kappiyakuṭi kātabbā. Itṭhakādayo hi bhittiyā paṭṭhamiṭṭhakādīnam heṭṭhā na vaṭṭanti, thambhā pana upari uggacchanti, tasmā vaṭṭanti. Andhakatṭhakathāyam “thambhehi kariyamāne catūsu koṇesu cattāro thambhā itṭhakādikuṭṭe catūsu koṇesu dve tisso itṭhakā adhiṭṭhātabbā”ti vuttam. Tathā pana akatāyapi doso natthi, Aṭṭhakathāsu hi vuttameva pamāṇam.

Gonisādikā duvidhā āramagonisādikā, vihāragonisādikāti. Tāsu yattha neva āramo, na senāsanāni parikkhittāni honti, ayam **āramagonisādikā** nāma. Yattha senāsanāni sabbāni vā ekaccāni vā parikkhittāni, āramo aparikkhitto, ayam **vihāragonisādikā** nāma. Iti ubhayatrāpi āramassa aparikkhittabhāvoyeva pamāṇam. Āramo pana upaḍḍhaparikkhittopi bahutaram parikkhittopi parikkhittoyeva nāmāti Kurundimahāpaccariyādīsu vuttam. Ettha kappiyakuṭi laddhum vaṭṭati.

Gahapatīti manussā āvāsam katvā “kappiyakuṭim dema, paribhuñjathā”ti vadanti, esā gahapati nāma. “Kappiyakuṭim kātuṁ demā”ti vuttepi vaṭṭatiyeva. Andhakatṭhakathāyam pana “yasmā bhikkhum ṭhapetvā sesasahadhammikānam sabbesaṅca devamanussānam hatthato paṭiggaho ca sannidhi ca antovutthaṅca tesam santakam bhikkhussa vaṭṭati, tasmā tesam gehāni vā tehi dinnā kappiyakuṭi vā gahapatīti vuccatī”ti vuttam. Punapi vuttam “bhikkhusamghassa vihāram ṭhapetvā bhikkhunupassayo vā āramikānam vā titthiyānam vā devatānam vā nāgānam vā api brahmānam vimānam kappiyakuṭi hotī”ti, tam suvuttam,

saṅghasantakameva hi bhikkhusantakaṃ vā gehaṃ gahapatikuṭikā na hoti. **Sammutikā** nāma kammavācaṃ sāvetaṃ katāti.

Yaṃ imāsu catūsu kappiyabhūmīsu vutthaṃ āmisāṃ, taṃ sabbaṃ antovutthasaṅkhyāṃ na gacchati. Bhikkhūnaṅca bhikkhunīnaṅca antovuttha-antopakkamocanattamaṃ hi kappiyakuṭiyo anuññātā. Yaṃ pana akappiyabhūmiyaṃ sahasayyappahonake gehe vutthaṃ saṅghikaṃ vā puggalikaṃ vā bhikkhussa bhikkhuniyā vā santakaṃ ekarattampi ṭhapitaṃ, taṃ antovutthaṃ, tattha pakkaṅca antopakkamaṃ nāma hoti, etaṃ na kappati. Sattāhakālikaṃ pana yāvajīvikaṅca vaṭṭati.

Tatrāyaṃ vinicchayo—sāmaṇero bhikkhussa taṇḍulādikaṃ āmisāṃ āharitvā kappiyakuṭiyaṃ nikkhipitvā punadivase pacitvā deti, antovutthaṃ na hoti. Tattha akappiyakuṭiyaṃ nikkhittasappi-ādīsu yaṃkiñci pakkhipitvā deti, mukhasannidhi nāma hoti. Mahāpaccariyaṃ pana “antovutthaṃ hoti”ti vuttaṃ. Tattha nāmamattameva nānākaraṇaṃ. Bhikkhu akappiyakuṭiyaṃ ṭhapitasappiṅca yāvajīvikapapaṇṇaṅca ekato pacitvā paribhuñjati, sattāhaṃ nirāmisāṃ vaṭṭati. Sace āmisasaṃsaṭṭhaṃ katvā paribhuñjati, antovutthaṅceva sāmānpākaṅca hoti. Etenupāyena sabbasaṃsaggā veditabbā.

Imā pana kappiyakuṭiyo kadā jahitavatthukā honti? Ussāvanantikā tāva yā thambhānaṃ upari bhittipāde vā nikhaṇitvā katā, sā sabbesu thambhesu ca bhittipādesu ca apanītesu jahitavatthukā hoti. Sace pana thambhe vā bhittipāde vā parivattenti, yo yo ṭhito, tattha tattha patiṭṭhāti. Sabbesupi parivattitesu ajahitavatthukāva hoti. Iṭṭhakādīhi katā cayassa upari bhitti-atthāya ṭhapitaṃ iṭṭhakaṃ vā silaṃ vā mattikāpiṇḍaṃ vā ādimkatvā vināsitaḥkāle jahitavatthukā hoti. Yehi pana iṭṭhakādīhi adhiṭṭhitā, tesu apanītesupi tadaññāsu patiṭṭhitāsu ajahitavatthukāva hoti.

Gonisādikā pākārādīhi parikkhepe kate jahitavatthukā hoti. Puna tasmim ārāme kappiyakuṭi laddhuṃ vaṭṭati. Sace pana punapi pākārādayo tattha tattha khaṇḍā honti, tato tato gāvo pavisanti, puna kappiyakuṭi hoti. Itarā pana dve gopānasīmattaṃ

ṭhapetvā sabbasmim chadane vinaṭṭhe jahitavatthukā honti. Sace gopānasīnaṃ upari ekampi pakkhapāsakamaṇḍalaṃ atthi, rakkhati.

Yatra panimā catassopi kappiyabhūmiyo natthi, tatha kiṃ kātabbam? Anupasampannassa datvā tassa santakaṃ katvā paribhuñjitabbam. Tatridaṃ vatthu—Karavikatissatthero kira vinayadharapāmokkho Mahāsīvattherassa santikaṃ agamāsi. So dīpālokena sappikumbham passivā “bhante kimetan”ti pucchi. Thero “āvuso gāmato sappikumbho ābhato lūkhadivase sappinā bhuñjanatthāyā”ti āha. Tato naṃ Tissatthero “na vaṭṭati bhante”ti āha. Thero punadivase pamukhe nikkhipāpesi. Tissatthero puna ekadivase āgato taṃ disvā tatheva pucchitvā “bhante sahaseyyappahonakaṭṭhāne ṭhapetuṃ na vaṭṭatī”ti āha. Thero punadivase bahi nīharāpetvā nikkhipāpesi, taṃ corā harimsu. So puna ekadivasam āgataṃ Tissattheraṃ āha “āvuso tayā ‘na vaṭṭatī’ti vutto so kumbho bahi nikkhitto, corehi avahato”ti. Tato naṃ Tissatthero āha “nanu bhante anupasampannassa dātabbā assa, anupasampannassa hi datvā tassa santakaṃ katvā paribhuñjitum vaṭṭatī”ti.

296-9. **Meṇḍakavatthu** uttānameva. Api cettha **anujānāmi bhikkhave pañca goraseti** ime pañca gorase visum paribhogena paribhuñjitumpi anujānāmīti attho. **Pātheyyaṃ pariyesitunti** ettha sace keci sayameva ñatvā denti, iccetaṃ kusalaṃ. No ce denti, ñātipavāritaṭṭhānato vā bhikkhācāravattena vā pariyesitabbam. Tathā alabhantena aññātika-apavāritaṭṭhānato yācitvāpi gahetabbam. Ekadivasena gamanīye magge ekabhattatthāya pariyesitabbam, dīghe addhāne yattakena kantāraṃ nittharati, tattakaṃ pariyesitabbam.

Keṇiyajaṭilavatthukathā

300. **Kājehi gāhāpetvāti** pañcahi kājasatehi susaṅkhatassa badarapānassa kuṭasahassaṃ gāhāpetvā. **Etasmim nidāne etasmim pakaraṇe dhammim katham katvāti** “sādhu bhikkhave pānaṃ apivantā samaṇassa

Gotamassa sāvakaṃ paccayabāhullikāti vādaṃ na uppādayittha, mayi ca gāravaṃ akattha, mama ca tumhesu gāravaṃ janayittha, iti vo ahaṃ iminā kāraṇena suṭṭhu pasanno”ti-ādinā nayena dhammiṃ katham katvā **anujānāmi bhikkhave aṭṭha pānānī**-ādimāha.

Tattha **ambapānanti** āmehi vā pakkehi vā ambehi katapānaṃ. Tattha āmehi karontena ambataruṇāni bhinditvā udake pakkhipitvā ātape ādiccapākena pacitvā parissāvetvā tadahupaṭiggahitehi madhusakkarakappūrādīhi yojetvā kātabbhaṃ. Evaṃ kataṃ purebhattameva kappati, anupasampannehi kataṃ labhitvā pana purebhattaṃ paṭiggahitaṃ purebhattaṃ sāmisa-paribhogenaṇīpi vaṭṭati, pacchābhattaṃ nirāmisaparibhogena yāva aruṇuggamaṇā vaṭṭatiyeva. Esa nayo sabbapānesu.

Tesu pana **jambupānanti** jambuphalehi katapānaṃ. **Cocapānanti** aṭṭhikehi kadaliphalehi katapānaṃ. **Mocapānanti** anaṭṭhikehi kadaliphalehi katapānaṃ. **Madhukapānanti**¹ madhukānaṃ jātirasena katapānaṃ. Taṃ pana udakasambhinnaṃ vaṭṭati, suddhaṃ na vaṭṭati. **Muddikapānanti** muddikā udake madditvā ambapānaṃ viya katapānaṃ. **Sālūkapānanti** rattuppalanīluppālādīnaṃ sālūke madditvā katapānaṃ. **Phārusakapānanti** phārusakaphalehi ambapānaṃ viya katapānaṃ. Imāni aṭṭha pānāni sītānīpi ādiccapākānīpi vaṭṭanti, aggipākāni na vaṭṭanti. **Dhaññaphalarasanti** sattannaṃ dhaññānaṃ phalarasaṃ. **Ḍākarasanti** pakkaḍākarasaṃ. Yāvakaḷīkapattānaṃ hi purebhattaṃyeva raso kappati, yāvajīvikānaṃ paṭiggahetvā ṭhapitasappi-ādīhi saddhiṃ pakkānaṃ sattāhaṃ kappati. Sace pana suddha-udakena pacati, yāvajīvampi vaṭṭati, khīrādīhi pana saddhiṃ pacitum na vaṭṭati. Aññehi pakkampi ḍākarasasaṅkhyameva gacchati. Kurundiyaṃ pana “yāvakaḷīkapattānampi sītodakena madditvā kataraso vā ādiccapāko vā vaṭṭati”ti vuttaṃ. **Ṭhapetvā madhukapuppharasanti** ettha madhukapuppharaso aggipāko vā hotu ādiccapāko vā, pacchābhattaṃ na vaṭṭati. Purebhattampi yaṃ pānaṃ gahetvā majjaṃ karonti, so ādito paṭṭhāya na vaṭṭati. Madhukapupphaṃ pana allam vā sukkaṃ vā bhajjitaṃ vā tena kataphānitaṃ vā yato paṭṭhāya majjaṃ na karonti, taṃ sabbam purebhattaṃ vaṭṭati. Ucchuraso nikasaṭo pacchābhattaṃ

1. Madhupānanti (Sī)

vaṭṭati. Iti pānāni anujānantena imepi cattāro rasā anuññātāti.

Agghihuttamukhā yaññāti-ādīsu agghihutaṃ seṭṭham, agghihutaṃ mukhanti vuttaṃ hoti.

Rojamallādivatthukathā

301-2. Rojavatthu uttānatthameva. Tattha **saṅkaram akamsūti** katikaṃ akamsu. **Uḷāram kho te idanti** sundaraṃ kho te idaṃ. **Nāham bhante Ānanda bahukatoti** nāham Buddhādigatapasādabahumānena idhāgatoti dasseti. **Sabbañca ḍākanti** sappi-ādīhi pakkaṃ vā apakkaṃ vā yaṃkiñci ḍākaṃ. **Piṭṭhakhādanīyanti** piṭṭhamayaṃ khādanīyaṃ. Rojo kira idaṃ ubhayampi satasahassaṃ vayaṃ katvā paṭiyādāpesi.

303. **Mañjukāti** madhuravacanā. **Paṭibhāneyyakāti** sake sippe paṭibhānasampannā. **Dakkhāti** chekā analasā vā. **Pariyodātasippāti** niddosasippā. **Nāliyāvāpakenāti** nāliyā ca āvāpakena ca. Āvāpako nāma yattha laddhaṃ laddhaṃ āvapanti, pakkhipantīti vuttaṃ hoti. **Na ca bhikkhave nahāpitapubbena khurabhaṇḍanti** ettha gahetvā pariharitumeva na vaṭṭati, aññassa santakena kese chedetum vaṭṭati. Sace vetanaṃ gahetvā chindati, na vaṭṭati. Yo anahāpitapubbo, tassa pariharitumpi vaṭṭati, taṃ vā aññaṃ vā gahetvā kese chedetumpi vaṭṭati.

304. **Bhāgaṃ datvāti** dasamabhāgaṃ datvā. Idaṃ kira Jambudīpe porāṇakacārittaṃ. Tasmā dasa koṭṭhāse katvā eko koṭṭhāso bhūmisāmikānaṃ dātabbo.

Catumahāpadesakathā

305. **Yaṃ bhikkhave mayā idaṃ na kappatīti** ime cattāro mahāpadese Bhagavā bhikkhūnaṃ nayaggahaṇatthāya āha. Tattha dhammasaṅgāhakattherā suttam gahetvā parimaddantā ida addasaṃsu. **Thapetvā dhaññaphalarasanti** satta dhaññarasāni pacchābhattaṃ na kappantīti paṭikkhattāni. Tālanāḷikerapanasalabuja-alābukumbhaṇḍapussaphalatipusaphala-eḷālūkāni nava mahāphalāni sabbañca aparāṇaṃ dhaññagatikameva. Taṃ kiñcāpi na paṭikkhattaṃ, atha kho akappiyaṃ anulometi. Tasmā pacchābhattaṃ na kappati.

Aṭṭha pānāni anuññātāni, avasesāni vettatintiṇikamātuluṅgakapitthakosambakaramandādikhuddakaphalapānāni aṭṭhapānagatikāneva. Tāni kiñcāpi na anuññātāni, atha kho kappiyaṃ anulomenti, tasmā kappanti. Ṭhapetvā hi sānulomaṃ dhaññaphalarasaṃ aññaṃ phalapānaṃ nāma akappiyaṃ natthi, sabbaṃ yāmakālikāmyevāti Kurundiyaṃ vuttaṃ.

Bhagavatā cha cīvarāni anuññātāni. Dhammasaṅgāhakattherehi tesāṃ anulomāni dukūlaṃ, pattuṇṇaṃ, cīnapaṭṭaṃ, somārapaṭṭaṃ, iddhimayikaṃ, devadattiyanti aparāni cha anuññātāni. Tattha **pattuṇṇanti** pattuṇṇadese pāṇakehi sañjātavatthaṃ. Dve paṭā desanāmeneva vuttā. Tāni tīṇi koseyyassānulomāni, dukūlaṃ sāṇassa, itarāni dve kappāsikassa vā sabbesaṃ vā.

Bhagavatā ekādasa patte paṭikkhipitvā dve pattā anuññātā lohapatto ceva, mattikāpatto ca. Lohathālakāṃ, mattikāthālakāṃ, tambalohathālakanti tesāmyeva anulomāni. Bhagavatā tayo tumbā anuññātā lohatumbo, kaṭṭhatumbo, phalatumboti, kuṇḍikā kañcanaḥ udakatumboti tesāmyeva anulomāni. Kurundiyaṃ pana pānīyasaṅkhapānīyasarāvākāni etesaṃ anulomānīti vuttaṃ. Paṭṭikā sūkarantanti dve kāyabandhanāni anuññātāni, dussapaṭṭena rajjukena ca katakāyabandhanāni tesāṃ anulomāni. Setacchattaṃ, kilañjacchattaṃ, paṇṇacchattanti tīṇi chattaṇi anuññātāni. Ekapaṇṇacchattaṃ tesāmyeva anulomanti iminā nayena Pāliṅca Aṭṭhakathaṅca anupekkhitvā aññānīpi kappiyākappiyānaṃ anulomāni veditabbāni.

Tadahupaṭiggahitaṃ kāle kappatīti-ādi sabbaṃ sambhinnarasaṃ sandhāya vuttaṃ. Sace hi challimpi anapanetvā sakaleneva nāḷikeraphalena saddhiṃ pānakaṃ paṭiggahitaṃ hoti, nāḷikeraṃ apantvā taṃ vikālepi kappati. Upari sappipiṇḍaṃ ṭhapetvā sītalapāyāsāṃ denti, yaṃ pāyāsena asaṃsaṭṭhaṃ sappi, taṃ apantvā sattāhaṃ paribhuñjituṃ vaṭṭati. Baddhamadhuphāṇitādīsupi eseva nayo. Takkolajātiphalādīhi alaṅkaritvā piṇḍapātaṃ denti, tāni uddharitvā dhovitvā yāvajīvaṃ paribhuñjitabbāni, yāguyaṃ pakkhipitvā dinnasiṅgiverādīsupi telādīsū pakkhipitvā dinnalaṭṭhimadhukādīsupi eseva nayo. Evaṃ yaṃ yaṃ asambhinnarasaṃ hoti, taṃ taṃ ekato paṭiggahitampi

yathā suddham hoti, tathā dhovivā vā tacchetvā vā tassa tassa kālavasena paribhuñjituṃ vaṭṭati.

Sace pana sambhinnarasam hoti samsaṭṭham, na vaṭṭati. Yāvakālikañhi attanā saddhim sambhinnarasāni tīpi yāmakālikādīni attano sabhāvaṃ upaneti. Yāmakālikam dvepi sattāhakālikādīni attano sabhāvaṃ upaneti. Sattāhakālikampi attanā saddhim samsaṭṭham yāvajīvikam attano sabhāvaññeva upaneti, tasmā tena tadahupaṭiggahitena saddhim tadahupaṭiggahitam vā purepaṭiggahitam vā yāvajīvikam sattāham kappati dvīhapaṭiggahitena chāham. Tīhapaṭiggahitena pañcāham -pa-sattāhapaṭiggahitena tadaheva kappatīti veditabbam. Tasmāyeva hi “sattāhakālikena bhikkhave yāvajīvikam tadahupaṭiggahitan”ti avatvā “paṭiggahitam sattāham kappatī”ti vuttam.

Kālayāmasattāhātikkamesu cettha vikālabhojanasannidhibhesajjasikkhāpadānam vasena āpattiyo veditabbā. Imesu ca pana catūsu kālikesu yāvakālikam yāmakālikanti idameva dvayam antovutthakañceva sannidhikārañca hoti, sattāhakālikañca yāvajīvikañca akappiyakuṭiyam nikkhipitumpi vaṭṭati, sannidhimpī na janetīti. Sesam sabbattha uttānamevāti.

Bhesajjakkhandhakavaṇṇanā niṭṭhitā.

7. Kathinakkhandhaka

Kathinānujānakathā

306. Kathinakkhandhake **Pāveyyakāti** Pāveyyaraṭṭhavāsino. Pāveyyam¹ nāma Kosalesu pacchimadisābhāge raṭṭham, tatta vāsinoti vuttam hoti. Kosalarañño ekapitukabhātūnam Bhaddavaggiyatherānam etaṃ adhivacanāṃ. Tesu sabbajeṭṭhako anāgāmī, sabbapacchimako sotāpanno, ekopi arahā vā puthujjano vā natthi. **Āraññikāti** dhutaṅgasamādānavasena āraññikā, na araññavāsamattena. Piṇḍapātikādibhāvepi tesam eseva nayo, sīsavasena cetam vuttam. Ime pana terasāpi dhutaṅgāni samādāyeva vattanti. **Udakasaṅgaheti** udakena saṅgahite ghaṭṭite saṃsaṭṭhe, thale ca ninne ca ekodakābhūteti attho.

Udakacikkhalleti akkanta-akkantaṭṭhāne udakacikkhallo uṭṭahitvā yāva ānisadā paharati, īdise cikkhalleti attho. **Okapuṇṇehīti** udakapuṇṇehi. Tesam kira cīvarāni ghanāni, tesu patitam udakam na paggharati, ghanattā puṭabaddham² viya tiṭṭhati. Tena vuttam “okapuṇṇehi cīvarehī”ti. Oghapuṇṇehītipi pāṭho.

Avivadamānā vassam vasimhāti ettha āgantukaṭṭhāne senāsanaphāsutāya abhāvena ca Bhagavato dassanālābhena ukkaṇṭhitatāya ca te bhikkhū phāsum na vasimsu. Tasmā “avivadamānā phāsukam vassam vasimhā”ti nāvocum. **Dhammim katham katvāti** Bhagavā tesam bhikkhūnam anamataggiyakatham kathesi, te sabbepi kathāpariyosāne arahattam pāpuṇitvā nisinnaṭṭhānatoyeva ākāse uppatitvā agamaṃsu, tam sandhāya vuttam “dhammim katham katvā”ti. Tato Bhagavā “sace kathinatthāro paññatto abhavissa, ete bhikkhū ekam cīvaram ṭhapetvā santaruttarena āgacchantā na evam kilantā assu, kathinatthāro ca nāmesa sabbabuddhehi anuññāto”ti cintetvā kathinatthāram anujānitukāmo bhikkhū āmantesi, āmantetvā ca pana **anujānāmi bhikkhaveti**-ādimāha.

1. Pāṭheyakāti Pāṭheyaraṭṭhavāsino. Pāṭheyam (Sī)

2. Puṭabhattam (Ka)

Tattha **atthatakathinānaṃ** voti nipātamattaṃ vokāro, atthatakathinānanti attho. Evañhi sati parato “so nesam bhavissatī”ti yujjati. Atha vā **voti** sāmivacanamevetam. **So nesanti** ettha pana so cīvaruppādo ye atthatakathinā, tesam bhavissatīti attho.

Tattha **anāmāntacāro**ti yāva kathinam na uddhariyati, tāva anāmāntetvā caraṇam kappissati, Cārittassikkhāpadena anāpatti bhavissatīti attho. **Asamādānacāro**ti ticīvaram asamādāya caraṇam, cīvaravippavāso kappissatīti attho. **Gaṇabhojananti** gaṇabhojanampi kappissati. **Yāvadatthacīvaranti** yāvattakena cīvarena attho, tāvattakam anadhiṭṭhitam avikappitam kappissatīti attho. **Yo ca tattha cīvaruppādoti** tattha kathinatthasīmāyam matakacīvaram vā hotu saṃgham uddissa dinnam vā saṃghikena tatrappādena ābhataṃ vā, yena kenaci ākārena yaṃ saṃghikacīvaram uppajjati, taṃ tesam bhavissatīti attho.

Evañca pana bhikkhave kathinam attharitabbanti ettha kathinatthāram ke labhanti, ke na labhantīti. Gaṇanavasena tāva pacchimakoṭiyā pañca janā labhanti, uddham sataśassampi, pañcannam heṭṭhā na labhanti. Vuttavassavasena purimikāya vassam upagantvā paṭhamapavāraṇāya pavāritā labhanti, chinnavassā vā pacchimikāya upagatā vā na labhanti, aññasmim vihāre vuttavassāpi na labhantīti Mahāpaccariyam vuttam, purimikāya upagatānam pana sabbe gaṇapūrakā honti, ānisaṃsam na labhanti, ānisaṃso itaresāmyeva hoti. Sace purimikāya upagatā cattāro vā honti tayo vā dve vā eko vā, itare gaṇapūrake katvā kathinam attharitabbam. Atha cattāro bhikkhū upagatā, eko paripuṇṇavasso sāmaṇero, so ce pacchimikāya upasampajjati, gaṇapūrako ceva hoti ānisaṃsañca labhati. Tayo bhikkhū dve sāmaṇerā, dve bhikkhū tayo sāmaṇerā, eko bhikkhu cattāro sāmaṇerāti etthāpi eseva nayo. Sace purimikāya upagatā kathinatthārakusalā na honti, atthārakusalā khandhakabhāṇakatherā pariyesitvā ānetabbā. Kammavācam sāvetaṃ kathinam attharāpetvā dānañca bhuñjitvā gamissanti, ānisaṃso pana itaresāmyeva hoti.

Kathinaṃ kena dinnam vaṭṭati? Yena kenaci devena vā manussena vā pañcannaṃ vā sahadhammikānaṃ aññatarena dinnam vaṭṭati.

Kathinadāyakassa vattam atthi, sace so tam ajānanto pucchati “bhante katham kathinaṃ dātabbam”ti, tassa evam ācikkhitabbam “tiṇṇam cīvarānaṃ aññatarappahonakam sūriyuggamanasamaye vattham ‘kathinacīvaram demā’ti dātum vaṭṭati, tassa parikammatham ettakā nāma sūciyo, ettakam suttam, ettakam rajanam, parikammaṃ karontānaṃ ettakānaṃ bhikkhūnaṃ yāgubhattaṅca dātum vaṭṭatī”ti.

Kathinatthārakenāpi dhammena samena uppannam kathinaṃ attharantena vattam jānitabbam. Tantavāyagehato hi ābhatasantāneneva khalimakkhitasāṭako na vaṭṭati, malīnasāṭakopi na vaṭṭati, tasmā kathinatthārasāṭakam labhitvā suṭṭhu dhovivā sūci-ādāni cīvarakammūpakaraṇāni sajjetvā bahūhi bhikkhūhi saddhim tadaheva sibbitvā niṭṭhitasūcikkammaṃ rajitvā kappabindum datvā kathinaṃ attharitabbam. Sace tasmim anattateyeva aññaṃ kathinasāṭakam āharati, aññāni ca bahūni kathinānisamsavattāni deti, yo ānisamsam bahum deti, tassa santakeneva attharitabbam. Itaro yathā tathā¹ ovadivā saññāpetabbo.

Kathinaṃ pana kena attharitabbam? Yassa saṅgho kathinacīvaram deti. Saṅghena pana kassa dātabbam? Yo jīṇṇacīvaro hoti. Sace bahū jīṇṇacīvarā honti, vuḍḍhassa dātabbam. Vuḍḍhesupi yo mahāpariso tadaheva cīvaram katvā attharitam sakkoti, tassa dātabbam. Sace vuḍḍho na sakkoti, navakataro sakkoti, tassa dātabbam. Apica saṅghena mahātherassa saṅgham kātum vaṭṭati, tasmā “tumhe bhante gaṇhatha, mayam katvā dassāmā”ti vattabbam. Tisu cīvaresu yam jīṇṇam hoti, tadatthāya dātabbam. Pakatiyā dupaṭṭacīvarassa dupaṭṭatthāyeva dātabbam. Sacepissa ekapaṭṭacīvaram ghanam hoti, kathinasāṭako ca pelavo, sārūppatthāya dupaṭṭappahonakameva dātabbam, “aham alabhanto ekapaṭṭam pārūpāmī”ti vadantassāpi dupaṭṭam dātum vaṭṭati. Yo pana lobhapakatiko hoti, tassa na dātabbam. Tenāpi kathinaṃ attharivā pacchā sibbitvā “dve cīvarāni karissāmī”ti na gahetabbam. Yassa pana dīyati, tassa yena vidhinā dātabbam,

1. Tathā tathā (Ka)

taṃ dassetuṃ “evañca pana bhikkhave kathinaṃ attharitaḅᅇan”ti ārabhitvā **suṇātu me bhanteti**-ādikā dānakammavācā tāva vuttā.

Evam dinne pana kathine sace taṃ kathinadussaṃ niṭṭhitaparikkammameva hoti, iccetam kusalam. No ce niṭṭhitaparikkammaṃ hoti, “aham thero”ti vā “bahussuto”ti vā ekenāpi akātuṃ na labbhati, sabbeheva sannipatitvā dhovanasibbanarajanāni niṭṭhāpetabbāni. Idañhi kathinavattam nāma Buddhappasattham. Atīte Padumuttaropi Bhagavā kathinavattam akāsi, tassa kira aggasāvako Sujātatthero nāma kathinam gaṇhi, tam Satthā aṭṭhasaṭṭhiyā bhikkhusatasahasseehi saddhim nisīditvā akāsi.

Katapariyositam pana kathinam gahetvā atthārakena bhikkhunā “sace saṅghāṭiyā kathinam attharitikāmo hoti, porāṇikā saṅghāṭi paccuddharitabbā, navā saṅghāṭi adhiṭṭhātabbā. Imāya saṅghāṭiyā kathinam attharāmīti vācā bhinditabbā”ti-ādinā parivāre vuttavidhānena kathinam attharitaḅᅇan. Attharitvā ca pana “tena kathinatthārakena bhikkhunā saṅgham upasaṅkamtivā ekaṃsam uttarāsaṅgam karitvā añjalim paggahetvā evamassa vacanīyo ‘atthataṃ bhante saṅghassa kathinam, dhammiko kathinatthāro, anumodathā’ti. Tehi anumodakehi bhikkhūhi ekaṃsam uttarāsaṅgam karitvā añjalim paggahetvā evamassa vacanīyo ‘atthataṃ āvuso saṅghassa kathinam dhammiko kathinatthāro, anumodāmā’ti” evamādinā parivāre vuttavidhāneneva anumodāpetabbam, itarehi ca anumoditabbam. Evam sabbesam atthataṃ hoti kathinam. Vuttañhetam parivāre “dvinnam puggalānam atthataṃ hoti kathinam atthārakassa ca anumodakassa cā”ti¹. Punapi vuttam “na saṅgho kathinam attharati, na gaṇo kathinam attharati, puggalo kathinam attharati. Saṅghassa anumodanā gaṇassa anumodanā puggalassa atthāro saṅghassa atthataṃ hoti kathinam, gaṇassa atthataṃ hoti kathinam, puggalassa atthataṃ hoti kathinan”ti².

Evam atthate pana kathine sace kathinacīvarena saddhim ābhataṃ ānisaṃsam dāyakā “yena amhākam kathinam gahitam, tasseva demā”ti

1. Vi 5. 302 piṭṭhe.

2. Vi 5. 309 piṭṭhe.

denti, bhikkhusaṅgho anissaro. Atha avicāretvāva datvā gacchanti, bhikkhusaṅgho issaro. Tasmā sace kathinatthārakassa sesacīvarānipi dubbalāni honti, saṅghena apaloketvā tesampi atthāya vatthāni dātabbāni, kammavācā pana ekāyeva vaṭṭati. Avasese kathinānisamse balavavatthāni¹ vassāvāsikatṭhitikāya dātabbāni, ṭhitikāya abhāve therāsanato paṭṭhāya dātabbāni, garubhaṇḍaṃ na bhājetabbaṃ. Sace pana ekasīmāya bahū vihārā honti, sabbe bhikkhū sannipātetvā ekattha kathinaṃ attharitabbaṃ, visuṃ visuṃ attharituṃ na vaṭṭati.

308. Idāni yathā ca kathinaṃ atthataṃ hoti, yathā ca anatthataṃ, taṃ vidhiṃ vitthārato dassetuṃ **evañca pana bhikkhave atthataṃ hoti kathinaṃ evaṃ anatthataṃ**ti vatvā akaraṇīyañceva mahābhūmikañca anatthatalakkhaṇaṃ tāva dassento **na ullikhitamattenā**ti-ādike catuvīsati ākāre dassesi. Tato paraṃ atthatalakkhaṇaṃ dassento **“ahatena atthatan”**ti-ādike sattarasa ākāre dassesi. Parivārepi hi “catuvīsatiyā ākārehi anatthataṃ hoti kathinaṃ, sattarasahi ākārehi atthataṃ hoti kathinan”ti idameva lakkhaṇaṃ vuttaṃ.

Tattha **ullikhitamattenā**ti dīghato ca puthulato ca pamāṇaggahaṇamattena. Pamāṇaṃ hi gaṇhanto tassa tassa padesassa sañjānanatthaṃ nakhādīhi vā paricchedaṃ dassento ullikhati, nalāṭādīsu vā ghaṃsati, tasmā taṃ pamāṇaggahaṇaṃ “ullikhitamattan”ti vuccati. **Dhovanamattenā**ti kathinadussadhovanamattena. **Cīvaravicāraṇamattenā**ti “pañcakam vā sattakam vā navakam vā ekādasakam vā hotū”ti evaṃ vicāritamattena. **Chedanamattenā**ti yathāvicāritassa vatthassa chedanamattena. **Bandhanamattenā**ti moghasuttakāropanamattena. **Ovaṭṭiyakaraṇamattenā**ti moghasuttakānusārena dīghasibbitamattena². **Kaṇḍusakaraṇamattenā**ti muddhiyapattabandhanamattena³. **Daḷīkammakaraṇamattenā**ti dve cimilikāyo⁴ ekato katvā sibbitamattena. Atha vā paṭhamacimilikā ghaṭetvā ṭhapitā hoti, kathinasāṭakam tassā kucchicimilikam katvā sibbitamattenātipi attho.

1. Avasesakathinānisamsavattāni (Syā)

2. Dīghasibbanim sibbitamattena (Sī)

3. Muddhiyapaṭabandhanamattena (Syā), muddhiyapaṭṭabandhanamattena (Sī)

4. Cilimikāyo (Sī)

Mahāpaccariyaṃ “pakaticīvarassa upassayadānenā”ti vuttaṃ. Kurundiyaṃ pana “pakatipattabandhacīvaraṃ dupaṭṭaṃ kātuṃ kucchicimilikaṃ alliyāpanamattenā”ti vuttaṃ. **Anuvātakaraṇamattenā**ti piṭṭhi-anuvātāropanamattena. **Paribhaṇḍakaraṇamattenā**ti kucchi-anuvātāropanamattena. **Ovaddheyyakaraṇamattenā**¹ āgantukapattāropanamattena, kathinacīvarato vā pattaṃ gahetvā aññasmiṃ akathinacīvare pattāropanamattena.

Kambalamaddanamattenāti ekavāraṃyeva rajane pakkhittena dantavaṇṇena, paṇḍupalāsavaṇṇena vā. Sace pana sakiṃ vā dvikkhattuṃ vā rattampi sārappaṃ hoti, vaṭṭati. **Nimittakatenā**ti “iminā dussena kathinaṃ attharissāmi”ti evaṃ nimittakatenā. Ettakameva hi parivāre vuttaṃ. Aṭṭhakathāsu pana “ayaṃ sātako sundaro, sakkā iminā kathinaṃ attharitunti evaṃ nimittakammaṃ katvā laddhenā”ti vuttaṃ. **Parikathākatenā**ti kathinaṃ nāma dātuṃ vaṭṭati, kathinadāyako bahūṃ puññaṃ pasavatīti evaṃ parikathāya uppādītena. Kathinaṃ nāma atī-ukkaṭṭhaṃ vaṭṭati, mātarampi viññāpetuṃ na vaṭṭati, ākāso otiṇṇasadisameva vaṭṭatīti. **Kukkukatenā**ti tāvakālikena. **Sannidhikatenā**ti ettha duvidho sannidhi karaṇasannidhi ca nicayasannidhi ca. Tattha tadaheva akatvā ṭhapetvā karaṇaṃ karaṇasannidhi. Saṃgho ajja kathinadussaṃ labhitvā punadivase deti, ayaṃ nicayasannidhi.

Nissaggiyenāti rattinissaggiyena. Parivārepi vuttaṃ “nissaggiyaṃ nāma kariyamāne aruṇaṃ uṭṭhahatī”ti. **Akappakatenā**ti anādinnakappabindunā. **Aññaṭṭra saṅghāṭiyā**ti-ādīsu ṭhapetvā saṅghāṭi-uttarāsaṅga-antaravāsake aññaṇa paccattharaṇādīnā atthataṃ anatthataṃ hotīti. **Aññaṭṭra pañcakena vā atirekapañcakena vā**ti pañca vā atirekāni vā khaṇḍāni katvā mahāmaṇḍala-aḍḍhamaṇḍalāni dassetvā kateneva vaṭṭati, evaṃhi samaṇḍalikatāṃ hoti. Taṃ ṭhapetvā aññaṇa acchinnakena vā dvatticatukhaṇḍena vā na vaṭṭati. **Aññaṭṭra puggalassa atthārā**ti puggalassa atthāraṃ ṭhapetvā na aññaṇa saṃghassa vā gaṇassa vā atthārena atthataṃ hoti. **Nissīmaṭṭho anumodatī**ti bahi-upacārasīmāya ṭhito anumodati.

1. Ovaṭṭeyyakaraṇamattenā (Sī, Syā)

309. **Ahatenā**ti aparibhuttana. **Ahatakappenā**ti ahatasadisena ekavāraṃ vā dvikkhattuṃ vā dhotena. **Pilotikāyā**ti hatavatthakasaṭṭakena.

Paṃsukūlenāti tevīsatiyā khettesu uppannapaṃsukūlena.

Paṃsukūlikabhikkhunā coḷakabhikkhaṃ āhiṇḍitvā laddhacoḷakehi katacīvarenātipi Kurundimahāpaccaṃsu vuttaṃ. **Pāpaṇikenā**ti āpaṇadvāre patitapilotikam gahetvā kathinatthāya deti, tenāpi vaṭṭatīti attho. Sesam vuttavipallāseneva veditabbaṃ. Imasmim̐ pana thāne saha kathinassa atthārā kati dhammā jāyantīti-ādi bahu-aṭṭhakathāsu vuttaṃ, taṃ sabbaṃ parivāre Pāli-āruḷhameva, tasmā tattha āgatanayeneva veditabbaṃ. Na hi tena idha avuccamānena kathinatthārakassa kiñci parihāyati.

310. Evaṃ kathinatthāraṃ dassetvā idāni ubbhāraṃ dassetuṃ **kathañca bhikkhave ubbhataṃ hoti kathinanti-ādimāha**. Tattha **mātikā**ti mātaro, janettiyoti attho. Kathinubbhāraṃ¹ hi etā aṭṭha janettiyoti². Tāsu pakkamanam̐ anto assāti **pakkamanantikā**. Evaṃ sesāpi veditabbā.

Ādāyasattakathā

311. **Na paccessanti** na puna āgamissaṃ. Etasmim̐ pana pakkamanantike kathinuddhāre paṭhamam̐ cīvarapalibodho chijjati, pacchā āvāsapalibodho. Evaṃ pakkamato hi cīvarapalibodho antosīmāyameva chijjati. Āvāsapalibodho sīmātikame. Vuttampi cetam̐ parivāre—

“Pakkamanantiko kathinuddhāro, vutto ādiccabandhunā.

Etañca tāham̐ vissajjissaṃ, cīvarapalibodho paṭhamam̐ chijjati.

Pacchā āvāsapalibodho chijjati”ti³.

Cīvaram̐ ādāyāti akatacīvaram̐ ādāya. **Bahisīmāgatassā**ti aññam̐ sāmantavihāraṃ gatassa. **Evaṃ hotī**ti tasmim̐ vihāre senāsanaphāsukam̐ vā sahāyasampattim̐ vā disvā evam̐ hoti. Etasmim̐ pana niṭṭhānantike kathinuddhāre āvāsapalibodho paṭhamam̐ chijjati. So hi “na paccessan”ti citte uppannamatteyeva chijjati. Vuttampi cetam̐—

1. Kathinubbhārāya (Sī)

2. Janenti (?)

3. Vi 5. 310 piṭṭhe.

“Niṭṭhānantiko kathinuddhāro, vutto ādiccabandhunā.
 Etañca tāhaṃ vissajjissāṃ, āvāsapalibodho paṭhamāṃ chijjati.
 Cīvare niṭṭhite cīvarapalibodho chijjati”ti.

Etena nayena sesamātikāvibhajanepi attho veditabbo. Ayaṃ pana viśeso, sannīṭṭhānantike dvepi palibodhā “nevimaṃ cīvaraṃ kāressāṃ, na paṇṇaṃ”ti citte uppannamatteyeva ekato chijjantīti. Vuttañhetā—

“Sannīṭṭhānantiko kathinuddhāro, vutto ādiccabandhunā.
 Etañca tāhaṃ vissajjissāṃ,
 Dve palibodhā apubbaṃ acarimaṃ chijjanti”ti.

Evaṃ sabbakathinuddhāresu palibodhupacchedo veditabbo. So pana yasmā iminā ca vuttanayena parivāre ca āgatabhāvena sakkā jānitum, tasmā vitthārato na vutto. Ayaṃ panettha saṅkhepo, nāsanantike āvāsapalibodho paṭhamāṃ chijjati, cīvare naṭṭhe cīvarapalibodho chijjati. Yasmā cīvare naṭṭhe cīvarapalibodho chijjati, tasmā “nāsanantiko”ti vuttaṃ¹.

Savanantike cīvarapalibodho paṭhamāṃ chijjati, tasmā tassa saha savanena āvāsapalibodho chijjati.

Āsāvachchedike āvāsapalibodho paṭhamāṃ chijjati, cīvarāsāya upacchinnāya cīvarapalibodho chijjati. Ayaṃ pana yasmā “anāsāya labhati, āsāya na labhati. Tassa evaṃ hoti ‘idhevimaṃ cīvaraṃ kāressāṃ, na paṇṇaṃ’ti” ādinā nayena itarehi uddhārehi saddhiṃ vomissadesano anekappabhedo hoti, tasmā parato viśum vitthāretvā vutto, idha na vutto. Idha pana savanantikassa anantaraṃ sīmātikantiko vutto. Tattha cīvarapalibodho paṭhamāṃ chijjati, tassa bahisīme āvāsapalibodho chijjati. Sahubbhāre dve palibodhā apubbaṃ acarimaṃ chijjantīti.

1. Vuccati (Sī)

316-325. Evaṃ ādāyavāre sattakathinuddhāre dassetvā puna samādāyavārepi vippakatacīvarassa ādāyasamādāyavāresupi yathāsambhavaṃ teyeva dassitā. Tato paraṃ antosīmāyaṃ “paccessaṃ na paccessan”ti imaṃ vidhiṃ anāmasitvāva “na paccessan”ti imameva āmasitvā “anadhiṭṭhitenā”ti-ādinā nayena ca ye ye yujjanti, te te dassitā. Tato paraṃ “cīvarāsāya pakkamaṭī”ti-ādinā nayena itarehi saddhiṃ vomissakanayena anekakkhattuṃ āsāvachedikaṃ dassetvā puna disaṅgamiyavasena ca phāsuvihārikavasena ca niṭṭhānantikesu yujjamānā kathinuddhārā dassitā. Evaṃ pabhedeto kathinuddhāraṃ dassetvā idāni ye tena tena kathinuddhārena palibodhā chijjantīti vuttā, tesāṃ paṭipakkhe dassento **dveme bhikkhave kathinassa palibodhāti-ādimāha**. Tattha **cattenāti** yena cittena so āvāso catto hoti, taṃ cattaṃ nāma, tena cattena. **Vantamuttesupi** eseva nayo. Sesāṃ sabbattha uttānamevāti.

Kathinakkhandhakavaṇṇanā niṭṭhitā.

8. Cīvarakkhandhaka

Jīvakavatthukathā

326. Cīvarakkhandhake **padakkhiṇāti** chekā kusalā. **Abhisatāti** abhigatā. Kehi abhigatāti, atthikehi atthikehi manussehi, karaṇatthe pana sāmivacanam katvā “atthikānam atthikānam manussānam”ti vuttam. **Paññāsāya ca rattim gacchatīti** paññāsa kahāpaṇe gahetvā rattim gacchati. **Negamoti** kuṭumbiyagaṇo.

327. **Sālavatim kumārim gaṇikam vuṭṭhāpesīti** nāgarā dve satahassāni, rājā satahassanti tīni satahassāni aññaṇca ārāmuyyānavāhanādiparicchedam datvā vuṭṭhāpesum, gaṇikaṭṭhāne ṭhapesunti attho. **Paṭisatena ca rattim gacchatīti** rattim¹ paṭisatena gacchati. **Gilānam paṭivedeeyanti** gilānabhāvam jānāpeyyam. **Kattarasuppeti** jīṇṇasuppe.

328. **Kā me deva mātā, ko pitāti**² kasmā pucchi? Tam kira aññe rājadārakā kīlantā kalahe uṭṭhite “nimmātiko nippitiko”ti vadanti. Yathā ca aññesam dārakānam chaṇḍādisu cūlamātāmahāmātādayo kiñci paṇṇākāram pesenti, tathā tassa na koci kiñci pesesi. Iti so tam sabbam cintetvā “nimmātikoyeva nu kho ahan”ti jānanattham “kā me deva mātā, ko pitā”ti pucchi.

Yannūnāham sippam sikkheyyanti “yamnūna aham vejjasippam sikkheyyan”ti cintesi. Tassa kira etadahosi “imāni kho hatthi-assasippādīni parūpaghātapaṭisamyuttāni, vejjasippam mettāpubbabhāgam sattānam hitapaṭisamyuttan”ti. Tasmā vejjasippameva sandhāya “yamnūnāham sippam sikkheyyan”ti cintesi. Apicāyam ito kappasatasahassassa upari Padumuttarassa Bhagavato upaṭṭhākam “buddhupaṭṭhāko ayan”ti catuparisantare patthatagaṇam vejjam disvā “aho vatāhampi evarūpam ṭhānantaram pāpuṇeyyan”ti cintetvā sattāham Buddhappamukhassa samghassa dānam datvā Bhagavantam vanditvā “ahampi Bhagavā

1. Rattim rattim (Sī, Syā)

2. Ko te pitāti (Sī)

tumhākaṃ upaṭṭhāko asukavejjo viya anāgate Buddhupaṭṭhāko bhaveyyan”ti patthanamakāsi. Tāya purimapatthanāya codiyamānopesa vejjasippameva sandhāya “yamnūnāhaṃ sippaṃ sikkheyyan”ti cintesi.

329. **Disāpāmokkhoti** sabbadisāsu vidito pākaṭo padhāno vāti attho. Tasmīṅca samaye Takkaṣīlato vāṇijā Abhayarājakumāraṃ dassanāya āgamaṃsu, te Jīvako “kuto tumhe āgatā”ti pucchi. “Takkaṣīlato”ti vutte “atthi tatha vejjasippācariyo”ti pucchi. “Āma kumāra, Takkaṣīlāyaṃ Disāpāmokkho vejjo paṭivasatī”ti sutvā “tena hi yadā gacchatha, mayhaṃ āroceyyāthā”ti āha. Te tathā akaṃsu. So pitaraṃ anāpucchā tehi saddhiṃ Takkaṣīlaṃ agamāsi. Tena vuttaṃ “abhayaṃ Rājakumāraṃ anāpucchā”ti-ādi.

Ichhāmahaṃ ācariya sippaṃ sikkhitunti taṃ kira upasaṅkamantaṃ dīsvā so vejjo “kosi tvam tātā”ti pucchi. So “bimbisāramahārājassa nattā, Abhayakumārassa puttomhī”ti āha. Kasmā pana tvamasi tāta idhāgatoti, tato so “tumhākaṃ santike sippaṃ sikkhitun”ti vatvā “icchāmahaṃ ācariya sippaṃ sikkhitun”ti āha. **Bahuṅca gaṇhātīti** yathā aññe khattiyakumārādayo ācariyassa dhanam datvā kiñci kammaṃ akatvā sikkhantiyeva, na so evaṃ. So pana kiñci dhanam adatvā dhammantevāsikova hutvā ekaṃ kālaṃ upajjhāyassa kammaṃ karoti, ekaṃ kālaṃ sikkhati. Evaṃ santepi abhinīhārasampanno kulaputto attano medhāvitāya bahuṅca gaṇhāti, lahuṅca gaṇhāti, suṭṭhu ca upadhāreti, gahitaṅcassa na sammussati.

Satta ca me vassāni adhīyantassa nayimassa sippassa anto paññāyatīti ettha ayaṃ kira Jīvako yattakaṃ ācariyo jānāti, yaṃ aññe soḷasahi vassehi uggaṇhanti, taṃ sabbaṃ sattahi vassehi uggaṇhesi. Sakkassa pana devaraṅño etadahosi “ayaṃ Buddhānaṃ upaṭṭhāko aggavissāsako bhavissati, handa naṃ bhesajjayojanaṃ sikkhāpemi”ti ācariyassa sarīre ajjhāvasitvā yathā ṭhapetvā kammavipākaṃ avasesarogaṃ ekeneva bhesajjayogena tikicchitun sakkoti, tathā naṃ bhesajjayojanaṃ sikkhāpesi. So pana “ācariyassa santike sikkhāmī”ti maññati, tasmā “samattho idāni Jīvako

tikicchitun”ti Sakkena vissaṭṭhamatte evaṃ cintetvā ācariyaṃ pucchi. Ācariyo pana “na iminā mamānubhāvena uggahitaṃ, devatānubhāvena uggahitaṃ”ti ñatvāva **tena hi bhaṇeti**-ādimāha. **Samantā yojanaṃ ahiṇḍantoti** divase divase ekekena dvārena nikkhamitvā cattāro divase ahiṇḍanto. **Parittaṃ pātheyyaṃ pādāsīti** appamattakaṃ adāsi. Kasmā? Tassa kira etadahosi “ayaṃ Mahākulassa putto gatamattoyeva pitipitāmahānaṃ santikā mahāsakkāraṃ labhissati, tato mayhaṃ vā sippassa vā guṇaṃ na jānissati, antarāmagge pana khīṇapātheyyo sippaṃ payojetvā avassaṃ mayhañca sippassa ca guṇaṃ jānissatī”ti parittaṃ dāpesi.

Setṭhibhāriyādivatthukathā

330. **Pasatenāti** ekahatthapuṭena¹. **Picunāti** kappāsapaṭalena. **Yatrahi nāmāti** yā nāma. **Kimpimāyanti** kimpī me ayaṃ. **Upajānāmetassa saṃnyamassāti** katassa ca rogūpasamassa ca upakāraṃ jānāmāti adhippāyo.

331. **Sabbālaṅkāraṃ tuyhaṃ hotūti** rājā kira “sace imaṃ gaṇhissati, pamāṇayutte ṭhāne naṃ ṭhapessāmi. Sace na gaṇhissati, abbhantarikaṃ naṃ vissāsakaṃ karissāmī”ti cintetvā evamāha. Abhayakumārassāpi nāṭakānampi cittaṃ uppajji “aho vata na gaṇheyyā”ti. Sopi tesāṃ cittaṃ ñatvā viya “idaṃ me deva ayyikānaṃ ābharaṇaṃ, nayidaṃ mayhaṃ gaṇhituṃ patirūpan”ti vatvā **alaṃ devāti**-ādimāha. **Adhikāraṃ me devo saratūti** katassa upakāraṃ me devo saratūti attho. Rājā pasanno sabbākārasampannaṃ gehañca ambavanuyyānañca anusaṃvaccharaṃ satahassa-uṭṭhānakaṃ gāmañca mahāsakkārañca datvā **tena hi bhaṇeti**-ādimāha.

Rājagahasetṭhivatthukathā

332. **Sakkhissasi pana tvaṃ gahapatīti** kasmā āha? Iriyāpathasamparivattanena kira matthaluṅgaṃ na saṅṭhāti, assa ca tīhi sattāhehi

1. Ekahatthapuṭena (Sī)

niccalassa nipannassa matthaluṅgaṃ saṅṭhahissatīti ñatvā appeva nāma sattasattamāse paṭijānitvā sattasattadivasepi nipajjeyyāti naṃ evamāha. Teneva parato vuttam “api ca paṭikaceva mayā ñāto”ti. **Sīsacchaviṃ uppāṭetvā**ti sīsacammaṃ apanetvā. **Sibbinim vināmetvā**ti sibbinim vivaritvā. **Nāham ācariya sakkomī**ti tassa kira sarīre mahāḍaḥo uppajji, tasmā evamāha. **Tīhi sattāhehī**ti tīhi passehi ekekena sattāhena.

333. **Janam ussāretvā**ti janam nīharāpetvā.

Pajjotarājavatthukathā

334. **Jeguccham me sappī**ti ayam kira rājā vicchikassa jāto, vicchikavisapaṭighātāya ca sappi bhesajjam hoti vicchikānam paṭikūlam, tasmā evamāha. **Uddekam dassatī**ti uggāram dassati. **Paññāsa yojanikā hotī**ti paññāsa yojanāni gantum samatthā hoti. Na kevalañcassa rañño hatthinīyeva, Nālāgiri nāma hatthī yojanasataṃ gacchati, Celakaṇṇo ca Muñcakeso cāti dve assā vīsayojanasataṃ gacchanti, Kāko dāso saṅṭhiyojanāni gacchati.

Ekassa kira kulaputtassa anuppanne Buddhhe ekadivasam bhuñjitum nisinnassa Paccekabuddho dvāre ṭhatvā agamāsi, taseko puriso “Paccekabuddho āgantvā gato”ti ārocesi. So sutvā “gaccha vegena pattam āharā”ti āharāpetvā attano sajjitam bhattam sabbam datvā pesesi. Itaro tam āharitvā Paccekabuddhassa hatthe ṭhapetvā “aham bhante tumhākam katena iminā kāyaveyyāvatikena yattha yattha nibbattopi vāhanasampanno homī”ti patthanam akāsi. So ayam etarahi Pajjoto nāma rājā jāto, tāya patthanāya ayam vāhanasampatti.

Sappim pāyetvāti sappiṇca pāyetvā paricārikānañca āhārācāre vidhim ācikkhitvā. **Nakhena bhesajjam olumpetvā**ti nakhena bhesajjam odahitvā, pakkhipitvāti attho. **Nicchāresī**ti virecesi.

Siveyyakadussayugakathā

335. **Siveyyakam** nāma Uttarakurūsu sivathikam¹ avamaṅgalavattham. Tattha kira manussā matam tena vatthena veḥhetvā nikkhipanti, tam “maṁsapesī”ti sallakkhetvā hatthisoṇḍakasakuṇā ukkhipitvā Himavantakūṭe ṭhapetvā vattham apanetvā khādanti, atha vanacarakā vattham disvā rañño āharanti. Evamidam Pajjotena laddham. Siviraṭṭhe kusalā itthiyo tīhi aṁsūhi suttam kantanti, tena suttana vāyitavattham etantipi vadanti. ()²

Samattimsavirecanakathā

336. **Sinehethā**ti kim pana Bhagavato kāyo lūkhoti, na lūkho. Bhagavato hi āhāre sadā devatā dibbojam pakkhipanti, sinehapānam pana sabbattha dose temeti, sirā mudukā karoti. Tenāyam evamāha. **Tīṇi uppalahatthānī**ti ekam oḷārikadosaharaṇattham, ekam majjhimosaharaṇattham, ekam sukhumadosaharaṇattham. **Nacirasseva pakatatto aho**sīti evam pakatatte pana kāye nāgarā dānam sampādesum. Jivako āgantvā Bhagavantam etadavoca “bhagavā ajja nāgarā tumhākam dānam dātukāmā, mā antogāmam piṇḍāya pavisathā”ti. Mahāmogallānatthero cintesi “kuto nu kho ajja Bhagavato paṭhamam piṇḍapāto laddhum vaṭṭatī”ti. Tato cintesi “Soṇo setṭhiputto khettaparikkammato paṭṭhāya aññehi asādhāraṇānam khīrodakasecanasamvaddhānam gandhasālīnam odanam bhuñjati, tato Bhagavato piṇḍapātam āharissāmī”ti iddhiyā gantvā tassa pāsādātale attānam dassesi. So therassa pattam gahetvā paṇītam piṇḍapātam adāsi. Therassa ca gamanākāram disvā “bhuñjatha bhante”ti āha. Thero tamattham ārocesi. “Bhuñjatha bhante, aham aññam Bhagavato dassāmī”ti theram bhojetvā gandhehi pattam ubbaṭṭetvā piṇḍapātassa pūretvā adāsi, tam thero āharitvā Bhagavato adāsi.

Rājāpi kho Bimbisāro “ajja Bhagavā kim bhuñjissatī”ti vihāram āgantvā pavisamānova piṇḍapātagandham ghāyitvā bhuñjitukāmo aho.

1. Sivathikam (Syā, Ka)

2. (Tenāhasiveyyakanti Uttarakurūsu sivathikavattham, siviraṭṭhe uppannavatthantipi vadantīti.) (Ka)

Bhagavato dvīsuyeva piṇḍapātesu bhājanagatesu devatā ojaṃ pakkhipiṃsu, yañca Sujātā adāsi, yañca parinibbānakāle Cundo kammāraputto. Aññesu kabaḷe kabaḷe pakkhipiṃsu, tasmā Bhagavā rañño icchaṃ jānitvā apakkhitojameva thokaṃ piṇḍapātaṃ rañño dāpesi. So paribhuñjitvā pucchi “kiṃ bhante Uttarakuruto ābhatam bhojanam”ti. “Na mahārāja Uttarakuruto, apica kho taveva raṭṭhavāsino gahapatiputtassa bhojanam etan”ti vatvā Soṇassa sampattiṃ ācikkhi. Tam sutvā rājā Soṇam daṭṭhukāmo hutvā Cammakhandhake vuttanayena asītiyā kulaputtasahasseehi saddhiṃ Soṇassa āgamanam akāsi. Te Bhagavato dhammadesanam sutvā sotāpannā jātā. Soṇo pana pabbajitvā arahatte patiṭṭhito. Bhagavāpi etadatthameva rañño piṇḍapātaṃ dāpesi.

Varayācanakathā

337. Evam katabhattakicce Bhagavati atha kho Jīvako Komārabhacco tam siveyyakam dussayugam ādāya -pa- etadavoca. **Atikkantavarāti** ettha vinicchayo Mahākhandhake¹ vuttanayeneva veditabbo. **Bhagavā bhante paṃsukūliko bhikkhusaṅgho cāti** Bhagavato hi Buddhattam pattato paṭṭhāya yāva idam vattham, etthantare vīsati vassāni na koci gahapaticīvaram sādiyi, sabbe paṃsukūlikāva ahesuṃ. Tenāyam evamāha. **Gahapaticīvaranti** gahapatīhi dinnacīvaram. **Dhammiyā kathāyāti** vatthadānānisamsapaṭisamyuttāya kathāya. **Itarītarenapīti** appagghenapi mahagghenapi yena kenacīti attho. **Pāvāroti** salomako kappāsādibhedo¹. **Anujānāmi bhikkhave kojavanti** ettha pakatikojavameva vaṭṭati, mahāpiṭṭhiyakojavam na vaṭṭati. Mahāpiṭṭhiyakojavanti uṇṇāmayo pāvārasadiso kojavo.

Kambalānujānanādīkathā

338. **Kāsirājāti** Kāsīnam rājā, Pasenadissa ekapitikabhātā esa. **Aḍḍhakāsīyanti** ettha kāsīti sahasam vuccati, tam agghanako

1. 291 piṭṭhe.

2. Kappāsikapāvāro (Syā)

kāsiyo. Ayaṃ pana pañcasatāni agghati, tasmā “aḍḍhakāsiyo”ti vutto. Tenevāha “upaḍḍhakāsīnaṃ khamamānaṃ”ti.

339. **Uccāvacānī**ti sundarāni ca asundarāni ca. **Bhaṅgaṃ** nāma khomādihi pañcahi suttehi missetvā kataṃ, vākamayamevātipi vadanti.

340. **Ekamīveva Bhagavatā cīvaraṃ anuññātaṃ na dveti** te kira “itarītarena cīvarena”ti etassa “gahapatikena vā paṃsukūlena vā”ti evaṃ atthaṃ sallakkhimsu. **Nāgamesunti** yāva te susānato āgacchanti, tāva te na acchimsu, pakkamimsuyeva. **Nākāmā bhāgaṃ dātunti** na anicchāya dātum. Yadi pana icchanti, dātabbo. **Āgamesunti** upacāre acchimsu. Tenāha Bhagavā “anujānāmi bhikkhave āgamentaṃ akāmā bhāgaṃ dātun”ti. Yadi pana manussā “idhāgatā eva gaṇhantū”ti denti, saññānaṃ vā katvā gacchanti “sampattā gaṇhantū”ti, sampattānaṃ sabbesampi pāpuṇanti. Sace chaḍḍetvā gatā, yena gahitaṃ, so eva sāmī. **Sadisā susānaṃ okkamimsūti** sabbe samaṃ okkamimsu, ekadisāya vā okkamimsūtipi attho. **Te katikaṃ katvāti** laddhaṃ paṃsukūlaṃ sabbe bhājetvā gaṇhissāmāti bahimeva katikaṃ katvā.

342. Cīvaraṇiḍḍhāhanti yo gahapatikehi saṃghassa dīyamānaṃ cīvaraṃ gaṇhāti. **Yo na chandāgatiṃ gaccheyyāti**-ādisu cīvaraṇiḍḍhāhakesu pacchā āgatānampi attano ñātakādīnaṃ paṭhamataraṃ paṭiggaṇhanto vā ekaccasmim̐ pemaṃ dassetvā gaṇhanto vā lobhapakatikatāya attano pariṇāmento vā **chandāgatiṃ gacchati** nāma. Paṭhamataraṃ āgatassāpi kodhavasena pacchā gaṇhanto vā duggatamanussesu avamaññaṃ katvā gaṇhanto vā “kiṃ vo ghare ṭhapanokāso natthi, tumhākaṃ santakaṃ gahetvā gacchathā”ti evaṃ saṃghassa lābhantarāyaṃ karonto vā **dosāgatiṃ gacchati** nāma. Yo pana muṭṭhassati asampajāno, ayaṃ **mohāgatiṃ gacchati** nāma. Pacchā āgatānampi issarānampi bhayena paṭhamataraṃ paṭiggaṇhanto vā “cīvaraṇiḍḍhāhakaṭṭhānaṃ nāmetaṃ bhāriyaṃ”ti santasanto vā **bhayāgatiṃ gacchati** nāma. “Mayā idañcidañca gahitaṃ, idañcidañca na gahitaṃ”ti evaṃ jānanto **gahitāgahitaṃ jānāti** nāma. Tasmā yo na chandāgati-ādivasena gacchati, ñātika-aññātika-aḍḍhaduggatesu visesaṃ

akatvā āgatapaṭipāṭiyā gaṇhāti, sīlacārapaṭipattiyutto hoti, satimā medhāvī bahussuto sakkoti dāyakānaṃ vissaṭṭhavācāya parimaṇḍalehi padabyañjanehi anumodanaṃ karonto pasādaṃ janetuṃ, evarūpo sammannitabbo.

Evañca pana bhikkhave sammannitabboti ettha pana etāya yathāvuttāya kammavācāyapi apalokanenāpi antovihāre sabbasaṃghamajjhepi khaṇḍasīmāyapi sammannituṃ vaṭṭatiyeva. Evaṃ sammatena ca vihārapaccante vā padhānaghare vā na acchitabbaṃ. Yattha pana āgatāgatā manussā sukhaṃ passanti, tādise dhuravihāraṭṭhāne bījanaṃ passe ṭhapetvā sunivatthena supārutena nisīditabbanti.

Tattheva ujjhitvāti “paṭiggahaṇameva amhākaṃ bhāro”ti vatvā gahitaṭṭhāneyeva chaḍḍetvā gacchanti. **Cīvaranidahakanti** cīvarapaṭisāmakam. **Yo na chandāgatiṃ gaccheyyāti**-ādīsu cettha ito parañca sabbattha vuttanayeneva vinicchayo veditabbo. Sammutivinicchayopi kathitānusārenea jānitabbo.

Bhaṇḍāgārasammuti-ādikathā

343. **Vihāraṃ vāti**-ādīsu yo ārāmamajjhe ārāmikasāmaṇerādīhi avivitto sabbesaṃ samosaraṇaṭṭhāne vihāro vā aḍḍhayogo vā hoti, so sammannitabbo. Paccantasenāsanam pana na sammannitabbaṃ. Idam pana bhaṇḍāgāraṃ khaṇḍasīmaṃ gantvā khaṇḍasīmāya nisinnehi sammannituṃ na vaṭṭati, vihāramajjheya sammannitabbaṃ.

Guttāguttañca jāneyyāti ettha yassa tāva chadanādīsu koci doso natthi, taṃ guttaṃ. Yassa pana chadanatiṇaṃ vā chadaniṭṭhakā vā yattha katthaci patitā. Yena ovassati vā, mūsikādīnaṃ vā paveso hoti, bhitti-ādīsu vā katthaci chiddam hoti, upacikā vā uṭṭhahanti, taṃ sabbaṃ aguttaṃ nāma. Tam sallakkhetvā paṭisaṅkharitabbaṃ. Sītasamaye dvārañca vātapānañca supihitam kātabbaṃ, sītena hi cīvarāni kaṇṇakitāni honti. Uṇhasamaye antarantarā vātappavesanattam vivaritabbaṃ, evam karonto hi guttāguttaṃ jānāti nāma.

Imehi pana cīvarapaṭiggāhakādīhi tīhipi attano vattaṃ jānitabbaṃ. Tattha cīvarapaṭiggāhakena tāva yaṃ yaṃ manussā “kālacīvaran”ti vā “akālacīvaran”ti vā “acceka-cīvaran”ti vā “vassikasāṭikan”ti vā “nisīdanan”ti vā “paccattharaṇan”ti vā “mukhapuñchanacoḷan”ti vā denti, taṃ sabbam ekarāsīm katvā missetvā na gaṇhitabbaṃ, visum visum katvāva gaṇhitvā cīvaranidahakassa tatheva ācikkhitvā dātabbaṃ. Cīvaranidahakenāpi bhaṇḍāgārikassa dadamānena “idaṃ kālacīvaram” -pa- “idaṃ mukhapuñchanacoḷan”ti ācikkhitvāva dātabbaṃ bhaṇḍāgārikenāpi tatheva visum visum viya saññāṇaṃ katvā ṭhapetabbaṃ. Tato saṃghena “kālacīvaram āharā”ti vutte kālacīvameva dātabbaṃ -pa- “mukhapuñchanacoḷakam āharā”ti vutte tadeva dātabbaṃ.

Iti Bhagavatā cīvarapaṭiggāhako anuññāto, cīvaranidahako anuññāto, bhaṇḍāgāram anuññātam, bhaṇḍāgāriko anuññāto na bāhulikātāya¹ na asantuṭṭhiyā, apica kho saṃghassanuggahāya. Sace hi āhaṭāhaṭam gahetvā bhikkhū bhājeyyūm, neva āhaṭam na anāhaṭam na dinnam nādinnam na laddham nāladdham jāneyyūm, āhaṭāhaṭam therāsane vā dadeyyūm, khaṇḍākhaṇḍam vā chinditvā gaṇheyyūm, evam sati ayuttaparibhogo ca hoti, na ca sabbesam saṅgho kato hoti. Bhaṇḍāgāre pana cīvaram ṭhapetvā ussannakāle ekekassa bhikkhuno ticīvaram vā dve dve vā ekekaṃ vā cīvaram dassanti, laddhāladdham jānissanti, aladdhabhāvaṃ ṇatvā saṅgham kātum maññissantīti.

Na bhikkhave bhaṇḍāgāriko vuṭṭhāpetabboti ettha aññepi avuṭṭhāpanīyā jānitabbā. Cattāro hi na vuṭṭhāpetabbā vuḍḍhataro bhaṇḍāgāriko gilāno saṅghato laddhasenāsanoti. Tattha vuḍḍhataro attano vuḍḍhatāya navakatarena na vuṭṭhāpetabbo, bhaṇḍāgāriko saṅghena sammannitvā bhaṇḍāgārassa dinnatāya, gilāno attano gilānatāya, saṅgho pana bahussutassa uddesaparipucchādīhi bahupakārassa bhāranitthārakassa phāsukaṃ āvāsam anuṭṭhāpanīyaṃ katvā deti, tasmā so upakāratāya ca saṅghato laddhatāya ca na vuṭṭhāpetabboti.

1. Bāhullikatāya (Syā)

Ussannaṃ hotīti bahu rāsikataṃ hoti, bhaṇḍāgāraṃ na gaṇhāti. **Sammukhībhūtenā**ti anto-upacārasīmāyaṃ ṭhitena. **Bhājetunti** kālaṃ ghoṣetvā paṭipāṭiyā bhājetuṃ. **Kolāhalaṃ akāsīti** “amhākaṃ ācariyassa detha, upajjhāyassa dethā”ti evaṃ mahāsaddaṃ akāsi. Cīvarabhājanakaṅgesu¹ sabhāgānaṃ bhikkhūnaṃ apāpuṇantampi mahagghaṃ cīvaraṃ dento chandāgatiṃ gacchati nāma. Aññesaṃ vuḍḍhatarānaṃ pāpuṇantampi mahagghaṃ cīvaraṃ adatvā appaggaṃ dento dosāgatiṃ gacchati nāma. Mohamūlho cīvaradānavattaṃ ajānanto mohāgatiṃ gacchati nāma. Mukharānaṃ navakānampi bhayena apāpuṇantameva mahagghaṃ cīvaraṃ dento bhayāgatiṃ gacchati nāma. Yo evaṃ na gacchati, sabbesaṃ tulābhūto pamāṇabhūto majjhatto hoti, so sammannitabbo. **Bhājitābhājitanti** ettakāni vatthāni bhājitāni, ettakāni abhājitānīti jānanto “bhājitābhājitaṅca jāneyyā”ti vuccati.

Uccinitvāti idaṃ thūlaṃ, idaṃ saṅhaṃ, idaṃ ghaṇaṃ, idaṃ tanukaṃ, idaṃ paribhuttaṃ, idaṃ aparibhuttaṃ, idaṃ dīghato ettakaṃ puthulato ettakanti evaṃ vatthāni vicinitvā. **Tulayitvāti** idaṃ ettakaṃ agghati, idaṃ ettakanti evaṃ agghaparicchedaṃ katvā. **Vaṇṇavaṇṇaṃ katvāti** sace sabbesaṃ ekekameva dasagghanaṃ pāpuṇāti, iccetaṃ kusalaṃ. No ce pāpuṇāti, yaṃ nava vā aṭṭha vā agghati, taṃ aññena eka-agghanakena ca dvi-agghanakena ca saddhiṃ bandhitvā etena upāyena same paṭivīse ṭhapetvāti attho. **Bhikkhū gaṇetvā vaggaṃ bandhitvāti** sace ekekassa diyyamāne divaso nappahoti, dasa dasa bhikkhū gaṇetvā dasa dasa cīvaraṃ paṭivīse ekavaggaṃ bandhitvā ekaṃ bhaṇḍikaṃ katvā evaṃ cīvaraṃ paṭivīsaṃ ṭhapetuṃ anujānāmīti attho. Evaṃ ṭhapitesu cīvaraṃ paṭivīsesu kuso pātetabbo. Tehipi bhikkhūhi puna kusapātaṃ katvā bhājetabbaṃ.

Sāmaṇeraṇaṃ upadḍhapaṭivīsanti ettha ye sāmaṇerā attissarā bhikkhusaṅghassa kattabbakammaṃ na karonti, uddesaparipucchāsu yuttā ācariyupajjhāyānaṃyeva vattapaṭipattiṃ karonti, aññesaṃ na karonti, etesaṃyeva upadḍhabhāgo dātabbo. Ye pana purebhattaṅca pacchābhattaṅca bhikkhusaṅghasseva kattabbakiccaṃ karonti, tesaṃ samako dātabbo. Idaṅca

1. Cīvarabhājakesu (Ka)

piṭṭhisamaye uppanna bhaṇḍāgāre ṭhapitena akālacīvareneva kathitaṃ, kālacīvaraṃ pana samakameva dātabbaṃ. Tatrappādavassāvāsikaṃ sammuñjanībandhanādi saṃghassa phātikammaṃ katvā gahetabbaṃ. Etaṃ hettha sabbesaṃ vattaṃ. Bhaṇḍāgārikacīvarepi sace sāmaṇerā āgantvā “bhante mayaṃ yāgum pacāma, bhantaṃ pacāma, khajjakaṃ pacāma, appaharitaṃ karoma, dantakaṭṭhaṃ āharāma, raṅgachallim kappiyaṃ katvā dema, kim amhehi na kataṃ nāmā”ti ukkuṭṭhim karonti, samabhāgo va dātabbo. Etaṃ ye ca virajjhitaṃ karonti, yesaṅca karaṇabhāvo na paññāyati, te sandhāya vuttaṃ. **Kurundiyaṃ** pana “sace sāmaṇerā ‘kasmā mayaṃ bhante saṃghakammaṃ na karoma, karissāmā’ti yācanti, samapaṭiviso dātabbo”ti vuttaṃ.

Uttaritukāmoti nadim vā kantāraṃ vā uttaritukāmo, satthaṃ labhitvā disā pakkamitukāmoti attho. **Sakaṃ bhāgaṃ dātunti** idaṃ bhaṇḍāgārato cīvarāni niharitvā puñje kate ghaṇṭiyā pahaṭāya bhikkhusaṃghe sannipatite satthaṃ labhitvā gantukāmo satthato mā parihāyīti etamatthaṃ sandhāya vuttaṃ. Tasmā anīhatesu vā cīvaresu appahaṭāya vā ghaṇṭiyā asannipatite vā saṃghe dātum na vaṭṭati. Cīvaresu pana nīhatesu ghaṇṭim paharitvā bhikkhusaṃghe sannipatite cīvarabhājakena “imassa bhikkhuno koṭṭhāsena ettakena bhavitabban”ti takketvā nayaggāhena cīvaraṃ dātabbaṃ. Tulāya tulitamiva hi samasamaṃ dātum na sakkā, tasmā ūnaṃ vā hotu adhikaṃ vā, evaṃ takkena nayena dinnam sudinnam. Neva ūnakaṃ puna dātabbaṃ, nātirittaṃ paṭiggaṇhitabbanti.

Atirekabhāgenāti dasa bhikkhū honti, sātakāpi daseva, tesu eko dvādasa agghati, sesā dasagghanakā. Sabbesu dasagghanakavasena kuse pātite yassa bhikkhuno dvādasagghanako kuso pātito, so “ettakena mama cīvaraṃ pahoti”ti tena atirekabhāgena gantukāmo hoti. Bhikkhū “atirekaṃ āvuso saṃghassa santakan”ti vadanti. Taṃ sutvā Bhagavā “saṃghike ca gaṇasantake ca appakaṃ nāma natthi, sabbattha saṃyamo kātabbo, gaṇhantenāpi kukkucāyitabban”ti dassetuṃ **anujānāmi bhikkhave anukkhepe dinneti** āha. Tattha **anukkhepo** nāma yaṃkiñci anukkipitabbaṃ anuppādātabbaṃ kappiyabhaṇḍaṃ,

yattakaṃ tassa paṭivīse adhikaṃ, tattake agghanake yasmim̐ kismiñci kappiyabhaṇḍe dinneti attho.

Vikalake tosetvāti ettha cīvaravikalakam̐ puggalavikalakanti dve vikalakā. **Cīvaravikalakam̐**nāma sabbesam̐ pañca pañca vatthāni pattāni, sesānipi atthi, ekekaṃ pana na pāpuṇāti, chinditvā dātabbāni. Chindantehi ca aḍḍhamaṇḍalādīnam̐ vā upāhanatthavikādīnam̐ vā pahonakāni khaṇḍāni katvā dātabbāni, heṭṭhimaparicchedena caturaṅgulavitthārampi anuvāṭappahonakāyāmaṃ khaṇḍam̐ katvā dātuṃ vaṭṭati, aparibhogaṃ pana na kātābanti evamettha cīvarassa appahonakabhāvo cīvaravikalakam̐. Chinditvā dinne pana taṃ tositaṃ hoti, atha kusapāto kātabbo. Sacepi ekassa bhikkhuno koṭṭhāse ekaṃ vā dve vā vatthāni nappahonti, tattha aññaṃ sāmaṇakam̐ parikkhāraṃ ṭhapetvā yo tena tussati, tassa taṃ bhāgaṃ datvā pacchā kusapāto kātabbo. Idampi cīvaravikalakanti **Andhakatṭhakathāyaṃ** vuttaṃ.

Puggalavikalakam̐ nāma dasa dasa bhikkhū gaṇetvā vaggam̐ karontānam̐ eko vago na pūراتi, aṭṭha vā nava vā honti, tesam̐ aṭṭha vā nava vā koṭṭhāsā “tumhe ime gahetvā visuṃ bhājethā”ti dātabbā. Evamayaṃ puggalānam̐ appahonakabhāvo puggalavikalakam̐. Visuṃ dinne pana taṃ tositaṃ hoti, evaṃ tosetvā kusapāto kātabboti. Atha vā vikalake tosetvāti yo cīvaravibhāgo ūnako, taṃ aññaena parikkhārena samam̐ katvā kusapāto kātabbo.

Cīvararajanakathā

344. **Chakanenāti** gomayena. **Paṇḍumattikāyāti** tambamattikāya. Mūlarajanādīsu haliddim̐ ṭhapetvā sabbam̐ mūlarajanam̐ vaṭṭati. Mañjittihīṇca tuṅgahāraṇca ṭhapetvā sabbam̐ khandharajanam̐ vaṭṭati. Tuṅguhāro nāma eko sakaṇṭakarukkho, tassa haritālavaṇṇam̐ khandharajanam̐ hoti. Loddaṇca kaṇḍulaṇca ṭhapetvā sabbam̐ tacarajanam̐ vaṭṭati. Allipattam̐ nilipattaṇca¹ ṭhapetvā sabbam̐ pattarajanam̐ vaṭṭati. Gihiparibhuttam̐ pana allipattena ekavāram̐ rajitum̐ vaṭṭati. Kimsukapupphaṇca kusumbhapupphaṇca ṭhapetvā sabbam̐ puppharajanam̐ vaṭṭati. Phalarajane pana na kiñci na vaṭṭati.

1. Nillipattaṇca (Sī), nilipattaṇca (Syā)

Sītudakā¹ apakkarajanam vuccati. **Uttarālumpanti** vaṭṭādhāraṇam, rajanakumbhiyā majjhe ṭhapetvā taṃ ādhāraṇam parikkhipitvā rajanam pakkhipitum anujānāmīti attho. Evañhi kate rajanam na uttarati. **Udake vā nakhapiṭṭhikāya vā**ti sace paripakkaṃ hoti, udakapātiyā dinno thevo² sahasā na visarati, nakhapiṭṭhiyampi avisaranto tiṭṭhati. **Rajanaluṅkanti** rajanaluṅkaṃ. **Daṇḍakathālakanti** tameva sadaṇḍakaṃ. **Rajanakolambanti**³ rajanakuṇḍaṃ. **Omaddantī**ti sammaddanti. **Na ca acchinne theve pakkamitunti** yāva rajanabindu gaḷitaṃ na chijjati, tāva na aññatra gantabbaṃ. **Patthinnanti** atirajitattā thaddhaṃ⁴. **Udake osāretunti** udake pakkhipitvā ṭhapetum. Rajane pana nikkhante taṃ udakaṃ chaḍḍetvā cīvaraṃ madditabbaṃ. **Dantakāsāvānī**ti ekaṃ vā dve vā vāre rajitvā dantavaṇṇāni dhārenti.

Chinnakacīvarānujānanakathā

345. **Acchibaddhanti** caturassakedāraṇakabaddhaṃ. **Pāḷibaddhanti** āyāmato ca vitthārato ca dīghamariyādabaddhaṃ. **Mariyādabaddhanti** antarantarā rassamariyādabaddhaṃ. **Siṅghāṭakabaddhanti** mariyādāya mariyādaṃ vinivijjhivā gataṭṭhāne siṅghāṭakabaddhaṃ, catukkasaṇṭhānanti attho. **Samvidahitunti** kātum. **Ussahasi tvaṃ Ānandā**ti sakkosi tvaṃ ānanda. **Ussahāmi Bhagavā**ti tumhehi dinnanayena sakkomīti dasseti. **Yatra hi nāmā**ti yo nāma. **Kusimpi nāmā**ti-ādīsu **kusī**ti āyāmato ca vitthārato ca anuvātādīnaṃ dīghapattānametaṃ adhivacanaṃ. **Aḍḍhakusī**ti antarantarā rassapattānaṃ nāmaṃ. **Maṇḍalanti** pañcakhaṇḍikacīvarassa ekekasmim khaṇḍe mahāmaṇḍalaṃ. **Aḍḍhamaṇḍalanti** khuddakamaṇḍalaṃ. **Vivaṭṭanti** maṇḍalañca aḍḍhamaṇḍalañca ekato katvā sibbitaṃ majjhimakhaṇḍaṃ.

Anuvivaṭṭanti tassa ubhosu passesu dve khaṇḍāni. **Gīveyyakanti** gīvāveṭhanaṭṭhāne dalhīkaraṇatthaṃ aññaṃ suttasaṃsibbitaṃ āgantukapattam. **Jaṅgheyyakanti** jaṅghapāpuṇaṇaṭṭhāne tatheva saṃsibbitaṃ pattam, gīvaṭṭhāne ca jaṅghaṭṭhāne ca pattānamevetam nāmantipi vadanti. **Bāhantanti** anuvivaṭṭanaṃ bahi ekekaṃ khaṇḍaṃ. Iti pañcakhaṇḍikacīvarenetam vicāritanti. Atha vā **anuvivaṭṭanti**

1. Sītundikā (Sī)

3. Rajanakoḷumbanti (Sī), rajanakoḷumpanti (Ka)

2. Dinne theve (Ka)

4. Baddhaṃ (Ka)

vivaṭṭassa ekapassato dvinnam ekapassato dvinnanti catunnampi khaṇḍānametaṃ nāmaṃ. **Bāhantanti** suppaṃāṇaṃ cīvaraṃ pārupantena saṃharitvā bāhāya upari ṭhapitā ubho antā bahimukhā tiṭṭhanti, tesam etaṃ nāmaṃ. Ayameva hi nayo Mahā-aṭṭhakathāyaṃ vuttoti.

Ticīvarānujānakathā

346. **Cīvarehi ubbhaṇḍiketi**¹ cīvarehi ubbhaṇḍe kate. Yathā ukkhittabhaṇḍā honti, evaṃ kate, ukkhittabhaṇḍikabhāvaṃ āpāditeti attho. **Cīvarabhisinti** ettha **bhisīti** dve tīṇi ekato katvā bhisisaṅkhepena saṃharitacīvarāni vuttāni. Te kira bhikkhū “Dakkhiṇāgiritto Bhagavā lahuṃ paṭinivattissatī”ti tattha gacchantā Jīvakavatthusmiṃ laddhacīvarāni ṭhapetvā agamaṃsu. Idāni pana cirena āgamissatīti maññamānā ādāya pakkamiṃsu. **Antaraṭṭhakāsūti** māghassa ca phagguṇassa ca antarā aṭṭhasu. **Na Bhagavantaṃ sītaṃ ahoṣīti** Bhagavato sītaṃ nāhoṣi. **Etadahosi yepi kho te kulaputtāti** na Bhagavā ajjhokāse anisīditvā etamatthaṃ na jānāti, mahājanasaññāpanatthaṃ pana evamakāsi. **Sītālukāti** sītapakatikā, ye pakatīyāva sītena kilamanti. **Diguṇaṃ saṅghāṭinti** dupaṭṭaṃ saṅghāṭim. **Ekacciyaṃti** ekapaṭṭaṃ. Iti Bhagavā attanā catūhi cīvarehi yāpeti, amhākaṃ pana ticīvaraṃ anujānātīti vacanassa okāsaṃ upacchindituṃ diguṇaṃ saṅghāṭim anujānāti, ekaccike itare. Evañhi nesam cattāri bhavissantīti.

Atirekacīvarādīkathā

348. **Aggaḷaṃ acchupeyyanti** chiddaṭṭhāne pilotikakhaṇḍaṃ laggāpeyyaṃ. **Ahatakappānanti** ekavāraṃ dhotānaṃ. **Utuddhaṭṭānanti** ututo dīghakālato uddhaṭṭānaṃ hatavatthakānaṃ, pilotikānanti vuttaṃ hoti. **Pāpaṇiketi** antarāpaṇato patitapilotikacīvare. **Ussāho karaṇīyoti** pariyesaṇā kātabbā, paricchedo panettha natthi, paṭṭasatampi vaṭṭati. Sabbamidam sādīyantassa bhikkhuno vasena vuttaṃ. **Aggaḷaṃ tunnanti** ettha uddharitvā allīyāpanakhaṇḍaṃ **aggaḷaṃ**, suttena saṃsibbitaṃ **tunnaṃ**, vaṭṭetvā karaṇaṃ

1. Ubbhaṇḍikateti (Syā)

ovattikaṃ. Kaṇḍusakam vuccati muddikā. **Daḷikammanti** anuddharitvāva upassayam katvā allīyāpanakam vatthakhaṇḍam.

349-351. Visākhāvattu uttānattham. Tato param pubbe vinicchitameva. (**Sovaggikanti** saggappattahetukam. Tenevāha “sovaggikan”ti. Sokam apānetīti **sokanudam**. **Anāmayāti** arogā. **Saggamhi kāyamhīti** saggopapannā.

353. **Puthujjanā kāmesu vītarāgāti** jhānalābhino.

356. **Sandiṭṭhoti** diṭṭhamattakamitto. **Sambhattoti** ekasambhogo daḷhamitto. **Ālapitoti** “mama santakam yaṃ iccheyyāsi, taṃ gaṇhāhi”ti evam vutto. Etesu tīsu aññataranāmena saddhim jīvati, gahite attamano hotīti imehi gahitavissāso ruhati)¹.

Pacchimavikappanupagacīvarādīkathā

359. **Paṃsukūlakatoti** katapaṃsukūlo. **Garuko hotīti** jīṇṇajīṇṇatṭhāne aggaḷāropanena garuko hoti. **Suttalūkham kātunti** sutteneva aggaḷam kātunti attho. **Vikaṇṇo hotīti** suttam añchitvā añchitvā² sībantānam eko saṅghāṭikoṇo dīgho hoti. **Vikaṇṇam uddharitunti** dīghakoṇam chinditum. **Okiriyantīti**³ chinnakoṇato gaḷanti⁴. **Anuvātam paribhaṇḍanti** anuvātañceva paribhaṇḍaṇca. **Pattā lujjantīti** mahantesu attamukhesu dinnāni suttāni gaḷanti, tato pattā lujjanti. **Aṭṭhapadakarū kātunti** aṭṭhapadakacchannena pattamukham sībbitum.

360. **Anvādhikampi āropetunti** āgantukapattampi dātum. Idam pana appahonake āropetabbam. Sace pahoti, āgantukapattam na vaṭṭati, chinditabbameva.

361. **Na ca bhikkhave saddhādeyyanti** ettha sesaṇātīnam dento vinipātetiyeva. Mātāpitaro pana sace rajje ṭhitā patthayanti, dātabbam.

1. () Natthi Sīhaḷa-potthake.

2. Acchitvā acchitvā (Sī), acchetvā (Syā)

3. Okirayatīti (Sī, Ka)

4. Gaḷati (Sī, Syā, Ka)

362. **Gilānoti** gilānatāya gahetvā gantum asamatto. **Vassikasaṅketanti** vassike cattāro māse. **Nadīpāranti** nadiyā pāre bhattaṃ bhuñjitabbaṃ hoti. **Aggaḷaguttivihāroti** sabbesveva cetesu gilānavassikasaṅketanadīpāragamana-atthatakathinabhāvesu aggaḷaguttiyeva pamāṇaṃ. Gutte eva hi vihāre etesu kāraṇesu nikkhipitvā bahi gantum vaṭṭati, na agutte. Āraññakassa pana vihāro na sugutto hoti, tena bhaṇḍukkhalikāya pakkhipitvā pāsāṇasusira rukkhahasirādīsu suppaṭicchannesu ṭhapetvā gantabbaṃ.

Samghikacīvaruppādakathā

363. **Tuyheva bhikkhu tāni cīvarānīti** aññattha gahetvā haṭānipi tuyheva, na tesam añño koci issaroti. Evañca pana vatvā anāgatepi nikkukkuccā gaṇhissantīti dassetum **idha panāti**-ādimāha. **Tasseva tāni cīvarāni yāva kathinassa ubbhārāti** sace gaṇapūrake bhikkhū labhitvā kathinaṃ atthataṃ hoti, pañcamāse, no ce atthataṃ hoti, ekaṃ cīvaramāseva, yaṃ “saṅghassa demā”ti vā denti, “saṅghaṃ uddissa demā”ti vā denti, “vassaṃvutthasaṅghassa demā”ti vā denti, “vassāvāsikaṃ demā”ti vā denti, sacepi matakacīvaram avibhajitvā taṃ vihāraṃ pavisanti, taṃ sabbaṃ tasseva bhikkhuno hoti. Yampi so vassāvāsathāya vaḍḍhim payojetvā ṭhapita-upanikkhepato vā tatruppādato vā vassāvāsikaṃ gaṇhāti, sabbaṃ suggahitameva hoti. Idañhettha lakkhaṇaṃ, yena tenākārena saṅghassa uppannaṃ vatthaṃ atthatakathinassa pañcamāse, anathatakathinassa ekaṃ cīvaramāsaṃ pāpuṇātīti. Yaṃ pana “idaṃ idha vassaṃvutthasaṅghassa demā”ti vā “vassāvāsikaṃ demā”ti vā vatvā dinnāṃ, taṃ anathatakathinassāpi pañcamāse pāpuṇāti. Tato paraṃ pana uppannaṃ vassāvāsikaṃ pucchitabbaṃ “kiṃ atītavasse idaṃ vassāvāsikaṃ, udāhu anāgatavasse”ti. Kasmā? Piṭṭhisamaye uppannattā.

Utukālanti vassānato aññaṃ kālaṃ. **Tāni cīvarāni ādāya Sāvattim gantvāti** ettha tāni cīvarāni gatagataṭṭhāne saṅghikāneva honti, bhikkhūhi diṭṭhamattamevettha pamāṇaṃ. Tasmā sace keci paṭipathaṃ āgacchantā

“kuhiṃ āvuso gacchasi”ti pucchitvā tamattham sutvā ‘kiṃ āvuso mayam saṃgho na homā”ti tattheva bhājetvā gaṇhanti, suggahitāni. Sacepi esa maggā okkamitvā kañci vihāram vā āsanasālam vā piṇḍāya caranto ekaṃ gehameva vā pavisati, tatra ca nam bhikkhū disvā tamattham pucchitvā bhājetvā gaṇhanti, suggahitāneva.

Adhiṭṭhātunti ettha adhiṭṭhahantena vattam jānitabbam. Tena hi bhikkhunā ghaṇṭim paharitvā kālam ghoṣetvā thokam āgametvā sace ghaṇṭisaññāya vā kālasaññāya vā bhikkhū āgacchanti, tehi saddhim hājetabbāni. No ce āgacchanti “mayhimāni cīvarāni pāpuṇanti”ti adhiṭṭhātabbāni. Evaṃ adhiṭṭhite sabbāni tasseva honti, ṭhitikā pana na tiṭṭhati.

Sace ekekaṃ uddharitvā “ayaṃ paṭhamabhāgo mayham pāpuṇāti, ayaṃ dutiyabhāgo”ti evaṃ gaṇhāti, gahitāni ca suggahitāni honti, ṭhitikā ca tiṭṭhati. Evaṃ pāpetvā gaṇhantenāpi adhiṭṭhitameva hoti. Sace pana ghaṇṭim paharitvā vā appaharitvā vā kālampi ghoṣetvā vā aghoṣetvā vā “ahamevettha, mayhameva imāni cīvarāni”ti gaṇhāti, duggahitāni honti. Atha “añño koci idha natthi, mayham etāni pāpuṇanti”ti gaṇhāti, suggahitāni.

Pātite kuseti ekakoṭṭhāse kusadaṇḍake pātitamatte sacepi bhikkhusahassam hoti, gahitameva nāma cīvaram, nākāmā bhāgo dātabbo. Sace pana attano ruciyā dātukāmā honti, dentu. Anubhāgepi eseva nayo.

Sacīvarānīti “kālacīvarampi saṃghassa itova dassāma, visum sajjiyamāne aticiram hoti”ti khippamyeva sacīvarāni bhattāni akamsu. **There āgamma uppannānīti** tumhesu pasādena khippam uppannāni.

Saṃghassa demāti cīvarāni dentīti sakalampi cīvarakālam saṇikam saṇikam dentiyeva. Purimesu pana dvīsu vatthūsu pacchinnadānattā adamsūti vuttam. **Sambahulā therāti** vinayadharapāmokkatherā. Idam pana vatthu saddhim purimena dvebhātikavatthunā parinibbute Bhagavati uppannam, ime ca therā diṭṭhapubbā Tathāgataṃ, tasmā purimesu vatthūsu Tathāgatena paññattanayeneva kathesum.

Upanandasakyaputtavatthukathā

364. **Gāmakāvāsaṃ agamāsīti** appeva nāma cīvarāni bhājentā mayhampi saṅgahaṃ kareyyunti cīvarabhājanakālaṃ sallakkhetvāva agamāsi. **Sādiyissasīti** gaṇhissati. Ettha ca kiñcāpi tassa bhāgo na pāpuṇāti, atha kho “nagaravāsiko ayaṃ mukharo dhammakathiko”ti te bhikkhū “sādiyissasī”ti āhaṃsu. **Yo sādiyeyya āpatti dukkaṭassāti** ettha pana kiñcāpi lahukā āpatti, atha kho gahitāni gahitaṭṭhāne dātabbāni. Sacepi natṭhāni vā jiṇṇāni vā honti, tasseva gīvā. Dehīti vutte adento dhuranikkhepe bhaṇḍagghena kāretabbo.

Ekādhippāyanti ekam adhippāyam, ekam puggalapaṭivīsameva dethāti attho. Idāni yathā so dātabbo, taṃ dassetuṃ tantim ṭhapento **idha panāti-** ādimāha. Tattha **sace amutra upaḍḍham amutra upaḍḍhanti** ekekasmiṃ ekāhamekāhaṃ vā sattāhaṃ sattāhaṃ vā sace vasati, ekekasmiṃ vihāre yaṃ eko puggalo labhati, tato tato upaḍḍham upaḍḍham dātabbam. Evaṃ ekādhippāyo dinno hoti. **Yattha vā pana bahutaranti** sace ekasmiṃ vihāre vasanto itarasmim sattāhavārena aruṇameva utṭhāpeti, evaṃ purimasmiṃ bahutaram vasati nāma. Tasmā tato bahutaram vasitavihārato tassa paṭivīso dātabbo, evampi ekādhippāyo dinno hoti. Idañca nānālābhehi nānūpacārehi ekasimavihārehi kathitam, nānāsīmavihāre pana senāsanaggāho paṭippassambhati. Tasmā tattha cīvarapaṭivīso na pāpuṇāti, sesaṃ pana āmisabhesajjādi sabbam sabbattha antosīmagatassa pāpuṇāti.

Gilānavatthukathā

365. **Mañcake nipātesunti** evaṃ dhovivā aññaṃ kāsāvaṃ nivāsetvā mañcake nipajjāpesuṃ, nipajjāpetvā ca panāyasmā Ānando muttakarīsakiliṭṭham kāsāvaṃ dhovivā bhūmiyam paribhaṇḍam akāsi. **Yo bhikkhave maṃ upaṭṭhaheyya, so gilānam upaṭṭhaheyyāti** yo maṃ ovādānusāsanīkaraṇena upaṭṭhaheyya, so gilānam upaṭṭhaheyya, mama ovādakārakena gilāno upaṭṭhātabboti ayamevettha attho. Bhagavato ca gilānassa ca upaṭṭhānam ekasadisanti evaṃ panettha attho na gahetabbo.

Samghena upaṭṭhātabboti yassete upajjhādayo tasmim vihāre natthi, āgantuko hoti ekacāriko bhikkhu, so samghassa bhāro, tasmā samghena upaṭṭhātabbo. No ce upaṭṭhaheyya, sakalassa samghassa āpatti. Vāram ṭhapetvā jaggantesu pana yo attano vāre na jaggati, tasseva āpatti. Samghattheropi vārato na muccati. Sace sakalo samgho ekassa bhāram karoti, eko vā vattasampanno bhikkhu ahameva jaggissāmīti paṭijaggati, samgho āpattito muccati.

366. **Abhikkamantaṃ vā abhikkamatīti**-ādīsu vaḍḍhantaṃ vā ābādhaṃ “idaṃ nāma me paribhuñjantassa vaḍḍhati, idaṃ paribhuñjantassa parihāyati, idaṃ paribhuñjantassa tiṭṭhati”ti yathābhūtaṃ nāvikaṛotīti evamattho daṭṭhabbo. **Nālanti** na patirūpo na yutto upaṭṭhātum. **Bhesajjamvidhātunti** bhesajjam yojetum asamattho hoti. **Āmisantaroti** āmisam assa antaranti āmisantaro. **Antaranti** kāraṇam vuccati, āmisakāraṇā yāgubhattapattacīvarāni patthento upaṭṭhātīti attho.

Matasantakakathā

367. **Kālaṅkateti** kālakiriyāya. **Gilānupaṭṭhākānaṃ dātunti** ettha anantaraṃ vuttāya kammavācāya dinnampi apaloketvā dinnampi dinnameva hoti, vaṭṭati.

369. **Yaṃ tattha lahubhaṇḍaṃ yaṃ tattha garubhaṇḍanti** ettha lahubhaṇḍagarubhaṇḍānaṃ nānākaraṇam parato vaṇṇayissāma. Gilānupaṭṭhākālābhe pana yaṃ ādito paṭṭhāya vinicchayo—

Sace sakale bhikkhusamghe upaṭṭhahante kālam karoti, sabbepi sāmikā. Atha ekaccehi vāre kate ekaccehi akateyeva kālam karoti, tattha ekacce ācariyā vadanti “sabbepi attano vāre sampatte kareyyum, tasmā sabbepi sāmīno”ti. Ekacce vadanti “yehi jaggito, te eva labhanti, itare na labhanti”ti. Sāmaṇere kālaṅkate sace cīvaram atthi, gilānupaṭṭhākānaṃ dātubbam. No ce atthi, yaṃ atthi, tam dātubbam. Aññasim parikkhāre sati cīvarabhāgam katvā dātubbam.

Bhikkhu ca sāmaṇero ca sace samaṃ upaṭṭhahimsu, samako bhāgo dātabbo. Atha sāmaṇero va upaṭṭhahati, bhikkhussa saṃvidahanamattameva hoti, sāmaṇerassa jeṭṭhakabhāgo dātabbo. Sace sāmaṇero bhikkhunā ānīta-udakena yāguṃ pacitvā paṭiggāhāpanamattameva karoti, bhikkhu upaṭṭhahati, bhikkhussa jeṭṭhakabhāgo dātabbo.

Bahū bhikkhū samaggā hutvā upaṭṭhahanti, sabbesaṃ samako bhāgo dātabbo. Yo panettha visesena upaṭṭhahati, tassa viseso kātabbo. Yena pana ekadivasampi gilānupaṭṭhākavasena yāgubhattaṃ vā pacitvā dinnam, nahānam vā paṭiyāditaṃ, sopi gilānupaṭṭhākova. Yo samīpaṃ anāgantvā bhesajjatanḍulādīni peseti, ayaṃ gilānupaṭṭhāko na hoti. Yo pariyesitvā gāhāpetvā āgacchati, ayaṃ gilānupaṭṭhākova.

Eko vattasīsenā jaggati, eko paccāsāya, matakāle ubhopi paccāsīsanti, ubhinnampi dātabbaṃ. Eko upaṭṭhahitvā gilānassa vā kammaṇa attano vā kammaṇa katthaci gato “puna āgantvā jaggissāmī”ti, etassapi dātabbaṃ. Eko ciraṃ upaṭṭhahitvā “idāni na sakkomī”ti dhuraṃ nikkhipitvā gacchati, sacepi taṃdivasameva gilāno kālaṃ karoti, upaṭṭhākabhāgo na dātabbo.

Gilānupaṭṭhāko nāma gihi vā hotu pabbajito vā antamaso mātugāmopi, sabbe bhāgaṃ labhanti. Sace tassa bhikkhuno pattacīvaramattameva hoti, aññaṃ natthi, sabbaṃ gilānupaṭṭhākānaṃyeva dātabbaṃ. Sacepi sahasaṃ agghati, aññaṃ pana bahumpi parikkhāraṃ te na labhanti, saṃghasseva hoti. Avasesaṃ bhaṇḍaṃ bahukañceva mahagghaṇca, ticīvaraṃ appagghaṃ, tato gahetvā ticīvaraparikkhāro dātabbo. Sabbañcetaṃ saṃghikatova labbhati.

Sace pana so jīvamānoyeva sabbaṃ attano parikkhāraṃ nissajjitvā kassaci adāsi, koci vā vissāsaṃ aggahesi, yassa dinnam yena ca gahitaṃ, tasseva hoti, tassa ruciyā eva gilānupaṭṭhākā labhanti. Aññesaṃ adatvā dūre ṭhapitaparikkhārāpi tattha tattha saṃghasseva honti, dvinnaṃ santakaṃ hoti avibhattaṃ, ekasmiṃ kālaṅkate itaro

sāmī. Bahūnampi santake eseva nayo. Sabbesu matesu saṅghikaṃ hoti. Sacepi avibhajitvā saddhivihārikādīnaṃ denti, adinnameva hoti. Vibhajitvā dīnaṃ pana sudīnaṃ. Taṃ tesu matesupi saddhivihārikādīnaṃyeva hoti, na saṅghassa.

Kusacīrādipaṭikkhepakathā

371. Kusacīrādīsū **akkanāḷanti** akkanāḷamayaṃ. **Potthakoti** makacimayo vuccati. Sesāni paṭhamapārājikavaṇṇanāyaṃ vuttāni. Tesu potthake eva dukkaṭaṃ, sesesu thullaccayānīti. Akkadussakadalidussa-erakadussāni pana potthakagatikāneva.

372. Sabbanīlakādīni rajanaṃ dhovitvā¹ puna rajitvā dhāretabbāni. Na sakkā ce honti dhovituṃ, paccattharaṇāni vā kātabbāni, dupaṭṭacīvarassa² vā majjhe dātabbāni. Tesāṃ vaṇṇanānattaṃ upāhanāsu vuttanayameva. Acchinnadasadīghadasāni dasā chinditvā dhāretabbāni. Kañcukaṃ labhitvā phāletvā rajitvā paribhuñjituṃ vaṭṭati. Veṭhanepi eseva nayo. Tirīṭakaṃ pana rukkhachallimayaṃ, taṃ pādapuñchanāṃ kātuṃ vaṭṭati.

374. **Patirūpe gāhaketī** sace koci bhikkhu “ahaṃ tassa gaṇhāmī”ti gaṇhāti, dātabbanti attho. Evametesu tevīsatiyā puggalesu soḷasa janā na labhanti, satta janā labhantīti.

Saṅghe bhinne cīvaruppādakathā

376. **Saṅgho bhijjatīti** bhijjitvā Kosambakabhikkhū viya dve koṭṭhāsā honti. **Ekasmim pakkheti** ekasmim koṭṭhāse dakkhiṇodakañca gandhādīni ca denti, ekasmim cīvarāni. **Saṅghassevetanti** sakalassa saṅghassa dvinnampi koṭṭhāsānaṃ etaṃ hoti, ghaṇṭim paharitvā dvīhipi pakkhehi ekato bhājetabbaṃ. **Pakkhassevetanti** evaṃ dinne yassa koṭṭhāsassa udakaṃ dīnaṃ, tassa udakameva hoti, yassa cīvaraṃ dīnaṃ, tasseva cīvaraṃ. Yattha pana dakkhiṇodakaṃ pamāṇaṃ hoti, tattha eko pakkho

1. Vāmetvā (Sī), vametvā (Syā)

2. Tipaṭṭacīvarassa (Ka), dvipaṭṭacīvarassa (Syā)

dakkhiṇodakassa laddhattā cīvarāni labhati, eko cīvarānameva laddhattāti ubhohipi ekato hutvā yathāvuḍḍham bhājetabbaṃ. Idam kira parasamudde lakkhaṇanti Mahā-aṭṭhakathāyaṃ vuttaṃ. **Tasmim yeva pakkheti** ettha pana itaro pakkho anissaroyeva. **Cīvarapesanavatthūni** pākaṭāneva.

Aṭṭhacīvaramātikākathā

379. Idāni ādito paṭṭhāya vuttacīvarānaṃ paṭilābhakhettaṃ dassetuṃ **aṭṭhimā bhikkhave mātikā**ti-ādimāha. **Sīmāya detī**ti-ādi puggalādhiṭṭhānanayena vuttaṃ. Ettha pana sīmāya dānaṃ ekā mātikā¹, katikāya dānaṃ dutiyā -pa- puggalassa dānaṃ aṭṭhamā. Tattha sīmāya dammīti evaṃ sīmaṃ parāmasitvā dento **sīmāya deti** nāma. Esa nayo sabbattha.

Sīmāya deti, yāvatikā bhikkhū antosīmagatā, tehi bhājetabbanti-ādimhi pana mātikānidese **sīmāya detī**ti ettha tāva khaṇḍasīmā upacārasīmā samānasamvāsasīmā avippavāsasīmā lābhasīmā gāmasīmā nigamasīmā nagarasīmā abhantarasīmā udakukkhepasīmā janapadasīmā raṭṭhasīmā rajjasīmā dīpasīmā cakkavālasīmāti pannarasa sīmā veditabbā.

Tattha khaṇḍasīmā sīmākathāyaṃ vuttāva. Upacārasīmā parikkhittassa vihārassa parikkhepena, aparikkhittassa parikkhepārahaṭṭhānena paricchinnā hoti. Apica bhikkhūnaṃ dhuvasannipātaṭṭhānato vā pariyante ṭhitabhojanasālato vā nibaddhavasānaka-āvāsato vā thāmamajjhimaṃ purisassa dvinnaṃ leḍḍupātānaṃ anto upacārasīmā veditabbā, sā pana āvāsesu vaḍḍhantesu vaḍḍhati, parihāyantesu parihāyati. Mahāpaccariyaṃ pana “bhikkhūsupi vaḍḍhantesu vaḍḍhatī”ti vuttaṃ. Tasmā sace vihāre sannipatitabhikkhūhi saddhim ekābaddhā hutvā yojanasatampi pūretvā nisīdanti, yojanasatampi upacārasīmāva hoti, sabbesaṃ lābho pāpuṇāti. Samānasamvāsa-avippavāsasīmādvayampi vuttameva.

1. Paṭhamā mātikā (Syā)

Lābhasīmā nāma neva Sammāsambuddhena anuññātā, na dhammasaṅgāhakattherehi ṭhapitā, apica kho rājarājamahāmattā vihāraṃ kāretvā gāvutaṃ vā aḍḍhayojanaṃ vā yojanaṃ vā samantato paricchinditvā “ayaṃ amhākaṃ vihārassa lābhasīmā”ti nāmalikhitake thambhe nikhaṇitvā “yaṃ etthantare uppajjati, sabbaṃ taṃ amhākaṃ vihārassa demā”ti sīmaṃ ṭhapenti, ayaṃ lābhasīmā nāma. Gāmanigamanagara-abbhantara-udakukkhepasīmāpi vuttā eva. Janapadasīmā nāma Kāsikosalaratṭhādīnaṃ anto bahū janapadā honti, tattha ekeko janapadaparichedo janapadasīmā. Ratṭhasīmā nāma Kāsikosalādiratṭhaparicchedo. Rajjasīmā nāma coḷabhogo keraḷabhogoti evaṃ ekekassa rañño aṇṇāpavattiṭṭhānaṃ. Dīpasīmā nāma samuddantena paricchinnamahādīpā ca antaradīpā ca. Cakkavāḷasīmā nāma cakkavāḷapabbateneva paricchinnā.

Evameṭāsu sīmāsu khaṇḍasīmāya kenaci kammena sannipatitaṃ saṅghaṃ disvā “ettheva sīmāya saṅghassa demī”ti vutte yāvatikā bhikkhū antokhaṇḍasīmagatā, tehi bhājetabbaṃ. Tesameva hi taṃ pāpuṇāti, aññesaṃ sīmantarikāya vā upacārasīmāya vā ṭhitānampi na pāpuṇāti. Khaṇḍasīmāya ṭhite pana rukkhe vā pabbate vā ṭhitassa heṭṭhā vā pathavīvemajjhagatassa pāpuṇātiyeva. “Imissā upacārasīmāya saṅghassa dammī”ti dinnāṃ pana khaṇḍasīmāsīmantarikāsu ṭhitānampi pāpuṇāti¹. “Samānasarivāsasīmāya dammī”ti dinnāṃ pana khaṇḍasīmāsīmantarikāsu ṭhitānaṃ na pāpuṇāti. Avippavāsasīmālābhasīmāsu dinnāṃ tāsu sīmāsu antogatānaṃ pāpuṇāti. Gāmasīmādīsū dinnāṃ tāsaṃ sīmānaṃ abbhantare baddhasīmāya ṭhitānampi pāpuṇāti. Abbhantarasīmā-udakukkhepasīmāsu dinnāṃ tattha antogatānaṃyeva pāpuṇāti. Janapadaratṭharajjadīpacakkavāḷasīmāsupi gāmasīmādīsū vuttasadisoyeva vinicchayo.

Sace pana Jambudīpe ṭhito “tambapaṇṇidīpe saṅghassa dammī”ti deti, Tambapaṇṇidīpato ekopi gantvā sabbesaṃ gaṇhituṃ labhati. Sacepi tatreva eko sabhāgabhikkhu sabhāgānaṃ bhāgaṃ gaṇhāti, na vāretabbo. Evaṃ tāva yo sīmaṃ parāmasitvā deti, tassa dāne vinicchayo veditabbo.

1. Na pāpuṇāti (Sī)

Yo pana asukasīmāyāti vattum na jānāti, kevalam sīmāti vacanamattameva jānanto vihāram gantvā sīmāya dammīti vā sīmaṭṭhakasaṅghassa dammīti vā bhaṇati, so pucchitabbo “sīmā nāma bahuvidhā, katarasīmam sandhāya bhaṇasi”ti. Sace vadati “aham asukasīmāti na jānāmi, sīmaṭṭhakasaṅgho bhājetvā gaṇhātū”ti, katarasīmāya bhājetabban? Mahāsīvatthero kirāha “avippavāsasīmāyā”ti. Tato nam āhamsu “avippavāsasīmā nāma tiyojanāpi hoti, evam sante tiyojane ṭhitā lābham gaṇhissanti, tiyojane ṭhatvā āgantukavattaṃ pūretvā ārāmaṃ pavisitabban bhavissati, gamiko tiyojanaṃ gantvā senāsanam āpucchissati, nissayapaṭipannassa tiyojanātikame nissayo paṭippassambhissati, pārivāsikena tiyojanaṃ atikkamitvā aruṇam utthāpetabban bhavissati, bhikkhuniyā tiyojane ṭhatvā āramappavesanam āpucchitabban bhavissati, sabbampetaṃ upacārasīmāya paricchedavaseneva kātum vaṭṭati. Tasmā upacārasīmāyameva bhājetabban”ti.

Katikāyāti samānalābhakatikāya. Tenevāha “sambahulā āvāsā samānalābhā hontī”ti. Tatrevaṃ katikā kātabbā, ekasmiṃ vihāre sannipatitehi bhikkhūhi yaṃ vihāram saṅgaṇhitukāmā samānalābham kātum icchanti, tassa nāmaṃ gaḥetvā asuko nāma vihāro porāṇakoti vā Buddhādhivutthoti vā appalābhoti vā yaṃkiñci kāraṇam vatvā taṃ vihāram iminā vihārena saddhiṃ ekalābham kātum saṅghassa rucattīti tikkhattum sāvetabban. Ettāvātā tasmim vihāre nisinnopi idha nisinnova hoti. Tasmim vihārepi saṅghena evameva kātabban, ettāvātā idha nisinnopi tasmim nisinnova hoti. Ekasmiṃ lābhe bhājiyamāne itarasmim ṭhitassa bhāgam gaḥetum vaṭṭati. Evam ekena vihārena saddhiṃ bahūpi āvāsā ekalābhā kātabbā.

Bhikkhāpaññattiyāti attano pariccāgapaññāpanaṭṭhāne, tenevāha “yattha saṅghassa dhuvakārā kariyantī”ti. Tassattho—yasmim vihāre imassa cīvaradāyakassa santakaṃ saṅghassa pākavaṭṭam¹ vā vattati, yasmim vā vihāre bhikkhū attano bhāram katvā sadā gehe bhojeti, yattha

1. Pākavattaṃ (Ka)

vā anena āvāso kārito, salākabhaddānī vā nibaddhāni, yena pana sakalopi vihāro patiṭṭhāpito, tattha vattabbameva natthi, ime dhuvakārā nāma. Tasmā sace so “yattha mayham dhuvakārā kariyanti¹, tattha dammī”ti vā “tattha dethā”ti vā bhaṇati, bahūsu cepi ṭhānesu dhuvakārā honti, sabbattha dīnnameva hoti.

Sace pana ekasmiṃ vihāre bhikkhū bahutarā honti, tehi vattabbam “tumahākaṃ dhuvakāre ekattha bhikkhū bahū, ekattha appakā”ti, sace “bhikkhugaṇanāya gaṇhathā”ti bhaṇati, tathā bhājetvā gaṇhitum vaṭṭati. Ettha ca vatthabhesajjādi appakampi sukkena bhājīyati. Yadi pana mañco vā pīṭhakaṃ vā ekameva hoti, taṃ pucchitvā yassa vā vihārassa ekavihārepi vā yassa senāsanassa so vicāreti, tattha dātabbam. Sace “asukabhikkhu gaṇhātū”ti vadati, vaṭṭati. Atha “mayham dhuvakāre dethā”ti vatvā avicāretvāva gacchati, saṃghassāpi vicāretum vaṭṭati. Evaṃ pana vicāretabbam, “saṃghattherassa vasanaṭṭhāne dethā”ti vattabbam. Sace tassa senāsanam paripuṇṇam hoti, yattha nappahoti, tattha dātabbam. Sace eko bhikkhu “mayham vasanaṭṭhāne senāsanaparibhogabhaṇḍam natthi”ti vadati, tattha dātabbam.

Saṃghassa detīti vihāram pavisitvā imāni cīvarāni saṃghassa dammīti deti. **Sammukhībhūtenā**ti upacārasīmāya ṭhitena saṃghena ghaṇṭim paharivā kālam ghosetvā bhājetabbam. Sīmaṭṭhassa asampattassāpi bhāgam gaṇhanto na vāretabbo. Vihāro mahā hoti, therāsanato paṭṭhāya vatthesu diyyamānesu alasajātikā mahātherā pacchā āgacchanti, “bhante vīsativassānam diyyati, tumhākaṃ ṭhitikā atikkantā”ti na vattabbā, ṭhitikam ṭhapetvā tesam datvā pacchā ṭhitikāya dātabbam.

Asukavihāre kira batum cīvaram uppannanti sutvā yojanantarikavihāratopi bhikkhū āgacchanti, sampattasampattānam ṭhitaṭṭhānato paṭṭhāya dātabbam, asampattānampi upacārasīmam pavitṭhānam antevāsikādīsu gaṇhantesu dātabbameva. “Bahi-upacārasīmāya ṭhitānam dethā”ti vadanti, na dātabbam. Sace pana upacārasīmam okkantehi ekābaddhā hutvā attano vihāradvāre vā antovihāreyeva vā honti, parisavasena vaḍḍhitā nāma hoti

sīmā, tasmā dātabbam. Saṅghanavakassa dinnepi pacchā āgatānaṃ dātabbameva. Dutiyabhāge pana therāsaṇaṃ āruḷhe āgatānaṃ paṭhamabhāgo na pāpuṇāti, dutiyabhāgato vassaggena dātabbam.

Ekasmim vihāre dasa bhikkhū honti, dasa vatthāni “saṅghassa demā”ti denti, pāṭekkaṃ bhājetabbāni. Sace “sabbānevamhākaṃ pāpuṇantī”ti gahetvā gacchanti, duppāpitāni ceva duggahitāni ca, gatagataṭṭhāne saṅghikāneva honti. Ekaṃ pana uddharitvā “idaṃ tumhākaṃ pāpuṇāti”ti saṅghattherassa datvā “sesāni amhākaṃ pāpuṇantī”ti gahetuṃ vaṭṭati.

Ekameva vattham saṅghassa demāti āharanti, abhājetvāva amhākaṃ pāpuṇantīti gaṇhanti, duppāpitañceva duggahitañca. Satthakena pana haliddi-ādinā vā lekhaṃ katvā ekaṃ koṭṭhāsaṃ imaṃ ṭhānaṃ tumhākaṃ pāpuṇātīti saṅghattherassa pāpetvā sesaṃ amhākaṃ pāpuṇātīti gahetuṃ vaṭṭati. Yaṃ pana vatthasseva pupphaṃ vā vali vā, tena paricchedaṃ kātuṃ na vaṭṭati. Sace ekaṃ tantaṃ uddharitvā idaṃ ṭhānaṃ tumhākaṃ pāpuṇātīti saṅghattherassa datvā sesaṃ amhākaṃ pāpuṇātīti gaṇhanti, vaṭṭati. Khaṇḍaṃ khaṇḍaṃ chinditvā bhājjiyamānaṃ vaṭṭatiyeva.

Ekabhikkhuke vihāre saṅghassa cīvaresu uppannesu sace pubbe vuttanayeneva so bhikkhu sabbāni mayhaṃ pāpuṇantīti gaṇhāti, suggahitāni, ṭhitikā pana na tiṭṭhati. Sace ekekaṃ uddharitvā idaṃ mayhaṃ pāpuṇātīti gaṇhāti, ṭhitikā tiṭṭhati. Tattha aṭṭhitāya ṭhitikāya puna aññasmiṃ cīvare uppanne sace eko bhikkhu āgacchati, majjhe chinditvā dvīhipi gahetabbam. Ṭhitāya ṭhitikāya puna aññasmiṃ cīvare uppanne sace navakataro āgacchati, ṭhitikā heṭṭhā orohati¹. Sace vuḍḍhataro āgacchati, ṭhitikā uddham ārohati. Athañño natthi, puna attano pāpetvā gahetabbam.

“Saṅghassa demā”ti vā “bhikkhusaṅghassa demā”ti vā yena kenaci ākārena saṅghaṃ āmasitvā dinnam pana paṃsukūlikānaṃ na vaṭṭati, “gahapaticīvaraṃ paṭikkhipāmi paṃsukūlikaṅgaṃ samādiyāmī”ti vuttattā, na pana

1. Gacchati (Sī, Syā)

akappiyattā. Bhikkhusaṅghena apalokehvā dinnampi na gahetabbaṃ. Yaṃ pana bhikkhu attano santakaṃ deti, taṃ bhikkhudattiyaṃ nāma vaṭṭati, paṃsukūlaṃ pana na hoti. Evaṃ santepi dhutaṅgaṃ na bhijjati¹.

“Bhikkhūnaṃ dema, therānaṃ demā”ti vutte pana paṃsukūlikānampi vaṭṭati. “Idaṃ vatthaṃ saṅghassa dema, iminā upāhanatthavikapattatthavika-āyoga-aṃsabaddhakādīni karontū”ti dinnampi vaṭṭati.

Pattatthavikādīnaṃ atthāya dinnāni bahūnipi honti, cīvaratthāyapi pahonti, tato cīvaraṃ katvā pārupitum vaṭṭati. Sace pana saṅgho bhājītātirittāni vatthāni chinditvā upāhanatthavikādīnaṃ atthāya bhājeti, tato gahetum na vaṭṭati. Sāmihehi vicāritameva hi vaṭṭati, na itaraṃ.

Paṃsukūlikasaṅghassa dhamakaraṇapaṭṭādīnaṃ atthāya demāti vuttepi gahetum vaṭṭati, parikkhāro nāma paṃsukūlikānampi icchitabbo. Yaṃ tattha atirekaṃ hoti, taṃ cīvarepi upanetum vaṭṭati. Suttaṃ saṅghassa denti, paṃsukūlikehipi gahetabbaṃ. Ayaṃ tāva vihāraṃ pavisitvā imāni cīvarāni saṅghassa dammīti dinnesu vinicchayo.

Sace pana bahi-upacārasīmāyaṃ addhānappaṭipanne bhikkhū disvā “saṅghassa dammī”ti saṅghattherassa vā saṅghanavakassa vā āroceti, sacepi yojanaṃ pharitvā parisā ṭhitā hoti, ekabaddhā ce, sabbesaṃ pāpuṇāti. Ye pana dvādasahi hatthehi parisā asampattā, tesāṃ na pāpuṇāti.

Ubhatosaṅghassa detīti ettha ubhatosaṅghassa dammīti vuttepi dvidhā saṅghassa dammi, dvinnaṃ saṅghānaṃ dammi, bhikkhusaṅghassa ca bhikkhunisaṅghassa ca dammīti vuttepi ubhatosaṅghassa dinnameva hoti. **Upaḍḍhaṃ dātabbanti** dvebhāge same katvā eko dātabbo. ubhatosaṅghassa ca tuyhañca dammīti vutte sace dasa dasa bhikkhū ca bhikkhuniyo ca honti, ekavīsati paṭivīse katvā eko puggalassa dātabbo, dasa bhikkhusaṅghassa, dasa bhikkhunisaṅghassa. Yena puggaliko laddho, so saṅghatopi attano vassaggena gahetum labhati. Kasmā? Ubhatosaṅghaggahaṇena gahitattā.

1. Na bhindati (Ka)

“Ubhatosaṃghassa ca cetiyassa ca dammī”ti vuttepi eseva nayo. Idha pana cetiyassa saṃghato pāpuṇanakoṭṭhāso nāma natthi, ekapuggalassa pattakoṭṭhāsasamova koṭṭhāso hoti.

Ubhatosaṃghassa ca tuyhañca cetiyassa cāti vutte pana dvāvīsati koṭṭhāse katvā dasa bhikkhūnaṃ, dasa bhikkhunīnaṃ, eko puggalassa, eko cetiyassa dātabbo. Tattha puggalo saṃghatopi attano vassaggena puna gahetuṃ labhati, cetiyassa ekoyeva.

Bhikkhusaṃghassa ca bhikkhunīnañca dammīti vutte pana na majjhe bhinditvā dātabbaṃ, bhikkhū ca bhikkhuniyo ca gaṇetvā dātabbaṃ. Bhikkhusaṃghassa ca bhikkhunīnañca tuyhañcāti vutte pana puggalo visuṃ na labhati, pāpuṇanaṭṭhānato ekameva labhati. Kasmā? Bhikkhusaṃghaggaṇena gahitattā. Bhikkhusaṃghassa ca bhikkhunīnañca tuyhañca detiyassa cāti vuttepi cetiyassa ekapuggalapaṭivīso labbhati, puggalassa visuṃ na labbhati. Tasmā ekaṃ cetiyassa datvā avasesaṃ bhikkhū ca bhikkhuniyo ca gaṇetvā bhājetabbaṃ.

Bhikkhūnañca bhikkhunīnañca dammīti vuttepi majjhe bhinditvā na dātabbaṃ, puggalagaṇanāya eva vibhajitabbaṃ. Bhikkhūnañca bhikkhunīnañca tuyhañca cetiyassa cāti evaṃ vuttepi cetiyassa ekapuggalapaṭivīso labbhati, puggalassa visuṃ natthi, bhikkhū ca bhikkhuniyo ca gaṇetvā eva bhājetabbaṃ. Yathā ca Bhikkhusaṃghaṃ ādiṃ katvā nayo nīto, evaṃ Bhikkhunisaṃghaṃ ādiṃ katvāpi netabbo. Bhikkhusaṃghassa ca tuyhañcāti vutte puggalassa visuṃ na labbhati, vassaggeneva gahetabbaṃ. Bhikkhusaṃghassa ca cetiyassa cāti vutte pana cetiyassa visuṃ paṭivīso labbhati. Bhikkhusaṃghassa ca tuyhañca cetiyassa cāti vuttepi cetiyasseva labbhati, na puggalassa.

Bhikkhūnañca tuyhañcāti vuttepi visuṃ na labbhati. Bhikkhūnañca cetiyassa cāti vutte pana cetiyassa labbhati. Bhikkhūnañca tuyhañca cetiyassa cāti vuttepi cetiyasseva visuṃ labbhati, na puggalassa. Bhikkhunisaṃghaṃ ādiṃ katvāpi evameva yojetabbaṃ.

Pubbe Buddhappamukhassa ubhatosaṃghassa dānaṃ denti, Bhagavā majjhe nisīdati, dakkhiṇato bhikkhū, vāmato bhikkhuniyo nisīdanti, Bhagavā ubhinnaṃ saṃghatthero. Tadā Bhagavā attanā laddhapaccaye attanāpi paribhuñjati,

bhikkhūnampi dāpeti. Etarahi pana paṇḍitamanussā sadhātukaṃ paṭimaṃ vā cetiyaṃ vā ṭhapetvā Buddhappamukhassa ubhatosaṃghassa dānaṃ denti. Paṭimāya vā cetiyassa vā purato ādhārake pattam ṭhapetvā dakkhiṇodakaṃ datvā Buddhānaṃ demāti, tattha yaṃ paṭhamaṃ khādanīyaṃ bhojanīyaṃ denti, vihāraṃ vā āharitvā idaṃ cetiyassa demāti piṇḍapātañca mālāgandhādīni ca denti, tattha kathaṃ paṭipajjitabbanti? Mālāgandhādīni tāva cetiye āropetabbāni, vatthehi paṭākā telena padīpā kātabbā, piṇḍapātamadhuphāṇitādīni pana yo nibaddhacetiyaṃ jaggako hoti pabbajito vā gahaṭṭho vā, tasseva dātabbāni. Nibaddhajaḅgake asati āhaṭṭabhattam ṭhapetvā vattam katvā paribhuñjituṃ vaṭṭati. Upakaṭṭhe kāle bhuñjituṃ pacchāpi vattam kātuṃ vaṭṭatiyeva.

Mālāgandhādīsū ca yaṃkiñci idaṃ haritvā cetiyassa pūjam karothāti vutte dūrampi haritvā pūjetabbam. Bhikkham saṃghassa harāti vuttepi haritabbam. Sace pana aham piṇḍāya carāmi, āsanasālāya bhikkhū atthi, te āharissantīti vutte bhante tuyhamyeva dammīti vadati, bhuñjituṃ vaṭṭati. Atha pana bhikkhusaṃghassa dassamīti harantassa gacchato antarāva kālo upakaṭṭho hoti, attano pāpetvā bhuñjituṃ vaṭṭati.

Vassamvuṭṭhasaṃghassa detīti vihāraṃ pavisitvā “imāni cīvarāni vassamvuṭṭhasaṃghassa dammī”ti deti. **Yāvaticā bhikkhū tasmim āvāse vassamvuṭṭhāti** yattakā vassacchedam akatvā purimavassamvuṭṭhā, tehi bhājetabbam, aññesaṃ na pāpuṇāti. Disāpakkantassāpi satī paṭiggāhake yāva kathinassubbhārā dātabbam, anattate pana kathine antohemante, evañca vatvā dinnam pacchimavassamvuṭṭhānampi pāpuṇātīti lakkhaṇaññū vadanti. Aṭṭhakathāsu panetaṃ na vicāritaṃ.

Sace pana bahi-upacārasīmāyaṃ ṭhito vassamvuṭṭhasaṃghassa dammīti vadati, sampattānaṃ sabbesaṃ pāpuṇāti. Atha asukavihāre vassamvuṭṭhasaṃghassāti vadati, tatra vassamvuṭṭhānameva yāva kathinassubbhārā pāpuṇāti. Sace pana gimhānaṃ paṭhamadivasato paṭṭhāya evam vadati, tatra sammukhībhuṭānaṃ sabbesaṃ pāpuṇāti. Kasmā? Piṭṭhisamaye uppannāṭā. Antovasseyeva vassam vasantānaṃ dammīti vutte chinnavassā na labhanti, vassam vasantāva labhanti.

Cīvaramāse pana vassam̐ vasantānam̐ dammīti vutte pacchimikāya vassūpagatānaṃyeva pāpuṇāti, purimikāya vassūpagatānaṃca chinnavassānaṃca na pāpuṇāti.

Cīvaramāsato paṭṭhāya yāva hemantassa pacchimo divaso, tāva vassāvāsikam̐ demāti vutte kathinam̐ atthataṃ vā hotu anatthataṃ vā, atītavassam̐vuṭṭhānameva pāpuṇāti. Gimhānam̐ paṭhamadivasato paṭṭhāya vutte pana mātikā āropetabbā “atītavassāvāsassa pañca māsā atikkantā, anāgato catumāsaccayena bhavissati, kataravassāvāsassa detī”ti. Sace atītavassam̐vuṭṭhānam̐ dammīti vadati, tam̐antovassam̐vuṭṭhānameva pāpuṇāti, disāpakkantānampi sabhāgā gaṇhitum̐ labhanti.

Sace anāgate vassāvāsikam̐ dammīti vadati, tam̐ ṭhapetvā vassūpanāyikadivase gahetabban̐. Atha agutto vihāro, corabhayam̐ atthi, na sakkā ṭhapetum̐, gaṇhitvā vā āhiṇḍitunti vutte sampattānam̐ dammīti vadati, bhājetvā gahetabban̐. Sace vadati “ito me bhante tatiye vasse vassāvāsikam̐ na dinnam̐, tam̐ dammī”ti, tasmim̐ antovasse vuṭṭhabhikkhūnam̐ pāpuṇāti. Sace te disā pakkantā, añño vissāsiko gaṇhāti, dātabban̐. Atha ekoyeva avasiṭṭho, sesā kālaṅkatā, sabban̐ ekasseva pāpuṇāti. Sace ekopi natthi, sam̐ghikam̐ hoti, sammukhībhūtehi bhājetabban̐.

Ādissa detīti ādisitvā paricchinditvā deti. **Yāguyā vāti**—ādīsu ayamattho, yāguyā vā -pa- bhesajje vā ādissa deti. Tatrāyam̐ yojanā—bhikkhū ajjatanāya vā svātanāya vā yāguyā nimantetvā tesam̐ gharam̐ pavīṭṭhānam̐ yāgum̐ deti, yāgum̐ datvā pītāya yāguyā “imāni cīvarāni yehi mayham̐ yāgu pītā, tesam̐ dammī”ti deti, yehi nimantitehi yāgu pītā, tesam̐yeva pāpuṇāti. Yehi pana bhikkhācāravattena gharadvārena gacchantehi vā gharam̐ pavīṭṭhehi vā yāgu laddhā, yesam̐ vā āsanāsālato pattam̐ āharitvā manussehi nītā, yesam̐ vā therehi pesitā, tesam̐ na pāpuṇāti. Sace pana nimantitabhikkhūhi saddhim̐ aññepi bahū āgantvā antogehaṅca bahigehaṅca pūretvā nisinnā, dāyako ca evam̐ vadati “nimantitā vā hontu animantitā vā, yesam̐ mayā yāgu dinnā, sabbesam̐ imāni vatthāni hontū”ti, sabbesam̐ pāpuṇanti. Yehi pana therānam̐ hatthato yāgu

laddhā, tesam̄ na pāpuṇanti. Atha so “yehi mayham̄ yāgu pītā, sabbesam̄ hontū”ti vadati, sabbesam̄ pāpuṇanti. Bhattakhādanīyesupi eseva nayo.

Cīvare vāti pubbepi yena vassam̄ vāsetvā bhikkhūnam̄ cīvaram̄ dīnnapubbam̄ hoti, so ce bhikkhū bhojetvā vadati “yesam̄ mayā pubbe cīvaram̄ dīnam̄, tesam̄yeva imam̄ cīvaram̄ vā suttam̄ vā sappimadhuphāṇitādīni vā hontū”ti, sabbam̄ tesam̄yeva pāpuṇāti. **Senāsane vāti** yo mayā kārite vihāre vā pariveṇe vā vasati, tassidam̄ hotūti vutte tasseva hoti. **Bhesajje vāti** mayam̄ kālena kālam̄ therānam̄ sappi-ādīni bhesajjāni dema, yehi tāni laddhāni, tesam̄yevidam̄ hotūti vutte tesam̄yeva hoti.

Puggalassa detīti imam̄ cīvaram̄ itthannāmassa dammīti evam̄ parammukhā vā, pādamūle ṭhapetvā imam̄ bhante tumhākam̄ dammīti evam̄ sammukhā vā deti. Sace pana idam̄ tumhākañca tumhākam̄ antevāsikānañca dammīti evam̄ vadati, therassa ca antevāsikānañca pāpuṇāti. Uddesam̄ gahetum̄ āgato gahetvā gacchanto ca atthi, tassāpi pāpuṇāti. Tumhehi saddhim̄ nibaddhacārikabhikkhūnam̄ dammīti vutte uddesantevāsikānam̄ vattam̄ katvā uddesaparipucchādīni gahetvā vicarantānam̄ sabbesam̄ pāpuṇāti. Ayam̄ puggalassa detīti imasmim̄ pade vinicchayo. Sesam̄ sabbattha uttānamevāti.

Cīvarakkhandhakavaṇṇanā niṭṭhitā.

9. Campeyyakkhandhaka

Kassapagottabhikkhuvatthukathā

380. Campeyyakkhandhake **Gaggarāya pokkharāṇiyā tīreti** Gaggarānāmikāya itthiyā kārītapokkharāṇiyā tīre. **Tantibaddhoti** tasmim āvāse kattabbatātanti paṭibaddho. **Ussukkampi akāsi yāguyāti-ādīsu** manussehi āgantukesu āgatesu ācikkheyyāthāti vuttaṭṭhāneyeva ussukkaṃ kātum vaṭṭati, na avuttaṭṭhāne. **Gaccha tvaṃ bhikkhūti** Satthā tassa bhikkhuno tattheva senāsanam sappāyanti addasa, tenevamāha.

382. **Adhammena vaggakammaṃ karontīti-ādīnaṃ** parato Pāḷiyāmyeva nānākaraṇam āgamissati.

385. **Aññatrāpi dhammā kammaṃ¹ karontīti aññatrāpi dhammaṃ** kammaṃ karonti. Ayameva vā pāṭho. Bhūtena vatthunā kataṃ dhammena kataṃ nāma hoti, tathā na karontīti attho. **Aññatrāpi vinayā kammaṃ, aññatrāpi Satthusāsanā kammanti** etesupi ese va nayo. Ettha pana **vinayoti** codanā ca saraṇā ca. **Satthusāsananti** ñattisampadā anussāvanasampadā ca, tāhi vinā kammaṃ karontīti attho. **Paṭikuṭṭhakatanti** paṭikuṭṭhañceva katañca, yaṃ aññesu paṭikkosantesu kataṃ, taṃ paṭikuṭṭhañceva hoti katañca, tādisampi kammaṃ karontīti attho.

387. **Chayimāni bhikkhave, kammāni adhammakammanti-ādīsu** pana **dhammoti** Pāḷiyā adhivacanam. Tasmā yaṃ yathāvuttāya Pāḷiyā na kariyati, taṃ adhammakammanti veditabbaṃ. Ayamettha saṅkhepo, vitthāro pana Pāḷiyāmyeva āgato. So ca kho ñattidutiyañatticatutthakammānaṃyeva vasena. Yasmā pana ñattikamme ñattidutiyañatticatutthesu viya hāpanam vā aññathā karaṇam vā natthi, apalokanakammañca sāvetvāva kariyati, tasmā tāni Pāḷiyam na dassitāni, tesam sabbesampi kammānam vinicchayam parato vaṇṇayissāma.

1. Aññatrāpi dhammakammaṃ (Sī)

Catuvaggakaraṇādīkathā

388. Idāni yadidaṃ chaṭṭhaṃ dhammena samaggakammaṃ nāma, taṃ yehi saṃghehi kātabbhaṃ, tesāṃ pabhedāṃ dassetuṃ **pañca saṃghāti**-ādi vuttaṃ. **Kammappattoti** kammaṃ patto, kammayutto kammāraho, na kiñci kammaṃ kātuṃ nārahatīti attho.

389. **Catuvaggakaraṇaṅce bhikkhave kammaṃ bhikkhunicatutthoti**-ādi parisato kammavipattidassanatthaṃ vuttaṃ. Tattha ukkhittakaggahaṇena kammanānāsāṃvāsako gahito, nānāsāṃvāsakaggahaṇena laddhinānāsāṃvāsako. **Nānāsīmāya ṭhitacatutthoti** sīmantarikāya vā bahisīmāya vā hatthapāse ṭhitenāpi saddhiṃ catuvaggo hutvāti attho.

393. **Pārivāsikacatutthoti**-ādi parivāsādīkammānaṃyeva parisato vipattidassanatthaṃ vuttaṃ, tesāṃ vinicchayaṃ parato vaṇṇayissāma.

394. **Ekaccassa bhikkhave saṃghamajjhe paṭikkosā ruhatīti**-ādi paṭikuṭṭhakatakammaṃ kuppākuppabhāvadassanatthaṃ vuttaṃ. **Pakatattassāti** avipannasīlassa pārājikaṃ anajjhāpanassa. **Ānantarikassāti** attano anantaraṃ nisinnassa.

Dvenissāraṇādīkathā

395. **Dvemā bhikkhave nissāraṇāti**-ādi vatthuto kammānaṃ kuppākuppabhāvadassanatthaṃ vuttaṃ. Tattha **appatto nissāraṇaṃ, tañce saṃgho nissāreti, sunissāritoti** idaṃ pabbājanīyakammaṃ sandhāya vuttaṃ. Pabbājanīyakammaṃ hi vihārato nissārenti, tasmā taṃ “nissāraṇā”ti vuccati. Tañcesa yasmā kuladūsako na hoti, tasmā āveṇikena lakkhaṇena appatto. Yasmā panassa ākaṅkhamāno saṃgho pabbājanīyakammaṃ kareyyāti vuttaṃ, tasmā sunissāritoti hoti. **Tañce saṃgho nissāretīti** sace saṃgho tajjanīyakammādivasena nissāreti, so yasmā tattha “tiṇṇaṃ bhikkhave bhikkhūnaṃ ākaṅkhamāno saṃgho tajjanīyakammaṃ kareyya, eko bhaṇḍanakārako hoti kalahakārako vivādakārako bhassakārako saṃghe adhikaraṇakārako, eko

bālo hoti abyatto āpattibahulo anapadāno, eko gihisaṃsaṭṭho viharati ananulomikehi gihisaṃsaggehī¹ti¹ evaṃ ekekenapi aṅgena nissāraṇā anuññātā, tasmā sunissārito.

396. **Osāraṇāti** pavesanā. Tattha **tañce saṃgho osāretīti** upasampadakammavasena paveseti. **Dosāritoti** du-osārito. Sahassakkhattumpi upasampādito anupasampannova hoti, ācariyupajjhāyā ca sātisārā, tathā seso kārakasaṃgho, na koci āpattito muccati. Iti ime ekādasa abhabbapuggalā dosāritā. Hatthacchinnādayo pana dvattiṃsa su-osāritā, upasampādītā upasampannāva honti, na te labbhā kiñci vattuṃ. Ācariyupajjhāyā pana kārakasaṃgho ca sātisārā, na koci āpattito muccati.

397. **Idha pana bhikkhave bhikkhussa na hoti āpatti daṭṭhabbāti-ādi** abhūtavatthuvaseṇa adhammakammaṃ bhūtavatthuvaseṇa dhammakammañca dassetuṃ vuttaṃ. Tattha **paṭinissajjitāti** paṭinissajjitabbā.

Upālipucchākathā

400. Upālipañhesupi vatthuvaseṇeva dhammādhmakammaṃ vibhattaṃ. Tattha dve nayā ekamūlako ca dvimūlako ca. Ekamūlako uttānoyeva. Dvimūlake yathā sativinayo² amūḷhavinayena saddhiṃ ekā pucchā katā, evaṃ amūḷhavinayādayopi tassapāpiyyasikādīhi. Avasāne pana **upasampadārahaṃ upasampādetīti** ekameva padaṃ hoti. Parato bhikkhūnampi sativinayaṃ ādiṃ katvā ekekena saddhiṃ sesapadāni yojetabbāni.

Tajjanīyakammakathā

407. **Idha pana bhikkhave bhikkhu bhaṇḍanakārakoti-ādi** adhammenavaggaṃ, adhammenasamaggaṃ, dhammenavaggaṃ, dhammapatirūpakenavaggaṃ, dhammapatirūpakenasamagganti imesaṃ vaseṇa cakkam bandhitvā tajjanīyādīsu sattasu kammesu paṭipassaddhīsu

1. Vi 4. 9 piṭṭhe.

2. Sativinayena (Sī)

ca vipattidassanattamaṃ vuttaṃ. Tattha **anapadā**noti apadānavirahito. Apadānaṃ vuccati paricchedo, āpattiparicchedavirahitoti attho. Tato paraṃ paṭikuṭṭhakatakammappabhedam dassetum sāyeva Pāḷi “akataṃ kamman”ti-ādīhi saṃsanditvā vuttā. Tattha na kiñci Pāḷi-anusārena na sakkā viditum, tasmā vaṇṇanaṃ na vitthārayimhāti.

Campeyyakkhandhakavaṇṇanā niṭṭhitā.

10. Kosambakakkhandhaka

Kosambakavivādakathā

451. Kosambakakkhandhake **taṃ bhikkhuṃ āpattiyā adassane ukkhipimsū**ti ettha ayamanupubbikathā—dve kira bhikkhū ekasmiṃ āvāse vasanti vinayadharo ca suttantiko ca, tesu suttantiko bhikkhu ekadivasam vaccakuṭim pavitṭho ācamana-udakāvasesam bhājane ṭhapetvāva nikkhami. Vinayadharo pacchā pavitṭho taṃ udakaṃ disvā nikkhamitvā taṃ bhikkhuṃ pucchi “āvuso tayā idaṃ udakaṃ ṭhapitan”ti. Āmāvusoti. Kiṃ tvaṃ ettha āpattibhāvaṃ na jānāsīti. Āma na jānāmīti. Hoti āvuso ettha āpattīti. Sace hoti, desessāmīti. Sace pana te āvuso asaṅcicca asatiyā kataṃ, natthi āpattīti. So tassā āpattiyā anāpattidiṭṭhi ahoṣi.

Vinayadharopi attano nissitakānaṃ “ayaṃ suttantiko āpattim āpajjamānopi na jānātī”ti ārocesi. Te tassa nissitake disvā “tumbhākaṃ upajjhāyo āpattim āpajjitvāpi āpattibhāvaṃ na jānātī”ti āhaṃsu. Te gantvā attano upajjhāyassa ārocesuṃ. So evamāha “ayaṃ vinayadharo pubbe anāpattī”ti vatvā “idāni āpattī”ti vadati, musāvādī esoti. Te gantvā “tumbhākaṃ upajjhāyo musāvādī”ti evaṃ aññamaññaṃ kalahaṃ vaḍḍhayimsu. Tato vinayadharo okāsaṃ labhitvā tassa āpattiyā adassane ukkhepanīyakammaṃ akāsi. Tena vuttaṃ “taṃ bhikkhuṃ āpattiyā adassane ukkhipimsū”ti.

453. **Bhinno bhikkhusaṃgho bhinno bhikkhusaṃgho**ti ettha na tāva bhinno, apica kho yathā deve vuṭṭhe idāni sassaṃ nipphannanti vuccati, avassaṃ hi taṃ nipphajjissati, evameva iminā kāraṇena āyatim avassaṃ bhijjissati, so ca kho kalahavasena, na saṃghabhedavasena, tasmā “bhinno”ti vuttaṃ. Sambhama-atthavasena cettha āmeḍitaṃ veditabbaṃ.

454. **Etamatthaṃ bhāsivā uṭṭhāyāsanaṃ pakkāmi**ti kasmā evaṃ bhāsivā pakkāmi? Sace hi Bhagavā ukkhepake vā “akāraṇe¹ tumhehi so bhikkhu ukkhitto”ti vadeyya, ukkhittānūvattake vā “tumhe āpattiṃ āpannā”ti vadeyya, “etesaṃ Bhagavā pakkho etesaṃ Bhagavā pakkho”ti vatvā āghātaṃ bandheyyum, tasmā tantimeva ṭhapetvā etamatthaṃ bhāsivā uṭṭhāyāsanaṃ pakkāmi.

455. **Attanā vā¹ attānanti** ettha yo saṃghena ukkhepanīyakatānaṃ adhammavādīnaṃ pakkhe nisinno “tumhe kiṃ bhaṇṭhā”ti tesaṅca itaresaṅca laddhiṃ sutvā “ime adhammavādino, itare dhammavādino”ti cittaṃ uppādeti, ayaṃ tesaṃ majjhe nisinnova tesaṃ nānāsaṃvāsako hoti, kammaṃ kopeti. Itaresampi hatthapāsāṃ anāgatattā kopeti. Evaṃ attanā vā² attānaṃ nānāsaṃvāsakaṃ karoti. **Samānasaṃvāsakanti** etthāpi yo adhammavādīnaṃ pakkhe nisinno “adhammavādino ime, itare dhammavādino”ti tesaṃ majjhaṃ pavisati, yattha vā tattha vā pana pakkhe nisinno “ime dhammavādino”ti gaṇhāti, ayaṃ attanā vā² attānaṃ samānasaṃvāsakaṃ karotīti veditabbo.

456. **Kāyakammaṃ vacīkammanti** ettha kāyena paharantā kāyakammaṃ upadaṃsenti, pharusāṃ vadantā vacīkammaṃ upadaṃsentīti veditabbā. **Hatthaparāmāsaṃ karontīti** kodhavasena hatthehi aññamaññaṃ parāmasanaṃ karonti. **Adhammiyāyamāneti³** adhammiyāni kiccāni kurumāne. **Asammodikā vattamānāyāti** asammodikāya vattamānāya. Ayameva vā pāṭho, sammodanakathāya avattamānāyāti attho. **Ettāvatā na aññamaññaṃ** ettha dve pantiyo katvā upacāraṃ muñcitvā nisīditabbaṃ, dhammiyāyamāne pana sammodikāya vattamānāya āsanantarikāya nisīditabbaṃ, ekekaṃ āsanaṃ antaraṃ katvā nisīditabbaṃ.

457-458. **Mābhaṇḍananti**-ādīsu akatthāti pāṭhasesaṃ gahetvā mā bhaṇḍanaṃ akatthāti evamattho daṭṭhabbo. **Adhammavādīti** ukkhittānūvattakesu aññataro. Ayaṃ pana bhikkhu Bhagavato atthakāmo, ayaṃ kirassa

1. Akāraṇena (Syā)

2. Attanāva (sabbattha)

3. Adhammiyamāneti (bahūsu)

adhippāyo “ime bhikkhū kodhābhibhūtā Satthu vacanaṃ na gaṇhanti, mā Bhagavā ete ovadanto kilamitthā”ti. Tasmā evamāha. Bhagavā pana “pacchāpi saññaṃ labhitvā oramissanti”ti tesam̐ anukampāya atītavatthum āharitvā kathesi. Tattha **anattatoti** anatto ato, etasmā me¹ purisā anattoti vuttaṃ hoti. Atha vā anattatoti anattado. Sesam̐ pākaṭameva.

464. **Puthusaddoti**-ādigāthāsu pana puthu mahā saddo assāti **puthusaddo**. **Samajanoti** samāno ekasadisō jano, sabbo cāyaṃ bhaṇḍanakāraḱo jano samantato saddanicchāraṇena puthusaddo ceva sadiso cāti vuttaṃ hoti. **Na bālo koci maññithāti** tattha koci ekopi ahaṃ bāloti na maññittha, sabbepi paṇḍitamāninoyeva. **Nāññaṃ bhiyyo amaññaṃ** koci ekopi ahaṃ bāloti ca na maññittha, bhiyyo ca saṃghasmim̐ bhijjamāne aññaṃpi ekaṃ mayhaṃ kāraṇā saṃgho bhijjatīti, idaṃ kāraṇaṃ na maññitthāti attho.

Parimuṭṭhāti parimuṭṭhassatino. **Vācāgocara bhāṇino**ti rākārassa rassādeso kato, vācāgocaraṃ na satipaṭṭhānādigocaraṃ, bhāṇino ca, kathaṃ bhāṇino? **Yāvicchanti mukhāyāmaṃ** yāva mukhaṃ pasāretum̐ icchanti, tāva pasāretvā bhāṇino, ekopi saṃghagāravena mukhasaṅkocaṃ na karotīti attho. **Yena nītāti** yena kalahena imaṃ nillajjabhāvaṃ nītā. **Na taṃ vidūti** na taṃ jānanti “evaṃ sādīnavo ayan”ti.

Ye ca taṃ upanayhantīti taṃ “akkocchi maṃ avadhi man”ti²ādikaṃ ākāraṃ ye ca upanayhanti. **Sanantanoti** porāṇo.

Pareti paṇḍite ṭhapetvā tato aññaṃ bhaṇḍanakāraḱā pare nāma. Te ettha saṃghamajjhe kalahāṃ karontā “mayaṃ yamāmasa upayamāma³ satataṃ samitaṃ maccusantikaṃ gacchāmā”ti na jānanti. **Ye ca tattha vijānantīti** ye tattha paṇḍitā “mayaṃ maccusamīpaṃ gacchāmā”ti vijānanti.

1. Mama (Sī)

2. Akkocchi ayaṃmanti (Ka)

3. Upamāma (Syā), upayamāma nassāma (Sī)

Tato sammanti medhagāti evañhi te jānantā yonisomanasikāraṃ uppādetvā medhagānaṃ kalahānaṃ vūpasamāya paṭipajjanti.

Aṭṭhicchinnāti ayaṃ gāthā Brahmadattañca Dīghāvukumārañca sandhāya vuttā. Tesampi hoti saṅgati, kasmā tumhākaṃ na hoti, yesaṃ vo neva mātāpitūnaṃ aṭṭhīni chinnāni, na pāṇā hatā, na gavāssadhanāni haṭṭhānīti.

Sace labhethāti-ādigāthā paṇḍitasahāyassa ca bālasahāyassa ca vaṇṇāvaṇṇadīpanatthaṃ vuttā. **Abhibhuyya sabbāni parissayānīti** pākaṭaparissaye ca paṭicchannaparissaye ca abhibhavitvā tena saddhim attamano satimā careyya.

Rājāva raṭṭhaṃ vijitanti yathā attano vijitaṃ raṭṭhaṃ Mahājanakarājā ca Arindamamahārājā ca pahāya ekekā carimsu, evaṃ careyyāti attho.

Mātaṅgaraññeva nāgoti Mātaṅgo araññe nāgo va. **Mātaṅgoti** hatthī vuccati. **Nāgoti** mahantādhivacanametam, yathā hi mātuposako Mātaṅganāgo araññe eko cari, na ca pāpāni akāsi. Yathā ca Pālileyyako, evaṃ eko care, na ca pāpāni kayirāti vuttam hoti.

Pālileyyakagamanakathā

467. **Pālileyyake viharati rakkhitavanasañḍeti** Pālileyyakaṃ upanissāya rakkhitavanasañḍe viharati. **Hatthināgoti** mahāhatthī. **Hatthikaḷabhehīti** hatthipotakehi. **Hatthicchāpehīti** khīrūpakehi daharapotakehi. **Chinnaggānīti** tehi purato purato gacchantehi chinnaggāni khāyitāvasesāni khāṇusadisāni tiṇāni khādanti. **Obhaggobhagganti** tena hatthināgena uccaṭṭhānato bhañjivā bhañjivā pātitaṃ. **Assa sākhabhaṅganti** etassa santakaṃ sākhabhaṅgaṃ te khādanti. **Āvilānīti** tehi paṭhamataraṃ otarivā pivantehi ālulitāni kaddamodakāni pivati. **Ogāhāti** titthato.

Nāgassa nāgenāti hatthināgassa Buddhanāgena. **Īsānantassāti** ratha-īsāsadisadantassa. **Yadeko ramatī vaneti** yasmā Buddhanāgo giya ayampi hatthināgo eko pavivitto vane ramati, tasmāssa

nāgassa nāgena cittaṃ sameti, ekībhāvaratiyā ekasadisaraṃ hotīti attho.

Yathābhirantaṃ viharitvāti ettha temāsaṃ Bhagavā tattha vihāsīti veditabbo. Ettāvataṃ Kosambakehi kira ubbāḷho Bhagavā temāsaṃ araṇṇaṃ pavisitvā vasīti sabbattha kathā patthaṭā ahoṣi.

Atha kho kosambakā upāsakāti atha kho imaṃ kathāsallāpaṃ sutvā Kosambivāsino upāsakā.

Aṭṭhārasavattukathā

468. **Adhammaṃ dhammoti-ādīni aṭṭhārasa bhedakaravattūni** saṃghabhedakakkhandhake vaṇṇayissāma. ()¹

475. **Taṃ ukkhittakaṃ bhikkhuṃ osāretvāti** taṃ gahetvā sīmaṃ gantvā āpattiṃ desāpetvā kammavācāya osāretvā. **Tāvadeva uposathoti** taṃdivasameva Uposathakkhandhake vuttanayeneva sāmaggī-uposatho kātabbo.

476. **Amulā mūlaṃ gantvāti** na mūlā mūlaṃ gantvā, taṃ vatthum avinicchinitvāti attho. **Ayaṃ vuccati Upāli saṃghasāmaggī atthāpetā** **byañjanūpetāti** atthato apagatā, “saṃghasāmaggī”ti imaṃ pana byañjanamattam upetā.

477. **saṃghassa kiccesūti** saṃghassa karaṇīyesu uppannesu. **Mantanāsūti** vinayamantanāsu. **Atthesu jātesūti** vinaya-atthesu uppannesu. **Vinicchayesūti** tesāmyeva atthānaṃ vinicchayesu. **Mahatthikoti** mahā-upakāro. **Paggahārahoti** paggaṇhitum yutto.

Anānuvajjo paṭhamena sīlatoti-ādimhiyeva tāva sīlato na upavajjo. **Avekkhitācāroti** apekkhitācāro, ālokite vilokite sampajānakārīti-ādinaṃ nayena upaparikkhitācāro. Aṭṭhakathāsu pana “appaṭicchannācāro”ti vuttaṃ.

1. (Ādāyanti laddhigahaṇaṃ. Vivittanti suññaṃ.) (Syā, Ka)

Visayhāti abhibhavitvā. **Anuyyutaṃ bhaṇanti** anuññātaṃ¹ anapagataṃ bhaṇanto. Yasmā hi so anuyyutaṃ bhaṇati, usūyāya vā agatigamanavasena vā kāraṇāpagataṃ na bhaṇati, tasmā atthaṃ na hāpeti. Usūyāya pana agatigamanavasena vā bhaṇanto atthaṃ hāpeti, kāraṇaṃ na deti. Tasmā so parisagato chambhati ceva vedhati ca. Yo īdiso na hoti, ayaṃ “paggahāraho”ti dasseti.

Kiñca bhiyyo “tatheva pañhan”ti gāthā, tassattho—yathā ca anuyyutaṃ bhaṇanto atthaṃ na hāpeti, tatheva parisāya majjhe pañhaṃ pucchito samāno na ceva pajjhāyati, na ca maṅku hoti. Yo hi atthaṃ na jānāti, so pajjhāyati. Yo vattuṃ na sakkoti, so maṅku hoti. Yo pana atthañca jānāti, vattuñca sakkoti, so na pajjhāyati, na maṅku hoti. **Kālāgatanti** kathetabbayuttakāle āgataṃ. **Byākaraṇārahanti** pañhassa atthānulomatāya byākaraṇānucchavikaṃ. **Vacoti** vadanto, evarūpaṃ vacanaṃ bhaṇantoti attho. **Raṅjetīti** toseti. **Viññūparisanti** viññūnaṃ parisāṃ.

Ācerakamhi ca saketi attano ācariyavāde. **Alaṃ pametunti** vīmaṃsitum taṃ taṃ kāraṇaṃ paññāya tulayitum samattho. **Paguṇoti** kataparicayo laddhāsevāno. **Kathetave**ti kathetabbe. **Viraddhikovidoti** viraddhaṭṭhānakusalo.

Paccatthikā yena vajantīti ayaṃ gāthā yādise kathetabbe paguṇo, taṃ dassetuṃ vuttā. Ayaṃ hettha attho—yādisena kathitena paccatthikā ca niggahaṃ gacchanti, mahājano ca saññāpanaṃ gacchati, saññattim avabodhanaṃ gacchatīti attho. Yañca kathento sakaṃ ādāyaṃ attano ācariyavādaṃ na hāpeti, yasmim vattusmim adhikaraṇaṃ uppannaṃ, tadanurūpaṃ anupaghātakaraṃ pañhaṃ byākaramāno tādise kathetabbe paguṇo hotīti.

Dūteyyakammesu alanti aṭṭhahi dūtaṅgehi samannāgatattā saṃghassa dūteyyakammesu samattho. Suṭṭhu uggaṇhātīti **samuggaho**. Idaṃ vuttam

1. Anuññuttaṃ (Syā)

hoti—yathā nāma āhunam āhutipiṇḍam samuggaṇhanti, evam pītisomanassajāteneva cetasā saṅghassa kiccesu samuggaho, saṅghassa kiccesu tassa tassa kiccassa paṭiggāhakoti attho. **Karam vacoti** vacanam karonto. **Na tena maññatī** tena vacanakaraṇena “aham karomi saṅghabhāram nittharāmī”ti na mānātimānam jappeti.

Āpajjati yāvatakesu vatthūsūti yattakesu vatthūsu āpattim āpajjamāno āpajjati¹. **Hoti yathā ca vuṭṭhitī**² tassā ca āpattiyā yathā vuṭṭhānam hoti. **Ete vibhaṅgāti** yesu vatthūsu āpajjati, yathā ca vuṭṭhānam hoti, imesam atthānam jotakā ete vibhaṅgā. **Ubhayassāti** ubhaye assa. **Svāgatāti** suṭṭhu āgatā. **Āpattivuṭṭhānapadassa kovidoti** āpattivuṭṭhānakāraṇakusalō.

Yāni cācaranti yāni ca bhaṇḍanakāraṇādīni ācaranto tajjanīyakammādivasena nissāraṇam gacchati. **Osāraṇam taṃvusitassa jantunoti** tam vattam vusitassa jantuno yā osāraṇā kātabbā, etampi jānāti. Sesam sabbattha uttānamevāti.

Kosambakakkhandhakavaṇṇanā niṭṭhitā.

Samantapāsādikāya Vinayasamvaṇṇanāya

Mahāvaggavaṇṇanā samattā.

Mahāvagga-aṭṭhakathā niṭṭhitā.

1. Āpajjitā hoti (Sī), āpatti hoti (Ka)

2. Vuṭṭhātī (Sī, Ka)

Pācityādi-aṭṭhakathāya

Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akkantassa	168	Acchibaddham	408
Akkanāḷam	416	Ajinappaveṇī	369
Akkhantiyā	189	Ajjhesanaṃ	244
Akaṭayusaṃ	374	Añjanūpapisanehi	373
Akaṭānudhammena	139	Añjanaṃ	373
Akappakatena	392	Aññatitthiyā	317
Akappiyakataṃ	95	Aññadatthikena	192
Akālamegho	239	Aññamaññānulomā	356
Akiñcanaṃ	176	Aññavādake	35
Akitti	176	Aññāṇatāya	141
Aggaḷaṭṭhapanāya	49	Aññātakaraṃ	347
Aggaḷam	409	Aññātum	16
Agāmake	186, 333	Aññissā mātugāmassa	17
Aggikā	276	Aññuddisikena	192
Aṅgajātaṃ chupanti	368	Aññenaññaṃ paṭicarati	2, 34
Aṅgavāto	373	Aññaṃ byākaronti	366
Aṅgārakāsūpamā	139	Aṭṭhacchinnā	434
Aṅgulipatodakena	128	Aṭṭhikaṅkalūpamā	139
Aṅguliphotesuṃ	378	Aṭṭhitā hoti	265
Accayo	16	Aṭṭhimkatvā	146
Accāvadati	198	Aḍḍhakāsiyaṃ	401
Acittīkataṃ	5	Aḍḍhakuṣi	408
Acīvarakā	307	Aḍḍhamaṇḍalaṃ	408
Acchakañjīyaṃ	374	Aḍḍo	180
Acchanti	356	Atthatakathinānaṃ vo	388
Acchinnacīvarikāya	205	Atthapurekkhāro	6

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Atthikehi upaññātaṃ maggaṃ	255	Antarā ca Gayāṃ	245
Atthūpasañhito	8	Antarākathā	75
Atikkantavarā	401	Antarāyiko	317
Atipakkhittamajjāni	373	Antarāye	211
Atha kocarahi	254	Antarārāmaṃ	124, 154
Athassa kaṅkhā vapayanti	236	Antaraṃ	414
Adaḍḍhāpi	21	Antalikkhacaro	248
Adiṭṭhaṃ abbhātitaṃ	256	Anatirittaṃ	95
Adiṭṭhaṃ diṭṭhaṃ me	2	Antevāsī	152
Adinnaṃ	109	Antovutthaṃ	375
Aduṭṭhullaṃ āpattiṃ	20, 135	Andhakavindā	331
Adhammakamme	66	Andhamūgā	313
Adhammiyāyamāne	432	Andho	313
Adhammenavaggaṃ	338	Anantarāyikiṇī	205
Adhigamasaddhammo	144	Ananubodhā	378
Adhikāraṃ me	398	Ananulomikena	188
Adhicitte	274	Anapadāno	430
Adhicetaso	67	Anabbhakkhātukāmā	378
Adhipaññāya	274	Anabhiraddho	275
Adhisīle	274	Anariyavohārā	2
Adhogāminiṃ	74	Analasā	173
Adhojāṇumaṇḍalam	175	Anvakkharaṃ	7
Anacchariyā	243	Anvaddhamāsaṃ	59, 146
Anajjhitaṭṭhā	339	Anvādhikampi	410
Anaññathābhāviṃ	254	Anassāsako	128
Anaññaneyyaṃ	254	Anākappasampannā	257
Anatthato	433	Anācāraṃ	34, 97, 121
Antaka	248	Anāpucchā	224
Antaraṭṭhakāsu	409	Anāpucchāṃ	43
Antaradhāyati	68, 364	Anāmayā	410

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anāvāso	348	Appaṭighamaṁsantena	261
Anāhaṭe	166	Appaṭibalo	265
Anukkhepo	406	Appaṭivekkhitvā	376
Anuccāritakatam	95	Appatissā	7
Anuddhamṁsenti	148	Appadīpe	202
Anupakhajja seyyam	45	Appanigghosaṁ	255
Anupajjhāyako	307	Appamajjato	67
Anupadam	7	Appassuto	271, 285
Anupadhikaṁ	254	Appasaddo	163
Anupariveṇiyam	330	Appaharite	50, 171
Anupasampannassa	147-8	Appākiṇṇam	255
Anupahacca	253	Apāpuretam	243
Anuposathe	348	Apārutā	244
Anubyañjanam	7, 56	Apamāro	278
Anuyuñjyamāno	360	Apaloketha	378
Anuyyutam bhaṇam	436	Apparajakkhajātikā	243
Anulomapaṭilomaṁ	235	Aparajjugatāya	349
Anuvātam paribhaṇḍam	410	Aparaṇṇam	199
Anuviccekāram	378	Aparikkhittassa	152, 184
Anuvi vaṭṭam	408	Appasakka	158
Anusāsani	263	Apasakkantī	77
Anusāsani purekkhāro	6	Aputtakatāya	257
Anokāsakatam	228	Apekkhavati	174
Anodissa	77, 228	Apehi	157
Anovaṭo	66	Appossukkatāya	243
Apaññattena	129	Abbhuyyāto	125
Apaññatto	349	Abyattā	265
Apanidhenti	132	Abyāpajjādhimutto	366
Appakatañño	128	Abījam	375
Appaṭiggahitakatam	95	Abhayūvarā	279

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Abhi	48	Avaṇṇo	176
Abhikkamanīyam	255	Avacāni	274
Abhijānātha me no	246	Avaruddhā honti	159
Abhijīvanikassa	368	Avassikasaṅkete	37
Abhidosakālamkato	245	Avassutā	174, 177
Abhidhamme	271	Avekkhitācāro	435
Abhinisīdati vā abhinipajjati vā	46	Asaṅkamanīyā	368
Abhivinaye	271	Asaṅketena	330
Abhisatā	396	Asanam paññāyati	88
Abhisannakāyo	374	Asamādānacāro	388
Abhisapeyya	204	Asammodikā vattamānāya	432
Abhihaṭṭhum pavāreyya	97	Asabhāgavuttikā	7
Abhiharati	88, 92	Asaddhammo	178
Amajjam ariṭṭham	127	Assavanatā	248
Amatamadhigatam	246	Asātānam	135
Amatassa dvārā	244	Assāvo	156
Ambakāya	378	Assāsakā	254
Ambapānam	383	Asisūnūpamā	139
Amissikātam	366	Asesavirāganirodhā	235
Ayyavosaṭṭitakāni	108	Asamvihitā	362
Ayaso	176	Ahatakappānam	409
Araṇike	154	Ahatena	391, 393
Alajjitāya	141	Ahimamsam	376
Alattham	370	Ahivātakarogena	285
Alam	173, 263, 436	Aḷacchinno	308
Avakaṇṇakā	5	Aṃsabaddhako	373
Avagaṇḍakārakam	166	[Ā]	
Avajānitvā paṭijānāti	1	Ākāro	347
Avaññātam	5	Ākirantepi	164
Avaṇṇe bhaññamāne	275	Āgame juṇhe	349, 362

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Ācāragocarasaṃpanno	54	Ālayasammuditā	243
Ācerakamhi	436	Ālokasandhi	50
Ājānissati	245	Ālokasandhikaṇṇabhāgā	261
Ātāpino	236	Āvatto bāhullāya	246
Ādissa ādissa	145	Āvasathadvāre	16
Ādissa dinnam	190	Āvasathapiṇḍo	76
Ādissa deti	425	Āvahāpeyyum	151
Ānantarikassa	428	Āvāpako	384
Ānisamsam	206, 207, 208	Āvilāni	434
Āneñjappattam	366	Āsandī	369
Āpattivuṭṭhānatā	356	Āsanam	57
Āpattisāmantā bhaṇa- māno	259	Āsādanāpekkho	97
Āpadāsu	47, 74, 124, 125	Āhañchaṁ amatadundubhim	246
Āpannasattā	219	Āharahattho	253
Āpuccham gacchati	42, 44	Āhāratthañca phareyya	372
Ābādhapaccayā	196, 197, 199	Āhundarikā	211
Ābharaṇam omuñcitvā	152	[I]	
Āmakamaṁsañca khādi	373	Ṇāyiko	280
Āmattikāpaṇam	190	Ittaro	285
Āmisakhāram	374	Itthantarena	369
Āmisantaro	414	Itthiyuttana	369
Āraññikā	387	Itarītarenāpi	401
Ārādhako	273, 275	Iddho	53
Ārāpathe ārāpathe	71	Idappaccayatā	
Ārāmam	159, 212	paṭiccasamuppādo	243
Ālapito	410	Idha	145
Ālayaratā	243	Iriyāya	246
Ālayarāmā	243	Issariyādhipaccam	364
		Issāpakatā	209

Padānukkamo	Piṭṭhaṅko	Padānukkamo	Piṭṭhaṅko
[I]		[U]	
Issāso hoti	132	Utukālaṃ	411
Isibhāsito	8	Utuddhaṭṭānaṃ	409
[Ī]		Udakakoṭṭhakaṃ	373
Īsādentassa	434	Udakacikkhalle	387
[U]		Udakasaṅgahe	387
Ukkapiṇḍakāpi	375	Udakukkhepo	334
Ukkalā	241	Udake hasadhamme	128
Ukkuṭṭikāya	164	Udaggo	275
Ukkoṭṭenti	134	Uddalomī	369
Ukkhattakāya	163	Udarassa kāraṇā	18
Uklāpo	259	Udānaṃ udānesi	237
Uggirati	148	Uddissa kataṃ	379
Uccāni	274	Uddissamāne	145-6
Uccāvācāni	274, 402	Uddekaṃ dassati	399
Uccāsayanaṃ	369	Uddeso	263
Uccinitvā	405	Uddeso nāma	347
Ucce āsane	170	Udositaṃ	180
Ujjagghikāya	163	Uddhaṃ gāminim	74
Ujjavujjave	213	Undriyati	351
Ujjhāpenti	36	Upakaṭṭhāya	353
Ujjhitvā	403	Upacāre	46
Uññāya	189	Upaṭṭhānasālā	43
Uttiṭṭhapattaṃ	258	Upadahanti	148
Uttamadamathasamathaṃ	370	Upanaddho bhikkhu	97
Uttarattharaṇaṃ	41	Upanikkhipitvā deti	121
Uttaritukāmo	406	Uparigoppake	128
Uttaridirattatirattaṃ	11	Uparipāsādavaragato	151
Uttasanto	128	Uparipāsādepi	325
		Uparibhojane	250
		Uparivehāsakuṭiyā	48

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Upalāpeyya	140	Uḷāraṃ	384
Uppaliniyaṃ	244	Uḷumpaṃ	377
Upasantassa	67	[E]	
Upasampannasamanantarā	265	Ekakammaṃ	218
Upassayo na sammati	225	Ekacciyaṃ	409
Upassutiṃ	149	Ekantalomī	369
Upasaṃharatha	378	Ekato-avassute	187
Uposathapucchakaṃ	59	Ekato upasampannāya	57, 69
Ubbhakkhakaṃ	175	Ekattako	376
Ubbhajāṇumaṇḍalaṃ	174	Ekattaraṇapāvuraṇā	209
Ubbhidaṃ	372	Ekapalāsikaṃ	366
Ubhatopasannaṃ	158	Ekapallaṅkena	234
Ubhatolohita- kūpadhānaṃ	370	Ekādhippāyaṃ	413
Ummattakassa	48	Etamatthaṃ viditvā	239
Uruvelāyaṃ	234	Etasmiṃ nidāne	382
Uyyānaṃ	212	Eragū moragū majjārū jantū	370
Uyyuttaṃ	125	Evarūpaṃ bhāsitametaṃ	246
Uyyojetvā	253	Evaṃ byākho	139
Uyyodhikaṃ	126	Evaṃvādī mahāsamaṇo	256
Ullikhitamattena	391	Esāhaṃ bhante	254
Ullumpatu maṃ	265, 315	Eseva dhammo yadi tāvadeva	256
Ussayavādikā	180	Ehibhikkhūpasampadā	246
Ussannaṃ hoti	405	[O]	
Ussahasi tvaṃ	408	Okapuṇṇehi	387
Ussāriyittha	123	Okāro	379
Ussāretvā	260, 399	Okiriyanti	410
Ussāvanantikaṃ	379	Okkhittacakkhu	163
Usūre āhariyittha	84	Okkhipitvā	16
Uḷārasambhāvītā	209		

Padānukkamo	Piṭṭhaṅko	Padānukkamo	Piṭṭhaṅko
[O]		[Ka]	
Ogaṇena	285	Kaṅgu	89
Ogāhā	434	Kacci no sā	176
Ogāhetvā mārenti	368	Kaṭākaṭaṃ	374
Oguṇṭhitasāsassa	169	Kaṭṭissaṃ	369
Ogupphiyanti	370	Kaṭukānaṃ	135
Oññātaṃ	5	Kaṇḍaracchinno	308
Otāpento	42	Kaṇḍupaṭicchādi	156
Odahatha bhikkhave sotāṃ	246	Kaṇḍusakaraṇamattena	391
Odissa paññatto hoti	78	Kaṇḍū	156
Opānabhūtaṃ	379	Kaṇhuttarā	370
Obhaggobhaggaṃ	434	Kattarasuppe	396
Obhoge	260	Katikāya	419
Omaddanti	408	Kantitasuttaṃ	213
Omasanti	4	Katimī	341
Omukko	168	Kathañhi nāma	18
Orako	151	Kathāyaṃ nasseyya	129
Oloketha	378	Kathetave	436
Ovaṭṭikaṃ	410	Kadalīmigaṇapavarapaccattha-	
Ovaṭṭiyakaraṇamattena	391	raṇaṃ	369
Ovaṭo	66	Kapallaṃ	373
Ovaṭṭhaṃ hoti	37	Kambalamaddanamattena	392
Ovaddhēyakaraṇamattena	392	Kabaḷikaṃ	374
Ovādāya	217	Kammappatto	428
Ovādo	263	Kamalapādukā	368
Osāraṇā	429	Kammārabhaṇḍu	284
Osāraṇaṃ taṃ vusitassa		Kammiyā	137
jantuno	437	Kayena	191
Osārentaṃ opāteti	10	Karaḷe karaḷe	51
Osāretabbo	57	Kalaho	6
Ohāya	316	Kalisāsaṇaṃ	122
		Kallaṃ vacanāya	361

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kalyāṇavāco	56	Kisakovadāno	253
Kalyāṇavākkaraṇo	56	Kismiṁ viya	86
Kavāṭapiṭṭhaṁ	261	Kukkukakena	392
Kassa sampannaṁ na manāpaṁ	106	Kukkuccāyanto	77
Kasāhato	280	Kukkuṭasampādo	72
Kākacchamānā	10	Kuṭigehepi	325
Kākuḍḍepakaṁ	285	Kuṭṭhaṁ	277
Kākoravasaddaṁ	88, 379	Kuṇī	312
Kāṭaṁ	5	Kuttakaṁ	369
Kāṇo	312	Kumbhathūṇikā	207
Kāpotikā	126	Kuraraghare	370
Kāyapaṭibaddhena kāyaṁ	109, 174	Kulamaccharinī	217
Kārabhedako	279	Kulassa avaṇṇaṁ	217
Kāraṁ bhinditvā	279	Kulaṁ	379
Kālaṅkate	414	Kullaṁ	377
Kālavato	341	Kusi	408
Kālāgataṁ	436	Kuḷīrapādako	39
Kulupacchedāya	257	Kenacideva karaṇīyena	364
Kāsāyavatthavasanaṁ	56	Kevalassa	235
Kāsāvaṭo	216	Kesaggamattampi	197
Kāḷaṅjanaṁ	373	Kesamissaṁ	253
Kāḷaloṇaṁ	372	Kokanadaṁ	167
Kintāyaṁ bhikkhu	265	Koṭacikā	5
Kinti nu kho	261	Koṭṭhakakammaṁ	5
Kimpimāya	376	Kolāhalaṁ akāsi	405
Kimpimāyaṁ	398	Koseyyaṁ	369
Kiro	84	Koḷiviso	364
Kilaṅjacchattaṁ	167	Kaṁsanīlaṁ	131
Kilāso	278	Kyāhaṁ	152, 174

Padānukkamo	Piṭṭhaṅko	Padānukkamo	Piṭṭhaṅko
[Kha]		[Ga]	
Khañjo	312	Gāmo	26
Kharānaṃ	135	Giraggasamajjo	98
Khallakabaddhā	367	Girā	2
Khārikājaṃ	253	Gilānātirittāṃ	97
Khiyyanti	36	Gilānāya	203, 214, 228
Khujjo	309	Gilānassa	159, 162
Khuddānukhuddakehi	146	Gilānassa guḷaṃ	377
Khumṣenti	4	Gilānupaṭṭhākānaṃ dātumaṃ	414
Khumsetukāmo	5	Gilānaṃ paṭivedeeyyaṃ	396
[Ga]		Gīveyyakaṃ	408
Gaggarāya pokkharāṇiyā	427	Guttāṃ	370
Gaṅgāmahiyāya	369	Guḷāsavo	127
Gaṇḍo	277	Geruko	373
Gaṇanā	5	Gokaṇṭakahatā	370
Gaṇabhojane	79	Gottenapi anussāvetumaṃ	315
Gaṇaṃ vā	183	Gonako	369
Gaddhabādhipubbo	138	Gonisādikā	380
Gandhagandhinī	16	[Gha]	
Gandhavaṇṇakena	227	Gharaṇī	16
Garudhammehi	57	Gharasuṇhā	16
Garudhammaṃ	56	Gharadinnakābādho	374
Garupāvuraṇaṃ	193	Gharaṃ	157
Garumkatvā	58	[Ca]	
Galagaṇḍī	309	Cakkhukaraṇī	246
Gahapati	380	Catukkaṃsaparamaṃ	193
Gahapaticīvaraṃ	401	Catuddisā	242
Gāmantare gāmantare	74	Catubhittiyaleṇepi	325
Gāmasīmā	333	Caturaṅgulomako	156
Gāmūpacāro	331		

Padānukkamo	Piṭṭhaṅko	Padānukkamo	Piṭṭhaṅko
[Ca]		[Cha]	
Cattena	395	Chinnaggāni	434
Candanaṁ	373	Chinniriyāpatho	313
Dhammakhaṇḍo	41	[Ja]	
Carāṇagilānā	174	Jaṅgheyyakam	408
Cittakā	369	Jaṭilakā	276
Cittāgāraṁ	212	Jatumaṭṭhake	197
Citrā	367	Jambupānaṁ	383
Cimilikā	41	Jarādubbalā	174
Cirappaṭikā	253	Jarādubbalo	313
Cirāciraṁ gacchati	197	Jātassare	336
Cīvaranidahakaṁ	403	Jātā ca pathavī	
Cīvaravikalakaṁ	407	ajātā ca pathavī	20
Cīvaravicāraṇamattena	391	Jānaṁ	45, 97
Cuṇṇaṁ sannetabbaṁ	260	Jivhānicchāraṇakam	166
Cetāpetvā	192	Jiridanti	379
Cocapānaṁ	383	Jīvitā voropitā	132
Corakathā	153	Jegucchaṁ me sappi	399
[Cha]		Jotikepi	130
Chakaṇena	407	[Jha]	
Chakaṇaṁ	372	Jhāyato	236
Chaḍḍitakhette	200	[Ña]	
Chandakaṁ	192	Ñātamanussānaṁ	378
Chandāgatiṁ gacchati	402	Ñātisālohitā devatā	241
Chapakassa	169	[Tha]	
Chapakī	169	Ṭhitaṁ	366
Chappañcavācāhi	16	[Da]	
Chamāyaṁ nisinnena	169	Dākarasaṁ	383
Chavakuṭikāyaṁ	354	Dāmsā	135
Chahākārehi āpajjati	141		
Chāyā metabbā	316		

Padānukkamo	Piṭṭhaṅko	Padānukkamo	Piṭṭhaṅko
[Ta]		[Ta]	
Taka takapatti takapaṇṇiyo	372	Tedha bahū bhikkhū	145
Taṭṭikam	41	Tena cattamano ahu	4
Taṇhakkhaye vimutto	245	Tesañca yo nirodho	256
Tantibaddho	427	Tesaṃ hetuṃ	256
Tatrupāyāya	173, 274	Tuṭṭhassa	240
Tatrāyaṃ sammāvattanā	258	Tunnaṃ	409
Tatthajātakam	160	Tuyheva bhikkhu	411
Tathārūpapaccayā	130	Tulayitvā	405
Tadamantarā	356	Tūlapuṇṇikā	367
Tadahupaṭiggahitaṃ	385	Tūlikā	369
Tamokhandhena āvuṭā	243	Tūlonaddham	155
Talaghātake	196	Taṃ vo	241
Talasattikaṃ uggiranti	148	[Tha]	
Tādino	67, 366	Thullakacchu vā ābādho	156
Tāvatiṃsehi	377	Thullakumārikā	273
Tāvadeva	316, 435	Thūpakato	165
Tāyaṃ velāyaṃ	236	Therādhikaṃ	340
Tikkhindriyā	244	Therā bhikkhū vuṭṭhāpenti	45
Tiguṇā	367	There āgamma uppannāni	412
Tiṇapādukā	368	Thero	108
Tiṇasanthāro	42	[Da]	
Tiṇukkūpamā	139	Dakkhā	173, 384
Tittirapattikā	367	Dajjāham	351
Tibbānaṃ	135	Dajjeyyātha	378
Tiyojanaparamaṃ	327	Daṇḍakathālakam	408
Tiracchānakathaṃ	153	Daṇḍapāṇissa	168
Tiriyam taraṇāya	74	Dantakāsāvāni	408
Tilakakkena attho	374	Dantamayaṃ	373
Te idha bhikkhū	349	Dantaṃ	370
Tejasā tejam	126, 253	Dvatticchadanassa pariyāyaṃ	50

Padānukkamo	Piṭṭhaṅko
[Da]	
Dvattipattapūre paṭiggahetvā	87
Damakā	375
Dasadhammavidū	254
Dasabhicu peto	254
Dasavāso	254
Daḷhīkammakaraṇamattena	391
Daḷhīkammaṃ	410
Dātabbaṃ maññeyyāsi	379
Dārakassa bāhuraṃ ākoṭesi	25
Dāso	282
Dvākārā	244
Dvādasa nahutehi	253
Diguṇā	367
Diguṇaṃ saṅghāṭim	409
Diṭṭhadhammike atthe	365
Diṭṭhigataṃ uppannaṃ	140
Diṭṭhimpī āvikātuṃ	340
Diṭṭhiyā suppaṭividdhā	54
Dinnaṃ	109
Dibbā	248
Divasabhāgo	316
Disāpāmokkho	397
Dīpicchāpo	370
Dukkhakkhandhassa	235
Dukkhānaṃ	135
Duccoḷā	190
Duṭṭhagahaṇiko	374
Duṭṭhullā nāma āpatti	19, 134
Dutiyaṃ dātuṃ	316
Duppaṇṇo	271

Padānukkamo	Piṭṭhaṅko
[Da]	
Dupparihāraṃ satthaṃ	375
Dubbaṇṇakaraṇaṃ ādāttabbaṃ	131
Dubbalacīvarapaccāsāya	208
Dubbalyā	189
Duropayo vaṇo	375
Dussapallatthikāya	164
Dūteyyakammesu alaṃ	436
Dūsesuṃ	72
Devatābhāsito	8
Devasikaṃ	317
Devāṃ	240
Dve ekānussāvane	315
Dve tayo -pa- upajjhāyena	315
Dve tayo bhaṇḍike	195
Dve dhammā paccāsīsītābā	59
Dve magge adhiṭṭhahitvā	51
Dvevācikā	242
Dosāgatiṃ gacchati	402
Dosārito	429
[Dha]	
Dhajābandho	279
Dhaññaphalarasaṃ	383
Dhammacakkhuṃ	252, 254
Dhammato vivecetum	272
Dhammapurekkhārāya	204
Dhammapurekkhāro	6
Dhammassa ca anudhammaṃ	
byākaronti	378
Dhammā	236
Dhammikānaṃ	149
Dhammiyā kathāya	86, 401

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhammiṃ kathaṃ katvā	132, 387	Nandivisālo nāma	4
Dhammūpasañhito	8	Nadīpārasīmaṃ	328
Dhammena	177	Nadīpāraṃ	327, 411
Dhammena vaggam	338	Na nissayo dātabbo	271
Dhāretha	197	Na paccessaṃ	393
Dhuvapaññatte	203	Na bahukatā	70
Dhuvasetu vā	328	Na Bhagavantaṃ sītaṃ ahosi	409
Dhuraṃ nikkhattamate	134, 211	Na bhesajjena karaṇīyena	124
Dhuraṃ nikkhipitvā	213	Nayamānānaṃ	257
Dhovanamattena	391	Na yāvadattho	78
[Na]		Navakammikaṃ	173
Na akāmā dātabbā	347	Nava paṭhamāpattikā	189
Na añño koci paccayo hoti	122	Navam̐ pana bhikkhunā cīvara- lābhena	131
Na adhimattaṃ pemaṃ hoti	263	Na sammā vattanti	263
Na uppathena	171	Na sambhāvesi	121
Na upasampādetabbaṃ	270	Na sāmisenā hatthena	167
Nakhena bhesajjaṃ olumpetvā	399	Na suppvattīni	272
Na kho idaṃ orakaṃ bhavissati	83	Na suvinicchitāni	272
Na kho metaṃ patirūpaṃ	25	Na suvibhattāni	272
Nagaranigamasīmāsu	333	Na susānaṃ gantabbaṃ	262
Na ca acchinne theve pakkamitabbaṃ	262	Naḷamayaṃ	373
Na ca bhikkhave saddhādeyyaṃ	410	Nākāmā bhāgaṃ dātuṃ	402
Naccaṃ	201	Nāgassa nāgena	434
Nacchādenti	372	Nāgaṃ	370
Naṭakā	207	Nānādisā nānājanapadā	248
Naṭā	207	Nānāverajjake	79
Nattamālaṃ	372	Nābhimaṇḍalaṃ	
Na tibbacchando hoti	274	jāṇumaṇḍalaṃ	161
		Nābhivitaranti	347
		Nāsetu	140

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nikaṇṇikaṃ	202	Pakāsituṃ	243
Nikāmayamāno	366	Pakkhasaṅkantā vā	186
Nicchāresi	399	Pakkhahato	313
Nippatitvā	48	Paguṇo	436
Nippātesi	137	Paggahāraho	435
Nibbaṭṭabījaṃ	375	Paccagge	242
Nibbiṭṭharājabhaṭo	200	Paccantimaṃ	379
Nibbuto	245	Paccattharaṇaṃ	42
Nimittakatena	392	Paccatthike	143
Nimittā kittetabbā	330	Paccabyatthapadamasokaṃ	256
Nimittaṃ	153, 347	Pajjaṃ abhisāṅkharituṃ	374
Niyyādetabbo	57	Pañcāhikaṃ	206
Nilīno	169	Paññāsāya ca rattim gacchati	396
Nivāretabbo	259	Paññattaṃ hoti	16
Nivesanadvāre	16	Paṭalika	369
Nisadaṃ nisadapotakaṃ	372	Paṭākaṃ parihareyyuṃ	379
Nissaggiyena	109, 392	Paṭāṇi dinnā hoti	49
Nissayakaraṇīyo	314	Paṭikacceva	340
Nissayaṃ alabhamānena	314	Paṭikkamanepi	121
Nissāraṇīyaṃ	181	Paṭikkamaṇaṃ	87
Nisīdanaṃ	155	Paṭikā	369
Nīlakavaddhikā	367	Paṭikkosituṃ	340
Nīlā	378	Paṭiccakammaṃ	379
Nekkhammaṃ adhimuttassa	366	Paṭiccasamuppādaṃ	235
Nesādaṇṭi	5	Paṭicchādanīyena	374
[Pa]		Paṭijānitvā avajānāti	1
Pakatassa	428	Paṭinissajjitā	429
Pakatipaṭiyattaṃ	76	Paṭipattisaddhammo	144
Pakkanto	267	Paṭipadāya	246
Pakkamaṇantikā	393	Paṭibaddhacittā	174

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭibalo	56	Patirūpe gāmake	416
Paṭibāheyya	207	Pattuṇṇaṃ	385
Paṭibhānacittaṃ	71	Pathāvino	126
Paṭibhāneyyakā	374	Patthinnaṃ	408
Paṭibhaṃsu	243	Padakkhiṇā	396
Paṭimukkassa	168	Padarasañcittaṃ hoti	49
Paṭiyālokaṃ	137	Padaso dhammaṃ vāceyya	7
Paṭivissake	88	Padīpepi	130
Paṭivekkhi	376	Padaṃ	7, 254
Paṭivaṭṭesi	378	Padhānapahittaṃ	
Paṭisatena ca rattiṃ gacchati	396	upaṭṭhahimsu	245
Paṭisallānasārappaṃ	255	Padhūpento nisīdi	137
Paṭisotagāmiṃ	243	Padhānavibbhanto	246
Paṭhamāpattikaṃ	181	Pana	131
Paṭhamābhisambuddho	234	Papatake pabbate	370
Paṭṭho	71	Pabbatamatthake	326
Paṇḍakā	273	Pabbavāto hoti	374
Paṇḍitā	173	Pamukho	252
Paṇḍito	245	Pamuñcantu saddhaṃ	244
Paṇḍupalāso	316	Paralokavajjabhaya-	
Paṇḍumattikāya	407	dassāvino	244
Paṇṇacchattaṃ	167	Parikathākatena	392
Paṇāmetabbo	263	Parikkhayaṃ agamāsi	86
Paṇītabhojanāni	106	Parikkhāro	263
Pattapariyāpannaṃ		Parittaṃ	215
paṭiggahetabbaṃ	259	Parittaṃ pātheyyaṃ pādāsi	398
Pattasaññī	164	Paridassī	371
Pattasannicayaṃ kareyya	190	Paripātesī	130
Pattā lujjanti	410	Paripucchā	263
Patimānenti	174	Paripucchāya	274
Patimānetha	241	Paripucchaṃ dento	66

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paripuṇṇavāsativasso	135	Pavivekādhimutto	366
Paribāhirā bhavissāma	362	Pasatena	398
Paribbājakasamāpanno	121	Passato	240
Paribhavena	189	Pasannā	126
Paribhaṇḍakaraṇamattena	392	Pasaveyyāsi	25
Paribhūtaṃ	5	Pasākhe	218
Parimaṇḍalaṃ	161-2	Pasādanīyaṃ	370
Parimuṭṭhā	433	Pasusaṃvāsaṃ	356
Pariyattisaddhammo	144	Pahārasamuccitā	148
Pariyādiyeyyaṃ	253	Pahite gantuṃ	350
Pariyāyena	51, 67	Pahūtaṃ yāguñca	
Pariyuṭṭhito	122	madhugoḷakañca	
Pariyesitvā	221	paṭiyādāpetvā	376
Pariyodātasippā	384	Paheṇakatthāya	86
Parivitakko	242	Pāṭikaṅkhā	5
Pariveṇaṃ undriyati	193	Pāṭaṅkiṃ	369
Parivesanaṃ	121	Pāṭikāya nimujjitvā	364
Parisadūsako	309	Pāṇabhūtesu saṃyamo	240
Parihāyanti	248	Pāṇaharānaṃ	134
Parihīnalābhasakkāro	78	Pātabyatā	26
Palavati	128	Pātite kuse	412
Pallatthikāya	169	Pātimokkhasaṃvarasaṃvuto	53
Pallaṅko	369	Pātubhavanti	236
Palāsanīlaṃ	131	Pāturahosi	243
Palibuddho	126	Pātheyyatthāya	87
Palibuddhaṃ	42	Pātheyyaṃ pariyesituṃ	382
Palibundhenti	45	Pādakaṭhalikā	187
Pavattamaṃsaṃ	376	Pādacchinno	308
Pavāritānaṃ	124	Pādatalesu lomāni	364
Pavārito	88	Pādapiṭṭha	187
		Pādapuñchaṇī	41

Padānukkamo	Piṭṭhaṅko
[Pa]	
Pādānam dhotam	
udakanissekam	347
Pādāpi phalitā	80
Pānīyam paribhojanīyam	344
Pāpaṅkena	393
Pāparogī	309
Pāpasaddā	189
Pāpasilokā	189
Pāmokkho	252
Pāyantim	219
Pārato antam orato	
bhogam	260
Pārivāsikachandadānena	224
Pāliguṇṭhimā	367
Pāvāro	401
Pāveyyakā	387
Pāsādikam	370
Pālibaddham	408
Picunā	398
Piṭṭhakhādānīyam	384
Piṭṭhasaṅghāssa hatthapāsam	
vijahitvā	122
Piṭṭhipāsāṇe	324
Piṭṭhivaṃsam atikkamitvā	123
Piṇḍukkhepakam	166
Pitaram pattheti	151
Piyakamyassa vā	7
Pire	140
Pilotikāya	393
Piḷakā	156

Padānukkamo	Piṭṭhaṅko
[Pa]	
Pukkusajāti	5
Puggalavikalakam	407
Puṭabhedanam	377
Puṇṇapattam	152
Puttacittam upaṭṭhapessati	258
Puthujjanā kāmesu vītarāgā	410
Puthusaddo	433
Puthusilā	316
Pupphāsavo	127
Pubbānupubbakānam	247
Puramhākam	340
Purāṇarājorodhā	197
Purāyam suttanto palujjati	350
Purisantarena	369
Purisayuttana	369
Pūgam	183
Pesuñṇam	6
Potthako	416
Potthanikam	376
Paṃsukūlakato	410
Paṃsukūlena	393
[Pha]	
Phaggavam	372
Phaṇahatthako	308
Phalakapīṭham	41
Phalāsavo	127
Phārusakapānam	383
Phāsuvihāro	362
Phāsu hoti	314

Padānukkamo	Piṭṭhaṅko	Padānukkamo	Piṭṭhaṅko
[Ba]		[Bha]	
Badaramissena	84	Bhaggā	130
Badarā paṭiyattā	84	Bhaṅgodakaṁ	373
Bandhanamattena	391	Bhaṇḍanaĵātānaṁ	6
Bandhanā pavutto	316	Bhaṇḍanaṁ	6
Badhiro	313	Bhattagge	173
Balaggaṁ	126	Bhattavissaggaṁ	121, 198
Bahisīmagatassa	393	Bhattācchādakena	372
Bahukārā	245	Bhattiyagharaṁ	124
Bahussuto	54, 285	Bhaddavaggiyā	252
Bāhantaṁ	408-9	Bhaddavatikā	126
Bāhirakaṁ anattasamhitāṁ	215	Bhayadassāvī	54
Bāhulliko	246	Bhayāgatiṁ gacchati	402
Bīĵāĵātāni	27	Bhavanetti samūhatā	378
Bundikābaddho	39	Bhavissanti dhammassa	
Buddhacakkhunā	244	aṅṅātāro	243
Buddhabhāsito	8	Bhāĵitābhāĵitaṁ	405
Belatṭhasīso	104	Bhāĵetuṁ	405
Bodhirukkhamūle	234	Bhikkhāpaṅṅattiyā	419
Byattā	173	Bhikkhugatiko	351
Byatto	245, 264	Bhikkhunidūsako	305
Byappatho	2	Bhikkhupesūṅṅe	7
Byākaraṇārahaṁ	436	Bhiyyoso mattāya	364
Byākāsi	257	Bhisi	409
Brahmacariyena abhisapati	204	Bhuttāvī	88
Brahmacariyaṁ ciṇṇena	205	Bhusā	366
Brāhmaṇassa	236	Bhūtagāmapātabyatāya	26
[Bha]		Bhūtagāmo nāma	26, 27
Bhagavantaṁ bhuttāvimaṁ onīta-		Bhūtā	26
pattapāṇimaṁ		Bhūtaṁ Bhagavā	17
ekamantaṁ nisīdi	254		

Padānukkamo	Piṭṭhaṅko	Padānukkamo	Piṭṭhaṅko
[Bha]		[Ma]	
Bhūmattharaṇaṃ	41	Mahāvīrā	257
Bhedādhippāyassa vā	7	Mahāsayanāṃ	369
Bhojanīyaṃ nāma pañca		Mahāsedāṃ	373
bhojanāni	103	Mā ekena dve	248
Bhojjayāgum	376	Māgadhakaṃ	195
[Ma]		Māghāto	376
Maṅkukattukāmo	5	Mātaṅgaraññeva	434
Makkhaṃ	253	Mātikā	393
Mañjukā	384	Mānusā	248
Maṇḍape vā	37, 43	Mānetvā	58
Maṇḍalabaddhaṃ		Mā Bhagavantaṃ sītaṃ	240
salākabaddhaṃ	167	Mā majjhe bhaṅgo	260
Maṇḍalaṃ	408	Māyyo	180
Mantaṇāsu	435	Māsagatā	349
Mantentaṃ	149	Migadāyo	130
Manthena ca		Mucalindamūlā	240
madhupiṇḍikāya ca	241	Muṭṭhassatī asampajānā	10
Mandāmukhiyo	253	Muttaharītakaṃ	374
Madhvāsavo	127	Muddā	5
Madhukapānaṃ	383	Mudindriyā	244
Manasānupekkhitā	54	Muddikapānaṃ	383
Manāṃ guḷho	331	Muddhāvasittassa	151
Manussarāhasseyyakāṃ	255	Munino	67
Mariyādabaddhaṃ	408	Mūgasūkarā	317
Masārako	39	Mūgo	313
Mahatthiko	435	Mūlabījaṃ	27
Mahājanikena	193	Meṇḍavisāṇavaddhikā	367
Mahājāniyo	245	Medhagā	434
Mahānāge tiṭṭhamāne	75	Medhāvī	245
Mahānāmo	124		
Mahārajakkhā	244		

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Mokkhādhippāyo	147	Yāvakālikam	105
Mocapānaṁ	383	Yāvajīvikam	105
Monapathesu	67	Yāvatā vaṇippatho	377
Morapiñchaparisisibbitā	367	Yāvadatthacīvaraṁ	388
Mohāgatiṁ gacchati	402	Yāvadattho	77
Maṁ accagamā	16	Yāva dvārakosā	49
Mamsapesūpamā	139	Yāvadeva	146
Mamsasampāke	127	Yugamattaṁ pekkhamāno	163
		Yo dhammā hetuppabhavā	256
[Ya]		[Ra]	
Yatra hi nāma	169, 243, 376, 398, 408	Rakkham yācati	182
Yathādhammaṁ	134	Rajanakolambaṁ	408
Yathādhammo	146, 377	Rajananippakkaṁ	372
Yathāpaññattaṁ		Rajanīyāni	151
paññapetabbaṁ	261	Rajanuḷuṅkaṁ	408
Yathābhirantaṁ	437	Raṇjeti	436
Yathāmittatā	150	Rajjaṁ	364
Yathāsamhaṭaṁ	71	Rathakārajāti	5
Yadaggena	376	Rathatthare	369
Yadā have	236	Rasañjanaṁ	373
Yadidaṁ	243	Rasavatī	350
Yannūnāhaṁ	25, 396	Rāgarattā	243
Yamakanatthukaraṇiṁ	373	Rājakathaṁ	153
Yasojo	379	Rājantarāyo	338
Yācitakūpamā	139	Rājabhaṭo	278
Yācitakena	307	Rājāgāraṁ	212
Yāciyamānena	314	Rājāyatanam	240
Yānagatassa	168	Rittatthaṁ gantum	86
Yānugghātena	369		
Yāmakālikam	105		

Padānukkamo	Piṭṭhaṅko	Padānukkamo	Piṭṭhaṅko
[Ra]		[Va]	
Rukkhaphalūpamā	139	Vanajāti	5
Rukkhamūle	37	Vanaṭṭhamṃ pokkharāṭṭhamṃ	375
[La]		Vambhetukāmo	5
Lakkhaṇāhato	280	Vambhenti	4
Laṅghakā	207	Vayañcassānupassati	366
Lajjitāya	142	Varako	89
Laṭṭhivane	253	Varabhaṇḍamṃ	183
Lahupāvuraṇamṃ	193	Vassaṃ ukkaḍḍhitukāmo	349
Lābhasakkārasilokaṃ	366	Vassikasāṅketamṃ	411
Likhitako	280	Vassikasāṅḍikā	156
Liṅgamṃ	347	Vācā	2
Luvakacamma-parikkhaṭṭā	367	Vāceyya	215
Lekhā	5	Vādakkhitto	1
Loṇasakkharikāya chindituṃ	374	Vādānuvādo	378
Lohituppādako	304	Vāmano	309
[Va]		Vāreyyamṃ	350
Vacanapatho	66	Vāsūpagatassa	162
Vacasā paricitā	54	Vikaṇṇo hoti	410
Vacībhedo	2	Vikatikā	369
Vacīviññatti	2	Vikalake tosetvā	407
Vajo	353	Vikāle	98
Vaṭtharo	108	Vikāsikaṃ	374
Vaḍḍhamamsamṃ	374	Vikūjamānā	10
Vaṇṇāvaṇṇamṃ katvā	405	Vigatavalāhakaṃ	240
Vattanti	57	Vicchikāṅḍikā	367
Vatthikammaṃ	375	Vijanavātamṃ	255
Vadhāya onīyanti	305	Vijitasāṅgāmo	244
		Viññatti	209
		Viññāpetvā	191

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Viññunā purisaviggahena	16	Visayha	436
Vitthāyanti	315	Vissaritvā	152
Viddham	240	Vissaro me bhavissati	173
Vidhavā	273	Visaṃvādanapurekkhārassa	2
Vidhūpayam	237	Visāṇamayam	373
Vidhe	154	Visārado	143
Vinayakatham	141	Visikhāya	70
Vinayadharapañcamena	371	Viharati	53
Vinayapariyattiyā vaṇṇam	141	Vihārapacchāyāyam	364
Vinayassa vaṇṇam	141	Vihārassa upacāre	43
Vinayena	177	Vīmaṃsāya	173, 274
Vinayo	427	Vīro	244
Vinassa	140	Vuṭṭhānam na jānāti	271
Vinicchayesu	435	Vuṭṭhitāya parisāya	225
Vinetum na paṭibalo	271	Vūpakāsetabbo	261
Vippakatā	75	Vūpasamissāmi	149
Vippakiriyaṃsu	227	Veṭṭhitasīsassa	169
Vimuttisukhapaṭisaṃvedī	234	Vedhabyāya	257
Vimutte	257	Vebhassiyā	189
Viraddhikovido	436	Velā	234
Vivaṭṭam	408	Vesiyā	273
Vivaṭena	16	Vo	388
Vivādāpannānam	6	Voropeyya	132
Vivādo	6	Vosāṭitakāni	108
Viviccatha	189	[Sa]	
Vivecetabham	261	Sa-uttaracchadam	369
Visaṅketena	73, 75, 137	Sakkaccam	164-5
Vissajjeyyam	253	Sakaṭaparivaṭṭam	379
Vissatṭhena	16	Sakkatvā	58

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Saṅkaram̄ akaṃsu	384	Sattāham̄ sannivatto	
Sakavaṇṇam̄	240	kātabbo	350
Saṅkanto hoti	275	Sati antarāye	210
Sakuntakā	349	Sati karaṇīye	201-2
Saṅketam̄ katvā	2	Santindriyam̄	370
Saṅkhāranirodho	235	Sati paccaye	97
Sakkhissasi pana	398	Sati sammosāya	142
Saggamhi kāyamhi	410	Sattisūlūpamā	139
Saṅgahetabbo	342	Satthakammaṃ	375
Saggā te āraddhā	376	Satthavāho	244
Sagāravā sappatissā	258	Satthusāsanena	177
Saṅgīti	316	Satthusāsanam̄	427
Saguṇam̄ katvā	259	Sandiṭṭhā	70
Saṅghāṭicāro	206	Sandiṭṭho	410
Saṅghātam̄ āpādentā	349	Saddhammaṭṭhitiyā paṭipanno	144
Sacajja tvaṃ devate	25	Sandhāvitam̄	378
Saṅcayāni	257	Sanantano	433
Saṅcicca na sāventi	340	Sannidhikatena	392
Sacīvarāni	412	Sannidhikārakam̄	104
Sace ca mayam̄ jāneyyāma	149	Sampajānamusā bhāsati	2
Sajjukam̄	341	Sapadānam̄	165
Saṅṅattibahulā	209	Samparivattakam̄	
Saṅṅācikena	192-3	samparivattakam̄	262
Saṅṅhapesum̄	246	Sappasirūpamā	139
Santacittassa	366	Sappim̄ pāyevā	399
Santam̄	254	Sappāṇakam̄	133
Santānakam̄	261	Sabbacchannā	11
Sattāhakaraṇīyena	350	Sabbaṅjaho	245
Sattāhakālikam̄	105	Sabbadhi danto	254
Sattāhavaddalikā	239	Sabbanīlikā	367
		Sabbapaṃsukūliko	108

Padānukkamo	Piṭṭhaṅko
[Sa]	
Sabbavidū	245
Sabbasantharim	377
Sabbā bhikkhave nadī asīmā	333
Sabbābhibhū	245
Sabbaṁ hattham	166
Sambādhassa sāmanta	
dvaṅgulā	375
Sambhatto	410
Sabhāgavuttino	258
Sabhāgā āpatti	345
Sambhārasedaṁ	373
Sabhojane	122
Samatittikaṁ	164
Samaggāttha	57
Samajano	433
Samannāgatā	173
Samannāhāranti	364
Samalehi cintito	243
Sammā cittaṁ vimuccati	366
Samādahitvā	130
Samādāya sikkhati	54
Samānasamvāsakaṁ	432
Samānasamvāsakadiṭṭhim	347
Samānasamvāsakā	177
Samārambho	75
Sammukhībhūtena	405, 420
Samuggaho	436
Samuddajātassaresu	333
Samodakaṁ ṭhitāni	244
Sayanagatassa	169
Sayanighare	122

Padānukkamo	Piṭṭhaṅko
[Sa]	
Sayaṁ abhiññāya	245
Saram	377
Sallapeyya vā	202
Salākaṭṭhāniyaṁ	373
Savarabhayaṁ	338
Saha aruṇuggamaṇā	185
Sahadhammiko vādānuvādo	378
Sahasā bhaṇati	3
Sahaseyyaṁ	11
Sahāyā	177
Svākārā	244
Svāgatā	437
Svāgatāni	56
Sāṭakaṁ nikkhipivā	16
Sāditabbā	124
Sādiyissasi	413
Sādhukaṁ	146
Sādhu hoti	378
Sāmanta āvāsā	341
Sāmanto bhikkhu	346
Sāmaṁ gahetvā	374
Sāmike apaloketvā	192
Sāmīcikammaṁ	58
Sāmukkaṁsika	379
Sāmuddaṁ	372
Sārattā	174
Sārato paccāgacchanto	366
Sāradikena ābādhena	372
Sāli	89
Sālūkapānaṁ	383

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sāvakabhāsito	8	Sīsaṃ okampetvā	246
Sāsanassa paṭipattimūlaṃ	144	Sīsaṃ paggahetvā	163
Sāsanassa pariyattimūlaṃ	144	Sīsānulokikā	215
Sāsapakuṭṭena	374	Sīhamaṃsaṃ	376
Sāhāraṃ	378	Sukho viveko	240
Sāḷho	173	Sucimaṃsūpasecano	170
Siṅghāṭakabaddham	408	Sutadhammassa	240
Siṅgīnikkhasavaṇṇo	254	Sutadharo	54
Siñceyya vā siñcāpeyya vā	51	Sutasannicayo	54
Sitthāvakarakaṃ	166	Suttalūkhaṃ kātum	410
Sinnaṃ hoti	260	Sunakhamāsaṃ	376
Sinehetha	400	Suppaṭicchannena	162
Sibbinim vināmetvā	399	Suppatiṭṭhe cetiye	253
Sivikaṃ	369	Suppavattīni	56
Siveyyakaṃ	400	Supinakūpamā	139
Sītavātaduddinī	239	Surā	127
Sītālukā	409	Suviññāpayā	244
Sītāloḷim	374	Suvinicchitāni	56
Sītibhūto	245	Suvibhattāni	56
Sītudakā	408	Susaṃvuto	162
Sīpadī	309	Sūpasampāke	127
Sīmantarikaṃ ṭhapetvā	337	Seṇim	183
Sīmaṃ sammannati	135	Senābyūham	126
Sīmāya sīmaṃ ajjhottharanti	337	Senāsaṇaṃ paññapesi	371
Sīmāya sīmaṃ sambhindanti	337	Senesitāni	372
Silabbataparāmāsaṃ	366	Seyyathāpi purāṇā-	
Silavā	53	sikoṭṭho	155
Sīsaghaṭṭāya	48	Seyyā	11
Sīsacchaviṃ uppāṭetvā	399	Selamaye patte	242

Padānukkamo	Piṭṭhaṅko	Padānukkamo	Piṭṭhaṅko
[Sa]		[Ha]	
Sele yathā	244	Hatthaggaṇaṇaṁ	177
Sokajjhāyikā	207	Hatthatthara-assattharā	369
Sokanudaṁ	410	Hatthanillehakaṁ	167
Sokāvāsāṁ	223	Hatthaniddhunaṁ	166
Sotañjanaṁ	373	Hatthaparāmāsaṁ	432
So deso sammajjitvā	344	Hatthapāse ṭhito	88, 92
Sovaggikaṁ	410	Hatthavilaṅghakena	356
Soso	278	Hatthikaḷabhehi	434
Saṁkasāyissanti	349	Hatthicchāpehi	434
Saṁghakaraṇīyena	351	Hatthināgo	434
Saṁghabhedako	306	Hatthisammaddaṁ	151
Saṁghassa kiccesu	435	Hatthesu piṇḍāya	307
Saṁghassa deti	420	Handa	191
Saṁghikena	192	Haritaṁ	50
Saṁvāsāya	217	Halaṁ	243
Saṁvidahituṁ	408	Hasādhippāyo	128
Saṁvidhāya	72, 74	Hasāpekkho	132
Saṁvibhajitabbaṁ	87	Hiṅguhiṅgujatuhiṅgusipāṭikā	372
Saṁsaṭṭhā	188	Hintālapādukā	368
Saṁsaritaṁ	378	Hiyyopi	76
Saṁsumāragiraṁ	130	Hīḷitaṁ	5
Saṁhaṭo	216	Hupeyyapāvuso	246
Saṁhari	216	Hemantike kāle	37

Pācityādi-aṭṭhakathāya

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ,
Kaṃ = Kambojapotthakaṃ, I = Iṅgalisapotthakaṃ, Ka = kesuci
Marammapotthakesu dissamānapāṭho, Ka-Sī = kesuci Sīhaḷapotthakesu
dissamānapāṭho, Ṭṭha = Aṭṭhakathā.

Pācityādi-aṭṭhakathāya

Nānāpāṭhā

Piṭṭhāṅkā

[A]

Akampiyattā = Anappiyattā akampiyattā ca (Ka)	366
Akāraṇe = Akāraṇena (Syā)	432
Akkocchi maṃ avadhi manti = Akkocchi ayaṃ manti (Ka)	433
Akkhicakkalehi = Akkhicakkhulehi (Sī) Akkhicakkehi (Ka)	310
Agacchamānā = Āgacchamānānaṃ (Sī, Ka)	223
Aggiparijitaṃ = Aggiparicitaṃ (Sī, Syā)	32
Acchādetvā = Acchādāpetvā (Sī)	301
Añchitvā añchitvā = Acchitvā acchitvā (Sī) Acchetvā (Syā)	410
Aññatrāpi dhammā kammaṃ = Aññatrāpi dhammakammaṃ (Sī)	427
Aññataro = Aññatarakoṭṭhāso (Ka)	21
Aññe = Aññā (Sī, Syā)	277
Aññena dāpetabbo = Aññena dāpetabbaṃ (Sī)	261
Aṭṭhitā = Adhiṭṭhitā (Ka)	265
Atikkhattamajjaṃ = Atikhiṇamajjaṃ (Ka)	127
Atipakkhattamajjānīti = Atikkhattamajjānīti (Ka)	373
Atiharitvā = Abhiharitvā (Ka)	45
Attacattutthena = Atthacattutthena attapañcamena vā (Ka)	
Attacattutthena vā attapañcamena vā (Syā)	348
Attanāva dātabbo = Attanāva dātabbaṃ (Sī)	261
Attanā vā = Attanāva (sabbattha)	432

Nānāpāṭhā

Piṭṭhāṅkā

[A]

Atha etaṃ = Apica taṃ (Sī) Atha ca taṃ (Syā)	29
Adinnasenāsanopi = Adinnasenāsanepi (Ka)	46
Aduṭṭhullo = Aduṭṭhullāni (Ka)	20
Adhammiyāyamāneti = Adhammiyamāneti (Bahūsu)	432
Adhammoti = Dhammoti (Sī)	170
Antaradhāyatipīti = Antarāpidhāyatipīti (Sī)	68
Antevāsikena = Antevāsike (Sī, Syā)	146
Anto = Antopi (Syā, Ka)	255
Anto okāso natthi = Anto okāse asati (Sī, Syā)	325
Andubandhanaṃ vā = Addubandhanaṃ vā (Ka)	279
Anatikkhattamajjeyeva = Anatikhiṇamajjeyeva (Ka)	127
Anantare gāme = Anantaragāme (Sī)	72
Aniggataratanake = Anībhataratanake (Sī, Syā)	151
Aniggataṃ = Anībhataṃ (Sī, Syā)	151
Animantitacatutthaṃ = Animantitacatukkaṃ (Ka)	81
Anuggaṇhantassa = Anuggaṇhantasseva (Sī, Syā)	161
Anulomapaccayākāra = Anulomapaṭilomapaccayākāra (Ka)	236
Anuññātaṃ = Anuññuttaṃ (Syā)	436
Anuviccakāranti = Anuvijjakāranti (Ka)	378
Anokāsā = Anokāso (Sī, Syā)	225
Aparo nayo = Aparo pana (Syā, Ka)	3
Appamattakepi = Appamattakenapi (Ka)	367
Appā = Appaṃ (Sī)	20
Abyāpajjanti = Abyāpajjanti (Sī, Syā)	240
Abrahmacāriṃ = Abrahmacāraṃ (Ka)	297
Abhigantuṃ = Abhikkantuṃ (Ka)	255
Abhinisīdanamatte abhinipajjanamatte = Abhinisīdanamattena Abhinipajjanamattena (Ka)	46
Abhimukho = Abhimukhaṃ (Ka)	125
Amūlavalli = Ambilavalli (Syā, Ka)	27

Nānāpāṭhā

Piṭṭhaṅkā

[A]

Amūlikā = Amūlakā (Ka)	30
Araññato = Aññato (Sī, Syā)	199
Arisabhagandaramadhumeḥādīnaṃ = Bhagandarapameḥādīnaṃ (Sī)	156
Avajānāpeti = Avajjhāpeti (?)	37
Avajānāpentī = Avajjhāpentī (?)	36
Avasese kathinānisarṃse balavavatthāni = Avasesakathināni- saṃsavatthāni (Syā)	391
Avijjāya tu eva = Avijjāya eva tu (Sī, Ka)	235
Avidūraṃ gato = Avidūrato (Sī)	352
Avirahitassa = Avijahitassa (Sī)	67
Ahuvuñcāti = Ahuvanti cāti (sabbattha) Ahuvatthuñcāti (Yojanā)	26

[Ā]

Āgatāgato = Āgatāgate (Ka)	293
Āgantukapaṭṭaṃ = Āgantukapattaṃ (Sī) Āgantukapaṭaṃ (Syā)	80
Āṇīpi = Āṇīhi (Ka)	48
Āṭhapetvā = Āvāpetvā (Sī) Āṭhapetvā (Syā, Ka)	280
Āpajjati = Āpajjitā hoti (Sī) Āpatti hoti (Ka)	437
Āmisakiñcikkhasampadānādīnā = Āmisakiñjakkha- sampadānādīnā (Syā, Ka)	273
Āmeḍitaṃ = Āmeḍitaṃ (Sī)	431
Ārāpathe ārāpathe = Ārapathe ārapatheti (Sī)	71
Āvajjitvā = Āvijjhitvā (Syā, Ka)	89
Āvaṭṭasīso vā = Āvattasīso vā (Sī)	310
Āviñchitvā = Āvijjhitvā (Syā) Avicchinditvā (Ka)	133
Āhañchaṃ = Āhaññim (Syā, Ka)	246

[I]

Iṭṭhakakapālādīsupi = Iṭṭhakapāsāṇādīsupi (Syā, Ka)	24
Indriyaparopariyattañāṇena = Indriyaparopariyattiñāṇena (Syā, Ka)	244

Nānāpāṭhā

Piṭṭhānkā

[U]

Uccāraṇamattaṃ = Ussaraṇamattaṃ (Sī)	109
Uṭṭhāpetvā = Uṭṭhāpetvāva (Syā, Ka)	42
Udakakoṭṭhakanti udakakoṭṭhe = Udakoṭṭhakanti udakakoṭṭhakam (Syā)	373
Udare baddho = Udarekabaddho (Ka)	170
Udositanti = Uddositanti (Sī, Syā)	180
Uddharantānaṃ = Uddhārentānaṃ (Sī)	3
Undriyatīti = Udriyatīti (Sī) Uddariyatīti (Syā)	193
Upayamāma = Uparamāma (Syā) Upayamāma nassāma (Sī)	433
Upasampadamālakato = Upasampadamālato (Syā, Ka)	316
Uppilavati = Uplavati (Ka)	111
Ubbaddhapiṇḍiko = Upaddhapiṇḍiko (Ka)	312
Ubbhaṇḍiketī = Ubbhaṇḍikatetī (Syā)	409
Ubhatobyañjanakānaṃ = Ubhatobyañjanakādīnaṃ (Sī)	138
Umāpupphavaṇṇā = Ummāpupphavaṇṇā (Sī, Ka) Ummārapupphavaṇṇā (Syā, Ka)	367
Ummaddane = Ubbatṭane (Sī)	227
Ummaddāpetī = Ubbatṭāpetī (Sī)	227
Ussāritāpi = Ussāditāpi (Sī)	328
Ussūre = Ussūrena (Ka)	84

[E]

Ekato upasampannāyāti = Ekato upasampannanti (Pāliyaṃ)	57
Ekadivasaṃ jātaṃ = Ekadivase jātaṃ (Sī, Syā)	286
Ekahatthapuṭena = Ekahatthapūrena (Sī)	398
Ekā mātikā = Paṭhamā mātikā (Syā)	417
Ettha pavattinti = Etamatthanti (Sī, Syā)	181
Evamidhāpi = Evamidhāpi taṃ (Syā) Evamidhāpīti (Ka)	15
Evametaṃ dhārayāmīti = Dhārayāmīti (Syā)	338
Evam bhecchati = Evam mā bhijja (Sī) Evam bhijjati (Syā, Ka)	170

Nānāpāṭhā

Piṭṭhaṅkā

[O]

Okiriyantīti = Okirayatīti (Sī, Ka)	410
Okkamitvā = Ukkamitvā (Sī, Syā)	320
Orodhā = Orodho (Sī, Syā)	197
Orohati = Gacchati (Sī, Syā)	421
Ovadanamūlakam = Garudhammamūlakam (Ka)	69
Ovaddheyyakaraṇamattenāti = Ovaṭṭeyyakaraṇamattenāti (Sī, Syā)	392

[Ka]

Kaṭukaphalādivaṭamsake = Kamukaphalādivaṭamsake (Sī)	
Kaṭukaphalādivaṭamsakam (Syā)	165
Kaṇḍambamūle = Gaṇḍambamūle (Sī) Gaṇḍambarukhamūle (Syā)	288
Kaṇṇakampi = Kaṇṇikampi (Ka)	30
Kaṇṇakam = Kaṇṇikā (Sī, Syā) Kaṇṇikam (Ka)	115
Kaṇṇāviddhe = Kaṇṇābaddhe (Ka) Kaṇṇabundhe (Syā)	308
Katimī = Katamī (Sī, Syā)	341
Kato na puna = Kato pana (?)	374
Kato hotīti = Ṭhito hoti (Vi 2. 67 piṭṭhe)	39
Kathalāti = Kaṭhalāti (Sī)	21
Kathinubbhāram = Kathinubbhārāya (Sī)	393
Kanda = Kunda (Ka)	27
Kappāsādibhedo = Kappāsikapāvāro (Syā)	401
Kapimiddhavaseneva = Kapiniddāvaseneva (Sī)	304
Kapotapādasamavaṇṇarattobhāsā = Kapotapādasamavaṇṇā rattobhāsā (?)	126
Kamaṇḍaluto = Kamaṇḍalunā (Sī)	256
Kammiyāti = Kammikāti (Sī, Syā)	137
Karaṇīyānīti = Kimkaraṇīyānīti (sabbattha)	274
Karīyanti = Karissanti (Ka)	420
Kāyakammaṃ = Kāyakammaṃ vacīkammaṃ (Sī, Syā)	120, 196
Kāyapaṭibaddhena vā = Kāye vā kāyapaṭibaddhe vā (Ka)	109

Nānāpāṭhā

Piṭṭhāṅkā

[Ka]

Kāravindakadaṇḍādayo = Aravindakadaṇḍādayo (Sī, Syā)	101
Kissevaṃ = Kissevamasāruppaṃ (Sī)	34
Kucchipaviṭṭhasattā = Kucchimpaviṭṭhasattā (Sī, Syā, Ka)	219
Kudālaṃ vā = Kuddālaṃ vā (Sī, Syā)	33
Kuraraghareti = Kururaghareti (Ka)	370
Kūṭakūṭasīso = Kūṭasīso (Sī) Kūṭakūṭakasīso (Syā, Ka)	310
Keḷihasādhippāyatā = Keḷihassādhippāyatā (Sī)	6
Koṭṭakabandhanena = Koṭṭhakabandhanena (Sī, Syā)	335
Koṭṭhalikāya = Kotthalikāya (Sī) Kotthaliyā (Vi 1. 287 piṭṭhe)	15
Kodhenāti = Kopenāti (Sī, Syā)	189
Kodhaṃ = Kopaṃ (Sī)	253
Ko pitāti = Ko te pitāti (Sī)	396

[Kha]

Khallakabaddhāti = Khallakabandhāti (Ka)	367
Khārakamūlaṃ = Vārakamūlaṃ (Sī, Syā)	99
Khīravallikando = Vallikando (Sī, Syā)	100

[Ga]

Gaṇṭhipi na kātabbo = Gaṇṭhimpi kātuṃ na vaṭṭati (Sī, Syā)	31
Gaṇhantopi = Bhaṇantopi (Ka)	9
Gabbhinim = Sagabbham (Syā, Ka)	247
Gambhīraṃ vitthataṃ = Gambhīravitthataṃ (Sī, Syā)	378
Gaḷanti = Gaḷati (Sī, Syā, Ka)	410
Gaṇaṅgaṇūpāhanāti = Gaṇaṅgaṇūpāhanāti (Ka)	367
Gulḷhamagga = Gūḷha-ummagga (Sī)	9

[Gha]

Ghaṇṭim = Gaṇḍim (Sī, Syā) Ghaṇḍim (Ka)	274
---	-----

Nānāpāṭhā

Piṭṭhaṅkā

[Ca]

Caccumūlaṃ = Cuccumūlaṃ (Sī) Puccumūlaṃ (Syā)	99
Cāpalasuṇo = Cāvalasuṇo (Sī)	195
Cāresunti = Vāresunti (Sī) Harimsūti (Syā)	4
Cimilikāyo = Cilimikāyo (Sī)	391
Cimilikāṃ vāti-ādīsu = Cilimikāṃ vāti-ādīsu (Sī) evamuparipi.	41
Cīvarabhājanakaṅgesu = Cīvarabhājakesu (Ka)	405
Corehi vā = Thenehi vā (Sī, Syā)	328

[Cha]

Chattapādukāya = Chattāṃ pādukāya (Sī)	168
Chādanaṃ = Chāditaṃ (Ka)	51
Chādetuṃ = Chādāpetuṃ (Sī, Syā)	51

[Ja]

Jatumaṭṭhakeṭi = Jatumaṭṭakeṭi (Sī)	197
Jattumpi = Jāṇumpi (Syā, Ka)	162
Jātidāso = Jātiyā dāso (Syā)	282
Janettiyo = Janenti (?)	393

[Tha]

Ṭhitāni = Tiṭṭhanti (Syā, Ka)	244
Ṭhitānīti = Tiṭṭhantīti (Syā)	244
Ṭhite = Ṭhito (Sī)	240

[Ta]

Takkamhi = Tattakamhi (Sī, Syā)	213
Taṇḍulodakamaṇḍo = Taṇḍulakamandā (Syā) Taṇḍulodakamatto (Ka)	374
Tapusso = Tapassu (Sī)	241
Tasmā = Tassā (Sī) Tassa (Syā)	60

Nānāpāṭhā

Piṭṭhānkā

[Ta]

Tasmimpi = Tampi (Sī, Syā)	116
Tādisā ācārāti = Tādiso ācāroti (Syā) Tādisa-ācārāti (?)	189
Tādisaṃ = Tāsaṃ (Syā, Ka)	56
Tāvatakaṃ = Tāvattakaṃ (Syā)	356
Tiracchānakathanti = Tiracchānakathāya (Pāḷiyāṃ)	53
Tivedananti = Dvivedananti (Sī, Syā)	197
Tena samayena nandivisaḷo nāma hoti = Tena samayena hoti (Sī, Syā, Sārattha)	4
() = Taṃ kissa hetu (sabbattha) Pāḷiyāṃ natthi.	112

[Tha]

Thaddhaṃ = Baddhaṃ (Ka)	408
Therā bhikkhū = There bhikkhū (Sī, Syā)	45

[Da]

Dinno thevo = Dinne theve (Ka)	408
Dinnaṃ = Dinne (Syā, Ka)	132
Disā = Desā (Sī, Syā)	170
Dīghasibbitamattena = Dīghasibbaniṃ sibbitamattena (Sī)	391
Dukkara-iriyāya = Dukkara-carīyāya (Syā, Ka)	246
Dukkhavedananti = Tivedananti (Sī)	70
Duṭṭhu = Duṭṭhaṃ (Syā) Dukkaṭaṃ (Ka)	296
Dupaṭṭacīvarassa = Tipaṭṭacīvarassa (Ka) Dvipaṭṭacīvarassa (Syā)	416
Demīti = Dehīti (Sī)	40

[Dha]

Dhammasāvanatthāya = Dhammasavanatthāya (Sī, Syā, Ka)	54
Dhātā = Dhatā (Sī, Syā)	54
Dhotasiniddho = Thokaṃ siniddho (Syā)	374
Dhovitvā = Vāmetvā (Sī) Vametvā (Syā)	416

Nānāpāṭhā

Piṭṭhaṅkā

[Na]

Nadīpūro pana āgato = Nadīpūrā puna āgatā (Ka)	211
Na napakkāmīti = Na pakkāmīti (Ka)	238
Na nasayatīti = Na sayatīti (Ka)	238
Na bhijjati = Na bhindati (Ka)	422
Na labbhati = Na labhati (Sī) Na labhanti (Syā, Ka)	64
Na lesakappiyam = Na lesakappam (Sī)	80
Na vaṭṭanti = Na vaṭṭati (Sī, Syā)	37
Na hoti = Hoti (Ka)	345
Nānāsaṅṭhānā = Nānāsaṅṭhānā vā (Syā, Ka)	322
Niggatanti = Nībhatanti (Sī, Syā)	151
Nicchayagamanameva = Vinicchayagamanameva (Ka)	254
Nibbakosabbhantare = Nimbakosabbhantare (Sī)	13
Nibbaṭṭabījanti = Nibbattabījanti (Ka)	375
Nibbaṭṭetvā = Nibbattetvā (Ka)	375
Nibbattattā = Nibbattattā ca (Syā)	245
Nibbodaka = Nimbodaka (Sī)	325
Nivatthaṭṭhāne = Ṭhāne (Sī, Syā)	161
Nīlipattañca = Nillipattañca (Sī) Nilipattañca (Syā)	407

[Pa]

Pakkamimsūti = Vipakkamimsūti (Syā)	207
Pakkhipiyamānam = Pakkhippamānam (Sī)	165
Paccabyattha = Pabbabyathā (Sī, Syā)	256
Paññāyatha = Maññatha (Ka)	293
Paṭapoṭalikaṃ = Paṭapoṭṭalikaṃ (Sī, Syā)	369
Paṭiggāhetabbo = Paṭiggāhāpetabbāni (Sī)	250
Paṭipakkhanayena = Paṭikkhepena (Syā)	96
Paṭṭhoti = Paṭṭūti (Sī)	71
Paṅho vā = Saṅghāṭo vā (Sī) Saṅdo vā (Syā)	312

Nānāpāṭhā

Piṭṭhaṅkā

[Pa]

Pathavī = Paṭhavī (Sī, Syā)	20
Padumaṃ = Padmaṃ (Ka)	68
Pamussitvā = Sammussitvā (Sī)	152
Payogabhede = Payogabhedena (Ka)	64
Parikathāya = Kathāya (Sī)	78
Parijitaṃ = Paricitaṃ (Sī, Syā)	32
Pariveṇaṃ = Sabbaṃ (Sī)	259
Pavisāmi = Pavisissāmi (Ka)	293
Passissanti = Na passanti (Syā, Ka)	243
Pahēṇakatthāyāti = Pahiṇakatthāyāti (Ka)	86
Pākavaṭṭaṃ = Pākavattaṃ (Ka)	419
Pāṭalīcampakamallikā = Pāṭalīkamallikā (Syā, Ka)	119
Pātimokkhuḍdesake uddisante = Pātimokkhuḍdesakena (Ka)	146
Pādappahārehi = Vātappahārehi (Ka)	57
Pāpuṇāti = Na pāpuṇāti (Sī)	418
Pāveyyakāti pāveyyaraṭṭhavāsino. Pāveyyaṃ = Pāṭheyyakāti pāṭheyyaraṭṭhavāsino. Pāṭheyyaṃ (Sī)	387
Pāsāṇaṃ vā = Thambhaṃ vā pāsāṇaṃ vā (Sī)	23
Piṇḍi = Piṇḍī (Sī)	260
Pīṭṭisīnaṃ = Pīṭṭisīnaṃ (Ka)	290
Pireti = Pareti (Sī)	140
Pivituṃ vā = Pivituṃ vā nahāyituṃ vā (Syā)	336
Pisuṇavācaṃ = Pisuṇabhāvaṃ (Ka)	6
Puṭṭabaddhaṃ = Puṭṭabhattaṃ (Ka)	387
Puttanattabhātukā = Puttabhātukā (Sī) Puttabhātunattādayo (Syā)	278
Pupphādīhi = Pubbādīhi (Ka)	312
Pupphāni = Pupphānaṃ (Sī)	102
Pupphi-atthāya = Khubbi-atthāya (Sī, Syā)	90
Pubbapayogesu = Sabbapayogesu (Syā, Ka)	213

Nānāpāṭhā

Piṭṭhaṅkā

[Pa]

Purāṇarājorodhāti = Purāṇarājorodhoti (Sī, Syā)	197
Pūresuṃ = Pāramiṃ pūresuṃ (Sī, Syā) Pāramī pūresuṃ (Ka)	276
Poṭṭalike = Phoṭalake (Ka)	195
Porāṇakagāmaṃ = Porāṇakagāme (Sī)	332

[Pha]

Phalasaṃpattivihāreṇeva = Phalasaṃpattivihāreṇa (Syā)	365
Phalitāti = Phālitāti (Sī, Syā)	80

[Ba]

Balappakāsanena, samutrāsanenāti = Balappakāsanasaṃutrā- sanenāti (Syā)	189
Balībaddassa = Balīvaddassa (Sī, Syā)	4
Bahalaṃ = Bahalo (Ka)	21
Bahutarā sakkharā = Bahutarasakkharā (?)	21
Bahussutā = Bahū sutā (?)	54
Bāhulikatāya = Bāhullikatāya (Syā)	404
Bījakatāni = Bījāni (Sī, Syā)	27
Buddhacakkhunā venayyesatte = Buddhavineyyasatte (Sī, Syā)	68
Buddhābhivādanagāmanena = Buddhābhigāmanena (Syā)	255
Buddhikadaṇḍaka = Buddhikaraṇḍaka (Sī, Syā)	9
Belatṭhasīso = Belatṭhisīso (Sī)	104
Bodhimaṇḍe = Bodhimahāmaṇḍe (Ka)	234
Brāhmaṇassa = Brāhmaṇānaṃ (Ka)	288

[Bha]

Bhagavā viharati = Bhagavāti (Sī, Syā)	241
Bhaṭṭiputtakaṇḍādināṃ = Bhaṭṭiputtakaṇḍādināṃ (Sī) Bhaddiputtaka- gaṇḍādināṃ (Syā)	283
Bhaṇḍikalasūṇameva = Gaṇṭhikalasūṇameva (Ka)	195

Nānāpāṭhā

Piṭṭhānkā

[Bha]

Bhaṇḍiketi = Gaṇṭhiketi (Ka)	195
Bhattuggāro = Bhuttuggāro (Sī, Syā)	119
Bhattaṃ arocikena = Bhattassa anārocakena (Syā)	
Bhattārocakena (Yojanā)	372
Bhikkhunivaggo = Ovādavaggo (Pāliyaṃ)	76
Bhikkhuniṃ = Bhikkhuṃ (Ka)	217
Bhinnaṃ = Chiddaṃ (Sī, Ka)	147
Bhesajjapakkhitaṃ = Bhesajjaṃ pakkhipituṃ (Syā) Bhesajjaṃ	
pakkipantaṃ (Ka)	373
Bhesajjamakkhitā = Bhesajjamakkhikā (Ka)	375

[Ma]

Maṅgulaṭṭhimattaṃ = Maṅkuṇaṭṭhimattaṃ (Sī)	131
Majjhanhiko = Majjhantiko (sabbattha)	98
Mañjittikā mañjittihavaṇṇā = Mañjittikavaṇṇā (Sī)	
Mañjeṭṭhakaṇṇā (Syā)	367
Maṭṭhadaṇḍake = Maṭṭadaṇḍake (Sī)	197
Matimā = Gatimā (Ka)	251
Madhukapānanti = Madhupānanti (Sī)	383
Mallagaṇabhaṭṭiputtagaṇādikaṃ = ...bhattaputtagaṇādikaṃ (Sī)	
...bhaddiputtagaṇādikaṃ (Syā)	183
Mahatī jāni = Mahājāni (Syā, Ka)	245
Mahābodhidvāraḷṭhaka-ambaṅgaṇasadesu = Mahābodhidvāraka-	
ambaṅgaṇasadesu (Sī)	152
Mahāsattanikāyo = Mahāsattakāyo (Sī) Mahājanakāyo (Syā)	255
Mā āgamīti = Mā āgamāti (Sī) Mā āgamitthāti (Ka)	147
Mā tamo tamaparāyaṇo = Mā tamosi, mā tamaparāyano (Syā, Ka)	6
Māribyādhinā = Mārabyādhinā (Syā)	285
Migaluddakādijāti = Migaluddakajāti (Ka)	5
Miñjaṃ = Bījāni (Ka)	33

Nānāpāṭhā

Piṭṭhaṅkā

[Ma]

Muddhiyapattabandhanamattena = Muddhiyapaṭabandhanamattena (Syā)	
	Muddhiyapaṭṭabandhanamattena (Sī) 391
Munitvā = Mutvā (Sī, Ka)	2
Mūsikukkara = Mūsikakukkura (Sī, Syā, Ka)	22
Moggallāno = Moggalāno (Ka)	255

[Ya]

Yathāṭhitova = Ṭhito, so ca (Syā, Ka)	
	Ma-Ṭṭha 2. Pāsarāsisuttavaṇṇanāyaṃ ca 244
Yathā tathā = Tathā tathā (Ka)	389
Yāva mukhadvārā = Yāva mukhadvāraṃ (Ka)	334

[Ra]

Rajanakolambanti = Rajanakoḷumbanti (Sī) Rajanakoḷumpanti (Ka)	408
Rattim = Rattim rattim (Sī, Syā)	396
Rukkhapappaṭikāyapi = Rukkhapapaṭikāyapi (Sī)	30
Rumbhanti = Rujjhanti (Ka)	321
Rūpagaṇanāya = Pūvagaṇanāya (Kaṅkhāvitaraṇiyam)	213

[La]

Lajjīpesalabhāvaṃ = Pesalabhāvaṃ (Ka)	267
Lambitvā = Laggetvā (Sī)	335
Lābutipusakādivappe = Lābutimbarusakādivappe (Sī)	337

[Va]

Vacchakarakkhaṇādīni = Vacchagorakkhaṇādīni (Ka)	301
Vaṭṭo = Vaṭṭo ca (Sī)	100
Vatidaṇḍakesu = Daṇḍakesu (Sī)	115
Vatīyā vā = Tiṇe vā (Sī)	33
Vattapaṭipatti = Vattapaṭivatta (Sī)	256
Vattapaṭipattim = Vattappaṭivattam (Sī)	145
Vaddhe = Baddhe (Ka)	367

Nānāpāṭhā

Piṭṭhāṅkā

[Va]

Vācaṃ = Paṭivācaṃ (Ka)	343
Vónacitro-uṇṇāmayattharaṇo = Vālavicitra-uṇṇāmayattharaṇo (Syā)	369
Vāsikoṇena = Vāsikaṇṇena (Sī)	310
Vitthāro = Vitthāraṃ (Sī, Syā)	54
Vidheti vedhake = Vīṭheti vīṭhake (Sī) Vīṭheti vīṭhake (Syā)	154
Vikkhitvāti = Vikkhipāpetvāti (?)	362
Vinodetuṃ = Vinodetuṃ vā vinodāpetuṃ vā (sabbattha)	266
Vissajjāpetabbaṃ = Vissajjetabbaṃ (Sī)	261
Vissatṭhaniddokkamane = Vissatthaniddokkamane (Sī)	304
Visamacakkalo = Visamacakkhulo (Sī)	310
Viharissatīti = Viharatīti (Sī, Syā)	356
Vuṭṭhānasammuti = Sikkhāsammuti (Sī, Syā)	220
Vuṭṭhitīti = Vuṭṭhātīti (Sī, Ka)	437
Vutta = Vutte (Sī, Syā)	7
Venajātīti = Veṇajātīti (Sī, Syā)	5
Vebhassiyāti = Vebhassāti (Sī, Syā)	189
Veyyattikena = Veyyattiyena (Sī, Syā)	173
Veramaṇisikkhāpadaṃ = Veramaṇisikkhāpadaṃ (Sī, Syā)	220
Veramaṇī = Veramaṇiṃ (Ka)	251

[Sa]

Sagehameva = Sace gehameva (Sī, Ka)	332
Saṅghātanikaṃ = Saṅghātaniyaṃ (Sī, Ka)	275
Sañcayassa = Sañjayassa (Syā)	255
Sañcarati = Sañcaranti (Ka)	33
Sativinayo = Sativinayena (Sī)	429
Santharivā = Pattharivā (Sī)	119
() = Sannidhikiriyanti attho (Syā, Ka)	104

Nānāpāṭhā

Piṭṭhānkā

[Sa]

Sabbaññutappattisamanantameva = Sabbaññutaṃ	
pattasamantameva (Ka)	237
Sabbaparicchannatā = Sabbaparicchannattā (Syā)	14
Sabbapāsaṇḍiyabhattāni = Sabbapāsaṇḍikabhattāni (Ka)	299
Sabbā = Sammā (Ka)	57
Sabbesampi = Sabbampi (Sī)	160
Samārambhoti = Samārambhāti (Syā, Ka)	75
Sammattanti = Sammatanti (Sī, Syā) Samatthanti (Ka)	151
Sammantanāṃ = Samantanāṃ (Ka)	6
Sammantayimsu = Mantayimsu (Sī, Syā)	255
Sayantassāpi = Vasantassapi (Sī, Syā)	11
Sayaṃjātasobbho = Sayaṃjātasombho (Ka)	333
Salākaṭṭhāniyanti = Salākodhāniyanti (Sī, Syā)	373
Savarabhayanti = Sañjarabhayanti (Syā)	338
Sahāyikabhāvena = Sabhāgabhāvena (Sī) Sahāyabhāvena (Syā)	213
Sāmaṇerim̐ = Sāmaṇerādirim̐ (Ka)	198
Sāsane cassa = Na sāsane vāssa (Sī) Na sāsane tassa (Syā)	19
Sippiniyaṃ = Sappiniyaṃ (Sī)	331
Sivathikaṃ = Sivatthikaṃ (Syā, Ka)	400
Sīghaṃ sīghaṃ = Sīghasīghaṃ (Sī)	323
Sītudakāti = Sītuddikāti (Sī)	408
Sīhabyagghacamma-parikkhattampi = ...parikkhattampi (Sī)	39
Suttañca = Yuttañca (Sī)	56
Suddhante = Suddhatte (Sī)	142
Sudhākaṣāḍḍhi = Sudhākaṣāvāḍḍhi (Ka)	328
Suppatiṭṭhitā = Sūpaṭṭhitā (?)	143
Senāsanavaggo = Bhūtagāma-vaggo (Pāḷiyaṃ)	52
Senesitānīti = Senesikānīti (Sī, Syā) Senetikānīti (Yojanā)	372
Sokajjhāyikā = Sokasāyikā (Sī)	207

Nānāpāṭhā

Piṭṭhaṅkā

[Sa]

Sokāvāsanti = Sokavassanti (Sī)	223
So so bhikkhu = So bhikkhu (Sī) So bhikkhusaṅghaṃ (Syā)	261
Samhārimānaṃ = Samhāriyamānānaṃ (Sī)	209
Svāgatāni = Vuttāni (Syā, Ka)	272

[Ha]

Hatthapāde = Aṅgamaṅgesu (Syā)	373
Handa ne = Handa dāni te (Sī, Syā)	287
Hasadhammeti = Hassadhammeti (Sī, Syā)	128
Hīnajātikaṃ = Hīnajātiyā (Syā, Ka)	5
Huṃhuṅkajātikoti = Huhuṅkajātikoti (Sī)	239